

# ॥ तैत्तिरीय संहिता ॥

## ॥ काण्डम् १ ॥

### ॥ प्रथमः प्रश्नः ॥

#### ॥ तैत्तिरीयसंहितायां प्रथमकाण्डे प्रथमः प्रश्नः ॥

इ॒षे त्वो॒र्जे त्वा॑ वा॒यवः॑ स्थोपा॒यवः॑ स्थ दे॒वो वः॑ सवि॒ता  
प्रा॒र्पय॑तु श्रेष्ठ॑तमा॒य क॑र्मण॒ आ प्या॑यध्वम॒ग्नि॒या दे॒वभा॒गमूर्ज॑स्वतीः  
पय॑स्वतीः प्र॒जाव॑तीरनमी॒वा अ॑य॒क्ष्मा मा वः॑ स्तेन॒ ईश॑त॒ मा-  
ऽघ॑श॒सो रु॒द्रस्य॑ हे॒तिः परि॑ वो वृणक्तु ध्रु॒वा अ॒स्मिन्गोप॑तौ स्यात  
ब॒ह्वीर्य॑ज॒मान॑स्य प॒शून्पा॑हि॥ (१)

इ॒षे त्रिच॑त्वारि॒शत्॥ [१]

य॒ज्ञस्य॑ घो॒षद॑सि प्रत्यु॑ष्ट॒ रक्षः॑ प्रत्यु॑ष्टा अ॒रा॒तयः॑  
प्रेय॑म॒गाद्वि॑षणा॒ ब॒र्हि॒रच्छ॑ मनु॒ना कृ॑ता स्व॒धया॑ वि॒त॑ष्टा त  
आ॒व॑हन्ति क॒वयः॑ पु॒रस्ता॑द्दे॒वेभ्यो॑ जुष्ट॑मि॒ह ब॒र्हि॒रा॒सदे॑ दे॒वानां॑  
परि॑षू॒तम॑सि व॒रुष॑वृद्धम॒सि दे॒व॑ब॒र्हिर्मा त्वा॑ऽन्व॒ङ्गा ति॑र्यक्प॒र्व  
ते रा॒ध्या॑समाच्छे॒त्ता ते मा रि॑षं दे॒व॑ब॒र्हिः श॒तव॑ल्शं वि रो॒ह  
स॒हस्र॑वल्शा॒ (२)

वि व॒यं रु॑हेम पृथि॒व्याः स॒म्पृचः॑ पा॒हि सु॒स॒म्भृता॑ त्वा

सम्भ॑राम्यदि॒त्यै रा॒स्नाऽसीन्द्रा॑ण्यै स॒न्नह॑नं पू॒षा ते॑ ग्र॒न्थिं ग्र॑ध्नातु  
स ते॒ माऽऽस्था॑दिन्द्र॒स्य त्वा बा॒हुभ्या॑मुद्यच्छे॒ बृह॑स्पते॒र्मूर्ध्ना  
ह॑राम्युर्वन्तरि॒क्षमन्वि॑हि देव॒ङ्गम॑मसि॥ (३)

स॒हस्र॑वल॒शा अ॒ष्टात्रिं॑शच्च॥ [२]

शु॒न्धध्वं॑ दै॒व्याय॑ कर्म॒णे दे॒वय॑ज्यायै मा॒तरि॒श्वनो॑ घ॒र्मो-  
ऽसि॑ द्यौर॑सि पृ॒थिव्य॑सि वि॒श्वधा॑या अ॒सि पर॑मेण धा॒म्ना  
द॒ह॑स्व॒ मा ह्वा॑र्वसू॒नां प॒वित्र॑मसि श॒तधा॑रं वसू॒नां प॒वित्र॑मसि  
स॒हस्र॑धारं हु॒तः स्तो॒को हु॒तो द्र॒प्सोऽग्न॑यै बृ॒हते॑ नाका॒य स्वाहा॑  
द्यावा॑पृ॒थिवी॑भ्या॒ं सा वि॒श्वायुः॑ सा वि॒श्वव्य॑चाः सा वि॒श्वक॑र्मा  
सम्पृ॑च्यध्वमृ॒तावरी॑रू॒र्मिणी॑र्मधु॒मत्त॑मा म॒न्द्रा धन॑स्य सा॒तये॑ सोमे॒न  
त्वाऽऽत॑न॒न्मीन्द्रा॑य॒ दधि॑ वि॒ष्णो ह॒व्यं र॑क्षस्व॥ (४)

सोमे॒नाष्टौ॑ च॥ [३]

कर्म॒णे वां दे॒वेभ्यः॑ श॒केयं॑ वे॒षाय॑ त्वा प्र॒त्युष्ट॑ रक्षः प्र॒त्युष्टा॑  
अ॒रा॒तयो॑ धू॒रसि॑ धूर्व॒ धूर्वन्तं॑ धूर्व॒ तं योऽस्मान्धूर्व॑ति॒ तं धूर्व॑ यं  
व॒यं धूर्वा॑म॒स्त्वं दे॒वाना॑मसि स॒स्त्रित॑मं प॒प्रित॑मं जुष्ट॒तमं॑ व॒हित॑मं  
दे॒व॒हूत॑म॒महु॑तमसि ह॒विर्धानं॑ द॒ह॑स्व॒ मा ह्वा॑र्मि॒त्रस्य॑ त्वा चक्षु॑षा  
प्रेक्षे॒ मा भे॑र्मा सं वि॒क्था मा॑ त्वा (५)

हि॒सिष॑मुरु॒ वाता॑य दे॒वस्य॑ त्वा स॒वितुः॑ प्र॒सवे॑ऽश्विनो॒र्बाहु॑भ्यां

पूष्णो हस्ताभ्यामग्नये जुष्टं निर्वपाम्यग्नीषोमाभ्यामिदं देवानामिदमु-  
नः सह स्फात्यै त्वा नारात्यै सुवरभि वि ख्येषं वैश्वानरं  
ज्योतिर्द० हन्तान्दुर्या द्यावापृथिव्योरुर्वन्तरिक्षमन्विह्यदित्यास्त्वोपस्थे  
सादयाम्यग्ने हव्य० रक्षस्व॥ (६)

मा त्वा षट्त्वारि० शच्च॥ [४]

देवो वः सवितोत्पुनात्वच्छिद्रेण पुवित्रेण वसोः सूर्यस्य  
रश्मिभिरापो देवीरग्रेपुवो अग्रेगुवोऽग्रं इमं यज्ञं नयताग्रे  
यज्ञपतिं धत्त युष्मानिन्द्रोऽवृणीत वृत्रतूर्ये यूयमिन्द्रमवृणीध्वं  
वृत्रतूर्ये प्रोक्षिताः स्थाग्नये वो जुष्टं प्रोक्षाभ्यामग्नीषोमाभ्या०  
शुन्यध्वं दैव्याय कर्मणे देवयज्याया अवधूत० रक्षोऽवधूता  
अरातयोऽदित्यास्त्वगंसि प्रति त्वा (७)

पृथिवी वैत्त्वधिषवणमसि वानस्पत्यं प्रति त्वा-  
ऽदित्यास्त्वग्वैत्त्वग्नेस्तनूरंसि वाचो विसर्जनं देववीतये त्वा  
गृह्णाम्यद्रिरसि वानस्पत्यः स इदं देवेभ्यो हव्य० सुशमिं  
शमिष्वेषमा वदोर्जमा वद द्युमद्वदत वय० सङ्घातं जैष्म  
वरुषवृद्धमसि प्रति त्वा वरुषवृद्धं वेत्तु परापूत० रक्षः परापूता  
अरातयो रक्षसां भागोऽसि वायुर्वो विविनक्तु देवो वः सविता  
हिरण्यपाणिः प्रति गृह्णातु॥ (८)

त्वा भाग एकादश च॥ [५]

अवधूत॑ रक्षोऽवधूता॑ अरा॑तयोऽदि॒त्यास्त्वग॑सि प्रति॑ त्वा  
 पृथि॒वी वै॑त्तु दि॒वः स्क॑म्भ॒निरे॑सि॒ प्रति॑ त्वाऽदि॒त्यास्त्वग्वै॑त्तु धि॒षणा॑-  
 ऽसि पर्व॑त्या प्रति॑ त्वा दि॒वः स्क॑म्भ॒निर्वै॑त्तु धि॒षणा॑ऽसि पा॒र्वते॑यी  
 प्रति॑ त्वा पर्व॑तिर्वै॒त्तु दे॒वस्य॑ त्वा सवि॑तुः प्र॑सवे॒ऽश्विनो॑र्बा॒हुभ्या॑ पू॒ष्णो  
 हस्ता॑भ्या॒मधि॑वपामि धा॒न्यम॑सि धिनु॑हि दे॒वान्प्रा॑णाय॑ त्वाऽपा॒नाय॑  
 त्वा व्या॒नाय॑ त्वा दी॒र्घाम॑नु प्र॑सि॒तिमायु॑षे धां दे॒वो वः॑ सवि॑ता  
 हिर॑ण्यपाणिः॒ प्रति॑ गृह्णातु॥ (९)

प्रा॒णाय॑ त्वा पञ्च॑दश च॥ [६]

धृष्टि॑रसि॒ ब्रह्म॑ य॒च्छापा॑ऽग्नेऽग्नि॑मा॒माद॑ जहि॒ निष्क्र॑व्याद॑  
 से॒धा दे॒वय॑जं वह् निर्द॑ग्ध॒ रक्षो॑ निर्द॑ग्धा अरा॑तयो ध्रु॒वम॑सि  
 पृथि॒वीं दृ॒हाऽऽयु॑र्दृ॒ह प्र॒जां दृ॒ह स॒जा॒तान॒स्मै यज॑मानाय॒  
 पर्यू॑ह ध॒त्रम॑स्यन्तरि॑क्षं दृ॒ह प्रा॒णं दृ॒हापा॑नं दृ॒ह स॒जा॒तान॒स्मै  
 यज॑मानाय॒ पर्यू॑ह ध॒रुण॑मसि॒ दिवं दृ॒ह चक्षु॑र् (१०)

दृ॒ह श्रो॑त्रं दृ॒ह स॒जा॒तान॒स्मै यज॑मानाय॒ पर्यू॑ह धर्मा॑ऽसि॒  
 दि॒शो दृ॒ह योनि॑ दृ॒ह प्र॒जां दृ॒ह स॒जा॒तान॒स्मै यज॑मानाय॒ पर्यू॑ह  
 चि॒तः स्थ॑ प्र॒जाम॒स्मै र॒यिम॒स्मै स॒जा॒तान॒स्मै यज॑मानाय॒ पर्यू॑ह  
 भृ॒गूणा॑मङ्गि॒रसां॑ तप॑सा तप्य॒ध्वं या॒नि घ॒र्मे क॒पाला॑न्युपचि॒न्वन्ति॑

वेधसः। पूष्णस्तान्यपि व्रत इन्द्रवायू वि मुञ्चताम्॥ (११)

चक्षुरष्टाचत्वारिंशच्च॥ [७]

सं वंपामि समापो अद्विरग्मतु समोषधयो रसेन स॥  
रेवतीर्जगतीभिर्मधुमतीर्मधुमतीभिः सृज्यध्वमद्भ्यः परि प्रजाताः  
स्थ समद्विः पृच्यध्वं जनयत्यै त्वा सं यौम्यग्रये त्वाऽग्नीषोमाभ्यां  
मुखस्य शिरोऽसि घर्मोऽसि विश्वायुरु रुरु प्रथस्वोरु ते यज्ञपतिः  
प्रथतां त्वचं गृह्णीष्वाऽन्तरितुं रक्षोऽन्तरिता अरातयो देवस्त्वा  
सविता श्रपयतु वर्षिष्ठे अधि नाकेऽग्निस्ते तनुवं माऽति धागग्ने  
हव्यं रक्षस्व सं ब्रह्मणा पृच्यस्वैकताय स्वाहा द्विताय स्वाहा  
त्रिताय स्वाहा॥ (१२)

सविता द्वाविंशतिश्च॥ [८]

आदद् इन्द्रस्य बाहुरसि दक्षिणः सहस्रभृष्टिः शततेजा  
वायुरसि तिग्मतेजाः पृथिवि देवयजन्योषध्यास्ते मूलं मा  
हिंसिषमपहतोऽरुरुः पृथिव्यै व्रजं गच्छ गोस्थानं वर्षतु ते  
द्यौर्बधान देव सवितः परमस्यां परावति शतेन पाशैर्योऽस्मान्द्वेष्टि  
यं च वयं द्विष्मस्तमतो मा मौगपहतोऽरुरुः पृथिव्यै देवयजन्यै  
व्रजं (१३)

गच्छ गोस्थानं वर्षतु ते द्यौर्बधान देव सवितः परमस्यां  
परावति शतेन पाशैर्योऽस्मान्द्वेष्टि यं च वयं द्विष्मस्तमतो मा

मौगपंहतोऽरुः पृथिव्या अदेवयजनो व्रजं गच्छ गोस्थानं वर्षतु  
ते द्यौर्बधान देव सवितः परमस्यां परावति शतेन पाशैर्योऽस्मान्द्वेष्टि  
यं च वयं द्विष्मस्तमतो मा (१४)

मौगरुस्ते दिवं मा स्कान् वसंवस्त्वा परिगृह्णन्तु गायत्रेण  
छन्दसा रुद्रास्त्वा परिगृह्णन्तु त्रैष्टुभेन छन्दसाऽऽदित्यास्त्वा  
परिगृह्णन्तु जागतेन छन्दसा देवस्य सवितुः सवे कर्म कृण्वन्ति  
वेधसं ऋतमस्यृतसदनमस्यृतश्रीरसि धा असि स्वधा अस्युर्वी  
चासि वस्वी चासि पुरा क्रूरस्य विसृपो विरप्शित्रुदादाय  
पृथिवीं जीरदानुर्यामैरयं चन्द्रमसि स्वधाभिस्तान्धीरांसो अनुदृश्य  
यजन्ते॥ (१५)

देवयजन्यै व्रजन्तमतो मा विरप्शित्रेकादश च॥—————[१]

प्रत्युष्टं रक्षः प्रत्युष्टा अरांतयोऽग्नेर्वस्तेजिष्ठेन तेजसा  
निष्टपामि गोष्ठं मा निर्मृक्षं वाजिनं त्वा सपत्नसाहं सम्माज्मि  
वाचं प्राणं चक्षुः श्रोत्रं प्रजां योनिं मा निर्मृक्षं वाजिनीं त्वा  
सपत्नसाहीं सम्माज्म्याशासाना सौमनसं प्रजां सौभाग्यं  
तनूम्। अग्नेरनुव्रता भूत्वा सन्नह्ये सुकृताय कम्। सुप्रजसंस्त्वा  
वयं सुपत्नीरुपं (१६)

सेदिम। अग्ने सपत्नदम्भनमदब्धासो अदाभ्यम्। इमं विष्यामि  
वरुणस्य पाशं यमबध्नीत सविता सुशेवः। धातुश्च योनौ सुकृतस्य

लो॒के स्यो॒नं मे॑ स॒ह प॒त्या॑ करोमि। स॒मायु॑षा॒ सम्प्र॒जया॒ सम॑ग्रे  
वर्च॑सा पुनः॑। स॒म्पत्नी॒ पत्या॒ऽहं ग॑च्छे स॒मात्मा त॑नुवा॒ मम॑। म॒हीनां॑  
पयो॒ऽस्योष॑धीना॒५ र॒सस्त॑स्य॒ तेऽक्षी॑यमाणस्य॒ निर् (१७)

व॑पामि म॒हीनां॑ पयो॒ऽस्योष॑धीना॒५ र॒सोऽद॑ब्धेन त्वा॒ चक्षु॑षा-  
ऽवै॑क्षे सु॒प्रजा॒स्त्वाय॒ तेजो॑ऽसि॒ तेजो॑ऽनु॒ प्रेह्य॑ग्निस्ते॒ तेजो॒ मा वि  
नै॒दग्रे॑र्जि॒ह्वाऽसि॑ सु॒भूर्दे॒वानां॑ धा॒म्रेधा॑म्रे दे॒वेभ्यो॒ यजु॑षेयजुषे भव  
शु॒क्रम॑सि॒ ज्योति॑रसि॒ तेजो॑ऽसि दे॒वो वः॑ स॒वि॒तोत्पु॑ना॒त्वच्छि॑द्रेण  
प॒वित्रे॑ण॒ वसोः॑ सूर्य॑स्य र॒श्मिभिः॑ शु॒क्रं त्वा॑ शु॒क्रायां॑ धा॒म्रेधा॑म्रे  
दे॒वेभ्यो॒ यजु॑षेयजुषे गृ॒ह्णामि॑ ज्योति॑स्त्वा॒ ज्योति॑ष्य॒र्चिस्त्वा॒ऽर्चिषि॑  
धा॒म्रेधा॑म्रे दे॒वेभ्यो॒ यजु॑षेयजुषे गृ॒ह्णामि॑॥ (१८)

उ॒प॒ नी र॒श्मिभिः॑ शु॒क्र५ षोड॑श च॥—————[१०]

कृ॒ष्णो॑ऽस्या॒खरे॒ष्ठो॑ऽग्र॒ये॑ त्वा॒ स्वाहा॑ वेदि॑रसि ब॒र्हिषे॑ त्वा॒  
स्वाहा॑ ब॒र्हि॒रसि॑ सु॒ग्न्यस्त्वा॒ स्वाहा॑ दि॒वे त्वा॒ऽन्तरि॑क्षाय त्वा  
पृ॒थि॒व्यै त्वा॑ स्व॒धा पि॒तृभ्य॑ ऊ॒र्ग्वव॑ ब॒र्हिष॑द्भ्य ऊ॒र्जा पृ॑थि॒वीं  
ग॑च्छ॒त वि॑ष्णोः॒ स्तूपो॑ऽस्य॒ूर्णा॑म्रद॒सं त्वा॑ स्तृ॒णामि॑ स्वा॒स॒स्थं दे॒वेभ्यो॑  
ग॒न्ध॒र्वो॑ऽसि वि॒श्वाव॑सु॒र्विश्व॑स्मा॒दीष॑तो॒ यज॑मानस्य परि॒धिरि॒ड  
ई॒डित॑ इन्द्र॑स्य बा॒हुर॑सि (१९)

दक्षि॑णो॒ यज॑मानस्य परि॒धिरि॒ड ई॒डितो॑ मि॒त्रावरु॑णौ

त्वोत्तरतः परिधत्तां ध्रुवेण धर्मणा यजमानस्य परिधिरिड ईडितः  
 सूर्यस्त्वा पुरस्तात्पातु कस्यांश्चिदभिशस्त्या वीतिहोत्रं त्वा कवे  
 द्युमन्तः५ समिधीमह्यग्रे बृहन्तमध्वरे विशो यन्त्रे स्थो वसूनाः  
 रुद्राणामादित्यानाः५ सदसि सीद जुहूरुपभृद्धुवाऽसि घृताची नाम्ना  
 प्रियेण नाम्ना प्रिये सदसि सीदैता असदन्त्सुकृतस्य लोके ता  
 विष्णो पाहि पाहि यज्ञं पाहि यज्ञपतिं पाहि मां यज्ञनियम्॥ (२०)

बाहुरसि प्रिये सदसि पञ्चदश च॥ [११]

भुवनमसि वि प्रथस्वाग्रे यष्टिरिदं नमः। जुह्वेह्यग्निस्त्वा ह्वयति  
 देवयज्याया उपभृदेहि देवस्त्वा सविता ह्वयति देवयज्याया  
 अग्नाविष्णू मा वामव क्रमिषु वि जिहाथा मा मा सन्तांसं  
 लोकं मे लोककृतौ कृणुतं विष्णोः स्थानमसीत इन्द्रो  
 अकृणोद्वीर्याणि समारभ्योर्ध्वो अध्वरो दिविस्पृशमहुतो यज्ञो  
 यज्ञपतेरिन्द्रावान्त्स्वाहा बृहद्वाः पाहि माऽग्रे दुश्चरितादा मा  
 सुचरिते भज मुखस्य शिरोऽसि सं ज्योतिषा ज्योतिरङ्गाम्॥ (२१)

अहुत एकविंशतिश्च॥ [१२]

वाजस्य मा प्रसवेनोद्ग्राभेणोदग्रभीत्। अथा सपत्नाः५ इन्द्रो मे  
 निग्राभेणार्धराः अकः। उद्ग्राभं च निग्राभं च ब्रह्म देवा अवीवृधन्।  
 अथा सपत्नानिन्द्राग्नी मे विषूचीनान्व्यस्यताम्। वसुभ्यस्त्वा  
 रुद्रेभ्यस्त्वाऽऽदित्येभ्यस्त्वाऽक्तः५ रिहाणा वियन्तु वयः। प्रजां



योनिं॑ मा निर्मृक्ष॒मा प्या॑यन्ता॒माप॒ ओष॑धयो म॒रुतां॑ पृष॑तयः स्थ॒  
दिवं॑ (२२)

गच्छ॒ ततो॑ नो वृष्टि॒मेर॑य। आ॒युष्पा अ॑ग्रेऽस्यायु॑र्मे पाहि चक्षु॒ष्पा  
अ॑ग्रेऽसि॒ चक्षु॑र्मे पाहि ध्रु॒वाऽसि॒ यं प॑रि॒धिं प॒र्यध॑त्था अ॒ग्रे दे॒व  
प॒णिभिर्वी॑यमाणः। तन्तं॑ ए॒तमनु॑ जोषं॑ भ॒रामि॑ ने॒देष॑ त्वद॑पचे॒तया॑तै  
य॒ज्ञस्य॑ पाथ॒ उप॒ समि॑तः स॒ऽस्त्रा॒वभा॑गाः स्थे॒षा बृ॒हन्तः॑ प्र॒स्तरे॒ष्टा  
ब॑र्हिषद॑श्च (२३)

दे॒वा इ॒मां वाच॑म॒भि विश्वे॑ गृणन्तं॑ आ॒सद्या॒स्मिन्ब॑र्हिषि॑  
माद॑यध्वम॒ग्नेर्वा॒मप॑न्नगृहस्य॒ सद॑सि सा॒दयामि॑ सु॒म्नाय॑ सु॒मिनी॑ सु॒म्ने  
मां ध॑त्तं धुरि॒ धुर्यो॑ पा॒तम॒ग्नेऽद॒व्यायोऽशी॑ततनो पा॒हि मा॒ऽद्य दि॒वः  
पा॒हि प्र॑सि॒त्यै पा॒हि दु॑रि॒ष्ट्यै पा॒हि दु॑र॒द्भ्यै पा॒हि दु॑श्च॒रिता॑दवि॒षन्नः  
पि॒तुं कृ॑णु सु॒षदा॒ योनि॑ः॒ स्वाहा॒ देवा॑ गा॒तुवि॑दो गा॒तुं वि॒त्वा  
गा॒तुमि॑त॒ मन॑सस्पत इ॒मं नो॑ दे॒व दे॒वेषु॑ य॒ज्ञः स्वाहा॑ वा॒चि स्वाहा॑  
वा॒तै धाः॥ (२४)

दिवंश्च वि॒त्वा गा॒तुत्रयो॑दश च॥ \_\_\_\_\_ [१३]

उ॒भा वा॑मिन्द्रा॒ग्नी आ॑हुव॒ध्या उ॒भा रा॑धंसः स॒ह मा॑द॒यध्वै॑। उ॒भा  
दा॒तारा॑वि॒षाः र॑यी॒णामु॒भा वा॑जस्य सा॒तये॑ हुवे वा॒म्। अश्र॑वः  
हि भूरि॑दाव॒त्तरा॑ वां वि जा॑मातु॒रुत॑ वां घा स्या॒लात्। अथा॒  
सोम॑स्य॒ प्रय॑ती यु॒वभ्या॒मिन्द्रा॑ग्नी॒ स्तोमं॑ जनयामि॒ नव्य॑म्। इन्द्रा॑ग्नी

नवतिं पुरो दासपत्नीरधूनुतम्। साकमेकैः कर्मणा। शुचिं नु स्तोमं  
नवजातमद्येन्द्राग्नी वृत्रहणा जुषेथाम्॥ (२५)

उभा हि वाꣳ सुहवा जोहवीमि ता वाजꣳ सद्य उंशते  
धेष्ठा। वयमुं त्वा पथस्पते रथं न वाजंसातये। धिये पूषन्नयुज्महि।  
पथस्पथः परिपतिं वचस्या कामेन कृतो अभ्यानङ्कम्। स नो  
रासच्छुरुधंश्चन्द्राग्रा धियं धियꣳ सीषधाति प्र पूषा। क्षेत्रस्य पतिना  
वयꣳ हितेनैव जयामसि। गामश्च पोषयित्वा स नो (२६)

मृडातीदृशे। क्षेत्रस्य पते मधुमन्तमूर्मिं धेनुरिव पयो  
अस्मासु धुक्ष्व। मधुश्रुतं घृतमिव सुपूतमृतस्य नः पतयो  
मृडयन्तु। अग्ने नय सुपथा राये अस्मान् विश्वानि देव वयुनानि  
विद्वान्। युयोध्यस्मञ्जुहुराणमेनो भूयिष्ठान्ते नम उक्तिं विधेम।  
आ देवानामपि पन्थामगन्म यच्छक्रवाम तदनु प्रवोढुम्।  
अग्निर्विद्वान्त्स यजाथ (२७)

सेदु होता सो अध्वरान्त्स ऋतून्कल्पयाति। यद्वाहिष्ठं तदग्रये  
बृहदर्च विभावसो। महिषीव त्वद्रयिस्त्वद्वाजा उदीरते। अग्ने त्वं  
पारया नव्यो अस्मान्स्वस्तिभिरति दुर्गाणि विश्वा। पूश्च पृथ्वी  
बहुला न उर्वी भवा तोकाय तनयाय शं योः। त्वमग्ने व्रतपा  
असि देव आ मर्त्येष्व। त्वं यज्ञेष्विड्यः। यद्वो वयं प्रमिनाम  
व्रतानि विदुषा देवा अविदुष्टरासः। अग्निष्टद्विश्वा पृणाति विद्वान्

येभिर्देवाः ऋतुभिः कल्पयाति॥ (२८)

जुषेथामा स नो यज्ञादा त्रयोविंशतिश्च॥ [१४]

[इषे त्वा यज्ञस्य शुन्ध्वं कर्मणे देवोऽवधूतन्धृष्टिः सं वपाम्या दंदे प्रत्युष्टं कृष्णोऽसि भुवनमसि  
वाजस्योभा वां चतुर्दश॥14॥ इषे दृष्टं भुवनमष्टाविंशतिः॥28॥ इषे त्वा कल्पयाति॥]

## ॥द्वितीयः प्रश्नः॥

॥तैत्तिरीयसंहितायां प्रथमकाण्डे द्वितीयः प्रश्नः॥

आप उन्दन्तु जीवसे दीर्घायुत्वाय वर्चस ओषधे त्रायस्वैनः  
स्वधिते मेनः हिंसीर्देवश्रूरेतानि प्र वपे स्वस्त्युत्तराण्यशीयाऽ-  
ऽपो अस्मान्मातरः शुन्धन्तु घृतेन नो घृतपुवं पुनन्तु विश्वमस्मत्प्र  
वहन्तु रिप्रमुदाभ्यः शुचिरा पूत एमि सोमस्य तनूरसि तनुवं मे  
पाहि महीनां पयोऽसि वर्चोधा असि वर्चो (१)

मयि धेहि वृत्रस्य कनीनिकाऽसि चक्षुष्पा असि चक्षुर्मे  
पाहि चित्पतिस्त्वा पुनातु वाक्पतिस्त्वा पुनातु देवस्त्वा सविता  
पुनात्वच्छिद्रेण पवित्रेण वसोः सूर्यस्य रश्मिभिस्तस्य ते पवित्रपते  
पवित्रेण यस्मै कं पुने तच्छकेयमा वो देवास ईमहे सत्यधर्माणो  
अध्वरे यद्वो देवास आगुरे यज्ञियासो हवामह इन्द्राग्नी द्यावापृथिवी

आपं ओषधीस्त्वं दीक्षाणामधिपतिरसीह मा सन्तं पाहि॥ (२)

वर्चं ओषधीरष्टौ च॥ [१]

आकूत्यै प्रयुजेऽग्नये स्वाहा मेधायै मनसेऽग्नये स्वाहा  
दीक्षायै तपसेऽग्नये स्वाहा सरस्वत्यै पूष्णेऽग्नये स्वाहाऽऽपो  
देवीर्बृहतीर्विश्वशम्भुवो द्यावापृथिवी उर्वन्तरिक्षं बृहस्पतिर्नो हविषा  
वृधातु स्वाहा विश्वे देवस्य नेतुर्मर्तोऽवृणीत सुख्यं विश्वे राय  
इषुध्यसि द्युम्रं वृणीत पुष्यसे स्वाहर्ष्वायमयोः शिल्पे स्थस्ते वामा  
रभे ते मां (३)

पातमाऽस्य यज्ञस्योदचं इमां धियः शिक्षमाणस्य देव क्रतुं  
दक्षं वरुण सः शिंशाधि ययाऽति विश्वा दुरिता तरेम सुतर्माणमधि  
नावः रुहेमोर्गस्याङ्गिरस्यूर्णम्रदा ऊर्जं मे यच्छ पाहि मा मा मां  
हिः सीर्विष्णोः शर्मासि शर्म यजमानस्य शर्म मे यच्छ नक्षत्राणां  
माऽतीकाशात् पाहीन्द्रस्य योनिरसि (४)

मा मां हिः सीः कृष्यै त्वां सुसस्यायै सुपिप्पलाभ्यस्त्वौष-  
धीभ्यः सूपस्था देवो वनस्पतिरूर्ध्वो मां पाह्योदचः स्वाहा यज्ञं  
मनसा स्वाहा द्यावापृथिवीभ्याः स्वाहोरोरन्तरिक्षास्वाहा यज्ञं  
वातादा रभे॥ (५)

मा योनिरसि त्रिः शच्च॥ [२]

दैवीं धियं मनामहे सुमृडीकामभिष्टये वर्चोधां यज्ञवाहसः  
 सुपारा नो असद्वशैः। ये देवा मनोजाता मनोयुजः सुदक्षा  
 दक्षपितारस्ते नः पान्तु ते नोऽवन्तु तेभ्यो नमस्तेभ्यः स्वाहाऽग्ने  
 त्वः सु जागृहि वयः सु मन्दिषीमहि गोपाय नः स्वस्तये प्रबुधे  
 नः पुनर्ददः। त्वमग्ने व्रतपा असि देव आ मर्त्येष्व। त्वं (६)

यज्ञेष्वीड्यः॥ विश्वे देवा अभि मा माऽववृत्रन् पूषा सन्या  
 सोमो राधसा देवः सविता वसोर्वसुदावा रास्वेयथ्सोमाऽऽभूयो  
 भर मा पृणन्मृत्या वि राधि माऽहमायुषा चन्द्रमसि मम भोगाय  
 भव वस्त्रमसि मम भोगाय भवोस्त्राऽसि मम भोगाय भव हयोऽसि  
 मम भोगाय भव (७)

छागोऽसि मम भोगाय भव मेषोऽसि मम भोगाय भव वायवे  
 त्वा वरुणाय त्वा निर्ऋत्यै त्वा रुद्राय त्वा देवीरापो अपां नपाद्य  
 ऊर्मिर्हविष्य इन्द्रियावान्मदिन्तमस्तं वो माऽवक्रमिषमच्छिन्नं  
 तन्तुं पृथिव्या अनुं गेषं भद्रादभि श्रेयः प्रेहि बृहस्पतिः पुरता  
 ते अस्त्वथेमव स्य वर आ पृथिव्या आरे शत्रून् कृणुहि  
 सर्ववीर एदमंगन्म देवयजनं पृथिव्या विश्वे देवा यदजुषन्त पूर्व  
 ऋक्सामाभ्यां यजुषा सन्तरन्तो रायस्पोषेण समिषा मदेम॥ (८)

आ त्वः हयोऽसि मम भोगाय भव स्य पञ्चविंशतिश्च॥——[३]

इयं ते शुक्र तनूरिदं वर्चस्तया सं भव भ्राजं गच्छ जूरसि

धृता मनसा जुष्टा विष्णवे तस्यांस्ते सत्यसंवसः प्रसवे वाचो  
 यन्त्रमशीय स्वाहा शुक्रमस्यमृतमसि वैश्वदेव९ हविः सूर्यस्य  
 चक्षुराऽरुहमग्नेरक्षणः कनीनिकां यदेतंशेभिरीयसे भ्राजमानो  
 विपश्चिता चिदसि मनाऽसि धीरसि दक्षिणा- (९)

ऽसि यज्ञियांऽसि क्षत्रियाऽस्यदितिरस्युभयतःशीर्ष्णी सा  
 नः सुप्राची सुप्रतीची सं भव मित्रस्त्वां पदि बध्नातु पूषाऽध्वनः  
 पात्विन्द्रायाध्यक्षायानु त्वा माता मन्यतामनु पिताऽनु भ्राता  
 सगर्भ्योऽनु सखा सयूथ्यः सा दैवि देवमच्छेहीन्द्राय सोम९  
 रुद्रस्त्वाऽऽवर्तयतु मित्रस्य पथा स्वस्ति सोमसखा पुनरेहि सह  
 रय्या॥ (१०)

दक्षिणा सोमसखा पञ्च च॥ \_\_\_\_\_ [४]

वस्यसि रुद्राऽस्यदितिरस्यादित्याऽसि शुक्राऽसि चन्द्राऽसि  
 बृहस्पतिस्त्वा सुम्ने रण्वतु रुद्रो वसुभिरा चिकेतु पृथिव्यास्त्वा  
 मूर्धन्ना जिघर्मि देवयजन इडायाः पदे घृतवति स्वाहा  
 परिलिखित९ रक्षः परिलिखिता अरांतय इदमह९ रक्षसो  
 ग्रीवा अपि कृन्तामि योऽस्मान् द्वेष्टि यं च वयं द्विष्म इदमस्य  
 ग्रीवा (११)

अपि कृन्ताम्यस्मे रायस्त्वे रायस्तोते रायः सं दैवि देव्योर्वश्यां  
 पश्यस्व त्वष्टीमती ते सपेय सुरेता रेतो दधाना वीरं विदेय तव

स॒न्द॒शि॒ माऽह॑ꣳ रा॒य॒स्पोषे॑ण॒ वि यो॑षम्॥ (१२)

अ॒स्य॒ ग्री॒वा ए॒का॒न्न॒त्रि॑ꣳश॒च॑॥ [५]

अ॒ꣳशु॒ना ते अ॒ꣳशुः पृ॑च्यतां॒ परु॑षा॒ परु॑र्गन्ध॒स्ते का॒मम॑वतु  
मदा॑य॒ रसो॒ अच्यु॑तोऽमा॒त्योऽसि॑ शु॒क्रस्ते॒ ग्रहो॑ऽभि॒ त्यं दे॒वꣳ  
संवि॑तार॒मृण्योः॑ क॒विक्र॑तुम॒र्चामि॑ स॒त्यसं॑वसꣳ रत्न॒धाम॑भि॒ प्रियं  
म॒तिमूर्ध्वा॑ यस्या॒मति॑र्भा॒ अदि॑द्युत॒थ्सर्वी॑मनि॒ हिर॑ण्यपा॒णिर॑मिमीत  
सु॒क्रतुः॑ कृ॒पा सु॒वः। प्र॒जाभ्य॑स्त्वा प्रा॒णाय॑ त्वा व्या॒नाय॑ त्वा  
प्र॒जास्त्व॑मनु॒ प्राणि॑हि प्र॒जास्त्वाम॑नु प्राण॑न्तु॥ (१३)

अनु॑ स॒प्त च॑॥ [६]

सोमं॑ ते क्रीणा॒म्यू॒र्जस्व॑न्तं॒ पय॑स्वन्तं॒ वी॒र्या॑वन्तमभिमाति॒  
षाह॑ꣳ शु॒क्रं ते॑ शु॒क्रेण॑ क्रीणामि च॒न्द्रं च॑न्द्रेणा॒मृत॑म॒मृते॑न  
स॒म्यत्ते॒ गोर॑स्मे च॒न्द्राणि॑ तप॑सस्त॒नूर॑सि प्र॒जाप॑तेर्वर्ण॒स्तस्या॑स्ते  
सह॑स्रपोषं पु॒ष्यन्त्या॑श्चर॒मेण॑ प॒शुना॑ क्रीणा॒म्यस्मे॑ ते ब॒न्धुर्म॑रि॒यि  
ते रा॒यः श्र॑यन्ताम॒स्मे ज्योतिः॑ सोम॒विक्र॑यिणि॒ तमो॑ मि॒त्रो न॒  
एहि॑ सुमि॒त्रधा॒ इन्द्र॑स्यो॒रु मा वि॑श॒ दक्षि॑णमु॒शन्नु॑शन्तꣳ स्यो॒नः  
स्यो॒नꣳ स्वा॒न भ्रा॑जाङ्घा॒रे ब॒म्भारे॑ हस्त॒ सुह॑स्त॒ कृशा॑नवे॒ते वः  
सोम॑क्रय॒णास्ता॑न्नक्ष॒ध्वं मा वो॑ दभन्॥ (१४)

ऊ॒रुं द्वावि॑ꣳशति॒श्च॑॥ [७]

उदा॑युषा स्वा॒युषो॑दोष॒धीना॑ꣳ रसे॒नोत्प॑र्जन्य॒स्य शु॒ष्मेणो॑द॒स्थाम॑मु॒

अनु। उर्वन्तरिक्षमन्विह्यदित्याः सदोऽस्यदित्याः सद आसीदास्तभ्राद्वा  
 अन्तरिक्षममिमीत वरिमाणं पृथिव्या आसीदद्विश्वा भुवनानि  
 सम्राद्विष्वेत्तानि वरुणस्य व्रतानि वनेषु व्यन्तरिक्षं ततान्  
 वाजमर्वथ्सु पयो अघ्नियासु हृथ्सु (१५)

ऋतुं वरुणो विक्ष्वग्निं दिवि सूर्यमदधात्सोममद्रावुदुत्यं  
 जातवेदसं देवं वहन्ति केतवः। दृशे विश्वाय सूर्यम्॥ उस्त्रावेतं  
 धूर्षाहावनश्च अवीरहणौ ब्रह्मचोदनौ वरुणस्य स्कम्भनमसि  
 वरुणस्य स्कम्भसर्जनमसि प्रत्यस्तो वरुणस्य पाशः॥ (१६)

हृथ्सु पञ्चत्रिंशच्च॥ [८]

प्रच्यवस्व भुवस्पते विश्वान्यभि धामानि मा त्वा परिपरी  
 विदन्मा त्वा परिपन्थिनो विदन्मा त्वा वृका अघायवो मा गन्धर्वो  
 विश्वावसुरा दंघच्छेनो भूत्वा परा पतु यजमानस्य नो गृहे  
 देवैः सङ्स्कृतं यजमानस्य स्वस्त्ययन्यस्यपि पन्थामगस्महि  
 स्वस्तिगामनेहसं येन विश्वाः परि द्विषो वृणक्ति विन्दते वसु  
 नमो मित्रस्य वरुणस्य चक्षसे महो देवाय तदृतं संपर्यत  
 दूरेदृशे देवजाताय केतवे दिवस्पुत्राय सूर्याय शंसत वरुणस्य  
 स्कम्भनमसि वरुणस्य स्कम्भसर्जनमस्युन्मुक्तो वरुणस्य



पाशः॥ (१७)

मित्रस्य त्रयोविंशतिश्च॥ [९]

अग्नेरातिथ्यमसि विष्णवे त्वा सोमस्याऽऽतिथ्यमसि विष्णवे  
त्वाऽतिथेरातिथ्यमसि विष्णवे त्वाऽग्नये त्वा रायस्पोषदाञ्जे विष्णवे  
त्वा श्येनाय त्वा सोमभृते विष्णवे त्वा या ते धामानि हविषा  
यजन्ति ता ते विश्वा परिभूरस्तु यज्ञं गयस्फानः प्रतरणः सुवीरो-  
ऽवीरहा प्र चरा सोम दुर्यानदित्याः सदोऽस्यदित्याः सद आ (१८)

सीद वरुणोऽसि धृतव्रतो वारुणमसि शंयोर्देवानां सख्यान्मा  
देवानामपसंश्छिध्स्मह्यापतये त्वा गृह्णामि परिपतये त्वा गृह्णामि  
तनूनत्रे त्वा गृह्णामि शाकुराय त्वा गृह्णामि शक्नुन्नोजिष्ठाय त्वा  
गृह्णाम्यनाधृष्टमस्यनाधृष्यं देवानामोजोऽभिशस्तिपा अनभिशस्ते-  
ऽन्यमनु मे दीक्षां दीक्षापतिर्मन्यतामनु तपस्तपस्पतिरञ्जसा  
सत्यमुप गेष सुविते मा धाः॥ (१९)

आ मैकं च॥ [१०]

अशुरशुस्ते देव सोमाऽऽप्यायतामिन्द्रायैकधनविद  
आ तुभ्यमिन्द्रः प्यायतामा त्वमिन्द्राय प्यायस्वाऽऽ प्यायय  
सखीन्सून्या मेधया स्वस्ति ते देव सोम सुत्यामशीयेष्टा रायः  
प्रेषे भगायर्तमृतवादिभ्यो नमो दिवे नमः पृथिव्या अग्ने व्रतपते  
त्वं व्रतानां व्रतपतिरसि या मम तनूरेषा सा त्वयि (२०)

या तव तनूरियं सा मयि सह नौ व्रतपते व्रतिनोर्व्रतानि या  
 ते अग्ने रुद्रिया तनूस्तया नः पाहि तस्यांस्ते स्वाहा या ते अग्ने-  
 ऽयाशया रजाशया हराशया तनूर्वर्षिष्ठा गह्वरेष्ठोग्रं वचो अपावधीं  
 त्वेषं वचो अपावधीं स्वाहा॥ (२१)

त्वयि चत्वारिंशच्च॥ [११]

वित्तायनी मेऽसि तित्तायनी मेऽस्यवतान्मा नाथितमवतान्मा  
 व्यथितं विदेरग्निर्नभो नामाग्ने अङ्गिरो योऽस्यां पृथिव्यामस्यायुषा  
 नाम्नेहि यत्तेऽनाधृष्टं नाम यज्ञियं तेन त्वाऽऽदधेऽग्ने अङ्गिरो यो  
 द्वितीयस्यां तृतीयस्यां पृथिव्यामस्यायुषा नाम्नेहि यत्तेऽनाधृष्टं  
 नाम (२२)

यज्ञियं तेन त्वाऽऽदधे सिंहीरसि महिषीरस्युरु प्रथस्वोरु  
 ते यज्ञपतिः प्रथतां ध्रुवाऽसि देवेभ्यः शुन्धस्व देवेभ्यः  
 शुम्भस्वेन्द्रघोषस्त्वा वसुभिः पुरस्तात्पातु मनोजवास्त्वा  
 पितृभिर्दक्षिणतः पातु प्रचेतास्त्वा रुद्रैः पश्चात्पातु विश्वकर्मा त्वा-  
 ऽऽदित्यैरुत्तरतः पातु सिंहीरसि सपत्नसाही स्वाहा सिंहीरसि  
 सुप्रजावनिः स्वाहा सिंही- (२३)

-रसि रायस्पोषवनिः स्वाहा सिंहीरस्यादित्यवनिः स्वाहा  
 सिंहीरस्या वह देवान्देवयते यजमानाय स्वाहा भूतेभ्यस्त्वा  
 विश्वायुरसि पृथिवीं दृह ध्रुवक्षिदस्यन्तरिक्षं दृहाच्युतक्षिदसि

दिवं दृ॒ष्ट्वाग्नेर्भस्मा॑स्यग्नेः पुरी॑षमसि॥ (२४)

नामं सुप्रजा॑वनिः स्वाहा॑ सि॒न्हीः पञ्च॑त्रिंशच्च॥ [१२]

यु॒ञ्जते॒ मनं॑ उ॒त यु॒ञ्जते॒ धियो॑ वि॒प्रा वि॒प्रस्य॑ बृ॒हतो वि॑प॒श्चितः॑।  
वि हो॒त्रा दधे॑ वयुना॒विदेक॑ इन्म॒ही दे॒वस्य॑ सवि॒तुः परि॑ष्टुतिः॥  
सुवाग्दे॒व दुर्या॑न् आ वंद॑ दे॒वश्रु॑तौ दे॒वेष्वा घो॑षेथा॒मा नो॑ वी॒रो  
जा॑यतां कर्म॒ण्यो य॑न् सर्वे॑ऽनु॒जीवा॑म॒ यो ब॑हूनामसं॒द्वशी॑। इ॒दं  
विष्णु॑र्वि च॒क्रमे॑ त्रे॒धा नि द॑धे प॒दम्। समू॑ढमस्य (२५)

पा॑न्सुर इरा॑वती धेनु॒मती॑ हि भू॒त॑न्सू॒यव॑सिनी॒ मन॑वे यश॒स्ये॑।  
व्य॑स्कभ्रा॒द्रोद॑सी॒ विष्णु॑रे॒ते दा॑धार॒ पृथि॑वीम॒भितो॑ म॒यूखैः॑॥ प्राची॑  
प्रेत॑मध्व॒रं क॒ल्पय॑न्ती ऊ॒र्ध्वं य॒ज्ञं न॑यत॒ मा जी॑ह्वरत॒मत्र॑ रमेथा॒  
वर्ष्म॑न्पृथि॒व्या दि॒वो वा॑ विष्णवु॒त वा॑ पृथि॒व्या म॒हो वा॑ विष्णवु॒त  
वाऽन्तरि॑क्षा॒द्धस्तौ॑ पृणस्व॒ बहु॑भिर्वस॒व्यैरा॑ प्र यच्छ॒ (२६)

दक्षि॑णा॒दोत॑ स॒व्यात्। विष्णो॑र्नु॒कं वी॒र्या॑णि॒ प्र वोचं॑ यः  
पा॒र्थिवा॑नि वि॒ममे॑ रजा॑सि॒ यो अ॑स्क॒भाय॑दु॒त्तर॑न् स॒धस्थं॑  
विच॑क्रमा॒णस्त्रे॒धोरु॑गा॒यो विष्णो॑ र॒राट॑मसि॒ विष्णोः॑ पृ॒ष्ठम॑सि॒ विष्णोः॑  
श॒जत्रे॑ स्थो॒ विष्णोः॑ स्यूर॑सि॒ विष्णो॑र्ध्रु॒वम॑सि॒ वैष्ण॑वम॑सि॒ विष्ण॑वे  
त्वा॥ (२७)

अ॒स्य य॒च्छैका॒न्नच॑त्वारि॒न्शच्च॑॥ [१३]

कृणुष्व पाजुः प्रसितिं न पृथ्वीं याहि राजेवामवा५ इमेन।  
 तृष्वीमनु प्रसितिं द्रूणानोऽस्तासि विध्यं रक्षसस्तपिष्ठैः॥ तवं  
 भ्रमासं आशुया पतन्त्यनु स्पृश धृषता शोशुचानः। तपूँष्यग्रे  
 जुह्वा पतङ्गानसन्दितो वि सृज विष्वंगुल्काः॥ प्रति स्पशो वि  
 सृज तूर्णितमो भवा पायुर्विशो अस्या अदब्धः। यो नो दूरे  
 अघशंसो (२८)

यो अन्त्यग्रे मार्किष्टे व्यथिरा दधर्षीत्। उदग्रे तिष्ठ  
 प्रत्याऽऽतनुष्व न्यमित्रा५ ओषतात्तिग्महेते। यो नो अराति५  
 समिधान चक्रे नीचा तं धक्ष्यतसं न शुष्कम्॥ ऊर्ध्वो भव प्रति  
 विध्याध्यस्मदाविष्कृणुष्व दैव्यान्यग्रे। अव स्थिरा तनुहि यातुजूनां  
 जामिमजामिं प्र मृणीहि शत्रून्॥ स ते (२९)

जानाति सुमतिं यविष्ठ य ईवते ब्रह्मणे गातुमैरत्। विश्वान्यस्मै  
 सुदिनानि रायो द्युमन्यर्यो वि दुरो अभि द्यौत्॥ सेदग्रे अस्तु सुभगः  
 सुदानुर्यस्त्वा नित्येन हविषा य उक्थैः। पिप्रीषति स्व आयुषि दुरोणे  
 विश्वेदस्मै सुदिना साऽसदिष्टिः॥ अर्चामि ते सुमतिं घोष्यर्वाख्सं  
 ते वावाता जरता- (३०)

मियङ्गीः। स्वश्वास्त्वा सुरथा मर्जयेमास्मे क्षत्राणि धारयेरनु  
 द्यून्॥ इह त्वा भूर्या चरेदुप त्मन्दोषावस्तर्दीदिवा५ समनु द्यून्।  
 कीडन्तस्त्वा सुमनसः सपेमाभि द्युम्ना तस्थिवा५ सो जनानाम्॥

यस्त्वा स्वश्वः सुहिरण्यो अग्र उपयाति वसुमता रथेन। तस्य  
त्राता भवसि तस्य सखा यस्त आतिथ्यमानुषगजुजौषत्॥ महो  
रुजामि (३१)

बन्धुता वचोभिस्तन्मा पितुर्गोतमादन्वियाय॥ त्वं नो अस्य  
वचसश्चिकिद्धि होतर्यविष्ठ सुक्रतो दमूनाः॥ अस्वप्रजस्तरणयः  
सुशेवा अतन्द्रासोऽवृका अश्रमिष्ठाः। ते पायवः सध्रियश्चो निषद्या-  
ऽग्ने तव नः पान्त्वमूर॥ ये पायवो मामतेयं ते अग्ने पश्यन्तो अन्धं  
दुरितादरक्षन्। ररक्ष तान्सुकृतो विश्ववेदा दिप्सन्त इद्रिपवो ना  
ह (३२)

देभुः॥ त्वया वयं सधन्यस्त्वोतास्तव प्रणीत्यश्याम वाजान्।  
उभा शंसां सूदय सत्यतातेऽनुष्ठुया कृणुह्यहयाण॥ अया ते अग्ने  
समिधा विधेम प्रति स्तोमं शस्यमानं गृभाय। दहाशसो रक्षसः  
पाह्यस्मान्द्रुहो निदोऽमित्रमहो अवद्यात्॥ रक्षोहणं वाजिनमाऽ-  
ऽजिघर्षि मित्रं प्रथिष्ठमुपं यामि शर्म। शिशानो अग्निः क्रतुभिः  
समिद्धः स नो दिवा (३३)

स रिषः पातु नक्तम्॥ वि ज्योतिषा बृहता भान्त्यग्निराविर्विश्वानि  
कृणुते महित्वा। प्रादेवीर्मायाः संहते दुरेवाः शिशीते शृङ्गे रक्षसे  
विनिक्षे॥ उत स्वानासो दिविषन्त्वग्नेस्तिग्मायुधा रक्षसे हन्तवा उ।

मदे चिदस्य प्ररुजन्ति भामा न वरन्ते परिबाधो अदेवीः॥ (३४)

अघशंसः स ते जरता रुजामि ह दिवैकचत्वारिंशच्च॥—[१४]

## ॥तृतीयः प्रश्नः॥

### ॥तैत्तिरीयसंहितायां प्रथमकाण्डे तृतीयः प्रश्नः॥

देवस्य त्वा सवितुः प्रसवेऽश्विनोर्बाहुभ्यां पूष्णो  
हस्ताभ्यामाददेऽभिरसि नारिरसि परिलिखितं रक्षः परिलिखिता  
अरांतय इदमहं रक्षसो ग्रीवा अपि कृन्तामि योऽस्मान् द्वेष्टि  
यं च वयं द्विष्म इदमस्य ग्रीवा अपि कृन्तामि दिवे त्वा-  
ऽन्तरिक्षाय त्वा पृथिव्यै त्वा शुन्यतां लोकः पितृषदनो यवोऽसि  
यवयास्मद्वेषो (१)

यवयारांतीः पितृणां सदनमस्युद्विवं स्तभानाऽन्तरिक्षं पूष्ण  
पृथिवीं दह द्युतानस्त्वा मारुतो मिनोतु मित्रावरुणयोर्ध्रुवेण धर्मणा  
ब्रह्मवनिं त्वा क्षत्रवनिं सुप्रजावनिं रायस्पोषवनिं पर्यूहामि ब्रह्म  
दह क्षत्रं दह प्रजां दह रायस्पोषं दह घृतेन द्यावापृथिवी  
आ पूणेथामिन्द्रस्य सदोऽसि विश्वजनस्य छाया परि त्वा गिर्वणो  
गिर इमा भवन्तु विश्वतो वृद्धायुमनु वृद्धयो जुष्टा भवन्तु जुष्टय  
इन्द्रस्य स्यूरसीन्द्रस्य ध्रुवमस्यैन्द्रमसीन्द्राय त्वा॥ (२)

द्वेष इमा अष्टादश च॥—[१]

रक्षो॒हणो॑ वल॒ग॒हनो॑ वैष्ण॒वान्ख॑नामीद॒म॒हं तं व॑ल॒ग॒मुद्व॑पामि  
यं नः॑ स॒मा॒नो य॒मस॑मानो नि॒च॒खाने॑द॒मै॒न॒म॒ध॒रं करो॑मि यो नः॑  
स॒मा॒नो योऽस॑मानोऽराती॒यति॑ गाय॒त्रेण॑ छ॒न्द॒साऽव॑बाढो वल॒गः  
कि॒मत्र॑ भ॒द्रं तन्नौ॑ स॒ह वि॒राड॑सि स॒पत्न॑हा स॒म्राड॑सि भ्रातृ॒व्य॒हा  
स्व॒राड॑स्यभिमाति॒हा वि॑श्व॒राड॑सि वि॒श्व॒सां ना॒ष्ट्राणा॑ ह॒न्ता (३)

रक्षो॒हणो॑ वल॒ग॒हनः॑ प्रोक्षा॑मि वैष्ण॒वान् रक्षो॒हणो॑ वल॒ग॒हनोऽव॑  
नयामि॑ वैष्ण॒वान् यवो॑ऽसि य॒वया॑स्मद्वेषो॑ य॒वया॑राती रक्षो॒हणो॑  
वल॒ग॒हनोऽव॑ स्तृणामि॑ वैष्ण॒वान् रक्षो॒हणो॑ वल॒ग॒हनोऽभि॑  
जु॒होमि॑ वैष्ण॒वान् रक्षो॒हणो॑ वल॒ग॒हना॒वुप॑ दधामि॑ वैष्ण॒वी  
रक्षो॒हणो॑ वल॒ग॒हनो॑ पर्यू॒हामि॑ वैष्ण॒वी रक्षो॒हणो॑ वल॒ग॒हनो॑ परि॑  
स्तृणामि॑ वैष्ण॒वी रक्षो॒हणो॑ वल॒ग॒हनो॑ वैष्ण॒वी बृ॒हन्न॑सि बृ॒हद्वा॑वा  
बृ॒हती॑मिन्द्रा॒य वाचं॑ वद॥ (४)

ह॒न्तेन्द्रा॒य द्वे च॑॥ \_\_\_\_\_ [२]

वि॒भूर॑सि प्र॒वाह॑णो व॒ह्नि॑रसि ह॒व्य॒वाह॑नः श्वा॒त्रो-  
ऽसि॑ प्र॒चे॒तास्तु॑र्योऽसि वि॒श्ववे॑दा उ॒शिग॑सि क॒विर॒ङ्घा॑रिरसि  
ब॒म्भा॑रि॒रव॑स्युर॑सि दु॒व॒स्वाञ्छु॑न्ध्यूर॑सि मा॒र्जा॒लीयः॑ स॒म्राड॑सि  
कृ॒शानुः॑ परि॒षद्यो॑ऽसि प॒व॒मानः॑ प्र॒तक्का॑ऽसि नभ॑स्वा॒नस॑म्मृष्टोऽसि  
ह॒व्य॒सूदं॑ ऋ॒तधा॑माऽसि सु॒व॒ज्योति॑र्ब्रह्म॒ज्योति॑रसि सु॒व॒र्धमा॑ऽजो-  
ऽस्येक॑पा॒दहि॑रसि बु॒ध्नियो॑ रौ॒द्रेणा॑नी॒केन॑ पा॒हि मा॑ऽग्ने पिपृ॒हि मा॑

मा मां हिंसीः॥ (५)

अनीकेनाष्टौ च॥ [३]

त्व॑ सोम तनूकृ॒द्धो द्वेषो॑भ्योऽन्यकृ॒तेभ्य उ॒रु य॒न्तासि॑  
वरू॑थ॒ऽ स्वाहा जुषा॑णो अ॒सुराज्य॑स्य वेतु स्वाहाऽयं नो  
अ॒ग्निर्वरि॑वः कृ॒णोत्व॑यं मृ॒धः पुर ए॑तु प्रभि॒न्दन्। अ॒य॑ शत्रू॒ञ्जय॑तु  
जर॑हृषाणोऽयं वाजं जयतु वाजंसातौ॥ उ॒रु वि॑ष्णो वि क्र॑मस्वो॒रु  
क्षया॑य नः कृ॒धि। घृ॒तं घृ॒तयो॑ने पिब प्र॒प्र य॒ज्ञप॑तिं तिर॥ सोमो  
जिगा॑ति गातुविद् (६)

दे॒वाना॑मेति निष्कृ॒तमृ॒तस्य॑ योनि॑मा॒सद्मदि॑त्याः स॒दो-  
ऽस्य॑दि॒त्याः स॒द् आ सी॑दैष वो दे॒व स॒वितः॑ सोम॒स्त॑ र॒क्षध्वं  
मा वो द॑भदे॒तत् त्व॑ सोम दे॒वो दे॒वानु॑पा॒गा इ॒दम॑हं म॒नुष्यो॑  
म॒नुष्या॑न्त्स॒ह प्र॒जया॑ स॒ह रा॒यस्पोषे॑ण नमो दे॒वेभ्यः॑ स्व॒धा पि॒तृभ्य॑  
इ॒दम॑हं निर्व॑रुणस्य पाशा॒त्सुव॑र॒भि (७)

वि ख्ये॑षं वैश्वान॒रं ज्योति॑र॒ग्ने व्र॑तप॒ते त्वं व्र॑तानां व्र॒तप॑तिरसि  
या म॑म त॒नूस्त्वय्य॑भू॒दिय॑ सा म॒यि या तव॑ त॒नूर्मय्य॑भू॒देषा॑ सा  
त्वयि॑ यथाय॒थं नो॑ व्र॒तप॑ते व्र॒तिनो॑व्र॒तानि॑॥ (८)

गातुविद्भ्येकं त्रिंशच्च॥ [४]

अत्य॑न्या॒नगां॑ ना॒न्यानु॑पा॒गाम॑र्वा॒क्ता परै॑रवि॒दं परो॑ऽव॒रैस्तं  
त्वा जुषे॑ वैष्ण॒वं दे॒वय॑ज्यायै दे॒वस्त्वा स॒विता॑ म॒ध्वाऽन॒क्तोष॑धे



त्रायस्वेन॑ꣳ स्वधिते॑ मेन॑ꣳ हि॑सीर्दिवमग्रेण॑ मा लेखीरन्तरिक्षं॑  
मर्ध्येन॑ मा हि॑सीः पृथिव्या॑ सं भव॑ वनस्पते शतबल॑शो वि रोह॑  
सहस्रबल॑शा वि वय॑ꣳ रुहेम॑ यं त्वाऽय॑ꣳ स्वधिति॑स्तेति॑जानः  
प्रणि॒नाय॑ मह॒ते सौभ॑गायाऽच्छि॒न्नो रायः॑ सुवीरः॑॥ (९)

यं दशं च॥ \_\_\_\_\_ [५]

पृथिव्यै॑ त्वाऽन्तरिक्षाय॑ त्वा दिवे॑ त्वा शुन्य॑तां लोकः  
पितृषद॑नो यवो॑ऽसि यवया॑स्मद् द्वेषो॑ यवयारा॑तीः पितृणा॑ꣳ  
सदन॑मसि स्वावेशो॑ऽस्यग्रे॒गा नैतृ॑णां वनस्पति॑रधि॒ त्वा स्थास्यति॑  
तस्य॑ वित्ताद्देवस्त्वा॑ सवि॒ता मध्वा॑ऽनक्तु सुपिप्प॒लाभ्य॑स्त्वौषधी॑भ्य  
उद्वि॑वꣳ स्तभा॒नान्तरिक्षं॑ पृण॑ पृथिवीमुप॑रेण दृ॑ह ते ते  
धामा॑न्युश्मसी (१०)

गम॑ध्ये गावो॑ यत्र॑ भूरि॑शृङ्गा अ॒यासः॑। अत्राह॑ तदुरु॑गायस्य॒  
विष्णोः॑ पर॒मं प॒दम॑वं भाति॒ भूरैः॑॥ विष्णोः॑ कर्मा॑णि पश्यत॒ यतो॑  
व्र॒तानि॑ पस्प॒शे। इन्द्र॑स्य युज्यः॒ सखा॑॥ तद्विष्णोः॑ पर॒मं प॒दꣳ सदा॑  
पश्य॑न्ति सूरयः॑। दि॒वीव॒ चक्षु॑रात॑तम्॥ ब्र॒ह्मव॑नि॒ त्वा क्षत्र॑वनिꣳ  
सुप्र॑जावनिꣳ राय॑स्पोष॒वनि॑ पर्यू॑हामि ब्रह्म॑ दृ॑ह क्षत्रं॑ दृ॑ह प्र॒जां  
दृ॑ह रा॒यस्पोष॑ दृ॑ह परि॒वीर॑सि परि॑ त्वा दै॒वीर्विशो॑ व्यय॑न्तां  
परी॑मꣳ रा॒यस्पोषो॑ यज॑मानं मनु॒ष्या अ॒न्तरिक्ष॑स्य त्वा॒ साना॑वव

गूहामि॥ (११)

उ॒श्म॒सी पोष॑मेका॒न्नवि॑शतिश्च॥ [६]

इ॒षे त्वो॑प॒वीर॒स्युपो॑ दे॒वान्दे॒वीर्वि॑शः प्रा॒गुर्व॒हीरु॑शिजो बृह॑स्पते  
धा॒रया॒ वसू॑नि ह॒व्या ते॑ स्वदन्तां दे॒वं त्वष्ट॑र्वसुं रण॒व रे॒वती॑  
रम॑ध्वम॒ग्नेर्ज॒नित्र॑मसि वृष॑णौ स्थ उ॒र्वश्य॑स्या॒युर॑सि पु॒रुरवा॑  
घृ॒तेना॒क्ते वृष॑णं दधाथां गाय॒त्रं छ॒न्दोऽनु॑ प्र जा॒यस्व॒ त्रैष्टु॑भं जा॒ग॑तं  
छ॒न्दोऽनु॑ प्रजा॒यस्व॒ भव॑तं (१२)

नः॑ सम॑नसौ॒ समो॑कसावरे॒पसौ॑। मा य॒ज्ञं हि॑सिष्टं मा  
य॒ज्ञप॑तिं जा॒तवे॑दसौ शि॒वो भ॑वतम॒द्य नः॑॥ अ॒ग्नाव॒ग्निश्च॑रति प्रविष्ट  
ऋ॒षीणां॑ पु॒त्रो अ॑धि॒राज॑ ए॒षः। स्वा॒हाकृ॑त्य ब्रह्म॑णा ते जुहोमि॒ मा  
दे॒वानां॑ मिथु॒याक॑र्भा॒गधे॒यम्॥ (१३)

भव॑तमेक॒त्रिंशच्च॑॥ [७]

आ द॑द ऋ॒तस्य॑ त्वा दे॒वह॒विः पा॒शेनाऽऽर॑भे ध॒र्षा  
मा॒नु॒षान॒द्भ्यस्त्वो॑षधी॒भ्यः प्रो॒क्षा॑म्य॒पां पे॒रुर॑सि स्वा॒त्तं चि॒त्सदे॒व  
ह॒व्यमा॑पो दे॒वीः स्व॑द॒तैर्न॑ सं ते॑ प्रा॒णो वा॒युना॑ गच्छ॒ता  
सं य॒जत्रै॑रङ्गा॒नि सं य॒ज्ञप॑तिरा॒शिषा॑ घृ॒तेना॒क्तौ प॒शुं त्रा॑येथा॒  
रे॒वती॑र्य॒ज्ञप॑तिं प्रि॒यधाऽऽवि॑श॒तोरो॑ अ॒न्तरि॑क्ष स॒जूर्दे॒वेन॑ (१४)

वा॒तेना॒स्य ह॒विष॑स्मना॒ यज॑ सम॑स्य त॒नुवा॑ भव॒ वर्षी॑यो  
व॒र्षीय॑सि य॒ज्ञे य॒ज्ञप॑तिं धाः पृ॒थिव्याः स॒म्पृचः॑ पाहि॒ नम॑स्त

आतानाऽन॒र्वा प्रेहि॑ घृ॒तस्य॑ कु॒ल्याम॑नु॒ सह प्र॒जया॑ सह  
रा॒यस्पोषे॑णाऽऽपो॑ दे॒वीः शुद्धा॑युवः शुद्धा॑ यू॒यं दे॒वाः ॐङ्क॑ शुद्धा॑  
व॒यं परि॑विष्टाः परि॒वेष्टा॑रो वो भूया॑स्म॥ (१५)

दे॒वेन॒ चतु॑श्च॒त्वारि॑श॒च॥ [८]

वा॒क्त॒ आ प्या॑यतां प्रा॒णस्त॒ आ प्या॑यतां चक्षु॑स्त॒ आ प्या॑यतां  
श्रो॒त्रं त॒ आ प्या॑यतां या ते॑ प्रा॒णाञ्छु॑ग्ज॒गाम॒ या चक्षु॑र्या श्रो॒त्रं यत्  
ते॑ क्रू॒रं यदा॑स्थि॒तं तत् त॒ आ प्या॑यतां तत् त॑ ए॒तेन॑ शु॒न्धतां॑ नाभि॑स्त॒  
आ प्या॑यतां पा॒युस्त॒ आ प्या॑यतां शुद्धाश्च॒रित्राः॑ शम॒द्भ्यः॑ (१६)

शमो॑षधी॒भ्यः शं पृ॑थि॒व्यै शम॑हो॒भ्यामो॑ष॒धे त्रा॑य॒स्वेन॑  
स्व॒धि॒ते मे॑न॒ हि॒ सी रक्ष॑सां भा॒गोऽसी॑दम॒हं रक्षो॑ऽध॒मं तमो॑  
नया॑मि॒ योऽस्मान् द्वेष्टि॑ यं च॒ वयं॑ द्विष्म॒ इदमे॑नम॒ध॒मं तमो॑  
नया॑मी॒षे त्वां घृ॑तेन॑ द्यावापृथि॒वी प्रो॑र्णा॒थाम॑च्छि॒न्नो रा॑यः सु॒वीरं॑  
उ॒र्वन्तरि॑क्ष॒मन्वि॑हि॒ वायो॑ वीहि॑ स्तो॒काना॑  
गच्छ॑तम्॥ (१७)

अ॒द्भ्यो वीहि॑ पञ्च॒ च॥ [९]

सं ते॑ मन॑सा॒ मनः॑ सं प्रा॒णेन॑ प्रा॒णो जुष्टं॑ दे॒वेभ्यो॑ ह॒व्यं  
घृ॒तव॑त्स्वाहैन्द्रः प्रा॒णो अङ्गे॑ अङ्गे॒ नि दै॑व्यदैन्द्रो॑ऽपा॒नो अङ्गे॑ अङ्गे  
वि बो॑भुव॒द्देवं॑ त्वष्ट॒र्भूरि॑ ते॒ स॒स॒मेतु॑ विषु॒रूपा॑ यथ्सल॑क्ष्माणो

भव॑थ दे॒व॒त्रा यन्त॑मव॑से॒ सखा॑योऽनु॒ त्वा मा॒ता पि॒तरो॑ मदन्तु॒  
श्रीर॑स्य॒ग्निस्त्वा॑ श्रीणा॒त्वापः॑ सम॑रिण॒न्वात॑स्य (१८)

त्वा ध्रज्यै॑ पू॒ष्णो र॒ङ्ह्या अ॒पामोष॑धीना॒ꣳ रोहि॑ष्यै घृतं  
घृत॑पावानः पिबत॒ वसा॑ वसापावानः पिबता॒न्तरि॑क्षस्य ह॒विर॑सि॒  
स्वाहा॑ त्वा॒ऽन्तरि॑क्षाय दिशः प्र॒दिश॑ आ॒दिशो॑ वि॒दिश॑ उ॒द्दिशः॑  
स्वाहा॑ दि॒ग्भ्यो नमो॑ दि॒ग्भ्यः॥ (१९)

वात॑स्या॒ष्टावि॑ंशतिश्च॥ [१०]

स॒मु॒द्रं गच्छ॑ स्वाहा॒ऽन्तरि॑क्षं गच्छ॑ स्वाहा॑ दे॒वꣳ स॑वि॒तारं॑ गच्छ॑  
स्वाहा॑ऽहोरा॒त्रे गच्छ॑ स्वाहा॑ मि॒त्रावरु॑णौ गच्छ॑ स्वाहा॑ सोमं॑ गच्छ॑  
स्वाहा॑ य॒ज्ञं गच्छ॑ स्वाहा॑ छन्दा॑ꣳसि गच्छ॑ स्वाहा॑ द्यावा॑पृथि॒वी  
गच्छ॑ स्वाहा॑ नभो॑ दि॒व्यं गच्छ॑ स्वाहा॑ऽग्निं वै॑श्वान॒रं गच्छ॑ स्वाहा॑  
ऽद्ध्य॑स्त्वौष॑धीभ्यो॒ मनो॑ मे॒ हार्दि॑ यच्छ॒ तनू॑ त्वचं॑ पु॒त्रं न॑प्तारमशीय॒  
शुग॑सि॒ तम॑भि शोच॒ योऽस्मान् द्वेष्टि॑ यं च॒ वयं॑ द्विष्मो धाम्नो॑धाम्नो  
राज॑न्नि॒तो व॑रुण नो मुश्च॒ यदापो॑ अ॒घ्निया॑ वरु॒णेति॑ शपा॑महे॒ ततो॑  
वरुण॑ नो मुश्च॥ (२०)

अ॒सि षड्वि॑ंशतिश्च॥ [११]

ह॒विष्म॑तीरि॒मा आपो॑ ह॒विष्मा॑न् दे॒वो अ॑ध्व॒रो ह॒विष्मा॑ꣳ आ  
वि॑वासति ह॒विष्मा॑ꣳ अस्तु॑ सूर्यः॑॥ अ॒ग्नेर्वो॑ऽप॒न्नगृ॑हस्य॒ सद॑सि

सादयामि सुम्नाय॑ सुम्निनीः सुम्ने मा॑ धत्तेन्द्रा॒ग्नि॒योर्भा॒ग॒धेयीः॑ स्थ  
मित्रावरु॑णयोर्भा॒ग॒धेयीः॑ स्थ विश्वे॑षां दे॒वानां॑ भा॒ग॒धेयीः॑ स्थ य॒ज्ञे  
जा॑गृत॥ (२१)

ह॒विष्म॑न्ती॒श्वतु॑स्त्रि॒श॒त्॥ [१२]

हृ॒दे त्वा॒ मन॑से त्वा दि॒वे त्वा॒ सूर्या॑य त्वो॒र्ध्वमि॒मम॑ध्व॒रं कृ॑धि  
दि॒वि दे॒वेषु॑ हो॒त्रा यच्छु॑ सोमं॒ राज॒त्रेह्य॑व॒ रोह॑ मा भे॒र्मा सं  
वि॒क्था मा त्वा॑ हि॒सिषं॑ प्र॒जास्त्वमु॒पाव॑रोह प्र॒जास्त्वामु॒पाव॑ रोहन्तु  
शृ॒णोत्व॑ग्निः स॒मिधा॑ ह॒वं मे शृ॒ण्वन्त्वापो॑ धि॒षणा॑श्च दे॒वीः। शृ॒णोत॑  
ग्रा॒वा॒णो वि॒दुषो॑ नु (२२)

य॒ज्ञश्च॑ शृ॒णोतु॑ दे॒वः स॑वि॒ता ह॒वं मे। दे॒वी॒रापो॑ अ॒पां न॒पाद्य  
ऊ॒र्मिर्ह॑वि॒ष्य इन्द्रि॒यावा॑न्म॒दिन्त॑म॒स्तं दे॒वेभ्यो॑ दे॒वत्रा॑ ध॒त्त शु॒क्रश्च॑  
शु॒क्रपे॑भ्यो॒ येषां॑ भा॒गः स्थ स्वाहा॑ कार्षि॑र॒स्यपा॑पां मृ॒धश्च॑ संमु॒द्रस्य॑  
वो॒क्षित्या॑ उन्नये। यम॑ग्ने पृ॒थ्सु म॒र्त्यमा॑वो॒ वाजे॑षु यं जु॒नाः। स यन्ता॑  
श॒श्वती॑रिषः॥ (२३)

नु स॒प्तच॑त्वारि॒श॒च्च॥ [१३]

त्वम॑ग्ने रु॒द्रो अ॒सुरो॑ म॒हो दि॒वस्त्व॑श्च श॒र्धो मा॑रु॒तं पृ॒क्ष ई॒शिषे।  
त्वं वा॒तैर॑रु॒णैर्या॑सि शङ्ग॒यस्त्वं पृ॒षा वि॑ध॒तः पा॑सि नु त्मना॑॥ आ वो॒  
राजा॑नमध्व॒रस्य॑ रु॒द्रश्च॑ हो॒ताश्च॑ सत्य॒यज्ञश्च॑ रोद॑स्योः। अ॒ग्निं पु॒रा

तनयि॒बोर॒चित्ता॒द्धिर॑ण्यरूपमवसे कृणुध्वम्॥ अ॒ग्निर॒होता॒ निष॑सादा  
यजी॑यानुपस्थे मा॒तुः सु॑र॒भावं॑ लो॒के। युवा॑ क॒विः पु॑रुनिष्ठ - (२४)

ऋ॒तावा॑ ध॒र्ता कृ॑ष्टीनामु॒त म॒ध्यं इ॒द्धः॥ सा॒ध्वीम॑क॒र्देव॑वी॒तिं नो॑  
अ॒द्य य॒ज्ञस्य॑ जि॒ह्वाम॑वि॒दाम॑ गु॒ह्याम्। स आ॒युरागा॑त्सु॒रभि॑र्वसा॒नो  
भ॒द्राम॑क॒र्देव॑हू॒तिं नो॑ अ॒द्य॥ अ॒क्र॒न्दद॑ग्निः स्त॒नय॑न्नि॒व द्यौः क्षामा॑  
रेरि॑ह॒द्वीरु॑धः सम॒ञ्जन्। सु॒द्यो ज॑ज्ञा॒नो वि॒हीमि॑द्धो अ॒ख्य॒दा रोद॑सी  
भा॒नुना॑ भा॒त्यन्तः॥ त्वे वसू॑नि पु॒र्वणी॑क (२५)

हो॒तर्दो॑षा वस्तो॒रेरि॑रे य॒ज्ञिया॑सः। क्षामे॑व वि॒श्वा भु॑वनानि  
यस्मि॑न्त्स॒ सौभ॑गानि दधि॒रे पा॑व॒के॥ तुभ्यं॑ ता अ॒ङ्गिर॑स्तम॒  
वि॒श्वाः सु॑क्षितयः पृथ॑क्। अ॒ग्ने का॑मा॒य येमि॑रे॥ अ॒श्याम॑ तं  
का॒मम॑ग्ने॒ तवो॑त्य॒श्याम॑ र॒यि॑ स॒ रयि॑वः सु॒वीर॑म्। अ॒श्याम॑ वा॒जम॑भि  
वा॒जय॑न्तोऽश्याम॑ द्यु॒मम॑जरा॒जरं॑ ते॥ श्रेष्ठं॑ यविष्ठ भार॒ताग्नै॑  
द्यु॒मन्त॑माभ॑र। (२६)

वसो॑ पुरु॒स्पृह॑ स॒ रयि॑म्॥ स श्वि॑ता॒नस्त॑न्यतू रो॒चन॑स्था  
अ॒जरे॑भिर्नान॑दद्वि॒र्यवि॑ष्ठः। यः पा॑व॒कः पु॑रु॒तमः॑ पु॒रूणि॑  
पृथू॑न्य॒ग्निर॑नुयाति॒ भर्व॑न्॥ आयु॑ष्टे वि॒श्वतो॑ दध॒दय॑म॒ग्निर्व॑रे॒ण्यः।  
पुन॑स्ते प्रा॒ण आय॑ति॒ परा॒ यक्ष्म॑ सु॒वामि॑ ते॥ आ॒युर्दा॑ अ॒ग्ने  
ह॒विषो॑ जुषा॒णो घृ॑तप्र॒तीको॑ घृ॒तयो॑निरेधि। घृ॒तं पी॒त्वा मधु॑ चारु॒  
गव्यं॑ पि॒तेवं पु॒त्रम॑भि (२७)

रक्षतादिमम्॥ तस्मै ते प्रतिहर्यते जातवेदो विचर्षणे। अग्ने  
जनामि सुष्टुतिम्॥ दिवस्परि प्रथमं जज्ञे अग्निरस्मद् द्वितीयं  
परि जातवेदाः। तृतीयमप्सु नृमणा अजस्रमिन्धान एनं जरते  
स्वाधीः॥ शुचिः पावक वन्द्योऽग्रे बृहद्वि रोचसे। त्वं घृतेभिराहुतः॥  
दृशानो रुक्म उर्व्या व्यद्यौद् दुर्मर्षमायुः श्रिये रुचानः। अग्निरमृतो  
अभवद्वयोभिर्- (२८)

यदेनं द्यौरजनयत्सुरेताः॥ आ यदिषे नृपतिं तेज आनद्बुचि  
रेतो निषिक्तं द्यौरभीकै। अग्निः शर्धमनवद्यं युवानं स्वाधियं  
जनयत्सूदयच्च॥ स तेजीयसा मनसा त्वोत उत शिक्ष स्वपत्यस्य  
शिक्षोः। अग्रे रायो नृतमस्य प्रभूतौ भूयाम ते सुष्टुतयश्च वस्वः॥  
अग्रे सहन्तमा भर द्युमनस्य प्रासहा रयिम्। विश्वा यश- (२९)

चर्षणीरभ्यासा वाजेषु सासहत॥ तमग्रे पृतनासहं रयिं  
सहस्व आ भर। त्वं हि सत्यो अद्भुतो दाता वाजस्य गोमतः॥  
उक्षान्नाय वशान्नाय सोमपृष्ठाय वेधसे। स्तोमैर्विधेमाग्नये॥ वद्मा हि  
सूनो अस्यद्वसद्वा चक्रे अग्निर्जनुषाज्मान्नम्। स त्वं न ऊर्जसन्  
ऊर्जं धा राजैव जेरवृके क्षेप्यन्तः॥ अग्न आयूँषि (३०)

पवस् आ सुवोर्जमिषं च नः। आरे बाधस्व दुच्छुनाम्॥ अग्ने  
पवस्व स्वपा अस्मे वर्चः सुवीर्यम्। दधत्पोषं रयिं मयि॥ अग्ने  
पावक रोचिषा मन्द्रया देव जिह्वया। आ देवान् वक्षि यक्षि च॥

स नः पावक दीदिवोऽग्ने देवाः इहा वह। उप यज्ञः हविश्च नः॥  
 अग्निः शुचिव्रततमः शुचिर्विप्रः शुचिः कविः। शुची रोचत आहुतः॥  
 उदग्ने शुचयस्तव शुक्रा भ्राजन्त ईरते। तव ज्योतीं ष्यर्चयः॥ (३१)

पुरुनिष्ठः पुर्वणीक भराऽभि वयोभिर्य आयूँषि विप्रः शुचिश्चतुर्दश  
 च॥ [१४]

[देवस्य रक्षोहणो विभूस्त्वः सोमात्यन्यानां पृथिव्या इषे त्वाऽऽदे वाक्ते सं ते समुद्रं  
 हविष्मतीरहृदे त्वमग्ने रुद्रश्चतुर्दश॥ देवस्य गमर्थ्यै हविष्मतीः पवस एकत्रिंशत्॥ देवस्यार्चयः॥]

## ॥चतुर्थः प्रश्नः॥

### ॥तैत्तिरीयसंहितायां प्रथमकाण्डे चतुर्थः प्रश्नः॥

आ ददे ग्रावाँस्यध्वरकृद् देवेभ्यो गम्भीरमिममध्वरं कृध्युत्तमेन  
 पविनेन्द्राय सोमं सुषुतं मधुमन्तं पयस्वन्तं वृष्टिवनिमिन्द्राय  
 त्वा वृत्रघ्न इन्द्राय त्वा वृत्रतुर इन्द्राय त्वाऽभिमातिघ्न इन्द्राय  
 त्वाऽऽदित्यवत इन्द्राय त्वा विश्वदैव्यावते श्वात्राः स्थं वृत्रतुरो  
 राधोगूर्ता अमृतस्य पत्नीस्ता देवीर्देवत्रेमं यज्ञं धत्तोपहृताः सोमस्य  
 पिबतोपहृतो युष्माकः (१)

सोमः पिबतु यत्ते सोम दिवि ज्योतिर्यत् पृथिव्यां  
 यदुरावन्तरिक्षे तेनास्मै यजमानायोरु राया कृध्यधि दात्रे वोचो  
 धिषणे वीडू सती वीडयेथामूर्जं दधाथामूर्जं मे धत्तं मा वाँ



हि॒ंसि॒षं॒ मा मां हि॒ंसि॒ष्टं प्रा॒गपा॒गुदं॑ग॒धरा॑क्तास्त्वा दि॒श आ  
धा॒वन्त्व॑म्ब॒ नि ष्व॑र। यत्ते॑ सो॒मादा॑भ्यं॒ नाम॒ जागृ॑वि॒ तस्मै॑ ते सोम॒  
सोमा॑य॒ स्वाहा॑॥ (२)

युष्माक॑श्च॒ स्वर॒ यत्ते॑ नव॑ च॥ [१]

वा॒चस्प॑तये॒ पव॑स्व वा॒जिन् वृषा॒ वृष्णो॑ अ॒शुभ्यां॒ गर्भ॑स्ति॒पूतो  
दे॒वो दे॒वानां॑ प॒वित्र॑मसि॒ येषां॑ भा॒गोऽसि॒ तेभ्य॑स्त्वा॒ स्वां कृ॑तोऽसि॒  
मधु॑मतीर्न॒ इष॑स्कृ॒धि विश्वे॑भ्यस्त्वेन्द्रि॒येभ्यो॑ दि॒व्येभ्यः॒ पार्थि॑वेभ्यो॒  
मन॑स्त्वाष्ट्र॒र्वन्तरि॑क्ष॒मन्वि॑हि॒ स्वाहा॑ त्वा सु॒भवः॒ सूर्या॑य दे॒वेभ्य॑स्त्वा  
मरी॑चि॒पेभ्य॑ ए॒ष ते॒ योनिः॑ प्रा॒णाय॑ त्वा॥ (३)

वा॒चः स॒प्तच॑त्वारि॒ंशत्॥ [२]

उ॒पया॑मगृ॒हीतो॑ऽस्य॒न्तर्य॑च्छ॒ मघ॑वन् पा॒हि सोम॑मु॒रुष्य॒ रायः॑  
समि॑षो॒ यज॑स्वा॒न्तस्ते॑ दधामि॒ द्यावा॑पृथि॒वी अ॒न्तरु॑र्वन्तरि॒क्षं  
स॒जोषा॑ दे॒वैरव॑रैः॒ परै॑श्चान्तर्या॒मे म॑घवन् मादयस्व॒ स्वां कृ॑तोऽसि॒  
मधु॑मतीर्न॒ इष॑स्कृ॒धि विश्वे॑भ्यस्त्वेन्द्रि॒येभ्यो॑ दि॒व्येभ्यः॒ पार्थि॑वेभ्यो॒  
मन॑स्त्वाष्ट्र॒र्वन्तरि॑क्ष॒मन्वि॑हि॒ स्वाहा॑ त्वा सु॒भवः॒ सूर्या॑य दे॒वेभ्य॑स्त्वा  
मरी॑चि॒पेभ्य॑ ए॒ष ते॒ योनि॑रपा॒नाय॑ त्वा॥ (४)

दे॒वेभ्यः॑ स॒प्त च॑॥ [३]

आ वा॑यो भूष शुचि॒पा उप॑ नः सु॒हस्रं॑ ते नि॒युतो॑ विश्व॒वार।

उपो ते अन्धो मद्यमयामि यस्य देव दधिषे पूर्वपेयम्॥  
 उपयामगृहीतोऽसि वायवे त्वेन्द्रवायू इमे सुताः। उप प्रयोभिरा  
 गंतुमिन्दवो वामुशन्ति हि॥ उपयामगृहीतोऽसीन्द्रवायुभ्यां त्वैष ते  
 योनिः सज्जोषाभ्यां त्वा॥ (५)

आ वायो त्रिचंत्वारिंशत्॥ [४]

अयं वा मित्रावरुणा सुतः सोमं ऋतावृधा। ममेदिह श्रुतं  
 हवम्। उपयामगृहीतोऽसि मित्रावरुणाभ्यां त्वैष ते योनिर् ऋतायु-  
 भ्यां त्वा॥ (६)

अयं वा विंशतिः॥ [५]

या वा कशा मधुमत्यश्विना सूनृतावती। तया यज्ञं मिमिक्षतम्।  
 उपयामगृहीतोऽस्यश्विभ्यां त्वैष ते योनिर्माध्वीभ्यां त्वा॥ (७)

या वामष्टादश॥ [६]

प्रातर्युजौ वि मुच्येथामश्विनावेह गच्छतम्। अस्य सोमस्य  
 पीतये॥ उपयामगृहीतोऽस्यश्विभ्यां त्वैष ते योनिर्श्विभ्यां त्वा॥ (८)

प्रातर्युजावेकान्नविंशतिः॥ [७]

अयं वेनश्चोदयत् पृश्निगर्भा ज्योतिर्जरायू रजसो विमाने।  
 इममपां सङ्गमे सूर्यस्य शिशुं न विप्रां मतिर्भी रिहन्ति॥

उपयामगृहीतोऽसि शण्डाय त्वेष ते योनिर्वीरतां पाहि॥ (९)

अयं वेनः पञ्चविंशतिः॥ [८]

तं प्रत्नथां पूर्वथां विश्वथेमथां ज्येष्ठतांतिं बर्हिषदं सुवर्विदं  
प्रतीचीनं वृजनं दोहसे गिराऽऽशुं जयन्तमनु यासु वर्धसे।  
उपयामगृहीतोऽसि मर्काय त्वेष ते योनिः प्रजाः पाहि॥ (१०)

तं षड्विंशतिः॥ [९]

ये देवा दिव्येकादश स्थ पृथिव्यामध्येकादश स्थाऽप्सुषदो  
महिनैकादश स्थ ते देवा यज्ञमिमं जुषध्वमुपयामगृहीतो-  
ऽस्याग्रयणोऽसि स्वाग्रयणो जिन्वं यज्ञं जिन्वं यज्ञपतिमभि  
सर्वना पाहि विष्णुस्त्वां पातु विशं त्वं पाहीन्द्रियेणेष ते  
योनिर्विश्वेभ्यस्त्वा देवेभ्यः॥ (११)

ये देवास्त्रिचत्वारिंशत्॥ [१०]

त्रिंशत्रयंश्च गणिनो रुजन्तो दिवं रुद्राः पृथिवीं च सचन्ते।  
एकादशासो अप्सुषदः सुतं सोमं जुषन्तां सर्वनाय विश्वे॥  
उपयामगृहीतोऽस्याग्रयणोऽसि स्वाग्रयणो जिन्वं यज्ञं जिन्वं  
यज्ञपतिमभि सर्वना पाहि विष्णुस्त्वां पातु विशं त्वं पाहीन्द्रियेणेष  
ते योनिर्विश्वेभ्यस्त्वा देवेभ्यः॥ (१२)

त्रिंशद् द्विचत्वारिंशत्॥ [११]

उप॒या॒मगृ॑हीतोऽसीन्द्रा॑य त्वा बृ॒हद्व॑ते वय॑स्वत उक्था॒युवे॑  
यत् तं इन्द्र॑ बृ॒हद्वय॑स्तस्मै॑ त्वा वि॒ष्णावे॑ त्वैष ते॒ योनि॑रिन्द्रा॑य  
त्वोक्था॒युवे॑॥ (१३)

उप॒या॒मगृ॑हीतो द्वाविंश॑तिः॥ [१२]

मूर्धा॑नं दि॒वो अ॑र॒तिं पृ॑थि॒व्या वै॑श्वान॒रमृ॑ताय जा॒तम॒ग्निम्।  
क॒विः स॒म्राज॑म॒तिथिं॑ जना॑नामा॒सन्ना पा॑त्रं जनयन्त दे॒वाः॥  
उप॒या॒मगृ॑हीतोऽस्य॒ग्नये॑ त्वा वैश्वान॒राय॑ ध्रुवो॑ऽसि ध्रुव॑क्षिति॒र्ध्रुवाणां॑  
ध्रुव॑त॒मोऽच्यु॑तानामच्युत॒क्षित्त॑म ए॒ष ते॒ योनि॑र॒ग्नये॑ त्वा  
वैश्वान॒राय॑॥ (१४)

मूर्धा॑नं पञ्चत्रिंशत्॥ [१३]

मधु॑श्च माध॑वश्च शु॒क्रश्च शु॒चिश्च॒ नभ॑श्च नभ॒स्यश्च॑षश्चो॒र्जश्च॒  
सह॑श्च सह॒स्यश्च॒ तप॑श्च तप॒स्यश्चो॒पया॑मगृ॒हीतोऽसि॑ स॒र्षोऽस्य॑  
हस्प॒त्याय॑ त्वा॥ (१५)

मधु॑स्त्रिंशत्॥ [१४]

इन्द्रा॑ग्नी आ ग॑तः सु॒तं गी॒र्भिर्नभो॑ वरे॑ण्यम्। अ॒स्य पा॑तं  
धि॒येषि॑ता॥ उप॒या॒मगृ॑हीतोऽसीन्द्रा॑ग्निभ्यां॑ त्वैष ते॒ योनि॑रिन्द्रा॑ग्नि॒भ्यां त्वा॥ (१६)

इन्द्रा॑ग्नी विंश॑तिः॥ [१५]

ओमांसश्चरषणीधृतो विश्वे देवास आ गता दाश्वांसो  
दाशुषः सुतम्॥ उपयामगृहीतोऽसि विश्वेभ्यस्त्वा देवेभ्य एष ते  
योनिर्विश्वेभ्यस्त्वा देवेभ्यः॥ (१७)

इन्द्राग्नी ओमांसो विंशतिर्विंशतिः॥ [१६]

मरुत्वन्तं वृषभं वावृधानमकवारिं दिव्यं शासमिन्द्रम्।  
विश्वासाहमवसे नूतनायोग्रं सहोदामिह तं हुवेम॥  
उपयामगृहीतोऽसीन्द्राय त्वा मरुत्वन्त एष ते योनिरिन्द्राय  
त्वा मरुत्वन्ते॥ (१८)

मरुत्वन्तं षड्विंशतिः॥ [१७]

इन्द्रं मरुत्व इह पाहि सोमं यथा शार्याति अपिबः सुतस्य।  
तव प्रणीती तव शूर शर्मन्ना विवासन्ति कवयः सुयज्ञाः॥  
उपयामगृहीतोऽसीन्द्राय त्वा मरुत्वन्त एष ते योनिरिन्द्राय त्वा  
मरुत्वन्ते॥ (१९)

इन्द्रैकान्नत्रिंशत्॥ [१८]

मरुत्वा इन्द्र वृषभो रणाय पिबा सोममनुष्वधं मदाय।  
आ सिञ्चस्व जठरे मध्व ऊर्मिं त्वं राजासि प्रदिवः सुतानाम्॥  
उपयामगृहीतोऽसीन्द्राय त्वा मरुत्वन्त एष ते योनिरिन्द्राय त्वा  
मरुत्वन्ते॥ (२०)

इन्द्रं मरुत्वो मरुत्वानेकान्न त्रिंशदेकान्न त्रिंशत्॥ [१९]

महा९ इन्द्रो य ओजसा पर्जन्यो वृष्टिमा९ इवा  
स्तोमैर्वथ्सस्य वावृधे॥ उपयामगृहीतोऽसि महेन्द्राय त्वैष ते  
योनिर्महेन्द्राय त्वा॥ (२१)

महानेकान्नवि९शतिः॥ [२०]

महा९ इन्द्रो नृवदा चर्षणिप्रा उत द्विबर्हा अमिनः  
सहोभिः। अस्मद्रियग्वावृधे वीर्यायोरुः पृथुः सुकृतः कर्तृभिर्भूत॥  
उपयामगृहीतोऽसि महेन्द्राय त्वैष ते योनिर्महेन्द्राय त्वा॥ (२२)

महानृवत्पङ्क्ति९शतिः॥ [२१]

कदा चन स्तरीरसि नेन्द्र सश्वसि दाशुषे। उपोपेन्नु  
मघवन् भूय इन्नु ते दानं देवस्य पृच्यते॥ उपयामगृहीतो-  
ऽस्यादित्येभ्यस्त्वा॥ कदा चन प्र युच्छस्युभे नि पांसि जन्मनी।  
तुरीयादित्य सवनं त इन्द्रियमा तस्थावमृतं दिवि॥ यज्ञो  
देवानां प्रत्येति सुम्रमादित्यासो भवता मृडयन्तः। आ वोऽर्वाचीं  
सुमतिर्ववृत्याद९होश्चिद्या वरिवोवित्तरासत्॥ विवस्व आदित्येष  
ते सोमपीथस्तेन मन्दस्व तेन तृप्य तृप्यास्म ते वयं तर्पयितारो  
या दिव्या वृष्टिस्तया त्वा श्रीणामि॥ (२३)

वः सप्तवि९शतिश्च॥ [२२]

वाममद्य सवितर्वाममु श्वो दिवेदिवे वाममस्मभ्य९ सावीः।  
वामस्य हि क्षयस्य देव भूररया धिया वामभाजः स्याम॥

उ॒प॒या॒म॒गृ॒ही॒तो॒ऽसि॒ दे॒वाय॑ त्वा स॒वि॒त्रे॥ (२४)

वा॒मं च॒तुर्विं॑शतिः॥ [२३]

अद॑ब्धेभिः स॒वितः॑ पा॒युभि॑द्वं शि॒वेभि॑र॒द्य परि॑ पाहि नो॒  
गय॑म्। हि॒र॒ण्यजि॑ह्वः सु॒वि॒ताय॑ न॒व्य॑से र॒क्षा मा॒कि॒र्नो अ॒घ॒श॑स॒  
ई॒शत॑॥ उ॒प॒या॒म॒गृ॒ही॒तो॒ऽसि॒ दे॒वाय॑ त्वा स॒वि॒त्रे॥ (२५)

अद॑ब्धेभिस्त्रयो॒विं॑शतिः॥ [२४]

हि॒र॒ण्यपा॑णिमू॒तये॑ स॒वि॒ता॒र॒मुप॑ ह्वये। स चे॒त्ता दे॒वता॑ प॒दम्॥  
उ॒प॒या॒म॒गृ॒ही॒तो॒ऽसि॒ दे॒वाय॑ त्वा स॒वि॒त्रे॥ (२६)

हि॒र॒ण्यपा॑णिं च॒तुर्द॑श॥ [२५]

सु॒शर्मा॑ऽसि सु॒प्रति॑ष्ठा॒नो बृ॒हदु॒क्षे नम॑ ए॒ष ते॒ योनि॑र्वि॒श्वेभ्य॑स्त्वा  
दे॒वेभ्यः॑॥ (२७)

सु॒शर्मा॑ द्वा॒द॑श॥ [२६]

बृ॒ह॒स्पति॑सु॒तस्य॑ त इ॒न्दो इन्द्रि॑याव॒तः प॒त्नीव॑न्तं॒ ग्रहं॑  
गृ॒ह्णाम्य॑ग्रा(३)इ प॒त्नीवा॑(३)ः स॒जूर्दे॒वेन॑ त्वष्ट्रा सोमं॑ पिब॒  
स्वाहा॑॥ (२८)

बृ॒ह॒स्पति॑सु॒तस्य॑ पञ्च॒द॑श॥ [२७]

हा॒रि॒र॒सि हा॒रि॒यो॒ज॒नो ह॒र्योः स्था॒ता वज्र॑स्य भ॒र्ता पृ॒श्नेः प्रे॒ता

तस्य॑ ते देव सोमेष्ट्य॑जुषः स्तु॒तस्तो॑मस्य श॒स्तोक्थ॑स्य हरि॑वन्तं  
ग्रहं॑ गृह्णामि ह॒रीः स्थ॒ हर्यो॑र्धा॒नाः सह॑सो॒मा इन्द्रा॑य॒ स्वाहा॑॥ (२९)

हरिः॒ षड्विंश॑तिः॥ [२८]

अग्र॒ आयू॑र॒षि पव॑स॒ आ सु॒वोर्ज॑मिषं च नः। आ॒रे बा॑धस्व  
दु॒च्छुना॑म्॥ उ॒प॒या॒मगृ॑हीतोऽस्य॒ग्रये॑ त्वा॒ तेज॑स्वत ए॒ष ते॒ योनि॑र॒ग्रये॑  
त्वा॒ तेज॑स्वते॥ (३०)

अग्र॒ आयू॑र॒षि त्रयो॑वि २शतिः॥ [२९]

उ॒त्तिष्ठ॑न्नो॒जसा॑ सह पी॒त्वा शि॒प्रे अ॒वेप॑यः। सोमं॑मिन्द्र च॒मू  
सु॒तम्॥ उ॒प॒या॒मगृ॑हीतोऽसीन्द्रा॑य॒ त्वौज॑स्वत ए॒ष ते॒ योनि॑रिन्द्रा॑य॒  
त्वौज॑स्वते॥ (३१)

उ॒त्तिष्ठ॑न्नेकं॒वि २शतिः॥ [३०]

त॒रणि॑र्वि॒श्वद॑र॒शतो॑ ज्योति॒ष्कृद॑सि सूर्य॑। वि॒श्वमा॑ भा॒सि  
रोच॑नम्॥ उ॒प॒या॒मगृ॑हीतोऽसि॒ सूर्या॑य॒ त्वा भ्राज॑स्वत ए॒ष ते॒ योनिः॑  
सूर्या॑य॒ त्वा भ्राज॑स्वते॥ (३२)

त॒रणि॑र्वि २शतिः॥ [३१]

आ प्या॑यस्व मदि॒न्तम् सोम॑ वि॒श्वाभि॑रू॒तिभिः॑। भवा॑ नः  
स॒प्रथ॑स्तमः॥ (३३)

आ प्या॑यस्व नव॑॥ [३२]



ईयुष्टे ये पूर्वतरामपश्यन् व्युच्छन्तीमुषसं मर्त्यासः।  
अस्माभिरू नु प्रतिचक्ष्याऽभूदो ते यन्ति ये अपरीषु पश्यान्॥ (३४)

ईयुरेकान्नविंशतिः॥ [३३]

ज्योतिष्मतीं त्वा सादयामि ज्योतिष्कृतं त्वा सादयामि  
ज्योतिर्विदं त्वा सादयामि भास्वतीं त्वा सादयामि ज्वलन्तीं  
त्वा सादयामि मल्मलाभवन्तीं त्वा सादयामि दीप्यमानां  
त्वा सादयामि रोचमानां त्वा सादयाम्यजस्रां त्वा सादयामि  
बृहज्ज्योतिषं त्वा सादयामि बोधयन्तीं त्वा सादयामि जाग्रतीं त्वा  
सादयामि॥ (३५)

ज्योतिष्मतीः षट्त्रिंशत्॥ [३४]

प्रयासाय स्वाहाऽऽयासाय स्वाहा वियासाय स्वाहा  
संयासाय स्वाहोद्यासाय स्वाहाऽवयासाय स्वाहा शुचे स्वाहा  
शोकाय स्वाहा तप्यत्वै स्वाहा तपते स्वाहा ब्रह्महत्यायै स्वाहा  
सर्वस्मै स्वाहा॥ (३६)

प्रयासाय चतुर्विंशतिः॥ [३५]

चित्तं सन्तानेन भुवं यक्रा रुद्रं तनिम्ना पशुपतिं  
स्थूलहृदयेनाग्निं हृदयेन रुद्रं लोहितेन शर्वं मत्स्राभ्यां  
महादेवमन्तःपार्श्वेनौषिष्ठहनं शिङ्गीनिकोश्याभ्याम्॥ (३७)

चित्तमष्टादश॥ [३६]

आ तिष्ठ वृत्रहन् रथं युक्ता ते ब्रह्मणा हरी। अर्वाचीन॑ सु ते  
मनो॑ ग्रावा॑ कृणोतु व॒श्रुना॑॥ उप॒याम॑गृहीतोऽसीन्द्रा॑य त्वा षोड॒शिन॑  
ए॒ष ते॒ योनि॑रिन्द्रा॑य त्वा षोड॒शिनै॑॥ (३८)

आ तिष्ठ षड्विंशतिः॥ [३७]

इन्द्र॑मिद्धरी॑ वह॒तोऽप्र॑तिधृष्टशवस॒मृषी॑णां च स्तुतीरुप॑ य॒ज्ञं  
च॒ मानु॑षाणाम्॥ उप॒याम॑गृहीतोऽसीन्द्रा॑य त्वा षोड॒शिन॑ ए॒ष ते॒  
योनि॑रिन्द्रा॑य त्वा षोड॒शिनै॑॥ (३९)

इन्द्र॑मित्रयोविंशतिः॥ [३८]

असा॑वि सोम॑ इन्द्र ते शवि॑ष्ठ धृष्ण॒वा ग॑हि। आ त्वा॑  
पृ॒णक्ति॑न्द्रिय॑ र॒जः सूर्य॑ न र॒श्मिभिः॑॥ उप॒याम॑गृहीतोऽसीन्द्रा॑य  
त्वा षोड॒शिन॑ ए॒ष ते॒ योनि॑रिन्द्रा॑य त्वा षोड॒शिनै॑॥ (४०)

असा॑वि सप्तविंशतिः॥ [३९]

सर्व॑स्य प्रति॒शीव॑री भूमि॑स्त्वोपस्थ॒ आऽधि॑त। स्यो॒नास्मै॑  
सुषदा॑ भव॒ यच्छा॑स्मै शर्म॑ स॒प्रथाः॑॥ उप॒याम॑गृहीतोऽसीन्द्रा॑य त्वा  
षोड॒शिन॑ ए॒ष ते॒ योनि॑रिन्द्रा॑य त्वा षोड॒शिनै॑॥ (४१)

सर्व॑स्य षड्विंशतिः॥ [४०]

म॒हा॑ इन्द्रो॒ वज्र॑बाहुः षोड॒शी शर्म॑ यच्छतु। स्व॒स्ति नो॑ म॒घवा॑  
करोतु॑ ह॒न्तु पा॒प्मानं॑ योऽस्मान् द्वेष्टि॑॥ उप॒याम॑गृहीतोऽसीन्द्रा॑य त्वा

षोडशिनं एष ते योनिरिन्द्राय त्वा षोडशिनै॥ (४२)

सर्वस्य महान्ध्वद्विंशतिः षड्विंशतिः॥ [४१]

सजोषां इन्द्र सगणो मरुद्विः सोमं पिब वृत्रहञ्छूर विद्वान्।  
जहि शत्रूँ रप मृधो नुदस्वाऽथाभयं कृणुहि विश्वतो नः॥  
उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा  
षोडशिनै॥ (४३)

सजोषाँस्त्रिंशत्॥ [४२]

उदु त्यं जातवेदसं देवं वहन्ति केतवः। दृशे विश्वाय  
सूर्यम्॥ चित्रं देवानामुदगादनीकं चक्षुर्मित्रस्य वरुणस्याग्रेः।  
आऽप्रा द्यावापृथिवी अन्तरिक्षं सूर्य आत्मा जगतस्तस्थुषश्च॥  
अग्रे नयं सुपथा राये अस्मान् विश्वानि देव वयुनानि विद्वान्।  
युयोध्यस्मञ्जुहुराणमेनो भूयिष्ठां ते नमउक्तिं विधेम॥ दिवं गच्छ  
सुवः पत रूपेण (४४)

वो रूपमभ्यैमि वयंसा वयः। तुथो वो विश्ववेदा वि भजतु  
वर्षिष्ठे अधि नाके॥ एतत् ते अग्रे राध ऐति सोमच्युतं तन्मित्रस्य  
पथा नयर्तस्य पथा प्रेतं चन्द्रदक्षिणा यज्ञस्य पथा सुविता  
नयन्तीर्ब्राह्मणमद्य राध्यासमृषिमार्षेयं पितृमन्तं पैतृमत्यं  
सुधातुदक्षिणं वि सुवः पश्य व्यन्तरिक्षं यतस्व सदस्यैरस्मद्वात्रा  
देवत्रा गच्छतु मधुमतीः प्रदातारमा विशतानंवहायास्मान् देवयानेन

पथेत सुकृतां लोके सीदत तन्नः सङ्स्कृतम्॥ (४५)

रूपेण सदस्यैरष्टादश च॥ [४३]

धाता रातिः सवितेदं जुषन्तां प्रजापतिर्निधिपतिर्नो अग्निः।  
त्वष्टा विष्णुः प्रजया स० रराणो यजमानाय द्रविणं दधातु॥ समिन्द्र  
णो मनसा नेषि गोभिः स० सूरिभिर्मघवन्त्स० स्वस्त्या। सं ब्रह्मणा  
देवकृतं यदस्ति सं देवानां० सुमत्या यज्ञियानाम्॥ सं वर्चसा  
पयसा सं तनूभिरगन्महि मनसा स० शिवेन। त्वष्टा नो अत्र  
वरिवः कृणो- (४६)

त्वनु माष्टु तनुवो यद्विलिष्टम्॥ यदद्य त्वां प्रयति यज्ञे  
अस्मिन्नग्रे होतारमवृणीमहीह। ऋधगयादृधगुताशमिष्टाः प्रजानन्  
यज्ञमुपयाहि विद्वान्॥ स्वगा वो देवाः सदनमकर्म य आजग्म  
सवनेदं जुषाणाः। जक्षिवा०सः पपिवा०सश्च विश्वेऽस्मे धत्त  
वसवो वसूनि॥ यानाऽवह उशतो देव देवान्तान् (४७)

प्रेरयु स्वे अग्रे सुधस्थै। वहमाना भरमाणा हवी०षि वसुं  
घर्म दिवमा तिष्ठतानु॥ यज्ञं यज्ञं गच्छ यज्ञपतिं गच्छ स्वां योनिं  
गच्छ स्वाहैष ते यज्ञो यज्ञपते सहसूक्तवाकः सुवीरः स्वाहा देवा  
गातुविदो गातुं वित्वा गातुमित मनसस्पत इमं नो देव देवेषु  
यज्ञं० स्वाहा वाचि स्वाहा वार्ते धाः॥ (४८)

कृणोतु तानष्टाचत्वारि०शच्च॥ [४४]

उरु॑ हि राजा॒ वरु॑णश्चकार॒ सूर्या॑य पन्था॒मन्वे॑त॒वा उ॑। अपदे॒  
पादा॒ प्रति॑धातवेऽकरु॒ताप॑वक्ता हृ॒दया॑विधिश्चित्॥ शतं ते॑ राजन्  
भि॒षजः॑ स॒हस्र॑मुर्वी ग॒म्भीरा॑ सु॒मति॑ष्ठे अस्तु। बाध॑स्व॒ द्वेषो॑ निर्ऋतिं  
परा॒चैः कृतं॑ चि॒देनः॒ प्र मु॑मुग्ध्यस्मत्॥ अ॒भिष्टि॑तो वरु॑णस्य॒ पाशो॑-  
ऽग्नेर॒नीक॑म॒प आ वि॑वेश। अपा॑ नपात् प्रति॒रक्ष॑न्नसुर्यं दमे॑दमे (४९)

स॒मिधं॑ यक्ष्य॒ग्ने॥ प्रति॑ ते जि॒ह्वा घृ॑तमुच्च॒रण्ये॑त्समु॒द्रे ते॒  
हृ॒दय॑म॒प्स्वन्तः॑। सं त्वा॑ वि॒शन्त्वो॑षधीरु॒ताऽऽपो॑ य॒ज्ञस्य॑ त्वा  
य॒ज्ञप॑ते ह॒विर्भिः॑॥ सू॒क्तवा॑के न॒मोवा॑के वि॒धेमा॑व॒भृथ नि॑चङ्कुण  
निचे॒रुर॑सि निचङ्कुणा॑व॒ देवै॑र्दे॒वकृ॑त॒मेनो॑ऽया॒डव॒ मर्त्यै॑र्म॒र्त्यकृ॑त॒मुरो॑रा  
नो॑ देव रि॒षस्या॑हि सु॒मित्रा॑ न॒ आप॒ ओष॑धयः (५०)

सन्तु दु॒र्मित्रा॑स्तस्मै॒ भूया॑सुर्योऽस्मान् द्वेष्टि॒ यं च॑ व॒यं द्वि॒ष्मो  
दे॒वीरा॑प ए॒ष वो॒ गर्भ॑स्तं वः सु॒प्रीत॒॑ सुभृ॑तम॒कर्म॑ दे॒वेषु॑ नः सु॒कृतो॑  
ब्रू॒तात् प्रति॑युतो वरु॑णस्य॒ पाशः॑ प्रत्य॑स्तो वरु॑णस्य॒ पाश॑ एधो॑-  
ऽस्ये॒धिषी॑महि॒ समि॑द॒सि तेजो॑ऽसि॒ तेजो॑ मयि॒ धेह्य॑पो अ॒न्व॑चारिष॒  
रसे॑न॒ सम॑सृक्ष्महि। पय॑स्वा॒ अग्र॑ आ॒गमं॑ तं मा॒ स॒ सृज॑  
वर्च॑सा॥ (५१)

दमे॑दम॒ ओष॑धय॒ आ षट् च॑॥ [४५]

यस्त्वा॑ हृ॒दा की॒रिणा॒ मन्य॑मा॒नोऽम॑र्त्य॒ मर्त्यो॑ जोह॑वीमि।

जातवेदो यशो अस्मासु धेहि प्रजाभिरग्रे अमृतत्वमश्याम्॥ यस्मै  
 त्व९ सुकृते जातवेद उ लोकमग्रे कृणवः स्योनम्। अश्विन९ स  
 पुत्रिणं वीरवन्तं गोमन्त९ रयिं नशते स्वस्ति॥ त्वे सु पुत्र शवसो-  
 ऽवृत्रन् कामकातयः। न त्वामिन्द्रातिं रिच्यते॥ उक्थउक्थे सोम  
 इन्द्र ममाद नीथेनीथे मघवान९ (५२)

सुतासः। यदी९ सुबाधः पितरं न पुत्राः संमानदक्षा अवसे  
 हवन्ते॥ अग्रे रसेन तेजसा जातवेदो वि रोचसे। रक्षोहा-  
 ऽमीवचातनः॥ अपो अन्वचारिष९ रसेन समसृक्षमहि। पयस्वा९  
 अग्र आऽगमं तं मा स९ सृज वर्चसा॥ वसुर्वसुपतिरहिकमस्यग्रे  
 विभावसुः। स्याम ते सुमतावपि॥ त्वामग्रे वसुपतिं वसूनामभि प्र  
 मन्दे (५३)

अध्वरेषु राजन्। त्वया वाजं वाजयन्तो जयेमाभि प्याम  
 पृथ्सुतीर्मर्त्यानाम्। त्वामग्रे वाजसातमं विप्रा वर्धन्ति सुष्टुतम्।  
 स नो रास्व सुवीर्यम्॥ अयं नो अग्निर्वरिवः कृणोत्वयं मृधः  
 पुर एतु प्रभिन्दन्। अय९ शत्रूञ्जयतु जर्हृषाणोऽयं वाजं जयतु  
 वाजसातौ॥ अग्निनाऽग्निः समिध्यते कविर्गृहपतिर्युवा। हव्यवाङ्  
 जुह्वस्यः॥ त्व९ ह्यग्रे अग्निना विप्रो विप्रेण सन्धस्ता। सखा  
 सख्या समिध्यसे॥ उदग्रे शुचयस्तव वि ज्योतिषा॥ (५४)

मघवानं मन्दे ह्यग्रे चतुर्दश च॥ [४६]

## ॥ पञ्चमः प्रश्नः ॥

### ॥ तैत्तिरीयसंहितायां प्रथमकाण्डे पञ्चमः प्रश्नः ॥

दे॒वा॒सु॒राः सं॒य॑त्ता आ॒स॒न् ते दे॒वा वि॑ज॒य॒मु॒प॒य॒न्तोऽग्नौ॑  
वा॒मं व॒सु सं न्य॑दध॒ते॒द॒मु॒ नो भ॑विष्यति॒ यदि॑ नो जे॒ष्य॒न्तीति॑  
तद॒ग्नि॑र्य॒काम॑यत् तेनापा॑क्रामत् तद्दे॒वा वि॑जित्या॒वरु॑रु॒त्स॒मा॒ना  
अ॒न्वा॒य॒न् तद॑स्य॒ सह॑साऽदि॒त्सन्त॑ सोऽरो॒दी॒द्यद॑रो॒दीत् तद्बु॑द्रस्य॒  
रु॒द्रत्वं यद॑श्वशी॒यत् तद् (१)

र॑ज॒त॒ हिर॑ण्यमभवत् तस्मा॑द्रज॒त॒ हिर॑ण्यमदक्षि॒ण्यम॑श्रुज॒  
हि यो ब॒र्हिषि॑ ददाति॒ पुरा॑ऽस्य॒ संव॑त्स॒राद्गृ॑हे रु॒दन्ति॑ तस्मा॑द्ब॒र्हिषि॑  
न दे॒य॒ सोऽग्नि॑र॒ब्रवी॑द्वा॒ग्यं सा॒न्यथ॑ व इ॒दमि॑ति॒ पुन॑रा॒धेयं॑ ते  
के॒वल॑मित्य॒ब्रुव॑न्नृ॒षव॑त् खलु स इत्य॑ब्रवी॒द्यो म॑द्दे॒वत्य॑म॒ग्निमा॑दधा॒ता  
इति॑ तं पू॒षाऽऽध॑त्त॒ तेन॑ (२)

पू॒षाऽऽध॑र्नोत् तस्मा॑त् पौ॒ष्णाः प॒शव॑ उच्यन्ते॒ तं त्व॑ष्टाऽऽध॑त्त॒  
तेन॑ त्व॒ष्टाऽऽध॑र्नोत् तस्मा॑त् त्वा॒ष्ट्राः प॒शव॑ उच्यन्ते॒ तं म॑नुराऽध॑त्त॒  
तेन॑ म॒नुराध॑र्नोत् तस्मा॑न्मा॒न॒व्यः प्र॒जा उ॑च्यन्ते॒ तं धा॒ताऽऽध॑त्त॒ तेन॑  
धा॒ताऽऽध॑र्नोत्सं॒वत्स॒रो वै धा॒ता तस्मा॑त्सं॒वत्स॒रं प्र॒जाः प॒शवो॑ऽनु प्र  
जा॒यन्ते॑ य ए॒वं पु॑नरा॒धेय॑स्यर्द्धि॒ वे- (३)

द॒ध्नो॑त्ये॒व योऽस्यै॒वं ब॒न्धुतां॑ वे॒द् ब॒न्धु॑मान् भवति॒ भाग॑धेयं॒ वा  
अ॒ग्निरा॑हि॒त इ॒च्छ॑मानः प्र॒जां प॒शून् यज॑मान॒स्योप॑ दो॒द्रावो॑द्वास्य॒

पुनरा दधीत भागधेयेनैवैनं समर्धयत्यथो शान्तिरेवास्यैषा  
 पुनर्वस्वोरा दधीतैतद्वै पुनराधेयस्य नक्षत्रं यत्पुनर्वसू स्वायामेवैनं  
 देवतायामाधाय ब्रह्मवर्चसी भवति दर्भेरा दधात्ययांतयामत्वाय  
 दर्भेरा दधात्यद्ध्य एवैनमोषधीभ्योऽवरुध्याऽऽधत्ते पञ्चकपालः  
 पुरोडाशो भवति पञ्च वा ऋतव ऋतुभ्य एवैनमवरुध्याऽ-  
 ऽधत्ते॥ (४)

अशीयत् तत् तेन वेदं दर्भैः पञ्चविंशतिश्च॥ [१]

परा वा एष यज्ञं पशून् वपति योऽग्निमुद्वासयते पञ्चकपालः  
 पुरोडाशो भवति पाङ्क्तो यज्ञः पाङ्क्तोः पशवो यज्ञमेव पशून् व रुन्धे  
 वीरहा वा एष देवानां योऽग्निमुद्वासयते न वा एतस्य ब्राह्मणा  
 ऋतायवः पुराऽन्नमक्षन् पङ्क्तो याज्यानुवाक्या भवन्ति पाङ्क्तो यज्ञः  
 पाङ्क्तः पुरुषो देवानेव वीरं निरवदायाग्निं पुनरा (५)

धत्ते शताक्षरा भवन्ति शतायुः पुरुषः शतेन्द्रिय आयुष्येवेन्द्रिये  
 प्रति तिष्ठति यद्वा अग्निराहितो नर्ध्यते ज्यायो भागधेयं  
 निकामयमानो यदाग्नेयं सर्वं भवति सैवास्यर्धिः सं वा  
 एतस्य गृहे वाक् सृज्यते योऽग्निमुद्वासयते स वाचं सः सृष्टां  
 यजमान ईश्वरोऽनु पराभवितोर्विभक्तयो भवन्ति वाचो विधृत्यै  
 यजमानस्यापराभावाय (६)

विभक्तिं करोति ब्रह्मैव तदकरुपांशु यजति यथा वामं वसुं  
 विविदानो गूहति तादृगेव तदग्निं प्रति स्विष्टकृतं निराहं यथा



वामं वसुं विविदानः प्रकाशं जिगमिषति तादृगेव तद्विभक्तिमुक्त्वा  
 प्रयाजेन वषट्करोत्यायतनादेव नैति यजमानो वै पुरोडाशः पशव  
 एते आहुती यदभितः पुरोडाशमेते आहुती (७)

जुहोति यजमानमेवोभयतः पशुभिः परि गृह्णाति कृतयजुः  
 सम्भृतसम्भार इत्याहुर्न सम्भृत्याः सम्भारा न यजुः कर्तव्यमित्यथो  
 खलु सम्भृत्या एव सम्भाराः कर्तव्यं यजुर्यज्ञस्य समृद्धौ  
 पुनर्निष्कृतो रथो दक्षिणा पुनरुत्स्यूतं वासः पुनरुत्सृष्टोऽनङ्घ्रान्  
 पुनराधेयस्य समृद्धौ सप्त ते अग्ने समिधः सप्त जिह्वा इत्यग्निहोत्रं  
 जुहोति यत्रयत्रैवास्य न्यक्तं तत (८)

एवैनमव रुन्धे वीरहा वा एष देवानां योऽग्निमुद्वासयते  
 तस्य वरुण एवर्णयादाग्निवारुणमेकादशकपालमनु निर्वपेद्यं  
 चैव हन्ति यश्चास्यर्णयात्तौ भागधेयेन प्रीणाति नाऽऽर्तिमाच्छति  
 यजमानः॥ (९)

आऽपराभावाय पुरोडाशमेते आहुती ततः षट्त्रिंशच्च॥—————[२]

भूमिर्भूम्ना द्यौर्वरिणाऽन्तरिक्षं महित्वा। उपस्थे ते देव्यदिते-  
 ऽग्निमन्त्रादमन्त्राद्यायाऽऽदधे॥ आऽयं गौः पृश्निंरक्रमीदसनन्मातरं  
 पुनः। पितरं च प्रयन्त्सुवः॥ त्रिंशद्धाम वि राजति वाक्पतङ्गाय  
 शिश्रिये। प्रत्यस्य वह द्युभिः॥ अस्य प्राणादपानत्यन्तश्चरति रोचना।  
 व्यख्यन्महिषः सुवः॥ यत् त्वा (१०)

क्रुद्धः परोवपं मन्युना यदवर्त्या। सुकल्पमग्रे तत्  
 तव पुनस्त्वोदीपयामसि॥ यत् ते मन्युपरोक्षस्य पृथिवीमनु  
 दध्वसे। आदित्या विश्वे तद्देवा वसवश्च समाभरन्॥  
 मनो ज्योतिर्जुषतामाज्यं विच्छिन्नं यज्ञं समिमं दधातु।  
 बृहस्पतिस्तनुतामिमं नो विश्वे देवा इह मादयन्ताम्॥ सप्त ते  
 अग्रे समिधः सप्त जिह्वाः सप्त (११)

ऋषयः सप्त धाम प्रियाणि। सप्त होत्राः सप्तधा त्वा यजन्ति सप्त  
 योनीरा पृणस्वा घृतेन॥ पुनरूर्जा नि वर्तस्व पुनरग्र इषाऽऽयुषा।  
 पुनर्नः पाहि विश्वतः॥ सह रय्या नि वर्तस्वाग्रे पिन्वस्व धारया।  
 विश्वप्स्त्रिया विश्वतस्परि॥ लेकः सलेकः सुलेकस्ते न आदित्या  
 आज्यं जुषाणा वियन्तु केतुः सकेतः सुकेतस्ते न आदित्या आज्यं  
 जुषाणा वियन्तु विवस्वाः अदितिर्देवजूतिस्ते न आदित्या आज्यं  
 जुषाणा वियन्तु॥ (१२)

त्वा जिह्वाः सप्त सुकेतस्ते नस्त्रयोदश च॥ [३]

भूमिर्भूमा द्यौर्वरिणेत्याहाऽऽशिषैवैनमा धत्ते सर्पा वै  
 जीर्यन्तोऽमन्यन्त स एतं कंसर्णीरः काद्रवेयो मन्त्रमपश्यत्  
 ततो वै ते जीर्णास्तनूरपाघ्नत सर्पराज्ञिया ऋग्भिर्गार्हपत्यमा  
 दधाति पुनर्नवमेवैनमजरं कृत्वाऽऽधत्तेऽथो पूतमेव पृथिवीमन्नाद्यं  
 नोपानमृत्सैतं (१३)

मन्त्रमपश्यत् ततो वै तामन्नाद्यमुपांनमद्यत्सर्पराज्ञियां  
 ऋग्भिर्गार्हपत्यमादधात्यन्नाद्यस्यावरुद्धा अथो अस्यामेवैनं  
 प्रतिष्ठितमा धत्ते यत्त्वा क्रुद्धः परोवपेत्याहापहुत एवास्मै तत्  
 पुनस्त्वोद्दीपयामसीत्याह समिन्ध एवैनं यत्ते मन्युपरोप्तस्येत्याह  
 देवताभिरे- (१४)

वैनं सं भरति वि वा एतस्य यज्ञश्छिद्यते योऽग्निमुद्वासयते  
 बृहस्पतिवत्यर्चोप तिष्ठते ब्रह्म वै देवानां बृहस्पतिर्ब्रह्मणैव यज्ञं  
 सं दधाति विच्छिन्नं यज्ञं समिमं दधात्वित्याह सन्तत्यै विश्वे देवा  
 इह मादयन्तामित्याह सन्तत्यैव यज्ञं देवेभ्योऽनु दिशति सप्त ते  
 अग्ने समिधः सप्त जिह्वा - (१५)

इत्याह सप्तसप्त वै संस्रधाऽग्नेः प्रियास्तनुवस्ता एवाव  
 रुन्धे पुनरूर्जा सह रय्येत्यभितः पुरोडाशमाहुती जुहोति  
 यजमानमेवोर्जा च रय्या चोभयतः परि गृह्णात्यादित्या वा  
 अस्माल्लोकादमुं लोकमायन्तेऽमुष्मिँल्लोके व्यतृष्यन्त इमं  
 लोकं पुनरभ्यवेत्याग्निमाधायैतान् होमान् जुहवुस्त आर्ध्रुवन् ते  
 सुवर्गल्लोकमायन् यः पराचीनं पुनराधेयादग्निमादधीत स एतान्  
 होमांश्जुह्याद्यामेवाऽऽदित्या ऋद्धिमाध्रुवन् तामेवध्नोति ॥ (१६)

एतमेव जिह्वा एतान् पञ्चविंशतिश्च ॥ [४]

उपप्रयन्तो अध्वरं मन्त्रं वोचेमाग्रयै। आरे अस्मे च

शृण्वते॥ अस्य प्रत्नामनु द्युतः शुक्रं दुदुहे अहयः। पयः  
 सहस्रसामृषिम्॥ अग्निर्मूर्धा दिवः ककुत् पतिः पृथिव्या अयम्।  
 अपाः रेताः सि जिन्वति॥ अयमिह प्रथमो धायि धातृभिर्होता  
 यजिष्ठो अध्वरेष्वीड्यः। यमप्रवानो भृगवो विरुरुचुर्वनेषु चित्रं  
 विभुवं विशेर्विशे॥ उभा वामिन्द्राग्नी आहुवध्या (१७)

उभा राधसः सह मादयध्वै। उभा दाताराविषाः रयीणामुभा  
 वाजस्य सातये हुवे वाम्॥ अयं ते योनिर्ऋत्वियो यतो जातो  
 अरोचथाः। तं जानन्नग्र आ रोहाथा नो वर्धया रयिम्॥ अग्र  
 आयूषि पवस् आ सुवोर्जमिषं च नः। आरे बाधस्व दुच्छुनाम्॥  
 अग्ने पवस्व स्वपा अस्मे वर्चः सुवीर्यम्। दधत्पोषः रयिं (१८)

मयि॥ अग्ने पावक रोचिषा मन्द्रया देव जिह्या। आ देवान्  
 वक्षि यक्षि च॥ स नः पावक दीदिवोऽग्ने देवाः इहाऽऽवह। उप  
 यज्ञः हविश्च नः॥ अग्निः शुचिर्व्रततमः शुचिर्विप्रः शुचिः कविः।  
 शुची रोचत आहुतः॥ उदग्ने शुचयस्तव शुक्रा भ्राजन्त ईरते। तव  
 ज्योतीः ष्यर्चयः॥ आयुर्दा अग्नेऽस्यायुर्मै (१९)

देहि वर्चोदा अग्नेऽसि वर्चो मे देहि तनूपा अग्नेऽसि तनुवं  
 मे पाह्यग्ने यन्मे तनुवा ऊनं तन्म आ पृण चित्रावसो स्वस्ति ते  
 पारमशीयेन्धानास्त्वा शतः हिमा द्युमन्तः समिधीमहि वयस्वन्तो  
 वयस्कृतं यशस्वन्तो यशस्कृतः सुवीरांसो अदाभ्यम्। अग्ने

सपत्नदम्भनं वरषिष्ठे अधि नाकै॥ सं त्वमग्रे सूर्यस्य वर्चसाऽगथाः  
समृषीणां स्तुतेन सं प्रियेण धाम्ना॥ त्वमग्रे सूर्यवर्चा असि सं  
मामायुषा वर्चसा प्रजया सृज॥ (२०)

आहुवध्यै रयिं मे वर्चसा सप्तदश च॥ [५]

सं पश्यामि प्रजा अहमिदं प्रजसो मानवीः। सर्वा भवन्तु नो  
गृहे॥ अम्भः स्थाम्भो वो भक्षीय महः स्थ महो वो भक्षीय सहः स्थ  
सहो वो भक्षीयोजः स्थोजं वो भक्षीय रेवंती रमध्वमस्मिल्लोकै-  
ऽस्मिन् गोष्ठेऽस्मिन् क्षयेऽस्मिन् योनाविहैव स्तेतो माऽप गात  
बहीर्मे भूयास्त (२१)

संहितासि विश्वरूपीरा मोर्जा विशाऽऽगौपत्येनाऽ-  
ऽरायस्पोषेण सहस्रपोषं वः पुष्यासं मयि वो रायः श्रयन्ताम्॥  
उप त्वाऽग्रे दिवेदिवे दोषावस्तर्धिया वयम्। नमो भरन्त एमसि।  
राजन्तमध्वराणां गोपामृतस्य दीदिविम्। वर्धमानं स्वे दमे॥  
स नः पितेव सूनवेऽग्रे सूपायनो भव। सचस्वा नः स्वस्तये॥  
अग्रे (२२)

त्वं नो अन्तमः। उत त्राता शिवो भव वरूथ्यः॥ तं त्वां  
शोचिष्ठ दीदिवः। सुम्नाय नूनमीमहे सखिभ्यः॥ वसुरग्निरवसुश्रवाः।  
अच्छा नक्षि द्युमत्तमो रयिं दाः॥ ऊर्जा वः पश्याम्यूर्जा मां पश्यत  
रायस्पोषेण वः पश्यामि रायस्पोषेण मा पश्यतेडाः स्थ मधुकृतः

स्यो॒ना माऽऽवि॑ंशतेरा॒ मदः॑। सह॒स्रपो॑षं वः पु॒ष्यासं॑ (२३)

मयि॑ वो रायः॑ श्रयन्ताम्॥ तथ्स॑वितुर्वरे॑ण्यं॒ भर्गो॑ देवस्य॑  
धीमहि॑। धियो॒ यो नः॑ प्रचोदया॑त्॥ सो॒मान॒ः स्व॑रणं कृणुहि  
ब्र॒ह्मण॑स्पते। क॒क्षीव॑न्तं य औ॒शिज॑म्॥ क॒दा च॑न स्त॒रीर॑सि॒ नेन्द्र॑  
सश्च॑सि दा॒शुषे॑। उ॒पोपे॑न्नु म॒घव॑न् भूय॒ इन्नु॑ ते दानं॑ देवस्य॑ पृच्यते॥  
परि॑ त्वाऽग्ने॒ पुरं॑ वयं विप्रः॑ सहस्य॑ धीमहि। धृष॑द्वर्णं दिवेदिवे भे॒त्तारं॑  
भङ्गु॑रावतः॥ अग्ने॑ गृहपते सुगृहपतिर॒हं त्वया॑ गृहप॑तिना भूयासः॑  
सुगृह॑पतिर्मया त्वं गृहप॑तिना भूयाः शतः॑ हिमा॒स्तामा॑शिष॒मा शा॑से  
तन्त॑वे ज्योति॑ष्मतीं॒ तामा॑शिष॒मा शा॑सेऽमुष्मै॒ ज्योति॑ष्मतीम्॥ (२४)

भूया॒स्त स्व॒स्तये॑ऽग्ने पु॒ष्यासं॑ धृष॑द्वर्णमेका॒न्नत्रि॑ः श॒च्च॥ [६]

अयं॑ज्ञो वा ए॒ष यो॑ऽसा॒मोप॑प्रयन्तो॒ अध्व॑रमित्या॒ह  
स्तोम॑मे॒वास्मै॑ युन॒त्तयु॑पेत्या॒ह प्र॒जा वै प॒शव॑ उपे॒मं लो॒कं  
प्र॒जामे॒व प॒शूनि॑मं लो॒कमु॑पैत्य॒स्य प्र॒ताम॑नुद्युत॒मित्या॑ह सुव॒र्गो  
वै लो॒कः प्र॒तः सु॒वर्ग॑मे॒व लो॒कः स॒मारो॑हत्य॒ग्निर्मूर्धा॑ दि॒वः  
क॒कुदि॑त्या॒ह मूर्धा॑न- (२५)

मे॒वैनः॑ स॒माना॑नो॒ करो॑त्यथो॒ देवलो॒कादे॒व म॑नुष्यलो॒के  
प्रति॑तिष्ठत्य॒यमि॒ह प्र॑थ॒मो धा॑यि धा॒तृभि॑रित्या॒ह मुख्य॑मे॒वैनं॑  
करो॑त्यु॒भा वा॑मिन्द्रा॒ग्नी आ॒हुव॑ध्या॒ इत्या॒हौजो॒ बल॑मे॒वाव॑ रुन्धे॒ऽयं  
ते योनि॑र॒ऋत्वि॒य इत्या॑ह प॒शवो॒ वै र॒यिः प॒शूने॒वाव॑ रुन्धे ष॒ङ्गिरु॑पं

तिष्ठते षड्वा- (२६)

ऋतवँ ऋतुष्वेव प्रति तिष्ठति षड्विरुत्तराभिरुपँ तिष्ठते द्वादशं  
सं पद्यन्ते द्वादश मासाः संवत्सरः संवत्सर एव प्रति तिष्ठति  
यथा वै पुरुषोऽश्वो गौर्जीर्यत्येवमग्निराहितो जीर्यति संवत्सरस्य  
परस्तादाग्निपावमानीभिरुपँ तिष्ठते पुनर्नवमेवैनमजरं करोत्यथो  
पुनात्येवोपँ तिष्ठते योगे एवास्यैष उपँ तिष्ठते (२७)

दमँ एवास्यैष उपँ तिष्ठते याञ्जैवास्यैषोपँ तिष्ठते यथा  
पापीयाञ्छेयस आहृत्य नमस्यति तादृगेव तदायुर्दा अग्नेऽस्यायुर्मै  
देहीत्याहाऽऽयुर्दा ह्येष वर्चोदा अग्नेऽसि वर्चो मे देहीत्याह वर्चोदा  
ह्येष तनूपा अग्नेऽसि तनुवं मे पाहीत्याह (२८)

तनूपा ह्येषोऽग्ने यन्मे तनुवा ऊनं तन्म आ पृणेत्याह यन्मे  
प्रजायै पशूनामूनं तन्म आ पूरयेति वावैतदाह चित्रावसो स्वस्ति  
ते पारमशीयेत्याह रात्रिर्वै चित्रावसुरव्युष्ट्यै वा एतस्यै पुरा ब्राह्मणा  
अभैषुर्व्युष्टिमेवाव रुन्ध इन्धानास्त्वा शतः (२९)

हिमा इत्याह शतायुः पुरुषः शतेन्द्रिय आयुष्येवेन्द्रिये प्रति  
तिष्ठत्येषा वै सूर्मी कर्णकावत्येतया ह स्म वै देवा असुराणां  
शततरुहाः स्तृहन्ति यदेतया समिधमादधाति वज्रमेवैतच्छतघ्नीं  
यजमानो भ्रातृव्याय प्रहरति स्तृत्या अछम्बद्धारः सं त्वमग्ने सूर्यस्य

वर्चसा गथा इत्याहैतत्त्वमसीदमहं भूयासमिति वावैतदाह त्वमग्ने  
सूर्यवर्चा असीत्याहाऽऽशिषमेवैतामा शास्ते॥ (३०)

मूर्धानं वै तिष्ठत आह शतमहं षोडश च॥ [७]

सं पश्यामि प्रजा अहमित्याह यावन्त एव ग्राम्याः  
पशवस्तानेवाव रुन्धेऽम्भुः स्थाम्भो वो भक्षीयेत्याहाम्भो ह्येता  
महः स्थ महो वो भक्षीयेत्याह महो ह्येताः सहः स्थ सहो वो  
भक्षीयेत्याह सहो ह्येता ऊर्जस्थोर्ज वो भक्षीये- (३१)

त्याहोर्जो ह्येता रेवती रमध्वमित्याह पशवो वै रेवतीः  
पशूनेवात्मन् रमयत इहैव स्तेतो माऽपं गातेत्याह ध्रुवा एवेना  
अनपगाः कुरुत इष्टकचिद्वा अन्योऽग्निः पशुचिदन्यः संहितासिं  
विश्वरूपीरिति वथ्समभि मृशत्युपैवैनं धत्ते पशुचितमेनं कुरुते  
प्र (३२)

वा एषोऽस्माल्लोकाच्चवते य आहवनीयमुपतिष्ठते  
गार्हपत्यमुप तिष्ठतेऽस्मिन्नेव लोके प्रति तिष्ठत्यथो गार्हपत्यायैव  
नि हुते गायत्रीभिरुप तिष्ठते तेजो वै गायत्री तेज एवात्मन् धत्ते-  
ऽथो यदेतं तृचमन्वाह सन्तत्यै गार्हपत्यं वा अनु द्विपादौ वीराः  
प्रजायन्ते य एवं विद्वान् द्विपदाभिर्गार्हपत्यमुपतिष्ठत - (३३)

आऽस्य वीरो जायत ऊर्जा वः पश्याम्यूर्जा मां पश्यतेत्याहा-  
ऽऽशिषमेवैतामा शास्ते तथ्संवितुर्वरेण्यमित्याह प्रसूत्यै सोमानः



स्वर॑ण॒मित्या॑ह सोमपी॒थमे॒वाव॑ रुन्धे कृ॒णुहि॑ ब्र॒ह्मण॑स्पत॒ इत्या॑ह  
ब्र॒ह्मव॑र्च॒समे॒वाव॑ रुन्धे क॒दा च॒न स्त॒रीर॒सीत्या॑ह न स्त॒रीः रात्रि॑  
वसति॒ (३४)

य ए॒वं वि॒द्वान॒ग्निमु॑पतिष्ठते परि॑ त्वाऽग्ने॒ पुरं॑ व॒यमित्या॑ह  
परि॒धिमे॒वैतं॑ परि॑ दधा॒त्यस्क॑न्दा॒याग्रे॑ गृहपत॒ इत्या॑ह  
यथा॒य॒जुरे॒वैतच्छ्रु॑तः हिमा॒ इत्या॑ह श॒तं त्वा॑ हेम॒न्तानि॑न्धिषी॒येति॑  
वावै॒तदा॑ह पु॒त्रस्य॒ नाम॑ गृह्णा॒त्यन्ना॒दमे॒वैनं॑ करोति॒ तामा॑शिष॒मा शा॑से  
तन्त॑वे ज्योति॑ष्मती॒मिति॑ ब्रूया॒द्यस्य॑ पु॒त्रोऽजा॑तः स्यात्ते॑ज॒स्व्येवा॑स्य  
ब्र॒ह्मव॑र्च॒सी पु॒त्रो जा॑यते॒ तामा॑शिष॒मा शा॑सेऽमु॒ष्मै ज्योति॑ष्मती॒मिति॑  
ब्रूया॒द्यस्य॑ पु॒त्रो जा॑तः स्यात् तेज॑ ए॒वास्मिन्॑ ब्र॒ह्मव॑र्च॒सं  
दधा॑ति॥ (३५)

ऊर्जं॑ वो भक्षी॒येति॑ प्र गार्ह॑पत्यमुपतिष्ठते वसति॒ ज्योति॑ष्मती॒मेका॒न्नत्रि॑ः श॒च

अ॒ग्निहो॑त्रं जु॒होति॑ यदे॒व किं॑ च॒ यज॑मानस्य॒ स्वं तस्यै॒व तद्रेतः॑  
सिञ्च॑ति प्र॒जन॑ने प्र॒जन॑नः॒ हि वा॑ अ॒ग्निरथो॑षधीरन्त॑गता दहति॒  
तास्ततो॑ भूय॑सीः प्रजा॑यन्ते॒ यत्सा॒यं जु॒होति॑ रेतं॒ ए॒व तथ्सि॑ञ्चति॒  
प्रैव॑ प्रा॒तस्त॑नेन॒ जन॑यति॒ तद्रेतः॑ सि॒क्तं न॒ त्वष्ट्रा॑ऽवि॒कृतं॑ प्रजा॑यते  
याव॑च्छो॒ वै रेत॑सः सि॒क्तस्य॑ (३६)

त्वष्टा॑ रू॒पाणि॑ वि॒करो॑ति॒ ताव॑च्छो॒ वै तत्प्रजा॑यत ए॒ष वै  
दैव्य॑स्त्वष्टा॒ यो यज॑ते ब॒ह्वीभि॑रुप॑ तिष्ठते॒ रेत॑स ए॒व सि॒क्तस्य॑ बहु॒शो

रूपाणि वि करोति स प्रैव जायते श्वःश्वो भूयान् भवति य एवं  
विद्वानग्निमुपतिष्ठतेऽहर्देवानामासीद्रात्रिरसुराणां तेऽसुरा यद्देवानां  
वित्तं वेद्यमासीत्तेन सह (३७)

रात्रिं प्राविशन् ते देवा हीना अमन्यन्त तेऽपश्यन्नाग्नेयी  
रात्रिराग्नेयाः पशवं इममेवाग्निं स्तवाम स नः स्तुतः पशून्  
पुनर्दास्यतीति तेऽग्निमस्तुवन्त्स एभ्यः स्तुतो रात्रिया अध्यहरभि  
पशून्निर्जत् ते देवाः पशून् वित्वा कामा अकुर्वत् य एवं  
विद्वानग्निमुपतिष्ठते पशुमान् भवत्या- (३८)

दित्यो वा अस्माल्लोकादमुं लोकमैत्सोऽमुं लोकं गत्वा पुनरिमं  
लोकमभ्यध्यायत्स इमं लोकमागत्य मृत्योरविभेन्मृत्युसंयुत इव  
ह्ययं लोकः सोऽमन्यतेममेवाग्निं स्तवानि स मां स्तुतः  
सुवर्गं लोकं गमयिष्यतीति सोऽग्निमस्तौत्स एनं स्तुतः सुवर्गं  
लोकमगमयद्य - (३९)

एवं विद्वानग्निमुपतिष्ठते सुवर्गमेव लोकमेति सर्वमायुरेत्यभि  
वा एषोऽग्नी आ रोहति य एनावुपतिष्ठते यथा खलु वै  
श्रेयानभ्यारूढः कामयते तथा करोति नक्तमुप तिष्ठते न प्रातः  
स हि नक्तं व्रतानि सृज्यन्ते सह श्रेयाश्च पापीयाश्चासाते  
ज्योतिर्वा अग्निस्तमो रात्रिर्यन्- (४०)

नक्तमुपतिष्ठते ज्योतिषैव तमंस्तरत्युपस्थेयोऽग्नी(३)र्नोप-

स्थेया(३) इत्याहुर्मनुष्यायेन्वै योऽहरहराहृत्याथैनं याचति स इन्वै तमुपाच्छ्रित्यथ को देवानहरहर्याचिष्यतीति तस्मान्नोपस्थेयोऽथो खल्वाहुराशिषे वै कं यजमानो यजत इत्येषा खलु वा - (४१)

आहिताग्रेराशीर्यदग्निमुपतिष्ठते तस्मादुपस्थेयः प्रजापतिः पशूनसृजत ते सृष्टा अहोरात्रे प्राविशन् ताञ्छन्दोभिरन्व-  
विन्दद्यच्छन्दोभिरुपतिष्ठते स्वमेव तदन्विच्छति न तत्र  
जाम्यंस्तीत्याहुर्योऽहरहरुपतिष्ठत इति यो वा अग्निं प्रत्यङ्मुपतिष्ठते  
प्रत्येनमोषति यः पराङ् विष्वङ् प्रजयां पशुभिरेति कवातिर्यङ्ङिवोप  
तिष्ठेत नैनं प्रत्योषति न विष्वङ् प्रजयां पशुभिरेति॥ (४२)

सिक्तस्य सह भवति यो यत्खलु वै पशुभिस्त्रयोदश च॥———[९]

मम नाम प्रथमं जातवेदः पिता माता च दधतुर्यदग्रे। तत्त्वं  
बिभृहि पुनरा मदैतोस्तवाहं नाम बिभराण्यग्रे॥ मम नाम त्वं च  
जातवेदो वासंसी इव विवसानौ ये चरावः। आयुषे त्वं जीवसे  
वयं यथायथं वि परि दधावहे पुनस्ते॥ नमोऽग्नयेऽप्रतिविद्धाय  
नमोऽनाधृष्टाय नमः सम्राजे। अषाढो (४३)

अग्निर्बृहद्वया विश्वजिह्वसहन्त्यः श्रेष्ठो गन्धर्वः॥ त्वत्पितारो अग्रे  
देवास्त्वामाहुतयस्त्वद्विवाचनाः। सं मामायुषा सं गौपत्येन सुहिते  
मा धाः॥ अयमग्निः श्रेष्ठतमोऽयं भगवत्तमोऽयं सहस्रसातमः।  
अस्मा अस्तु सुवीर्यम्॥ मनो ज्योतिर्जुषतामाज्यं विच्छिन्नं यज्ञं

समिमं दधातु। या इष्टा उषसो निमृचश्च ताः सं दधामि हविषा  
घृतेन॥ पयस्वतीरोषधयः (४४)

पयस्वद्वीरुधां पयः। अपां पयसो यत्पयस्तेन मामिन्द्र सः  
सृज॥ अग्ने व्रतपते व्रतं चरिष्यामि तच्छुकेयं तन्मे राध्यताम्॥  
अग्निः होतारमिह तं हुवे देवान् यज्ञियानिह यान् हवामहे॥ आ  
यन्तु देवाः सुमनस्यमाना वियन्तु देवा हविषो मे अस्य॥ कस्त्वा  
युनक्ति स त्वा युनक्तु यानि घर्मे कपालान्युपचिन्वन्ति (४५)

वेधसः। पूष्णस्तान्यपि व्रत इन्द्रवायू विमुञ्चताम्॥ अभिन्नो  
घर्मो जीरदानुर्यत आत्तस्तदगन् पुनः। इध्मो वेदिः परिधयश्च सर्वे  
यज्ञस्याऽऽयुरनु सं चरन्ति॥ त्रयस्त्रिंशत्तन्तवो ये वितन्तिरे य इमं  
यज्ञं स्वधया ददन्ते तेषां छिन्नं प्रत्येतदधामि स्वाहा घर्मो देवाः  
अप्येतु॥ (४६)

अषाढ ओषधय उपचिन्वन्ति पञ्चचत्वारिंशच्च॥—————[१०]

वैश्वानरो न ऊत्याऽऽप्र यातु परावतः। अग्निरुक्थेन वाहसा॥  
ऋतावानं वैश्वानरमृतस्य ज्योतिषस्पतिम्। अजस्रं घर्ममीमहे॥  
वैश्वानरस्य दसनाभ्यो बृहदरिणादेकः स्वपस्यया कविः। उभा  
पितरा महयन्नजायताग्निर्द्यावापृथिवी भूरिरेतसा॥ पृष्ठो दिवि पृष्ठो  
अग्निः पृथिव्यां पृष्ठो विश्वा ओषधीरा विवेश। वैश्वानरः सहसा  
पृष्ठो अग्निः स नो दिवा स (४७)

रिषः पातु नक्तम्॥ जातो यदग्रे भुवना व्यख्यः पशुं न गोपा  
इर्यः परिज्मा। वैश्वानर ब्रह्मणे विन्द गातुं यूयं पात स्वस्तिभिः सदा  
नः॥ त्वमग्रे शोचिषा शोशुचान आ रोदसी अपृणा जायमानः। त्वं  
देवाः अभिशस्तेरमुञ्चो वैश्वानर जातवेदो महित्वा॥ अस्माकमग्रे  
मघवत्सु धारयानामि क्षत्रमजरः सुवीर्यम्। वयं जयेम शतिनः  
सहस्रिणं वैश्वानर (४८)

वाजमग्रे तवोतिभिः॥ वैश्वानरस्य सुमतौ स्याम राजा हिकं  
भुवनानामभिश्चीः। इतो जातो विश्वमिदं वि चष्टे वैश्वानरो यतते  
सूर्येण॥ अव ते हेडो वरुण नमोभिरव यज्ञेभिरीमहे हविर्भिः।  
क्षयन्नस्मभ्यमसुर प्रचेतो राजन्नेनासि शिश्रथः कृतानि॥  
उदुत्तमं वरुण पाशमस्मदवाधमं वि मध्यमः श्रथाय। अथा  
वयमादित्य (४९)

व्रते तवानागसो अदितये स्याम॥ दधिक्राव्णो अकारिषं  
जिष्णोरश्वस्य वाजिनः॥ सुरभि नो मुखां करत् प्र ण आयूषि  
तारिषत्॥ आ दधिक्राः शवसा पञ्च कृष्टीः सूर्य इव ज्योतिषा-  
ऽपस्ततान। सहस्रसाः शतसा वाज्यर्वा पृणक्तु मध्वा समिमा  
वचासि॥ अग्निर्मूर्धा भुवः। मरुतो यद्ध वो दिवः सुम्नायन्तो  
हवामहे। आ तू न (५०)

उप गन्तन॥ या वः शर्म शशमानाय सन्ति त्रिधातूनि

दाशुषे यच्छताधि। अस्मभ्यं तानि मरुतो वि यन्त रयिं नो  
 धत्त वृषणः सुवीरम्॥ अदितिर्न उरुष्यत्वदितिः शर्म यच्छतु।  
 अदितिः पात्वहंसः॥ महीम् षु मातरं सुव्रतानामृतस्य  
 पत्नीमवसे हुवेम। तुविक्षत्रामजरन्तीमुरूचीं सुशर्माणमदितिं  
 सुप्रणीतिम्॥ सुत्रामाणं पृथिवीं द्यामनेहसं सुशर्माणमदितिं  
 सुप्रणीतिम्। दैवीं नावं स्वरित्रामनागसमस्रवन्तीमा रुहेमा  
 स्वस्तये॥ इमां सु नावमाऽरुहं शतारित्रां शतस्फ्याम्।  
 अच्छिद्रां पारयिष्णुम्॥ (५१)

दिवा स सहस्रिणं वैश्वानराऽऽदित्य तू नोऽनेहसं सुशर्माणमेकान्नविंशतिः

## ॥षष्ठमः प्रश्नः॥

### ॥तैत्तिरीयसंहितायां प्रथमकाण्डे षष्ठमः प्रश्नः॥

सं त्वां सिञ्चामि यजुषा प्रजामायुर्धनं च। बृहस्पतिप्रसूतो  
 यजमान इह मा रिषत्॥ आज्यमसि सत्यमसि सत्यस्याध्यक्षमसि  
 हुविरसि वैश्वानरं वैश्वदेवमुत्पूतशुष्मं सत्यौजाः सहोऽसि  
 सहमानमसि सहस्वारातीः सहस्वारातीयतः सहस्व पृतनाः  
 सहस्व पृतन्यतः। सहस्रवीर्यमसि तन्मा जिन्वाऽऽज्यस्याऽ-  
 ऽज्यमसि सत्यस्य सत्यमसि सत्यायु- (१)

रसि सत्यशुष्ममसि सत्येन त्वाऽभि घोरयामि तस्य ते भक्षीय

पश्चानां त्वा वातानां यन्त्राय धर्त्राय गृह्णामि  
 पश्चानां त्वर्तूनां यन्त्राय धर्त्राय गृह्णामि  
 पश्चानां त्वा दिशां यन्त्राय धर्त्राय गृह्णामि  
 पश्चानां त्वा पञ्चजनानां यन्त्राय धर्त्राय गृह्णामि  
 चरोस्त्वा पञ्चबिलस्य यन्त्राय धर्त्राय गृह्णामि  
 ब्रह्मणस्त्वा तेजसे यन्त्राय धर्त्राय गृह्णामि  
 क्षत्रस्य त्वौजसे यन्त्राय (२)

धर्त्राय गृह्णामि  
 विशे त्वा यन्त्राय धर्त्राय गृह्णामि  
 सुवीर्याय त्वा गृह्णामि सुप्रजास्त्वाय त्वा गृह्णामि रायस्पोषाय त्वा  
 गृह्णामि ब्रह्मवर्चसाय त्वा गृह्णामि भूरस्माकं हविर्देवानामशिषो  
 यजमानस्य देवानां त्वा देवताभ्यो गृह्णामि कामाय त्वा  
 गृह्णामि॥ (३)

सत्यायुरोजसे यन्त्राय त्रयस्त्रिंशच्च॥ [१]

ध्रुवोऽसि ध्रुवोऽहं संजातेषु भूयासं  
 धीरश्चेत्ता वसुविदुग्रोऽस्युग्रोऽहं संजातेषु भूयास-  
 मुग्रश्चेत्ता वसुविदभिभूरस्यभिभूरहं संजातेषु भूयास-  
 मभिभूश्चेत्ता वसुविद्युनज्मिं त्वा ब्रह्मणा दैव्येन हव्यायास्मै वोढवे  
 जातवेदः। इन्द्रानास्त्वा सुप्रजसः सुवीरा ज्योग्जीवेम बलिहृतौ

वयं तै॥ यन्मे अग्रे अस्य यज्ञस्य रिष्या- (४)

द्यद्वा स्कन्दादाज्यस्योत विंणो। तेन हन्मि सपत्नं दुर्मरायुमेनं  
दधामि निर्ऋत्या उपस्थे। भूर्भुवः सुवरुच्छुष्मो अग्रे यजमानायैधि  
निशुष्मो अभिदासते। अग्रे देवैद्ध मन्विद्ध मन्द्रजिह्वामर्त्यस्य ते  
होतर्मूर्धन्ना जिघर्मि रायस्पोषाय सुप्रजास्त्वाय सुवीर्याय मनोऽसि  
प्राजापत्यं मनसा मा भूतेनाऽऽविश वागस्यैन्द्री संपत्क्षयणी (५)

वाचा मैन्द्रियेणाऽऽविश  
वसन्तमृतूनां प्रीणामि स मां प्रीतः प्रीणातु  
ग्रीष्ममृतूनां प्रीणामि स मां प्रीतः प्रीणातु  
वरुषा ऋतूनां प्रीणामि ता मां प्रीताः प्रीणन्तु  
शरदमृतूनां प्रीणामि सा मां प्रीता प्रीणातु  
हेमन्तशिशिरावृतूनां प्रीणामि तौ मां प्रीतौ प्रीणीता-  
मग्रीषोमयोरहं देवयज्यया चक्षुष्मान् भूयासम्-  
ग्रेरहं देवयज्ययान्नादो भूयासं (६)

दब्धिरस्यदब्धो भूयास-  
ममुं दभेयमग्रीषोमयोरहं देवयज्यया वृत्रहा भूयास-  
मिन्द्राग्नियोरहं देवयज्ययैन्द्रियाव्यन्नादो भूयास-  
मिन्द्रस्याहं देवयज्ययैन्द्रियावी भूयासं  
महेन्द्रस्याहं देवयज्यया जेमानं महिमानं गमेयमग्नेः स्विष्टकृतोऽहं



देवयज्ययाऽऽयुष्मान् यज्ञेन प्रतिष्ठां गमेयम्॥ (७)

रिष्यात्सपत्नक्षयण्यन्नादो भूयासः षड्विंशच्च॥ [२]

अग्निर्मा दुरिष्ठात् पातु सविताऽघशंसाद्यो मेऽन्ति दूरं-  
ऽरातीयति तमेतेन जेषः सुरूपवर्षवर्ण एहीमान् भद्रान्  
दुर्याः अभ्येहि मामनुव्रता न्यु शीर्षाणि मृद्धमिड एह्यदित  
एहि सरस्वत्येहि रन्तिरसि रमन्तिरसि सूनर्यसि जुष्टे जुष्टि  
तेऽशीयोपहृत उपहृतं (८)

तेऽशीय सा मे सत्याशीरस्य यज्ञस्य भूयादरेडता मनसा  
तच्छ्लेकेयं यज्ञो दिवः रोहतु यज्ञो दिवं गच्छतु यो देवयानः  
पन्थास्तेन यज्ञो देवाः अप्येत्वस्मास्विन्द्र इन्द्रियं दधात्वस्मान्नाय  
उत यज्ञाः संचन्तामस्मासु सन्त्वाशिषः सा नः प्रिया सुप्रतूर्तिर्मघोनी  
जुष्टिरसि जुषस्व नो जुष्टा नो- (९)

ऽसि जुष्टि ते गमेयं मनो ज्योतिर्जुषतामाज्यं विच्छिन्नं  
यज्ञः समिमं दधातु बृहस्पतिस्तनुतामिमं नो विश्वे देवा इह  
मादयन्ताम्॥ ब्रध्न पिन्वस्व ददतो मे मा क्षायि कुर्वतो मे  
मोपदसत् प्रजापतेर्भागोऽस्यूजस्वान् पयस्वान् प्राणापानौ मे  
पाहि समानव्यानौ मे पाह्युदानव्यानौ मे पाह्यक्षितोऽस्यक्षित्यै त्वा  
मा मे क्षेष्टा अमुत्रामुष्मिन् लोके॥ (१०)

उपहृतं जुष्टा नस्त्वा षट् च॥ [३]

ब॒रुहिषो॒ऽहं दै॒वय॒ज्यया॑ प्र॒जावा॑न् भूयासं नरा॒शः स॑स्या॒हं  
 दै॒वय॒ज्यया॑ पशु॒मान् भू॑यासम॒ग्नेः स्वि॑ष्ट॒कृतो॒ऽहं दै॒वय॒ज्यया॑ऽ-  
 ऽयु॑ष्मान् य॒ज्ञेन॑ प्रति॒ष्ठां ग॑मेयम॒ग्नेर॒हमु॒ज्जिति॑मनू॒जेष॑ ५ सोम॑स्या-  
 हमु॒ज्जिति॑मनू॒जेषम॒ग्नेर॒हमु॒ज्जिति॑मनू॒जेषम॒ग्नीषोम॑यो॒र॒हमु॒ज्जिति॑मनू॒जेष-  
 मिन्द्रा॒ग्नीयो॒र॒हमु॒ज्जिति॑मनू॒जेषमिन्द्र॑स्या॒हमु॒- (११)

ज्जि॑तिमनू॒जेषं महेन्द्र॑स्या॒हमु॒ज्जिति॑मनू॒जेषम॒ग्नेः स्वि॑ष्ट॒कृतो॒-  
 ऽहमु॒ज्जिति॑मनू॒जेषं वाज॑स्य मा प्रस॒वेनो॑द्वाभे॒णोद॑ग्रभीत्। अथा॑  
 स॒पत्ना॑ ५ इन्द्रो॑ मे नि॒ग्राभे॑णाध॒रा ५ अकः॥ उ॒द्वाभं च॑ नि॒ग्राभं च॑ ब्रह्म  
 दे॒वा अ॑वीवृधन्। अथा॑ स॒पत्नानिन्द्रा॒ग्नी मे॑ विषू॒चीना॒न्व्यस्य॑ताम्॥  
 ए॒मा अ॑गमन्ना॒शिषो॒ दोह॑कामा॒ इन्द्र॑वन्तो (१२)

वना॑महे धुक्षी॒महि॑ प्र॒जामि॑षम्॥ रोहि॑तेन त्वा॒ऽग्निर्दे॒वता॑  
 गम॑यतु॒ हरि॑भ्यां त्वेन्द्रो॑ दे॒वता॑ गम॑य॒त्वेत॑शेन त्वा॒ सूर्यो॑ दे॒वता॑  
 गम॑यतु॒ वि ते॑ मु॒ञ्चामि॑ र॒शना॑ वि र॒श्मीन् वि॑ यो॒क्रा या॑नि  
 परि॑च॒र्त॒नानि॑ ध॒त्ताद॑स्मासु॒ द्रवि॑णं यच्च भ॒द्रं प्र णो॑ ब्रूताद्वाग॒धान्  
 दे॒वता॑सु॥ वि॒ष्णोः शं॑यो॒र॒हं दै॒वय॒ज्यया॑ य॒ज्ञेन॑ प्रति॒ष्ठां ग॑मेय॒ ५  
 सोम॑स्या॒हं दै॒वय॒ज्यया॑ (१३)

सु॒रेता॒ रेतो॑ धिषीय॒ त्वष्ट॑र॒हं दै॒वय॒ज्यया॑ पशूना॒ ५ रू॒पं  
 पु॒षेयं॑ दे॒वानां॑ पत्नी॒र॒ग्निर्गृ॑हप॒तिर्य॑ज्ञस्य॒ मिथु॑नं तयो॒र॒हं दै॒वय॒ज्यया॑  
 मिथु॑नेन प्र भूयासं वे॒दोऽसि॑ वि॒त्तिर॑सि वि॒देय॑ कर्मा॑सि क॒रुण॑मसि

क्रियासं॑ स॒निरंसि॑ स॒नितासि॑ स॒नेयं॑ घृ॒तव॑न्तं कु॒लायि॑नं  
रा॒यस्पोषं॑ स॒हस्रि॑णं वे॒दो द॑दातु वा॒जिन॑म्॥ (१४)

इन्द्र॑स्या॒हमिन्द्र॑वन्तः सोम॑स्या॒हं दे॒वय॑ज्यया चतु॑श्चत्वारि॑शच्च॥—[४]

आ प्या॑यतां ध्रु॒वा घृ॒तेन॑ य॒ज्ञं य॒ज्ञं प्र॑ति दे॒वय॑ज्यः।  
सूर्या॑या ऊ॒धोऽदि॑त्या उ॒पस्थं॑ उ॒रुधा॑रा पृथि॒वी य॒ज्ञे अ॒स्मिन्॥  
प्र॒जाप॑तेर्वि॒भान्नाम॑ लो॒कस्तस्मि॑स्त्वा द॒धामि॑ स॒ह य॒जमाने॑न  
सद॑सि स॒न्मे भू॒याः सर्व॑मसि॒ सर्व॑ मे भू॒याः पूर्ण॑मसि पूर्णं मे भू॒या  
अक्षि॑तमसि॒ मा मे॑ क्षे॒ष्टाः प्रा॒च्या दि॒शि दे॒वा ऋ॒त्विजो॑ मार्ज॒यन्तां॑  
दक्षि॑णायां (१५)

दि॒शि मासाः॑ पि॒तरौ मार्ज॑यन्तां प्र॒तीच्या॑ दि॒शि गृ॒हाः  
प॒शवो॑ मार्ज॒यन्तामु॒दीच्या॑ दि॒श्याप॑ ओष॑धयो वन॒स्पत॑यो  
मार्ज॑यन्तामूर्ध्वा॒या दि॒शि य॒ज्ञः स॒वत्स॑रो य॒ज्ञप॑तिर्मार्ज॒यन्तां॑  
विष्णोः॑ क्रमो॑ऽस्यभिमाति॒हा गा॑य॒त्रेण॑ छ॒न्दसा॑ पृथि॒वीमनु॑ वि  
क्रमे॑ निर्भ॒क्तः स॒ यं द्वि॒ष्मो विष्णोः॑ क्रमो॑ऽस्यभि॒शस्ति॑हा त्रैष्टु॑भेन  
छ॒न्दसा॑ऽन्तरि॑क्ष॒मनु॑ वि क्रमे॑ निर्भ॒क्तः स॒ यं द्वि॒ष्मो विष्णोः॑  
क्रमो॑ऽस्यराती॒यतो॑ ह॒न्ता जा॑ग॒तेन॑ छ॒न्दसा॑ दि॒वमनु॑ वि क्रमे॑  
निर्भ॒क्तः स॒ यं द्वि॒ष्मो विष्णोः॑ क्रमो॑ऽसि शत्रू॒यतो॑ ह॒न्ताऽऽनु॑ष्टुभेन॒

छन्दसा दिशोऽनु वि क्रमे निर्भक्तः स यं द्विष्मः॥ (१६)

दक्षिणायां द्विष्मो विष्णोरेकान्नत्रिंशच्च॥ [५]

अगन्म सुवः सुवरगन्म सन्दृशस्ते मा छिंथिस् यत्ते तपस्तस्मै  
ते माऽऽवृक्षि सुभूरसि श्रेष्ठो रश्मीनामायुर्धा अस्यायुर्मे धेहि वर्चोधा  
असि वर्चो मयि धेहीदमहममुं भ्रातृव्यमाभ्यो दिग्भ्योऽस्यै दिवो-  
ऽस्मादन्तरिक्षादस्यै पृथिव्या अस्मादन्नाद्यान्निर्भजामि निर्भक्तः स  
यं द्विष्मः। (१७)

सं ज्योतिषाऽभूवमैन्द्रीमावृतमन्वावर्ते समहं प्रजया सं मया  
प्रजा समहं रायस्पोषेण सं मया रायस्पोषः समिद्धो अग्ने मे  
दीदिहि समेद्धा ते अग्ने दीद्यासं वसुमान् यज्ञो वसीयान् भूयासमग्र  
आयूषि पवस आ सुवोर्जमिषं च नः। आरे बाधस्व दुच्छुनाम्॥  
अग्ने पवस्व स्वपां अस्मे वर्चः सुवीर्यम्। (१८)

दधत् पोषं रयिं मयि। अग्ने गृहपते सुगृहपतिरहं त्वया  
गृहपतिना भूयासं सुगृहपतिर्मया त्वं गृहपतिना भूयाः शतं  
हिमास्तामाशिषमा शांसे तन्तवे ज्योतिष्मतीं तामाशिषमाशांसे-  
ऽमुष्मै ज्योतिष्मतीं कस्त्वा युनक्ति स त्वा विमुञ्चत्वग्रे व्रतपते  
व्रतमचारिषं तदशकं तन्मैऽराधि यज्ञो बभूव स आ (१९)

बभूव स प्र जज्ञे स वावृधे। स देवानामधिपतिर्बभूव सो  
अस्मां अधिपतीन् करोतु वयं स्याम पतयो रयीणाम्॥ गोमां

अग्नेऽवि॑मा॒ ९ अ॒श्वी य॒ज्ञो नृ॒वत्स॑खा॒ स॒द॒मि॒द॒प्र॒मृ॒ष्यः। इ॒डा॒वा॒ ९ ए॒षो  
अ॒सुर॑ प्र॒जावा॑न् दी॒र्घो र॒यिः पृ॑थु॒बुध्नः स॒भावान्॥ (२०)

द्विष्मः सु॒वीर्य॑ ९ स आ प॒ञ्च॒त्रि॑ ९ श॒च्च॥ [६]

यथा॒ वै स॑मृत॒सो॒मा ए॒वं वा ए॒ते स॑मृत॒य॒ज्ञा य॒द्द॑र्शपूर्ण॒मा॒सौ  
कस्य॒ वाह॑ दे॒वा य॒ज्ञमा॒ गच्छ॑न्ति॒ कस्य॑ वा॒ न ब॑हूनां॒ यज॑मानानां॒  
यो वै दे॒वताः॒ पूर्वं॑ परिगृ॒ह्णाति॒ स ए॑नाः॒ श्वो भू॑ते यंजत  
ए॒तद्वै दे॒वाना॑मा॒यत॑नं॒ यदा॑ह॒वनी॒योऽन्त॑रा॒ग्नी प॑शूनां॒ गा॒र्ह॑प॒त्यो  
मनु॑ष्या॒णाम॒न्वाहा॑र्य॒पच॑नः॒ पित॑र॒णाम॒ग्निं गृ॑ह्णाति॒ स्व ए॒वाय॑तने  
दे॒वताः॒ परि॑ (२१)

गृ॒ह्णाति॒ ताः श्वो भू॑ते यंजते व्र॒तेन॒ वै मे॒ध्योऽग्नि॑व्र॒तप॑तिर्ब्रा॒ह्म॒णो  
व्र॑त॒भृद् व्र॑तमु॒पैष्य॑न् ब्रू॒याद॒ग्ने॑ व्र॒तप॑ते व्र॒तं च॑रिष्या॒मीत्य॑ग्निर्वै  
दे॒वाना॑ व्र॒तप॑तिस्तस्मा॑ ए॒व प्र॑तिप्रोच्य॒ व्र॑तमाल॒भते ब॑रु॒हिषा॑  
पूर्ण॑मा॒से व्र॑तमु॒पैति॒ व॒त्सैर॑मावा॒स्याया॑मे॒तद्धै॑तयो॒राय॑तनमु॒प॒स्तीर्यः॑  
पूर्व॑श्चा॒ग्नि॒रप॑र॒श्चेत्या॑हुर्मनु॒ष्या (२२)

इ॒त्वा उ॒प॑स्ती॒र्णमि॑च्छन्ति॒ किमु॑ दे॒वा येषां॑ नवा॒वसान॑-  
मु॒पा॑स्मि॒ञ्चो य॒क्ष्यमा॑णे दे॒वता॑ वसन्ति॒ य ए॒वं वि॒द्वान॒ग्निमु॑प॒स्तृणा॑ति॒  
यज॑मानेन॒ ग्राम्या॑श्च॒ प॒शवो॑ऽव॒रु॒ध्या आ॑र॒ण्याश्चेत्या॑हु॒र्यद्वा॒म्यानु॑प॒-  
वस॑न्ति॒ तेन॑ ग्राम्या॒नव॑ रु॒न्धे यदा॑र॒ण्यस्या॑श्जाति॒ तेना॑र॒ण्यान्  
यदना॑श्चानु॒पव॑सेत्॒ पित॑दे॒वत्यः॑ स्यादा॒र॒ण्यस्या॑श्जातीन्द्रि॒यं (२३)

वा आरण्यमिन्द्रियमेवाऽऽत्मन् धत्ते यदनाश्वानुपवसेत्  
 क्षोधुकः स्याद्यदशजीयाद्रुद्रोऽस्य पशूनभिमन्येतापोऽश्वाति  
 तन्नेवाशितं नेवानशितं न क्षोधुको भवति नास्य रुद्रः  
 पशूनभि मन्यते वज्रो वै यज्ञः क्षुत्खलु वै मनुष्यस्य भ्रातृव्यो  
 यदनाश्वानुपवसति वज्रेणैव साक्षात्क्षुधं भ्रातृव्यं हन्ति॥ (२४)

परि मनुष्या इन्द्रियं साक्षात् त्रीणि च॥—————[७]

यो वै श्रद्धामनारभ्य यज्ञेन यजते नास्येष्टाय श्रद्धधतेऽपः प्र  
 णयति श्रद्धा वा आपः श्रद्धामेवाऽऽरभ्य यज्ञेन यजत उभयैऽस्य  
 देवमनुष्या इष्टाय श्रद्धधते तदाहुरति वा एता वरत्रेदन्त्यति वाचं  
 मनो वावैता नाति नेदन्तीति मनसा प्र णयतीयं वै मनो- (२५)

ऽनयैवैनाः प्र णयत्यस्कन्नहविर्भवति य एवं वेद यज्ञायुधानि  
 सम्भरति यज्ञो वै यज्ञायुधानि यज्ञमेव तथ्सम्भरति यदेकमेकं  
 सम्भरेत् पितृदेवत्यानि स्युर्यथ्सह सर्वाणि मानुषाणि द्वेद्वे  
 सम्भरति याज्यानुवाक्ययोरेव रूपं करोत्यथो मिथुनमेव यो वै  
 दशं यज्ञायुधानि वेदं मुखतोऽस्य यज्ञः कल्पते स्फ्य- (२६)

श्च कपालानि चाग्निहोत्रहवणी च शूर्पं च कृष्णाजिनं च शम्या  
 चोलूखलं च मुसलं च दृषच्चोपला चैतानि वै दशं यज्ञायुधानि य  
 एवं वेदं मुखतोऽस्य यज्ञः कल्पते यो वै देवेभ्यः प्रतिप्रोच्यं यज्ञेन  
 यजते जुषन्तेऽस्य देवा हव्यं हविर्निरूप्यमाणमभि मन्त्रयेताग्निं

होतारमिह त९ हु॒व इति (२७)

दे॒वेभ्य॑ ए॒व प्र॑ति॒प्रोच्य॑ य॒ज्ञेन॑ यज॒ते जु॒षन्ते॑ऽस्य दे॒वा ह॒व्यमे॒ष  
वै य॒ज्ञस्य॑ ग्र॒हो गृही॑त्वै॒व य॒ज्ञेन॑ यज॒ते तदु॑दि॒त्वा वाचं॑ यच्छति  
य॒ज्ञस्य॑ धृ॒त्या अथो॑ मन॑सा॒ वै प्र॒जाप॑तिर्य॒ज्ञम॑तनु॒त् मन॑सै॒व तद्य॒ज्ञं  
तनु॑ते॒ रक्ष॑सा॒मन॑न्वव॒चारा॑य॒ यो वै य॒ज्ञं यो॒ग आ॒गते॑ यु॒नक्ति॑ यु॒क्ते  
यु॒ञ्जाने॑षु॒ कस्त्वा॑ यु॒नक्ति॑ स॒ त्वा यु॒नक्ति॑त्या॒ह प्र॒जाप॑तिर्वै॒ कः  
प्र॒जाप॑तिनै॒वैनं॑ यु॒नक्ति॑ यु॒क्ते यु॒ञ्जाने॑षु॥ (२८)

वै मनः॒ स्फ्य॑ इति॑ यु॒नक्ते॑का॒दश॑ च॥ [८]

प्र॒जाप॑तिर्य॒ज्ञान॑सृज॒ताग्नि॑हो॒त्रं चा॑ग्नि॒ष्टोमं॑ च॒ पौर्ण॑मा॒सीं चो॒क्थ्यं  
चा॒मावा॑स्या॒ चाति॑रा॒त्रं च॒ तानु॑द॒मिमी॑त् याव॑द॒ग्निहो॑त्रमासीत्  
तावा॑न॒ग्निष्टो॑मो याव॑ती॒ पौर्ण॑मा॒सी तावा॑नु॒क्थ्यो याव॑त्य॒मावा॑स्या  
तावा॑न॒तिरा॒त्रो य ए॒वं वि॒द्वान॑ग्निहो॒त्रं जु॒होति॑ याव॑द॒ग्निष्टो॑मेनोपा॒प्नोति॑  
ताव॑दुपा॒ऽऽप्नोति॑ य ए॒वं वि॒द्वान् पौर्ण॑मा॒सीं यज॑ते याव॑दु॒क्थ्येनो॑पा॒प्नोति॑

ताव॑दुपा॒ऽऽप्नोति॑ य ए॒वं वि॒द्वान॑मावा॒स्यां यज॑ते  
याव॑द॒तिरा॒त्रेणो॑पा॒प्नोति॑ ताव॑दुपा॒ऽऽप्नोति॑ पर॒मे॒ष्ठिनो॑ वा ए॒ष  
य॒ज्ञोऽग्रं॑ आसीत् तेन॒ स पर॑मां काष्ठा॑मगच्छत् तेन॑ प्र॒जाप॑तिं  
नि॒रवा॑साय॒यत् तेन॑ प्र॒जाप॑तिः पर॒मां काष्ठा॑मगच्छत् तेनेन्द्रं॑  
नि॒रवा॑साय॒यत् तेनेन्द्रः॑ पर॒मां काष्ठा॑मगच्छत् तेना॒ग्नीषो॑मौ  
नि॒रवा॑साय॒यत् तेना॒ग्नीषो॑मौ पर॒मां काष्ठा॑मगच्छत् य (३०)

एवं विद्वान् द॑र्शपूर्णमा॒सौ यज॑ते पर॒मामे॒व काष्ठां॑ गच्छति  
 यो वै प्रजा॑तेन य॒ज्ञेन॒ यज॑ते प्र प्र॒जया॑ प॒शुभिर्मि॑थुनैर्जायते  
 द्वाद॑श॒ मासाः॑ संवत्स॒रो द्वाद॑श द्व॒न्द्वानि॑ दर्शपूर्णमा॒सयो॒स्तानि॑  
 सम्पा॑द्यानीत्याहुर्व॒त्सं चो॑पावसृजत्यु॒खां चाधि॑ श्रयत्य॒व च॒ हन्ति॑  
 दृषदौ॑ च स॒माह॒न्त्यधि॑ च॒ वप॑ते क॒पालानि॑ चोप॑ दधाति पुरोडाशं  
 चा- (३१)

धि॒श्रय॒त्याज्यं॑ च स्तम्बय॒जुश्च॒ हर॑त्य॒भि च॑ गृह्णाति वेदिं च  
 परिगृ॑ह्णाति प॒त्नीं च॒ सं न॑ह्यति प्रोक्ष॑णीश्चाऽऽसादय॒त्याज्यं॑ चै॒तानि॑  
 वै द्वाद॑श द्व॒न्द्वानि॑ दर्शपूर्णमा॒सयो॒स्तानि॑ य ए॒व५ सम्पा॑द्य यज॑ते  
 प्रजा॑तेनै॒व य॒ज्ञेन॒ यज॑ते प्र प्र॒जया॑ प॒शुभिर्मि॑थुनैर्जायते॥ (३२)

उ॒क्थ्यै॒नोपा॑प्रोत्यंगच्छतां॒ यः पुरो॑डाशं च चत्वारि॒५शच्च॑॥—————[९]

ध्रुवो॑ऽसि ध्रुवो॑ऽह५ संजा॑तेषु भूयास॒मित्या॑ह ध्रुवाने॒वैनान्॑  
 कुरुत॒ उग्रो॑ऽस्युग्रो॑ऽह५ संजा॑तेषु भूयास॒मित्या॑हाप्रतिवादिन  
 ए॒वैनान्कुरु॑तेऽभिभूर॑स्यभिभूर॒ह५ संजा॑तेषु भूयास॒मित्या॑ह य ए॒वैनं॑  
 प्रत्यु॒त्पिपी॑ते तमुपा॑स्यते युनज्मि॑ त्वा ब्रह्म॑णा दै॒व्येने॒त्याहैष॑ वा  
 अ॒ग्नेर्यो॒गस्तेनै॑- (३३)

वैनं॑ युनक्ति य॒ज्ञस्य॒ वै समृ॑द्धेन दे॒वाः सु॒वर्गं॑ लो॒कमा॑यन्  
 य॒ज्ञस्य॒ व्यृ॑द्धेनासु॒रान् परा॑भावयन् यन्मै॑ अ॒ग्ने अ॒स्य य॒ज्ञस्य॒  
 रि॒ष्यादि॒त्याह॑ य॒ज्ञस्यै॒व तत्समृ॑द्धेन यज॑मानः सु॒वर्गं॑ लो॒कमे॑ति



यज्ञस्य व्यृद्धेन भ्रातृव्यान् परां भावयत्यग्निहोत्रमेताभिर्व्याहृतीभिरुप-  
सादयेद्यज्ञमुखं वा अग्निहोत्रं ब्रह्मेता व्याहृतयो यज्ञमुख एव  
ब्रह्म (३४)

कुरुते संवत्सरे पर्यागंत एताभिरेवोपसादयेद् ब्रह्मणैवोभयतः  
संवत्सरं परिगृह्णाति दर्शपूर्णमासौ चातुर्मास्यान्यालभमान  
एताभिर्व्याहृतीभिर् हवींष्यासादयेद्यज्ञमुखं वै दर्शपूर्णमासौ  
चातुर्मास्यानि ब्रह्मेता व्याहृतयो यज्ञमुख एव ब्रह्म कुरुते संवत्सरे  
पर्यागंत एताभिरेवासादयेद् ब्रह्मणैवोभयतः संवत्सरं परिगृह्णाति  
यद्वै यज्ञस्य साम्नां क्रियते राष्ट्रं (३५)

यज्ञस्याऽऽशीर्गच्छति यद्वा विशं यज्ञस्याऽऽशीर्गच्छत्यथ  
ब्राह्मणोऽनाशीर्केण यज्ञेन यजते सामिधेनीरनुवक्ष्यन्नेता व्याहृतीः  
पुरस्तादध्याद् ब्रह्मेव प्रतिपदं कुरुते तथा ब्राह्मणः सार्शीर्केण यज्ञेन  
यजते यं कामयेत् यजमानं भ्रातृव्यमस्य यज्ञस्याऽऽशीर्गच्छेदिति  
तस्यैता व्याहृतीः पुरोऽनुवाक्यायां दध्याद् भ्रातृव्यदेवत्यां वै पुरो-  
ऽनुवाक्यां भ्रातृव्यमेवास्य यज्ञस्या- (३६)

ऽऽशीर्गच्छति यान् कामयेत् यजमानान्त्समावत्येनान्  
यज्ञस्याऽऽशीर्गच्छेदिति तेषामेता व्याहृतीः पुरोऽनुवाक्याया  
अर्धर्च एकां दध्याद्याज्यायै पुरस्तादेकां याज्याया अर्धर्च एकां  
तथैनान्त्समावती यज्ञस्याऽऽशीर्गच्छति यथा वै पर्जन्यः सुवृष्टं

वर्षत्येवं यज्ञो यजमानाय वर्षति स्थलयोदकं परिगृह्णन्त्याशिषां  
यज्ञं यजमानः परिगृह्णाति मनोऽसि प्राजापत्यं (३७)

मनसा मा भूतेनाऽऽविशेत्याहु मनो वै प्राजापत्यं प्राजापत्यो  
यज्ञो मन एव यज्ञमात्मन् धत्ते वागस्यैन्द्री संपलक्षयणी वाचा  
मैन्द्रियेणाऽऽविशेत्याहैन्द्री वै वाग्वाचमेवैन्द्रीमात्मन् धत्ते॥ (३८)

तेनैव ब्रह्म राष्ट्रमेवास्यं यज्ञस्यं प्राजापत्यं षट्विंशच्च॥———[१०]

यो वै सप्तदशं प्रजापतिं यज्ञमन्वायत्तं वेदं प्रति यज्ञेन तिष्ठति  
न यज्ञाद् भ्रंशत आ श्रावयेति चतुरक्षरमस्तु श्रौषडिति चतुरक्षरं  
यजेति द्व्यक्षरं ये यजामह इति पञ्चाक्षरं द्व्यक्षरो वषट्कार एष वै  
सप्तदशः प्रजापतिर्यज्ञमन्वायत्तो य एवं वेदं प्रति यज्ञेन तिष्ठति न  
यज्ञाद् भ्रंशते यो वै यज्ञस्य प्रायणं प्रतिष्ठा- (३९)

मुदयनं वेदं प्रतिष्ठितेनारिष्टेन यज्ञेन सङ्स्थां गच्छत्या  
श्रावयास्तु श्रौषड्यज्ञं ये यजामहे वषट्कार एतद्वै यज्ञस्य  
प्रायणमेषां प्रतिष्ठेतदुदयनं य एवं वेदं प्रतिष्ठितेनारिष्टेन यज्ञेन  
सङ्स्थां गच्छति यो वै सूनृतायै दोहं वेदं दुह एवैनां यज्ञो वै  
सूनृताऽऽश्रावयेत्यैवैनामहूदस्तु (४०)

श्रौषडित्युपावांस्त्रायजेत्युदनैषीद्ये यजामह इत्युपास-  
दद्वषट्कारेण दोग्ध्येष वै सूनृतायै दोहो य एवं वेदं दुह एवैनां  
देवा वै सत्रमासत तेषां दिशोऽदस्यन्त एतामाद्रां पङ्क्तिमपश्यन्ना

श्रावयेति पुरोवातमजनयन्नस्तु श्रौषडित्यभ्रः समप्लावयन् यजेति विद्युत- (४१)

मजनयन् ये यजामह इति प्रावर्षयन्नभ्यस्तनयन् वषट्कारेण ततो वै तेभ्यो दिशः प्राप्यायन्त य एवं वेद प्रास्मै दिशः प्यायन्ते प्रजापतिं त्वोवेद प्रजापतिस्त्वं वेद यं प्रजापतिर्वेद स पुण्यो भवत्येष वै छन्दस्यः प्रजापतिरा श्रावयास्तु श्रौषड्यज ये यजामहे वषट्कारो य एवं वेद पुण्यो भवति वसन्त- (४२)

मृतूनां प्रीणामीत्याहर्तवो वै प्रयाजा ऋतूनेव प्रीणाति तैऽस्मै प्रीता यथापूर्वं कल्पन्ते कल्पन्तेऽस्मा ऋतवो य एवं वेदाग्नीषोमयोरहं देवयज्यया चक्षुष्मान् भूयासमित्याहाग्नीषोमाभ्यां वै यज्ञश्चक्षुष्मान् ताभ्यामेव चक्षुरात्मन् धत्तेऽग्नेरहं देवयज्ययान्नादो भूयासमित्याहाग्निर्वै देवानामन्नादस्तेनैवा- (४३)

ऽन्नाद्यमात्मन् धत्ते दधिरेस्यदब्धो भूयासमुं दमेयमित्याहैतया वै दब्ध्या देवा असुरानदभ्रुवन् तयैव भ्रातृव्यं दभ्रोत्यग्नीषोमयोरहं देवयज्यया वृत्रहा भूयासमित्याहाग्नीषोमाभ्यां वा इन्द्रो वृत्रमहन् ताभ्यामेव भ्रातृव्यः स्तृणुत इन्द्राग्नियोरहं देवयज्ययैन्द्रियाव्यन्नदो भूयासमित्याहेन्द्रियाव्यैवान्नादो भवतीन्द्रस्या- (४४)

ऽहं देवयज्ययैन्द्रियावी भूयासमित्याहेन्द्रियाव्यैव भवति महेन्द्रस्याहं देवयज्यया जेमानं महिमानं गमेयमित्याह जेमानमेव

महिमानं गच्छत्यग्नेः स्विष्टकृतोऽहं देवयज्ययाऽऽयुष्मान् यज्ञेन  
प्रतिष्ठां गमेयमित्याहायुरेवात्मन् धत्ते प्रति यज्ञेन तिष्ठति॥ (४५)

प्रतिष्ठामहदस्तु विद्युतं वसन्तमेवेन्द्रस्याऽष्टात्रिंशच्च॥—————[११]

इन्द्रं वो विश्वतस्परि हवामहे जनैभ्यः। अस्माकमस्तु केवलः॥

इन्द्रं नरो नेमधिता हवन्ते यत्पार्या युनजते धियस्ताः। शूरो नृपाता  
शर्वसश्चकान आ गोमति ब्रजे भजा त्वं नः॥ इन्द्रियाणि शतक्रतो  
या ते जनैषु पञ्चसु। इन्द्र तानि त आ वृणे॥ अनु ते दायि मह  
इन्द्रियाय सत्रा ते विश्वमनु वृत्रहत्यै। अनु (४६)

क्षत्रमनु सहो यजत्रेन्द्र देवेभिरनु ते नृषह्यै॥ आ यस्मिन्सप्त  
वासवास्तिष्ठन्ति स्वारुहो यथा। ऋषिर्ह दीर्घश्रुतं इन्द्रस्य घर्मो  
अतिथिः॥ आमासु पक्कमैरय आ सूर्यं रोहयो दिवि। घर्म  
न सामन्तपता सुवृक्तिभिर्जुष्टं गिर्वणसे गिरः॥ इन्द्रमिद्राथिनो  
बृहदिन्द्रमर्केभिरर्किणः। इन्द्रं वाणीरनूषत॥ गायन्ति त्वा गायत्रिणो-  
(४७)

चन्त्युर्कमर्किणः। ब्रह्माणस्त्वा शतक्रतुवुद्धं शर्मिव येमिरे॥  
अहोमुचे प्र भरेमा मनीषामोषिष्ठदाब्धे सुमतिं गृणानाः।  
इदमिन्द्र प्रति हव्यं गृभाय सत्याः सन्तु यजमानस्य कामाः॥  
विवेष यन्मा धिषणा जजान स्तवै पुरा पार्यादिन्द्रमहः। अहंसो  
यत्र पीपरद्यथा नो नावेव यान्तमुभयै हवन्ते॥ प्र सम्राजं

प्रथममध्वराणां- (४८)

म॑हो॒मुचं॑ वृष॒भं य॒ज्ञिया॑नाम्। अ॒पां न॒पा॑तम॒श्विना॒  
ह॒यन्त॑म॒स्मिन्न॑र इन्द्रि॒यं ध॑त्त॒मोजः॑॥ वि न॑ इन्द्र॒ मृधो॑ जहि नी॒चा  
य॑च्छ॒ पृत॑न्यतः। अ॒ध॒स्पदं॑ तर्मी॑ कृधि॒ यो अ॒स्मा॑ अ॒भिदा॑स॒ति॥  
इन्द्र॑ क्ष॒त्रम॑भि॒ वाम॑मोजोऽजा॒यथा॑ वृष॒भ च॑र्षणी॒नाम्। अ॒पा॑नुदो  
जन॑म॒मित्र॑यन्त॒मुरुं॑ दे॒वेभ्यो॑ अकृ॒णोरु॑ लो॒कम्॥ मृ॒गो न भी॑मः  
कु॒चरो॑ गि॒रि॒ष्ठाः प॑रा॒वत॒ - (४९)

आ ज॑गामा॒ पर॑स्याः। सृ॒क॑ स॒शायं॑ प॒विमि॑न्द्र ति॒गं  
वि श॒त्रून् ता॑ढि॒ वि मृ॑धो॒ नुद॑स्व॥ वि श॒त्रून् वि मृ॑धो॒ नुद॑  
वि वृ॒त्रस्य॑ ह॒नू रु॑ज। वि म॒न्युमि॑न्द्र भा॒मितो॑ऽमि॒त्रस्या॑भि॒दास॑तः॥  
त्रा॒तार॒मिन्द्र॑म॒वितार॑मिन्द्र॒ हवे॑हवे सु॒हव॑ शूर॒मिन्द्र॑म्। हु॒वे नु श॑क्रं  
पु॒रुहू॑तमिन्द्र॒ स्व॒स्ति नो॑ म॒घवा॑ धा॒त्विन्द्रः॑॥ मा ते॑ अ॒स्या॑ (५०)

स॒हसा॑वन् परि॑ष्टाव॒घायं॑ भूम॒ हरि॑वः प॒रादै॑। त्राय॑स्व नो-  
ऽवृ॒केभि॑र्व॒रूथै॑स्तव॒ प्रि॒यासः॑ सूरि॒षु स्या॑म॥ अ॒न॒वस्ते॑ रथ॒मश्व॑य  
तक्ष॑न् त्वष्टा॒ वज्रं॑ पु॒रुहू॑त द्यु॒मन्त॑म्। ब्र॒ह्माण॑ इन्द्र॒ म॒हय॑न्तो  
अ॒र्केर॑व॒र्धय॑न्न॒हये॑ हन्त॒वा उ॑॥ वृ॒ष्णे यत् ते॑ वृष॑णो अ॒र्कम॑र्चानिन्द्र  
ग्रा॒वा॑णो अ॒र्दितिः॑ स॒जोषाः॑। अ॒न॒श्वासो॑ ये प॒वयो॑ऽर॒था इन्द्रै॑षिता  
अ॒भ्यव॑र्तन्त॒ दस्यू॑न्॥ (५१)

वृ॒त्रह॑त्ये॒ऽनु॑ गाय॒त्रिणां॑ऽध्व॒राणां॑ प॒रा॒वतो॑ऽस्याम॒ष्टाच॑त्वारि॒शच्च॑॥-[१२]

## ॥ सप्तमः प्रश्नः ॥

### ॥ तैत्तिरीयसंहितायां प्रथमकाण्डे सप्तमः प्रश्नः ॥

पा॒क॒य॒ज्ञं वा अ॒न्वाहि॑ताग्नेः प॒शव॑ उप॑ तिष्ठन्त॒ इडा॒ खलु॑ वै  
पा॒क॒य॒ज्ञः सैषाऽन्तरा॑ प्रयाजानूयाजान् यज॑मानस्य लोकेऽव॑हिता  
तामा॑ह्नियमाणाम॒भि म॑न्त्रयेत् सु॒रूप॑वर्षवर्ण॒ एहीति॑ प॒शवो॑ वा इडा  
प॒शूने॒वोप॑ ह्वयते य॒ज्ञं वै दे॒वा अ॒दुह॑न् य॒ज्ञोऽसुरा॑ अ॒दुह॑त् तेऽसुरा  
य॒ज्ञदु॑ग्धाः परा॑ऽभवन् यो वै य॒ज्ञस्य॒ दोहं॑ वि॒द्वान् (१)

यज॑तेऽप्य॒न्यं यज॑मानं दुहे सा मे स॒त्याऽऽशी॒रस्य॒ य॒ज्ञस्य॑  
भूया॑दित्या॒हैष वै य॒ज्ञस्य॒ दोह॑स्तेनै॒वैनं॑ दुहे प्र॒त्ता वै गौर्दुहे॑ प्र॒त्तेडा॒  
यज॑मानाय दुह ए॒ते वा इडा॑यै स्तना॒ इडो॑प॒हूतेति॑ वा॒युर्व॒थ्सो यर्हि॑  
होते॒डा॒मुप॑ह्वयेत् तर्हि॑ यज॑मानो होता॑र॒मीक्ष॑माणो वा॒युं मन॑सा  
ध्यायेन् (२)

मा॒त्रे व॒थ्समु॒पाव॑सृजति॒ सर्वे॑ण॒ वै य॒ज्ञेन॑ दे॒वाः सु॒वर्गं॑  
लो॒कमा॑यन् पाकय॒ज्ञेन॒ मन॑र॒श्राम्य॒थ्सेडा॒ मन॑मु॒पाव॑र्तत॒ तान्दे॑वासुरा  
व्य॒ह्वय॑न्त प्र॒तीचीं॑ दे॒वाः परा॑ची॒मसुराः॒ सा दे॒वानु॑पाव॑र्तत प॒शवो॑ वै  
तद्दे॒वान॑वृणत प॒शवो॑ऽसुरा॒नज॑हु॒र्यं का॒मये॑ताप॒शुः स्या॒दिति॑ परा॑चीं  
तस्ये॒डा॒मुप॑ह्वयेताप॒शुरे॒व भ॑वति॒ यं (३)

का॒मये॑त प॒शुमा॑न्थस्या॒दिति॑ प्र॒तीचीं॑ तस्ये॒डा॒मुप॑ह्वयेत

पशुमानेव भवति ब्रह्मवादिनो वदन्ति स त्वा इडामुपह्वयेत्  
 य इडामुपह्वयाऽऽत्मानमिडायामुपह्वयेतेति सा नः प्रिया  
 सुप्रतूर्तिर्मघोनीत्याहेडामेवोपह्वयाऽऽत्मानमिडायामुप  
 व्यस्तमिव वा एतद्यज्ञस्य यदिडा सामि प्राश्नन्ति (४)

सामि मार्जयन्त एतत् प्रति वा असुराणां यज्ञो व्यच्छिद्यत  
 ब्रह्मणा देवाः समदधुर्बृहस्पतिस्तनुतामिमं न इत्याहु ब्रह्म वै  
 देवानां बृहस्पतिर्ब्रह्मणैव यज्ञं सन्दधाति विच्छिन्नं यज्ञं समिमं  
 दधात्वित्याहु सन्तत्यै विश्वे देवा इह मादयन्तामित्याहु सन्तत्यैव  
 यज्ञं देवेभ्योऽनु दिशति यां वै (५)

यज्ञे दक्षिणां ददाति तामस्य पशवोऽनु सङ्गमन्ति स एष  
 ईजानोऽपशुर्भावुको यजमानेन खलु वै तत्कार्यमित्याहुर्यथा देवत्रा  
 दत्तं कुर्वीताऽऽत्मन् पशून् रमयेतेति ब्रध्न पिन्वस्वेत्याहु यज्ञो वै  
 ब्रध्नो यज्ञमेव तन्महयत्यथो देवत्रैव दत्तं कुरुत आत्मन् पशून्  
 रमयते ददतो मे मा क्षायीत्याहाक्षितिमेवोपैति कुर्वतो मे मोप  
 दसदित्याहु भूमानमेवोपैति॥ (६)

विद्वान्ध्याये द्यं प्राश्नन्ति यां वै म एकात्रविंशतिश्च॥ [१]

सः श्रवा ह सौवर्चनसस्तुमिञ्मौपोदितिमुवाच यत्सत्रिणां  
 होताऽभूः कामिडामुपाह्वया इति तामुपाह्व इति होवाच या प्राणेन  
 देवान् दाधार व्यानेन मनुष्यान्पानेन पितृनिति छिनत्ति सा न

छिनत्ती (३) इति छिनत्तीति होवाच शरीरं वा अस्यै तदुपाह्वथा  
इति होवाच गौर्वा - (७)

अस्यै शरीरं गां वाव तौ तत्पर्यवदतां या यज्ञे दीयते सा  
प्राणेन देवान् दाधार यया मनुष्या जीवन्ति सा व्यानेन मनुष्यान्  
यां पितृभ्यो घ्नन्ति साऽपानेन पितृन् य एवं वेद पशुमान् भवत्यथ  
वै तामुपाह्व इति होवाच या प्रजाः प्रभवन्तीः प्रत्याभवतीत्यन्नं वा  
अस्यै त- (८)

दुपाह्वथा इति होवाचौषधयो वा अस्या अन्नमौषधयो वै प्रजाः  
प्रभवन्तीः प्रत्या भवन्ति य एवं वेदान्नादो भवत्यथ वै तामुपाह्व  
इति होवाच या प्रजाः पराभवन्तीरनुगृह्णाति प्रत्याभवन्तीर्गृह्णातीति  
प्रतिष्ठां वा अस्यै तदुपाह्वथा इति होवाचेयं वा अस्यै प्रतिष्ठे- (९)

-यं वै प्रजाः पराभवन्तीरनुगृह्णाति प्रत्याभवन्तीर्गृह्णाति य एवं  
वेद प्रत्येव तिष्ठत्यथ वै तामुपाह्व इति होवाच यस्यै निक्रमणे  
घृतं प्रजाः सञ्जीवन्तीः पिबन्तीति छिनत्ति सा न छिनत्ती (३)  
इति न छिनत्तीति होवाच प्र तु जनयतीत्येष वा इडामुपाह्वथा  
इति होवाच वृष्टिर्वा इडा वृष्ट्यै वै निक्रमणे घृतं प्रजाः सञ्जीवन्तीः  
पिबन्ति य एवं वेद प्रैव जायतेऽन्नादो भवति॥ (१०)

गौर्वा अस्यै तत् प्रतिष्ठाह्वथा इति विश्वस्यति॥ [२]

पुरोक्षं वा अन्ये देवा इज्यन्ते प्रत्यक्षमन्ये यद्यजते य एव  
देवाः पुरोक्षमिज्यन्ते तानेव तद्यजति यदन्वाहार्यमाहरत्येते वै



दे॒वाः प्र॒त्यक्षं॑ यद् ब्रा॒ह्म॒णास्ता॒ने॒व तेन॑ प्रीणा॒त्यथो॑ दक्षि॒णै॒वास्यै॒षा-  
ऽथो॑ य॒ज्ञस्यै॒व छि॒द्रम॑पि॒ दधा॑ति॒ यद्वै य॒ज्ञस्य॑ क॒रुं यद्वि॒लिष्टं॑  
तद॑न्वाहा॒र्येणा॒- (११)

न्वाह॑रति॒ तद॑न्वाहा॒र्यस्या॒न्वाहा॒र्यत्वं दे॒वदू॑ता वा ए॒ते यदृ॒त्विजो॒  
यद॑न्वाहा॒र्यमा॒हर॑ति दे॒वदू॑ताने॒व प्री॑णाति॒ प्र॒जाप॑तिर्दे॒वेभ्यो॑ य॒ज्ञान्  
व्यादि॑श॒त्स रि॑रिचा॒नोऽम॑न्यत् स ए॒तम॑न्वाहा॒र्यम॑भ॒क्तम॑पश्यत्  
तमा॒त्मन्न॑धत् स वा ए॒ष प्रा॑जाप॒त्यो यद॑न्वाहा॒र्यो यस्यै॒वं  
वि॒दुषो॑ऽन्वाहा॒र्य आ॒ह्रिय॑ते सा॒क्षादे॒व प्र॒जाप॑तिमृ॒ध्नोत्य॑प॒रिमि॑तो  
नि॒रुप्योऽप॑रिमि॒तः प्र॒जाप॑तिः प्र॒जाप॑ते- (१२)

रा॒स्यै दे॒वा वै यद्य॒ज्ञेऽकु॑र्वत् तद॒सुरा॑ अकुर्वत् ते दे॒वा ए॒तं  
प्रा॑जाप॒त्यम॑न्वाहा॒र्यम॑पश्यन् तम॑न्वाह॑रन्त॒ ततो॑ दे॒वा अ॑भ॒वन्  
परा॑सुरा॒ यस्यै॒वं वि॒दुषो॑ऽन्वाहा॒र्य आ॒ह्रिय॑ते भ॒व॒त्या॒त्मना॒ परा॑स्य  
भ्रातृ॑व्यो भवति य॒ज्ञेन॒ वा इ॒ष्टी प॑क्वेन॒ पूर्ती॑ यस्यै॒वं वि॒दुषो॑ऽन्वाहा॒र्य  
आ॒ह्रिय॑ते स त्वे॒वेष्टा॑पूर्ती॒ प्र॒जाप॑तेर्भा॒गोऽसी॑- ( ३)

त्या॑ह प्र॒जाप॑तिमे॒व भा॑ग॒धेये॑न् स॒मर्ध॑य॒त्यूर्ज॑स्वान्  
पय॑स्वा॒नित्या॒होर्ज॑मे॒वास्मिन् पयो॑ दधाति प्रा॒णापा॒नौ मे॑  
पाहि॑ स॒मान॑व्या॒नौ मे॑ पा॒हीत्या॑हाऽऽशिष॑मे॒वैता॒मा शा॑स्ते-  
ऽक्षि॑तोऽस्यक्षि॑त्यै त्वा॒ मा मे॑ क्षे॒ष्टा अ॒मुत्रा॒मुष्मि॑ल्लो॒क इत्या॑ह

क्षीयते वा अमुष्मिल्लोकेऽन्नमितः प्रदानं ह्यमुष्मिल्लोके प्रजा  
उपजीवन्ति यदेवमभिमृशत्यक्षितिमेवैनद्रमयति नास्यामुष्मिल्लोके-  
ऽन्नं क्षीयते॥ (१४)

अन्वाहार्येण प्रजापतेरसि ह्यमुष्मिल्लोके पञ्चदश च॥ [३]

बर्हिषोऽहं देवयज्यया प्रजावान् भूयासमित्याह बर्हिषा वै  
प्रजापतिः प्रजा असृजत तेनैव प्रजाः सृजते नराशंसस्याहं  
देवयज्यया पशुमान् भूयासमित्याह नराशंसैन् वै प्रजापतिः  
पशून्सृजत तेनैव पशून्सृजतेऽग्नेः स्विष्टकृतोऽहं देवयज्ययाऽ-  
ऽयुष्मान् यज्ञेन प्रतिष्ठां गमेयमित्याहाऽऽयुरेवात्मन् धत्ते प्रति यज्ञेन  
तिष्ठति दर्शपूर्णमासयोर्- (१५)

वै देवा उज्जितिमनूदजयन् दर्शपूर्णमासाभ्यामसुरानपा-  
नुदन्ताग्नेरहमुज्जितिमनूजेषमित्याह दर्शपूर्णमासयोरेव देवतानां  
यजमान उज्जितिमनूजयति दर्शपूर्णमासाभ्यां भ्रातृव्यानप नुदते  
वाजवतीभ्यां व्यूहत्यन्नं वै वाजोऽन्नमेवावरुन्धे द्वाभ्यां प्रतिष्ठित्यै-  
यो वै यज्ञस्य द्वौ दोहौ विद्वान् यजत उभयत - (१६)

एव यज्ञं दुहे पुरस्ताच्चोपरिष्ठाच्चैष वा अन्यो यज्ञस्य दोह  
इडांयामन्यो यर्हि होता यजमानस्य नाम गृहीयात् तर्हि  
ब्रूयादेमा अग्नन्नाशिषो दोहकामा इति सःस्तुता एव देवता  
दुहेऽथो उभयत एव यज्ञं दुहे पुरस्ताच्चोपरिष्ठाच्च रोहितेन

त्वाऽग्निर्देवतां गमयत्वित्याहैते वै देवाश्वा - (१७)

यजमानः प्रस्तरो यदेतैः प्रस्तरं प्रहरति देवाश्चैरेव यजमानः  
सुवर्गं लोकं गमयति वि ते मुञ्चामि रशना वि रश्मीनित्याहैष वा  
अग्नेर्विमोकस्तेनैवेनं वि मुञ्चति विष्णोः शंयोरहं देवयज्यया यज्ञेन  
प्रतिष्ठां गमेयमित्याह यज्ञो वै विष्णुर्यज्ञ एवान्ततः प्रति तिष्ठति  
सोमस्याहं देवयज्यया सुरेता - (१८)

रेतो धिषीयेत्याह सोमो वै रेतोधास्तेनैव रेतं आत्मन्  
धत्ते त्वष्टुरहं देवयज्यया पशूनां रूपं पुषेयमित्याह त्वष्टा वै  
पशूनां मिथुनानां रूपकृत्तेनैव पशूनां रूपमात्मन् धत्ते देवानां  
पत्नीरग्निर्गृहपतिर्यज्ञस्य मिथुनं तयोरहं देवयज्यया मिथुनेन प्र  
भूयासमित्याहैतस्माद्वै मिथुनात्प्रजापतिर्मिथुनेन (१९)

प्राजायत तस्मादेव यजमानो मिथुनेन प्र जायते वेदोऽसि  
वित्तिरसि विदेयेत्याह वेदेन वै देवा असुराणां वित्तं वेद्यमविन्दन्त  
तद्वेदस्य वेदत्वं यद्यद् भ्रातृव्यस्याभिध्यायेत् तस्य नाम गृह्णीयात्  
तदेवास्य सर्वं वृद्धे घृतवन्तं कुलायिनः रायस्पोषः सहस्रिणं  
वेदो ददातु वाजिनमित्याह प्र सहस्रं पशूनांप्रोत्यास्यं प्रजायां  
वाजी जायते य एवं वेद॥ (२०)

दृशपूर्णमासयोरुभयतो देवाश्वाः सुरेताः प्रजापतिर्मिथुनेनाऽऽप्रोत्यष्टौ  
च॥

ध्रुवां वै रिच्यमानां यज्ञोऽनु रिच्यते यज्ञं यजमानो यजमानं  
 प्रजा ध्रुवामाप्यायमानां यज्ञोऽन्वा प्यायते यज्ञं यजमानो  
 यजमानं प्रजा आ प्यायतां ध्रुवा घृतेनेत्याह ध्रुवामेवाऽऽप्याययति  
 तामाप्यायमानां यज्ञोऽन्वा प्यायते यज्ञं यजमानो यजमानं  
 प्रजाः प्रजापतेर्विभान्नाम लोकस्तस्मिंस्त्वा दधामि सह  
 यजमानेने- (२१)

त्याहायं वै प्रजापतेर्विभान्नाम लोकस्तस्मिन्नेवैनं दधाति  
 सह यजमानेन रिच्यत इव वा एतद्यद्यजते यद्यजमानभागं  
 प्राश्नात्यात्मानमेव प्रीणात्येतावान् वै यज्ञो यावान् यजमानभागो  
 यज्ञो यजमानो यद्यजमानभागं प्राश्नाति यज्ञ एव यज्ञं  
 प्रतिष्ठापयत्येतद्वै सूयवसु१ सोदकं यद्वरुहिश्चाऽऽपश्चैतद् (२२)

यजमानस्याऽऽयतनं यद्वेदिर्यत् पूर्णपात्रमन्तर्वेदि निनयति  
 स्व एवाऽऽयतने सूयवसु१ सोदकं कुरुते सदसि सन्मे भूया  
 इत्याहाऽऽपो वै यज्ञ आपोऽमृतं यज्ञमेवामृतमात्मन्धत्ते सर्वाणि  
 वै भूतानि व्रतमुपयन्तमनूपं यन्ति प्राच्यां दिशि देवा ऋत्विजो  
 मार्जयन्तामित्याहैष वै दर्शपूर्णमासयोरवभृथो (२३)

यान्येवैनं भूतानि व्रतमुपयन्तमनूपयन्ति तैरेव सहावभृथमवैति  
 विष्णुमुखा वै देवाश्छन्दोभिरिमाल्लोकाननपजय्यमभ्यजयन्  
 यद्विष्णुक्रमान् क्रमते विष्णुरेव भूत्वा यजमानश्छन्दोभिरिमाल्लोकानन

जयति विष्णोः क्रमोऽस्यभिमातिहेत्याह गायत्री वै पृथिवी  
त्रैष्टुभमन्तरिक्षं जागती द्यौरानुष्टुभीर्दिशश्छन्दोभिरेवेमाल्लोकान्  
यथापूर्वमभि जयति॥ (२४)

इत्येतदवभृथो दिशः सप्त च॥ [५]

अगन्म सुवः सुवर्गन्मेत्याह सुवर्गमेव लोकमेति सन्दृशस्ते  
मा छिंत्सि यत्ते तपस्तस्मै ते मा वृक्षीत्याह यथायजुरेवैतत्सुभूरसि  
श्रेष्ठो रश्मीनामायुर्धा अस्यायुर्मे धेहीत्याहाऽऽशिषमेवैतामा शास्ते  
प्र वा एषोऽस्माल्लोकाच्च्यवते यो (२५)

विष्णुक्रमान् क्रमते सुवर्गाय हि लोकाय विष्णुक्रमाः  
क्रम्यन्ते ब्रह्मवादिनो वदन्ति स त्वै विष्णुक्रमान् क्रमेत् य  
इमाल्लोकान् भ्रातृव्यस्य संविद्य पुनरिमं लोकं प्रत्यवरोहेदित्येष  
वा अस्य लोकस्य प्रत्यवरोहो यदाहेदमहममुं भ्रातृव्यमाभ्यो  
दिग्भ्योऽस्यै दिव इतीमानेव लोकान्भ्रातृव्यस्य संविद्य पुनरिमं  
लोकं प्रत्यवरोहति सं (२६)

ज्योतिषाऽभूवमित्याहस्मिन्नेव लोके प्रति तिष्ठत्यैन्द्रीमा-  
वृतमन्वावर्त इत्याहासौ वा आदित्य इन्द्रस्तस्यैवाऽऽवृतमनु  
पर्यावर्तते दक्षिणा पर्यावर्तते स्वमेव वीर्यमनु पर्यावर्तते  
तस्माद्वक्षिणोऽर्ध आत्मनो वीर्यावत्तरोऽथो आदित्यस्यैवाऽऽवृतमनु  
पर्यावर्तते समहं प्रजया सं मया प्रजेत्याहाऽऽशिष- (२७)

मेवैतामा शास्ते समिद्धो अग्ने मे दीदिहि समेद्धा ते  
 अग्ने दीद्यासमित्याह यथायजुरेवैतद्वसुमान् यज्ञो वसीयान्  
 भूयासमित्याहाऽऽशिषमेवैतामा शास्ते बहु वै गार्हपत्यस्यान्ते  
 मिश्रमिव चर्यत आग्निपावमानीभ्यां गार्हपत्यमुप तिष्ठते  
 पुनात्येवाग्निं पुनीत आत्मानं द्वाभ्यां प्रतिष्ठित्या अग्ने गृहपत  
 इत्याह (२८)

यथायजुरेवैतच्छुतं हिमा इत्याह शतं त्वां हेमन्तानिन्धिषीयेति  
 वावैतदाह पुत्रस्य नामं गृह्णात्यन्नादमेवैनं करोति तामाशिषमा  
 शासे तन्तवे ज्योतिष्मतीमिति ब्रूयाद्यस्य पुत्रोऽजातः स्यात्  
 तेजस्व्येवास्य ब्रह्मवर्चसी पुत्रो जायते तामाशिषमा शासेऽमुष्मे  
 ज्योतिष्मतीमिति ब्रूयाद्यस्य पुत्रो (२९)

जातः स्यात् तेज एवास्मिन् ब्रह्मवर्चसं दधाति यो वै यज्ञं  
 प्रयुज्य न विमुञ्चत्यप्रतिष्ठानो वै स भवति कस्त्वा युनक्ति स त्वा वि  
 मुञ्चत्वित्याह प्रजापतिर्वै कः प्रजापतिनैवैनं युनक्ति प्रजापतिना  
 वि मुञ्चति प्रतिष्ठित्या ईश्वरं वै व्रतमविसृष्टं प्रदहोऽग्ने व्रतपते  
 व्रतमचारिषमित्याह व्रतमेव (३०)

वि सृजते शान्त्या अप्रदाहाय पराङ् वाव यज्ञ एति न नि  
 वर्तते पुनर्यो वै यज्ञस्य पुनरालम्भं विद्वान् यजते तमभि नि वर्तते  
 यज्ञो बभूव स आ बभूवेत्याहैष वै यज्ञस्य पुनरालम्भस्तेनैवैनं  
 पुनरालभतेऽनवरुद्धा वा एतस्य विराड्य आहिताग्निः सन्नसभः

पशवः खलु वै ब्राह्मणस्य सभेष्ट्वा प्राडुत्क्रम्य ब्रूयाद्गोमां अग्ने-  
ऽविमां अश्वी यज्ञ इत्यव सभां रुन्धे प्र सहस्रं पशूनां प्रोत्यास्य  
प्रजायां वाजी जायते॥ (३१)

यः स माशिषं गृहपतु इत्याह यस्य पुत्रो व्रतमेव खलु वै  
चतुर्विंशतिश्च॥ [६]

देवं सवितुः प्रसुव यज्ञं प्रसुव यज्ञपतिं भगाय दिव्यो गन्धर्वः।  
केतपूः केतं नः पुनातु वाचस्पतिर्वाचमद्य स्वदाति नः॥ इन्द्रस्य  
वज्रोऽसि वार्त्रघ्नस्त्वयाऽयं वृत्रं वध्यात्॥ वाजस्य नु प्रसवे मातरं  
महीमदिति नाम वचसा करामहे। यस्यामिदं विश्वं भुवनमाविवेश  
तस्यां नो देवः सविता धर्म साविषत्॥ अ- (३२)

पस्वन्तरमृतमप्सु भेषजमपामुत प्रशस्तिष्वश्वा भवथ  
वाजिनः॥ वायुर्वा त्वा मनुर्वा त्वा गन्धर्वाः सप्तविंशतिः। ते  
अग्ने अश्वमायुञ्जन्ते अस्मिञ्जवमादधुः॥ अपां नपादाशुहेमन् य  
ऊर्मिः ककुद्भान् प्रतूर्तिर्वाजसातमस्तेनायं वाजं सेत्॥ विष्णोः  
क्रमोऽसि विष्णोः क्रान्तमसि विष्णोर्विक्रान्तमस्यङ्गौ न्यङ्गावभितो  
रथं यौ ध्वान्तं वाताग्रमनु सञ्चरन्तौ दूरेहेतिरिन्द्रियावां न्यतत्री ते  
नोऽग्नयः पप्रयः पारयन्तु॥ (३३)

अप्सु न्यङ्गौ पञ्चदश च॥ [७]

देवस्याहं सवितुः प्रसवे बृहस्पतिना वाजजिता वाजं जेषं

देवस्याह॑ संवि॒तुः प्र॑स॒वे बृ॒हस्प॑ति॒ना वाज॑जिता॒ वर्षि॑ष्ठं॒ नाक॑  
 रुहे॒यमिन्द्रा॑य॒ वाचं॑ वद॒तेन्द्रं॑ वाजं॑ जापय॒तेन्द्रो॑ वाज॑मजयित्।  
 अश्वा॑जनि॒ वाजि॑नि॒ वाजे॑षु॒ वाजि॑नीव॒त्यश्वा॑न्त्सम॒त्सु वाज॑य॥  
 अर्वा॑ऽसि॒ सप्ति॑रसि॒ वाज्य॑सि॒ वाजि॑नो॒ वाजं॑ धावत म॒रुता॑ प्रस॒वे  
 ज॑यत् वि॒ योज॑ना मिमी॒ध्वम॑ध्वनः॒ स्क॒भ्रीत् (३४)

काष्ठा॑ गच्छ॒तु वाजे॑वाजेऽवत वाजिनो॒ नो धने॑षु वि॒प्रा अ॒मृता  
 ऋ॒तज्ञाः॥ अ॒स्य म॒ध्वः पि॒बत मा॒दय॑ध्वं तृ॒प्ता या॑त प॒थिभि॑र्दे॒व्याना॑ः॥  
 ते नो॒ अर्व॑न्तो हवन्श्रुतो॒ हवं॑ वि॒श्वे शृ॑ण्वन्तु वा॒जिनः॑॥ मि॒तद्र॑वः  
 सह॑स्र॒सा मे॒धसा॑ता स॒निष्य॑वः। म॒हो ये रत्न॑ समि॒थेषु॑ ज॒भ्रिरे॑ शं नो॑  
 भव॑न्तु वा॒जिनो॑ ह॒वेषु॑॥ दे॒वता॑ता मि॒तद्र॑वः स्व॒र्काः। ज॒म्भय॑न्तोऽहिं  
 वृ॒कः रक्षा॑सि॒ सने॑म्य॒स्मद्यु॑यव॒न्न- (३५)

मी॒वाः॥ ए॒ष स्य॑ वा॒जी क्षि॑प॒णिं तु॑र॒ण्यति॑ ग्री॒वायां॑  
 ब॒द्धो अ॑पि॒कक्ष॑ आ॒सनि॑। ऋ॒तुं दधि॑क्रा अनु॑ स॒न्तर्वा॑त्वत्  
 प॒थाम॑ङ्का॒स्यन्वा॑प॒नीफ॑णत्॥ उ॒त स्मा॑स्य॒ द्रव॑तस्तु॒रण्य॑तः प॒र्णं न  
 वेर॑नु॒ वाति॑ प्रग॒र्धिनः॑। श्ये॒नस्ये॑व ध्रज॑तो अङ्क॒सं परि॑ दधि॒क्राव्णः॑  
 स॒होर्जा॑ तरि॒त्रतः॑॥ आ मा॑ वाज॑स्य प्रस॒वो ज॑ग॒म्यादा॑ द्यावा॑पृ॒थिवी॑  
 वि॒श्वश॑म्भू। आ मा॑ ग॒न्तां पि॒तरा॑ (३६)

मा॒तरा॒ चाऽऽमा॒ सोमो॑ अमृ॒तत्वा॑य॒ गम्या॑त्॥ वाजि॑नो  
 वाज॑जितो॒ वाज॑स्रि॒ष्यन्तो॑ वाजं॑ जे॒ष्यन्तो॑ बृ॒हस्प॑ते॒र्भाग॑मव॑



जिघ्रत् वाजिनो वाजजितो वाज॑ ससृवा॑ सो वाजं जिगिवा॑ सो  
 बृहस्पते॑र्भागे नि मृद्वमियं वः सा सत्या सन्धाऽभूद्यामिन्द्रेण  
 समध॑ध्वमजीजिपत वनस्पतय इन्द्रं वाजं विमुच्यध्वम्॥ (३७)

स्कन्नीत युयवन्पितरा द्विच॑त्वारि॑शच्च॥ [८]

क्षत्र॑स्योल्ब॑मसि क्षत्र॑स्य योनि॑रसि जाय॑ एहि सुवो  
 रोहा॑व रोहा॑व हि सुव॑र॒हं नावु॑भयोः सुवो॑ रोक्ष्यामि वाजंश्च  
 प्रस॑वश्चापिजश्च ऋतु॑श्च सुव॑श्च मूर्धा च व्यश्नि॑यश्चाऽ-  
 ऽन्त्याय॑नश्चान्त्य॑श्च भौव॑नश्च भुव॑नश्चाधिपतिश्च। आयु॑र्यज्ञेन॑  
 कल्पतां प्रा॒णो य॒ज्ञेन॑ कल्पताम॒पानो - (३८)

य॒ज्ञेन॑ कल्पतां व्या॒नो य॒ज्ञेन॑ कल्पतां चक्षु॑र्यज्ञेन॑ कल्पतां॑  
 श्रोत्रं॑ य॒ज्ञेन॑ कल्पतां मनो॑ य॒ज्ञेन॑ कल्पतां वाग्य॑ज्ञेन॑ कल्पतामा॒त्मा  
 य॒ज्ञेन॑ कल्पतां य॒ज्ञो य॒ज्ञेन॑ कल्पतां॑ सुव॑र्देवा॑ अ॒गन्मा॑मृतां  
 अभू॑म प्रजाप॑तेः प्रजा अभू॑म सम॒हं प्र॒जया॑ सं मया॑ प्रजा सम॒हं  
 रा॒यस्पोषे॑ण सं मया॑ रा॒यस्पोषोऽन्ना॑य त्वाऽन्नाद्या॑य त्वा वाजा॑य  
 त्वा वाजजि॑त्यायै॑ त्वाऽमृ॑तमसि पुष्टि॑रसि प्र॒जन॑नमसि॥ (३९)

अ॒पा॒नो वाजा॑य नव॑ च॥ [९]

वाज॑स्ये॒मं प्र॑सवः सु॒षुवे॒ अग्रे॑ सोम॑ स राजा॑न॒मोष॑धीष्वप्सु।  
 ता अ॒स्मभ्यं॑ मधु॑मतीर्भवन्तु वय॑ स॒ रा॒ष्ट्रे जा॑ग्रियाम पु॒रोहि॑ताः॥  
 वाज॑स्ये॒दं प्र॑सव आ ब॑भूवे॒मा च॒ विश्वा॑ भुव॑नानि स॒र्वतः॑। स

विराजं पर्येति प्रजानन् प्रजां पुष्टिं वर्धयमानो अस्मे॥ वाजस्येमां  
प्रसवः शिश्रिये दिवमिमा च विश्वा भुवनानि सम्राट्। अदिथ्सन्तं  
दापयतु प्रजानन् रुयिं (४०)

च नः सर्ववीरां नि यच्छतु॥ अग्ने अच्छा वदेह नः प्रति नः  
सुमना भव। प्र णो यच्छ भुवस्पते धनदा असि नस्त्वम्॥ प्र णो  
यच्छत्वयमा प्र भगुः प्र बृहस्पतिः। प्र देवाः प्रोत सूनृता प्र वाग्देवी  
ददातु नः॥ अर्यमणं बृहस्पतिमिन्द्रं दानाय चोदय। वाचं विष्णुं  
सरस्वतीं सवितारं (४१)

च वाजिनम्॥ सोमं राजानं वरुणमग्निमन्वारभामहे।  
आदित्यान् विष्णुं सूर्यं ब्रह्माणं च बृहस्पतिम्॥ देवस्य त्वा  
सवितुः प्रसवेऽश्विनोर्बाहुभ्यां पूष्णो हस्ताभ्यां सरस्वत्यै वाचो  
यन्तुर्यत्रेणाग्नेस्त्वा साम्राज्येनाभिषिञ्चामीन्द्रस्य बृहस्पतेस्त्वा  
साम्राज्येनाभिषिञ्चामि॥ (४२)

रुयिं सवितारं षट्त्रिंशच्च॥ [१०]

अग्निरेकाक्षरेण वाचमुदजयदश्विनौ द्वाक्षरेण प्राणापानाबुद-  
जयतां विष्णुस्यक्षरेण त्रील्लोकानुदजयत्सोमश्चतुरक्षरेण चतुष्पदः  
पशूनुदजयत् पूषा पञ्चाक्षरेण पङ्क्तिमुदजयद्धाता षडक्षरेण  
षडृतूनुदजयन्मरुतः सप्ताक्षरेण सप्तपदां शक्ररीमुदजयन्  
बृहस्पतिरष्टाक्षरेण गायत्रीमुदजयन्मित्रो नवाक्षरेण त्रिवृतं

स्तोममुदजय- (४३)

द्वरुणो दशाक्षरेण विराजमुदजयदिन्द्र एकादशाक्षरेण  
त्रिष्टुभमुदजयद् विश्वे देवा द्वादशाक्षरेण जगतीमुदजयन्  
वसवस्त्रयोदशाक्षरेण त्रयोदशः स्तोममुदजयन् रुद्राश्चतुर्दशाक्षरेण  
चतुर्दशः स्तोममुदजयन्नादित्याः पञ्चदशाक्षरेण पञ्चदशः  
स्तोममुदजयन्नदितिः षोडशाक्षरेण षोडशः स्तोममुदजयत्  
प्रजापतिः सप्तदशाक्षरेण सप्तदशः स्तोममुदजयत्॥ (४४)

अजयत् षट्त्वारिंशच्च॥ [११]

उपयामगृहीतोऽसि नृषदं त्वा द्रुषदं भुवनसदमिन्द्राय जुष्टं  
गृह्णाम्येष ते योनिरिन्द्राय त्वोपयामगृहीतोऽस्यप्सुषदं त्वा घृतसदं  
व्योमसदमिन्द्राय जुष्टं गृह्णाम्येष ते योनिरिन्द्राय त्वोपयामगृहीतो-  
ऽसि पृथिविषदं त्वाऽन्तरिक्षसदं नाकसदमिन्द्राय जुष्टं गृह्णाम्येष  
ते योनिरिन्द्राय त्वा॥ ये ग्रहाः पञ्चजनीना येषां तिस्रः परमजाः।  
दैव्यः कोशः - (४५)

समुञ्जितः। तेषां विशिप्रियाणामिषमूर्जः समग्रभीमेष ते  
योनिरिन्द्राय त्वा॥ अपाः रसमुद्वयसः सूर्यरश्मिः समभृतम्।  
अपाः रसस्य यो रसस्तं वो गृह्णाम्युत्तममेष ते योनिरिन्द्राय  
त्वा॥ अया विष्ठा जनयन्कर्वराणि स हि घृणिरुर्वराय गातुः।  
स प्रत्युदैद्धरुणो मध्वो अग्रः स्वायां यत्तनुवां तनूमैरयता।

उपयामगृहीतोऽसि प्रजापतये त्वा जुष्टं गृह्णाम्येष ते योनिः  
प्रजापतये त्वा॥ (४६)

कोशस्तनुवां त्रयोदश च॥ [१२]

अन्वह मासा अन्विद्वनान्यन्वोषधीरनु पर्वतासः। अन्विन्द्रः  
रोदसी वावशाने अन्वापो अजिहत जायमानम्॥ अनु ते दायि मह  
इन्द्रियाय सुत्रा ते विश्वमनु वृत्रहत्यै। अनु क्षत्रमनु सहो यजत्रेन्द्र  
देवेभिरनु ते नृषह्यै॥ इन्द्राणीमासु नारिषु सुपत्नीमहमश्रवम्। न  
ह्यस्या अपरं च न जरसा (४७)

मरते पतिः॥ नाहमिन्द्राणि रारण सख्युर्वृषाकपेर् ऋते।  
यस्येदमप्यः हविः प्रियं देवेषु गच्छति॥ यो जात एव प्रथमो  
मनस्वान् देवो देवान् क्रतुना पर्यभूषत्। यस्य शुष्माद्रोदसी  
अभ्यसेतां नृग्नस्य महा स जनास इन्द्रः॥ आ ते मह इन्द्रोत्युग्र  
समन्यवो यत्समरन्त सेनाः। पताति दिद्युन्नर्यस्य बाहुवोर्मा  
ते (४८)

मनो विष्वद्रियग्विचारीत्॥ मा नो मर्धीरा भरा दद्धि तन्नः प्र  
दाशुषे दातवे भूरि यत् ते। नव्ये देष्णे शस्ते अस्मिन् तं उक्थे  
प्र ब्रवाम वयमिन्द्र स्तुवन्तः॥ आ तू भर माकिरेतत् परिष्ठाद्विद्वा  
हि त्वा वसुपतिं वसूनाम्। इन्द्र यत् ते माहिंनं दत्रमस्त्यस्मभ्यं  
तद्धर्यश्च (४९)

प्र यन्धि॥ प्रदातारं हवामह इन्द्रमा हविषां वयम्। उभा  
हि हस्ता वसुना पृणस्वाऽऽप्र यच्छ दक्षिणादोत सव्यात्॥ प्रदाता  
वज्री वृषभस्तुराषाद्दुष्मी राजा वृत्रहा सौमपावा। अस्मिन् यज्ञे  
बर्हिष्या निषद्याथा भव यजमानाय शं योः॥ इन्द्रः सुत्रामा स्ववां  
अवोभिः सुमृडीको भवतु विश्ववेदाः। बाधतां द्वेषो अभयं कृणोतु  
सुवीर्यस्य (५०)

पतयः स्याम॥ तस्य वयं सुमतौ यज्ञियस्यापि भद्रे सौमनसे  
स्याम। स सुत्रामा स्ववां इन्द्रो अस्मे आराचिद्वेषः सनुतर्युयोतु॥  
रेवतीर्नः सधमाद् इन्द्रं सन्तु तुविवाजाः। क्षुमन्तो याभिर्मदेम॥  
प्रो ष्वस्मै पुरोरथमिन्द्राय शूषमर्चत। अभीके चिदु लोककृत्सङ्गे  
समथ्सु वृत्रहा। अस्माकं बोधि चोदिता नभन्तामन्यकेषाम्। ज्याका  
अधि धन्वसु॥ (५१)

जुरसा मा ते हर्यश्च सुवीर्यस्याध्येकं च॥ [१३]

## ॥ अष्टमः प्रश्नः ॥

॥ तैत्तिरीयसंहितायां प्रथमकाण्डे अष्टमः प्रश्नः ॥

अनुमत्यै पुरोडाशमष्टाकपालं निर्वपति धेनुर्दक्षिणा ये प्रत्यश्चः  
शम्याया अवशीयन्ते तन्नैर्ऋतमेककपालं कृष्णं वासः कृष्णतृषं  
दक्षिणा वीहि स्वाहाऽऽहुतिं जुषाण एष ते निर्ऋते भागो भूते

ह॒विष्म॑त्यसि मु॒ञ्चेम॑म॒ह॑सः॒ स्वाहा॒ नमो॒ य इ॒दं च॒कारा॑ऽऽदित्यं  
च॒रुं निर्व॑पति॒ वरो॒ दक्षि॑णाऽऽग्नावैष्ण॒वमेका॑दशकपालं॒ वाम॑नो व॒ही  
दक्षि॑णाऽग्नीषोमीय- (१)

मेका॑दशकपाल॒ः हिर॑ण्यं॒ दक्षि॑णै॒न्द्रमेका॑दशकपालमृष॒भो व॒ही  
दक्षि॑णाऽऽग्नेयम॒ष्टाक॑पालमै॒न्द्रं दध्य॑ष॒भो व॒ही दक्षि॑णै॒न्द्राग्नं॑ द्वाद॑श-  
कपालं॒ वैश्व॑देवं॒ च॒रुं प्र॑थम॒जो व॒त्सो दक्षि॑णा सौ॒म्यः॒ श्या॑माकं  
च॒रुं वा॑सो॒ दक्षि॑णा॒ सर॑स्वत्यै॒ च॒रुः॒ सर॑स्वते॒ च॒रुं मि॑थुनौ गावो॒  
दक्षि॑णा॥ (२)

अ॒ग्नीषो॑मीयं॒ चतु॑स्त्रि॒ःश॒च॥ [१]

आ॒ग्नेयम॒ष्टाक॑पालं॒ निर्व॑पति॒ सौ॒म्यं च॒रुः॒ सा॑वि॒त्रं द्वा॑द॑श-  
कपाल॒ः सा॑रस्व॒तं च॒रुं पौ॒ष्णं च॒रुं मा॑रु॒तः॒ स॒प्तक॑पालं॒  
वैश्व॑दे॒वीमा॒मिक्षा॑ द्यावापृथि॒व्यमे॑क॒कपाल॑म्॥ (३)

आ॒ग्नेयम॒ष्टाद॑श॥ [२]

ऐ॒न्द्राग्न॑मेका॑दशकपालं॒ मा॒रुती॑मा॒मिक्षा॑ वा॒रुणी॑मा॒मिक्षा॑  
का॒यमे॑क॒कपालं॑ प्र॒घास्या॑न् ह॒वाम॑हे म॒रुतो॑ य॒ज्ञवा॑ह॒सः क॑र॒म्भेण॑  
स॒जोष॑सः॥ मो षू ण इ॒न्द्र पृ॑थ्सु दे॒वास्तु॑ स्म ते शुष्मि॒न्नव॑या।  
म॒ही ह्य॑स्य मी॒ढुषो॑ य॒व्या। ह॒विष्म॑तो म॒रुतो॑ वन्द॑ते गीः॥ यद्  
ग्रा॒मे यद॑रण्ये॒ यत्स॒भायां॑ यदि॑न्द्रि॒ये। यच्छू॒द्रे यद॑र्य ए॒नश्च॑कृ॒मा  
व॒यम्। यदे॑क॒स्याधि॑ ध॒र्मणि॑ तस्या॑व॒यज॑नमसि॒ स्वाहा॑॥ अ॒क्रन्

कर्म कर्मकृतः सह वाचा मयोभुवा॥ देवेभ्यः कर्म कृत्वाऽस्तं प्रेतं  
सुदानवः॥ (४)

वयं यद् विंशतिश्च॥ [३]

अग्रयेऽनीकवते पुरोडाशमष्टाकपालं निर्वपति साकं  
सूर्येणोद्यता मरुद्भ्यः सान्तपनेभ्यो मध्यन्दिने चरुं मरुद्भ्यो  
गृहमेधिभ्यः सर्वासां दुग्धे सायं चरुं पूर्णां दर्वि परां पतु सुपूर्णां  
पुनरापत। वस्त्रेव वि क्रीणावहा इषमूर्जं शतक्रतो॥ देहि मे  
ददामि ते नि मे धेहि नि ते दधे। निहारमिन्नि मे हरा निहारं (५)

नि हरामि ते॥ मरुद्भ्यः क्रीडिभ्यः पुरोडाशं सप्तकपालं  
निर्वपति साकं सूर्येणोद्यताग्रेयमष्टाकपालं निर्वपति सौम्यं चरुं  
सावित्रं द्वादशकपालं सारस्वतं चरुं पौष्णं चरुमैन्द्राग्रमेकादश-  
कपालमैन्द्रं चरुं वैश्वकर्मणमेककपालम्॥ (६)

हरा निहारं त्रिंशच्च॥ [४]

सोमाय पितृमते पुरोडाशं षट्कपालं निर्वपति पितृभ्यो  
बर्हिषद्भ्यो धानाः पितृभ्योऽग्निष्वात्तेभ्योऽभिवान्यायै दुग्धे  
मन्थमेतत् तै तत् ये च त्वामन्वेतत् तै पितामह प्रपितामह ये च  
त्वामन्वत्रं पितरो यथाभागं मन्दध्वं सुसन्दृशं त्वा वयं मघवन्  
मन्दिषीमहि॥ प्र नूनं पूर्णवन्धुरः स्तुतो यासि वशां अनु॥ योजा

न्विन्द्र ते हरी॥ (७)

अक्षन्नमीमदन्त ह्यव प्रिया अधूषत॥ अस्तोषत स्वभानवो  
विप्रा नविष्ठया मती॥ योजा न्विन्द्र ते हरी॥ अक्षन् पितरो-  
ऽमीमदन्त पितरोऽतीतृपन्त पितरोऽमीमृजन्त पितरः॥ परेत  
पितरः सोम्या गम्भीरैः पृथिभिः पूर्यैः॥ अथा पितृन्सुविदत्रां  
अपीत यमेन ये संधमादं मदन्ति॥ मनो न्वा हुवामहे नाराशंसेन  
स्तोमेन पितृणां च मन्मभिः॥ आ (८)

न एतु मनः पुनः ऋत्वे दक्षाय जीवसे॥ ज्योक् च सूर्यं दृशे॥  
पुनर्नः पितरो मनो ददातु दैव्यो जनः॥ जीवं व्रातं सचेमहि॥  
यदन्तरिक्षं पृथिवीमुत द्यां यन्मातरं पितरं वा जिहिंसिम॥  
अग्निर्मा तस्मादेनसो गार्हपत्यः प्र मुञ्चतु दुरिता यानि चकृम  
करोतु मामनेनसम्॥ (९)

हरी मन्मभिरा चतुश्चत्वारिंशच्च॥ [५]

प्रतिपूरुषमेककपालान्निर्वपत्येकमतिरिक्तं यावन्तो गृह्याः  
स्मस्तेभ्यः कमकरं पशूनां शर्मासि शर्म यजमानस्य शर्म मे  
यच्छेक एव रुद्रो न द्वितीयाय तस्थ आखुस्ते रुद्र पशुस्तं  
जुषस्वैष ते रुद्र भागः सह स्वस्त्राऽम्बिकया तं जुषस्व भेषजं  
गवेऽश्वाय पुरुषाय भेषजमथो अस्मभ्यं भेषजं सुभेषजं (१०)

यथाऽसंति॥ सुगं मेषाय मेष्ट्या अवाम्ब रुद्रमदिमह्यं देवं



त्र्यम्बकम्॥ यथा नः श्रेयसः करद्वया नो वस्यसः करद्वया नः  
पशुमतः करद्वया नो व्यवसाययात्॥ त्र्यम्बकं यजामहे सुगन्धिं  
पुष्टिवर्धनम्॥ उर्वारुकमिव बन्धनान्मृत्योर्मुक्षीय मामृतात्॥ एष  
ते रुद्र भागस्तं जुषस्व तेनावसेन परो मूर्जवतोऽतीह्यवततधन्वा  
पिनाकहस्तः कृत्तिवासाः॥ (११)

सुभेषजमिहि त्रीणि च॥ [६]

ऐन्द्राग्रं द्वादशकपालं वैश्वदेवं चरुमिन्द्राय शुनासीराय  
पुरोडाशं द्वादशकपालं वायव्यं पयः सौर्यमेककपालं द्वादशगवः  
सीरं दक्षिणाऽऽग्नेयमष्टाकपालं निर्वपति रौद्रं गावीधुकं चरुमैन्द्रं  
दधि वारुणं यवमयं चरुं वहिनीं धेनुर्दक्षिणा ये देवाः पुरःसदो-  
ऽग्निनेत्रा दक्षिणसदो यमनेत्राः पश्चात्सदः सवितृनेत्रा उत्तरसदो  
वरुणनेत्रा उपरिषदो बृहस्पतिनेत्रा रक्षोहणस्ते नः पान्तु ते  
नोऽवन्तु तेभ्यो (१२)

नमस्तेभ्यः स्वाहा समूढः रक्षः सन्दग्धः रक्ष इदमहः  
रक्षोऽभि सं दहाम्यग्नये रक्षोघ्ने स्वाहा यमाय सवित्रे वरुणाय  
बृहस्पतये दुवस्वते रक्षोघ्ने स्वाहा प्रष्टिवाही रथो दक्षिणा देवस्य  
त्वा सवितुः प्रसवेऽश्विनोर्बाहुभ्यां पूष्णो हस्ताभ्यां रक्षसो वधं  
जुहोमि हतः रक्षोऽवधिष्म रक्षो यद्वस्ते तदक्षिणा॥ (१३)

तेभ्यः पञ्चचत्वारिंशच्च॥ [७]

धात्रे पुरोडाशं द्वादशकपालं निर्वपत्यनुमत्यै चरुः राकायै  
 चरुः सिनीवाल्यै चरुं कुह्वै चरुं मिथुनौ गावौ दक्षिणा-  
 ऽऽग्रावैष्णवमेकादशकपालं निर्वपत्यैन्द्रावैष्णवमेकादशकपालं  
 वैष्णवं त्रिकपालं वामनो वही दक्षिणाऽग्नीषोमीयमेकादशकपालं  
 निर्वपतीन्द्रासोमीयमेकादशकपालः सौम्यं चरुं बभ्रुर्दक्षिणा  
 सोमापौष्णं चरुं निर्वपत्यैन्द्रापौष्णं चरुं पौष्णं चरुः श्यामो  
 दक्षिणा वैश्वानरं द्वादशकपालं निर्वपति हिरण्यं दक्षिणा वारुणं  
 यवमयं चरुमश्वो दक्षिणा॥ (१४)

निर्ष्टौ च॥ \_\_\_\_\_[८]

बारुहस्पत्यं चरुं निर्वपति ब्रह्मणो गृहे शितिपृष्ठो  
 दक्षिणैन्द्रमेकादशकपालः राजन्यस्य गृह ऋषभो दक्षिणा-  
 ऽऽदित्यं चरुं महिष्यै गृहे धेनुर्दक्षिणा नैर्ऋतं चरुं परिवृत्तयै  
 गृहे कृष्णानां व्रीहीणां नखनिर्भिन्नं कृष्णा कूटा दक्षिणा-  
 ऽऽग्नेयमृष्टाकपालः सेनान्यो गृहे हिरण्यं दक्षिणा वारुणं  
 दशकपालः सूतस्य गृहे महानिर्ष्टो दक्षिणा मारुतः सूतकपालं  
 ग्रामन्यो गृहे पृश्निर्दक्षिणा सावित्रं द्वादशकपालं (१५)

क्षत्तुर्गृह उपध्वस्तो दक्षिणाऽऽश्विनं द्विकपालः सङ्ग्रहीतुर्गृहे  
 सवाल्यौ दक्षिणा पौष्णं चरुं भागदुघस्य गृहे श्यामो दक्षिणा रौद्रं  
 गावीधुकं चरुमक्षावापस्य गृहे शबल उद्धारो दक्षिणेन्द्राय सुत्राम्णे

पुरोडाशमेकादशकपालं प्रति निर्वपतीन्द्रायाः होमुचेऽयं नो राजा  
वृत्रहा राजा भूत्वा वृत्रं वेध्यान्मैत्राबारहस्पत्यं भवति श्वेतायै  
श्वेतवत्सायै दुग्धे स्वयम्मूर्ते स्वयम्मथित आज्य आश्वत्थे (१६)

पात्रे चतुःस्रक्तौ स्वयमवपुत्रायै शाखायै कर्णाःश्चाकर्णाःश्च  
तण्डुलान् वि चिनुयाद्ये कर्णाः स पर्यसि बारहस्पत्यो येऽकर्णाः  
स आज्ये मैत्रः स्वयं कृता वेदिर्भवति स्वयन्दिनं बर्हिः स्वयं  
कृत इध्मः सैव श्वेता श्वेतवत्सा दक्षिणा॥ (१७)

सावित्रं द्वादशकपालमाश्वत्थे त्रयस्त्रिंशच्च॥ [९]

अग्नये गृहपतये पुरोडाशमष्टाकपालं निर्वपति कृष्णानां  
व्रीहीणां सोमाय वनस्पतये श्यामाकं चरुं सवित्रे सत्यप्रसवाय  
पुरोडाशं द्वादशकपालमाशूनां व्रीहीणां रुद्राय पशुपतये  
गावीधुकं चरुं बृहस्पतये वाचस्पतये नैवारं चरुमिन्द्राय ज्येष्ठाय  
पुरोडाशमेकादशकपालं महाव्रीहीणां मित्राय सत्यायाऽम्बानां  
चरुं वरुणाय धर्मपतये यवमयं चरुं सविता त्वां प्रसवानां  
सुवतामग्निर्गृहपतीनां सोमो वनस्पतीनां रुद्रः पशूनां (१८)

बृहस्पतिर्वाचामिन्द्रो ज्येष्ठानां मित्रः सत्यानां वरुणो  
धर्मपतीनां ये देवा देवसुवः स्थ त इममामुष्यायणमनमित्राय  
सुवध्वं महते क्षत्राय महत आधिपत्याय महते जानराज्यायैष  
वो भरता राजा सोमोऽस्माकं ब्राह्मणानां राजा प्रति त्यन्नाम

राज्यम॑धायि॒ स्वां त॑नुवं वरु॑णो अशि॒श्रेच्छु॑चैर्मित्र॒स्य व्र॑त्या  
अभू॑माम॒न्महि॑ मह॒त ऋ॑तस्य॒ नाम॒ सर्वे॑ व्रा॒ता वरु॑णस्याभू॒वन्वि॑  
मि॒त्र ए॒वैररा॑तिम॒तारी॑दसू॒षुदन्त॑ य॒ज्ञियां॑ ऋ॒तेन॑ व्यु॒ त्रितो॑  
ज॒रिमा॑णं न आ॒नङ् वि॑ष्णोः क्रमो॑ऽसि॒ विष्णोः॑ क्रा॒न्तम॑सि॒  
वि॑ष्णोर्वि॒क्रान्त॑मसि॥ (१९)

प॒शूनां॑ व्रा॒ताः प॒ञ्चविं॑शतिश्च॥ \_\_\_\_\_ [१०]

अ॒र्थेतः॑ स्था॒ऽपां प॑तिरसि॒ वृषा॑स्यूर्मिर्वृष॒सेनो॑ऽसि व्रज॒क्षितः॑  
स्थ म॒रुता॑मो॒जः स्थ॒ सूर्य॑वर्चसः स्थ॒ सूर्य॑त्वचसः स्थ  
मा॒न्दाः स्थ॒ वाशाः॑ स्थ॒ शक्व॑रीः स्थ॒ विश्व॑भृतः स्थ  
ज॒नभृ॑तः स्था॒ऽग्नेस्ते॑ज॒स्याः स्था॒ऽपामो॑षधीनां॒ रसः॑ स्था॒  
ऽपो दे॒वीर्मधु॑मतीरगृ॒ह्णन्नूर्ज॑स्वती राज॒सूया॑य चि॒तानाः॑।  
याभि॑र्मि॒त्रावरु॑णाव॒भ्यषि॑श्चन् याभि॑रिन्द्र॒मन॑यन्नत्यरा॒तीः॥ रा॒ष्ट्रदाः॑  
स्थ॑ रा॒ष्ट्रं दत्त॑ स्वाहा॑ रा॒ष्ट्रदाः॑ स्थ॑ रा॒ष्ट्रम॒मुष्मै॑ दत्त॥ (२०)

अत्येका॑दश च॥ \_\_\_\_\_ [११]

दे॒वीरा॑पः सं मधु॑मतीर्मधु॑मतीभिः सृज्य॒ध्वं महि॑ वर्चः  
क्ष॒त्रिया॑य वन्वा॒ना अना॑धृष्टाः सी॒दतो॑र्ज॒स्वती॑र्महि॒ वर्चः॑ क्ष॒त्रिया॑य  
दध॑ती॒रनि॑भृष्टमसि वा॒चो बन्धु॑स्तपो॒जाः सोम॑स्य दा॒त्रम॑सि शु॒क्रा  
वः शु॒क्रेणो॑त्पु॒नामि॑ च॒न्द्राश्च॒न्द्रेणा॑मृता॒ अमृ॑तेन॒ स्वाहा॑ राज॒सूया॑य

चि॒ता॒नाः॥ स॒ध॒मादौ॑ द्यु॒ग्नि॒नी॒रूर्ज॑ ए॒ता अ॒नि॒भृ॒ष्टा अ॒प॒स्युवो॒  
वसा॑नः। प॒स्त्या॑सु च॒क्रे वरु॑णः स॒ध॒स्थं॑म॒पा॒५ शिशु॑र- (२१)

मा॒तृ॒त॒मा॒स्वन्तः॥ क्ष॒त्र॒स्यो॒ल्ब॑म॒सि क्ष॒त्र॒स्य॒ योनि॑र॒स्यावि॑न्नो  
अ॒ग्नि॒र्गृ॒हप॑तिरावि॒न्न इन्द्रो॑ वृ॒द्धश्र॑वा आ॒वि॒न्नः पू॒षा वि॒श्ववे॑दा  
आ॒वि॒न्नो मि॒त्रावरु॑णावृ॒तावृ॒धावा॑वि॒न्ने द्यावा॑पृथि॒वी धृ॒तव्र॑ते आ॒वि॒न्ना  
दे॒व्यदि॑तिर्वि॒श्वरू॒प्यावि॑न्नोऽय॒मसा॑वा॒मुष्या॑य॒णोऽस्यां॑ वि॒शय॑स्मिन्  
रा॒ष्ट्रे म॑ह॒ते क्ष॒त्राय॑ म॒ह॒त आ॑धि॒पत्या॑य म॒ह॒ते जा॑न॒राज्या॑यैष वो  
भ॒रता॒ राजा॒ सोमो॑ऽस्माकं ब्रा॒ह्म॒णा॒ना॒५ रा॒जेन्द्र॑स्य (२२)

वज्रो॑ऽसि॒ वा॒त्रघ्न॑स्त्वया॒ऽयं वृ॒त्रं व॑ध्याच्छत्रु॒बाध॑नाः स्थ पा॒त मा॑  
प्र॒त्यञ्च॑ पा॒त मा॑ ति॒र्यञ्च॑म॒न्वञ्च॑ मा पा॒त दि॒ग्भ्यो मा॑ पा॒त वि॒श्वो॑भ्यो मा  
ना॒ष्ट्राभ्यः॑ पा॒त हि॒र॒ण्यव॑र्णावुषसा॑ वि॒रोके॑ऽयः स्थू॒णावु॑दि॒तौ सूर्य॑स्या-  
ऽऽरो॑हतं वरुण मि॒त्रं ग॒तं तत॑श्चक्षाथा॒मदि॑तिं दि॒तिं च॥ (२३)

शिशुरिन्द्रस्यैकचत्वारि॑५शच्च॥ [१२]

स॒मि॒ध॒मा ति॑ष्ठ गाय॒त्री त्वा॒ छन्द॑सामवतु त्रि॒वृ॒थ॒स्तोमो॑  
रथ॑न्तर॒५ सा॒मा॒ग्नि॒र्दे॒वता॒ ब्र॒ह्म द्र॑वि॒णमु॑ग्रामा ति॑ष्ठ त्रि॒ष्टुप् त्वा॒  
छन्द॑सामवतु पञ्चद॒शः स्तोमो॑ बृ॒ह॒थ्सामेन्द्रो॑ दे॒वता॑ क्ष॒त्रं द्र॑वि॒णं  
वि॒राज॑मा ति॑ष्ठ जग॑ती त्वा॒ छन्द॑सामवतु सप्तद॒शः स्तोमो॑ वैरू॒प॒५  
सा॒मं म॒रुतो॑ दे॒वता॒ वि॒द्व॒वि॒णमु॑दी॒ची॒मा ति॑ष्ठानु॒ष्टुप् त्वा॒ (२४)

छन्द॑सामवत्वेकवि॒५शः स्तोमो॑ वैरा॒ज॒५ सा॒मं मि॒त्रावरु॑णौ

देवता॒ बलं॑ द्रविण॑मूर्ध्वा॒मा तिष्ठ॑ प॒ङ्क्ति॑स्त्वा॒ छन्द॑सामवतु  
 त्रिणव॑त्रयस्त्रि॒ंशौ स्तोमौ॑ शा॒क्रर॑रेवते॒ साम॑नी॒ बृह॑स्पतिर्दे॒वता॒  
 वर्चो॑ द्रविण॑मीदृङ् चान्या॑दृङ् चैता॑दृङ् च॒ प्रति॑दृङ् च॒ मित॑श्च  
 सम्मि॑तश्च॒ सभ॑राः। शु॒क्रज्यो॑तिश्च॒ चित्र॑ज्यो॒तिश्च॒ सत्य॑ज्यो॒तिश्च॒  
 ज्योति॑ष्माश्च॒ सत्य॑श्चर्त॒पाश्चा॒- (२५)

त्य॑हाः। अ॒ग्नये॑ स्वाहा॒ सोमा॑य॒ स्वाहा॑ सवि॒त्रे स्वाहा॑  
 सर॑स्वत्यै॒ स्वाहा॑ पू॒ष्णे स्वाहा॑ बृह॑स्पतये॒ स्वाहेन्द्रा॑य॒ स्वाहा॑  
 घोषा॑य॒ स्वाहा॑ श्लोका॑य॒ स्वाहा॑ऽशाय॒ स्वाहा॑ भगा॑य॒ स्वाहा॑  
 क्षेत्र॑स्य॒ पत॑ये॒ स्वाहा॑ पृथि॒व्यै स्वाहा॑ऽन्तरि॑क्षाय॒ स्वाहा॑ दि॒वे  
 स्वाहा॑ सूर्या॑य॒ स्वाहा॑ च॒न्द्रम॑से॒ स्वाहा॑ नक्ष॑त्रेभ्यः॒ स्वाहा॑ऽद्भ्यः  
 स्वाहो॑षधी॒भ्यः स्वाहा॑ वन॑स्पति॒भ्यः स्वाहा॑ चरा॑चरेभ्यः॒ स्वाहा॑  
 परि॑प्लवेभ्यः॒ स्वाहा॑ सरी॑सृपेभ्यः॒ स्वाहा॑॥ (२६)

अ॒नुष्टु॑र्त्त॒पाश्च॑ सरी॑सृपेभ्यः॒ स्वाहा॑॥ [१३]

सोम॑स्य॒ त्विषि॑रसि॒ तवे॑व मे॒ त्विषि॑र्भूयाद॒मृत॑मसि॒ मृत्यो॑र्मा  
 पाहि॑ दि॒द्योन्मा॑ पा॒ह्यवे॑ष्टा द॒न्दशू॑का॒ निर॑स्तं नमु॒चेः शिरः॑॥ सोमो॒  
 राजा॑ वरु॑णो दे॒वा ध॑र्म॒सुव॑श्च॒ ये। ते ते॒ वाच॑श्च॒ सुव॑न्तां॒ ते ते॑ प्रा॒णश्च॒  
 सु॑वन्तां॒ ते ते॒ चक्षुः॑ सुव॑न्तां॒ ते ते॒ श्रोत्र॑श्च॒ सुव॑न्ता॒श्च॒ सोम॑स्य॒ त्वा  
 द्यु॒म्नेना॑भिषि॒श्चाम्य॑ग्रे- (२७)

स्तेज॑सा॒ सूर्य॑स्य॒ वर्च॑सेन्द्र॒स्येन्द्रि॑येण॒ मि॒त्रावरु॑णयोर्वी॒र्येण॑

मरुतामोजसा क्षत्राणां क्षत्रपतिरस्यति दिवस्पाहि समाववृत्रन्नधरागुदं  
 बुध्नियमनु सञ्चरन्तीस्ताः पर्वतस्य वृषभस्य पृष्ठे नावञ्चरन्ति  
 स्वसिचं इयानाः॥ रुद्र यत्ते क्रयी परं नाम तस्मै हुतमसि  
 यमेष्टमसि। प्रजापते न त्वदेतान्यन्यो विश्वां जातानि परि ता  
 बभूव। यत्कामास्ते जुहुमस्तन्नो अस्तु वयं स्याम पतयो  
 रयीणाम्॥ (२८)

अग्नेस्तैकादश च॥ \_\_\_\_\_ [१४]

इन्द्रस्य वज्रोऽसि वार्त्रघ्नस्त्वयाऽयं वृत्रं वेध्यान्मित्रावरुण-  
 योस्त्वा प्रशास्त्रोः प्रशिषां युनज्मि यज्ञस्य योगेन विष्णोः क्रमोऽसि  
 विष्णोः क्रान्तमसि विष्णोर्विक्रान्तमसि मरुतां प्रसवे जेषमाप्तं मनः  
 समहमिन्द्रियेण वीर्येण पशूनां मन्युरसि तवेव मे मन्युर्भूयान्नमो  
 मात्रे पृथिव्यै माऽहं मात्रं पृथिवीं हिंसिषं मा (२९)

मां माता पृथिवी हिंसीदियदस्यायुरस्यायुर्मै धेह्यूर्गस्यूजं  
 मे धेहि युङ्क्षि वचोऽसि वचो मयि धेह्यग्रये गृहपतये स्वाहा  
 सोमाय वनस्पतये स्वाहेन्द्रस्य बलाय स्वाहा मरुतामोजसे  
 स्वाहा हुंसः शुचिषद्वसुरन्तरिक्षसद्धोता वेदिषदतिथिर्दुरोणसत्।  
 नृषद्वरसदृतसद्धोमसदजा गोजा ऋतजा अद्रिजा ऋतं  
 बृहत्॥ (३०)

हिंसिषं मर्तजास्त्रीणि च॥ \_\_\_\_\_ [१५]

मित्रोऽसि वरुणोऽसि समहं विश्वेदेवैः क्षत्रस्य नाभिरसि  
 क्षत्रस्य योनिरसि स्योनामा सीद सुषदामा सीद मा त्वा  
 हिंसीन्मा मा हिंसीन्निषसाद धृतव्रतो वरुणः पुस्त्यास्वा  
 साम्राज्याय सुक्रतुर्ब्रह्मा(३)न् त्वं राजन् ब्रह्माऽसि सविता-  
 ऽसि सत्यसवो ब्रह्मा(३)न् त्वं राजन् ब्रह्माऽसीन्द्रोऽसि  
 सत्यौजा (३१)

ब्रह्मा(३)न् त्वं राजन् ब्रह्माऽसि मित्रोऽसि सुशेवो  
 ब्रह्मा(३)न् त्वं राजन् ब्रह्माऽसि वरुणोऽसि सत्यधर्मेन्द्रस्य  
 वज्रोऽसि वार्त्रघ्नस्तेन मे रध्य दिशोऽभ्ययं राजाऽभूत्सुहोकाँ(४)  
 सुमङ्गलाँ(४) सत्यराजा(३)न् अपां नत्रे स्वाहोर्जो नत्रे  
 स्वाहाऽग्नये गृहपतये स्वाहा॥ (३२)

सत्यौजाश्चत्वारिंशच्च॥ [१६]

आग्नेयमष्टाकपालं निर्वपति हिरण्यं दक्षिणा सारस्वतं चरुं  
 वंशसतुरी दक्षिणा सावित्रं द्वादशकपालमुपध्वस्तो दक्षिणा पौष्णं  
 चरुं श्यामो दक्षिणा बारहस्पत्यं चरुं शितिपृष्ठो दक्षिणैन्द्रमेका-  
 दशकपालमृषभो दक्षिणा वारुणं दशकपालं महानिरष्टो दक्षिणा  
 सौम्यं चरुं बभ्रुर्दक्षिणा त्वाष्ट्रमष्टाकपालं शुण्ठो दक्षिणा वैष्णवं  
 त्रिकपालं वामनो दक्षिणा॥ (३३)

आग्नेयं द्विचत्वारिंशत्॥ [१७]



सद्यो दीक्षयन्ति सद्यः सोमं क्रीणन्ति पुण्डरिस्रजां प्र  
यच्छति दशभिर्वत्सतरैः सोमं क्रीणाति दशपेयो भवति शतं  
ब्राह्मणाः पिबन्ति सप्तदशः स्तोत्रं भवति प्राकाशावध्वर्यवे  
ददाति स्रजमुद्रात्रे रुक्मः होत्रेऽश्वं प्रस्तोतृप्रतिहर्तृभ्यां द्वादश  
पष्ठौहीर्ब्रह्मणे वशां मैत्रावरुणायर्षभं ब्राह्मणाच्छुःसिने वासंसी  
नेष्टापोतृभ्याः स्थूरिं यवाचितमच्छावाकायानुद्वाहमग्नीधे भार्गवो  
होता भवति श्रायन्तीयं ब्रह्मसामं भवति वारवन्तीयमग्निष्टोमसामः  
सारस्वतीरपो गृह्णाति॥ (३४)

वारवन्तीयं चत्वारि च॥ [१८]

आग्नेयमष्टाकपालं निर्वपति हिरण्यं दक्षिणैन्द्रमेकादश-  
कपालमृषभो दक्षिणा वैश्वदेवं चरुं पिशङ्गीं पष्ठौही दक्षिणा  
मैत्रावरुणीमामिक्षां वशा दक्षिणा बार्हस्पत्यं चरुः शितिपृष्ठो  
दक्षिणाऽऽदित्यां मल्हां गर्भिणीमा लभते मारुतीं पृश्निं  
पष्ठौहीमश्विभ्यां पूष्णे पुरोडाशं द्वादशकपालं निर्वपति सरस्वते  
सत्यवाचे चरुः सवित्रे सत्यप्रसवाय पुरोडाशं द्वादशकपालं  
तिसृधन्वः शुष्कदृतिर्दक्षिणा॥ (३५)

आग्नेयः सप्तचत्वारिंशत्॥ [१९]

आग्नेयमष्टाकपालं निर्वपति सौम्यं चरुः सावित्रं द्वादश-  
कपालं बार्हस्पत्यं चरुं त्वाष्ट्रमष्टाकपालं वैश्वानरं द्वादशकपालं

दक्षिणो रथवाहनवाहो दक्षिणा सारस्वतं चरुं निर्वपति पौष्णं चरुं  
मैत्रं चरुं वारुणं चरुं क्षैत्रपत्यं चरुमादित्यं चरुमुत्तरो रथवाहनवाहो  
दक्षिणा॥ (३६)

आग्नेयं चतुस्त्रिंशत्॥ [२०]

स्वाद्वीं त्वां स्वादुनां तीव्रां तीव्रेणामृताममृतेन सृजामि  
संसोमेन सोमोऽस्यश्विभ्यां पच्यस्व सरस्वत्यै पच्यस्वेन्द्राय  
सुत्राम्णे पच्यस्व पुनातु ते परिस्रुतं सोमं सूर्यस्य दुहिता।  
वारेण शश्वता तना॥ वायुः पूतः पवित्रेण प्रत्यङ्मुखो सोमो अतिद्रुतः।  
इन्द्रस्य युज्यः सखा॥ कुविदङ्ग यवमन्तो यवं चिद्यथा दान्त्यनुपूर्वं  
वियूयं। इहेहैषां कृणुत भोजनानि ये बरुहिषो नमोवृक्तिं न जग्मुः॥  
आश्विनं धूम्रमा लभते सारस्वतं मेषमैन्द्रमृषभमैन्द्रमेकादशकपालं  
निर्वपति सावित्रं द्वादशकपालं वारुणं दशकपालं सोमप्रतीकाः  
पितरस्तृणुत वडबा दक्षिणा॥ (३७)

भोजनानि षड्विंशतिश्च॥ [२१]

अग्नाविष्णू महि तद्वा महित्वं वीतं घृतस्य गुह्यानि नाम।  
दमेदमे सप्त रत्ना दधाना प्रति वां जिह्वा घृतमा चरण्येत्॥  
अग्नाविष्णू महि धामं प्रियं वा वीथो घृतस्य गुह्या जुषाणा।  
दमेदमे सुष्टुतीर्वावृधाना प्रति वां जिह्वा घृतमुचरण्येत्॥ प्र णो देवी

सरस्वती वाजैर्भिर्वाजिनीवती। धीनामवित्र्यवतु। आ नो दिवो  
बृहतः (३८)

पर्वतादा सरस्वती यजता गन्तु यज्ञम्। हवं देवी जुजुषाणा  
घृताचीं शग्मां नो वाचमुशती शृणोतु॥ बृहस्पते जुषस्वं नो हव्यानि  
विश्वदेव्य। रास्व रत्नानि दाशुषे॥ एवा पित्रे विश्वदेवाय वृष्णे  
यज्ञैर्विधेम नमसा हविर्भिः। बृहस्पते सुप्रजा वीरवन्तो वयं  
स्याम पतयो रयीणाम्॥ बृहस्पते अति यदर्यो अर्हाद्युमद्विभाति  
ऋतुमञ्जनेषु। यद्दीदयच्छवस- (३९)

-र्तप्रजात तदस्मासु द्रविणं धेहि चित्रम्॥ आ नो मित्रावरुणा  
घृतैर्गव्यूतिमुक्षतम्। मध्वा रजांसि सुक्रतू॥ प्र बाहवांसि सिसृतं  
जीवसे न आ नो गव्यूतिमुक्षतं घृतेन। आ नो जनै श्रवयतं  
युवाना श्रुतं मे मित्रावरुणा हवेमा॥ अग्निं वः पूर्य गिरा देवमीडे  
वसूनाम्। सपर्यन्तः पुरुप्रियं मित्रं न क्षेत्रसाधंसम्॥ मक्षू देववन्तो  
रथः (४०)

शूरो वा पृथ्सु कासु चित्। देवानां य इन्मनो यजमान  
इयक्षत्यभीदयज्वनो भुवत्॥ न यजमान रिष्यसि न सुन्वान न  
देवयो॥ असदत्र सुवीर्यमुत त्यदाश्वश्वियम्॥ नकिष्टं कर्मणा नशत्र  
प्र योषत्र योषति॥ उप क्षरन्ति सिन्धवो मयोभुव ईजानं च  
यक्ष्यमाणं च धेनवः। पृणन्तं च पपुंरिं च (४१)

श्रवस्यवो घृतस्य धारा उपं यन्ति विश्वतः॥ सोमोरुद्रा वि बृहत्  
विषूचीममीवा या नो गयमाविवेश। आरे बाधेथां निर्ऋतिं पराचैः  
कृतं चिदेनः प्रमुमुक्तमस्मत्॥ सोमोरुद्रा युवमेतान्यस्मे विश्वा  
तनूषु भेषजानि धत्तम्। अव स्यतं मुञ्चतं यत्रो अस्ति तनूषु बद्धं  
कृतमेनो अस्मत्॥ सोमापूषणा जनना रयीणां जनना दिवो जनना  
पृथिव्याः। जातौ विश्वस्य भुवनस्य गोपौ देवा अकृण्वन्नमृतस्य  
नाभिम्॥ इमौ देवौ जायमानौ जुषन्तेमौ तमांसि गूहतामजुष्टा।  
आभ्यामिन्द्रः पृक्कमामास्वन्तः सोमापूषभ्यां जनदुस्त्रियांसु॥ (४२)

बृहत्तः शवसा रथः पपुंरि च दिवो जनना पञ्चविंशतिश्च॥—[२२]

## ॥ काण्डम् २ ॥

### ॥ प्रथमः प्रश्नः ॥

#### ॥ तैत्तिरीयसंहितायां द्वितीयकाण्डे प्रथमः प्रश्नः ॥

वायव्यं श्वेतमालंभेत भूतिकामो वायुर्वै क्षेपिष्ठा देवता  
वायुमेव स्वेन भागधेयेनोप धावति स एवैनं भूतिं गमयति  
भवत्येवातिक्षिप्रा देवतेत्याहुः सैनमीश्वरा प्रदह इत्येतमेव  
सन्तं वायवे नियुत्वन्त आलंभेत नियुद्धा अस्य धृतिर्धृत एव  
भूतिमुपैत्यप्रदाहाय भवत्येव (१)

वायवे नियुत्वन्तु आलभेतु ग्रामकामो वायुर्वा इमाः प्रजा  
 नस्योता नैनीयते वायुमेव नियुत्वन्तुः स्वेन भागधेयेनोप धावति  
 स एवास्मै प्रजा नस्योता नियच्छति ग्राम्येव भवति नियुत्वन्ते  
 भवति ध्रुवा एवास्मा अनपगाः करोति वायवे नियुत्वन्तु आलभेत  
 प्रजाकामः प्राणो वै वायुरपानो नियुत्प्राणापानौ खलु वा एतस्य  
 प्रजाया (२)

अपक्रामतो योऽलं प्रजायै सन्प्रजां न विन्दते वायुमेव  
 नियुत्वन्तुः स्वेन भागधेयेनोप धावति स एवास्मै प्राणापानाभ्यां  
 प्रजां प्रजनयति विन्दते प्रजां वायवे नियुत्वन्तु आलभेत  
 ज्योगामयावी प्राणो वै वायुरपानो नियुत् प्राणापानौ खलु वा  
 एतस्मादपक्रामतो यस्य ज्योगामयति वायुमेव नियुत्वन्तुः स्वेन  
 भागधेयेनोप (३)

धावति स एवास्मिन्प्राणापानौ दधात्युत यदीतासुर्भवति  
 जीवत्येव प्रजापतिर्वा इदमेक आसीत्सोऽकामयत प्रजाः  
 पशून्सृजेयेति स आत्मनो वपामुदक्खिदत्तामग्नौ प्रागृह्णात्ततो-  
 ऽजस्तूपरः समभवत्तः स्वायै देवताया आऽलभत ततो वै स  
 प्रजाः पशून्सृजत यः प्रजाकामः (४)

पशुकामः स्यात्स एतं प्राजापत्यमजं तूपरमालभेत  
 प्रजापतिमेव स्वेन भागधेयेनोप धावति स एवास्मै प्रजां  
 पशून्प्रजनयति यच्छ्रुणस्तत्पुरुषाणां रूपं यत्तूपरस्तदश्वानां

यदन्यतोदन्तद्गवां यदव्या इव शफास्तदवीनां यदज-  
स्तदजानामेतावन्तो वै ग्राम्याः पशवस्तान् (५)

रूपेणैवावरुन्धे सोमापौष्णं त्रैतमालभेत पशुकामो  
द्वौ वा अजायै स्तनौ नानैव द्वावभिजायेते ऊर्जं पुष्टिं  
तृतीयः सोमापूषणावेव स्वेन भागधेयेनोप धावति तावेवास्मै  
पशून्प्रजनयतः सोमो वै रेतोधाः पूषा पशूनां प्रजनयिता सोमं  
एवास्मै रेतो दधाति पूषा पशून्प्रजनयत्यौदुम्बरो यूपो भवत्यूर्वा  
उदुम्बर ऊर्क्पर्शव ऊर्जैवास्मा ऊर्जं पशून्वरुन्धे॥ (६)

भवत्येव प्रजायां आमयति वायुमेव नियुत्वन्तः स्वेन भागधेयेनोप  
प्रजाकामस्तान् यूपस्त्रयोदश च॥ [१]

प्रजापतिः प्रजा असृजत ता अस्मात्सृष्टाः पराचीरायन्ता  
वरुणमगच्छन्ता अन्वैत्ताः पुनरयाचत ता अस्मै न पुनरददात्सो-  
ऽब्रवीद्वरं वृणीष्वथ मे पुनर्देहीति तासां वरमाऽलभत स  
कृष्ण एकशितिपादभवद्यो वरुणगृहीतः स्यात्स एतं वारुणं  
कृष्णमेकशितिपादमालभेत वरुण- (७)

मेव स्वेन भागधेयेनोप धावति स एवैनं वरुणपाशान्मुञ्चति  
कृष्ण एकशितिपादवति वारुणो ह्येष देवतया समृद्ध्यै  
सुवर्भानुरासुरः सूर्यं तमसाऽविद्ध्यत्तस्मै देवाः प्रायश्चित्तिमैच्छन्तस्य  
यत्प्रथमं तमोऽपाघ्नन्त्सा कृष्णाऽविरभवद्यद्वितीयः सा फल्गुनी

यत्तृतीय५ सा बलक्षी यदङ्घ्रिस्थादपाकृन्तन्त्साऽविऽर्वशा (८)

समभवत्ते देवा अंब्रुवन्देवपशुर्वा अय५ समभूत्कस्मां  
इममालंफस्यामह इत्यथ वै तर्ह्यल्पा पृथिव्यासीदजाता  
ओषधयस्तामवि वशामादित्येभ्यः कामायाऽलभन्त ततो वा  
अप्रथत पृथिव्यजायन्तौषधयो यः कामयेत प्रथेय पशुभिः प्र  
प्रजया जायेयेति स एतामवि वशामादित्येभ्यः कामा- (९)

यऽऽ लंभेतादित्यानेव कामः५ स्वेन भागधेयेनोप धावति  
त एवैनं प्रथयन्ति पशुभिः प्र प्रजया जनयन्त्यसावादित्यो  
न व्यरोचत तस्मै देवाः प्रायश्चित्तिमैच्छन्तस्मा एता मल्हा  
आलंभन्ताग्नेयीं कृष्णग्रीवी५ संहितामैन्द्रीः५ श्वेतां बार्हस्पत्यां  
ताभिरेवास्मिन्नुचमदधुर्यो ब्रह्मवर्चसकामः स्यात्तस्मा एता मल्हा  
आलंभे (१०)

ताऽऽग्नेयीं कृष्णग्रीवी५ संहितामैन्द्रीः५ श्वेतां बार्हस्पत्यामेता  
एव देवताः स्वेन भागधेयेनोप धावति ता एवास्मिन्ब्रह्मवर्चसं  
दधति ब्रह्मवर्चस्यैव भवति वसन्ता प्रातराग्नेयीं कृष्णग्रीवीमालंभेत  
ग्रीष्मे मध्यन्दिने संहितामैन्द्री५ शरद्यपराह्णे श्वेतां बार्हस्पत्यां  
त्रीणि वा आदित्यस्य तेजांसि वसन्ता प्रातर्ग्रीष्मे मध्यन्दिने  
शरद्यपराह्णे यावन्त्येव तेजांसि तान्ये- (११)

वाव रुन्धे संवत्सरं पर्यालंभ्यन्ते संवत्सरो वै ब्रह्मवर्चसस्य  
प्रदाता संवत्सर एवास्मै ब्रह्मवर्चसं प्रयच्छति ब्रह्मवर्चस्यैव भवति

ग॒र्भिण॑यो भवन्तीन्द्रि॒यं वै गर्भं॑ इन्द्रि॒यमे॒वास्मि॑न्दधाति सारस्वतीं  
मे॒षीमाल॑भेत॒ य ई॑श्व॒रो वा॒चो वदि॑तोः सन्वाचं॑ न वदेद्वाग्वै सर॑स्वती  
सर॑स्वतीमे॒व स्वेन॑ भाग॒धेये॒नोप॑ धावति॒ सैवास्मिन्॑ (१२)

वाचं॑ दधाति प्रवदि॒ता वा॒चो भ॑वत्य॒पन्न॑दती भवति॒  
तस्मा॑न्मनु॒ष्याः सर्वा॑ वाचं॑ वदन्त्याग्ने॒यं कृ॑ष्ण॒ग्रीव॑मा ल॑भेत सौ॒म्यं  
ब॒भ्रुं ज्यो॑गामयाव्य॒ग्निं वा ए॒तस्य॑ शरी॑रं गच्छति॒ सोम॑ꣳ रसो॒  
यस्य॑ ज्यो॒गामय॑त्य॒ग्नेरे॒वास्य॑ शरी॑रं निष्क्रीणाति॒ सोमा॑द्रसमु॒त  
यदी॒तासु॑र्भवति॒ जीव॑त्ये॒व सौ॒म्यं ब॒भ्रुमाल॑भेताग्ने॒यं कृ॑ष्ण॒ग्रीवं  
प्र॒जाका॑मः सोमो॒ (१३)

वै रे॒तो॒धा अ॒ग्निः प्र॒जाना॑ प्रजनयि॒ता सोमं॑ ए॒वास्मै॒ रेतो॑  
दधा॑त्य॒ग्निः प्र॒जां प्र॒जन॑यति वि॒न्दते॑ प्र॒जामा॑ग्ने॒यं कृ॑ष्ण॒ग्रीव॑माल॑भेत  
सौ॒म्यं ब॒भ्रुं यो ब्रा॑ह्म॒णो वि॒द्याम॑नूच्य॒ न वि॒रोचे॑त॒ यदा॑ग्ने॒यो भव॑ति  
तेज॑ ए॒वास्मि॑न्तेन॑ दधाति॒ यत्सौ॑म्यो ब्र॒ह्मव॑र्चसं॒ तेन॑ कृ॒ष्णग्री॑व  
आग्ने॒यो भव॑ति॒ तम॑ ए॒वास्मा॑दप॑हन्ति श्वे॒तो भव॑ति (१४)

रुच॑मे॒वास्मि॑न्दधाति॒ ब॒भ्रुः सौ॒म्यो भ॑वति ब्रह्मव॑र्चस॒  
मे॒वास्मि॑न्त्वि॒षिं दधा॑त्याग्ने॒यं कृ॑ष्ण॒ग्रीव॑माल॑भेत सौ॒म्यं ब॒भ्रुमा॑ग्ने॒यं  
कृ॑ष्ण॒ग्रीवं पु॒रो॒धायाꣳ स्पर्ध॑मान आग्ने॒यो वै ब्रा॑ह्म॒णः सौ॒म्यो  
रा॒ज॒न्योऽभि॑तः सौ॒म्यमा॑ग्ने॒यौ भ॑वत॒स्तेज॑सै॒व ब्रह्म॑णोभ॒यतो॑ रा॒ष्ट्रं



परिगृह्णात्येकधा समावृङ्क्ते पुर एनं दधते॥ (१५)

लभेत् वरुणं वशैतामविं वशामादित्येभ्यः कामाय मल्हा आलभेत्  
तान्येव सैवास्मिन्सोमः श्वेतो भवति त्रिचत्वारिंशच्च। (२)॥ ——— [२]

देवासुरा एषु लोकेष्वस्पर्धन्त स एतं विष्णुर्वामनमपश्यत्तः  
स्वायै देवताया आऽलभत् ततो वै स इमाल्लोकानभ्यजयद्वैष्णवं  
वामनमालभेत् स्पर्धमानो विष्णुरेव भूत्वेमाल्लोकानभिजयति विषम  
आलभेत् विषमा इव हीमे लोकाः समृद्ध्या इन्द्राय मन्युमते  
मनस्वते ललामं प्राशृङ्गमालभेत् सङ्ग्रामे (१६)

सं यत्त इन्द्रियेण वै मन्युना मनसा सङ्ग्रामं जयतीन्द्रमेव  
मन्युमन्तं मनस्वन्तः स्वेन भागधेयेनोप धावति स एवास्मिन्निन्द्रियं  
मन्युं मनो दधाति जयति तः सङ्ग्राममिन्द्राय मरुत्वन्ते  
पृश्निसक्थमालभेत् ग्रामकाम इन्द्रमेव मरुत्वन्तः स्वेन  
भागधेयेनोप धावति स एवास्मै सजातान्प्रयच्छति ग्राम्येव भवति  
यदृषभस्ते- (१७)

नैन्द्रो यत्पृश्निस्तेन मारुतः समृद्धौ पश्चात्पृश्निसक्थो भवति  
पश्चादन्ववसायिनीमेवास्मै विशं करोति सौम्यं बभ्रुमालभेतान्नकामः  
सौम्यं वा अन्नं सौममेव स्वेन भागधेयेनोप धावति स एवास्मा  
अन्नं प्रयच्छत्यन्नाद एव भवति बभ्रुर्भवत्येतद्वा अन्नस्य रूपं समृद्धौ  
सौम्यं बभ्रुमालभेत् यमलं (१८)

राज्याय सन्तः राज्यं नोपनमेत्सौम्यं वै राज्यं सोममेव  
स्वेनं भागधेयेनोपं धावति स एवास्मै राज्यं प्रयच्छत्युपैनं राज्यं  
नमति बभ्रुर्भवत्येतद्वै सोमस्य रूपं समृद्ध्या इन्द्राय वृत्रतुरे ललामं  
प्राशृङ्गमालभेत गतश्रीः प्रतिष्ठाकामः पाप्मानमेव वृत्रं तीर्त्वा प्रतिष्ठां  
गच्छतीन्द्रायाभिमातिघ्ने ललामं प्राशृङ्गमा- (१९)

लभेत यः पाप्मानां गृहीतः स्यात्पाप्मा वा अभिमातिरिन्द्रमेवाभिमा  
स्वेनं भागधेयेनोपं धावति स एवास्मात्पाप्मानमभिमातिं प्रणुदत  
इन्द्राय वज्रिणे ललामं प्राशृङ्गमालभेत यमलं राज्याय सन्तः  
राज्यं नोपनमेदिन्द्रमेव वज्रिणः स्वेनं भागधेयेनोपं धावति स  
एवास्मै वज्रं प्रयच्छति स एनं वज्रो भूत्या इन्द्र उपैनं राज्यं  
नमति ललामं प्राशृङ्गो भवत्येतद्वै वज्रस्य रूपं समृद्धौ॥ (२०)

सङ्ग्रामे तेनालमभिमातिघ्ने ललामं प्राशृङ्गमैनं पञ्चदश चा३॥—[३]

असावादित्यो न व्यरोचत तस्मै देवाः प्रायश्चित्ति-  
मैच्छन्तस्मा एतान्दशर्षभामाऽलभन्त तयैवास्मिन्नुचमदधुर्यो  
ब्रह्मवर्चसकामः स्यात्तस्मा एतान्दशर्षभामाऽलभेतामुमेवादित्यः  
स्वेनं भागधेयेनोपं धावति स एवास्मिन्ब्रह्मवर्चसं दधाति  
ब्रह्मवर्चस्यैव भवति वसन्ता प्रातस्त्रील्ललामानालभेत ग्रीष्मे  
मध्यन्दिने (२१)

त्रीञ्छितिपृष्ठाञ्छरद्यंपराह्णे त्रीञ्छितिवारात्रीणि वा  
आदित्यस्य तेजांसि वसन्ता प्रातर्ग्रीष्मे मध्यन्दिने शरद्यंपराह्णे

यावन्त्येव तेजांसि तान्येवारुन्धे त्रयस्त्रय आलभ्यन्ते-  
 ऽभिपूर्वमेवास्मिन्तेजो दधाति संवत्सरं पर्यालभ्यन्ते संवत्सरो  
 वै ब्रह्मवर्चसस्य प्रदाता संवत्सर एवास्मै ब्रह्मवर्चसं प्रयच्छति  
 ब्रह्मवर्चस्यैव भवति संवत्सरस्य परस्तात्प्राजापत्यं कद्रु- (२२)

मालभेत प्रजापतिः सर्वा देवता देवतास्वेव प्रतितिष्ठति यदि  
 बिभीयाद्दुश्कर्मा भविष्यामीति सोमापौष्णः श्याममालभेत सौम्यो  
 वै देवतया पुरुषः पौष्णाः पशवः स्वयैवास्मै देवतया पशुभिस्त्वचं  
 करोति न दुश्कर्मा भवति देवाश्च वै यमश्चास्मिन्नौकैः ऽस्पर्धन्त स  
 यमो देवानामिन्द्रियं वीर्यमयुवत तद्यमस्य (२३)

यमत्वं ते देवा अमन्यन्त यमो वा इदमभूद्यद्वयः स्म इति ते  
 प्रजापतिमुपाधावन्त्स एतौ प्रजापतिरात्मन उक्षवशौ निरमिमीत  
 ते देवा वैष्णावरुणी वशामाऽलभन्तैन्द्रमुक्षाणन्तं वरुणेनैव  
 ग्राहयित्वा विष्णुना यज्ञेन प्राणुदन्तैन्द्रेणैवास्यैन्द्रियमवृञ्जत यो  
 भ्रातृव्यवान्त्स्यात्स स्पर्धमानो वैष्णावरुणीं (२४)

वशामालभेतैन्द्रमुक्षाणं वरुणेनैव भ्रातृव्यं ग्राहयित्वा विष्णुना  
 यज्ञेन प्राणुदत ऐन्द्रेणैवास्यैन्द्रियं वृद्धं भवत्यात्मना परास्य  
 भ्रातृव्यो भवतीन्द्रो वृत्रमहन्तं वृत्रो हतः षोडशभिर्भोगैरसिनात्तस्य  
 वृत्रस्य शीर्षतो गाव उदायन्ता वैदेह्योऽभवन्तासामृषभो  
 जघनेऽनूदैत्तमिन्द्रो- (२५)

चाय॒थ्सो॑ऽमन्यत यो वा इ॒ममा॒लभे॑त् मुच्ये॑ता॒स्मात्पा॒-  
प्मन् इति॑ स आ॒ग्नेयं॑ कृ॒ष्णग्री॑व॒माल॑भे॒तैन्द्र॑मृष॒भं तस्या॒ग्निरे॒व  
स्वेन॑ भा॒गधे॒येनो॑प॒सृतः॑ षोड॒शधा॑ वृ॒त्रस्य॑ भो॒गानप्य॑दह-  
दै॒न्द्रेणो॑न्द्रि॒यमा॒त्मन्न॑धत्त यः पा॒प्मना॑ गृही॒तः स्या॒थ्स आ॒ग्नेयं॑  
कृ॒ष्णग्री॑व॒माल॑भे॒तैन्द्र॑मृष॒भम॒ग्निरे॒वास्य॑ स्वेन॑ भा॒गधे॒येनो॑प॒सृतः॑ (२६)

पा॒प्मान॒मपि॑ दह॒त्यैन्द्रेणो॑न्द्रि॒यमा॒त्मन्ध॑त्ते मुच्य॑ते पा॒प्मनो॑  
भ॒वत्ये॒व द्या॑वापृथि॒व्या धे॒नुमा॒लभे॑त् ज्यो॒गप॑रुद्धोऽनयो॒र्हि  
वा ए॒षोऽप्र॑तिष्ठि॒तोऽथै॑ष ज्यो॒गप॑रुद्धो द्या॒वापृथि॒वी ए॒व स्वेन॑  
भा॒गधे॒येनो॑प॒ धाव॑ति ते ए॒वैनं॑ प्र॒तिष्ठां॑ ग॒मय॑तः प्र॒त्ये॒व ति॑ष्ठति  
पर्या॒रिणी॑ भ॒वति॑ पर्या॒रीव॑ ह्ये॒तस्य॑ रा॒ष्ट्रं यो ज्यो॒गप॑रुद्धः स॒मृद्धौ॑  
वा॒यव्यं॑ (२७)

व॒थ्समा॑ ल॒भेत॑ वा॒युर्वा अ॒नयो॑र्व॒थ्स इ॒मे वा ए॒तस्मै॑  
लो॒का अप॑शुष्का॒ विड॑प॒शुष्का॒ऽथै॑ष ज्यो॒गप॑रुद्धो वा॒युमे॒व स्वेन॑  
भा॒गधे॒येनो॑प॒ धाव॑ति स ए॒वास्मा॑ इ॒माल्लो॑कान् वि॒शं प्र॑दा॒पय॑ति  
प्रा॒स्मा इ॒मे लो॒काः स्तु॑वन्ति भु॒ञ्जत्ये॒नं वि॒दुप॑तिष्ठते॥ (२८)

म॒ध्यन्दि॑ने कद्रु॑ य॒मस्य॑ स्पर्ध॑मानो वैष्णा॒वरु॑णीन्तमिन्द्रो॑ऽस्य स्वेन॑  
भा॒गधे॒येनो॑प॒सृतो॑ वा॒यव्यं॑ द्विच॑त्वारि॒ंशच्च॑ । (४)॥ [४]

इन्द्रो॑ व॒लस्य॑ बि॒लम॑पौ॒र्णो॒थ्स य उ॑त्त॒मः प॒शुरा॑सीत्तं पृ॒ष्ठं  
प्रति॑ स॒ङ्ग॒ह्योद॑क्खि॒वद॑त्तं स॒हस्रं॑ प॒शवो॑ऽनू॒दाय॑न्थ्स उ॒न्नतो॑ऽभ॒वद्यः॑

पशुकामः स्यात्स एतमैन्द्रमुन्नतमालंभेतेन्द्रमेव स्वेन भागधेयेनोप  
धावति स एवास्मै पशून्प्रयच्छति पशुमानेव भवत्युन्नतो (२९)

भवति साहस्री वा एषा लक्ष्मी यदुन्नतो लक्ष्मियैव  
पशून्वरुन्धे यदा सहस्रं पशून्प्राप्नुयादथ वैष्णवं वामनमा  
लंभेतैतस्मिन्वै तत्सहस्रमर्द्धतिष्ठत्तस्मादेष वामनः समीषितः  
पशुभ्य एव प्रजातेभ्यः प्रतिष्ठां दधाति कोऽरहति सहस्रं  
पशून्प्राप्तुमित्याहुरहोरात्राण्येव सहस्रं सम्पाद्यालंभेत पशवो (३०)

वा अहोरात्राणि पशून्नेव प्रजातान्प्रतिष्ठां गमयत्योषधीभ्यो  
वेहतमालंभेत प्रजाकाम ओषधयो वा एतं प्रजायै परिबाधन्ते  
योऽलं प्रजायै सन्प्रजां न विन्दत ओषधयः खलु वा एतस्यै  
सूतुमपि घ्नन्ति या वेहद्ववत्योषधीरेव स्वेन भागधेयेनोप धावति  
ता एवास्मै स्वाद्योनेः प्रजां प्रजनयन्ति विन्दते (३१)

प्रजामापो वा ओषधयोऽसत्पुरुष आप एवास्मा असतः  
सद्वदति तस्मादाहुर्यश्चैवं वेद यश्च नापस्त्वावासतः सद्वदतीत्यैन्द्री  
सूतवशांमालंभेत भूतिकामोऽजातो वा एष योऽलं भूत्यै सन्भूतिं  
न प्राप्नोतीन्द्रं खलु वा एषा सूत्वा वशाऽभव- (३२)

दिन्द्रमेव स्वेन भागधेयेनोप धावति स एवैनं भूतिं गमयति  
भवत्येव यः सूत्वा वशा स्यात्तमैन्द्रमेवालंभेतैतद्वाव तदिन्द्रियं  
साक्षादेवेन्द्रियमवरुन्ध ऐन्द्राग्रं पुनरुत्सृष्टमालंभेत य आ

तृतीयात्पुरुषात्सोमं न पिबेद्विच्छिन्नो वा एतस्य सोमपीथो यो  
ब्राह्मणः सन्ना (३३)

तृतीयात्पुरुषात्सोमं न पिबेतीन्द्राग्नी एव स्वेन भागधेयेनोप  
धावति तावेवास्मै सोमपीथं प्रयच्छत उपैनः सोमपीथो नमति  
यदैन्द्रो भवतीन्द्रियं वै सोमपीथ इन्द्रियमेव सोमपीथमवरुन्धे  
यदाग्नेयो भवत्याग्नेयो वै ब्राह्मणः स्वामेव देवतामनु सन्तनोति  
पुनरुत्सृष्टो भवति पुनरुत्सृष्ट इव ह्येतस्य (३४)

सोमपीथः समृद्धौ ब्राह्मणस्पत्यं तूपरमालभेताभि-  
चरन्ब्राह्मणस्पतिमेव स्वेन भागधेयेनोप धावति तस्मा एवैनमा  
वृश्चति ताजगार्तिमार्च्छति तूपरो भवति क्षुरपविर्वा एषा  
लक्ष्मी यत्तूपरः समृद्धौ स्फ्यो यूपो भवति वज्रो वै स्फ्यो  
वज्रमेवास्मै प्रहरति शरमयं बर्हिः शृणात्येवैनं वैभीदक इध्मो  
भिनत्येवैनम्॥ (३५)

भवत्युन्नतः पशवो जनयन्ति विन्दतेऽभवत्सन्नेतस्येद्धस्त्रीणि च॥—[५]

बारहस्पत्यः शितिपृष्ठमालभेत ग्रामकामो यः कामयेत पृष्ठः  
समानानां स्यामिति बृहस्पतिमेव स्वेन भागधेयेनोप धावति स  
एवैनं पृष्ठः समानानाङ्करोति ग्राम्येव भवति शितिपृष्ठो भवति  
बारहस्पत्यो ह्येष देवतया समृद्धौ पौष्णः श्याममालभेतान्नकामो-  
ऽन्नं वै पूषा पूषणमेव स्वेन भागधेयेनोप धावति स एवास्मा (३६)

अन्नं प्रयच्छत्यन्नाद एव भवति श्यामो भवत्येतद्वा अन्नस्य रूपं समृद्धौ मारुतं पृश्निमालभेतान्नकामोऽन्नं वै मरुतो मरुत एव स्वेन भागधेयेनोप धावति त एवास्मा अन्नं प्रयच्छन्त्यन्नाद एव भवति पृश्निर्भवत्येतद्वा अन्नस्य रूपं समृद्ध्या ऐन्द्रमरुणमालभेतेन्द्रियकाम इन्द्रमेव (३७)

स्वेन भागधेयेनोप धावति स एवास्मिन्निन्द्रियं दधातीन्द्रियाव्येव भवत्यरुणो भ्रूमन्भवत्येतद्वा इन्द्रस्य रूपं समृद्धौ सावित्रमुपद्धस्तमालभेत सनिकामः सविता वै प्रसवानामीशे सवितारमेव स्वेन भागधेयेनोप धावति स एवास्मै सनिं प्रसुवति दानकामा अस्मै प्रजा भवन्त्युपद्धस्तो भवति सावित्रो ह्येष (३८)

देवतया समृद्धौ वैश्वदेवं बहुरूपमालभेतान्नकामो वैश्वदेवं वा अन्नं विश्वानेव देवान्स्वेन भागधेयेनोप धावति त एवास्मा अन्नं प्रयच्छन्त्यन्नाद एव भवति बहुरूपो भवति बहुरूपं ह्यन्नं समृद्धौ वैश्वदेवं बहुरूपमालभेत ग्रामकामो वैश्वदेवा वै सजाता विश्वानेव देवान्स्वेन भागधेयेनोप धावति त एवास्मै (३९)

सजातान्प्रयच्छन्ति ग्राम्येव भवति बहुरूपो भवति बहुदेवत्योऽ(१) ह्येष समृद्धौ प्राजापत्यं तूपरमालभेत यस्यानाज्ञातमिव ज्योगामयेत्प्राजापत्यो वै पुरुषः प्रजापतिः खलु वै तस्य वेद यस्यानाज्ञातमिव ज्योगामयति प्रजापतिमेव स्वेन भागधेयेनोप धावति स एवैनं तस्मात्स्त्रामान्मुञ्चति तूपरो भवति

प्राजापत्यो ह्येष देवतया समृद्धौ॥ (४०)

अस्मा इन्द्रमेवैष संजाता विश्वानेव देवान्त्वेन भागधेयेनोप धावति त एवास्मै प्राजापत्यो हि त्रीणि च॥ [६]

वृषद्वारो वै गायत्रियै शिरोऽच्छिनत्तस्यै रसः पराऽपतत्तं बृहस्पतिरुपांगृह्णात्सा शितिपृष्ठा वशाऽभवद्यो द्वितीयः परापतत्तं मित्रावरुणावुपांगृह्णीता ५ सा द्विरूपा वशाऽभवद्यस्तृतीयः परापतत्तं विश्वे देवा उपांगृह्णन्त्सा बहुरूपा वशाऽभवद्यश्चतुर्थः परापतत्तं पृथिवीं प्राविशत्तं बृहस्पतिरभ्य- (४१)

गृह्णादस्त्वेवायं भोगायेति स उक्ष्वशः समभवद्यल्लोहितं परापतत्तद्रुद्र उपांगृह्णात्सा रौद्री रोहिणी वशाऽभवद्वारहस्पत्या ५ शितिपृष्ठामालभेत ब्रह्मवर्चसकामो बृहस्पतिमेव स्वेन भागधेयेनोप धावति स एवास्मिन्ब्रह्मवर्चसं दधाति ब्रह्मवर्चस्यैव भवति छन्दसां वा एष रसो यद्वशा रस इव खलु (४२)

वै ब्रह्मवर्चसं छन्दसामेव रसेन रसं ब्रह्मवर्चसमवरुन्धे मैत्रावरुणीं द्विरूपामालभेत वृष्टिकामो मैत्रं वा अहर्वारुणी रात्रिरहोरात्राभ्यां खलु वै पर्जन्यो वर्षति मित्रावरुणावेव स्वेन भागधेयेनोप धावति तावेवास्मा अहोरात्राभ्यां पर्जन्यं वर्षयतश्छन्दसां वा एष रसो यद्वशा रस इव खलु वै वृष्टिश्छन्दसामेव रसेन (४३)



रसं वृष्टिमवरुन्धे मैत्रावरुणीं द्विरूपामालभेत प्रजाकामो  
 मैत्रं वा अहर्वारुणी रात्रिरहोरात्राभ्यां खलु वै प्रजाः प्रजायन्ते  
 मित्रावरुणावेव स्वेन भागधेयेनोप धावति तावेवास्मा अहोरात्राभ्यां  
 प्रजां प्रजनयतश्छन्दसां वा एष रसो यद्वशा रसं इव खलु वै  
 प्रजा छन्दसामेव रसेन रसं प्रजामव (४४)

रुन्धे वैश्वदेवीं बहुरूपामालभेतान्नकामो वैश्वदेवं वा अन्नं  
 विश्वानेव देवान्स्वेन भागधेयेनोप धावति त एवास्मा अन्नं  
 प्रयच्छन्त्यन्नाद एव भवति छन्दसां वा एष रसो यद्वशा रसं  
 इव खलु वा अन्नं छन्दसामेव रसेन रसमन्नमवरुन्धे वैश्वदेवीं  
 बहुरूपामालभेत ग्रामकामो वैश्वदेवा वै (४५)

संजाता विश्वानेव देवान्स्वेन भागधेयेनोप धावति त एवास्मै  
 सजातान्प्रयच्छन्ति ग्राम्येव भवति छन्दसां वा एष रसो यद्वशा  
 रसं इव खलु वै संजाताश्छन्दसामेव रसेन रसं सजातानवरुन्धे  
 बारहस्पत्यमुक्षवशमालभेत ब्रह्मवर्चसकामो बृहस्पतिमेव स्वेन  
 भागधेयेनोप धावति स एवास्मिन्ब्रह्मवर्चसं (४६)

दधाति ब्रह्मवर्चस्येव भवति वशं वा एष चरति यदुक्षा  
 वशं इव खलु वै ब्रह्मवर्चसं वशेनैव वशं ब्रह्मवर्चसमवरुन्धे  
 रौद्रीः रोहिणीमालभेताभिचरन्नुद्रमेव स्वेन भागधेयेनोप धावति  
 तस्मा एवैनमावृश्चति ताजगार्तिमाच्छति रोहिणी भवति रौद्री

ह्येषा देवतया समृद्धौ स्फ्यो यूपो भवति वज्रो वै स्फ्यो  
वज्रमेवास्मै प्रहरति शर्मयं बर्हिः शृणात्येवैनं वैभीदक इध्मो  
भिनत्येवैनम्॥ (४७)

अभि खलु वृष्टिश्छन्दसामेव रसेन प्रजामवं वैश्वदेवा वै ब्रह्मवर्चसं यूप  
एकान्नविंशतिश्च। (७)॥ [७]

असावादित्यो न व्यरोचत तस्मै देवाः प्रायश्चित्तिमैच्छन्तस्मा  
एताः सौरीः श्वेतां वशामालभन्त तयैवास्मिन्नुचमदधुर्यो  
ब्रह्मवर्चसकांमः स्यात्तस्मा एताः सौरीः श्वेतां वशामालभेतामुमेवाऽ  
स्वेन भागधेयेनोप धावति स एवास्मिन्ब्रह्मवर्चसं दधाति  
ब्रह्मवर्चस्येव भवति बैल्वो यूपो भवत्यसौ (४८)

वा आदित्यो यतोऽजायत ततो बिल्वं उदतिष्ठत्सयोन्येव  
ब्रह्मवर्चसमवरुन्धे ब्राह्मणस्पत्यां बभ्रुकर्णीमा लभेताभिचरन्वारुणं  
दशकपालं पुरस्तान्निर्वपेद्वरुणेनैव भ्रातृव्यं ग्राहयित्वा ब्रह्मणा  
स्तृणुते बभ्रुकर्णी भवत्येतद्वै ब्रह्मणो रूपः समृद्धौ स्फ्यो यूपो  
भवति वज्रो वै स्फ्यो वज्रमेवास्मै प्रहरति शर्मयं बर्हिः  
शृणा- (४९)

त्येवैनं वैभीदक इध्मो भिनत्येवैनं वैष्णवं वामनमालभेत् यं  
यज्ञो नोपनमेद्विष्णुर्वै यज्ञो विष्णुमेव स्वेन भागधेयेनोप धावति  
स एवास्मै यज्ञं प्रयच्छत्युपैनं यज्ञो नमति वामनो भवति वैष्णवो

ह्येष देवतया समृद्धौ त्वाष्ट्रं वडुबमालभेत पशुकामस्त्वष्टा वै पशूनां मिथुनानां (५०)

प्रजनयिता त्वष्टारमेव स्वेन भागधेयेनोप धावति स एवास्मै पशून्मिथुनान्प्रजनयति प्रजा हि वा एतस्मिन्पशवः प्रविष्टा अथेष पुमान्त्सन्वडुबः साक्षादेव प्रजां पशूनवरुन्धे मैत्रं श्वेतमालभेत सङ्ग्रामे सं यत्ते समयकामो मित्रमेव स्वेन भागधेयेनोप धावति स एवैनं मित्रेण सन्नयति (५१)

विशालो भवति व्यवसाययत्येवैनं प्राजापत्यं कृष्णमालभेत वृष्टिकामः प्रजापतिर्वै वृष्ट्या ईशे प्रजापतिमेव स्वेन भागधेयेनोप धावति स एवास्मै पर्जन्यं वर्षयति कृष्णो भवत्येतद्वै वृष्ट्यै रूपं रूपेणैव वृष्टिमवरुन्धे शबलो भवति विद्युतमेवास्मै जनयित्वा वर्षयत्यवाशृङ्गो भवति वृष्टिमेवास्मै नियच्छति॥ (५२)

शृणोति मिथुनानान्नयति यच्छति॥ [८]

वरुणं सुषुवाणमन्नाद्यन्नोपानमत्स एतां वारुणीं कृष्णां वशामपश्यत्तां स्वायै देवताया आलभत ततो वै तमन्नाद्यमुपानमद्यमलमन्नाद्याय सन्तमन्नाद्यन्नोपनमेत्स एतां वारुणीं कृष्णां वशामालभेत वरुणमेव स्वेन भागधेयेनोप धावति स एवास्मा अन्नं प्रयच्छत्यन्नादः (५३)

एव भवति कृष्णा भवति वारुणी ह्येषा देवतया समृद्धौ

मैत्र॑ः श्वेतमाल॑भेत वारु॑णं कृष्णम॑पां चौष॑धीनां च स॒न्धावन्न॑कामो  
मैत्री॑र्वा ओष॑धयो वारु॑णीरापोऽपां च खलु॑ वा ओष॑धीनां  
च रस॑मुपजीवामो मि॒त्रावरु॑णावेव स्वेन॑ भाग॑धेयेनोप॑ धावति॒  
तावे॒वास्मा॒ अन्नं॑ प्रयच्छ॑तोऽन्ना॒द एव॑ भव- (५४)

त्य॒पां चौष॑धीनां च स॒न्धावाल॑भत उ॒भय॑स्यावरु॑द्धौ विशा॑खो  
यूपो॑ भवति॒ द्वे ह्ये॑ते दे॒वते॑ समृ॑द्धौ मैत्र॑ः श्वेतमा॑ ल॒भेत वारु॑णं  
कृष्णं॑ ज्यो॒गा॒मया॑वी यन्मै॒त्रो भव॑ति मि॒त्रेणै॒वास्मै॒ वरु॑णः शमय॑ति  
यद्वा॑रुणः सा॒क्षादे॒वैनं॑ वरु॑णपा॒शान्मुञ्च॑त्यु॒त यदी॒तासु॑र्भवति॒ जीव॑त्येव  
दे॒वा वै पु॒ष्टि॒न्नावि॑न्द- (५५)

न्तां मि॑थुनेऽपश्य॑न्तस्यां न सम॑राधय॑न्ताव॒श्विना॑-  
वब्रू॑तामा॒वयो॑र्वा ए॒षा मैत॑स्यां वद॑द्धमिति॒ साऽश्वि॑नोरे॒वाभव॑द्यः  
पु॒ष्टि॒कामः॑ स्या॒त्स ए॒तामा॑श्वि॒नीं यमीं॑ व॒शामा॑ल॒भेता॑श्विना॒वेव  
स्वेन॑ भाग॑धेयेनोप॑ धावति॒ तावे॒वास्मि॑न्पु॒ष्टिं धत्तः॑ पु॒ष्यंति॑ प्र॒जया॑  
प॒शुभिः॑॥ (५६)

अ॒न्नादो॑ऽन्ना॒द एव॑ भवत्यवि॒न्दन्पञ्च॑त्वारि॑शच्च॥ [९]

आ॒श्विनं॑ धूम्र॑ल॒लाम॒माल॑भेत॒ यो दु॒र्ब्रा॑ह्मणः॒ सोमं॑ पिपा॑सेद॒श्विनो॑  
वै दे॒वाना॑म॒सोम॑पावास्तां॒ तौ प॒श्चा सोम॑पी॒थं प्राप्नु॑ताम॒श्विना॑वे॒तस्य॑  
दे॒वता॑ यो दु॒र्ब्रा॑ह्मणः॒ सोमं॑ पिपा॑सत्य॒श्विना॑वेव स्वेन॑ भाग॑धेयेनोप॑  
धावति॒ तावे॒वास्मै॑ सोम॑पी॒थं प्रय॑च्छ॒त उपै॑नः॒ सोम॑पी॒थो न॑मति॒

यद्धूम्रो भवति धूम्रिमाणमेवास्मादपहन्ति ललामो (५७)

भवति मुखत एवास्मिन्तेजो दधाति वायव्यं गोमृगमा-  
लंभेत् यमजघ्निवांसमभिश् संयुरपूता वा एतं वागृच्छति  
यमजघ्निवांसमभिश् संन्ति नैष ग्राम्यः पशुर्नाऽरण्यो यद्गोमृगो  
नेवैष ग्रामे नारण्ये यमजघ्निवांसमभिश् संन्ति वायुर्वै देवानां  
पवित्रं वायुमेव स्वेन भागधेयेनोप धावति स एवै- (५८)

न पवयति पराची वा एतस्मै व्युच्छन्ती व्युच्छति तमः  
पाप्मानं प्रविशति यस्यांश्चिने शस्यमाने सूर्यो नाविर्भवति सौर्यं  
बहुरूपमालंभेतामुमेवाऽऽदित्यः स्वेन भागधेयेनोप धावति स  
एवास्मात्तमः पाप्मानमपहन्ति प्रतीच्यस्मै व्युच्छन्ती व्युच्छत्यप-  
तमः पाप्मानं हते॥ (५९)

ललामः स एव षट्त्वारिंशच्च॥ [१०]

इन्द्रं वो विश्वतस्परीन्द्रं नरो मरुतो यद्धं वो दिवो या वः शर्म।  
भरेष्विन्द्रं सुहवः हवामहेऽहोमुचः सुकृतं दैव्यं जनम्। अग्निं  
मित्रं वरुणं सातये भगं द्यावापृथिवी मरुतः स्वस्तये। ममत्तु नः  
परिज्मा वसुरहा ममत्तु वातो अपां वृषण्वान्। शिशितमिन्द्रापर्वता  
युवन्नस्तन्नो विश्वे वरिवस्यन्तु देवाः। प्रिया वो नाम (६०)

हुवे तुराणाम्। आयत्तुपन्मरुतो वावशानाः। श्रियसे कं  
भानुभिः सम्मिमिक्षिरे ते रश्मिभिस्त ऋक्भिः सुखादयः। ते

वाशीमन्त इष्मिणो अभीरवो विद्रे प्रियस्य मारुतस्य धाम्नः।  
अग्निः प्रथमो वसुभिर्नो अव्याथ्सोमो रुद्रेभिरभिरक्षतु त्मना।  
इन्द्रो मरुद्विरऋतुधा कृणोत्वादित्यैर्नो वरुणः सः शिशातु। सन्नो  
देवो वसुभिरग्निः सः (६१)

सोमस्तनूभी रुद्रियाभिः। समिन्द्रो मरुद्विर्यज्ञियैः समादित्यैर्नो  
वरुणो अजिज्ञिपत्। यथाऽऽदित्या वसुभिः सम्बभूवुर्मरुद्भी  
रुद्राः समजानताभिः। एवा त्रिणामन्नहृणीयमाना विश्वे देवाः  
समनसो भवन्तु। कुत्राचिद्यस्य समृतौ रण्वा नरो नृषदने।  
अरहन्तश्चिद्यमिन्धते संञ्जनयन्ति जन्तवः। सं यदिषो वनामहे  
सः हव्या मानुषाणाम्। उत द्युमस्य शवसः (६२)

ऋतस्य रश्मिमाददे। यज्ञो देवानां प्रत्येति सुम्रमादित्यासो  
भवता मृडयन्तः। आवोऽर्वाची सुमतिर्ववृत्यादः होश्चिद्या  
वरिवोवित्तराऽसत्। शुचिरपः सूयवसा अदब्ध उपक्षेति वृद्धवयाः  
सुवीरः। नकिष्टं घ्नन्त्यन्तितो न दूराद्य आदित्यानां भवन्ति प्रणीतौ।  
धारयन्त आदित्यासो जगत्स्था देवा विश्वस्य भुवनस्य गोपाः।  
दीर्घाधियो रक्षमाणा (६३)

असुर्यमृतावानुश्चयमाना ऋणानि। तिस्रो भूर्मीर्धारयन्त्रीः रुत  
द्युन्त्रीणि व्रता विदथे अन्तरेषाम्। ऋतेनाऽऽदित्या महि वो महित्वं  
तदर्यमन्वरुण मित्र चारु। त्यां नु क्षत्रियाः अव आदित्यान्  
याचिषामहे। सुमृडीकाः अभिष्टये। न दक्षिणा विचिकिते न सव्या

न प्राचीनमादित्या नोत पश्चा। पाक्याचिद्वसवो धीर्याचि- (६४)

द्युष्मानीतो अभयं ज्योतिरश्याम्। आदित्यानामवसा नूतनेन  
सक्षीमहि शर्मणा शन्तमेन। अनागास्त्वे अदितित्वे तुरासं इमं  
यज्ञं दधतु श्रोषमाणाः। इमं मे वरुण श्रुधी हवमद्या च मृडय।  
त्वामवस्युराचके। तत्त्वा यामि ब्रह्मणा वन्दमानस्तदाऽऽशास्ते  
यजमानो हविर्भिः। अहेडमानो वरुणेह बोद्ध्युरुशंस मा न आयुः  
प्रमोषीः॥ (६५)

नामाग्निः स९ शवसो रक्षमाणा धीर्याचिदेकान्नपञ्चाशच्च॥—————[११]

[वायव्यं प्रजापतिस्ता वरुणं देवासुरा एष्वंसावादित्यो दशरूपभामिन्द्रो वलस्यं बारहस्पत्यं वषट्कारोऽसौ  
सौरिं वरुणमाश्विनमिन्द्रं वो नर एकादश॥११॥ वायव्यमाग्नेयीं कृष्णग्रीवीमुसावादित्यो वा अहोरात्राणि वषट्कारः  
प्रजनयिता हुवे तुराणां पञ्चषष्टिः॥६५॥ वायव्यं प्रमोषीः॥]

## ॥द्वितीयः प्रश्नः॥

॥तैत्तिरीयसंहितायां द्वितीयकाण्डे द्वितीयः प्रश्नः॥

प्रजापतिः प्रजा असृजत ताः सृष्टा इन्द्राग्नी अपांगूहता९  
सोऽचायत्प्रजापतिरिन्द्राग्नी वै मे प्रजा अपांगुक्षतामिति  
स एतमैन्द्राग्रमेकादशकपालमपश्यत्तन्निरवपत्तावस्मै प्रजाः  
प्रासाधयतामिन्द्राग्नी वा एतस्य प्रजामपंगूहतो योऽलं प्रजायै

सन्प्रजां न विन्दत ऐन्द्राग्रमेकादशकपालं निर्वपेत्प्रजाकाम  
इन्द्राग्नी (१)

एव स्वेनं भागधेयेनोपं धावति तावेवास्मै प्रजां प्रसाधयतो  
विन्दते प्रजामैन्द्राग्रमेकादशकपालं निर्वपेत्स्पर्धमानः क्षेत्रे वा  
सजातेषु वेन्द्राग्नी एव स्वेनं भागधेयेनोपं धावति ताभ्यामेवेन्द्रियं  
वीर्यं भ्रातृव्यस्य वृद्धे वि पाप्मना भ्रातृव्येण जयतेऽप वा  
एतस्मादिन्द्रियं वीर्यं क्रामति यः सङ्ग्राममुपप्रयात्यैन्द्राग्रमेकादश-  
कपालं निर्-(२)

वपेत्सङ्ग्राममुपप्रयास्यन्निन्द्राग्नी एव स्वेनं भागधेयेनोपं  
धावति तावेवास्मिन्निन्द्रियं वीर्यं धत्तः सहेन्द्रियेण वीर्येणोपप्रयाति  
जयति तं सङ्ग्रामं वि वा एष इन्द्रियेण वीर्येणर्ह्यते यः सङ्ग्रामं  
जयत्यैन्द्राग्रमेकादशकपालं निर्वपेत्सङ्ग्रामं जित्वेन्द्राग्नी एव स्वेनं  
भागधेयेनोपं धावति तावेवास्मिन्निन्द्रियं वीर्यं (३)

धत्तो नेन्द्रियेण वीर्येण व्यृह्यतेऽप वा एतस्मादिन्द्रियं वीर्यं  
क्रामति य एति जनतामैन्द्राग्रमेकादशकपालं निर्वपेज्जनता-  
मेष्यन्निन्द्राग्नी एव स्वेनं भागधेयेनोपं धावति तावेवास्मिन्निन्द्रियं  
वीर्यं धत्तः सहेन्द्रियेण वीर्येण जनतामेति पौष्णं चरुमनुनिर्वपेत्पूषा  
वा इन्द्रियस्य वीर्यस्यानुप्रदाता पूषणमेव (४)



स्वेन॑ भाग॒धेये॒नोप॑ धावति॒ स ए॒वास्मा॑ इन्द्रि॒यं  
वीर्य॑मनु॒ प्रय॑च्छति॒ क्षेत्र॑प॒त्यं च॒रुं निर्व॑पे॒ज्जनता॑मा॒गत्ये॒यं वै  
क्षेत्र॑स्य॒ पति॑र॒स्यामे॒व प्र॑ति॒तिष्ठ॑त्यैन्द्रा॒ग्रमे॒काद॑शक॒पालमु॑परि॒ष्टा-  
न्निर्व॑पेद॒स्यामे॒व प्र॑ति॒ष्ठायै॑न्द्रि॒यं वी॒र्यमु॑परि॒ष्टादा॒त्मन्ध॑त्ते॥ (५)

प्र॒जाका॑म इन्द्रा॒ग्नी उ॑पप्र॒यात्यै॑न्द्रा॒ग्रमे॒काद॑शक॒पालं निर्वी॑र्यं  
पू॒षण॑मे॒वैका॒न्नच॑त्वारि॒ंशच्च॑॥ [१]

अ॒ग्रये॑ पथि॒कृते॑ पु॒रोडा॑शम॒ष्टाक॑पालं॒ निर्व॑पेद्यो द॑र्शपूर्णमा॒सया॒ज-  
सन्न॑मावा॒स्यां वा पौ॑र्णमा॒सीं वाऽति॑पा॒दये॑त्य॒थो वा ए॒षो-  
ऽद्ध॑प॒थेनै॑ति यो द॑र्शपूर्णमा॒सया॒जी सन्न॑मावा॒स्यां वा पौ॑र्णमा॒सीं  
वाऽति॑पा॒दये॑त्य॒ग्निमे॒व प॑थि॒कृत॑ः स्वेन॑ भाग॒धेये॒नोप॑ धावति॒ स  
ए॒वैन॑मप॒थात्प॒न्थाम॑पि॒ नय॑त्यन॒ङ्घ्रान्दक्षि॑णा व॒ही ह्ये॒ष समृ॑द्ध्या  
अ॒ग्रये॑ व्र॒तप॑तये (६)

पु॒रोडा॑शम॒ष्टाक॑पालं॒ निर्व॑पेद्य आहि॑ताग्निः सन्न॑व्र॒त्यमि॑व  
चरे॑द॒ग्निमे॒व व्र॑तप॒तिः स्वेन॑ भाग॒धेये॒नोप॑ धावति॒ स ए॒वैन॑  
व्र॒तमा॑ल॒म्भय॑ति॒ व्र॒त्यो भ॑वत्य॒ग्रये॑ र॒क्षोघ्ने॑ पु॒रोडा॑शम॒ष्टाक॑पालं  
निर्व॑पेद्य॒ रक्षा॑सि॒ सचे॑रन्न॒ग्निमे॒व र॑क्षो॒हणः॑ स्वेन॑ भाग॒धेये॒नोप॑  
धावति॒ स ए॒वास्मा॑द्रक्षा॒स्यप॑हन्ति॒ निशि॑तायां॒ निर्व॑पे- (७)

निशि॑ताया॒ हि रक्षा॑सि॒ प्रेर॑ते॒ सम्प्रे॑र्णान्ये॒वैनानि॑ हन्ति॒

परिंश्रिते याजयेद्रक्षसांमनन्ववचाराय रक्षोघ्नी याज्यानुवाक्ये  
 भवतो रक्षसाः स्तृत्या अग्नये रुद्रवते पुरोडाशमष्टाकपालं  
 निर्वपेदभिचरन्नेषा वा अस्य घोरा तनूर्यद्रुद्रस्तस्मा एवैनमावृश्चति  
 ताजगार्तिमाच्छत्यग्नये सुरभिमतं पुरोडाशमष्टाकपालं निर्वपेद्यस्य  
 गावो वा पुरुषा - (८)

वा प्रमीयेरन् यो वा बिभीयादेषा वा अस्य भेषज्या  
 तनूर्यथ्सुरभिमती तयेवास्मै भेषजं करोति सुरभिमतं भवति  
 पूतीगन्धस्यापहत्या अग्नये क्षामवते पुरोडाशमष्टाकपालं  
 निर्वपेथ्सङ्ग्रामे सं यत्ते भागधेयेनैवैनं शमयित्वा परानभि  
 निर्दिशति यमवरेषां विद्ध्यन्ति जीवन्ति स यं परेषां प्र स मीयते  
 जयति तं सङ्ग्राम- (९)

मभि वा एष एतानुच्यति येषां पूर्वापरा अन्वञ्चः प्रमीयन्ते  
 पुरुषाहुतिर्ह्यस्य प्रियतमाऽग्नये क्षामवते पुरोडाशमष्टाकपालं  
 निर्वपेद्भागधेयेनैवैनं शमयति नैषां पुराऽऽयुषोऽपरः प्रमीयतेऽभि  
 वा एष एतस्य गृहानुच्यति यस्य गृहान्दहत्यग्नये क्षामवते  
 पुरोडाशमष्टाकपालं निर्वपेद्भागधेयेनैवैनं शमयति नास्यापरं  
 गृहान्दहति॥ (१०)

व्रतपतये निशितायात्रिर्वपेत्पुरुषाः सङ्ग्रामत्र चत्वारि च॥ [२]

अग्रये कामाय पुरोडाशमष्टाकपालं निर्वपेद्यं कामो  
 नोपनमैदग्निमेव कामः स्वेन भागधेयेनोप धावति स एवैनं  
 कामेन समर्द्धयत्युपैनं कामो नमत्यग्रये यविष्ठाय पुरोडाशमष्टा-  
 कपालं निर्वपेत्स्पर्धमानः क्षेत्रे वा सजातेषु वाऽग्निमेव यविष्ठः  
 स्वेन भागधेयेनोप धावति तेनैवेन्द्रियं वीर्यं भ्रातृव्यस्य (११)

युवते वि पाप्मना भ्रातृव्येण जयतेऽग्रये यविष्ठाय  
 पुरोडाशमष्टाकपालं निर्वपेदभिचर्यमाणोऽग्निमेव यविष्ठः  
 स्वेन भागधेयेनोप धावति स एवास्माद्रक्षांसि यवयति  
 नैनमभिचरन्त्स्तृणुतेऽग्रय आयुष्मते पुरोडाशमष्टाकपालं निर्वपेद्यः  
 कामयेत सर्वमायुरिरियमित्यग्निमेवाऽऽयुष्मन्तः स्वेन भागधेयेनोप  
 धावति स एवास्मि- (१२)

त्रायुर्दधाति सर्वमायुरेत्यग्रये जातवेदसे पुरोडाशमष्टाकपालं  
 निर्वपेद्भूतिकामोऽग्निमेव जातवेदसः स्वेन भागधेयेनोप धावति  
 स एवैनं भूतिं गमयति भवत्येवाग्रये रुक्मते पुरोडाशमष्टाकपालं  
 निर्वपेद्रुक्कामोऽग्निमेव रुक्मन्तः स्वेन भागधेयेनोप धावति स  
 एवास्मिन्नुचं दधाति रोचत एवाग्रये तेजस्वते पुरोडाश- (१३)

मष्टाकपालं निर्वपेत्तेजस्कामोऽग्निमेव तेजस्वन्तः स्वेन  
 भागधेयेनोप धावति स एवास्मिन्तेजो दधाति तेजस्व्येव  
 भवत्यग्रये साहन्त्याय पुरोडाशमष्टाकपालं निर्वपेत्सीक्षमाणो-

ऽग्निमेव साहन्त्यः स्वेन भागधेयेनोप धावति तेनैव संहते यः  
सीक्षते॥ (१४)

भ्रातृव्यस्यास्मिन्तेजस्वते पुरोडाशमष्टात्रिंशच्च॥ [३]

अग्नयेऽन्नवते पुरोडाशमष्टाकपालं निर्वपेद्यः कामयेतान्न-  
वान्त्स्यामित्यग्निमेवान्नवन्तः स्वेन भागधेयेनोप धावति स  
एवैनमन्नवन्तं करोत्यन्नवानेव भवत्यग्नयेऽन्नादाय पुरोडाश-  
मष्टाकपालं निर्वपेद्यः कामयेतान्नादः स्यामित्यग्निमेवान्नादः स्वेन  
भागधेयेनोप धावति स एवैनमन्नादं करोत्यन्नाद - (१५)

एव भवत्यग्नयेऽन्नपतये पुरोडाशमष्टाकपालं निर्वपेद्यः  
कामयेतान्नपतिः स्यामित्यग्निमेवान्नपतिः स्वेन भागधेयेनोप  
धावति स एवैनमन्नपतिं करोत्यन्नपतिरेव भवत्यग्नये पवमानाय  
पुरोडाशमष्टाकपालं निर्वपेदग्नये पावकायाग्नये शुचये ज्योगामयावी  
यदग्नये पवमानाय निर्वपति प्राणमेवास्मिन्तेन दधाति यदग्नये (१६)

पावकाय वाचमेवास्मिन्तेन दधाति यदग्नये शुचय  
आयुरेवास्मिन्तेन दधात्युत यदीतासुर्भवति जीवत्येवैतामेव  
निर्वपेच्चक्षुष्कामो यदग्नये पवमानाय निर्वपति प्राणमेवास्मिन्तेन  
दधाति यदग्नये पावकाय वाचमेवास्मिन्तेन दधाति यदग्नये शुचये  
चक्षुरेवास्मिन्तेन दधा- (१७)

त्युत यद्यन्धो भवति प्रैव पश्यत्यग्नये पुत्रवते पुरोडाशमष्टा-

कंपालं निर्वपेदिन्द्राय पुत्रिणे पुरोडाशमेकादशकपालं प्रजाकामो-  
 ऽग्निरेवास्मै प्रजां प्रजनयति वृद्धामिन्द्रः प्रयच्छत्यग्नये रसंवते-  
 ऽजक्षीरे चरुं निर्वपेद्यः कामयेत रसवान्स्थ्यामित्यग्निमेव रसवन्तः  
 स्वेन भागधेयेनोप धावति स एवैनं रसवन्तं करोति (१८)

रसवानेव भवत्यजक्षीरे भवत्याग्नेयी वा एषा यदजा साक्षादेव  
 रसमवरुन्धेऽग्नये वसुमते पुरोडाशमष्टाकपालं निर्वपेद्यः कामयेत  
 वसुमान्स्थ्यामित्यग्निमेव वसुमन्तः स्वेन भागधेयेनोप धावति स  
 एवैनं वसुमन्तं करोति वसुमानेव भवत्यग्नये वाजसृते पुरोडाश-  
 मष्टाकपालं निर्वपेत्सङ्ग्रामे सं यत्ते वाजं (१९)

वा एष सिंसीरषति यः सङ्ग्रामं जिगीषत्यग्निः खलु  
 वै देवानां वाजसृदग्निमेव वाजसृतः स्वेन भागधेयेनोप  
 धावति धावति वाजं हन्ति वृत्रं जयति तं सङ्ग्राममथो  
 अग्निरिव न प्रतिधृषे भवत्यग्नयेऽग्निवते पुरोडाशमष्टाकपालं  
 निर्वपेद्यस्याग्नावग्निमभ्युद्धरेयुर्निर्दिष्टभागो वा एतयोरन्यो-  
 ऽनिर्दिष्टभागोऽन्यस्तौ सम्भवन्तौ यजमान- (२०)

मभिसम्भवतः स ईश्वर आर्तिमार्तोर्यदग्नयेऽग्निवते निर्वपति  
 भागधेयेनैवैनौ शमयति नार्तिमार्छति यजमानोऽग्नये ज्योतिष्मते  
 पुरोडाशमष्टाकपालं निर्वपेद्यस्याग्निरुद्धृतोऽहुतेऽग्निहोत्र उद्वायेदपरं

आदीप्या॑नूद्धृत्य॒ इत्या॑हुस्तत्तथा॒ न कार्यं॑ यद्वा॑ंग॒धेय॑म॒भि पूर्वं॑  
उद्ध्रियते॒ किमप॑रोऽभ्यु- (२१)

द्वि॒येतेति॒ तान्ये॒वाव॑क्षाणा॑नि सन्नि॒धाय॑ मन्थे॒दितः॑ प्रथ॒मं  
जज्ञे॑ अ॒ग्निः स्वा॒द्योने॒रधि॑ जा॒तवे॑दाः। स गा॑यत्रि॒या त्रि॒ष्टुभा॒  
जग॑त्या दे॒वेभ्यो॑ ह॒व्यं व॑हतु प्रजा॑नन्निति॒ छन्दो॑भिरे॒वैन॑ः स्वा॒द्योनेः॑  
प्रज॑नयत्येष वाव सौ॑ऽग्निरित्या॑हुज्योति॒स्त्वा अ॑स्य॒ परा॑पति॒तमिति॑  
यद॒ग्नये॒ ज्योति॑ष्मते निर्व॒पति॒ यदे॒वास्य॒ ज्योतिः॑ परा॑पति॒तं  
तदे॒वाव॑रुन्धे॥ (२२)

क॒रोत्य॒न्नादो॑ द॒धाति॒ यद॒ग्नये॒ शुच॑ये॒ चक्षु॑रे॒वास्मि॒न्तेन॑ द॒धाति॒ करोति॑  
वाजं॒ यज॑मान॒मुदे॒वास्य॒ षट्॥ [४]

वै॒श्वान॑रं द्वा॒दश॑कपालं॒ निर्व॑पेद्वा॒रुणं॒ चरुं॑ द॒धि॒क्राव॑णे  
च॒रुम॑भि॒शस्य॑मानो॒ यद्वै॑श्वान॒रो द्वा॒दश॑कपालो॒ भव॑ति सं॒वत्स॑रो  
वा अ॒ग्निर्वै॑श्वान॒रः सं॒वत्स॑रेणै॒वैन॑ः स्व॒दय॑त्यप॒ पापं॑ वर्ण॑ ह॒ते  
वा॒रुणे॑नै॒वैन॑ वरुणपा॒शान्मु॑ञ्चति द॒धि॒क्राव॑णा पुनाति॒ हिर॑ण्यं  
दक्षि॑णा प॒वित्रं॒ वै हिर॑ण्यं पुनात्ये॒वैन॑मा॒द्यम॑स्यान्नं॒ भवत्ये॒तामे॒व  
निर्व॑पेत्प्रजा॒कामः॑ सं॒वत्स॑रो (२३)

वा ए॒तस्याशा॑न्तो॒ योनिं॑ प्रजा॒यै प॑शूनां निर्द॑हति॒ यो-  
ऽलं॑ प्रजा॒यै स॒न्म्रजां॑ न वि॒न्दते॒ यद्वै॑श्वान॒रो द्वा॒दश॑कपालो॒

भवति संवत्सरो वा अग्निर्वैश्वानरः संवत्सरमेव भागधेयेन  
 शमयति सोऽस्मै शान्तः स्वाद्योनेः प्रजां प्रजनयति वारुणेनैवैनं  
 वरुणपाशान्मुञ्चति दधिक्राव्ण्णां पुनाति हिरण्यं दक्षिणा पवित्रं वै  
 हिरण्यं पुनात्येवैनं (२४)

विन्दते प्रजां वैश्वानरं द्वादशकपालं निर्वपेत्पुत्रे  
 जाते यदष्टाकपालो भवति गायत्रियैवैनं ब्रह्मवर्चसेन  
 पुनाति यन्नवकपालस्त्रिवृतैवास्मिन्तेजो दधाति यद्वशकपालो  
 विराजैवास्मिन्नत्राद्यं दधाति यदेकादशकपालस्त्रिष्टुभैवास्मिन्निन्द्रियं  
 दधाति यद्द्वादशकपालो जगत्यैवास्मिन्पशून्दधाति यस्मिञ्जात  
 एतामिष्टिं निर्वपति पूत - (२५)

एव तेजस्व्यन्नाद इन्द्रियावी पशुमान्भवत्यव वा एष  
 सुवर्गाल्लोकाच्छिद्यते यो दर्शपूर्णमासयाजी सन्नमावास्यां  
 वा पौर्णमासीं वाऽतिपादयति सुवर्गाय हि लोकाय  
 दर्शपूर्णमासाविज्येते वैश्वानरं द्वादशकपालं निर्वपेदमावास्यां वा  
 पौर्णमासीं वाऽतिपाद्यं संवत्सरो वा अग्निर्वैश्वानरः संवत्सरमेव  
 प्रीणात्यथो संवत्सरमेवास्मा उपदधाति सुवर्गस्य लोकस्य  
 समष्ट्या (२६)

अथो देवता एवान्वारभ्य सुवर्गं लोकमेति वीरहा  
 वा एष देवानां योऽग्निमुद्वासयते न वा एतस्य ब्राह्मणा

ऋतायवः पुराऽन्नमक्षत्राग्नेयमष्टाकपालं निर्वपेद्वैश्वानरं द्वादश-  
कपालमग्निमुद्वासयिष्यन् यदष्टाकपालो भवत्यष्टाक्षरा गायत्री  
गायत्रौऽग्निर्यावानेवाग्निस्तस्मा आतिथ्यं करोत्यथो यथा जनं  
यतेऽवसं करोति तादृ- (२७)

गेव तद्द्वादशकपालो वैश्वानरो भवति द्वादश मासाः संवत्सरः  
संवत्सरः खलु वा अग्रेयोनिः स्वामेवैनं योनिं गमयत्याद्यमस्यान्नं  
भवति वैश्वानरं द्वादशकपालं निर्वपेन्मारुतं सप्तकपालं ग्रामकाम  
आहवनीये वैश्वानरमधिश्रयति गार्हपत्ये मारुतं पापवस्यसस्य  
विधृत्यै द्वादशकपालो वैश्वानरो भवति द्वादश मासाः संवत्सरः  
संवत्सरेणैवास्मै सजाताऽश्वावयति मारुतो भवति (२८)

मारुतो वै देवानां विशो देवविशेनैवास्मै मनुष्यविशमव-  
रुन्धे सप्तकपालो भवति सप्तगणा वै मारुतो गणश एवास्मै  
सजातानवरुन्धेऽनूच्यमानं आसादयति विशमेवास्मा अनुवर्त्मानं  
करोति॥ (२९)

प्रजाकामः संवत्सरः पुनात्येवैनं पूतः समष्ट्यै तादृङ्मारुतो  
भवत्येकान्नत्रिंशच्च॥ [५]

आदित्यं चरुं निर्वपेत्सङ्ग्राममुपप्रयास्यन्त्रियं वा अदितिरस्यामेव  
पूर्वे प्रतिष्ठन्ति वैश्वानरं द्वादशकपालं निर्वपेदायतनं  
गत्वा संवत्सरो वा अग्निर्वैश्वानरः संवत्सरः खलु वै



देवाना॑मा॒यत॑नमे॒तस्मा॒द्वा आ॒यत॑नाद्दे॒वा असु॑रानजयन् यद्वै॑श्वान॒रं  
द्वाद॑शकपालं निर्वप॑ति दे॒वाना॑मे॒वाऽऽय॑तने यतते॒ जय॑ति॒ त९  
सङ्ग्रा॑ममे॒तस्मिन्वा ए॒तौ मृ॑जाते (३०)

यो वि॑द्विषा॒णयो॒रन्न॒मत्ति॑ वैश्वान॒रं द्वाद॑शकपालं निर्वपेद्विद्विषा॒णयो  
ज॒ग्ध्वा संव॑त्स॒रो वा अ॒ग्निर्वै॑श्वान॒रः संव॑त्स॒रस्व॑दितमे॒वात्ति॑  
नास्मि॑न्मृजाते संव॑त्स॒राय॒ वा ए॒तौ सम॑माते॒ यौ सम॑माते॒  
तयो॑र्यः पूर्॒वोऽभि॑द्रुह्यति॒ तं वरु॑णो गृह्णाति वैश्वान॒रं द्वाद॑शकपालं  
निर्वपे॑त्सममा॒नयोः पूर्॒वोऽभि॑द्रुह्य॒ संव॑त्स॒रो वा अ॒ग्निर्वै॑श्वान॒रः  
संव॑त्स॒रमे॒वाऽऽत्वा निर्व॑रुणम् (३१)

पर॒स्ता॑दभि॒द्रुह्य॑ति॒ नैनं॒ वरु॑णो गृह्णात्या॒व्यं वा ए॒ष प्र॑तिगृह्णाति॒  
योऽवि॑ं प्र॑तिगृह्णाति॒ वैश्वान॒रं द्वाद॑शकपालं निर्वपे॑दविं प्र॑तिगृह्य॒  
संव॑त्स॒रो वा अ॒ग्निर्वै॑श्वान॒रः संव॑त्स॒रस्व॑दितामे॒व प्र॑तिगृह्णाति॒ ना॒व्यं  
प्र॑तिगृह्णात्या॒त्मनो॒ वा ए॒ष मा॒त्रा॑माप्रोति॒ य उ॑भ॒याद॑त्प्र॑तिगृह्णात्यश्वं  
वा पु॒रुषं॒ वा वैश्वान॒रं द्वाद॑शकपालं निर्वपे॑दुभ॒याद॑त् (३२)

प्र॑तिगृह्य॒ संव॑त्स॒रो वा अ॒ग्निर्वै॑श्वान॒रः संव॑त्स॒रस्व॑दितमे॒व  
प्र॑तिगृह्णाति॒ नाऽऽत्म॑नो॒ मा॒त्रा॑माप्रोति॒ वैश्वान॒रं द्वाद॑शकपालं  
निर्वपे॑त्स॒निमे॒ष्यन्त्संव॑त्स॒रो वा अ॒ग्निर्वै॑श्वान॒रो य॒दा खलु॑ वै  
संव॑त्स॒रं ज॒नता॑यां च॒रत्य॑थ॒ स ध॑ना॒र्घो भ॑वति॒ यद्वै॑श्वान॒रं

द्वादशकपालं निर्वपति संवत्सरसातामेव सनिमभि प्रच्यवते  
दानकामा अस्मै प्रजा भवन्ति यो वै संवत्सरं (३३)

प्रयुज्य न विमुञ्चत्यप्रतिष्ठानो वै स भवत्येतमेव वैश्वानरं  
पुनरागत्य निर्वपेद्यमेव प्रयुङ्क्ते तं भागधेयेन विमुञ्चति प्रतिष्ठित्यै  
यया रज्ज्वोत्तमां गामाजेत्तां भ्रातृव्याय प्रहिणुयान्निर्ऋतिमेवास्मै  
प्रहिणोति॥ (३४)

निर्वरुणं वपेदुभयादद्यो वै संवत्सरं षड्विंशच्च॥ [६]

ऐन्द्रं चरुं निर्वपेत्पशुकाम ऐन्द्रा वै पशव इन्द्रमेव स्वेन  
भागधेयेनोप धावति स एवास्मै पशून्प्रयच्छति पशुमानेव  
भवति चरुर्भवति स्वादेवास्मै योनैः पशून्प्रजंनयतीन्द्रायेन्द्रियावन्ते  
पुरोडाशमेकादशकपालं निर्वपेत्पशुकाम इन्द्रियं वै पशव  
इन्द्रमेवेन्द्रियावन्तः स्वेन भागधेयेनोप धावति स - (३५)

एवास्मा इन्द्रियं पशून्प्रयच्छति पशुमानेव भवतीन्द्राय घर्मवन्ते  
पुरोडाशमेकादशकपालं निर्वपेद्ब्रह्मवर्चसकामो ब्रह्मवर्चसं वै घर्म  
इन्द्रमेव घर्मवन्तः स्वेन भागधेयेनोप धावति स एवास्मिन्ब्रह्मवर्चसं  
दधाति ब्रह्मवर्चस्यैव भवतीन्द्रायार्कवन्ते पुरोडाशमेकादशकपालं  
निर्वपेदन्नकामोऽर्को वै देवानामन्नमिन्द्रमेवार्कवन्तः स्वेन भागधेये-  
(३६)

नोपधावति स एवास्मा अन्नं प्रयच्छत्यन्नाद एव भवतीन्द्राय  
 घर्मवते पुरोडाशमेकादशकपालं निर्वपेदिन्द्रायेन्द्रियावत  
 इन्द्रायार्कवते भूतिकामो यदिन्द्राय घर्मवते निर्वपति शिर  
 एवास्य तेन करोति यदिन्द्रायेन्द्रियावत आत्मानमेवास्य तेन  
 करोति यदिन्द्रायार्कवते भूत एवान्नाद्ये प्रतितिष्ठति भवत्येवेन्द्राया-  
 (३७)

९होमुचै पुरोडाशमेकादशकपालं निर्वपेद्यः पाप्मना गृहीतः  
 स्यात्पाप्मा वा अ९ह इन्द्रमेवा९होमुचः स्वेन भागधेयेनोप धावति  
 स एवैनं पाप्मनोऽ९हसो मुञ्चतीन्द्राय वैमृधाय पुरोडाशमेकादश-  
 कपालं निर्वपेद्यं मृधोऽभि प्रवेपेरन्नाष्ट्राणि वाऽभिसंमियुरिन्द्रमेव  
 वैमृधः स्वेन भागधेयेनोप धावति स एवास्मान्मृधो (३८)

ऽपहन्तीन्द्राय त्रात्रे पुरोडाशमेकादशकपालं निर्वपेद्वद्धो  
 वा परियत्तो वेन्द्रमेव त्रातारः स्वेन भागधेयेनोप धावति  
 स एवैनं त्रायत इन्द्रायार्काश्वमेधवते पुरोडाशमेकादश-  
 कपालं निर्वपेद्यं महायज्ञो नोपनमेदेते वै महायज्ञस्यान्त्ये  
 तनू यदर्काश्वमेधाविन्द्रमेवार्काश्वमेधवन्तः स्वेन भागधेयेनोप  
 धावति स एवास्मा अन्ततो महायज्ञं च्यावयत्युपैनं महायज्ञो  
 नमति॥ (३९)

इन्द्रियावन्तः स्वेन भागधेयेनोप धावति सोऽर्कवन्तः स्वेन

भागधेयेनैवेन्द्रायास्मान्मृधोऽस्मै सप्त च॥ \_\_\_\_\_ [७]

इन्द्रायान्वृजवे पुरोडाशमेकादशकपालं निर्वपेद्भामकाम  
इन्द्रमेवान्वृजुः स्वेन भागधेयेनोप धावति स एवास्मै  
सजाताननुकान्करोति ग्राम्येव भवतीन्द्राण्यै चरुं निर्वपेद्यस्य  
सेनाऽसंशितेव स्यादिन्द्राणी वै सेनायै देवतेन्द्राणीमेव स्वेन  
भागधेयेनोप धावति सैवास्य सेना संश्यति बल्वं जानपी- (४०)

ह्ये सन्नह्येद्वौर्यत्राधिष्कन्ता न्यमेहृत्ततो बल्वंजा उदतिष्ठन्गवामेवैनं  
न्यायमपिनीय गा वेदयतीन्द्राय मन्युमते मनस्वते पुरोडाशमेका-  
दशकपालं निर्वपेत्सङ्ग्रामे सं यत्त इन्द्रियेण वै मन्युना मनसा  
सङ्ग्रामं जयतीन्द्रमेव मन्युमन्तं मनस्वन्तः स्वेन भागधेयेनोप  
धावति स एवास्मिन्निन्द्रियं मन्युं मनो दधाति जयति तं (४१)

सङ्ग्राममेतामेव निर्वपेद्यो हृतमनाः स्वयं पाप इव  
स्यादेतानि हि वा एतस्मादपक्रान्तान्यथैष हृतमनाः स्वयं पाप  
इन्द्रमेव मन्युमन्तं मनस्वन्तः स्वेन भागधेयेनोप धावति स  
एवास्मिन्निन्द्रियं मन्युं मनो दधाति न हृतमनाः स्वयं पापो  
भवतीन्द्राय दात्रे पुरोडाशमेकादशकपालं निर्वपेद्यः कामयेत  
दानंकामा मे प्रजाः स्यु- (४२)

रितीन्द्रमेव दातारः स्वेन भागधेयेनोप धावति स एवास्मै  
दानंकामाः प्रजाः करोति दानंकामा अस्मै प्रजा भवन्तीन्द्राय प्रदात्रे

पुरोडाशमेकादशकपालं निर्वपेद्यस्मै प्रत्तमिव सन्न प्रदीयेतेन्द्रमेव  
 प्रदातारुः स्वेनं भागधेयेनोपं धावति स एवास्मै प्रदापयतीन्द्राय  
 सुत्राम्णो पुरोडाशमेकादशकपालं निर्वपेदपरुद्धो वा (४३)

ऽपरुद्धमानो वेन्द्रमेव सुत्रामाणः स्वेनं भागधेयेनोपं धावति  
 स एवैनं त्रायतेऽनपरुद्धो भवतीन्द्रो वै सदृङ् देवताभिरासीत्स न  
 व्यावृतमगच्छत्स प्रजापतिमुपाधावत्तस्मा एतमैन्द्रमेकादशकपालं  
 निर्वपत्तेनैवास्मिन्निन्द्रियमदधाच्छक्करी याज्यानुवाक्ये अकरोद्वज्रो  
 वै शक्करी स एनं वज्रो भूत्या ऐन्ध (४४)

सोऽभवत्सोऽविभेद्भूतः प्र मा धक्ष्यतीति स प्रजापतिं  
 पुनरुपाधावत्स प्रजापतिः शक्कर्या अधि रेवतीं निरमिमीत्  
 शान्त्या अप्रदाहाय योऽलः श्रिये सन्त्सदृङ्खसमानैः स्यात्तस्मा  
 एतमैन्द्रमेकादशकपालं निर्वपेदिन्द्रमेव स्वेनं भागधेयेनोपं धावति  
 स एवास्मिन्निन्द्रियं दधाति रेवतीं पुरोनुवाक्या भवति शान्त्या  
 अप्रदाहाय शक्करी याज्या वज्रो वै शक्करी स एनं वज्रो भूत्या  
 इन्धे भवत्येव॥ (४५)

अपि तः स्युर्वेन्ध भवति चतुर्दश च॥ [८]

आग्नावैष्णवमेकादशकपालं निर्वपेदभिचरन्त्सरस्वत्याज्य-  
 भागा स्याद्वारहस्पत्यश्चरुर्यदाग्नावैष्णव एकादशकपालो  
 भवत्यग्निः सर्वा देवता विष्णुर्यज्ञो देवताभिश्चैवैनं यजेनं

चा॒भिच॑रति॒ सर॑स्व॒त्याज्य॑भागा भवति॒ वाग्वै सर॑स्वती  
वा॒चैवैन॑म॒भिच॑रति॒ बार॑ह॒स्पत्य॑श्च॒रुर्भव॑ति॒ ब्रह्म॒ वै दे॒वानां॑  
बृह॒स्पति॑र्ब्रह्म॒णैवैन॑म॒भिच॑रति॒ (४६)

प्रति॒ वै प॒रस्ता॑द॒भिच॑र॒न्तम॒भिच॑रन्ति॒ द्वेद्वे॑ पुरोनुवा॒क्ये  
कुर्या॑दति॒प्रयु॑क्त्या ए॒तयै॑व य॒जेता॑भिच॒र्यमा॑णो दे॒वता॑भिरे॒व दे॒वताः॑  
प्रति॑च॒रति॒ यज्ञे॑न॒ यज्ञं॑ वा॒चा वाचं॑ ब्रह्म॒णा ब्रह्म॒ स दे॒वता॑श्चै॒व  
य॒ज्ञं च॑ म॒द्ध्यतो॑ व्य॒व॑स॒र्पति॒ तस्य॑ न कु॒तश्च॑नोपा॒व्याधो॑ भ॒वति॒  
नैन॑म॒भिच॑र॒न्श्स्तृ॑णुत आ॒ग्नावै॑ष्ण॒वमेका॑दशकपालं॒ निर्व॑पेद्यं॒ यज्ञो॑  
नो- (४७)

प॒नमे॑द॒ग्निः सर्वा॑ दे॒वता॒ विष्णु॑र्य॒ज्ञोऽग्निं॑ चै॒व विष्णुं॑ च॒ स्वेन॑  
भा॒ग॒धेये॒नोप॑ धावति॒ तावे॒वास्मै॑ य॒ज्ञं प्र॑यच्छ॒त उपै॑न॒ यज्ञो॑  
न॒म॒त्याग्नावै॑ष्ण॒वं घृ॒ते च॒रुं निर्व॑पे॒च्चक्षु॑ष्कामोऽ॒ग्रेर्वै॑ चक्षु॒षा मनु॑ष्या  
वि प॑श्यन्ति॒ यज्ञ॑स्य॒ देवा॒ अ॒ग्निं चै॒व विष्णुं॑ च॒ स्वेन॑ भा॒ग॒धेये॒नोप॑  
धावति॒ तावे॒वा- (४८)

स्मि॒श्चक्षु॑र्ध॒त्तश्चक्षु॑ष्माने॒व भ॑वति॒ धे॒न्वै वा ए॒तद्रेतो॑  
यदा॑ज्य॒मन॒डुह॑स्तण्डुला मि॒थुना॑दे॒वास्मै॑ चक्षुः॒ प्रज॑नयति  
घृ॒ते भ॑वति॒ तेजो॑ वै घृ॒तं तेज॑श्चक्षु॒स्तेज॑सै॒वास्मै॑ तेज॒श्चक्षु॑र॒वरु॑न्ध  
इन्द्रि॒यं वै वी॒र्यं॑ वृ॒द्धे भ्रातृ॑व्यो॒ यज॑मा॒नोऽय॑जमानस्याद्ध॒रक॑ल्पां  
प्रति॒ निर्व॑पे॒द्भ्रातृ॑व्ये॒ यज॑माने॒ नास्यै॑न्द्रि॒यं (४९)

वीर्यं वृद्धे पुरा वाचः प्रवदितोर्निर्वपेद्यावत्येव वाक्तामप्रोदितां  
 भ्रातृव्यस्य वृद्धे तामस्य वाचं प्रवदन्तीमन्या वाचोऽनु  
 प्रवदन्ति ता इन्द्रियं वीर्यं यजमाने दधत्याग्नावैष्णव-  
 मष्टाकपालं निर्वपेत्प्रातः सवनस्याकाले सरस्वत्याज्यभागा  
 स्याद्द्वारहस्पत्यश्चरुर्यदष्टाकपालो भवत्यष्टाक्षरा गायत्री गायत्रं  
 प्रातः सवनं प्रातः सवनमेव तेनाऽऽप्रो- (५०)

त्याग्नावैष्णवमेकादशकपालं निर्वपेन्माध्यन्दिनस्य सवनस्याकाले  
 सरस्वत्याज्यभागा स्याद्द्वारहस्पत्यश्चरुर्यदेकादशकपालो  
 भवत्येकादशाक्षरा त्रिष्टुत्रैष्टुभं माध्यन्दिनं सवनं माध्यन्दिनमेव  
 सवनं तेनाऽऽप्रोत्याग्नावैष्णवं द्वादशकपालं निर्वपेत्तृतीयसवनस्याकाले  
 सरस्वत्याज्यभागा स्याद्द्वारहस्पत्यश्चरुर्यद्द्वादशकपालो भवति  
 द्वादशाक्षरा जगती जागतं तृतीयसवनं तृतीयसवनमेव  
 तेनाऽऽप्रोति देवताभिरेव देवताः (५१)

प्रतिचरति यज्ञेन यज्ञं वाचा वाचं ब्रह्मणा ब्रह्मं कपालैरेव  
 छन्दाः स्यात्प्रोति पुरोडाशैः सवनानि मैत्रावरुणमेककपालं  
 निर्वपेद्वशाये काले यैवासौ भ्रातृव्यस्य वशाऽनूबन्ध्या सो  
 एवैषैतस्यैककपालो भवति नहि कपालैः पशुमर्हत्याप्तुम्॥ (५२)

ब्रह्मणैवैनमभिचरति यज्ञो न तावेवास्यैन्द्रियमाप्नोति देवताः  
 सप्तत्रिंशच्च॥

असावा॑दित्यो न व्य॑रोचत॒ तस्मै॑ दे॒वाः प्राय॑श्चित्तिमैच्छ॒न्तस्मा॑  
 ए॒त॒ꣳ सो॑मारौ॒द्रं च॒रुं निर॑वप॒न्तेनै॒वास्मि॑न्नुच॒मद॑धुर्यो ब्र॒ह्मव॑र्च॒सका॑मः  
 स्या॒त्तस्मा॑ ए॒त॒ꣳ सो॑मारौ॒द्रं च॒रुं निर्व॑पे॒थ्सोमं॑ चै॒व रु॒द्रं च॒ स्वेन॑  
 भा॒ग॒धेये॒नोप॑ धावति॒ तावे॑वास्मि॒न्ब्रह्म॑व॒र्चस॑न्ध॒त्तो ब्रह्म॑व॒र्चस्ये॑व  
 भ॑वति ति॒ष्यापू॑र्णमा॒से निर्व॑पेद्रु॒द्रो- (५३)

वै ति॒ष्यः सोमं॑ पू॒र्णमा॑सः सा॒क्षादे॒व ब्र॒ह्मव॑र्च॒समव॑रु॒न्धे  
 परि॑श्रिते याजयति ब्रह्मव॒र्चस॑स्य॒ परि॑गृहीत्यै श्वे॒तायै॑ श्वे॒तव॑त्सायै  
 दु॒ग्धं म॑थि॒तमा॑ज्यं भव॒त्याज्यं॑ प्रोक्ष॑ण॒माज्ये॑न मार्जयन्ते याव॑दे॒व  
 ब्र॒ह्मव॑र्च॒सं तथ्सर्वं॑ करो॒त्यति॑ ब्रह्मव॒र्चसं॑ क्रि॒यत॒ इत्या॑हुरीश्व॒रो  
 दु॒श्चर्मा॑ भवि॒तोरि॑ति॒ मान॒वी ऋचौ॑ धा॒य्ये कुर्या॑द्यद्वै किं च॒  
 म॒नुरव॑दत्तद्वैष॒जं (५४)

भै॒ष॒जमे॒वास्मै॑ करोति॒ यदि॑ बिभी॒यादु॒श्चर्मा॑ भवि॒ष्यामी॑ति॒  
 सोमा॑पौष्णं च॒रुं निर्व॑पे॒थ्सौम्यो॑ वै दे॒वत॑या॒ पुरु॑षः पौष्णाः प॒शवः॑  
 स्वयै॒वास्मै॑ दे॒वत॑या प॒शुभि॑स्त्वचं॑ करोति॒ न दु॒श्चर्मा॑ भवति  
 सो॒मारौ॒द्रं च॒रुं निर्व॑पेत्प्र॒जाका॑मः सोमो॑ वै रे॒तोधा॑ अ॒ग्निः प्र॒जानां॑  
 प्र॒जन॑यि॒ता सोमं॑ ए॒वास्मै॑ रे॒तो दधा॑त्य॒ग्निः प्र॒जां प्र॒ज॑नयति  
 वि॒न्दते॑ (५५)

प्र॒जाꣳ सो॑मारौ॒द्रं च॒रुं निर्व॑पेदभि॒चर॑न्त्सौम्यो वै दे॒वत॑या॒ पुरु॑ष



ए॒ष रु॒द्रो यद॒ग्निः स्वा॒या ए॒वैनं॑ दे॒वता॑यै नि॒ष्क्रीयं॑ रु॒द्राया॑पि दधाति  
ता॒जगा॑र्तिमाच्छति सो॒मारौ॑द्रं च॒रुं निर्व॑पेज्यो॒गाम॑यावी सोमं वा  
ए॒तस्य॑ र॒सो गच्छ॑त्य॒ग्निः शरी॑रं यस्य ज्यो॒गाम॑यति सोमा॑दे॒वास्य  
र॒सं निष्क्री॑णात्य॒ग्नेः शरी॑रमु॒त यदी॑- (५६)

तासु॑र्भवति जी॒वत्ये॒व सो॒मारु॑द्रयो॒र्वा ए॒तं ग्र॑सितं होता  
नि॒ष्विद॑ति स ई॒श्वर आ॑र्ति॒मार्तो॑रनु॒द्वान् हो॒त्रा दे॒यो वह्नि॑र्वा  
अ॒नु॒द्वान् वह्नि॑र॒होता वह्नि॑नै॒व वह्नि॑मा॒त्मानं॑ स्पृ॒णोति सो॒मारौ॑द्रं  
च॒रुं निर्व॑पेद्यः का॒मये॑त॒ स्वेऽस्मा॑ आ॒यत॑ने भ्रातृ॒व्यं जन॑येय॒मिति॑  
वेदिं॑ परि॒गृह्या॑र्द्धमु॒द्धन्या॑दर्द्धं ना॒र्द्धं ब॒र्हिषः॑ स्तृणी॒यादर्द्धं॑  
ना॒र्द्धमि॒द्धस्या॑भ्याद॒द्ध्यादर्द्धं॑ न स्व ए॒वास्मा॑ आ॒यत॑ने भ्रातृ॒व्यं  
जन॑यति॥ (५७)

रु॒द्रो भैष॑जं वि॒न्दते॒ यदि॑ स्तृणी॒यादर्द्धं॑ द्वाद॑श च॥ [१०]

ऐ॒न्द्रमे॑का॒दश॑क॒पालं॒ निर्व॑पेन्मा॒रुतं॑ स॒प्तक॑पालं॒ ग्राम॑काम  
इन्द्रं॑ चै॒व म॒रुतं॑श्च स्वे॒न भा॑ग॒धेये॒नोप॑ धावति त ए॒वास्मै॑  
स॒जा॒ता॒न्प्रय॑च्छन्ति ग्रा॒म्ये॒व भ॑वत्याहव॒नीयं॑ ऐ॒न्द्रम॑धि॒श्रय॑ति  
गा॒रु॒हप॑त्ये मा॒रुतं॑ पा॒पव॑स्य॒सस्य॑ वि॒धृत्यै॑ स॒प्तक॑पालो मा॒रुतो॑  
भ॑वति स॒प्तग॑णा॒ वै म॒रुतो॑ गण॒श ए॒वास्मै॑ स॒जा॒तान॑व॒रुन्धे॑ऽनू॒च्यमा॑न  
आसा॑दयति वि॒शमे॒वा- (५८)

स्मा॒ अनु॑व॒र्त्मानं॑ करोत्ये॒तामे॒व निर्व॑पेद्यः का॒मये॑त क्ष॒त्राय॑ च

विशे च समदं दद्यामित्यैन्द्रस्यावद्यन्ब्रूयादिन्द्रायानु ब्रूहीत्याश्राव्यं  
 ब्रूयान्मरुतो यजेति मारुतस्यावद्यन्ब्रूयान्मरुद्ध्योऽनुब्रूहीत्याश्राव्यं  
 ब्रूयादिन्द्रं यजेति स्व एवैभ्यो भागधेये समदं दधाति  
 वितृ१हाणास्तिष्ठन्त्येतामेव (५९)

निर्वपेद्यः कामयेत कल्पेन्निति यथादेवतमवदाय यथादेवतं  
 यजेद्भागधेयेनैवेनान् यथायथं कल्पयति कल्पन्त एवैन्द्रमेकादश-  
 कपालं निर्वपेद्वैश्वदेवं द्वादशकपालं ग्रामकाम इन्द्रं चैव विश्वा३श्च  
 देवान्स्वेन भागधेयेनोप धावति त एवास्मै सजातान्प्रयच्छन्ति  
 ग्राम्येव भवत्यैन्द्रस्यावदाय वैश्वदेवस्यावद्येदथैन्द्रः स्यो- (६०)

परिष्ठादिन्द्रियेणैवास्मा उभयतः सजातान्परिगृह्णात्युपाधाय्यपूर्वय-  
 वासो दक्षिणा सजातानामुपहित्यै पृश्नि्यै दुग्धे प्रैयङ्गवं चरुं  
 निर्वपेन्मरुद्ध्यो ग्रामकामः पृश्नि्यै वै पयंसो मरुतो जाताः  
 पृश्नि्यै प्रियङ्गवो मारुताः खलु वै देवतया सजाता मरुत एव  
 स्वेन भागधेयेनोप धावति त एवास्मै सजातान्प्रयच्छन्ति ग्राम्येव  
 भवति प्रियवती याज्यानुवाक्ये (६१)

भवतः प्रियमेवैनं१ समानानां करोति द्विपदा पुरोनुवाक्या  
 भवति द्विपदं एवावरुन्धे चतुष्पदा याज्या चतुष्पद एव पशूनव-  
 रुन्धे देवासुराः सं यत्ता आसन्ते देवा मिथो विप्रिया आसन्ते  
 ३ऽन्योन्यस्मै ज्यैष्ठ्यायातिष्ठमानाश्चतुर्धा व्यक्रामन्निर्वसुभिः सोमो

रुद्रैरिन्द्रो मरुद्विर्वरुण आदित्यैः स इन्द्रः प्रजापतिमुपाधावत्तमे-  
(६२)

तया संज्ञान्याऽयाजयेदग्नये वसुमते पुरोडाशमष्टाकपालं  
निर्वपेत्सोमाय रुद्रवते चरुमिन्द्राय मरुत्वते पुरोडाशमेकादश-  
कपालं वरुणायाऽऽदित्यवते चरुं ततो वा इन्द्रं देवा ज्यैष्ठ्यायाभि  
समंजानतु यः समानैर्मिथो विप्रियः स्यात्तमेतया संज्ञान्या  
याजयेदग्नये वसुमते पुरोडाशमष्टाकपालं निर्वपेत्सोमाय रुद्रवते  
चरुमिन्द्राय मरुत्वते पुरोडाशमेकादशकपालं वरुणायाऽऽदित्यवते  
चरुमिन्द्रमेवैनं भूतं ज्यैष्ठ्याय समाना अभिसञ्जानते वसिष्ठः  
समानानां भवति॥ (६३)

विशमेव तिष्ठन्त्येतामेवाथैन्द्रस्य याज्यानुवाक्ये तं वरुणाय चतुर्दश  
च॥ [११]

हिरण्यगर्भ आपो ह यत्प्रजापते। स वैद पुत्रः पितरं  
स मातरं स सूनुर्भुवत्स भुवत्पुनर्मघः। स द्यामौर्णोदन्तरिक्षं  
स सुवः स विश्वा भुवो अभवत्स आऽभवत्। उदुत्यं चित्रम्।  
सप्रब्रवन्नवीयसाऽग्ने द्युम्नेन सं यतां। बृहत्तन्थ भानुना। निकाव्या  
वेधसः शश्वतस्करहस्ते दधानो - (६४)

नर्या पुरूणि। अग्निर्भुवद्रयिपती रयीणां सत्रा चक्राणो  
अमृतानि विश्वा। हिरण्यपाणिमृतये सवितारमुप ह्वये। स चेत्तां

देवतां पदम्। वाममुद्य सवितर्वाममु श्वो दिवेदिवे वाममुस्मभ्यः  
 सावीः। वामस्य हि क्षयस्य देव भूररया धिया वामभाजः स्याम।  
 बडित्था पर्वतानां खिद्रं बिभर्षि पृथिवि। प्र या भूमि प्रवत्वति  
 महा जिनोषि (६५)

महिनि। स्तोमासस्त्वा विचारिणि प्रतिष्ठोभन्त्यक्तुभिः। प्र या  
 वाजन्न हेषन्तं पेरुमस्यस्यर्जुनि। ऋदूदरेण सख्या सचेय यो मा  
 न रिष्येद्धर्यश्च पीतः। अयं यः सोमो न्यधाय्यस्मे तस्मा इन्द्र  
 प्रतिरमेम्यच्छ। आपान्तमन्युस्तृपलप्रभर्मा धुनिः शिमीवाञ्छरुमाः  
 ऋजीषी। सोमो विश्वान्यतसा वनानि नार्वागिन्द्र प्रतिमानानि देभुः।  
 प्र (६६)

सुवानः सोमं ऋतयुश्चिकेतेन्द्राय ब्रह्म जमदग्निरर्चन्। वृषा  
 यन्तासि शवसस्तुरस्यान्तर्यच्छ गृणते ध्रुवं दृह। सबाधस्ते  
 मदश्च शुष्मयं च ब्रह्म नरो ब्रह्मकृतः सपर्यन्। अर्को वा यत्तुरते  
 सोमचक्षास्तत्रेदिन्द्रो दधते पृथ्सु तुर्याम्। वर्षद्वे विष्णवास आ  
 कृणोमि तन्मे जुषस्व शिपिविष्ट हव्यम्। (६७)

वर्धन्तु त्वा सुष्टुतयो गिरो मे यूयं पात स्वस्तिभिः सदा नः।  
 प्र तत्ते अद्य शिपिविष्ट नामार्यः शंसामि वयुनानि विद्वान्। तं त्वा  
 गृणामि त्वसमतवीयान्क्षयन्तमस्य रजसः पराके। किमित्ते विष्णो  
 परिचक्ष्य भूत्प्रयद्ववक्षे शिपिविष्टो अस्मि। मा वर्षो अस्मदपगूह

एतच्चदन्यरूपः समिथे बभूथ। (६८)

अग्ने दा दाशुषे रयिं वीरवन्तं परीणसम्। शिशीहि नः सूनुमतः।  
दा नो अग्ने शतिनो दाः सहस्रिणो दुरो न वाजꣳ श्रुत्या अपावृधि।  
प्राची द्यावापृथिवी ब्रह्मणा कृधि सुवर्ण शुक्रमुषसो विदिद्युतुः।  
अग्निर्दा द्रविणं वीरपेशा अग्निर्ऋषिं यः सहस्रां सनोति। अग्निर्दिवि  
हव्यमाततानाग्नेर्धामानि विभृता पुरुत्रा। मा (६९)

नो मर्द्धीरा तू भरा। घृतं न पूतं तनूररेपाः शुचि हिरण्यम्।  
तत्ते रुक्मो न रोचत स्वधावः। उभे सुश्चन्द्र सर्पिषो दर्वी श्रीणीष  
आसनि। उतो न उत्पुपूर्या उक्थेषु शवसस्पत इषꣳ स्तोतृभ्य आ  
भरा। वायो शतꣳ हरीणां युवस्व पोष्याणाम्। उत वा ते सहस्रिणो  
रथ आ यातु पाजंसा। प्र याभिर्- (७०)

यासि दाश्वाꣳसमच्छां नियुद्धिर्वायविष्टये दुरोणे। नि नो रयिꣳ  
सुभोजसं युवेह नि वीरवद्रव्यमश्वियं च राधः। रेवतीर्नः सधमाद  
इन्द्रे सन्तु तुविवाजाः। क्षुमन्तो याभिर्मदेम। रेवाꣳ इद्रेवतः स्तोता  
स्यात्त्वावतो मघोनः। प्रेदु हरिवः श्रुतस्य॥ (७१)

जिनोषि देभुः प्र हव्यं बभूथ मा याभिश्चत्वारिꣳशच्च॥ [१२]

प्रजापतिस्ताः सृष्टा अग्नये पथिकृतेऽग्नये कामायाग्नयेऽन्नवते वैश्वानरमादित्यं चरुमेन्द्रं चरुमिन्द्रायान्वजव  
आग्नावैष्णवमसौ सौमारौद्रमैन्द्रमेकादशकपालꣳ हिरण्यगर्भो द्वादश॥ (१२) प्रजापतिर्ग्नये कामायाभि सम्भवंतो  
यो विद्विषाणयोरिन्द्रो सन्नह्येदाग्नावैष्णवमुपरिष्टाद्यासि दाश्वाꣳसमेकंसततिः॥ (७१) प्रजापतिः प्रेदु हरिवः

श्रुतस्य॥

## ॥तृतीयः प्रश्नः॥

## ॥तैत्तिरीयसंहितायां द्वितीयकाण्डे तृतीयः प्रश्नः॥

आदित्येभ्यो भुवद्वद्भ्यश्चरुं निर्वपेद्भूतिकाम आदित्या वा  
 एतम्भूत्यै प्रति नुदन्ते योऽलम्भूत्यै सन्भूतिं न प्राप्नोत्यादित्यानेव  
 भुवद्वतः स्वेन भागधेयेनोप धावति त एवैनम्भूतिं गमयन्ति  
 भवत्येवाऽऽदित्येभ्यो धारयद्वद्भ्यश्चरुं निर्वपेदपरुद्धो वाऽपरुध्यमानो  
 वाऽऽदित्या वा अपरोद्धार आदित्या अवगमयितार आदित्यानेव  
 धारयद्वतः (१)

स्वेन भागधेयेनोप धावति त एवेन विशि दाध्रत्यनपरुध्यो  
 भवत्यदितेऽनु मन्यस्वेत्यपरुध्यमानोऽस्य पदमा ददीतेयं  
 वा अदितिरियमेवास्मै राज्यमनु मन्यते सत्याशीरित्याह  
 सत्यामेवाशिषं कुरुत इह मन इत्याह प्रजा एवास्मै समनसः  
 करोत्युप प्रेतं मरुतः (२)

सुदानव एना विश्पतिनाभ्यमु राजानमित्याह मारुती वै  
 विद्धोष्ठो विश्पतिर्विशैवनः राष्ट्रेण समर्धयति यः परस्ताद्भाम्यवादी  
 स्यात्तस्य गृहाद्वीहीना हरेच्छुक्लाश्च कृष्णाश्च वि चिनुयाद्ये  
 शुक्लाः स्युस्तमादित्यं चरुं निर्वपेदादित्या वै देवतया विद्विशमेवाव

## गच्छति (३)

अवंगतास्य विडनवगतं राष्ट्रमित्याहुर्ये कृष्णाः स्युस्तं वारुणं चरुं निर्वपेद्वारुणं वै राष्ट्रमुभे एव विशं च राष्ट्रं चाव गच्छति यदि नावगच्छेदिममहमादित्येभ्यो भागं निर्वपाम्यामुष्मादमुष्यै विशोऽवगन्तोरिति निर्वपेदादित्या एवैनम्भागधेयम्प्रेप्सन्तो विशमव (३)

गमयन्ति यदि नावगच्छेदाश्वत्थान्मयूखान्त्सप्त मध्यमेषायामुप हन्यादिदमहमादित्यान्बध्नाम्यामुष्मादमुष्यै विशोऽवगन्तोरित्यादित्या एवैनम्बद्धवीरा विशमव गमयन्ति यदि नावगच्छेदेतमेवाऽऽदित्यं चरुं निर्वपेदिध्मेऽपि मयूखान्त्सं नह्येदनपरुध्यमेवाव गच्छत्याश्वत्था भवन्ति मरुतां वा एतदोजो यदश्वत्थ ओजसैव विशमव गच्छति सप्त भवन्ति सप्तगणा वै मरुतो गणश एव विशमव गच्छति॥ (५)

धारयद्वतो मरुतो गच्छति विशमवैतदष्टादश च॥—————[१]

देवा वै मृत्योरबिभयुस्ते प्रजापतिमुपाधावन्तेभ्य एताम्प्राजापत्यां शतकृष्णलां निरवपत्तयैवैष्वमृतमदधाद्यो मृत्योर्बिभीयात्तस्मा एताम्प्राजापत्यां शतकृष्णलां निर्वपेत्प्रजापतिमे स्वेन भागधेयेनोप धावति स एवास्मिन्नायुर्दधाति सर्वमायुरेति शतकृष्णला भवति शतायुः पुरुषः शतेन्द्रिय आयुष्येवेन्द्रिये (६)

प्रति तिष्ठति घृते भवत्यायुर्वै घृतममृतं हिरण्यमायुश्चैवास्मा

अमृतं च समीचीं दधाति चत्वारिंशत्वारि कृष्णलान्यव द्यति  
चतुरवत्तस्यास्या एकधा ब्रह्मण उप हरत्येकधैव यजमान  
आयुर्दधात्यसावादित्यो न व्यरोचत तस्मै देवाः प्रायश्चित्ति-  
मैच्छन्तस्मा एतः सौर्यं चरुं निर्वपन्तेनैवास्मि (७)

त्रुचंमदधुर्यो ब्रह्मवर्चसकामः स्यात्तस्मा एतः सौर्यं  
चरुं निर्वपेदमुमेवाऽऽदित्यः स्वेन भागधेयेनोप धावति स  
एवास्मिन्ब्रह्मवर्चसं दधाति ब्रह्मवर्चस्यैव भवत्युभयतो रुक्मौ भवत  
उभयत एवास्मिन्नुचं दधाति प्रयाजेप्रयाजे कृष्णलं जुहोति दिग्भ्य  
एवास्मै ब्रह्मवर्चसमं रुद्ध आग्नेयमष्टाकपालं निर्वपेत्सावित्रं  
द्वादशकपालम्भूम्यै (८)

चरुं यः कामयेत हिरण्यं विन्देय हिरण्यम्मोप  
नमेदिति यदाग्नेयो भवत्याग्नेयं वै हिरण्यं यस्यैव हिरण्यं  
तेनैवैनद्विन्दते सावित्रो भवति सवितृप्रसूत एवैनद्विन्दते भूम्यै  
चरुर्भवत्यस्यामेवैनद्विन्दत उपैतः हिरण्यं नमति वि वा एष  
इन्द्रियेण वीर्येणर्ध्यते यो हिरण्यं विन्दत एताम् (९)

एव निर्वपेद्विरण्यं वित्त्वा नेन्द्रियेण वीर्येण व्यृध्यत  
एतामेव निर्वपेद्यस्य हिरण्यं नश्येद्यदाग्नेयो भवत्याग्नेयं वै  
हिरण्यं यस्यैव हिरण्यं तेनैवैनद्विन्दति सावित्रो भवति  
सवितृप्रसूत एवैनद्विन्दति भूम्यै चरुर्भवत्यस्यां वा एतन्नश्यति



यन्नश्यत्यस्यामेवैनद्विन्दतीन्द्रः (१०)

त्वष्टुः सोममभीषहापिबुथ्स विष्वङ्मूर्च्छुथ्स इन्द्रियेण  
सोमपीथेन व्यार्ध्यत स यदूर्ध्वमुदवमीत्ते श्यामाका अभवन्थ्स  
प्रजापतिमुपाधावत्तस्मा एत९ सोमेन्द्र९ श्यामाकं चरुं  
निरवपत्तेनैवास्मिन्निन्द्रिय९ सोमपीथमदधाद्वि वा एष इन्द्रियेण  
सोमपीथेनार्ध्यते यः सोमं वर्मिति यः सोमवामी स्यात्तस्मै (११)

एत९ सोमेन्द्र९ श्यामाकं चरुं निर्वपेथ्सोमं चैवेन्द्रं च स्वेन  
भागधेयेनोप धावति तावेवास्मिन्निन्द्रिय९ सोमपीथं धत्तो नैन्द्रियेण  
सोमपीथेन व्यृध्यते यथ्सौम्यो भवति सोमपीथमेवाव रुन्दे यदेन्द्रो  
भवतीन्द्रियं वै सोमपीथ इन्द्रियमेव सोमपीथमव रुन्दे श्यामाको  
भवत्येष वाव स सोमः (१२)

साक्षादेव सोमपीथमव रुन्देऽग्नये दात्रे पुरोडाशमष्टाकपालं  
निर्वपेदिन्द्राय प्रदात्रे पुरोडाशमेकादशकपालम् पशुकामो-  
ऽग्निरेवास्मै पशून्मज्जनयति वृद्धानिन्द्रः प्र यच्छति दधि मधुं  
घृतमापो धाना भवन्त्येतद्वै पशूना९ रूप९ रूपेणैव पशूनव रुन्दे  
पञ्चगृहीतम्भवति पाङ्गा हि पशवो बहुरूपम्भवति बहुरूपा हि  
पशवः (१३)

समृद्धौ प्राजापत्यम्भवति प्राजापत्या वै पशवः  
प्रजापतिरेवास्मै पशून्मज्जनयत्यात्मा वै पुरुषस्य मधु  
यन्मध्वग्नौ जुहोत्यात्मानमेव तद्यजमानोऽग्नौ प्र दधाति पङ्क्तौ

याज्यानुवाक्ये भवतः पाङ्क्तुः पुरुषः पाङ्क्ताः पशवं आत्मानमेव  
मृत्योर्निष्क्रीयं पशूनं रुन्दे ॥ (१४)

इन्द्रियैऽस्मिन्भूम्या एतामिन्द्रः स्यात्तस्मै सोमो बहुरूपा हि पशव  
एकचत्वारिंशच्च ॥ [२]

देवा वै सत्रमासतर्द्धिपरिमितं यशस्कामास्तेषां ५ सोमं ५  
राजानं यशं आर्च्छुथ्स गिरिमुदैत्तमग्निरनूदैत्तावग्नीषोमौ  
समभवतान्ताविन्द्रो यज्ञविभ्रष्टोऽनु परैत्तावंब्रवीद्याजयत्तम्मेति  
तस्मा एतामिष्टिं निरवपतामाग्नेयमष्टाकपालमैन्द्रमेकादशकपालं ५  
सौम्यं चरुन्तयेवास्मिन्तेजः (१५)

इन्द्रियम्ब्रह्मवर्चसमधत्तां यो यज्ञविभ्रष्टः स्यात्तस्मा एतामिष्टिं  
निर्वपेदाग्नेयमष्टाकपालमैन्द्रमेकादशकपालं ५ सौम्यं चरुं यदाग्नेयो  
भवति तेज एवास्मिन्तेन दधाति यदैन्द्रो भवतीन्द्रियमेवास्मिन्तेन  
दधाति यथ्सौम्यो ब्रह्मवर्चसं तेनाग्नेयस्य च सौम्यस्य चैन्द्रे  
समाश्लेषयेत्तेजश्चैवास्मिन्ब्रह्मवर्चसं च समीचीं (१६)

दधात्यग्नीषोमीयमेकादशकपालं निर्वपेद्यं कामो नोपनमेदाग्नेयो  
वै ब्राह्मणः स सोममपिबति स्वामेव देवतां ५ स्वेन भागधेयेनोप  
धावति सैवैनं कामेन समर्धयत्युपैनं कामो नमत्यग्नीषोमीयमष्टा-  
कपालं निर्वपेद्ब्रह्मवर्चसकामोऽग्नीषोमावेव स्वेन भागधेयेनोप  
धावति तावेवास्मिन्ब्रह्मवर्चसं धत्तो ब्रह्मवर्चस्यैव (१७)

भवति यदष्टाकपालस्तेनाग्नेयो यच्छ्यामाकस्तेन सौम्यः  
 समृद्धौ सोमाय वाजिने श्यामाकं चरुं निर्वपेद्यः क्लैव्याद्विभीयाद्रेतो  
 हि वा एतस्माद्वाजिनमपक्रामत्यथैष क्लैव्याद्विभाय सोममेव  
 वाजिनः स्वेन भागधेयेनोप धावति स एवास्मिन्नेतो  
 वाजिनं दधाति न क्लीबो भवति ब्राह्मणस्पत्यमेकादशकपालं  
 निर्वपेद्ग्रामकामः (१८)

ब्रह्मणस्पतिमेव स्वेन भागधेयेनोप धावति स एवास्मै  
 सजातान्प्र यच्छति ग्राम्येव भवति गुणवती याज्यानुवाक्ये भवतः  
 सजातैरेवैनं गुणवन्तं करोत्येतामेव निर्वपेद्यः कामयेत ब्रह्मन्विशं  
 वि नाशयेयमिति मारुती याज्यानुवाक्ये कुर्याद्ब्रह्मन्नेव विशं वि  
 नाशयति॥ (१९)

तेजः समीचीं ब्रह्मवर्चस्येव ग्रामकामस्त्रिचत्वारिंशच्च॥ [३]

अर्यम्णे चरुं निर्वपेत्सुवर्गकामोऽसौ वा आदित्योऽर्यमा-  
 र्यमणमेव स्वेन भागधेयेनोप धावति स एवैनं सुवर्गं  
 लोकं गमयत्यर्यम्णे चरुं निर्वपेद्यः कामयेत दानकामा मे  
 प्रजाः स्युरित्यसौ वा आदित्योऽर्यमा यः खलु वै ददाति  
 सोऽर्यमाऽर्यमणमेव स्वेन भागधेयेनोप धावति स एव (२०)

अस्मै दानकामाः प्रजाः करोति दानकामा अस्मै प्रजा  
 भवन्त्यर्यम्णे चरुं निर्वपेद्यः कामयेत स्वस्ति जनतामियामित्यसौ

वा आदित्योऽर्यमाऽर्यमणमेव स्वेन भागधेयेनोप धावति स एवैनं तद्रमयति यत्र जिगमिषतीन्द्रो वै देवानामानुजावर आसीत्स प्रजापतिमुपाधावत्तस्मा एतमैन्द्रमानुषूकमेकादशकपालं निः (२१)

अवपत्तेनैवैनमग्रं देवतानां पर्यणयद्बुध्रवती अग्रवती याज्यानुवाक्ये अकरोद्बुध्रादेवैनमग्रं पर्यणयद्बो राजन्यं आनुजावरः स्यात्तस्मा एतमैन्द्रमानुषूकमेकादशकपालं निर्वपेदिन्द्रमेव स्वेन भागधेयेनोप धावति स एवैनमग्रं समानानां परिणयति बुध्रवती अग्रवती याज्यानुवाक्ये भवतो बुध्रादेवैनमग्रम् (२२)

परिणयत्यानुषूको भवत्येषा ह्येतस्य देवता य आनुजावरः समृद्धौ यो ब्राह्मण आनुजावरः स्यात्तस्मा एतम्बारहस्पत्यमानुषूकं चरुं निर्वपेद्बृहस्पतिमेव स्वेन भागधेयेनोप धावति स एवैनमग्रं समानानां परिणयति बुध्रवती अग्रवती याज्यानुवाक्ये भवतो बुध्रादेवैनमग्रं परिणयत्यानुषूको भवत्येषा ह्येतस्य देवता य आनुजावरः समृद्धौ ॥ (२३)

एव निरग्रमेतस्य चत्वारि च ॥ [४]

प्रजापतेस्त्रयस्त्रिंशद्बृहतिर आसन्ताः सोमाय राज्ञे-  
ऽददात्तासां रोहिणीमुपेत्ता ईर्ष्यन्तीः पुनरगच्छन्ता अन्वेत्ताः  
पुनरयाचत ता अस्मै न पुनरददात्सोऽब्रवीदृतममीष्व यथा

समावच्छ उ॒पैष्याम्यथ॑ ते पुन॑र्दास्यामीति॒ स ऋ॒तमा॑मी॒त्ता अ॑स्मै  
पुन॑रददा॒त्तासा॑ ५ रोहि॒णीमे॒वोप॑ (२४)

ए॒त्तं यक्ष्म॑ आ॒र्च्छ॒द्राजा॑नं॒ यक्ष्म॑ आ॒र॒दिति॑ तद्रा॑जय॒क्ष्मस्य॒ जन्म॒  
यत्पा॑पी॒यान॑भ॒वत्तत्पा॑पय॒क्ष्मस्य॒ यज्जा॑याभ्योऽवि॒न्दत्त॑ज्जाये॒न्यस्य॒ य  
ए॒वमे॒तेषां॑ यक्ष्मा॑णां॒ जन्म॒ वेद॑ नैन॑मे॒ते यक्ष्मा॑ वि॒न्दन्ति॒ स ए॒ता ए॒व  
न॑म॒स्यन्नुपा॑धाव॒त्ता अ॑ब्रुव॒न्वर॑ वृ॒णाम॑है समावच्छ ए॒व न॒ उपा॑य  
इति॒ तस्मा॑ ए॒तम् (२५)

आ॒दि॒त्यं च॒रुं नि॑र॒वप॑न्तेनै॒वैन॑म्पा॒पाथ्स्त्रा॑मा॒दमु॑ञ्चन् यः  
पा॑पय॒क्ष्मगृ॑हीतः स्यात्तस्मा॑ ए॒तमा॑दि॒त्यं च॒रुं नि॑र्व॒पेदा॑दि॒त्याने॒व  
स्वेन॑ भा॒गधे॒येनो॑प॒ धाव॑ति॒ त ए॒वैन॑ पा॒पाथ्स्त्रा॑मा॒न्मुञ्च॑न्त्यमावा॒स्यायां॑  
नि॑र्व॒पेद॒मुमे॒वैन॑मा॒प्याय॑मान॒मन्वा प्या॑ययति॒ नवो॑नवो भवति॒  
जाय॑मान॒ इति॑ पुरो॒नुवा॑क्या भव॒त्यायु॑रे॒वास्मि॑न्तया॒ दधा॑ति॒  
यमा॑दि॒त्या अ॒५ शुमा॑प्यायय॒न्तीति॑ या॒ज्यैवैन॑मे॒तया॑ प्याययति॥ (२६)

ए॒वोपै॑तमस्मि॒न्त्रयो॑दश च॥ [५]

प्र॒जाप॑तिर्दे॒वेभ्यो॑ऽन्नाद्यं॒ व्यादि॑श॒त्सोऽब्र॑वीद्यदि॒माल्लो॑कान॒भ्यति॑रिच  
तन्ममा॑स॒दिति॑ तदि॒माल्लो॑कान॒भ्यत्य॑रिच्यतेन्द्र॒५ राजा॑नमिन्द्र॒मधि॑राजा  
स्व॒राजा॑न॒न्ततो॒ वै स इ॒माल्लो॑का॒५ स्त्रेधा॑दु॒हत्त॑त्रिधातो॒स्त्रिधा॑तु॒त्वय्यं॑  
का॒मये॑तान्नादः स्या॒दिति॑ तस्मा॑ ए॒तं त्रि॑धातुं नि॒र्वपे॑दिन्द्रा॒य राज्ञे॑  
पुरो॒डाश॑म् (२७)

एकादशकपालमिन्द्रायाधिराजायेन्द्राय स्वराज्ञेऽयं वा इन्द्रो  
 राजायमिन्द्रोऽधिराजोऽसाविन्द्रः स्वराडिमानेव लोकान्त्स्वेन  
 भागधेयेनोप धावति त एवास्मा अन्नम्प्र यच्छन्त्यन्नाद एव भवति  
 यथा वत्सेन प्रत्तां गां दुह एवमेवेमाल्लोकान्प्रत्तान्काममन्नाद्यं  
 दुह उत्तानेषु कपालेष्वधि श्रयत्ययातयामत्वाय त्रयः पुरोडाशा  
 भवन्ति त्रय इमे लोका एषां लोकानामास्या उत्तरउत्तरो  
 ज्यायाभ्वत्येवमिव हीमे लोकाः समृद्धौ सर्वेषामभिगमयन्नव  
 द्यत्यच्छम्बद्वारव्यत्यासमन्वाहानिर्दाहाय॥ (२८)

पुरोडाशत्रयः षड्विंशतिश्च॥ [६]

देवासुराः संयत्ता आसन्तां देवानसुरा अजयन्ते  
 देवाः पराजिग्याना असुराणां वैश्यमुपायन्तेभ्य इन्द्रियं  
 वीर्यमपाक्रामत्तदिन्द्रोऽचायत्तदन्वपाक्रामत्तद्वरुधं नाशक्रोत्तदस्मादभ्य  
 ऽचरत्स प्रजापतिमुपाधावत्तमेतया सर्वपृष्ठयाऽयाजयत्तयैवास्मिन्निन्द्रि  
 वीर्यमदधाद्य इन्द्रियकामः (२९)

वीर्यकामः स्यात्तमेतया सर्वपृष्ठया याजयेदेता एव देवताः  
 स्वेन भागधेयेनोप धावति ता एवास्मिन्निन्द्रियं वीर्यं दधति  
 यदिन्द्राय रार्थतराय निर्वपति यदेवाग्नेस्तेजस्तदेवाव रुद्धे  
 यदिन्द्राय बारहताय यदेवेन्द्रस्य तेजस्तदेवाव रुद्धे यदिन्द्राय  
 वैरूपाय यदेव सवितुस्तेजस्तत् (३०)

ए॒वाव॑ रु॒द्धे य॒दिन्द्रा॑य॒ वैरा॒जाय॒ यदे॒व धा॒तुस्तेज॒स्तदे॒वाव॑ रु॒द्धे  
 य॒दिन्द्रा॑य॒ शाक्क॑राय॒ यदे॒व म॒रुतां॑ तेज॒स्तदे॒वाव॑ रु॒द्धे य॒दिन्द्रा॑य॒  
 रैव॒ताय॒ यदे॒व बृ॒हस्प॑ते॒स्तेज॒स्तदे॒वाव॑ रु॒द्ध ए॒ताव॑न्ति॒ वै तेजा॑ंसि॒  
 तान्ये॒वाव॑ रु॒द्ध उ॒त्ता॒नेषु॑ क॒पाले॒ष्वधि॑ श्रय॒त्यया॑तयाम॒त्वाय॒ द्वाद॑श॒  
 क॒पालः पुरो॒डाशः॑ (३१)

भ॒वति॒ वैश्व॑दे॒वत्वाय॑ स॒मन्त॑म्प॒र्यव॑द्यति स॒मन्त॑मेवेन्द्रि॒यं वी॒र्यं॑  
 यज॑माने दधाति व्य॒त्यास॑मन्वा॒हानि॑र्दाहा॒याश्च॑ ऋष॒भो वृ॒ष्णिर्ब॒स्तः  
 सा दक्षि॑णा वृष॒त्वायै॒तयै॒व य॑जेताभि॒शस्य॑मान ए॒ताश्चे॒द्वा अ॑स्य  
 दे॒वता॒ अन्न॑म॒दन्त्य॒दन्त्यु॑वे॒वास्य॑ मनु॒ष्याः॥ (३२)

इन्द्रि॒यका॑मः स॒वितु॑स्तेज॒स्तत्पु॒रोडा॑शोऽष्टा॒त्रिंश॑च॥ [७]

रज॑नो॒ वै कौ॑णे॒यः क्र॑तुजि॒तं जा॑न॒किं चक्षु॑र्व॒न्यम॑या॒त्तस्मा॑  
 ए॒तामि॑ष्टिं॒ निर॑वप॒दग्न॑ये॒ भ्राज॑स्वते॒ पुरो॒डाश॑म॒ष्टाक॑पाल॒ सौ॒र्यं  
 च॒रुम॒ग्नये॒ भ्राज॑स्वते॒ पुरो॒डाश॑म॒ष्टाक॑पाल॒न्तयै॒वास्मि॑श्चक्षु॒रदधा॑द्यश्चक्षु॒ष्ण  
 स्या॑त्तस्मा॑ ए॒तामि॑ष्टिं॒ निर्व॑पे॒दग्न॑ये॒ भ्राज॑स्वते॒ पुरो॒डाश॑म॒ष्टाक॑पाल॒ सौ॒र्यं  
 च॒रुम॒ग्नये॒ भ्राज॑स्वते॒ पुरो॒डाश॑म॒ष्टाक॑पालम॒ग्नेर्वै चक्षु॑षा  
 मनु॒ष्या॑ वि (३३)

प॒श्यन्ति॒ सूर्य॑स्य दे॒वा अ॒ग्निं चै॒व सूर्यं॑ च॒ स्वेन॑ भा॒गधे॒येनोप॑  
 धा॒वति॒ तावे॒वास्मि॑श्चक्षु॒र्धत्त॑श्चक्षु॒ष्माने॒व भ॑वति॒ यदा॑ग्ने॒यौ भ॑व॒तश्चक्षु॑षी  
 ए॒वास्मि॑न्तत्प्रति॒ दधा॑ति॒ यत्सौ॒र्यो ना॑सि॒कां तेना॒भितः॑ सौ॒र्यमा॑ग्ने॒यौ

भवत्स्तस्मादभितो नासिकां चक्षुषी तस्मान्नासिकया चक्षुषी विधृतं  
समानी याज्यानुवाक्यै भवतः समानं हि चक्षुः समृद्ध्या उदु त्यं  
जातवेदसं सप्त त्वा हरितो रथे चित्रं देवानामुदंगादनीकमिति  
पिण्डान्प्र यच्छति चक्षुरेवास्मै प्र यच्छति यदेव तस्य तत्॥ (३४)

वि ह्यष्टाविंशतिश्च॥ [८]

ध्रुवोऽसि ध्रुवोऽहं संजातेषु भूयासं धीरश्चेत्ता वसुविद्धुवो-  
ऽसि ध्रुवोऽहं संजातेषु भूयासमुग्रश्चेत्ता वसुविद्धुवोऽसि ध्रुवो-  
ऽहं संजातेषु भूयासमभिभूश्चेत्ता वसुविदामनमस्यामनस्य देवा-  
ये संजाताः कुमाराः समनसस्तानहं कामये हृदा ते मां कामयन्तां  
हृदा तान्म आमनसः कृधि स्वाहामनमसि (३५)

आमनस्य देवा याः स्त्रियः समनसस्ता अहं कामये हृदा ता  
मां कामयन्तां हृदा ता म आमनसः कृधि स्वाहा वैश्वदेवीं  
साङ्ग्रहणीं निर्वपेद्दामकामो वैश्वदेवा वै संजाता विश्वानेव  
देवान्स्वेन भागधेयेनोप धावति त एवास्मै सजातान्प्र यच्छन्ति  
ग्राम्येव भवति साङ्ग्रहणी भवति मनोग्रहणं वै संग्रहणम्मन एव  
संजातानाम् (३६)

गृह्णाति ध्रुवोऽसि ध्रुवोऽहं संजातेषु भूयासमिति परिधीन्परि-  
दधात्याशिषमेवैतामा शास्तेऽथो एतदेव सर्वं सजातेष्वधि भवति  
यस्यैवं विदुष एते परिधयः परिधीयन्त आमनमस्यामनस्य देवा



इति तिस्र आहुतीर्जुहोत्येतावन्तो वै सजाता ये महान्तो ये क्षुल्लका  
याः स्त्रियस्तानेवाव रुद्धे त एनमवरुद्धा उप तिष्ठन्ते॥ (३७)

स्वाहामनमसि सजातानां रुद्धे पञ्च च॥ [९]

यन्नवमैत्तन्नवनीतमभवद्यदसर्पत्तत्सर्पिरभवद्यदघ्नियत  
तद्धृतमभवदश्विनोः प्राणोऽसि तस्य ते दत्तां ययोः प्राणो-  
ऽसि स्वाहेन्द्रस्य प्राणोऽसि तस्य ते ददातु यस्य प्राणोऽसि  
स्वाहा मित्रावरुणयोः प्राणोऽसि तस्य ते दत्तां ययोः प्राणोऽसि  
स्वाहा विश्वेषां देवानां प्राणोऽसि (३८)

तस्य ते ददतु येषां प्राणोऽसि स्वाहा घृतस्य धाराममृतस्य  
पन्थामिन्द्रेण दत्ताम्प्रयताम्मरुद्धिः। तत्त्वा विष्णुः पर्यपश्यत्तत्त्वेडा  
गव्यैरयत्। पावमानेन त्वा स्तोमेन गायत्रस्य वर्तन्योपां शोर्वीर्येण  
देवस्त्वा सवितोऽसृजतु जीवातवे जीवनस्यायै बृहद्रथन्तरयोस्त्वा  
स्तोमेन त्रिष्टुभो वर्तन्या शुक्रस्य वीर्येण देवस्त्वा सवितोत् (३९)

सृजतु जीवातवे जीवनस्याया अग्नेस्त्वा मात्रया जगत्यै  
वर्तन्याग्रयणस्य वीर्येण देवस्त्वा सवितोऽसृजतु जीवातवे  
जीवनस्याया इममग्र आयुषे वर्चसे कृधि प्रियं रेतो वरुण सोम  
राजन्। मातेवास्मा अदिते शर्म यच्छु विश्वे देवा जरदष्टिर्यथासत्।  
अग्निरायुष्मान्त्स वनस्पतिभिरायुष्मान्तेन त्वायुषायुष्मन्तं

करोमि॒ सोम॒ आयुष्मान्त्स॒ ओषधी॑भिर्यज्ञ॒ आयुष्मान्त्स॒  
दक्षि॑णाभिर्ब्र॒ह्मायु॑ष्मत्तद्वा॒ह्मणै॑रायु॑ष्मद्दे॒वा आयु॑ष्मन्तस्ते॑ऽमृते॑न पि॒तर॒  
आयु॑ष्मन्तस्ते॒ स्वध॑यायु॑ष्मन्तस्तेन॒ त्वायु॑षायु॑ष्मन्तं करोमि॥ (४०)

विश्वे॑षां दे॒वानां॑ प्रा॒णोऽसि॑ त्रि॒ष्टुभो॑ वर्त॒न्या शु॒क्रस्य॑ वी॒र्येण॑ दे॒वस्त्वां  
सवि॑तो॒त्सोम॒ आयु॑ष्मान्श्च॒विंश॑तिश्च॥ [१०]

अ॒ग्निं वा ए॒तस्य॑ शरी॑रं गच्छ॒ति सोम॑ꣳ रसो॒ वरु॑ण  
ए॒नं वरु॑णपा॒शेन॑ गृ॒ह्णाति॑ सर॑स्वतीं वा॒ग॒ग्नाविष्णू॑ आ॒त्मा  
यस्य॑ ज्यो॒गाम॑यति॒ यो ज्यो॑गाम॒यावी॑ स्या॒द्यो वा का॑मये॒त  
सर्व॑मायु॑रिया॒मिति॑ तस्मा॑ ए॒तामि॑ष्टिं निर्व॑पेदा॒ग्नेय॑म॒ष्टाक॑पालꣳ  
सौ॒म्यं च॑रुं वा॒रुणं॑ दश॑कपालꣳ सा॒रस्व॑तं च॒रुमा॑ग्नावैष्ण॒वमेका॑-  
दश॑कपालम॒ग्नेरे॒वास्य॑ शरी॑रं निष्क्री॒णाति॑ सोमा॒द्रसम्॑ (४१)

वा॒रु॒णेनै॒वैनं॑ वरु॑णपा॒शान्मु॑ञ्चति सा॒रस्व॑तेन॒ वाचं॑ दधात्य॒ग्निः  
सर्वा॑ दे॒वता॒ विष्णु॑र्य॒ज्ञो दे॒वता॑भिश्चै॒वैनं॑ य॒ज्ञेन॑ च भिष॑ज्यत्यु॒त  
यदी॑तासु॒र्भव॑ति जी॒वत्ये॒व यन्न॑व॒मैत्तन्न॑वनी॒तम॑भव॒दित्या॑ज्य॒मवै॑क्षते  
रू॒पमे॒वास्यै॑तन्महि॒मानं॑ व्याच॑ष्टेऽश्वि॒नोः प्रा॒णोऽसी॑त्या॒हाश्वि॑नौ वै  
दे॒वाना॑म् (४२)

भिष॑जौ ताभ्या॑मे॒वास्मै॑ भेष॒जं करो॑तीन्द्र॒स्य प्रा॒णोऽ-  
सी॑त्याहेन्द्रि॒यमे॒वास्मि॑न्ने॒तेन॑ दधाति मि॒त्रावरु॑णयोः प्रा॒णोऽसी॑त्याह  
प्रा॒णापा॒नावे॒वास्मि॑न्ने॒तेन॑ दधाति॒ विश्वे॑षां दे॒वानां॑ प्रा॒णोऽसी॑त्याह

वीर्यमेवास्मिन्नेतेन दधाति घृतस्य धाराममृतस्य पन्थामित्याह  
यथायजुरेवैतत्पावमानेन त्वा स्तोमेनेति (४३)

आह प्राणमेवास्मिन्नेतेन दधाति बृहद्रथन्तरयोस्त्वा  
स्तोमेनेत्याहौज एवास्मिन्नेतेन दधात्यग्नेस्त्वा मात्रयेत्याहात्मानमेवास्मि  
दधात्यृत्विजः पर्याहुर्यावन्त एवर्त्विजस्त एनम्भिषज्यन्ति ब्रह्मणो  
हस्तमन्वारभ्य पर्याहुरेकधैव यजमान आयुर्दधति यदेव तस्य  
तद्धिरण्यात् (४४)

घृतं निष्पिबत्यायुर्वै घृतममृतं हिरण्यममृतादेवायुर्निष्पिबति  
शतमानम्भवति शतायुः पुरुषः शतेन्द्रिय आयुष्येवेन्द्रिये प्रति  
तिष्ठत्यथो खलु यावतीः समा एष्यन्मन्येत तावन्मानं  
स्यात्समृद्ध्या इममग्र आयुषे वर्चसे कृधीत्याहायुरेवास्मिन्वर्चो  
दधाति विश्वे देवा जरदष्टिर्यथासदित्याह जरदष्टिमेवैनं  
करोत्यग्निरायुष्मानिति हस्तं गृह्णात्येते वै देवा आयुष्मन्तस्त  
एवास्मिन्नायुर्दधति सर्वमायुरेति॥ (४५)

रसं देवानां स्तोमेनेति हिरण्यादसदिति द्वाविंशतिश्च॥ [११]

प्रजापतिर्वरुणायाश्वमनयत्स स्वां देवतामार्च्छत्स पर्यदीर्यत्  
स एतं वारुणं चतुष्कपालमपश्यत्तं निरवपत्ततो वै स  
वरुणपाशादमुच्यत् वरुणो वा एतं गृह्णाति योऽश्वं प्रतिगृह्णाति

यावतोऽश्वान्प्रतिगृह्णीयात्तावतो वारुणाश्चतुष्कपालान्निर्वपेद्वरुणमेव  
स्वेन भागधेयेनोप धावति स एवैनं वरुणपाशान्मुञ्चति (४६)

चतुष्कपाला भवन्ति चतुष्पाद्विश्वः समृद्ध्या एकमतिरिक्तं  
निर्वपेद्यमेव प्रतिग्राही भवति यं वा नाध्येति तस्मादेव  
वरुणपाशान्मुच्यते यद्यपरं प्रतिग्राही स्यात्सौर्यमेककपालमनु  
निर्वपेदमुमेवाऽऽदित्यमुच्चारं कुरुतेऽपोऽवभृथमवैत्यप्सु वै  
वरुणः साक्षादेव वरुणमव यजतेऽपोनप्रीयं चरुम्पुनरेत्य  
निर्वपेदप्सुयोनिर्वा अश्वः स्वामेवैनं योनिं गमयति स एनं  
शान्त उप तिष्ठते॥ (४७)

मुञ्चति चरुं सप्तदश च॥ [१२]

या वामिन्द्रावरुणा यतव्या तनूस्तयेममंहसो मुञ्चतं या  
वामिन्द्रावरुणा सहस्र्या रक्षस्या तेजस्या तनूस्तयेममंहसो मुञ्चतं  
यो वामिन्द्रावरुणावग्नौ सामस्तं वामेतेनाव यजे यो वामिन्द्रावरुणा  
द्विपात्सु पशुषु चतुष्पात्सु गोष्ठे गृहेष्वप्स्वोषधीषु वनस्पतिषु  
सामस्तं वामेतेनाव यज इन्द्रो वा एतस्य (४८)

इन्द्रियेणापं क्रामति वरुण एनं वरुणपाशेनं गृह्णाति  
यः पाप्मनां गृहीतो भवति यः पाप्मनां गृहीतः स्यात्तस्मा  
एतामैन्द्रावरुणीम्पयस्यां निर्वपेदिन्द्र एवास्मिन्निन्द्रियं दधाति  
वरुण एनं वरुणपाशान्मुञ्चति पयस्यां भवति पयो हि वा

ए॒तस्मा॑द॒प॒क्राम॑त्यथैष पा॒प्मना॑ गृही॒तो यत्प॑य॒स्या भव॑ति॒ पय॑  
ए॒वास्मि॑न्तया॑ दधाति॒ पय॑स्या॒याम् (४९)

पुरो॒डाश॑म॒व द॑धात्या॒त्मन्वन्त॑मे॒वैनं॑ करोत्यथो॒ आय॑त॒नव॑न्तमे॒व  
च॑तु॒र्धा व्यू॑हति॒ दिक्ष्वे॑व॒ प्रति॑ तिष्ठति॒ पुनः॑ समू॒हति॒ दिग्भ्य॑ ए॒वास्मै॑  
भे॒षजं॑ करोति॒ समू॑ह्या॒व द्यति॑ यथावि॒द्धं निष्कृ॑न्तति॒ तादृ॑गे॒व तद्यो॑  
वा॒मिन्द्रा॑वरुणाव॒ग्नौ स्ना॑म॒स्तं वा॑मे॒तेना॑व॒ यज॑ इत्या॒ह दु॑रि॒ष्ट्या  
ए॒वैन॑म्पाति॒ यो वा॑मिन्द्रावरुणा॒ द्विपा॑त्सु॒ पशु॑षु॒ स्नाम॑स्तं वा॑मे॒तेना॑व॒  
यज॑ इत्या॒हैता॑व॒तीर्वा॑ आप॒ ओष॑धयो॒ वन॑स्पत॒यः प्र॑जाः प॒शव॑  
उपजी॒वनी॑या॒स्ता ए॒वास्मै॑ वरुणा॒शा॒न्मुञ्च॑ति॥ (५०)

ए॒तस्य॑ पय॒स्याया॑म्पाति॒ षड्विं॑शतिश्च॥ \_\_\_\_\_ [१३]

स प्र॒ल॒वन्नि॑ का॒व्येन्द्रं॑ वो वि॒श्वत॑स्परीन्द्रं॒ नरः॑। त्वं नः॑ सोम  
वि॒श्वतो॑ रक्षा॒ राज॑न्नघाय॒तः। न रि॑ष्येत्त्वा॒वतः॑ सखा॑। या ते॒ धामा॑नि  
दि॒वि या पृ॑थि॒व्यां या प॑र्व॒तेष्वोष॑धीष्व॒प्सु। तेभि॑र्नो॒ विश्वैः॑ सु॒मना॑  
अहे॒ड॒न्नाज॑न्त्यसोम॒ प्रति॑ ह॒व्या गृ॑भाय। अ॒ग्नीषो॑मा॒ सवे॑दसा॒ सह॑ती  
वन॑तं॒ गिरः॑। सं दै॒वत्रा॑ ब॒भूव॑थुः। यु॒वम् (५१)

ए॒तानि॑ दि॒वि रो॑च॒नान्य॑ग्निश्च॒ सोम॑ स॒क्रतू॑ अध॒त्तम्।  
यु॒व२ सि॒न्धू२ र॒भि॒शेस्ते॑र॒वद्या॑द॒ग्नीषो॑मा॒वमु॑ञ्चतं॒ गृभी॑तान्।  
अ॒ग्नीषो॑मा॒विम॑२ सु॒ मे शृ॑णुतं वृ॒षणा॑ ह॒वम्। प्रति॑ सू॒क्तानि॑  
हर्य॑त॒म्भव॑तं द॒शुषे॑ म॒यः। आ॒न्यं दि॒वो मा॑त॒रिश्वा॑ जभा॒राम॑भ्रा॒दन्यं॑

परिं श्येनो अद्रेः। अग्नीषोमा ब्रह्मणा वावृधानोरुं यज्ञाय चक्रथुरु  
लोकम्। अग्नीषोमा हविषः प्रस्थितस्य वीतम् (५२)

हर्यतं वृषणा जुषेथाम्। सुशर्माणा स्ववंसा हि भूतमथा  
धत्तं यजमानाय शं योः। आ प्यायस्व सं तै। गुणानां त्वा  
गुणपतिः५ हवामहे कविं कवीनामुपमश्रवस्तमम्। ज्येष्ठराजं ब्रह्मणां  
ब्रह्मणस्पत आ नः शृण्वन्नृतिभिः सीद सादनम्। स इज्जनेन स  
विशा स जन्मना स पुत्रैर्वाजम्भरते धना नृभिः। देवानां यः  
पितरमाविवांसति (५३)

श्रद्धामना हविषा ब्रह्मणस्पतिम्। स सुष्टुभा स ऋक्ता  
गुणेन वलः५ रुरोज फलिगः५ रवेण। बृहस्पतिरुस्रिया हव्यसूदः  
कनिक्रदद्वावंशतीरुदाजत्। मरुतो यद्ध वो दिवो या वः शर्म।  
अर्यमा याति वृषभस्तुविष्मान्दाता वसूनां पुरुहूतो अरहन्।  
सहस्राक्षो गौत्रभिद्वज्रबाहुरस्मासु देवो द्रविणं दधातु। ये  
तैर्यमन्ब्रह्मो देवयानाः पन्थानः (५४)

राजन्दिव आचरन्ति। तेभिर्नो देव महि शर्म यच्छ शं न  
एधि द्विपदे शं चतुष्पदे। बुध्रादग्रमङ्गिरोभिर्गृणानो वि पर्वतस्य  
दृ५हितान्यैरत्। रुजद्रोधा५सि कृत्रिमाण्येषा५ सोमस्य ता मद  
इन्द्रश्चकार। बुध्रादग्रेण वि मिमाय मानैर्वज्रेण खान्यतृणन्नदीनाम्।  
वृथासृजत्पृथिभिर्दीर्घयाथैः सोमस्य ता मद इन्द्रश्चकार (५५)

प्र यो जज्ञे विद्वां॑ अ॒स्य बन्धुं॑ वि॒श्वानि॑ दे॒वो जनि॑मा  
विवक्ति। ब्रह्म॑ ब्रह्म॑ण॒ उज्ज॑भार॒ मध्या॑न्नी॒चादु॒च्चा स्व॒धया॑भि प्र  
त॑स्थौ। म॒हान्म॒ही अ॑स्तभाय॒द्वि जा॒तो द्या॑ स॒द्य पार्थि॑वं च॒ रजः॑।  
स बु॒ध्रादा॑ष्ट ज॒नुषा॑भ्यग्र॒म्बृह॑स्पतिर्दे॒वता॒ यस्य॑ स॒म्राट्। बु॒ध्राद्यो  
अग्र॑म॒भ्यर्त्यो॑जसा॒ बृह॑स्पति॒मा वि॑वासन्ति दे॒वाः। भि॒नद्व॑लं वि  
पुरो॑ दर्दरीति॒ कनि॑क्रद॒ध्सुव॑र॒पो जि॑गाय॥ (५६)

[आदित्येभ्यो देवा वै मृत्योर्देवा वै सत्रमयम्णे प्रजापतेभ्यस्त्रिंशत्प्रजापतिर्देवेभ्यो-  
ऽत्राद्यन्देवासुरास्तात्रजानो द्वौऽसि यत्रवमग्निं वै प्रजापतिर्वरुणाय या वामिन्द्रावरुण सप्रब्रवचतुर्दश॥14॥  
आदित्येभ्यस्त्वष्टरस्मै दानकामा एवावरुन्धेऽग्निं वै सप्रब्रवथ्यद्वंशशत्॥56॥ आदित्येभ्यः सुवरपो जिगाय॥]

[युवं वीतमा विवासति पन्थानो दीर्घयाथैः सोमस्य ता मद इन्द्रश्चकार  
देवा नव च॥

[१४]

## ॥चतुर्थः प्रश्नः॥

॥तैत्तिरीयसंहितायां द्वितीयकाण्डे चतुर्थः प्रश्नः॥

देवा मनुष्याः पितरस्तेऽन्यत आसन्नसुरा रक्षांसि पिशाचास्तेऽन्यतस्तेषां देवानामुत यदल्पं  
लोहितमकुर्वन्तद्रक्षांसि रात्रौभिरसुभ्रन्तान्स्युव्यान्मृतानभि व्योच्छ्रुते देवा अविदुर्यो वै नोऽयमिष्यते रक्षांसि  
वा इमं धृन्तीति ते रक्षांस्युपांमन्नयन्त तान्यब्रुवन्वरं वृणामहे यत् (१)

असुराञ्जयां तन्नः सहासदिति ततो वै देवा असुरानजयन्तेऽसुराञ्जित्वा रक्षांस्युपांनुदन्त तानि  
रक्षांस्युनृतमकर्तेति समन्तं देवान्यर्थविशन्ते देवा अग्नावनाथन्त तैः अग्नये प्रवन्ते पुरोडाशमष्टाकपालं निरवपन्नग्नये  
विबाधवन्तेऽग्नये प्रतीकवते यदग्नये प्रवन्ते निरवपन् यान्येव पुरस्ताद्रक्षांसि (२)

आसन्तानि तेन प्राणुदन्त यदग्नये विबाधवन्ते यान्येवाभितो रक्षांस्युपासन्तानि तेन व्यबाधन्त यदग्नये  
प्रतीकवते यान्येव पश्चाद्रक्षांस्युपासन्तानि तेनापांनुदन्त ततो वै देवा अभवन्त्यासुरा यो भ्रातृव्यान्व्यास्यथ्स  
स्पर्धमान एतयेष्ट्या यजेताग्नये प्रवन्ते पुरोडाशमष्टाकपालं निर्वपेदग्नये विबाधवन्ते (३)

अग्नये प्रतीकवते यदग्नये प्रवन्ते निर्वपति य एवास्माच्छ्रयान्भ्रातृव्यस्तं तेन प्र णुदते यदग्नये  
विबाधवन्ते य एवैनं सदृङ्गं तेन वि बाधते यदग्नये प्रतीकवते य एवास्मात्पापीयान्तं तेनाप नुदते प्र

श्रेयाःसम्भ्रातृव्यं नुदतेऽति सृष्टं क्रामति नैनम्यापीयानाप्रोति य एवं विद्वानेतयेष्टा यजते॥ (४)

**वृणामहे यत्पुरस्ताद्रक्षासि वपेदग्रये विबाधवत एवं चत्वारि च॥** [१]

देवासुराः संयन्ता आसन्ते देवा अंब्रवन् यो नो वीर्यावत्तमस्तमनुं समारंभामहा इति त इन्द्रमंब्रवन्त्वं वै नो वीर्यावत्तमोऽसि त्वामनुं समारंभामहा इति सोऽब्रवीत्तिस्रो मं इमास्तनुवा वीर्यावतीस्ताः प्राणीताथासुरान्भि भविष्येति ता वै ब्रूहीत्यंब्रवन्नियमं होमुगियं विमृधेयमिन्द्रियावती (५)

इत्यंब्रवीत् इन्द्रायां होमुचै पुरोडाशमेकादशकपालं निरवपन्नन्द्राय वैमृधायैन्द्रियावतं यदिन्द्रायां होमुचै निरवपन्नं हंस एव तेनामृच्यन्त यदिन्द्राय वैमृधाय मृधं एव तेनापाप्रात यदिन्द्रायैन्द्रियावतं इन्द्रियमेव तेनात्मन्नदधत् त्रयंस्त्रिंशत्कपालं पुरोडाशं निरवपन्नयंस्त्रिंशद्वै देवतास्ता इन्द्र आत्मन्ननुं समारंभयत् भूत्यै (६)

तां वाव देवा विजितिमुत्तमामसुरैर्व्यजयन्त यो भ्रातृव्यवान्स्याथ्स स्पर्धमान एतयेष्टा यजेतेन्द्रायां होमुचै पुरोडाशमेकादशकपालं निर्वपेदिन्द्राय वैमृधायैन्द्रियावतेऽहंसा वा एष गृहीतो यस्माच्छ्रेयान्भ्रातृव्यो यदिन्द्रायां होमुचै निर्वपत्यहंसा एव तेनं मुच्यते मृधा वा एषोऽभिषण्णो यस्मांश्मानेष्वन्यः श्रेयानुत (७)

अभ्रातृव्यो यदिन्द्राय वैमृधाय मृधं एव तेनापं हते यदिन्द्रायैन्द्रियावतं इन्द्रियमेव तेनात्मन्धत् त्रयंस्त्रिंशत्कपालं पुरोडाशं निर्वपति त्रयंस्त्रिंशद्वै देवतास्ता एव यजमान आत्मन्ननुं समारंभयते भूत्यै सा वा एषा विजितिर्नामिष्टियं एवं विद्वानेतयेष्टा यजत उत्तमामेव विजितिम्भ्रातृव्येण वि जयते॥ (८)

**इन्द्रियावती भूत्या उत्तैकान्नपञ्चाशच्च॥** [२]

देवासुराः संयन्ता आसन्तेषां गायत्र्योजो बलमिन्द्रियं वीर्यं प्रजां पशून्संगृह्यादायांप्रकम्यातिष्ठतैऽमन्यन्त यतरान् वा इयमुपावर्ष्यति त इदम्भविष्यन्तीति तां व्यह्वयन्त विश्वकर्मत्रिति देवा दाभीत्यसुराः सा नान्यतराश्च नोपावर्तत ते देवा एतद्यजुरपश्यन्नोजोऽसि सहोऽसि बलमसि (९)

भ्राजोऽसि देवानां धाम नामासि विश्वमसि विश्वायुः सर्वमसि सर्वायुरभिभूरिति वाव देवा असुराणामोजो बलमिन्द्रियं वीर्यं प्रजां पशून्वृञ्जत यद्वायुत्र्यंप्रकम्यातिष्ठत्स्मादितां गायत्रीतीष्टिमाहुः संवत्सरो वै गायत्री संवत्सरो वै तदंप्रकम्यातिष्ठद्यदेतया देवा असुराणामोजो बलमिन्द्रियं वीर्यम् (१०)

प्रजां पशून्वृञ्जत तस्मादितां सर्वग इतीष्टिमाहुर्यो भ्रातृव्यवान्स्याथ्स स्पर्धमान एतयेष्टां यजेताग्रये संवर्गाय पुरोडाशमष्टाकपालं निर्वपेत् श्रुतमासन्नमेतेन यजुषाभि मृशेदोजं एव बलमिन्द्रियं वीर्यं प्रजां पशून्भ्रातृव्यस्य वृङ्क्ते भवत्यात्मना परांस्य भ्रातृव्यो भवति॥ (११)

**बलमस्येतया देवा असुराणामोजो बलमिन्द्रियं वीर्यं पञ्चचत्वारिंशच्च॥** [३]

प्रजापतिः प्रजा असृजत् ता अंस्मात्सृष्टाः परांचीरायन्ता यत्रावसन्ततो गर्मुदुदतिष्ठता बृहस्पतिश्चान्वैतां



सौऽब्रवीद्बृहस्पतिरनयां त्वा प्र तिष्ठान्यथ त्वा प्रजा उपावर्धस्यन्तीति तम्प्रातिष्ठत्ततो वै प्रजापतिं प्रजा उपावर्तन्त यः प्रजाकामः स्यात्तस्मा एतम्प्राजापत्यं गार्मुतं चरुं निर्वपेत्प्रजापतिम् (१२)

एव स्वेन भागधेयेनोपं धावति स एवास्मै प्रजाम्प्र जंनयति प्रजापतिः पशून्सृजत् तैऽस्माभ्युष्टाः पराञ्च आयन्ते यत्रावसन्ततो गर्मुददतिष्ठत्तान्युषा चान्वैताः सौऽब्रवीत्पूषानयां मा प्र तिष्ठथं त्वा पशवं उपावर्धस्यन्तीति माम्प्र तिष्ठेति सोमोऽब्रवीन्मम वै (१३)

अकृष्टपच्यमित्युभौ वाम्प्र तिष्ठानीत्यब्रवीत्तौ प्रातिष्ठत्ततो वै प्रजापतिम्पशवं उपावर्तन्त यः पशुकामः स्यात्तस्मा एतं सौमापौष्णं गार्मुतं चरुं निर्वपेत्सोमापूषणावेव स्वेन भागधेयेनोपं धावति तावेवास्मै पशून्प्र जंनयतः सोमो वै रेतोधाः पूषा पशूनाम्प्रजंनयिता सोमं एवास्मै रेतो दधाति पूषा पशून्प्र जंनयति॥ (१४)

**वपेत्प्रजापतिं वै दधाति पूषा त्रीणि च॥** [४]

अग्रे गोभिर्न आ गृहीदों पुष्ट्या जुषस्व नः॥ इन्द्रो धर्ता गृहेषु नः॥ सविता यः संहस्त्रियः स नो गृहेषु रारणत्॥ आ पूषा एत्वा वसु॥ धाता दंदातु नो रयिमोशनो जगत्स्पतिः॥ स नः पूर्णेन वावन्त॥ त्वष्टा यो वृषभो वृषा स नो गृहेषु रारणत्॥ सहस्रेणायुतेन च॥ येन देवा अमृतम् (१५)

दीर्घं श्रवो दिव्यैरयन्त॥ रायस्पोष त्वमस्मभ्यं गवां कुल्मिं जीवस् आ युवस्वा॥ अग्निर्गृहपतिः सोमो विश्वर्निः सविता सुमेधाः स्वाहा॥ अग्रे गृहपते यस्ते घृत्यो भागस्तेन सह ओज आक्रममाणाय पेहि श्रेष्ठात्पथो मा योषं मूर्धा भूयासुः स्वाहा॥ (१६)

**अमृतमृष्टात्रिंशच्च॥** [५]

चित्रयां यजेत पशुकाम इयं वै चित्रा यद्वा अस्यां विश्वम्भूतमधिं प्रजायते तेनेयं चित्रा य एवं विद्वाश्चित्रयां पशुकामो यजते प्र प्रजयां पशुभिर्मिथुनैर्जायते प्रैवाग्नेयेन वापयति रेतः सौम्येन दधाति रेतं एव हितं त्वष्टा रूपाणि वि करोति सारस्वतो भवत एतद्वै दैव्यमिथुनं दैव्यमेवास्मै (१७)

मिथुनमम्यतो दधाति पुष्ट्यै प्रजननाय सिनीवाल्यै चरुर्भवति वाग्वै सिनीवाली पुष्टिः खलु वै वाक्पुष्टिमेव वाचमुपैत्येन्द्र उतमो भवति तेनैव तन्मिथुनं सप्तैतानि हवींषि भवन्ति सप्त ग्राम्याः पशवंः सप्तारण्याः सप्त छन्दाश्स्युभयस्यावरुद्धा अथैता आहुतीर्जुहोत्येते वै देवाः पुष्टिपतयस्त एवास्मिन्पुष्टिं दधति पुष्यति प्रजयां पशुभिरथो यदेता आहुतीर्जुहोति प्रतिष्ठित्यै॥ (१८)

**अस्मै त एव द्वादश च॥** [६]

मारुतमंसि मरुतामोजोऽपां धारां भिन्धि रमयत मरुतः श्येनमायिन्ममनोजवसं वृषणं सुवृक्तिम्॥ येन शर्ध उग्रमवसृष्टमेति तदध्विना परि धत्तं स्वस्ति॥ पुरोवातो वर्षर्षिञ्जिन्वरावृध्स्वाहा वातावृद्धर्षन्नुग्ररावृध्स्वाहा स्तनयन्वर्षन्नीमरावृध्स्वाहानशन्यवस्फूर्जन्दिद्युद्धर्षन्त्वेषरावृध्स्वाहातिरात्रं वर्षन्पूतिरावृत् (१९)

स्वाहां बहु हायमवृषादिति श्रुतरावृथ्वाहातपति वरपन्विराडावृथ्वाहावस्फूर्जन्दिद्युद्वरपन्भूतरावृथ्वाहा  
मान्दा वाशाः शुन्ध्यूरजिगाः। ज्योतिष्मतीस्तमस्वरीरुन्दतीः सुफेनाः। मित्रभृतः क्षत्रभृतः सुराष्ट्रा इह मांऽवता  
वृष्णो अश्वस्य सुदानमसि वृष्टे त्वोपं नह्यामि॥ (२०)

पूर्तिरावृद्धिचत्वारिंशच्च॥ [७]

देवां वसव्या अग्रे सोम सूर्य। देवाः शर्मण्या मित्रावरुणार्यमन्त्र। देवाः सपीतयोऽपां नपादाशुहेमन्त्र। उद्रो  
दन्तोऽदधिभिन्त दिवः पर्जन्यादन्तरिक्षात्पृथिव्यास्ततो नो वृष्ट्यांऽवत। दिवां चित्तमः कृण्वन्ति पर्जन्येनोदवाहेन।  
पृथिवीं यद्बुदन्ति। आ यं नरः सुदानवो ददाशुपे दिवः कोशमचुच्यवुः। वि पर्जन्याः सृजन्ति रोदसी  
अनु धन्वना यन्ति (२१)

वृष्टयः। उदीरयथा मरुतः समुद्रतो यूयं वृष्टिं वरषयथा पुरीषिणः। न वो दस्मा उपं दस्यन्ति  
धेनवः शुभं यातामनु रथां अवृथसत। सृजा वृष्टिं दिव आद्विः समुद्रं पृण। अञ्जा अंसि प्रथमजा बलमसि  
समुद्रियम्। उन्नम्भय पृथिवीम्भिन्दीदं दिव्यं नभः। उद्रो दिव्यस्य नो देहीशानो वि सृजा दृतिम्। ये देवा  
दिविभागा यैऽन्तरिक्षभागा ये पृथिविभागाः। त इमं यज्ञमवन्तु त इदं क्षेत्रमा विंशन्तु त इदं क्षेत्रमनु  
वि विंशन्तु॥ (२२)

यन्ति देवा विंशतिश्च॥ [८]

मार्तमसि मरुतामोज इति कृष्णं वासः कृष्णतूपं परि धत्त एतद्वै वृष्टे रूपं सरूप एव  
भूत्वा पर्जन्यं वरषयति रमयत मरुतः श्येनमायिनमिति पश्चाद्वातं प्रति मीवति पुरोवातमेव जनयति  
वर्षस्यावरुद्धे वातनामानि जुहोति वायुवै वृष्ट्या ईशे वायुमेव स्वेन भागधेयेनोपं धावति स एवास्मै  
पर्जन्यं वरषयत्यष्टौ (२३)

जुहोति चतस्रो वै दिशश्चतस्रोऽवान्तरदिशा दिग्भ्य एव वृष्टिः सम्प्र च्यावयति कृष्णाजिने सं  
यौति हविरेवाकरन्तर्वेदि सं यौत्यवरुद्धे यतीनामद्यमानानां शीर्षाणि परापतन्ते खर्जूरं अभवन्तेषां  
रसं ऊर्ध्वोऽपतत्तानि करीराण्यभवन्सौम्यानि वै करीराणि सौम्या खलु वा आहुतिर्दिवो वृष्टिं च्यावयति  
यत्करीराणि भवन्ति (२४)

सौम्यैवाहुत्या दिवो वृष्टिमव रुद्धे मधुषा सं यौत्यपां वा एष ओषधीनां रसो यन्मध्वञ्च  
एवोषधीभ्यो वरषत्यथो अञ्च एवोषधीभ्यो वृष्टिं नि नयति मान्दा वाशा इति सं यौति नामधेयैरेवेना  
अच्छैत्यथो यथा ब्रूयादसावेहीत्येवमेवेनां नामधेयैरा (२५)

च्यावयति वृष्णो अश्वस्य सुदानमसि वृष्टे त्वोपं नह्यामीत्याहु वृषा वा अश्वो वृषा पर्जन्यः कृष्ण  
इव खलु वै भूत्वा वरषति रूपेणैवैव संमर्धयति वर्षस्यावरुद्धौ॥ (२६)

अष्टौ भवन्ति नामधेयैरेकान्त्रिंशच्च॥ [९]

देवां वसव्या देवाः शर्मण्या देवाः सपीतय इत्या बभ्राति देवताभिरेवान्वहं वृष्टिमिच्छति यदि

वर्षेत्तावत्येव हंतव्यं यदि न वर्षेच्छो भूते हविर्निर्वपेदहोरात्रे वै मित्रावरुणावहोरात्राभ्यां खलु वै पर्जन्यो वर्षति नक्तं वा हि दिवा वा वर्षति मित्रावरुणावेव स्वेन भागधेयेनोप धावति तावेवास्मै (२७)

अहोरात्राभ्यां पर्जन्यं वर्षयतोऽग्रये धामच्छदे पुरोडाशमष्टाकपालं निर्वपेन्मारुतं सप्तकपालं सौर्यमेककपालमग्निं वा इतो वृष्टिमुदीरयति मरुतः सृष्टां नयन्ति यदा खलु वा असावादित्यो न्यङ्गश्मिभिः पर्यावर्ततेऽथ वर्षति धामच्छदिव खलु वै भूत्वा वर्षत्येता वै देवता वृष्ट्या ईशते ता एव स्वेन भागधेयेनोप धावति ताः (२८)

एवास्मै पर्जन्यं वर्षयन्त्युतावरपिष्यन्वरपत्येव सृजा वृष्टिं दिव आद्भिः संमुद्रं पूणेत्याहेमाश्चैवामृक्षपः समर्धयत्यथो अभिरेवामूरच्छैत्यजा अंसि प्रथमजा बलमसि समुद्रियमित्याह यथायजुर्वैतदुन्नम्भय पृथिवीमिति वर्षाणां जुहोत्येषा वा ओषधीनां वृष्टिबनिस्तयेव वृष्टिमा च्यावयति ये देवा दिविभागा इति कृष्णाजिनमवं धूनीतोम एवास्मै लोकाः प्रीता अभीष्टा भवन्ति॥ (२९)

अस्मै धावति ता वा एकविंशतिश्च॥ [१०]

सर्वाणि छन्दांस्येतस्यामिध्यामनूच्यानीत्याहुस्त्रिष्टुभो वा एतद्वीर्यं यत्कुदुष्णिहा जगत्यै यदुष्णिहककुभावन्वाहु तेनैव सर्वाणि छन्दांस्येवं रुद्धे गायत्री वा एषा यदुष्णिहा यानि चत्वार्यध्यक्षराणि चतुष्पाद एव ते पशवो यथा पुरोडाशे पुरोडाशोऽध्येवमेव तद्यद्व्यध्यक्षराणि यज्जगत्या (३०)

परिदध्यादन्तं यज्ञं गमयेन्निष्टुभा परि दधातीन्द्रियं वै वीर्यं त्रिष्टुर्गिन्द्रिय एव वीर्यं यज्ञं प्रतिंष्टापयति नान्तं गमयत्यग्ने त्री ते वाजिना त्री पृथस्थेति त्रिवंत्या परि दधाति सरूपत्वाय सर्वो वा एष यज्ञो यन्नैधातुवीर्यं कामायकामाय प्र युज्यते सर्वेभ्यो हि कामेभ्यो यज्ञः प्रयुज्यते त्रैधातुवीर्येन यजेताभिचरन्सर्वो वै (३१)

एष यज्ञो यन्नैधातुवीर्यं सर्वेणैवैनं यजेनाभि चरति स्तृणुत एवेनमेतयेव यंजेताभिचर्यमाणः सर्वो वा एष यज्ञो यन्नैधातुवीर्यं सर्वेणैव यजेनं यजते नैनमभिचरन्स्तृणुत एतयेव यंजेत सहस्रेण यक्ष्यमाणः प्रजातमेवेनद्वादत्येतयेव यंजेत सहस्रेणेजानोऽन्तं वा एष पशूनां गच्छति (३२)

यः सहस्रेण यजते प्रजापतिः खलु वै पशून्सृजत तां त्रैधातुवीर्येनैवासृजत य एवं विद्वास्त्रैधातुवीर्येन पशुकामो यजते यस्मादेव योनैः प्रजापतिः पशून्सृजत तस्मादेवेनैन्सृजत उपैन्मुत्तरं सहस्रं नमति देवताभ्यो वा एष आ वृश्यते यो यक्ष्य इत्युक्त्वा न यजते त्रैधातुवीर्येन यजेत सर्वो वा एष यज्ञः (३३)

यन्नैधातुवीर्यं सर्वेणैव यजेनं यजते न देवताभ्य आ वृश्यते द्वादशकपालः पुरोडाशो भवति ते त्रयश्चतुष्कपालास्त्रिः षमृद्धत्वाय त्रयः पुरोडाशा भवन्ति त्रयं इमे लोका एषां लोकानामास्या उत्तरउत्तरो ज्यायांभवत्येवमिव होमे लोका यंवमयो मध्यं एतद्वा अन्तरिक्षस्य रूपं समृद्धौ सर्वेषामभिगमयन्नवं द्यत्यर्धम्बद्धारं हिरण्यं ददाति तेज एव (३४)

अवं रुद्धे तार्प्यं ददाति पशून्नेवावं रुद्धे धेनुं ददात्याशिषं एवावं रुद्धे साम्नो वा एष वर्णो

यद्धिरण्यं यजुषां तार्प्यमुक्थामदानां धेनुरेतानेव सर्वान् वर्णानव रुद्धे॥ (३५)

जगत्याऽभिचरन्त्सर्वो वै गच्छति यज्ञस्तेज एव त्रिंशच्च॥ [११]

त्वष्टा हतपुत्रो वीन्द्रः सोममाहर्त्तस्मिन्त्रिंश उपहवमैच्छत् तं नोपाह्वयत् पुत्रस्मैऽवधीरिति स यज्ञवेशसं कृत्वा प्रामहा सोममपिबत्तस्य यदत्यर्शेय्यत् तत्त्वष्टाहवनीयमुप प्रावर्तयध्वाहेन्द्रशत्रुर्वधुस्वेति स यावदूर्ध्वः पराविध्यति तावति स्वयमेव व्यरमत यदि वा तावत्प्रवणम् (३६)

आसीद्यदि वा तावदध्यग्रेरासीत्स सम्भवंत्रीपोमावभि समभवत्स इंपुमात्रमिंपुमात्रं विष्वङ्बुवर्धत् स इमाल्लोकानवृणोद्यदिमाल्लोकानवृणोत्तद्वृत्रस्य वृत्रत्वन्तस्मादिन्द्रोऽविभेदपि त्वष्टा तस्मै त्वष्टा वज्रमसिञ्चत्पो वै स वज्रं आसीत्तमुद्यन्तुं नाशंक्रोदथ वै तर्हि विष्णुः (३७)

अन्या देवतासीत्सोऽब्रवीद्विष्णवेहीदमा हरिष्यावो येनायमिदमिति स विष्णुस्तेधात्मानं वि न्यधत् पृथिव्यां तृतीयमन्तरिक्षे तृतीयं दिवि तृतीयमभिपर्यावर्ताद्विभेद्यत्पृथिव्यां तृतीयमासीत्तेनेन्द्रो वज्रमुदयच्छद्विष्णवंनुस्थितः सोऽब्रवीन्मा मे प्र हारस्ति वा इदम् (३८)

मयि वीर्यं तत्ते प्र दास्यामीति तदस्मै प्रायच्छत्तत्प्रत्यंगृह्णादधा मेति तद्विष्णवेति प्रायच्छत्तद्विष्णुः प्रत्यंगृह्णादस्मास्विन्द्रं इन्द्रियं दधात्विति यदन्तरिक्षे तृतीयमासीत्तेनेन्द्रो वज्रमुदयच्छद्विष्णवंनुस्थितः सोऽब्रवीन्मा मे प्र हारस्ति वा इदम् (३९)

मयि वीर्यं तत्ते प्र दास्यामीति तदस्मै प्रायच्छत्तत्प्रत्यंगृह्णाद्विर्माधा इति तद्विष्णवेति प्रायच्छत्तद्विष्णुः प्रत्यंगृह्णादस्मास्विन्द्रं इन्द्रियं दधात्विति यद्वि वि तृतीयमासीत्तेनेन्द्रो वज्रमुदयच्छद्विष्णवंनुस्थितः सोऽब्रवीन्मा मे प्र हार्येनाहम् (४०)

इदमस्मि तत्ते प्र दास्यामीति त्वी (३) इत्यब्रवीत्सन्धान्तु सं दधावह त्वामेव प्र विंशानीति यन्माम्रविशेः किम्मा भुञ्ज्या इत्यब्रवीत्त्वामेवेन्धीय तव भोगाय त्वाम्प्र विशेयमित्यब्रवीत् तवृत्रः प्राविशदुदरं वै वृत्रः क्षुत्खलु वै मनुष्यस्य भ्रातृव्यो यः (४१)

एवं वेद हन्ति क्षुधमभ्रातृव्यन्तदस्मै प्रायच्छत्तत्प्रत्यंगृह्णात्त्रिर्माधा इति तद्विष्णवेति प्रायच्छत्तद्विष्णुः प्रत्यंगृह्णादस्मास्विन्द्रं इन्द्रियं दधात्विति यत्रिः प्रायच्छत्रिः प्रत्यंगृह्णात्तत्रिधातौस्त्रिधातुत्वं यद्विष्णुर्नवतिष्ठत् विष्णवेति प्रायच्छत्तस्मादेन्द्रावैष्णवः हविर्भवति यद्वा इदं किं च तदस्मै तत्प्रायच्छदृचः सामानि यजूंषि सहस्रं वा अस्मै तत्प्रायच्छत्तस्मात्सहस्रदक्षिणम्॥ (४२)

प्रवणं विष्णुर्वा इदमिदमहं यो भवत्येकविंशतिश्च॥ [१२]

देवा वै राज्ञ्योऽज्ञायमानादविभयुस्तमन्तरेव सन्तं दाम्नापौम्भन्त्स वा एषोऽपौब्धो जायते यद्राज्ञ्यो यद्वा एषोऽनपौब्धो जायेत वृत्रान्भृक्षरेद्यं कामयेत राज्ञ्यमनपौब्धो जायेत वृत्रान्भृक्षरेदिति तस्मा एतमैन्द्राबारहस्पत्यं चरुं निर्वपेदेन्द्रो वै राज्ञ्यो ब्रह्म बृहस्पतिर्ब्रह्मणैवेनं दाम्नोऽपोम्भनान्मुञ्चति हिरण्मयं दाम्

दक्षिणा साक्षादेवैनं दाम्नोऽपोम्भनान्मुञ्चति॥ (४३)

ए॒नं द्वा॒दश॑ च॥ \_\_\_\_\_ [१३]

नवोनवो भवति जायमानोऽह्नां केतुरुपसामेत्यग्रे। भागं देवेभ्यो वि दधात्यायन् चन्द्रमांस्तिरति दीर्घमायुः। यमादित्या अशुमाप्याययन्ति यमक्षितमक्षितयः पिबन्ति। तेन नो राजा वरुणो बृहस्पतिरा प्याययन्तु भुवन्तस्य गोपाः। प्राच्यां दिशि त्वमिन्द्रासि राजोतोर्दीच्यां वृत्रहन्वृत्रहासि। यत्र यन्ति स्रोत्यास्तत् (४४)

जितं तं दक्षिणतो वृषभ एधि हव्यः। इन्द्रो जयाति न परां जयाता अधिराजो राजंसु राजयाति। विश्वा हि भूयाः पूर्तना अभिष्टीरुपसद्यो नमस्यो यथासत्। अस्येदेव प्र रिरिचे महित्वं दिवः पृथिव्याः पर्यन्तरिक्षात्। स्वराडिन्द्रो दम् आ विश्वगूतः स्वरिरमत्रो ववक्षे रणांय। अभि त्वां शूर नोनुमोऽदुग्धा इव धेनवः। ईशानम् (४५)

अस्य जगतः सुवर्हशमीशानमिन्द्र तस्थुषः। त्वामिद्धि हवांमहे साता वाजंस्य कारवः। त्वां वृत्रेष्विन्द्र सत्पतिं नरस्त्वां काष्ठास्वर्वतः। यद्वावं इन्द्र ते शतं शतम्भूमिरुत स्युः। न त्वां वज्रिन्सहस्रं सूर्या अनु न जातमष्ट रोदसी। पिबा सोममिन्द्र मन्दतु त्वा यं ते सुपावं हर्यश्वाद्रिः। (४६)

सोतुर्बाहुभ्यां सुयतो नावा। रेवतीर्नः सधमाद् इन्द्रं सन्तु तुविवांजाः। क्षुमन्तो याभिर्मदमा उदग्रे शुचयस्तव वि ज्योतिषोदु त्यं जातवैदसं सप्त त्वां हरितो रथे वहन्ति देव सूर्य। शोचिष्केशं विचक्षण। चित्रं देवानामुदगादनीकं चक्षुर्मित्रस्य वरुणस्याग्रे। आऽप्रा द्यावापृथिवी अन्तरिक्षं सूर्य आत्मा जगतस्तस्थुषः (४७)

च। विश्वे देवा ऋतावर्धं ऋतुभिर्हवनश्चतः। जुपन्तां युज्यम्पयः। विश्वे देवाः शृणुतेमं हवम्मे ये अन्तरिक्षे य उप दधि ष्ठा। ये अग्निजिह्वा उत वा यजत्रा आसद्यास्मिन्ब्रहिषि मादयध्वम् (४८)

देवा मनुष्या देवासुरा अब्रुवन्देवासुरास्तेषांङ्गायत्री प्रजापतिस्ता यत्राग्रे गोभिश्चित्रयां मारुतन्देवा वसव्या अग्रे मारुतमिति देवा वसव्या देवाः शर्मण्यास्त्वष्टा हतपुत्रो देवा वै राजन्यान्नवोनवश्चतुर्दश॥ \_\_\_\_\_ [१४]

[देवा मनुष्याः प्रजां पशून्देवा वसव्याः परिध्यादिदमस्यष्टाचत्वारिंशत्॥४८॥ देवा मनुष्या मादयध्वम्॥]

तदीशानमद्रिस्तस्थुषस्त्रिंशच्च॥ \_\_\_\_\_ [१५]

विश्वरूपस्त्वष्टेन्द्रं वृत्रम्ब्रह्मवादिनः स त्वे नासोमयाज्येष वै देवस्थो देवा वै नर्चि नायज्ञोऽग्रे महात्रीन्निवीतमायुष्टे द्वादश॥ [१६] [विश्वरूपो नैनं शीतरूरावद्य वसुं पूर्वद्युर्वाजा इत्यग्रे महान्निवीतमन्या यन्ति चतुःसप्ततिः॥७४॥ विश्वरूपोऽनु ते दायि॥]

# ॥पञ्चमः प्रश्नः॥

॥तैत्तिरीयसंहितायां द्वितीयकाण्डे पञ्चमः प्रश्नः॥

विश्वरूपो वै त्वाष्ट्रः पुरोहितो देवानामासीत्स्वस्त्रीयोऽसुराणान्तस्य त्रीणि शीर्षाण्यांसन्धोमपानं  
सुरापानमन्नादनं स प्रत्यक्षं देवेभ्यो भागमवदत्परोक्षमसुरेभ्यः सर्वस्मै वै प्रत्यक्षं भागं वदन्ति यस्मां  
एव परोक्षं वदन्ति तस्य भाग उदितस्तस्मादिन्द्रोऽविभेदोदृष्टे राष्ट्रं वि पर्यावर्तयतीति तस्य वज्रमादाय  
शीर्षाण्यच्छिनद्यत्सोमपानम् (?)

आसीत्स कपिञ्जलोऽभवद्यत्सुरापानं स कलविद्धो यदन्नादनं स तित्तिरिस्तस्याञ्जलिना  
ब्रह्महृत्यामुपागृह्णात्ता संवत्सरमविभस्तम्भूतान्यभ्यक्रोशन्ब्रह्महृतिरिति स पृथिवीमुपासीददस्यै ब्रह्महृत्यायै तृतीयं  
प्रति गृह्णाणेति साब्रवीद्वरं वृणै खातात्पराभविष्यन्ती मन्ये ततो मा परा भूवमिति पुरा तै (२)

संवत्सरादपि रोहादित्यब्रवीत्तस्मात्पुरा संवत्सरात्पृथिव्यै खातमपि रोहति वारंवृतं ह्यस्यै तृतीयं  
ब्रह्महृत्यायै प्रत्यंगृह्णात्तत्स्वकृतमिरिणमभवत्तस्मादाहिताग्निः श्रद्धादेवः स्वकृत इरिणे नावं स्येद्ब्रह्महृत्यायै ह्येष  
वर्णः स वनस्पतीनुपासीददस्यै ब्रह्महृत्यायै तृतीयं प्रति गृह्णीतेति तैऽब्रुवन्वरं वृणामहै वृक्णात् (३)

पराभविष्यन्ती मन्यामहे ततो मा परा भूमेत्याब्रश्चंनाद्वो भूयांस उतिष्ठानित्यब्रवीत्तस्मादाब्रश्चंनाद्वृक्षाणाम्भूयांस  
उतिष्ठन्ति वारंवृतं ह्येषान्तृतीयं ब्रह्महृत्यायै प्रत्यंगृह्णन्त्यस्य निर्यासोऽभवत्तस्मान्निर्यासस्य नाशयं ब्रह्महृत्यायै  
ह्येष वर्णोऽथो खलु य एव लोहितो यो वाऽऽब्रश्चंनान्निर्येपति तस्य नाशयम् (४)

काममन्यस्य स स्त्रीषसादमुपासीददस्यै ब्रह्महृत्यायै तृतीयं प्रति गृह्णीतेति ता अब्रुवन्वरं वृणामहा  
ऋत्विगात्यजां विन्दामहे काममा विजंनितोः सम्भवामेति तस्मादृत्विगात्स्त्रियः प्रजां विन्दन्ते काममा विजंनितोः  
सम्भवन्ति वारंवृतं ह्यासान्तृतीयं ब्रह्महृत्यायै प्रत्यंगृह्णन्त्या मलवद्वासा अभवत्तस्मान्मलवद्वाससा न सं  
वदेत (५)

न सहासीत् नास्या अन्नमद्याब्रह्महृत्यायै ह्येष वर्णं प्रतिमुच्यास्तेऽथो खल्वाहुरभ्यञ्जनं वाव स्त्रिया  
अन्नमभ्यञ्जनमेव न प्रतिगृह्णं काममन्यदिति याम्मलवद्वाससः सम्भवन्ति यस्ततो जायते सौऽभिश्स्तो  
यामरण्ये तस्यै स्तेनो यां परांवीं तस्यै हौतमुख्यपगल्भो या स्नाति तस्यां अप्सु मारुको या (६)

अभ्युक्ते तस्यै दुश्कर्मा या प्रलिखते तस्यै खलतिरंपमारी याऽऽक्ते तस्यै काणो या दतो धावंते  
तस्यै श्यावदन् या नृखानि निकृन्ते तस्यै कुनखी या कृणत्ति तस्यै क्रीबो या रज्जुः सृजति तस्यां  
उद्वन्धुको या पर्णेन पिबति तस्यां उन्मादुको या खर्वेण पिबति तस्यै खर्वस्तिस्त्रो रात्रौव्रतं चरेदञ्जलिनां  
वा पिबेदखर्वेण वा पात्रेण प्रजायै गोपीथायम् (७)

यत्सोमपानन्ते वृक्णात्तस्य नाशयं वदेत् मारुको याऽखर्वेण वा त्रीणि  
च॥

[१]

त्वष्टां हतपुत्रो वीन्द्रः सोममाहर्त्तस्मिन्निन्द्र उपहवमैच्छत् तं नोपाह्वयत् पुत्रम्मेऽवधोरिति स यज्ञवेशसं

कृत्वा प्रासहा सोममपिबत्तस्य यदत्यशिष्यत तत्त्वष्टाहवनीयमुप प्रावर्तयध्वाहेन्द्रशत्रुर्वधस्वेति यदवर्तयत्तद्वृत्रस्य वृत्रत्वं यदब्रवीध्वाहेन्द्रशत्रुर्वधस्वेति तस्मादस्य (८)

इन्द्रः शत्रुर्भवत्स सम्भवन्नग्नीषोमावभि समभवत्स इषुमात्रमिषुमात्रं विष्वङ्बुधत् स इमाल्लोकानवृणोद यदिमाल्लोकानवृणोत्तद्वृत्रस्य वृत्रत्वन्तस्मादिन्द्रोऽबिभेत्स प्रजापतिमुपाधावच्छत्रुर्मैऽजनीति तस्मै वज्रं सिक्त्वा प्रायच्छदेतेन जहीति तेनाभ्यायत तावब्रूतामग्नीषोमौ मा (९)

प्र हांगवमन्तः स्व इति मम वै युवः स्थ इत्यब्रवीन्मामभ्येतमिति तौ भागधेयमैच्छेतान्ताभ्यामेतमग्नीषोमीयमेकादशकपालम्पूर्णमासे प्रायच्छत्तावब्रूतामभि सन्दष्टौ वै स्वन शक्नुव ऐतुमिति स इन्द्र आत्मनः शीतरूरावजनयत्तच्छीतरूरयोर्जन्म य एवः शीतरूरयोर्जन्म वेदं (१०)

नैनः शीतरूरौ हतस्ताभ्यामेनमभ्यनयत्तस्माञ्जञ्जभ्यमानादग्नीषोमौ निरक्रामतां प्राणापानौ वा एनं तदजहिताम् प्राणो वै दक्षोऽपानः क्रतुस्तस्माञ्जञ्जभ्यमानो ब्रूयान्मरियं दक्षक्रतु इति प्राणापानावेवात्मन्धत्ते सर्वमायुरेति स देवता वृत्रान्निरहूय वार्त्रघ्नः हविः पूर्णमासे निरवपद्धन्ति वा एनम्पूर्णमांस आ (११)

अमावास्यायाम्याययन्ति तस्माद्वात्रग्नी पूर्णमासेऽनूच्येते वृधन्वती अमावास्यायान्तध्नुःस्थाप्य वार्त्रघ्नः हविर्वज्रमादाय पुनरभ्यायत ते अब्रूतान्धावापृथिवी मा प्र हांगवयोर्वै श्रित इति ते अब्रूतां वरं वृणावहै नक्षत्रविहिताऽहमसानित्यसावब्रवीच्चित्रविहिताऽहमितीयन्तस्मान्नक्षत्रविहिताऽसौ चित्रविहितेयं य एवं द्यावापृथिव्योः (१२)

वरं वेदेनं वरौ गच्छति स आभ्यामेव प्रसूत इन्द्रो वृत्रमहन्ते देवा वृत्रं हत्वाऽग्नीषोमावब्रुवन्तृह्यं नो वहतमिति तावब्रूतामपतेजसो वै त्यौ वृत्रे वै त्ययोस्तेज इति तैऽब्रुवन्क इदमच्छेतीति गौरित्यब्रुवन्गौराव सर्वस्य मित्रमिति साऽब्रवीत् (१३)

वरं वृषे मय्येव सतोभयेन भुनजाध्वा इति तद्वौराहर्त्तस्माद्रविं सतोभयेन भुञ्जत एतद्वा अग्नेस्तेजो यद्धृतमेतथ्सोमस्य यत्पयो य एवमग्नीषोमयोस्तेजो वेदं तेजस्व्येव भवति ब्रह्मवादिनो वदन्ति किन्देवत्यम्पूर्णमासमिति प्राजापत्यमिति ब्रूयात्तेनेन्द्रं ज्येष्ठम्पुत्रं निरवासाययदिति तस्माज्ज्येष्ठम्पुत्रं धनेन निरवसाययन्ति॥ (१४)

अस्य मा वेदा द्यावापृथिव्योरब्रवीदिति तस्माच्चत्वारि च॥\_\_\_\_\_ [२]

इन्द्रं वृत्रं जग्निवाःसम्मृधोऽभि प्रावेपन्त स एतं वैमृधम्पूर्णमासेऽनुनिर्वाप्यमपश्यत्तं निरवपत्तेन वै स मृधोऽपाहृत यद्वैमृधः पूर्णमासेऽनुनिर्वाप्यो भवति मृधं एव तेन यजमानोऽपं हत इन्द्रो वृत्रं हत्वा देवताभिश्चेन्द्रियेण च व्याधत् स एतमाग्नेयमष्टाकपालममावास्यायामपश्यदेन्द्रं दधि (१५)

तं निरवपत्तेन वै स देवतांश्चेन्द्रियं चावारुन्ध यदाग्नेयोऽष्टाकपालोऽमावास्यायाम्भवत्येन्द्रं दधि देवतांश्चैव तेनैन्द्रियं च यजमानोऽवं रुन्ध इन्द्रस्य वृत्रं जघ्रुप इन्द्रियं वीर्यं पृथिवीमनु व्याच्छत्तदोषधयो वीरुधोऽभवन्त्स प्रजापतिमुपाधावद्धृत्रं मै जघ्रुप इन्द्रियं वीर्यम् (१६)

पृथिवीमनु व्यार्त्तदोषधयो वीरुधोऽभूवन्निति स प्रजापतिः पशूनब्रवीदेतदस्मै सं नयतेति तत्पशु

ओषधीभ्योऽध्यात्मन्धमनयन्तप्रत्यदुहन् यथ्समनयन्तस्मान्नाय्यस्य सान्नाय्यत्वं यत्प्रत्यदुहन्तत्प्रतिधुषः प्रतिधुक् ५ समनैषुः प्रत्यधुक्षन्त तु मयि श्रयत् इत्यब्रवीदेतदस्मै (१७)

शृतं कुरुतेत्यब्रवीत्तदस्मै शृतमकुर्वन्निन्द्रियं वावास्मिन्वीर्यं तदश्रयन्तच्छ्रुतस्य शृतत्व ५ समनैषुः प्रत्यधुक्षच्छ्रुतमक्रन्त तु मां धिनोतीत्यब्रवीदेतदस्मै दधि कुरुतेत्यब्रवीत्तदस्मै दध्यकुर्वन्तदेनमधिनोत्तद्ब्रूो दधित्वं ब्रह्मवादिनो वदन्ति दध्नः पूर्वस्यावदेयम् (१८)

दधि हि पूर्वं क्रियत् इत्यनादृत्य तच्छ्रुतस्यैव पूर्वस्याव चेदिन्द्रियमेवास्मिन्वीर्यं ५ श्रित्वा दध्नोपरिष्ठाद्विनोति यथापूर्वमुपैति यत्पूतीकैर्वा पर्णवल्केर्वातश्चाथसौम्यं तद्यत्कलै राक्षसं तद्यत्तण्डुलैर्वैश्वदेवं तद्यदातश्चनेन मानुषं तद्यद्ब्रूा तथ्सेन्द्रं दध्ना तनक्ति (१९)

सेन्द्रावायाग्निहोत्रोच्छेषणमभ्यातनक्ति यज्ञस्य सन्तत्या इन्द्रो वृत्र ५ हत्वा परां परावतमगच्छदपाराधमिति मन्यमानस्तं देवताः प्रैषमैच्छन्त्योऽब्रवीत्प्रापतिर्यः प्रथमोऽनुविन्दति तस्य प्रथमम्भागधेयमिति तस्मिन्तरोऽनुविन्दन्तस्मात्पितृभ्यः पूर्वद्युः क्रियते सौऽमावास्यां प्रत्यागच्छन्तं देवा अभि समगच्छन्तामा वै नः (२०)

अद्य वसु वसतीतीन्द्रो हि देवानां वसु तदमावास्याया अमावास्यात्वं ब्रह्मवादिनो वदन्ति किन्देवत्य ५ सान्नाय्यमिति वैश्वदेवमिति ब्रूयाद्विश्वे हि तद्देवा भागधेयमभि समगच्छन्तेत्यथो खल्वैन्द्रमित्येव ब्रूयादिन्द्रं वाव ते तद्विषज्यन्तोऽभि समगच्छन्तेति॥ (२१)

दधि मे जघ्नुष इन्द्रियं वीर्यमित्यब्रवीदेतदस्मा अवदेयन्तनक्ति नो द्विचत्वारि ५ शच्च॥

[३]

ब्रह्मवादिनो वदन्ति स त्वे दर्शपूर्णमासौ यजेत् य एनौ सेन्द्रो यजेतेति वैमृधः पूर्णमासेऽनुनिर्वाप्यो भवति तेन पूर्णमासः सेन्द्रं ऐन्द्रं दध्यमावास्यायां तेनामावास्यां सेन्द्रा य एवं विद्वान्दर्शपूर्णमासौ यजंते सेन्द्रावैवैनौ यजते श्वःश्वोऽस्मा ईजानाय वसीयो भवति देवा वै यद्यज्ञेऽकुर्वन्त तदसुरा अकुर्वन्त ते देवा एताम् (२२)

इष्टिमपश्यन्नाग्नावैष्णवमेकादशकपाल ५ सरस्वत्यै चरु ५ सरस्वते चरुं ताम्पौर्णमास ५ सुऽस्थाप्यानु निरवपन्ततो देवा अभवन्परासुरा यो भ्रातृव्यवान्स्थ्याथ्स पौर्णमास ५ सुऽस्थाप्येतामिष्टिमनु निर्वपेत्पौर्णमासेनैव वज्रभ्रातृव्याय प्रहृत्याग्नावैष्णवेन देवतांश्च यज्ञं च भ्रातृव्यस्य वृद्धे मिथुनान्पशून्स्थारस्वताभ्यां यावदेवास्यास्ति तत् (२३)

सर्वं वृद्धे पौर्णमासीमेव यजेत् भ्रातृव्यवान्नामावास्या ५ हत्वा भ्रातृव्यं ना प्याययति साकम्प्रस्थायीयेन यजेत पशुकामो यस्मै वा अल्पेनाहरन्ति नात्मना तृप्यति नान्यस्मै ददाति यस्मै महता तृप्यत्यात्मना ददात्यन्यस्मै महता पूर्ण ५ हातव्यन्तुष एवैनमिन्द्रः प्रजयां पशुभिस्तर्पयति दारुपात्रेण जुहोति न हि मृन्मयमाहुतिमानुश औदुम्बरम् (२४)

भृत्यूर्वा उदुम्बर ऊर्ध्वशवं ऊर्जैवास्मा ऊर्जं पशूनं रुद्धे नागतश्रीमहेन्द्रं यजेत् त्रयो वै



गतश्रियः शुश्रुवान्नामणी राज्ञ्यन्तेषाम्महेन्द्रो देवता यो वै स्वां देवतामतिर्यजते प्र स्वायै देवतायै च्यवते न पराम्प्राप्नोति पापीयान्भवति संवत्सरमिन्द्रं यजेत संवत्सरः हि ब्रतं नाति स्वा (२५)

एवेन देवतेज्यमाना भूत्या इन्द्रे वसीयान्भवति संवत्सरस्य पुरस्तादग्नयै ब्रतपतये पुरोडाशमृष्टाकपालं निर्वपेत्संवत्सरमेवेन वृत्रं जंघ्रिवांसमग्निर्व्रतपतिर्व्रतमा लभ्यति ततोऽपि कामं यजेत॥ (२६)

एतान्तदौदुम्बरः स्वा त्रिशच्च॥ [४]

नासौमयाजी सं नयेदनागतं वा एतस्य पयो योऽसौमयाजी यदसौमयाजी संनयेत्परिमोष एव सोऽनृतं करोत्यथो परैव सिच्यते सोमयाज्यैव सं नयेत्पयो वै सोमः पयः सान्नाय्यम्पयसैव पयं आत्मन्धत्ते वि वा एतम्प्रजयां पशुभिर्धयति वर्धयत्यस्य भ्रातृव्यं यस्य हविर्निरुतम्पुरस्ताच्चन्द्रमाः (२७)

अभ्युदेति त्रेधा तण्डुलान् वि भजेद्ये मध्यमाः स्युस्तान्ग्नयै दात्रे पुरोडाशमृष्टाकपालं कुर्याद्ये स्थविष्ठास्तानिन्द्राय प्रदात्रे दधक्षुरुं येऽणिष्ठास्तान् विष्णवे शिपिविष्टाय श्रुते चरुमग्निरेवासमै प्रजाम्रंजनयति वृद्धामिन्द्रः प्र यच्छति यज्ञो वै विष्णुः पशवः शिपिर्यज्ञ एव पशुषु प्रति तिष्ठति न द्वे (२८)

यजेत यत्पूर्वया सम्प्रति यजेतोत्तरया छुम्बुर्दुर्याद्यदुत्तरया सम्प्रति यजेत पूर्वया छुम्बुर्दुर्यात्रेष्टिर्भवति न यज्ञस्तदनु ह्रीतमुख्यपगल्भो जायत एकामेव यजेत प्रगल्भोऽस्य जायतेऽनादृत्य तद्वै एव यजेत यज्ञमुखमेव पूर्वयालभते यजत उत्तरया देवता एव पूर्वयावरुद्ध इन्द्रियमुत्तरया देवलोकमेव (२९)

पूर्वयाभिजयति मनुष्यलोकमुत्तरया भूयसो यज्ञक्रतूनुपैत्येषा वै सुमना नामेष्टिर्यमद्येजानम्पश्चाच्चन्द्रमा अभ्युदेत्यस्मिन्नेवासमै लोकेऽयुक्मभवति दाक्षायणयज्ञेन सुवर्गकामो यजेत पूर्णमासे सं नयेन्मैत्रावरुण्याऽऽमिक्षायामावास्यायां यजेत पूर्णमासे वै देवानां सुतस्तेषामेतमर्धमासम्प्रसुतस्तेषाम्मैत्रावरुणी वशामावास्यायामनूबन्ध्यां यत् (३०)

पूर्वेद्युर्यजते वेदिमेव तत्करोति यद्वत्सानपाकरोति सदोहविधिने एव सम्मिनोति यद्यजते देवैरेव सुत्याः सम्पादयति स एतमर्धमासः संधमादं देवैः सोमम्पिबति यन्मैत्रावरुण्यामिक्षायामावास्यायां यजते यैवासौ देवानां वशानूबन्ध्यां सो एवैषैतस्य साक्षाद्वा एष देवानभ्यारोहति य एषां यज्ञम् (३१)

अभ्यारोहति यथा खलु वै श्रेयानभ्यारूढः कामयते तथा करोति यद्यवविध्यति पापीयान्भवति यदि नावविध्यति सदृङ्गावृत्काम एतेन यज्ञेन यजेत क्षुरपविरह्येष यज्ञस्ताजक्पुण्यो वा भवति प्र वा मीयते तस्यैतद्व्रतं नानृतं वदेन्न मांसमश्रीयान्न स्त्रियमुपेयात्रास्य पल्पूलनेन वासः पल्पूलयेयुरेतद्धि देवाः सर्वं न कुर्वन्ति॥ (३२)

चन्द्रमा द्वे देवलोकमेव यद्यज्ञं पल्पूलयेयुः षट्॥ [५]

एष वै देवयो यद्दर्शपूर्णमासौ यो दर्शपूर्णमासाविद्धा सोमेन यजते रथस्पष्ट एवावसाने वरं देवानामव स्यत्येतानि वा अङ्गापरूषि संवत्सरस्य यद्दर्शपूर्णमासौ य एवं विद्वान्दर्शपूर्णमासौ यजते-

ऽङ्गापरुष्वेव संवत्सरस्य प्रति दधात्येते वै संवत्सरस्य चक्षुषी यदंशपूर्णमासौ य एवं विद्वान्दंशपूर्णमासौ यजते ताभ्यामेव सुवर्गं लोकमनु पश्यति (३३)

एषा वै देवानां विक्रान्तिर्यदंशपूर्णमासौ य एवं विद्वान्दंशपूर्णमासौ यजते देवानामेव विक्रान्तिमनु वि क्रमते एष वै देवयानः पन्था यदंशपूर्णमासौ य एवं विद्वान्दंशपूर्णमासौ यजते य एव देवयानः पन्थास्तं समा रोहत्येता वै देवानां हरी यदंशपूर्णमासौ य एवं विद्वान्दंशपूर्णमासौ यजते यावेव देवानां हरी ताभ्याम् (३४)

एवैभ्यो हव्यं वहत्येतद्वै देवानामास्यं यदंशपूर्णमासौ य एवं विद्वान्दंशपूर्णमासौ यजते साक्षादेव देवानामास्यं जुहोत्येष वै हविर्धानी यो दंशपूर्णमासयाजी सायम्प्रातरग्निहोत्रं जुहोति यजते दंशपूर्णमासावहंहरहविर्धानिनां सुतो य एवं विद्वान्दंशपूर्णमासौ यजते हविर्धान्यस्मीति सर्वमेवास्यं बर्हिष्यं दत्तम्ववति देवा वा अहः (३५)

यज्ञियं नार्विन्दन्ते दंशपूर्णमासावपुनन्तो वा एतौ पूतौ मेध्यौ यदंशपूर्णमासौ य एवं विद्वान्दंशपूर्णमासौ यजते पूतावेवैनौ मेध्यौ यजते नामावास्यायां च पौर्णमास्यां च स्त्रियमुपेयाद्यदुपेयान्निर्निद्रियः स्यात्सोमस्य वै राज्ञोर्धमासस्य रात्रयः पत्नय आसन्तासाममावास्यां च पौर्णमासीं च नोपैत (३६)

ते एनमभि समनद्येतान्तं यक्ष्मं आर्च्छद्वाजानं यक्ष्मं आरदिति तद्राजयक्ष्मस्य जन्म यत्पार्ष्णीयानभवत्-त्पापयक्ष्मस्य यज्ञाभ्यामविन्दत्तज्ञायेत्यस्य य एवमेतेषां यक्ष्माणां जन्म वेद नैर्यमेते यक्ष्मां विन्दन्ति स एते एव नमस्यन्नुपाधावत्ते अंब्रूतां वरं वृणावहा आवं देवानां भागधे अंसाव (३७)

आवदधि देवा इज्यन्ता इति तस्मात्सुदशीनां रात्रीणाममावास्यायां च पौर्णमास्यां च देवा इज्यन्त एते हि देवानां भागधे भागधा अस्मै मनुष्या भवन्ति य एवं वेद भूतानि क्षुधमघ्नन्सुद्यो मनुष्या अर्धमासे देवा मासि पितरः संवत्सरे वनस्पतयस्तस्मादहरहर्मनुष्या अशनमिच्छन्तेऽर्धमासे देवा इज्यन्ते मासि पितृभ्यः क्रियते संवत्सरे वनस्पतयः फलं गृह्णन्ति य एवं वेद हन्ति क्षुध्मभ्रातृव्यम्॥ (३८)

**पश्यति ताभ्यामहरैदसाव फलं सप्त च॥** [६]

देवा वै नचि न यज्युष्यश्रयन्त ते सामन्त्रेवाश्रयन्त हिं करोति सामैवाकुरहिं करोति यत्रैव देवा अश्रयन्त तत् एवेनान्य युङ्क्ते हिं करोति वाच एवैष योगो हिं करोति प्रजा एव तद्यजमानः सृजते त्रिः प्रथमामन्वाह त्रिरुत्तमां यज्ञस्यैव तद्वरसम् (३९)

नृहृत्यप्रस्रंसाय सन्ततमन्वाह प्राणानामन्नाद्यस्य सन्तत्या अथो रक्षसामपहत्यै राथंतरीमप्रथमामन्वाह राथंतरो वा अयं लोक इममेव लोकमभि जयति त्रिविं गृह्णाति त्रयं इमे लोका इमानेव लोकानभि जयति बारहतीमुत्तमामन्वाह बारहतो वा असौ लोकौऽमुमेव लोकमभि जयति प्र वः (४०)

वाजा इत्यनिरुक्ताम्राजापत्यामन्वाह यजो वै प्रजापतिर्यज्ञमेव प्रजापतिमा रभते प्र वो वाजा इत्यन्वाहात्रं वै वाजोऽन्नमेवाव रुद्धे प्र वो वाजा इत्यान्वाह तस्मात्प्राचीनं रेतौ धीयतेऽग्र आ याहि वीतय इत्याह तस्मात्प्रीतीचीः प्रजा जायन्ते प्र वो वाजाः (४१)

इत्यन्वाह मासा वै वाजा अर्धमासा अभिद्यवो देवा हविष्मन्तो गौर्धृताचीं यज्ञो देवाञ्जिगाति यजमानः सुम्रपुरिदमसीदमसीत्येव यज्ञस्य प्रियं धामाव रुद्धे यं कामयेत् सर्वमायुरियादिति प्र वो वाजा इति तस्यानूच्याग्र आ याहि वीतय इति सन्ततमुत्तरमर्ध्वमा लभेत (४२)

प्राणैर्नवास्यापानं दाधार सर्वमायुरेति यो वा अंरत्रिः सामिधेनीनां वेदारलावेव भ्रातृव्यं कुरुतेऽर्ध्वं सं दधात्येष वा अंरत्रिः सामिधेनीनां य एवं वेदारलावेव भ्रातृव्यं कुरुत् ऋषेरं ऋषेर्वा एता निर्मिता यथ्सामिधेन्यस्ता यदसंयुक्ताः स्युः प्रजयां पशुभिर्यजमानस्य वि तिष्ठेरन्नर्ध्वं सन्दधाति सं युनत्तेवैनास्ता अस्मे संयुक्ता अवरुद्धाः सर्वामाशिषं दुहे॥ (४३)

बृसं वो जायन्ते प्र वो वाजा लभेत दधाति सन्दशं च॥ [७]

अयंज्ञो वा एष योऽस्माऽग्र आ याहि वीतय इत्याह रथन्तरस्येष वर्णस्तं त्वां समिद्धिरङ्गिर इत्याह वामदेव्यस्येष वर्णो बृहदग्रे सुवीर्यमित्याह बृहत एष वर्णो यदेतं तुचमन्वाहं यज्ञमेव तथ्सामन्वन्तं करोत्यग्निर्मुष्मिँल्लोक आसीदादित्योऽस्मिन्ताविमौ लोकावशान्तौ (४४)

आस्तान्ते देवा अब्रुवन्तेमौ वि पर्यहामेत्यग्र आ याहि वीतय इत्यस्मिँल्लोकैः अग्निमदधुर्बृहदग्रे सुवीर्यमित्यमुष्मिँल्लोक आदित्यन्ततो वा इमौ लोकावशाम्यतां यदेवमन्वाहानयोर्लोकयोः शान्त्यै शाम्यतोऽस्मा इमौ लोकौ य एवं वेद पञ्चदश सामिधेनीरन्वाह पञ्चदश (४५)

वा अर्धमासस्य रात्रयोऽर्धमासशः संवत्सर आप्यते तासां त्रीणि च शतानि षष्टिश्चाक्षराणि तावतीः संवत्सरस्य रात्रयोऽक्षरश एव संवत्सरमाप्नोति नृमेधंश्च परंच्छेपश्च ब्रह्मवाद्यमवदेतामस्मिन्दारावाद्गँ अग्निं जनयाव यतरो नौ ब्रह्मीयानिति नृमेधोऽयंवदथ्स धूममंजनयत्परुच्छेपोऽयंवदथ्सोऽग्निमंजनयदृष इत्यब्रवीत् (४६)

यथ्समावद्विद्व कथा त्वमग्निमर्जीजनो नाहमिति सामिधेनीनामेवाहं वर्णं वेदेत्यब्रवीद्यद्वतवत्पदमनूच्यते स आसां वर्णस्तं त्वां समिद्धिरङ्गिर इत्याह सामिधेनीष्वेव तज्योतिर्जनयति स्त्रियस्तेन यदृचः स्त्रियस्तेन यद्वायत्रियः स्त्रियस्तेन यथ्सामिधेन्यो वृषण्वतीमन्वाह (४७)

तेन पुःस्वन्तीस्तेन सेन्द्रास्तेन मिथुना अग्निर्देवानां दूत आसीदुशनां काव्योऽसुराणान्तौ प्रजापतिम्पृश्नमैताः स प्रजापतिरग्निं दूतं वृणीमह इत्यभि पर्यावर्तत ततो देवा अभवन्परासुरा यस्यैवं विदुषोऽग्निं दूतं वृणीमह इत्यन्वाह भवत्यात्मना परोस्य भ्रातृव्यो भवत्यध्वरवतीमन्वाह भ्रातृव्यमेवैतयां (४८)

ध्वरति शोचिष्केशस्तमीमह इत्याह पवित्रमेवैतद्यजमानमेवैतयां पवयति समिद्धो अग्र आहुतेत्याह परिधिमेवैतं परि दधात्यस्कन्दाय यदतं ऊर्ध्वमभ्यादध्याद्यथा बहिःपरिधि स्कन्दति तादृगेव तन्नयो वा अग्नयो हव्यवाहनो देवानां कव्यवाहनः पितृणां सहरक्षा असुराणान्त एतर्ह्या शंसन्ते मां वरिष्यते माम् (४९)

इति वृणीध्वः हव्यवाहनमित्याह य एव देवानां तं वृणीत आरपेयं वृणीते बन्धोरेव नैत्यथो सन्तत्ये प्रस्ताद्वर्वाचो वृणीते तस्मात्प्रस्ताद्वर्वाचो मनुष्यान्पितरोऽनु प्र पिपते। (५०)

अशान्तावाह पञ्चदशाब्रवीदन्वाहैतयां वरिष्यते मामेकान्नत्रिंशच्च॥ [८]

अग्रे म॒हा॑ अ॒सीत्या॑ह म॒हान् ह्ये॑ष यद॒ग्निर्ब्रा॑ह्मणेत्या॑ह ब्राह्म॒णो ह्ये॑ष भा॒रतेत्या॑हे॒ष हि दे॒वेभ्यो॑  
ह॒व्यम्भर॑ति दे॒वेद्ध॑ इत्या॑ह दे॒वा ह्येत॑मै॒न्यत् मन्वि॑द्ध इत्या॑ह म॒नुर॑ह्येतमु॒त्तरो दे॒वेभ्य॑ ऐ॒न्द्रर्षि॑ष्टुत॒ इत्या॑हर॒पयो॑  
ह्येत॑मस्तु॒वन्वि॑प्रा॒नुम॑दित॒ इत्या॑ह (५१)

वि॒प्रा ह्ये॑ते यच्छु॒श्रुवा॑सः कवि॒शस्त॑ इत्या॑ह क॒वयो ह्ये॑ते यच्छु॒श्रुवा॑सो ब्रह्म॑स॒शित॑ इत्या॑ह  
ब्रह्म॑स॒शितो ह्ये॑ष घृ॒ताह॑वन् इत्या॑ह घृ॒ताहु॑ति॒रह्य॑स्य प्रि॒यत॑मा प्र॒णीर्य॑ज्ञानामि॒त्याह प्र॒णीर॑ह्ये॒ष य॒ज्ञाना॑  
र॒थीर॑ध्वरा॒णामि॒त्याहे॒ष हि दे॒वर्थो॑ऽतु॒र्तो हो॑तेत्या॑ह न ह्येत॑ कश्च॒न (५२)

तर॑ति तूर्णि॒रह॒व्यवा॑डित्या॑ह स॒र्वऽ ह्ये॑ष तर॒त्यास्पात्रं॑ जुहूर्दे॒वानामि॒त्याह जुहूर॑ह्ये॒ष दे॒वाना॑श्च॒मसो दे॒वपान॑  
इत्या॑ह च॒मसो ह्ये॑ष दे॒वपानो॑ऽरा॒ इवा॑ग्रे ने॒मिर्दे॒वाऽस्त्वं परि॑भूरसीत्या॑ह दे॒वान् ह्ये॑ष परि॒भूर्य॑द्वया॒दा वह॑  
दे॒वान्दे॒वय॑ते यज॑माना॒येति॑ भ्रातृ॒व्यम॑स्मे (५३)

ज॒नये॑दा वह॑ दे॒वान् यज॑माना॒येत्या॑ह यज॑मानमे॒वैतेन॑ वर्ध॒यत्य॒ग्निम॑ग्न आ वह॑ सोम॒मा व॒हेत्या॑ह  
दे॒वता॑ ए॒व तद्य॑थापूर्वमु॒प ह्य॑त आ चा॒ग्रे दे॒वान् वह॑ सु॒यजा॑ च यज॑ जातवे॒द इत्या॑हा॒ग्निमे॒व तथ॑स॒  
श्य॑ति सौ॒ऽस्य स॑शितो दे॒वेभ्यो॑ ह॒व्यं वह॑त्य॒ग्निर्होता॑ (५४)

इत्या॑हा॒ग्निर्वै दे॒वाना॑ होता य ए॒व दे॒वाना॑ होता तं वृ॒णीते॑ स्मो व॒यमि॒त्याहा॒त्मान॑मे॒व स॒त्त्वं  
ग॑मयति सा॒धु तै॑ यज॑मान दे॒वतेत्या॑हा॒शिप॑मे॒वैता॒मा शा॑स्ते यद्व्या॒द्यौऽग्नि॑ होता॒रम॑वृ॒था इत्य॒ग्निर्नो॑भ॒यतो॑  
यज॑मानं परि॒ गृह्णी॑यात् प्र॒मायु॑कः स्याद्यज॑मानदे॒वत्या॑ वै जुहूर्भ्रातृ॒व्यदे॒वत्या॑प॒भृत् (५५)

यद्व॒ इव॑ ब्रूयाद्भा॒तृव्य॑मस्मे जनये॒द्धत॑वतीमध्व॒र्यो स्रुच॑मास्य॒स्वेत्या॑ह यज॑मानमे॒वैतेन॑ वर्धयति दे॒वायु॑वमि॒त्याह  
दे॒वान् ह्ये॒षाव॑ति वि॒श्वरा॑मि॒त्याह वि॒श्वऽ ह्ये॒षाव॑तीडा॒महे दे॒वा ई॒डेन्या॑न्नम॒स्याम॑ नम॒स्यान् यजा॑म य॒ज्ञियानि॒त्याह  
म॒नुष्या॑ वा ई॒डेन्याः॑ पि॒तरो॑ नम॒स्या दे॒वा य॒ज्ञिया॑ दे॒वता॑ ए॒व तद्य॑थाभा॒गं य॑जति॥ (५६)

वि॒प्रा॒नुम॑दित॒ इत्या॑ह च॒नास्मे॒ होतो॑प॒भृद्दे॒वता॑ ए॒व त्री॑णि च॥ [९]

त्री॑ऽ स्तु॒चान॑नु ब्रूयाद्वाज॒न्यस्य॑ त्रयो॒ वा अ॒न्ये रा॑ज॒न्यात्पु॑रुषा ब्राह्म॒णो वैश्यः॑ शू॒द्रस्ता॑ने॒वास्मा॑  
अ॒नुका॑न्करोति पञ्च॒दशानु॑ ब्रूयाद्वाज॒न्यस्य॑ पञ्च॒दशो वै रा॑ज॒न्यः स्व ए॒वैन॑ऽ स्तोमे॒ प्रति॑ ष्ठापयति त्रि॒ष्टुभा॑  
परि॒ दध्या॑दिन्द्रि॒यं वै त्रि॒ष्टुगि॑न्द्रि॒यका॑मः खलु॒ वै रा॑ज॒न्यो य॑जते त्रि॒ष्टुभे॒वास्मा॑ इन्द्रि॒यं परि॑ गृह्णाति यदि॒  
का॑मये॒त (५७)

ब्रह्म॒वर्च॑सम॒स्त्विति॑ गाय॒त्रिया॑ परि॒ दध्या॑द्ब्रह्म॒वर्च॑सं वै गा॒यत्री॑ ब्रह्म॒वर्च॑समे॒व भ॑वति सप्त॒दशानु॑  
ब्रूयाद्द्वै॒श्वस्य॑ सप्त॒दशो वै वैश्यः॑ स्व ए॒वैन॑ऽ स्तोमे॒ प्रति॑ ष्ठापयति जग॒त्या परि॑ दध्या॒ङ्गाग॑ता॒ वै प॒शवः॑  
प॒शुका॑मः खलु॒ वै वैश्यो॑ यज॑ते जग॒त्यैवा॑स्मे प॒शून्परि॑ गृह्णा॒त्येक॑वि॒ंशति॑मनु॒ ब्रूयात्प्र॑ति॒ष्ठाका॑मस्यैकवि॒ंशः  
स्तो॒माणां॑ प्रति॒ष्ठा प्रति॑ष्ठित्यै (५८)

चतु॒र्विंश॑तिमनु॒ ब्रूयाद्ब्रह्म॒वर्च॑सका॑मस्य चतु॒र्विंश॑त्यक्षरा गाय॒त्री गा॒यत्री॑ ब्रह्म॒वर्च॑सङ्गाय॒त्रियै॒वास्मे॑  
ब्रह्म॒वर्च॑सम॒वं रु॒द्धे त्रिंश॑तमनु॒ ब्रूयाद॑त्र॒काम॑स्य त्रिंश॒दक्ष॑रा वि॒राडत्रं॑ वि॒राड्वि॒राजै॒वास्मा॑ अ॒त्राद्य॑म॒वं रु॒द्धे  
द्वात्रिंश॑तमनु॒ ब्रूयात्प्र॑ति॒ष्ठाका॑मस्य द्वात्रिंश॒दक्ष॑रानु॒ष्टुगनु॒ष्टुच्छ॑न्दसां प्रति॒ष्ठा प्रति॑ष्ठित्यै षड्विंश॑तमनु॒ ब्रूयात्प॑शु॒का॑मस्य

पट्विंशदक्षरा बृहती बारहताः पशवो बृहत्यैवास्मै पशून् (५९)

अवं रुन्दे चतुश्चत्वारिंशतमनु ब्रूयादिन्द्रियकामस्य चतुश्चत्वारिंशदक्षरा त्रिष्टुर्गिन्द्रियं त्रिष्टुत्रिष्टुभेवास्मां इन्द्रियमवं रुन्देऽष्टाचत्वारिंशतमनु ब्रूयात्पशुकामस्याष्टाचत्वारिंशदक्षरा जगती जागताः पशवो जगत्यैवास्मै पशून्वं रुन्दे सर्वाणि छन्दांस्यनु ब्रूयाद्बहुयाजिनः सर्वाणि वा एतस्य छन्दांस्यवन् रुन्दानि यो बहुयाज्यपरिमितमनु ब्रूयादपरिमितस्यावन् रुन्दे॥ (६०)

**कामयेत् प्रतिष्ठित्यै पशून्सप्तचत्वारिंशच्च॥** [१०]

निर्वीतम्ननुष्याणाम्प्राचीनावीतम्पितृणामुपवीतं देवानामुपं व्ययते देवलक्ष्ममेव तत्कुरुते तिष्ठन्नन्वाह तिष्ठन् ह्याश्रुततरं वदति तिष्ठन्नन्वाह सुवर्गस्य लोकस्याभिजित्या आसीनो यजत्यस्मिन्नेव लोके प्रति तिष्ठति यत्कोञ्चमन्वाहामुरं तद्यन्मन्द्रम्मानुपं तद्यदन्तरा तथ्सदेवमन्तरानूच्यं सदेवत्वाय विद्वांसो वै (६१)

पुरा होतारोऽभूवन्तस्माद्विधृता अध्वानोऽभूवन्न पन्थानः समरुक्षन्नन्तर्वेद्यन्यः पादो भवति बहिर्वेद्यन्योऽथान्वाहार्धनां विधृत्यै पथामसंरोहायाथो भूतं चैव भविष्यच्चैवं रुन्देऽथो परिमितं चैवापरिमितं चावं रुन्देऽथो ग्राम्याश्चैव पशूनांरण्याश्चावं रुन्देऽथो (६२)

देवलोकं चैव मनुष्यलोकं चाभि जयति देवा वै सामिधेनीरनूच्यं यज्ञं नान्वपश्यन्स प्रजापतिस्तृष्णीमाधारमाधारयत्ततो वै देवा यज्ञमन्वपश्यन् यत्तृष्णीमाधारमाधारयति यज्ञस्यानुख्यात्या अथो सामिधेनीरवाभ्यन्तक्षलूक्षो भवति य एवं वेदाथो तर्पयत्येवैनास्तृप्यति प्रजयां पशुभिः (६३)

य एवं वेद यदेकयाधारयेदेकां प्रीणीयाद्यद्वाभ्यां द्वे प्रीणीयाद्यत्तिस्मिभरति तद्रेचयेन्मनसा धारयति मनसा ह्यनसामप्यते तिर्यश्चमा धारयत्येच्छम्बद्धारं वाक् मनश्चातीयेतामहं देवेभ्यो हव्यं बहमीति वागंब्रवीदहं देवेभ्य इति मनस्तौ प्रजापतिम्प्रश्नमेतां सौऽब्रवीत् (६४)

प्रजापतिर्दृतीरेव त्वं मनसोऽसि यद्धि मनसा ध्यायति तद्वाचा वदतीति तत्त्वलु तुभ्यं न वाचा जुहवन्नित्यंब्रवीत् तस्मान्मनसा प्रजापतये जुहति मन इव हि प्रजापतिः प्रजापतेरास्ये परिधीन्सम्माष्टिं पुनात्येवैनात्रिमध्यमं त्रयो वै प्राणाः प्राणानेवाभि जयति त्रिदक्षिणार्धं त्रयः (६५)

इमे लोका इमानेव लोकानभि जयति त्रिरुत्तरार्धं त्रयो वै देवयानाः पन्थानस्तानेवाभि जयति त्रिरुपं वाजयति त्रयो वै देवलोका देवलोकानेवाभि जयति द्वादश सम्पद्यन्ते द्वादश मासाः संवत्सरः संवत्सरमेव प्रीणात्यथो संवत्सरमेवास्मा उपं दधाति सुवर्गस्य लोकस्य समष्ट्या आधारमा धारयति तिर इव (६६)

वै सुवर्गो लोकः सुवर्गमेवास्मै लोकम्प रौयत्यृजुमा धारयत्यृजुरिव हि प्राणः सन्ततमा धारयति प्राणानामन्नाद्यस्य सन्तत्या अथो रक्षसामपहत्यै यं कामयेत् प्रमारुकः स्यादिति जिह्मं तस्या धारयेत्प्राणमेवास्मांजिह्मं नेयति ताजक्प्र मीयते शिरो वा एतद्यज्ञस्य यदाधार आत्मा ध्रुवा (६७)

आधारमाधार्य ध्रुवां समनक्त्यात्मन्नेव यज्ञस्य शिरः प्रति दधात्यग्निर्देवानां दूत आसीदैव्योऽसुराणान्तौ प्रजापतिम्प्रश्नमेतां स प्रजापतिर्ब्राह्मणमंब्रवीदेतद्वि ब्रूहीत्या श्रावयेतीदं दैवाः शृणुतेति वाव तदंब्रवीदग्निर्देवो

होतेति य एव देवानां तमवृणीत ततो देवाः (६८)

अभंवम्परांसुरा यस्यैवं विदुषः प्रवरम्प्रवृणते भवंत्यात्मना परास्य भ्रातृव्यो भवति यद्वाह्मणश्चाब्राह्मणश्च प्रश्नमेयाता ब्राह्मणायाधि ब्रूयाद्यद्वाह्मणायाध्याहात्मनेऽध्याह् यद्वाह्मणम्पराहात्मनं पराह् तस्माद्वाह्मणो न परोच्यः॥ (६९)

वा आरण्याश्चाव रुन्धेऽथो पशुभिः सोऽब्रवीदक्षिणार्ध्यत्रयं इव ध्रुवा देवाश्चत्वारिंशच्च॥

[११]

आयुष्ट आयुर्दा अग्र आ प्यायस्व सं तेऽवं ते हेड उदुत्तमम्परां देव्या नो दिवोऽग्राविष्णू अग्राविष्णू इमं मे वरुण तत्त्वा याम्युदु त्यं चित्रम्। अपां नपादा ह्यस्थादुपस्थं जिह्वानामूर्ध्वो विद्युतं वसानः। तस्य ज्येष्ठम्महिमानं वहन्तीरहिरण्यवर्णाः परि यन्ति युहीः। सम् (७०)

अन्या यन्त्युप यन्त्यन्याः समानमूर्वं नद्यः पृणन्ति। तमू शुचिः शुचयो दीदिवाःसंमपां नपातं परि तस्थुरापः। तमस्मेरा युवतयो युवानम्मर्मज्यमानाः परि यन्त्यापः। स शुक्रेण शिकना रेवदग्निर्दीदायान्निधो घृतनिर्णिगप्सु। इन्द्रावरुणयोरहः सम्राजोरव आ वृणे। ता नो मृडात ईदृशे। इन्द्रावरुणा युवमध्वराय नः (७१)

विशे जनाय महि शर्म यच्छतम्। दीर्घप्रयज्युमति यो वनुष्यति वयं जयेम पृतनासु दृढः। आ नो मित्रावरुणा प्र बाहवा। त्वं नो अग्ने वरुणस्य विद्वां देवस्य हेडोऽवं यासिसीष्टाः। यजिष्ठो वह्निमतः शोशुचानो विश्वा द्वेपांसि प्र मुमुग्ध्यस्मत्। स त्वं नो अग्नेऽवमो भवोती नेदिष्ठो अस्या उपसो व्युष्टो। अव यक्ष्व नो वरुणम् (७२)

रराणो वीहि मृडीकः सुहवो न एधि। प्रप्रायमग्निर्भरतस्यं शृण्वे वि यथ्मूर्यो न रोचते बृहद्वाः। अग्नि यः पूरं पृतनासु तस्थौ दीदाय दैव्यो अतिथिः शिवो नः। प्र ते यक्षि प्र त इयमि मन्म भुवो यथा वन्द्यो नो हवेषु। धन्वन्निव प्रपा असि त्वमग्र इयक्ष्वै पूरवं प्रत्न राजत्र। (७३)

वि पार्जसा वि ज्योतिषा। स त्वमग्ने प्रतीकेन प्रत्योप यातुधान्यः। उरुक्षयेषु दीद्यत्। तं सुप्रतीकं सुदशः स्वश्चमविद्वांसो विदुष्टरः सपेमा। स यक्षद्विश्वा वयुनानि विद्वान् हव्यमग्निर्मृतेषु वोचत्। अहोमुचं विवेष यन्म वि न इन्द्रेन्द्रं क्षत्रमिन्द्रियाणि शतक्रतोऽनु ते दायि (७४)

युहीः समध्वराय नो वरुणः राजः शतुश्चत्वारिंशच्च॥

[१२]

[समिधश्चक्षुषी प्रजापतिराज्यं देवस्य स्फ्यम्ब्रह्मवादिनोऽद्विग्नेभ्यो मनः पृथिव्याः पशवोऽग्नीधे देवा वै यज्ञस्य युक्ष्वोशन्तस्त्वा द्वादश]

# ॥षष्ठमः प्रश्नः॥

॥तैत्तिरीयसंहितायां द्वितीयकाण्डे षष्ठमः प्रश्नः॥

समिधौ यजति वसन्तमेवर्तूनामव रुन्दे तनूनपातं यजति ग्रीष्ममेवाव रुन्दे इडो यजति वर्षा एवाव रुन्दे बर्हिर्यजति शरदमेवाव रुन्दे स्वाहाकारं यजति हेमन्तमेवाव रुन्दे तस्मात्स्वाहाकृता हेमन्त्यशवोऽव सीदन्ति समिधौ यजत्युपस एव देवतानामव रुन्दे तनूनपातं यजति यज्ञमेवाव रुन्दे (१)

इडो यजति पशूमेवाव रुन्दे बर्हिर्यजति प्रजामेवाव रुन्दे सुमानयत उपभृतस्तेजो वा आज्यं प्रजा बर्हिः प्रजास्वेव तेजो दधाति स्वाहाकारं यजति वाचमेवाव रुन्दे दश सम्पद्यन्ते दशाक्षरा विराड्विराजेत्रान्नाद्यमव रुन्दे समिधौ यजत्यस्मिन्नेव लोके प्रति तिष्ठति तनूनपातं यजति (२)

यज्ञ एवान्तरिक्षे प्रति तिष्ठतीडो यजति पशुष्वेव प्रति तिष्ठति बर्हिर्यजति य एव देवयानाः पन्थानस्तेष्वेव प्रति तिष्ठति स्वाहाकारं यजति सुवर्ग एव लोके प्रति तिष्ठत्येतावन्तो वै देवलोकास्तेष्वेव यथापूर्वं प्रति तिष्ठति देवासुरा एषु लोकेष्वस्पर्धन्त ते देवाः प्रयाजैरभ्यो लोकेभ्योऽसुरान्प्राणुदन्त तत्प्रयाजानाम् (३)

प्रयाजत्वं यस्यैव विदुषः प्रयाजा इज्यन्ते प्रैभ्यो लोकेभ्यो भ्रातृव्यावृदतेऽभिक्रामं जुहोत्यभिर्जित्यै यो वै प्रयाजानाम्मिथुनं वेद प्र प्रजयां पशुभिर्मिथुनैर्जायते समिधौ बर्हीरिव यजति तनूनपातमेकमिव मिथुनं तदिडो बर्हीरिव यजति बर्हिरेकमिव मिथुनं तदेतद्वै प्रयाजानाम्मिथुनम् य एवं वेद प्र (४)

प्रजयां पशुभिर्मिथुनैर्जायते देवानां वा अनिष्टा देवता आसन्नथासुरा यज्ञमजिघासन्ते देवा गायत्रीं व्यौहन् पश्चाक्षराणि प्राचीनानि त्रीणि प्रतीचीनानि ततो वर्म यज्ञायामववर्म यजमानाय यत्प्रयाजानूयाजा इज्यन्ते वर्मैव तद्यज्ञाय क्रियते वर्म यजमानाय भ्रातृव्याभिभूत्यै तस्माद्ब्रूथम्पुरस्ताद्ब्रूषीयः पश्चाद्ब्रूषीयो देवा वै पुरा रक्षोभ्यः (५)

इति स्वाहाकारेण प्रयाजेषु यज्ञस्य सङ्स्थाप्यमपश्यन्तः स्वाहाकारेण प्रयाजेषु समस्थापयन्ति वा एतद्यज्ञं छिन्दन्ति यथस्वाहाकारेण प्रयाजेषु सङ्स्थापयन्ति प्रयाजानिष्ठा हवींष्यभि घोरयति यज्ञस्य सन्तत्या अथो हविरेवाकरथो यथापूर्वमुपैति पिता वै प्रयाजाः प्रजानूयाजा यत्प्रयाजानिष्ठा हवींष्यभिघोरयति पितैव तत्पुत्रेण साधारणम् (६)

कुरुते तस्मादाहुयश्चैवं वेद यश्च न कथा पुत्रस्य केवलं कथा साधारणमितुरित्यस्कन्नमेव तद्यत्प्रयाजेष्विष्टेषु स्कन्दति गायत्र्यैव तेन गर्भं धत्ते सा प्रजां पशून् यजमानाय प्र जनयति॥ (७)

यजति यज्ञमेवावरुन्दे तनूनपातं यजति प्रयाजानामेवं वेद प्र रक्षोभ्यः साधारणं पञ्चत्रिंशच्च॥

[१]

चक्षुषी वा एते यज्ञस्य यदाज्यभागौ यदाज्यभागौ यजति चक्षुषी एव तद्यज्ञस्य प्रति दधाति पूर्वार्धे जुहोति तस्मात्पूर्वार्धे चक्षुषी प्रबाहुं जुहोति तस्मात्प्रबाहुकक्षुषी देवलोकं वा अग्निना यजमानोऽनु

पश्यति पितृलोकं सोमेनोत्तरार्धेऽग्नये जुहोति दक्षिणार्धे सोमायैवमिव हीमौ लोकावनयौल्लोकयोरनुरख्यात्यै राजानौ वा एतौ देवतानाम् (८)

यदग्नीषोमावन्तरा देवतां इज्येते देवतानां विधृत्यै तस्माद्वाजां मनुष्यां विधृता ब्रह्मवादिनो वदन्ति किं तद्यज्ञे यजमानः कुरुते येनान्यतोदतश्च पशून्दाधारोभयतोदतश्चेत्यृचमनूच्याज्यभागस्य जुषाणेन यजति तेनान्यतोदतो दाधारर्चमनूच्यं हविषं ऋचा यजति तेनोभयतोदतो दाधार मूर्धन्वर्ता पुरोनुवाक्या भवति मूर्धानमेवैनं समानानां करोति (९)

नियुत्वंत्या यजति भ्रातृव्यस्यैव पशून्नि युवते केशिनं ह दाम्यं केशी सात्यकामिरुवाच सप्तपदां ते शक्रेणुश्च श्वो यज्ञे प्रयोक्तासे यस्यै वीर्येण प्र जाताभ्रातृव्यानुदते प्रतिं जनिष्यमाणान् यस्यै वीर्येणोभयौल्लोकयोर्ज्योतिर्धत्ते यस्यै वीर्येण पूर्वार्धेनान्द्वान्भुनक्ति जघनार्धेन धेनुरिति पुरस्ताल्लक्ष्मा पुरोनुवाक्या भवति जातानेव भ्रातृव्यान्प्र णुदत उपरिष्टाल्लक्ष्मा (१०)

याज्यां जनिष्यमाणानेव प्रतिं नुदते पुरस्ताल्लक्ष्मा पुरोनुवाक्या भवत्यस्मिन्नेव लोके ज्योतिर्धत्त उपरिष्टाल्लक्ष्मा याज्यामुष्मिन्नेव लोके ज्योतिर्धत्ते ज्योतिष्मन्तावस्मा इमौ लोकौ भवतो य एवं वेद पुरस्ताल्लक्ष्मा पुरोनुवाक्या भवति तस्मात्पूर्वार्धेनान्द्वान्भुनक्त्युपरिष्टाल्लक्ष्मा याज्यां तस्माच्चनार्धेन धेनुर्य एवं वेद भुङ्क्ते एनमेतौ वज्र आज्यं वज्र आज्यभागौ (११)

वज्रो वषट्कारस्त्रिवृत्तमेव वज्रं सम्भृत्य भ्रातृव्याय प्र हृत्यछम्बट्कारमपगूर्य वषट्करोति स्तृत्यै गायत्री पुरोनुवाक्या भवति त्रिष्टुग्याज्यां ब्रह्मन्नेव क्षत्रमन्वारम्भयति तस्माद्वाह्मणो मुख्यो मुख्यो भवति य एवं वेद प्रैवेन पुरोनुवाक्यायाह प्र णयति याज्यया गुमयति वषट्कारेणैवेन पुरोनुवाक्याया दत्ते प्र यच्छति याज्यया प्रतिं (१२)

वषट्कारेण स्थापयति त्रिपदां पुरोनुवाक्या भवति त्रयं इमे लोका एष्वेव लोकेषु प्रतिं तिष्ठति चतुष्पदा याज्यां चतुष्पद एव पशूनव रुद्धे ब्रह्मक्षरो वषट्कारो द्विपाद्यजमानः पशुष्वेवोपरिष्टात्प्रतिं तिष्ठति गायत्री पुरोनुवाक्या भवति त्रिष्टुग्याज्यैषा वै सप्तपदा शक्रे यद्वा एतया देवा अशिक्षन्तदशक्नुवन् य एवं वेद शक्रात्येव यच्छिक्षति॥ (१३)

देवतानाङ्करोत्युपरिष्टाल्लक्ष्माऽऽज्यभागौ प्रतिं शक्रात्येव द्वे च॥ [२]

प्रजापतिर्देवेभ्यो यज्ञान्यादिशश्व आत्मन्नाज्यमधत्त तं देवा अंब्रवन्नेष वाव यज्ञो यदाज्यमप्येव नोत्रास्त्विति सौऽग्नवीद्यजान् व आज्यभागावुपे स्तृणानभि घारयानिति तस्माद्यज्ञन्त्याज्यभागावुपे स्तृणन्त्यभि घारयन्ति ब्रह्मवादिनो वदन्ति कस्मात्सत्याद्यातयामान्यन्यानि हवीष्ययातयामाज्यमिति प्राजापत्यम् (१४)

इति ब्रूयादयातयामा हि देवानां प्रजापतिरिति छन्दांसि देवेभ्योऽप्राकामन्न वौऽभागानि हव्यं वक्ष्याम इति तेभ्य एतच्चतुरवत्तमधारयन्पुरोनुवाक्याये याज्याये देवताये वषट्काराय यच्चतुरवत्तं जुहोति छन्दांस्येव तत्प्रीणाति तान्यस्य प्रीतानि देवेभ्यो हव्यं वहन्त्यङ्गिरसो वा इत उत्तमाः सुवर्ग लोकायान्तदृषयो यज्ञवास्त्वैभ्यवायन्ते (१५)



अपश्यन्पुरोडाशं कूर्मम्भूतं संपन्तं तमब्रवन्निन्द्राय प्रियस्व बहुस्पतये प्रियस्व विश्वेभ्यो देवेभ्यो प्रियस्वेति स नाप्रियत तमब्रवन्नग्नये प्रियस्वेति सौऽग्नयेऽप्रियत यदाग्नेयोऽष्टाकपालोऽमावास्यायां च पौर्णमास्यां चाच्युतो भवति सुवर्गस्य लोकस्याभिजित्यै तमब्रवन्कथाहास्या इत्यनुपाक्तोऽभूवमित्यब्रवीद्यथाक्षोऽनुपाक्तः (१६)

अवाच्छ्रत्येवमवारमित्युपरिष्ठादभ्यज्याधस्तादुपानक्ति सुवर्गस्य लोकस्य समष्टौ सर्वाणि कपालान्यभि प्रथयति तावतः पुरोडाशानमुष्मिल्लोकैऽभि जयति यो विदग्धः स नेरुऋतो योऽश्रुतः स रौद्रो यः श्रुतः स सदेवस्तास्मादविदहता श्रुतकृत्यः सदेवत्वाय भस्मनाभि वांसयति तस्मान्माः सेनास्थि छुन्नं वेदेनाभि वांसयति तस्मात् (१७)

केशैः शिरश्छुन्नं प्रच्युतं वा एतदस्माल्लोकादगतं देवलोकं यच्छ्रुतं हविरनभिघारितमभिघार्योद्वासयति देवत्रैवैनद्रमयति यद्येकं कपालं नश्येदेको मासः संवत्सरस्यानवेतः स्यादथ यजमानः प्र मीयेत यद्वे नश्येतां द्वौ मासौ संवत्सरस्यानवेतौ स्यातामथ यजमानः प्र मीयेत संख्यायोद्वासयति यजमानस्य (१८)

गोपीथाय यदि नश्येदाश्विनं द्विकपालं निर्वपेद्यावापृथिव्यमेककपालमश्विनौ वै देवानां भिषजौ ताभ्यामेवास्मै भेषजं करोति द्यावापृथिव्यं एककपालो भवत्यनयोर्वा एतन्नश्यति यन्नश्यत्यनयोरेवेनद्विन्दति प्रतिष्ठित्यै॥ (१९)

प्रजापत्यन्तेऽक्षोऽनुपाक्तो वेदेनाभि वांसयति तस्माद्यजमानस्य द्वात्रिंशच्च॥

[३]

देवस्य त्वा सवितुः प्रंसव इति स्फ्यमा दन्ते प्रसूत्या अश्विनौर्बाहुभ्यामित्याहाश्विनौ हि देवानांमध्व्यू आस्ताम पृष्णो हस्ताभ्यामित्याहु ययै शतमृष्टिरसि वानस्पत्यो द्विपतो वध इत्याहु वज्रमेव तथसः श्यति भ्रातृव्याय प्रहरिष्यन्धस्तम्बयजुरहरत्येतावन्ती वै पृथिवी यावन्ती वेदिस्तस्या एतावन्त एव भ्रातृव्यं निर्भजति (२०)

तस्मान्नाभागं निर्भजन्ति त्रिहरति त्रयं इमे लोका एभ्य एवैनं लोकेभ्यो निर्भजति तूष्णीं चतुर्थं हृत्यपरिमितादेवैनं निर्भजत्युद्धन्ति यदेवास्यां अमेध्यं तदपं हृत्युद्धन्ति तस्मादोषधयः परां भवन्ति मूलं छिनत्ति भ्रातृव्यस्यैव मूलं छिनत्ति पितृदेवत्यातिरिखातेयतीं खनति प्रजापतिना (२१)

यज्मुखेन सम्मितामा प्रतिष्ठायै खनति यजमानमेव प्रतिष्ठां गमयति दक्षिणतो वर्षीयसीं करोति देवयजनस्यैव रूपमकः पुरीषवतीं करोति प्रजा वै पशवः पुरीषम्प्रजयेवैनम्पशुभिः पुरीषवन्तं करोत्युत्तरं परिग्राहं परि गृह्णात्येतावन्ती वै पृथिवी यावन्ती वेदिस्तस्या एतावन्त एव भ्रातृव्यं निर्भज्यात्मन उत्तरं परिग्राहं परि गृह्णाति कूरमिव वै (२२)

एतत्करोति यद्वेदिं करोति धा असि स्वधा असीति योयुष्यते शान्त्यै प्रोक्षणीरा सांदयत्यापो वै रक्षोघ्नी रक्षसामपहत्यै स्फ्यस्य वर्त्मन्सादयति यजस्य सन्तत्यै यं द्विष्यात्तं ध्यायेच्छुचैवेनमर्पयति॥ (२३)

भजति प्रजापतिनेव वै त्रयस्त्रिंशच्च॥

[४]

ब्रह्मवादिनो वदन्त्यद्विरहवीर्यं पि प्रोक्षीः केनाप इति ब्रह्मणेति ब्रूयादद्विरहैव हवीर्यं पि प्रोक्षति ब्रह्मणाप  
इध्मावर्हिः प्रोक्षति मेध्यमेवैनत्करोति वेदिं प्रोक्षत्यृक्षा वा एषाऽलोमकाऽमेध्या यद्वेदिर्मध्यामेवैनं करोति  
दिवे त्वान्तरिक्षाय त्वा पृथिव्यै त्वेति बर्हिरासाद्य प्र (२४)

उक्षत्येभ्य एवैनल्लोकेभ्यः प्रोक्षति कूरमिव वा एतत्करोति यत्खनन्त्यपो नि नयति शान्त्यै पुरस्तात्प्रस्तरं  
गृह्णाति मुख्यमेवैनं करोतीत्यन्तं गृह्णाति प्रजापतिना यज्ञमुखेन सम्मितम्बर्हिः स्तृणाति प्रजा वै बर्हिः  
पृथिवी वेदिः प्रजा एव पृथिव्यां प्रति षापयत्यन्तिदृशश्च स्तृणाति प्रजयैवेनम्पशुभिरन्तिदृशं करोति (२५)

उत्तरम्बर्हिषः प्रस्तरं सादयति प्रजा वै बर्हिर्यजमानः प्रस्तरो यजमानमेवायंजमानादुत्तरं करोति  
तस्माद्यजमानोऽयंजमानादुत्तरोऽन्तर्दधाति व्यावृत्त्या अनक्ति हविष्कृतमेवैनं सुवर्गं लोकं गमयति त्रेधानंक्ति  
त्रयं इमे लोका एभ्य एवैनं लोकेभ्योऽनक्ति न प्रति शृणाति यत्प्रतिशृणीयादनूर्ध्वम्भावुकं यजमानस्य  
स्यादुपरीव प्र हरति (२६)

उपरीव हि सुवर्गो लोको नि यच्छति वृष्टिमेवासौ नि यच्छति नात्यंशम्  
हरेद्यदत्यंशम्हरदत्यासारिण्यध्वर्योर्नशुका स्यान्न पुरस्तात्प्रत्यस्येद्यत्पुरस्तात्प्रत्यस्येध्वर्योर्लोकाद्यजमानं प्रति  
नुदेत्प्राश्चम्प हंरति यजमानमेव सुवर्गं लोकं गमयति न विष्वञ्चं वि युयाद्यद्विष्वञ्चं वियुयात् (२७)

स्यंस्य जायेतोर्ध्वमद्यौर्त्यूर्ध्वमिव हि पुंसः पुमानेवास्यं जायते यथ्स्पृष्टेन वोपवेषेण वा योयुष्येत  
स्तृतिरेवास्य सा हस्तेन योयुष्यते यजमानस्य गोपीथार्यं ब्रह्मवादिनो वदन्ति किं यज्ञस्य यजमान इति  
प्रस्तर इति तस्य कं सुवर्गो लोक इत्याहवनीय इति ब्रूयाद्यत्प्रस्तरमाहवनीये प्रहरति यजमानमेव (२८)

सुवर्गं लोकं गमयति वि वा एतद्यजमानो लिशते यत्प्रस्तरं योयुष्यन्ते बर्हिरनु प्रहरति शान्त्या  
अनारम्भण इव वा एतर्ह्यध्वर्युः स ईश्वरो वैपुनो भवितोर्ध्वासीतीतामामभि मृशतीत्यं वै ध्रुवाऽस्यामेव प्रति  
तिष्ठति न वैपुनो भवत्यगा(३)नंश्रीदित्याहु यद्व्यादगंनृग्निरित्यग्नावग्निं गमयेन्निर्यजमानं सुवर्गलोकाद्भजेदग्नित्येव  
ब्रूयाद्यजमानमेव सुवर्गं लोकं गमयति॥ (२९)

आसाद्य प्रान्तिदृशं करोति हरति वियुयाद्यजमानमेवाग्निरिति सप्तदश  
च॥

[५]

अग्नेस्त्रयो ज्यायांसो भ्रातर आसन्ते देवेभ्यो हव्यं वहन्तः प्रामीयन्त सौऽग्निरिविभेदित्यं वाव स्य  
आतिमारिष्यतीति स निलायत सौऽपः प्राविशन्त देवताः प्रैषमैच्छन्तम्मथस्यः प्राब्रवीत्तमशपद्धियाधिंया त्वा  
वध्यासुर्यो मा प्रावोच इति तस्मान्मथस्यं धियाधिंया घ्नन्ति शप्तः (३०)

हि तमन्वविन्दन्तमंब्रुवन्नृपं न आ वर्तस्व हव्यं नो वहेति सौऽब्रवीद्वरं वृणै यदेव गृहीतस्याहुतस्य  
बहिःपरिधि स्कन्दान्ते भ्रातृणांभागधेयमसदिति तस्माद्यद्गृहीतस्याहुतस्य बहिःपरिधि स्कन्दति तेषां तद्भागधेयं  
तानेव तेन प्रीणाति परिधीनरिं दधाति रक्षंसामपहत्यै सः स्पर्शयति (३१)

रक्षंसामनन्ववचाराय न पुरस्तात्परिं दधात्यादित्यो ह्येवोद्यन्पुरस्ताद्भक्षाऽस्यपहन्त्यूर्ध्वं समिधावा  
दधात्युपरिष्ठादेव रक्षास्यपं हन्ति यजुष्यानां तूष्णीमन्यामिमिथुनत्वाय द्वे आ दधाति द्विपाद्यजमानः

प्रतिष्ठित्यै ब्रह्मवादिनो वदन्ति स त्वै यंजेत यो यज्ञस्यार्त्या वसीयान्स्थ्यादिति भूपतये स्वाहा भुवनपतये स्वाहा भूतानाम् (३२)

पतये स्वाहेति स्कन्मनु मन्त्रयेत यज्ञस्यैव तदार्त्या यजमानो वसीयान्भवति भूयसीरहि देवताः प्रीणाति जामि वा एतद्यज्ञस्य क्रियते यदन्वञ्चौ पुरोडाशावुपांशुयाजमन्तरा यंजत्यजामित्वायाथो मिथुनत्वायाग्निरमुष्मिँल्लोक आसीद्यमोऽस्मिन्ते देवा अन्ववन्नेतेमौ वि पर्युहामेत्यत्राद्यैर् देवा अग्निम् (३३)

उपामन्त्रयन्त राज्ञेयं पितरौ यमं तस्मादग्निर्देवानामन्त्रादो यमः पितृणां राजा य एवं वेद प्र राज्यमन्त्राद्यमाप्नोति तस्मा एतद्भागधेयम्प्रायच्छन् यदग्नये स्विष्टकृतंऽवद्यन्ति यदग्नये स्विष्टकृतंऽवद्यति भागधेयैर्नैव तद्बुद्धं समर्धयति सकृध्सकृदव द्यति सकृदिव हि रुद्र उत्तरार्धादव द्यत्येषा वै रुद्रस्य (३४)

दिग्ख्यायामेव दिशि रुद्रं निरवदयते द्विरभि धारयति चतुरवत्तस्यास्यै पशवो वै पूर्वा आहुतय एष रुद्रो यदग्निर्यत्पूर्वा आहुतीरभि जुहुयाद्बुद्राय पशूनपि दध्यादपशुर्यजमानः स्यादतिहाय पूर्वा आहुतीर्जुहोति पशूनां गोपीथाय॥ (३५)

शतः स्पर्शयति भूतानामग्निं रुद्रस्य सप्तत्रिंशच्च॥ [६]

मनुः पृथिव्या यज्ञियमैच्छुश्च घृतं निषिक्तमविन्दुश्चोऽब्रवीत्कोऽस्येश्वरो यज्ञेऽपि कर्तोरिति तावंब्रूतामित्रावरुणौ गोरेवावमीश्वरो कर्ताः स्व इति तौ ततो गां समैरयतां सा यत्रयत्र न्यक्रामत्ततो घृतमपीडयत् तस्माद्धृतपद्युच्यते तदस्यै जन्मोपहृतं रथन्तरं सह पृथिव्येत्याह (३६)

इयं वै रथन्तरमिमांसेव सहान्राद्येनोप ह्वयत् उपहृतं वामदेव्यं सहान्तरिक्षेणेत्याह पशवो वै वामदेव्यं पशूनेव सहान्तरिक्षेणोप ह्वयत् उपहृतम्बृहत्सुह दिवेत्याहैरं वै बृहदिरामेव सह दिवोप ह्वयत् उपहृताः सप्त होत्रा इत्याहु होत्रा एवोप ह्वयत् उपहृता धेनुः (३७)

सहस्पभेत्याह मिथुनमेवोप ह्वयत् उपहृतो भूक्षः सखेत्याह सोमपीथमेवोप ह्वयत् उपहृताँ (४) हो इत्याहात्मानमेवोप ह्वयत् आत्मा ह्युपहृतानां वसिष्ठ इडामुप ह्वयते पशवो वा इडां पशूनेवोप ह्वयते चतुरुप ह्वयते चतुष्पादो हि पशवो मानवीत्याह मनुर्ह्येताम् (३८)

अग्रेऽपश्यद्भुतपदीत्याहु यदेवास्यै पदाद्धृतमपीडयत् तस्मादेवमाह मेत्रावरुणीत्याह मित्रावरुणौ ह्येनां समैरयतां ब्रह्मं देवकृतमुपहृतमित्याहु ब्रह्मैवोप ह्वयते दैव्यां अध्वर्यव उपहृता उपहृता मनुष्या इत्याह देवमनुष्यानेवोप ह्वयते य इमं यज्ञमवान् ये यज्ञपातिं वर्धनित्याह (३९)

यज्ञाय चैव यजमानाय चाशिपमा शास्त उपहृते द्यावापृथिवी इत्याहु द्यावापृथिवी एवोप ह्वयते पूर्वजे ऋतावरी इत्याहु पूर्वजे ह्येते ऋतावरी देवी देवपुत्रे इत्याहु देवी ह्येते देवपुत्रे उपहृतोऽयं यजमान इत्याहु यजमानमेवोप ह्वयत् उत्तरस्यां देवयज्यायामुपहृतो भूयसि हविष्करणं उपहृतो दिव्यं धामनुपहृतः (४०)

इत्याहु प्रजा वा उत्तरा देवयज्या पशवो भूयौ हविष्करणं सुवर्गो लोको दिव्यं धामेदमसीदमसीत्येव

यज्ञस्यं प्रियं धामोपं ह्यते विश्वमस्य प्रियमुपहृतमित्याहाछंम्बद्गारमेवोपं ह्यते॥ (४१)

आह धेनुरेतां वर्धानित्याह धामन्नुपहृतश्चतुस्त्रिंशच्च॥ [७]

पशवो वा इडां स्वयमा दत्ते काममेवात्मनां पशूनामा दत्ते न ह्यन्यः कामम्पशूनाम्ययच्छति वाचस्पतये त्वा हुतम्प्राश्रामीत्याह वाचमेव भांगधेयेन प्रीणाति सदसस्पतये त्वा हुतम्प्राश्रामीत्याह स्वगाकृत्ये चतुरवत्तम्भवति हविर्वै चतुरवत्तम्पशवश्चतुरवत्तं यद्धोतां प्राश्रीयाद्धोतां (४२)

आर्तिमाच्छेद्यदग्नौ जुहुयाद्रुद्रायं पशूनपि दध्यादपशुर्यजमानः स्याद्वाचस्पतये त्वा हुतम्प्राश्रामीत्याह पुरोक्षमेवेनञ्जहाति सदसस्पतये त्वा हुतम्प्राश्रामीत्याह स्वगाकृत्ये प्राश्रन्ति तीर्थ एव प्राश्रन्ति दक्षिणां ददाति तीर्थ एव दक्षिणां ददाति वि वा एतद्यज्ञम् (४३)

छिन्दन्ति यन्मध्यतः प्राश्रन्त्यद्विर्माजयन्त आपो वै सर्वा देवतां देवताभिरेव यज्ञं सं तन्वन्ति देवा वै यज्ञाद्रुद्रमन्तरायन्त्य यज्ञमविध्यन्त देवा अभि समगच्छन्त कल्पतां न इदमिति तैऽब्रुवन्स्विष्टं वै न इदमविध्यति यदिमं राधयिष्याम् इति तथ्स्विष्टकृतः स्विष्टकृत्त्वन्तस्याविद्धं निः (४४)

अकृन्तन् यवेन सम्मितं तस्माद्यवमात्रमवं छेद्यज्यायोऽव्येदोपयेत्तद्यज्ञस्य यदुपं च स्तृणीयादभि च घारयेदुभयतः सञ्धायि कुर्यादवदायाभि घारयति द्विः सम्पद्यते द्विपाद्यजमानः प्रतिष्ठित्ये यत्तिरश्चनमतिहरेदनभिविद्धं यज्ञस्याभि विध्येदग्रेण परि हरति तीर्थेनैव परि हरति तत्पूष्णे पर्यहरन्तत् (४५)

पूषा प्राश्यं दतोऽरुणत्तस्मात्पूषा प्रपिष्टभाणोऽदन्तको हि तं देवा अंब्रवन्वि वा अयमार्ध्यप्राशित्रियो वा अयमभूदिति तद्ब्रह्मस्पतये पर्यहरन्त्योऽविभेद्ब्रह्मस्पतिरित्यं वाव स्य आर्तिमारिष्यतीति स एतम्मन्त्रमपश्यत्सूर्यस्य त्वा चक्षुषा प्रति पश्यामीत्यब्रवीन्न हि सूर्यस्य चक्षुः (४६)

किं च न हिनस्ति सोऽविभेत्प्रतिगृह्णन्तं मा हिंसिष्यतीति देवस्यं त्वा सवितुः प्रंसर्वेऽश्विनोर्बाहुभ्यां पूष्णो हस्ताभ्यां प्रति गृह्णामीत्यब्रवीत्सवितुः प्रंसूत एवेन ब्रह्मणा देवताभिः प्रत्यंगृह्णात्सोऽविभेत्प्राश्रन्तं मा हिंसिष्यतीत्यग्नेस्त्वात्येन प्राश्रामीत्यब्रवीन्न ह्यग्रेण सूर्यं किं च न हिनस्ति सोऽविभेत् (४७)

प्राशितं मा हिंसिष्यतीति ब्राह्मणस्योदरेण्यब्रवीन्न हि ब्राह्मणस्योदरं किं च न हिनस्ति बृहस्पतेर्ब्रह्मणेति स हि ब्रह्मिष्ठोऽपु वा एतस्मात्प्राणाः क्रामन्ति यः प्राशित्रम्प्राश्रात्यद्विर्माजयित्वा प्राणात्सम्मृशतेऽमृतं वै प्राणा अमृतमार्पः प्राणानेव यथास्थानमुपं ह्यते॥ (४८)

प्राश्रीयाद्धोतां यज्ञं निरहरन्तचक्षुरास्यङ्किं च न हिनस्ति सोऽविभेच्चतुश्चत्वारिंशच्च॥ [८]

अग्नीध्र आ दधात्यग्निमुखानेवतूर्न्प्रीणाति समिधमा दधात्युत्तरासामाहुतीनां प्रतिष्ठित्या अथो समिद्वत्येव जुहोति परिधीन्सम्माष्टिं पुनात्येवैनान्सुकृत्संकृत्सम्माष्टिं पराडिव ह्येतरहिं यज्ञश्चतुः सम्पद्यते चतुष्पादः पशवः पशूनेवाव रुद्धे ब्रह्मन्त्र स्थास्याम् इत्याहात्र वा एतरहिं यज्ञः श्रितः (४९)

यत्र ब्रह्मा यत्रैव यज्ञः श्रितस्तत एवैनमा रभते यद्धस्तेन प्रमीवैद्वपनः स्याद्यच्छीर्णा शीरपक्तिमाभ्यस्याद्यत्तृष्णीमासीतासम्प्रतो यज्ञः स्यात्प्र तिष्ठेत्येव ब्रूयाद्वाचि वै यज्ञः श्रितो यत्रैव यज्ञः श्रितस्तत एवैनः सम्प्र यच्छति देवं सवितरेतत्ते प्र (५०)

आहेत्याह प्रसूत्यै बृहस्पतिर्ब्रह्मेत्याह स हि ब्रह्मिष्ठः स यज्ञम्पाहि स यज्ञपतिम्पाहि स माम्पाहीत्याह यज्ञाय यजमानायान्ते तेभ्य एवाशिषमा शास्तेऽनार्त्या आश्राव्याह देवान् यजेति ब्रह्मवादिनो वदन्तीष्टा देवता अर्थं कृतम् एते देवा इति छन्दासीति ब्रूयाद्वायुर्त्री त्रिष्टुभम् (५१)

जगतीमित्यथो खल्वाहुर्ब्राह्मणा वै छन्दासीति तानेव तद्यजति देवानां वा दृष्टा देवता आसन्नथाग्निर्नोर्दज्वलत्तं देवा आहुतीभिरनूयाजेष्वन्विन्दन् यदनूयाजान् यजत्यग्निमेव तथ्समिन्द्र एतदुर्वे नामासुर आसीत्स एतर्हि यज्ञस्याशिषमवृद्धं यद्ब्रूयादेतत् (५२)

उ द्यावापृथिवी भद्रमभूदित्येतदुमेवासुरं यज्ञस्याशिषं गमयेदिदं द्यावापृथिवी भद्रमभूदित्येव ब्रूयाद्यजमानमेव यज्ञस्याशिषंमामयत्यार्थं सूक्तवाकमुत नमोवाकमित्याहुदमराथ्समेति वावैतदाहोपश्रितो दिवः पृथिव्योरित्याह द्यावापृथिव्योर्हि यज्ञ उपश्रित ओमन्वती तेऽस्मिन् यज्ञे यजमान द्यावापृथिवी (५३)

स्तामित्याहाशिषमेवैतामा शास्ते यद्ब्रूयाथ्मूपावसाना चं स्वध्वयसाना चेति प्रमायुको यजमानः स्याद्यदा हि प्रमीयतेऽधेमामुपावस्यति सूपचरणा चं स्वधिचरणा चेत्येव ब्रूयाद्वरीयसीमेवासमे गव्यूतिमा शास्ते न प्रमायुको भवति तयोरगुविद्यग्निर्दिह हविरंजुषतेत्याह या अयाक्ष्म (५४)

देवतास्ता अरीरधामेति वावैतदाह यन्न निर्दिशेत्यतिवेशं यज्ञस्याशीर्गच्छेदा शास्तेऽयं यजमानोऽसावित्याह निर्दिश्यैवैनं सुवर्गं लोकं गमयत्यायुरा शास्ते सुप्रजास्वमा शास्त इत्याहाशिषमेवैतामा शास्ते सजातवनस्यामा शास्त इत्याह प्राणा वै संजाताः प्राणानेव (५)

नान्तरिति तदग्निर्देवो देवेभ्यो वनते वयमग्नेमानुषा इत्याहाग्निर्देवेभ्यो वनुते वयं मनुष्येभ्य इति वावैतदाहेह गतिर्वामस्येदं च नमो देवेभ्य इत्याह याश्चैव देवता यजति याश्च न ताभ्य एवोभयीभ्यो नमस्करत्यात्मनोऽनार्त्यै॥ (५६)

श्रितस्ते प्र त्रिष्टुभमेतद्यावापृथिवी या अयाक्ष्म प्राणानेव पदं त्वारिः शब्दः॥

[१]

देवा वै यज्ञस्य स्वगाकर्तारं नाविन्दन्ते शं युम्बारहस्पत्यमब्रुवन्निमं नो यज्ञः स्वगा कुर्विति सौऽब्रवीद्वरं वृणै यदेवाब्राह्मणोक्तोऽश्रद्धधानो यजाते सा मे यज्ञस्याशीरंसदिति तस्माद्यदब्राह्मणोक्तोऽश्रद्धधानो यजते शं युमेव तस्य बारहस्पत्यं यज्ञस्याशीर्गच्छत्येतन्ममेत्यब्रवीत्किमस्मै प्रजायाः (५७)

इति योऽपगुरातै शतेन यातयाद्यो निहनंश्चहर्षेण यातयाद्यो लोहितं क्रवद्यावतः प्रस्कद्य पाःसून्मृगह्णात्तावतः संवत्सरान्पितृलोकं न प्र जानादिति तस्माद्ब्राह्मणाय नापं गुरेत न नि हन्यान्न लोहितं कुर्यादित्तावता हैनसा भवति तच्छं योरा वृणीमह इत्याह यज्ञमेव तथ्स्वगा करोति तत् (५८)

शं योरा वृणीमह इत्याह शं युमेव बारहस्पत्यम्भागधेयेन समर्धयति गातुं यज्ञाय गातुं यज्ञपतय

इत्याहुशिर्षमेवेतामा शास्ते सोमं यजति रेतं एव तदधाति त्वष्टारं यजति रेतं एव हितं त्वष्टां रूपाणि वि करोति देवानाम्पत्नीर्यजति मिथुनत्वायाग्निं गृहपतिं यजति प्रतिष्ठित्ये जामि वा एतद्यज्ञस्य क्रियते (५९)

यदाज्येन प्रयाजा इज्यन्त आज्येन पत्नीसंयाजा ऋचमनूच्यं पत्नीसंयाजानामृचा यजत्यजामित्वायाथौ मिथुनत्वायं पङ्क्तिप्रायणो वै यज्ञः पङ्क्तुदयनः पञ्च प्रयाजा इज्यन्ते चत्वारः पत्नीसंयाजाः समिष्टयजुः पञ्चमम्पङ्क्तिमेवानुं प्र यन्ति पङ्क्तिमनूद्यन्ति॥ (६०)

**प्रजायाः करोति तत्क्रियते त्रयस्त्रिंशच्च॥** [१०]

युक्त्वा हि देवहूतमांश्च अश्वांश्च अग्ने रथीरिवा नि होतां पूर्यः संदः। उत नो देव देवाश्च अच्छां वोचो विदुष्टरः। श्रद्धिश्चा वार्या कृधि। त्वं ह यद्यविष्म सहसः सूनवाहुत। ऋतावा यज्ञियो भवः। अयमग्निः सहस्रिणो वाजस्य शतिनस्पतिः। मूर्धा कवी रयीणाम्। तं नेमिभूवो यथा नमस्व सहतिभिः। नेदीयो यज्ञम् (६१)

अङ्गिरः। तस्मै नूनमभिद्यवे वाचा विरूप नित्यया। वृणो चोदस्व सुष्टुतिम्। कमं प्विदस्य सेनयाग्नेरपाकचक्षसः। पुणिं गोपुं स्तरामहे। मा नो देवानां विशः प्रस्नातीरिवोस्त्राः। कुशं न हांसुरग्निः। मा नः समस्य दृढः परिद्विपसो अहृतिः। ऊर्मिर्न नावमा वधीत्। नमस्ते अग्न ओजसे गृणन्ति देव कृष्टयः। अमैः (६२)

अमित्रमर्दया कुविश्व नो गविष्टयेऽग्ने संवेषिपो रयिम्। उरुकदुरु णस्कृधि। मा नो अस्मिन्महाधने परां वर्भारभूद्यथा। संवर्गश्च स रयिञ्जया। अन्यमस्मद्विद्या इयमग्ने सिपेक्तु दुच्छुना। वर्धा नो अमवच्छवः। यस्याजुपन्नमस्विनः शमीमर्दुमखस्य वा। तं घेदग्निर्वृधावति। परंस्या अधि (६३)

संवतोऽवरांश्च अभ्या तं। यत्राहमस्मि तांश्च अवा विद्या हि तं पुरा व्यमग्ने पितुर्यथावसः। अथा ते सुप्रमीमहे। य उग्र इव शर्यहा तिग्मशृङ्गो न वःसंगः। अग्ने पुरो क्रोजिथा सखायः सं वः सम्यश्चमिपुं स्तोमं चाग्रयौ। वर्षिष्ठाय क्षितिनामूर्जो नग्ने सहस्वते। सस्मिद्यवसे वृषत्रग्ने विश्वान्यर्य आ। इडस्पदे समिध्यसे स नो वसून्वा भर। प्रजापते स वैद सोमांपूषणमौ देवौ॥ (६४)

**यज्ञमैरधि वृषत्रेकात्रविंशतिश्च॥** [११]

उशन्तस्त्वा हवामह उशन्तः समिधीमहि। उशन्नुशत आ वहं पितृन् हविषे अत्तवे। त्वं सोम प्रचिकितो मनीषा त्वं रजिष्ठमनुं नेषि पन्थाम्। तव प्रणीती पितरो न इन्दो देवेषु रत्नमभजन्त धीराः। त्वया हि नः पितरः सोम पूर्वं कर्माणि चक्रुः पवमान धीराः। बन्वन्नवातः परिधीं रपोणु वीरेभिरश्वैर्मधवा भव (६५)

नः। त्वं सोम पितृभिः संविदानोऽनु द्यावापृथिवी आ तंतन्था। तस्मै त इन्दो हविषा विधेम व्यश्च स्याम पतयो रयीणाम्। अग्निष्वात्ताः पितर एह गच्छत सदःसदः सदत सुप्रणीतयः। अत्ता हवींश्चि प्रयतानि बर्हिष्यथा रयिं सर्ववीरं दधातन। बर्हिषदः पितर ऊत्यर्वांगिमा वो हव्या चक्रमा जुषध्वमै।

त आ गतावसां शन्तमेनाथास्मभ्यम् (६६)

शं योररपो दधाता। आहं पितृन्सुविदत्रां अविष्मि नपातश्च विक्रमणं च विष्णोः। बर्हिपदो ये स्वधयां सुतस्य भजन्त पित्वस्त इहागमिष्ठाः। उपहूताः पितरो बर्हिष्येषु निधिषु प्रियेषु। त आगमन्तु त इह श्रुवन्त्वधि ब्रुवन्तु ते अवन्त्वस्मान्। उदीरतामवर् उत्परांस उन्मध्यमाः पितरः सोम्यासः। असुम् (६७)

य ईयुरवृका ऋतज्ञास्ते नोऽवन्तु पितरो हवेषु। इदम्पितृभ्यो नमो अस्त्वद्य ये पूर्वासो य उपरास ईयुः। ये पार्थिवे रजस्या निषत्ता ये वा नूनं सुवृजनांसु विश्व। अधा यथा नः पितरः परांसः प्रत्नासो अग्र ऋतमांशुपाणाः। शुचीदयन्दीर्घितिमुक्थशासः क्षामां भिन्दन्तो अरुणीरपं व्रत्र। यदग्ने (६८)

कव्यवाहुन पितृन् यक्ष्यतावृधः। प्र च हव्यानि वक्ष्यसि देवेभ्यश्च पितृभ्य आ। त्वमग्र ईडितो जातवेदोऽवाङ्मव्यानि सुरभीणि कृत्वा। प्रादाः पितृभ्यः स्वधया ते अक्षन्नद्धि त्वं देव प्रयता हवीषि। मातली कव्यैर्यमो अङ्गिरोभिर्वृहस्पतिरृक्कंभिर्वावृधानः। याश्च देवा वावृधुर्ये च देवान्त्स्वाहान्ये स्वधयान्ये मंदन्ति। (६९)

इमं यमं प्रस्तरमा हि सीदाङ्गिरोभिः पितृभिः संविदानः। आ त्वा मन्त्राः कविशस्ता वंहन्त्वेना राजन् हविषां मादयस्व। अङ्गिरोभिरा गंहि यज्ञिर्यैभिर्यमं वैरूपैरिह मादयस्व। विवस्वन्तं हवे यः पिता तेऽस्मिन् यज्ञे बर्हिष्या निषद्य। अङ्गिरसो नः पितरो नवंग्वा अथर्वाणो भृगवः सोम्यासः। तेषां वयं सुमतौ यज्ञियांनामपि भद्रे सौमनसे स्याम॥ (७०)

[स्मिधौ याज्यां तस्मान्नाभागं हि तमन्वित्याह प्रजा वा आहेत्याह युक्त्वा हि संसृतिः॥७०॥  
स्मिधः सौमनसे स्याम॥]

भवास्मभ्यमसुं यदग्ने मदन्ति सौमनसे एकंश्च॥ \_\_\_\_\_ [१२]

प्रजापतिरकामयतैष ते यज्ञं वै प्रजापतेर्जायमानाः प्राजापत्या यो वा अयथादेवतमिष्टर्गो निग्राभ्याः स्थ यो वै देवां जुष्टोऽग्निना रयिमेकादश॥ [१३]

## ॥ काण्डम् ३ ॥

### ॥ प्रथमः प्रश्नः ॥

॥ तैत्तिरीयसंहितायां तृतीयकाण्डे प्रथमः प्रश्नः ॥

प्रजापतिरकामयत प्रजाः सृजेयेति स तपोऽतप्यत् स सर्पानंसृजत् सोऽकामयत प्रजाः सृजेयेति स द्वितीयमतप्यत् स वयांस्यसृजत् सोऽकामयत प्रजाः सृजेयेति स तृतीयमतप्यत् स एतं

दीक्षितवा॒दम॑पश्य॒त्तम॑वद॒त्ततो॑ वै स प्र॒जा अ॑स्मृज॒त् यत्तप॑स्त॒त्वा दी॑क्षितवा॒दं वद॑ति प्र॒जा ए॒व तद्य॑ज॒मानः (१)

सृज॒ते यद्वे दी॑क्षितो॑ऽमेध्य॒म्यश॑य॒त्यपा॑स्मादी॒क्षा क्रा॑मति नील॑मस्य हरो॒ व्यैत्य॑ब॒द्धम॑नो॒ द्रिद्रं॑ चक्षुः॒ सूर्यो॑ ज्योति॑षा॒ऽऽ श्रेष्ठो॑ दीक्षे॒ मा मां हासी॑रित्या॒हु नास्मा॑दी॒क्षापं॑ क्रा॒मति॒ नास्य॑ नीलं न हरो॒ व्यैति॑ यद्वे दी॒क्षितम॑भि॒वर्प॑ति दि॒व्या आपोऽशा॑न्ता॒ ओजो॑ बलं दी॒क्षाम् (२)

तपो॑ऽस्य॒ नि॒र्ग्रन्त्यु॒न्दती॑र्बलं॒ धृत्तोजो॑ धत्त॒ बलं॑ धत्त॒ मा मे दी॑क्षां मा तपो॒ निर्व॑धिष्टे॒त्याहेत॑दे॒व सर्व॑मात्म॒न्यन्ते॑ नास्यो॒जो बलं॑ न दी॒क्षां न तपो॑ नि॒र्ग्रन्त्यु॒ग्निरै॑ दी॒क्षितस्य॑ दे॒वता॒ सौऽस्मादे॑त्तर्हि॒ तिर इ॒व यर्हि॑ याति॒ तमो॑श्चर॒ रक्षा॑र॒सि ह॑न्तोः (३)

भ॒द्राद॑भि श्रेयः॒ प्रेहि॑ बृ॒हस्प॑तिः॒ पुर॑ए॒ता ते अ॑स्वि॒त्याहु॑ ब्र॒ह्म वै दे॒वाना॑म्बृ॒हस्प॑तिस्तमे॒वान्वा॑र॒भते॑ स ए॒नं॒ सम्पा॑रयत्ये॒दम॑ग॒म्य दे॒वय॑ज॒नं पृथि॑व्या इत्या॒ह दे॒वय॑ज॒नं ह्ये॒ष पृथि॑व्या आ॒गच्छ॑ति यो यज॑ते वि॒श्वे दे॒वा यद॑र्जु॒पन्त॑ पूर्॒व इत्या॑ह वि॒श्वे ह्येत॑दे॒वा जो॑प॒र्यन्ते॑ यद्वा॒ह्मणा॑ ऋ॒क्सामा॑भ्यां यजु॒षा स॒न्तर॑न्त॒ इत्या॑ह॒रक्सामा॑भ्यां ह्ये॒ष यजु॑षा स॒न्तर॑ति यो यज॑ते रा॒यस्पोष॑ण॒ समि॑षा म॒देमे॒त्याहा॑शि॒षमे॒वैता॑मा शा॒स्ते (४)

यज॑मानो दी॒क्षा र॑ ह॒न्तो॑र्ब्रा॒ह्मणा॑श्चतु॒र्विंश॑तिश्च॥ [१]

एष॒ ते गाय॑त्रो भा॒ग इति॑ मे सोमा॒य ब्रू॑ता॒देष॑ ते॒तैरिष्टु॑भो जा॒गतो॑ भा॒ग इति॑ मे सोमा॒य ब्रू॑ताच्छ॒दोमा॑ना॒ साम्रा॑ज्यं गच्छ॑ति मे सोमा॒य ब्रू॑ता॒द्यो वै सोम॑ राजा॒नं साम्रा॑ज्यं लो॒कं ग॑मयित्वा क्री॒णाति॑ गच्छ॑ति स्वाना॒ं साम्रा॑ज्यं छ॒न्दा॑र॒सि खलु॑ वै सोम॑स्य॒ राज्ञः॑ साम्रा॑ज्यो लो॒कः पुर॑स्ता॒थ्सोम॑स्य॒ क्रया॑दे॒वम॑भि म॒न्त्रये॑त् सा॒म्राज्य॑मे॒व (५)

ए॒नं लो॒कं ग॑मयित्वा क्री॒णाति॑ गच्छ॑ति स्वाना॒ं साम्रा॑ज्यं यो वै ता॒नून्ब्र॑स्य॒ प्रति॑ष्ठां वेद॒ प्रत्ये॒व तिष्ठ॑ति ब्र॒ह्मवादि॑नो॒ वद॑न्ति न प्रा॒श्रन्ति॑ न जु॒हुत्य॑थ॒ कं ता॒नून्ब्र॑ प्रति॒ तिष्ठ॑तीति॒ प्रजा॑प॒तौ म॑न॒सीति॑ ब्रू॒यात्रि॑र॒वं जिघ्रे॑त्प्र॒जाप॑तौ त्वा॒ मनी॑सि जु॒होमी॑त्ये॒षा वै ता॒नून्ब्र॑स्य॒ प्रति॑ष्ठा य ए॒वं वेद॒ प्रत्ये॒व तिष्ठ॑ति यः (६)

वा अ॒ध्वर्योः॑ प्र॒तिष्ठां॑ वेद॒ प्रत्ये॒व तिष्ठ॑ति यतो म॒न्येतान॑भि॒क्रम्य॑ हो॒ष्यामी॑ति तत्तिष्ठ॒न्ना श्रा॑वये॒देषा॑ वा अ॒ध्वर्योः॑ प्र॒तिष्ठा॑ य ए॒वं वेद॒ प्रत्ये॒व तिष्ठ॑ति यद॒भि॒क्रम्य॑ जुहु॒यात्प्र॑तिष्ठाया॒ इया॑त्तस्मा॒थ्समा॑न॒त्र तिष्ठ॑ता होत॒व्यं प्र॑तिष्ठित्ये॒ यो वा अ॒ध्वर्योः॑ स्वं वेद॒ स्वाने॑व भ॒वति॑ सु॒गवा॑ अ॒स्य स्वं वा॑य॒व्यम॑स्य (७)

स्वं च॑म॒सौऽस्य॑ स्वं यद्वा॒यव्यं॑ वा च॒मसं॑ वाऽन॒न्वार॑भ्याश्रावये॒थ्स्वादि॑यात्तस्मा॒दन्वार॑भ्याश्राव्य॒ स्वादे॒व नैति॑ यो वै सोम॑म॒प्रति॑ष्ठा॒य्य स्तो॒त्रमु॑पा॒कुरो॑त्यप्रतिष्ठितः॒ सोमो॑ भ॒वत्य॑प्रतिष्ठितः॒ स्तोमो॑ऽप्रतिष्ठिता॒न्युक्थान्य॑प्रतिष्ठितो॒ यज॑मानोऽप्रतिष्ठितोऽध्व॒र्युवा॑य॒व्यं वै सोम॑स्य॒ प्रति॑ष्ठा च॑म॒सौऽस्य॑ प्रतिष्ठा सोमः॒ स्तोम॑स्य॒ स्तोमं॑ उ॒क्थानां॑ ग्र॒हं वा॑ गृही॒त्वा च॑म॒सं वो॒त्रीयं॑ स्तो॒त्रमु॑पा॒कुर्या॑त्प्रत्ये॒व सोम॑ः स्थाप॒र्यति॑ प्र॒ति स्तोम॑म॒प्रत्यु॑क्थानि॒ प्रति॑ यज॑मान॒स्तिष्ठ॑ति प्रत्य॒ध्वर्युः॥ (८)

ए॒व तिष्ठ॑ति यो वा॒यव्य॑म॒स्य ग्र॒हं वैका॒त्रवि॑ंश॒तिश्च॑॥ [२]



यज्ञं वा एतत्सम्भरन्ति यत्सोमक्रयण्यै पदं यज्ञमुखं हविर्धाने यरहिं हविर्धाने प्राचीं प्रवर्तयैयुस्तरहि तेनाक्षमुपांज्याद्यज्ञमुख एव यज्ञमनु सं तनोति प्राञ्चमग्निम्परं हन्त्युत्पन्नीमा नयन्त्यन्वनांसि प्र वर्तयन्त्यथ वा अंस्यैष धिष्णिंयो हीयते सोऽनुं ध्यायति स ईश्वरो रुद्रो भूत्वा (९)

प्रजां पशून् यजमानस्य शमयितोर्यरहिं पशुमाप्रीतमुदञ्चं नयन्ति तरहि तस्य पशुश्रपणं हरेत्तेनैवैन्मग्निं करोति यजमानो वा आहवनीयो यजमानं वा एतद्वि कर्षन्ते यदाहवनीयात्पशुश्रपणं हरन्ति स वैव स्यान्निर्मन्थ्यं वा कुर्याद्यजमानस्य सात्त्वत्वाय यदि पशोरवदानं नश्येदाज्यस्य प्रत्याख्यायमवं द्येभ्येव ततः प्रार्यश्चित्तिर्ये पशुं विमग्नीरन् यस्तान्कामयेतातिमाच्छैयुरिति कुविदङ्केति नमोवृक्तिवत्यचाग्नीध्रे जुहुयान्नमोवृक्तिमेवैषां वृद्धे ताजगार्तिमाच्छन्ति॥ (१०)

**भूत्वा ततः पङ्क्तिं शतिश्च॥** [३]

प्रजापतेर्जायमानाः प्रजा जाताश्च या इमाः। तस्मै प्रति प्र वेदय चिकित्वा अंनुं मन्यताम्। इमम्पशुम्पशुपते ते अद्य बध्नाम्यग्रे सुकृतस्य मय्यै। अंनुं मन्यस्व सुयजां यजाम जुष्टं देवानामिदमस्तु हव्यम्। प्रजानन्तः प्रति गृह्णन्ति पूर्वं प्राणमङ्गेभ्यः पर्याचरन्तम्। सुवर्गं याहि पृथिभिर्देवयानैरोषधीषु प्रति तिष्ठा शरीरैः। येपामोशै (११)

पशुपतिः पशूनां चतुष्पदामुत च द्विपदाम्। निष्क्रीतोऽयं यज्ञियंभागमेतु रायस्पोषा यजमानस्य सन्तु। ये बध्यमानमनुं बध्यमाना अभ्यैक्षन्तु मनसा चक्षुषा च। अग्निस्ता अग्रे प्र मुमोक्तु देवः प्रजापतिः प्रजयां संविदानः। य आरण्याः पशवो विश्वरूपा विरूपाः सन्तो बहुधेकरूपाः। वायुस्ता अग्रे प्र मुमोक्तु देवः प्रजापतिः प्रजयां संविदानः। प्रमुञ्चमानाः (१२)

भुवनस्य रेतो गातुं धत्त यजमानाय देवाः। उपाकृतं शशमानं यदस्याञ्जीवं देवानामप्येतु पाथः। नानां प्राणो यजमानस्य पशूनां यज्ञो देवेभिः सह देवयानः। जीवं देवानामप्येतु पाथः सत्याः सन्तु यजमानस्य कामाः। यत्पशुर्मायुमकृतोरौ वा पद्भिराहुते। अग्निर्मा तस्मादेनसो विश्वान्मुञ्चत्व हंसः। शमितार उपेतं यज्ञम् (१३)

देवेभिर्विन्वितम्। पाशात्पशुम्प्र मुञ्चत बन्धाद्यज्ञपतिं परि। अदितिः पाशम्प्र मुमोक्तेतं नमः पशुभ्यः पशुपतये करोमि। अरातीयन्तमधरं कृणोमि यं द्विष्मस्तस्मिन्प्रति मुञ्चामि पाशम्। त्वामु ते दधिरे हव्याहं शृतङ्कतरामुत यज्ञियं च। अग्रे सदक्षः सतनुरहि भूत्वाऽयं हव्या जातवेदो जुषस्व। जातवेदो वपयां गच्छ देवान्त्व ह्ये होता प्रथमो बभूथ। घृतेन त्वं तनुवो वर्धयस्व स्वाहाकृतं हविरदन्तु देवाः। स्वाहा देवेभ्यो देवेभ्यः स्वाहा॥ (१४)

**ईशे प्रमुञ्चमाना यज्ञन्त्व षोडश च॥** [४]

प्रजापत्या वै पशवस्तेषां रुद्रोऽधिपतिर्यदेताभ्यामुपाकरोति ताभ्यामेवैनं प्रतिप्रोच्या लभत आत्मनोऽनाब्रस्काय द्वाभ्यामुपाकरोति द्विपाद्यजमानः प्रतिष्ठित्या उपाकृत्य पञ्च जुहोति पाङ्क्तः पशवः पशुनेवाव

रुद्धे मृत्यवे वा एष नीयते यत्पशुस्तं यदन्वारभेत प्रमायुको यजमानः स्यान्नाना प्राणो यजमानस्य पशुनेत्याहु व्यावृत्तये (१५)

यत्पशुर्मायुमकृतेति जुहोति शान्त्यै शमितार उपेतनेत्याह यथायजुरेवैतद्वपायां वा आह्रियमाणायामग्नेर्मधो-  
ऽपं क्रामति त्वामु ते दधिरे हव्यवाहुमिति वपामभि जुहोत्यग्नेरेव मेधमव रुद्धेऽथौ शृतत्वायं  
पुरस्तात्स्वाहाकृतयो वा अन्ये देवा उपरिष्ठाश्वाहाकृतयोऽन्ये स्वाहा देवेभ्यो देवेभ्यः स्वाहेत्यभितो  
वपां जुहोति तानेवोभयान्प्रीणाति॥ (१६)

व्यावृत्त्या अभितो वपां पञ्च च॥ \_\_\_\_\_ [५]

यो वा अयथादेवतं यज्ञमुपचरत्या देवताभ्यो वृश्चते पापीयान्भवति यो यथादेवतं न देवताभ्य आ  
वृश्चते वसीयान्भवत्याग्नेय्यर्चाग्राध्रमभि मृशेद्वेष्णव्या हविर्धानमाग्नेय्या सुचौ वायव्यया वायव्यान्वेन्द्रिया सदो  
यथादेवतमेव यज्ञमुप चरति न देवताभ्य आ वृश्चते वसीयान्भवति युनज्मि ते पृथिवी ज्योतिषा सह  
युनज्मि वायुमन्तरिक्षेण (१७)

ते सह युनज्मि वाच१ सह सूर्येण ते युनज्मि तिस्रो विपृचः सूर्यस्य ते। अग्निदेवता गायत्री  
छन्दं उपांशोः पात्रमसि सोमो देवता त्रिष्टुप्छन्दोऽन्तर्यामस्य पात्रमसीन्द्रो देवता जगती छन्द इन्द्रवायुवोः  
पात्रमसि बृहस्पतिदेवताऽनुष्टुप्छन्दो मित्रावरुणयोः पात्रमस्यश्विनो देवता पङ्क्तिश्छन्दोऽश्विनोः पात्रमसि सूर्यो  
देवता बृहती (१८)

छन्दः शुक्रस्य पात्रमसि चन्द्रमा देवता सतोबृहती छन्दो मन्थिनः पात्रमसि विश्वे देवा देवतोष्णिहा  
छन्दं आग्रयणस्य पात्रमसीन्द्रो देवता ककुच्छन्दं उक्थानाम्पात्रमसि पृथिवी देवता विराट्छन्दो ध्रुवस्य  
पात्रमसि॥ (१९)

अन्तरिक्षेण बृहती त्रयस्त्रिंशच्च॥ \_\_\_\_\_ [६]

इष्टर्गो वा अध्वर्युर्यजमानस्येष्टर्गः खलु वै पूर्वोऽर्हः क्षीयत आसुन्यान्मा मन्त्रात्पाहि कस्यांश्चिदभिंशस्त्या  
इति पुरा प्रातरनुवाकाङ्गुहयादात्मन एव तदध्वर्युः पुरस्ताच्छर्म नह्यतेऽनात्यै संवेशाय त्वोपवेशाय त्वा  
गायत्रियास्त्रिष्टुभो जगत्या अभिभूतै स्वाहा प्राणापानौ मृत्योर्मा पातं प्राणापानौ मा मां हासिष्टं देवतासु  
वा एते प्राणापानयोः (२०)

व्यायच्छन्ते येषां सोमः समृच्छते संवेशाय त्वोपवेशाय त्वेत्याहु छन्दांसि वै संवेश  
उपवेशश्छन्दोभिरेवास्य छन्दांसि वृङ्क्ते प्रेतिवन्त्याज्यानि भवन्त्यभिजित्यै मरुत्वतीः प्रतिपदो विजित्या उभे  
बृहद्रथन्तरे भवत इयं वाव रथन्तरमसौ बृहदाभ्यामेवैनमन्तरैत्यद्य वाव रथन्तरः श्वो बृहदद्याश्वादेवैनमन्तरैति  
भूतम् (२१)

वाव रथन्तरम्भविष्यद्बृहदाच्चैवैनम्भविष्यतश्चान्तरैति परिमितं वाव रथन्तरमपरिमितम्बृहत्परिमिताच्चैवैनमपरि-  
मिताच्चान्तरैति विश्वामित्रजमदग्नी वसिष्ठेनास्पधेताः स एतज्जमदग्निर्विहव्यमपश्यतेन वै स वसिष्ठस्येन्द्रियं

वीर्यमवृङ्क्ते यद्विहव्यं शस्यत इन्द्रियमेव तद्वीर्यं यजमानो भ्रातृव्यस्य वृङ्क्ते यस्य भूयांसो यज्ञकृतव इत्याहुः स देवता वृङ्क्ते इति यद्यग्निष्टोमः सोमः परस्ताध्यादुक्थं कुर्वीत यद्युक्थं स्यादतिरात्रं कुर्वीत यज्ञकृतुभिरेवास्यं देवता वृङ्क्ते वसीयान्भवति॥ (२२)

प्राणापानयोर्भूतं वृङ्क्तेऽष्टाविंशतिश्च॥ [७]

निग्राभ्याः स्थ देवश्रुत आयुर्मे तर्पयत प्राणं मे तर्पयतापानं मे तर्पयत व्यानं मे तर्पयत चक्षुर्मे तर्पयत श्रोत्रं मे तर्पयत मनो मे तर्पयत वाचं मे तर्पयतात्मानं मे तर्पयताङ्गानि मे तर्पयत प्रजां मे तर्पयत पशून्मे तर्पयत गृहान्मे तर्पयत गणान्मे तर्पयत सर्वगणं मा तर्पयत तर्पयत मा (२३)

गणा मे मा वि तृपन्नोपधयो वै सोमस्य विशो विशः खलु वै राज्ञः प्रदातोरीश्वरा ऐन्द्रः सोमोऽवीवृधं वो मनसा सुजाता ऋतप्रजाता भग इद्वं स्याम। इन्द्रेण देवीर्वीरुधः संविदाना अनु मन्यन्तां सर्वनाय सोममित्याहोर्षधीभ्य एवैनं स्वायै विशः स्वायै देवतायै नियीच्यभि पुणोति यो वै सोमस्याभिपूयमाणस्य (२४)

प्रथमोऽंशुः स्कन्दति स ईश्वर इन्द्रियं वीर्यं प्रजां पशून् यजमानस्य निरहन्तोस्तमभि मन्त्रयेता मास्कान्सह प्रजयां सह रायस्पोषणेन्द्रियं मे वीर्यं मा निर्वधीरित्याशिषमेवेतामा शास्त इन्द्रियस्य वीर्यस्य प्रजायै पशूनामनिर्धाताय द्रप्सश्चस्कन्द पृथिवीमनु द्यामिमं च योनिमनु यश्च पूर्वः। तृतीयं योनिमनु सश्चरन्तं द्रप्सं जुहोम्यनु सप्त होत्राः॥ (२५)

तर्पयत माऽभिपूयमाणस्य यश्च दश च॥ [८]

यो वै देवान्देवयशसेनार्पयति मनुष्यान्मनुष्ययशसेनं देवयशस्यैव देवेषु भवति मनुष्ययशसी मनुष्येषु यान्प्राचीनमाग्रयणाद्ब्रह्मन्गृहीयात्तानुपांशु गृहीयाद्यानूर्ध्वंस्तानुपबिमतौ देवानेव तद्देवयशसेनार्पयति मनुष्यान्मनुष्ययशसेनं देवयशस्यैव देवेषु भवति मनुष्ययशसी मनुष्येष्वग्निः प्रातःसवने पात्वस्मान् वैश्वानरो मंहिना विश्वशम्भूः। स नः पावको द्रविणं दधातु (२६)

आयुष्मन्तः सहभक्षाः स्याम। विश्वे देवा मरुत इन्द्रो अस्मानस्मिन्द्वितीये सवने न जह्युः। आयुष्मन्तः प्रियमेषां वदन्तो वयं देवानां सुमतौ स्याम। इदं तृतीयं सवनं कवीनामृतेन ये चमसमैरयन्त। ते सौधन्वनाः सुव्रानशानाः स्विष्टिं नो अभि वसीयो नयन्तु। आयतनवतीर्वा अन्या आहुतयो हूयन्तेऽनायतना अन्या या आघारवतीस्ता आयतनवतीर्याः (२७)

सौम्यास्ता अनायतना ऐन्द्रवायवमादायाघारमा घारयेदध्वरो यज्ञोऽयमस्तु देवा ओषधीभ्यः पशवे नो जनाय विश्वस्मे भूतायाध्वरोऽसि स पिन्वस्व घृतवद्देव सोमेति सौम्या एव तदाहुतीरायतनवतीः करोत्यायतनवान्भवति य एवं वेदाथो द्यावापृथिवी एव घृतेन व्युनक्ति ते व्युक्ते उपजीवनीयं भवत उपजीवनीयो भवति (२८)

य एवं वेदेष ते रुद्र भागो यं निरयाचथास्तं जुषस्व विदेगोपत्यं रायस्पोषं सुवीर्यं संवध्वसरीणां

स्वस्तिम्। मनः पुत्रेभ्यो दायं व्यभजत्स नाभानेदिष्ठं ब्रह्मचर्यं वसन्तं निरभजत्स आगच्छत्सोऽब्रवीत्कथा मा निरभागिति न त्वा निरभाक्षमित्यब्रवीदङ्गिरस इमे सत्तमांसते ते (२९)

सुवर्गं लोकं न प्र जानन्ति तेभ्यं इदम्राह्मणम्ब्रूहि ते सुवर्गं लोकं यन्तो य एषाम्पशवस्तास्तं दास्यन्तीति तदैभ्योऽब्रवीत्ते सुवर्गं लोकं यन्तो य एषाम्पशव आसन्तानस्मा अददुस्तम्पशुभिश्चरन्तं यज्ञवास्तौ रुद्र आगच्छत्सोऽब्रवीन्मम वा इमे पशव इत्यदुर्वै (३०)

महामिमानित्यब्रवीन्न वै तस्य त ईशत इत्यब्रवीद्यद्यज्ञवास्तौ हीयते मम वै तदिति तस्माद्यज्ञवास्तु नाभ्यवेत्यं सोऽब्रवीद्यज्ञे मा भुजार्थं ते पशून्नाभि मङ्स्य इति तस्मा एतम्मन्थिनः सः स्रावमंजुहोततो वै तस्य रुद्रः पशून्नाभ्यमन्यत यत्रैतमेवं विद्वान्मन्थिनः सः स्रावं जुहोति न तत्र रुद्रः पशून्नाभि मन्यते॥ (३१)

**दधात्वायतनवतीर्या उपजीवनीयो भवति तेऽदुर्वै यत्रैतमेकादश च॥** [१]

जुष्टो वाचो भूयासं जुष्टो वाचस्पतये देवि वाक्। यद्वाचो मधुमत्तस्मिन्मा धाः स्वाहा सरस्वत्यै। ऋचा स्तोमं समर्धय गायत्रेण रथन्तरम्। बृहद्रायुत्रवर्तनि। यस्तै द्रप्सः स्कन्दति यस्तै अशुर्बाहुच्युतो धिषण्योरुपस्थात्। अध्वर्योर्वा परि यस्तै पवित्राश्ववाहाकृतमिन्द्राय तं जुहोमि। यो द्रप्सो अशुः पतितः पृथिव्यां परिवापात् (३२)

पुरोडाशात्करमात्। धानासोमान्मन्थिनं इन्द्र शूक्राश्ववाहाकृतमिन्द्राय तं जुहोमि। यस्तै द्रप्सो मधुमां इन्द्रियावान्श्ववाहाकृतः पुनरप्येति देवान्। दिवः पृथिव्याः पर्यन्तरिक्षाश्ववाहाकृतमिन्द्राय तं जुहोमि। अध्वर्युर्वा ऋत्विजां प्रथमो युज्यते तेन स्तोमो योक्तव्यं इत्याहुर्वांग्रेणा अग्रं एत्वृजुगा देवेभ्यो यशो मयि दधती प्राणान्पशुषु प्रजाम्मरिं (३३)

च यजमाने चेत्याहु वाचमेव तद्यज्ञमुखे युनक्ति वास्तु वा एतद्यज्ञस्य क्रियते यद्ब्रह्मानीहृत्वा बहिष्पवमानं सर्पन्ति परांश्चो हि यन्ति परांचीभिः स्तुवतै वैष्णव्यर्चा पुनरेत्योप तिष्ठते यज्ञो वै विष्णुर्यज्ञमेवाकर्षिणो त्वं नो अन्तमः शर्म यच्छ सहन्त्या। प्र ते धारा मधुश्चुत उथ्सं दुहते अक्षितमित्याहु यदेवास्य शर्यानस्योपशुष्यति तदेवास्यैतेना प्याययति॥ (३४)

**परिवापात्प्रजां मरिं दुहते चतुर्दश च॥** [१०]

अग्निना रयिमंश्रवत्पोषमेव दिवेदिवे। यशसं वीरवंतमम्॥ गोमां अग्नेऽर्विमां अश्वी यज्ञो नृवथ्सखा सदमिदं प्रमुष्यः। इडावां एषो असुर प्रजावान्दीर्घो रयिः पृथुबुधः सुभावान्॥ आ प्यायस्व सं तै॥ इह त्वष्टारमग्निं विश्वरूपमुप ह्वये। अस्माकमस्तु केवलः। तन्नस्तुरीपमधं पोषयितु देवं त्वष्टर्वि रराणः स्यस्वा यतो वीरः (३५)

कर्मण्यः सुदक्षो युक्तग्रावा जायते देवकामः। शिवस्त्वष्टरिहा गंहि विभुः पोषं उत त्मना। यज्ञेयं न उदव। पिशङ्गरूपः सुभरो वयोधाः श्रुष्टी वीरो जायते देवकामः। प्रजां त्वष्टा वि प्यतु नाभिम्स्मे अथा देवानामप्येतु पाथः। प्र णो देव्या नो दिवः। पीपिवांसं सरस्वतः स्तनं यो विश्वदर्शतः। धुक्षीमहि

प्रजामिषम् (३६)

ये तै सरस्व ऊर्मयो मधुमन्तो घृतश्चतः। तेषां ते सुम्रमीमहे। यस्य व्रतम्पुशवो यन्ति सर्वे यस्य व्रतमुपतिष्ठन्त आपः। यस्य व्रते पुष्टिपतिर्निविष्टस्तः सरस्वन्तमवंसे हुवेम। दिव्यः सुपुर्णं वयसम्बृहन्तमपां गर्भं वृषभमोषधीनाम्। अभीपतो वृष्ट्या तर्पयन्तं तः सरस्वन्तमवंसे हुवेम। सिनीवालि पृथुष्टुके या देवानामसि स्वसा। जुषस्व हव्यम् (३७)

आहुतं प्रजां देवि दिदिद्धि नः। या सुपाणिः स्वङ्गुरिः सुपूमां बहुसूवरी। तस्यै विश्ववित्तये हविः सिनीवाल्यै जुहोतना इन्द्रं वो विश्वतस्परीन्द्रं नरः। असितवर्णा हरयः सुपर्णा मिहो वसाना दिवमुत्पतन्ति। त आऽववृत्रन्धसदनानि कृत्वादितृथिवी घृतैर्व्युद्यते। हिरण्यकेशो रजसो विसारेऽहिर्धुनिर्वात इव धर्जीमान्। शुचिभ्राजा उपसः (३८)

नवेदा यशस्वतीरपस्यवो न सत्याः। आ तै सुपर्णा अमिनन्त एवैः कृष्णो नानाव वृषभो यदीदम्। शिवाभिर्न स्मयमानाभिरागात्पतन्ति मिहः स्तनयन्त्यभ्रा। वाश्रेवं विद्युन्मिमाति वध्सं न माता सिपक्ति। यदैपां वृष्टिरसर्जि। पर्वतश्चिन्महि वृद्धो बिभाय दिवश्चिन्सानुं रेजत स्वने वः। यत्क्रीडथ मरुतः (३९)

ऋष्टिमन्त आप इव सध्रियंश्चो धवध्वे। अभि क्रन्द स्तनय गर्भमा धा उदन्वता परि दीया रथेन। दतिः सु कर्ष विषितं न्यञ्चः समा भवन्तूद्वता निपादाः। त्वं त्या चिदच्युताग्नें पशुर्न यवंसे। धामां ह यतै अजर वनां वृक्षन्ति शिकंसः। अग्ने भूरीणि तवं जातवेदो देवं स्वधावोऽमृतस्य धामां याश्च (४०)

माया मायिनां विश्वमिन्व त्वे पूर्वीः सन्धुः पृष्ठबन्धो। दिवो नो वृष्टिम्मरुतो ररीध्वम्प पिन्वत वृष्णो अन्धस्य धाराः। अवाडितेन स्तनयिबुतेह्यपो निषिञ्चन्नसुरः पिता नः। पिन्वन्त्यपो मरुतः सुदानवः पयो घृतवद्विदथैष्वाभुवः। अत्यं न मिहे वि नयन्ति वाजिनमुत्सं दहन्ति स्तनयन्तमक्षितम्। उद्गुतो मरुत्स्ताः इत्यर्त वृष्टिम् (४१)

ये विश्वे मरुतो जुनन्ति। क्रोशाति गर्दा कन्येव तुत्रा पेरुं तुञ्जाना पत्येव जाया। घृतेन द्यावापृथिवी मधुना समुक्षत पर्यस्वतीः कृणुताप ओषधीः। ऊर्जं च तत्रं सुमतिं च पिन्वथ यत्रा नरो मरुतः सिञ्चथा मधु। उदु त्यञ्चित्रम्। और्वभृगुवच्छुचिंमप्रवानवदा हुवे। अग्निः समुद्रवांससम्। आ सुवः सवितुर्यथा भगस्येव भुजिः हुवे। अग्निः समुद्रवांससम्। हुवे वातस्वनं क्विम्पुर्न्यक्रन्द्यः सहः। अग्निः समुद्रवांससम्॥ (४२)

वीर इषः हव्यमुषसो मरुतश्च वृष्टिं भगस्य द्वादश च॥\_\_\_\_\_ [११]

यो वै पवमानानाञ्जीणि परिभूः स्पष्टः स्वस्तिर्भक्षेहि महीनां पयोऽसि देवं सवितरेतत्ते श्येनाय यद्वै होतोपयामगृहीतोऽसि वाक्षसत्प्र सो अग्न एकादश॥\_\_\_\_\_ [१२]

[प्रजापतिरकामयत प्रजापतेर्जायमाना व्यायच्छन्ते मह्यमिमान्माया मायिनां द्विचत्वारिंशत्॥४२॥  
प्रजापतिरकामयताग्निं संमुद्रवाससम्॥]

## ॥द्वितीयः प्रश्नः॥

॥तैत्तिरीयसंहितायां तृतीयकाण्डे द्वितीयः प्रश्नः॥

यो वै पर्वमानानामन्वारोहान् विद्वान् यजतेऽनु पर्वमानाना रोहति न पर्वमानेभ्योऽवच्छिद्यते श्येनोऽसि  
गायत्रछन्दा अनु त्वा रभे स्वस्ति मा सम्पारय सुपर्णोऽसि त्रिष्टुप्छन्दा अनु त्वा रभे स्वस्ति मा सम्पारय  
सर्घासि जगतीछन्दा अनु त्वा रभे स्वस्ति मा सम्पारयेत्याहेते (१)

वै पर्वमानानामन्वारोहास्तान् य एवं विद्वान् यजतेऽनु पर्वमानाना रोहति न पर्वमानेभ्योऽवच्छिद्यते  
यो वै पर्वमानस्य सन्ततिं वेद सर्वमायुरेति न पुरायुषः प्र मीयते पशुमान्भवति विन्दते प्रजाम्पर्वमानस्य  
ग्रहां गृह्यन्तेऽथ वा अस्यैतेऽगृहीता द्रोणकलश आधवनीयः पूतभृत्तान् यदगृहीत्वोपाकुर्यात्पर्वमानं वि (२)

छिन्द्यात्तं विच्छिद्यमानमध्वर्योः प्राणोऽनु विच्छिद्येतोपयामगृहीतोऽसि प्रजापतये त्वेति द्रोणकलशमभि  
मृशेदिन्द्राय त्वेत्याधवनीयं विश्वेभ्यस्त्वा देवेभ्य इति पूतभृतम्पर्वमानमेव तथ्सं तनोति सर्वमायुरेति न  
पुरायुषः प्र मीयते पशुमान्भवति विन्दते प्रजाम्॥ (३)

एते वि द्विचत्वारिंशच्च॥ [१]

त्रीणि वाव सर्वानन्यथं तृतीयं सवन्नमवं लुम्पन्त्यन्शु कुर्वन्त उपांशु हुत्वोपांशुपात्रेऽंशुमवास्य  
तं तृतीयसवन्नेऽपि सृज्याभि पुंशुयाद्यदौप्याययति तेनांशुमद्यदभिपुणोति तेनर्जीपि सर्वाण्येव तथ्सर्वानन्यंशुमन्ति  
शुक्रवन्ति समावद्वीर्याणि करोति द्वौ संमुद्रौ वितन्तावजूर्यौ पर्यावर्तते जठरेव पादाः। तयोः पश्यन्तो अति  
यन्त्यन्यमपश्यन्तः (४)

सेतुनातिं यन्त्यन्यम्। द्वे द्रधंसी सतती वस्तु एकः केशी विश्वा भुवनानि विद्वान्। तिरोधायैत्यसितं  
वसानः शुक्रमा दत्ते अनुहायं जायै। देवा वै यद्यज्ञेऽकुर्वन्त तदसुरा अकुर्वन्ते देवा एतम्महायज्ञमपश्यन्तमन्तन्वता-  
ग्निहोत्रं व्रतमकुर्वन्त तस्माद्विब्रतः स्याद्विब्रह्मग्निहोत्रं जुह्वति पोर्णमासं यज्ञमग्नीषोमीयम् (५)

पशमंकुर्वन्त दार्श्यं यज्ञमाग्नेयम्पशमंकुर्वन्त वैश्वदेवम्प्रातःसवन्नमंकुर्वन्त वरुणप्रघासान्माध्यंदिनं सवन्नं  
साकमेधान्यित्युजं त्र्यम्बकांस्तृतीयसवन्नमंकुर्वन्त तमेषामसुरा यज्ञमन्ववाजिगांसन्तं नान्ववायन्तैऽब्रवन्नध्वर्तव्या  
वा इमे देवा अभूवन्निति तदध्वरस्याध्वरत्वन्ततो देवा अभवन्परासुरा य एवं विद्वान्श्रोमेन यजते भवत्यात्मना  
परास्य भ्रातृव्यो भवति॥ (६)

अपश्यन्तोऽग्नीषोमीयमात्मना परा त्रीणि च॥ [२]

परिभूरग्निं परिभूरिन्द्रं परिभूर्विश्वानां देवान्परिभूर्मा॑ सह ब्रह्मवर्चसेन स नः पवस्व शं गवे शं जनाय शमवते श॑ राज्ञोन्नोपधीभ्योऽच्छिन्नस्य ते रयिपते सुवीर्यस्य रायस्पोषस्य ददितारः स्याम। तस्य मे रास्व तस्य ते भक्षीय तस्य त इदमुन्मृजे। प्राणाय मे वर्चोदा वर्चसे पवस्वापानाय व्यानाय वाचे (७)

दक्षक्रतुभ्यां चक्षुर्भ्यां मे वर्चोदौ वर्चसे पवेथाऽ॒ श्रोत्रायात्मनेऽङ्गैर्भ्य आयुषे वीर्याय विष्णोरिन्द्रस्य विश्वेषां देवानां जठरमसि वर्चोदा मे वर्चसे पवस्व कौऽसि को नाम कस्मै त्वा कायं त्वा यं त्वा सोमेनातीतृपं यं त्वा सोमेनामीमद॑ सुप्रजाः प्रजया भूयास॑ सुवीरों वीरेः सुवर्चा वर्चसा सुपोषः पोषैर्विश्वेभ्यो मे रूपेभ्यो वर्चोदाः (८)

वर्चसे पवस्व तस्य मे रास्व तस्य ते भक्षीय तस्य त इदमुन्मृजे। बुभूषन्नर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तो भूत्याऽभि पंवते ब्रह्मवर्चसकामोऽर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तो ब्रह्मवर्चसेनाभि पंवत आमयावी (९)

अर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्त आयुषाभि पंवतेऽभिचरन्नर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तः प्राणापानाभ्यां वाचो दक्षक्रतुभ्यां चक्षुर्भ्यांऽ॒ श्रोत्राभ्यामात्मनोऽङ्गैर्भ्य आयुषोऽन्तरैरिति ताजकप्र धन्वति॥ (१०)

वाचे रूपेभ्यो वर्चोदा आमयावी पञ्चचत्वारिंशच्च॥

[३]

स्फ्यः स्वस्तिर्वधनः स्वस्तिः परशुर्वेदिः परशुर्नः स्वस्तिः। यज्ञियां यज्ञकृतः स्थ ते मास्मिन् यज्ञ उप ह्यध्वमुप मा द्यावापृथिवी ह्वयेतामुपास्तावः कलशः सोमो अग्निरुप देवा उप यज्ञ उप मा होत्रा उपहवे ह्वयन्तान्नमोऽग्रये मखग्रे मखस्य मा यशोऽर्यादित्याहवनीयमुप तिष्ठते यज्ञो वै मखः (११)

यज्ञं वाव स तदहन्तस्मा एव नमस्कृत्य सदः प्र संपत्यात्मनोऽनात्यै नमो रुद्राय मखग्रे नमस्कृत्या मा पाहीत्याग्निं तस्मा एव नमडस्कृत्य सदः प्र संपत्यात्मनोऽनात्यै नम इन्द्राय मखग्रे इन्द्रियं मे वीर्यम्मा निर्वधिरिति होत्रोयमाशिषमेवैतामा शास्त इन्द्रियस्य वीर्यस्यानिर्घाताय या वै (१२)

देवताः सदस्यातिमार्पयन्ति यस्ता विद्वान्प्रसर्पति न सदस्यातिमार्च्छति नमोऽग्रये मखग्रे इत्याहेता वै देवताः सदस्यातिमार्पयन्ति ता य एवं विद्वान्प्रसर्पति न सदस्यातिमार्च्छति दृढे स्थः शिथिरे समीची मा॑हं सपात॑ सूर्यो मा देवो दिव्याद॑हं सपातु वायुरन्तरिक्षात् (१३)

अग्निः पृथिव्या यमः पितृभ्यः सरस्वती मनुष्येभ्यो देवीं द्वारो मा मा सं तातम् नमः सदसे नमः सदसस्पतये नमः सखीनां पुरोगाणां चक्षुषे नमो दिवे नमः पृथिव्या अहं दधिष्व्योदतस्तिष्ठान्यस्य सदने सीद योऽस्मत्पाकतर् उन्निवत् उदुद्धतश्च गेषम्पातम्मा द्यावापृथिवी अद्याहुः सदो वै प्रसर्पन्तम् (१४)

पितरोऽनु प्र संपन्ति त एनमीश्वरा हिंसितोः सदः प्रसृप्य दक्षिणार्धं परैक्षेतागन्त पितरः पितृमानहं

युष्माभिर्भूयासः सुप्रजसो मया यूयम्भूयास्तेति तेभ्य एव नमस्कृत्य सदः प्र संपत्यात्मनोऽनात्यै॥ (१५)

**मुखो वा अन्तरिक्षात्प्रसपन्तत्रयस्त्रिःशच॥** [४]

भक्षेहि मा विश दीर्घायुत्वाय शन्तनुत्वाय रायस्पोषाय वर्चसे सुप्रजास्त्वायेहि वसो पुरोवसो प्रियो मे हृदोऽस्यश्विनोस्त्वा बाहुभ्याः सध्यासम् नृचक्षंसं त्वा देव सोम सुचक्षा अवं ख्येषम् मन्द्राभिर्भूतिः केतुर्ज्ञानां वाग्जुषाणा सोमस्य तृप्यतु मन्द्रा स्वर्वाच्यदितिरनाहतशीर्ष्णी वाग्जुषाणा सोमस्य तृप्यत्वेहि विश्वचरणे (१६)

शम्भूमयोभूः स्वस्ति मां हरिवर्णं प्र चरं कृत्वे दक्षाय रायस्पोषाय सुवीरतायै मा मां राजन्वि बीभिषो मा मे हार्दि त्विषा वधीः। वृषणे शुष्मायायुषे वर्चसे॥ वसुमद्गणस्य सोम देव ते मतिविदः प्रातःसवनस्य गायत्र्येन्दस इन्द्रपीतस्य नराशःसपीतस्य पितृपीतस्य मधुमत उपहूतस्योपहूतो भक्षयामि रुद्रवद्गणस्य सोम देव ते मतिविदो माध्यंदिनस्य सवनस्य त्रिष्टुप्छन्दस इन्द्रपीतस्य नराशःसपीतस्य (१७)

पितृपीतस्य मधुमत उपहूतस्योपहूतो भक्षयाम्यादित्यवद्गणस्य सोम देव ते मतिविदस्तृतीयस्य सवनस्य जगतीछन्दस इन्द्रपीतस्य नराशःसपीतस्य पितृपीतस्य मधुमत उपहूतस्योपहूतो भक्षयामि। आ प्यायस्व समेतु ते विश्वतः सोम वृष्णियम्। भवा वाजस्य सङ्गथे। हिन्वं मे गात्रां हरिवो गृणान्मे मा वि तीतृषः। शिवो मे सप्तर्षीनुपं तिष्ठस्व मा मेऽवाङ्गाभिर्मति (१८)

गाः। अपाम् सोमममृतां अभूमादर्शम् ज्योतिरविदाम देवान्। किमस्मान्कृणवदरातिः किमु धूर्तिरमृतं मर्त्यस्या। यन्म आत्मनो मिन्दाभृदग्निस्तत्पुनराहर्जातवैदा विचरणिणः। पुनरग्निश्चक्षुर्गदात्पुनरिन्द्रो बृहस्पतिः। पुनर्मे अश्विना युवं चक्षुरा धत्तमक्ष्योः। इष्टयजुषस्ते देव सोम स्तुतस्तोमस्य (१९)

शस्तोक्थस्य हरिवत् इन्द्रपीतस्य मधुमत उपहूतस्योपहूतो भक्षयामि। आपूर्याः स्था मां पूरयत प्रजयां च धनेन च। एतत्तै तत् ये च त्वामन्वेतत्तै पितामह प्रपितामह ये च त्वामन्वत्रं पितरो यथाभागमन्ध्वम् नमो वः पितरो रसाय नमो वः पितरः शुष्माय नमो वः पितरो जीवाय नमो वः पितरः (२०)

स्वधायै नमो वः पितरो मन्यवे नमो वः पितरो घोराय पितरो नमो वो य एतस्मिंल्लोके स्थ युष्माऽस्तेऽनु यैस्मिंल्लोके मां तेऽनु य एतस्मिंल्लोके स्थ यूयं तेषां वसिष्ठा भूयास्त यैस्मिंल्लोकेऽहं तेषां वसिष्ठो भूयासम् प्रजापते न त्वदेतान्यन्यो विश्वा जातानि परि ता बभूव (२१)

यत्कामास्ते जुहुमस्तत्रो अस्तु वयं स्याम पतयो रयीणाम्। देवकृतस्यैनसोऽवयजनमसि मनुष्यकृतस्यैनसोऽवयजनमसि पितृकृतस्यैनसोऽवयजनमस्यप्सु धौतस्य सोम देव ते नृभिः सुतस्येष्टयजुषः स्तुतस्तोमस्य शस्तोक्थस्य यो भक्षो अश्वसिनियो गोसनिस्तस्य ते पितृभिर्भक्षं कृतस्योपहूतस्योपहूतो भक्षयामि॥ (२२)

**विश्वचरणे त्रिष्टुप्छन्दस इन्द्रपीतस्य नराशःसपीतस्यातिं स्तुतस्तोमस्य**



जीवाय नमो वः पितरो बभूव चतुश्चत्वारिंशच्च॥ [५]

महीनाम्पयोऽसि विश्वेषां देवानां तनूरृग्ध्यासमृद्य पृषतीनां ग्रहमृषतीनां ग्रहोऽसि  
विष्णोरृहदयमस्येकमिष विष्णुस्त्वानु वि चक्रमे भूतिर्दधा घृतेन वर्धतां तस्य मेष्टस्य वीतस्य द्रविणमा  
गम्याञ्छोतिरसि वैश्वानरं पृथिव्यै दुग्धम् यावती द्यावापृथिवी महित्वा यावच्च सप्त सिन्धवो वितस्थुः।  
तावन्तमिन्द्र ते (२३)

ग्रहः सहोर्जा गृह्णाम्यस्तुतम्। यत्कृणशकुनः पृषदाज्यमवमृशेच्छूद्रा अस्य प्रमारुकाः स्युर्यच्छा-  
ऽवमृशेच्चतुष्पादोऽस्य पशवः प्रमारुकाः स्युर्यथस्कन्देद्यजमानः प्रमारुकः स्यात्पशवो वै पृषदाज्यमृशवो वा  
एतस्य स्कन्दन्ति यस्य पृषदाज्यः स्कन्दति यत्पृषदाज्यम्युनर्गृह्णाति पशून्मेवास्यै पुनर्गृह्णाति प्राणो वै पृषदाज्यं  
प्राणो वै (२४)

एतस्य स्कन्दति यस्य पृषदाज्यः स्कन्दति यत्पृषदाज्यम्युनर्गृह्णाति प्राणमेवास्यै पुनर्गृह्णाति  
हिरण्यमवधाय गृह्णात्यमृतं वै हिरण्यं प्राणः पृषदाज्यममृतमेवास्यै प्राणे दधाति शतमानम्भवति शतायुः पुरुषः  
शतेन्द्रिय आयुष्येवेन्द्रिये प्रति तिष्ठत्यश्वमव घ्रापयति प्राजापत्यो वा अश्वः प्राजापत्यः प्राणः स्वादेवास्यै  
योनेः प्राणं निर्मिमीते वि वा एतस्य यज्ञशिङ्घेद्यते यस्य पृषदाज्यः स्कन्दति वैष्णव्यर्चा पुनर्गृह्णाति यज्ञो  
वै विष्णुर्यज्ञेनैव यज्ञः स तनोति॥ (२५)

ते पृषदाज्यं प्राणो वै योनेः प्राणं द्वाविंशतिश्च॥ [६]

देवं सवितरुतते प्राहु तत्र च सुव प्र च यज्ञं बृहस्पतिर्ब्रह्मायुष्मत्या ऋचो मा गांत तनूपाश्चाप्रः  
सत्या वं आशिषः सन्तु सत्या आकृतय ऋतं च सत्यं च वदत स्तुत देवस्य सवितुः प्रसवे स्तुतस्य  
स्तुतमस्यूर्जम्मह्यं स्तुतं दुहामा मां स्तुतस्य स्तुतं गम्याच्छस्त्रस्य शस्त्रम् (२६)

अस्यूर्जम्मह्यं शस्त्रं दुहामा मां शस्त्रस्य शस्त्रं गम्यादिन्द्रियावन्तो वनामहे धुक्षीमहि प्रजामिषमै।  
सा मे सत्याशीर्देवेषु भूयात् ब्रह्मवर्चसं मा गम्यात्। यज्ञो बभूव स आ बभूव स प्र जज्ञे स वावृधे।  
स देवानामधिपतिर्बभूव सो अस्माः अधिपतीन्करोतु वयः स्याम पतयो रयीणाम्। यज्ञो वा वै (२७)

यज्ञपतिं दुहे यज्ञपतिर्वा यज्ञं दुहे स यः स्तुतशस्त्रयोर्दोहमविद्वान् यजते तं यज्ञो दुहे स इष्ट्वा  
पार्पीयान्भवति य एनयोर्दोहं विद्वान् यजते स यज्ञं दुहे स इष्ट्वा वसीयान्भवति स्तुतस्य स्तुतमस्यूर्जम्मह्यं  
स्तुतं दुहामा मां स्तुतस्य स्तुतं गम्याच्छस्त्रस्य शस्त्रमस्यूर्जम्मह्यं शस्त्रं दुहामा मां शस्त्रस्य शस्त्रं  
गम्यादित्याहिष वै स्तुतशस्त्रयोर्दोहस्तं य एव विद्वान् यजते दुह एव यज्ञमिष्ट्वा वसीयान्भवति॥ (२८)

शस्त्रं वै शस्त्रन्दुहान्द्वाविंशतिश्च॥ [७]

श्वेनाय पत्वंने स्वाहा वदध्वयमभिगूर्ताय नमो विष्टम्भाय धर्मणे स्वाहा वदध्वयमभिगूर्ताय नमः  
परिधयै जनप्रथनाय स्वाहा वदध्वयमभिगूर्ताय नम ऊर्जे होत्राणां स्वाहा वदध्वयमभिगूर्ताय नमः पर्यसे  
होत्राणां स्वाहा वदध्वयमभिगूर्ताय नमः प्रजापतये मनवे स्वाहा वदध्वयमभिगूर्ताय नम ऋतमृतपाः  
सुवर्वादध्वाहा वदध्वयमभिगूर्ताय नमस्तृमुन्ताः होत्रा मधोर्धुतस्य यज्ञपतिमर्षय एनसा (२९)

आहुः। प्रजा निर्भक्ता अनुत्प्यमाना मध्व्यौ स्तोकावपु तौ रराधा। सं नस्ताभ्यां सृजतु विश्वकर्मा  
घोरा ऋषयो नमो अस्त्वभ्यः। चक्षुष एषाम्मनसश्च संधौ बृहस्पतये महि पद्भ्युन्नमः। नमो विश्वकर्मेण  
स उ पात्वस्मान्नन्यान्सोमपान्मन्यमानः। प्राणस्य विद्वान्धंसरे न धीर एनश्चकृवान्महि बद्ध एषाम्। तं  
विश्वकर्मा (३०)

प्र मुञ्चा स्वस्तये ये भक्षयन्तो न वसून्यानुहुः। यान्नयोऽन्वतप्यन्त धिणिंया इयं तेषामवया  
दुरिष्ठे स्विष्टिं नस्तां कृणोतु विश्वकर्मा। नमः पितृभ्यो अभि ये नो अख्यं यज्ञकृतो यज्ञकामाः सुदेवा  
अंकामा वो दक्षिणां न नीनिम् मा नस्तस्मादेनसः पापयिष्ट। यावन्तो वै संदस्यास्ते सर्वे दक्षिण्यास्तेभ्यो  
यो दक्षिणां न (३१)

न्युदैभ्यो वृश्चेत् यद्वैश्वकर्मुणानि जुहोति सदस्यानेव तत्प्रीणायुस्मे देवासो वपुषे चिकित्सत  
यमाशिरा दम्पती वाममश्रुतः। पुमान्पुत्रो जायते विन्दते वस्वथ विश्वे अरपा एधते गृहः। आशीर्दाया  
दम्पती वाममश्रुतामरिष्टो रायः सचतां समौकसा। य आसिच्यन्तदुग्धं कुम्भ्या सहेष्टेन यामन्नमति जहातु  
सः। सर्पिर्ग्रीवी (३२)

पीवर्यस्य जाया पीवानः पुत्रा अकृशासो अस्य। सहजानिर्यः सुमखस्वमान इन्द्रायाशिरः सह  
कुम्भ्यादात्। आशीर् ऊर्जमुत सुप्रजास्त्वमिषं दधातु द्रविणं सर्व्वसम्। संजयन्क्षेत्राणि सहसाहमिन्द्र  
कृण्वानो अन्यां अर्धरान्धसपवान्। भूतमसि भूते मां धा मुखमसि मुखम्भूयासम् द्यावापृथिवीभ्यां त्वा  
परि गृह्णामि विश्वे त्वा देवा वैश्वानराः (३३)

प्र च्यावयन्तु दिवि देवां दृहान्तरिक्षे वयांसि पृथिव्याम्पार्थिवान्भुवं ध्रुवेण हविषाव सोमं नयामसि।  
यथा नः सर्व्वमिज्जगदयक्ष्मं सुमना असत्। यथा न इन्द्र इद्विशः केवलीः सर्वाः समनसः करंतु। यथा  
नः सर्वा इद्विशोऽस्माकं केवलीरसत्रं। (३४)

एनसा विश्वकर्मान् यो दक्षिणां न सर्पिर्ग्रीवी वैश्वानराश्चत्वारिंशच्च॥ [८]

यद्वे होताध्वर्युमभ्याह्वयते वज्रमेनमभि प्र वर्तयत्युक्थंशा इत्याह प्रातःसवनम्प्रतिगीर्यं त्रीण्येतान्यक्षराणि  
त्रिपदा गायत्री गायत्रम्रातःसवनं गायत्रियैव प्रातःसवने वज्रमन्तर्धत्त उक्थं वाचीत्याहु माध्यंदिनं सवनं  
प्रतिगीर्यं चत्वार्येतान्यक्षराणि चतुष्पदा त्रिष्टुष्टुभ्रमार्थ्यदिनं सवनं त्रिष्टुष्टुभ्र माध्यंदिने सवने वज्रमन्तर्धत्ते (३५)

उक्थं वाचीन्द्रायेत्याह तृतीयसवनम्प्रतिगीर्यं सप्तैतान्यक्षराणि सप्तपदा शकरी शाकरो वज्रो वज्रैणैव  
तृतीयसवने वज्रमन्तर्धत्ते ब्रह्मवादिनो वदन्ति स त्वा अध्वर्युः स्याद्यो यथासवनम्प्रतिगरे छन्दांसि सम्पादयेतेजः  
प्रातःसवन आत्मन्दर्धतेन्द्रियमार्थ्यदिने सवने पशूस्तृतीयसवन इत्युक्थंशा इत्याह प्रातःसवनम्प्रतिगीर्यं  
त्रीण्येतान्यक्षराणि (३६)

त्रिपदा गायत्री गायत्रम्रातःसवनम्रातःसवन एव प्रतिगरे छन्दांसि सम्पादयत्यथो तेजो वै  
गायत्री तेजः प्रातःसवनं तेज एव प्रातःसवन आत्मन्धत्त उक्थं वाचीत्याहु माध्यंदिनं सवनं प्रतिगीर्यं  
चत्वार्येतान्यक्षराणि चतुष्पदा त्रिष्टुष्टुभ्रमार्थ्यदिनं सवनमार्थ्यदिन एव सवने प्रतिगरे छन्दांसि सम्पादयत्यथो

इन्द्रियं वै त्रिष्टुर्गिन्द्रियममाध्यन्दिनं सवनम् (३७)

इन्द्रियमेव माध्यन्दिने सवनं आत्मन्धत्त उक्थं वाचीन्द्रायेत्याह तृतीयसवनम्प्रतिगीर्यं सप्तैतान्यक्षराणि सप्तपदा शक्नोति शाक्नोति पशवो जागन्तं तृतीयसवनं तृतीयसवनं एव प्रतिगरे छन्दांसि सम्पादयत्यर्थो पशवो वै जगन्ती पशवस्तृतीयसवनं पशून् एव तृतीयसवनं आत्मन्धत्ते यद्वै होताध्वर्युर्मभ्याह्वयते आव्यमस्मिन्दधाति तद्यत्र (३८)

अपहनीत पुरास्यं संवत्सराद्गृह आ ववीरञ्छोऽसौ मोदं इवेति प्रत्याह्वयते तेनैव तदपं हते यथा वा आयताम्प्रतीक्षत एवमध्वर्युः प्रतिगुरम्प्रतीक्षते यदभिप्रतिगृणीयाद्यथायतया समृच्छते तादृगेव तद्यदर्धर्चांल्लुप्येत यथा धावञ्छो हीयते तादृगेव तत्प्रबाहुगवा ऋत्विजामुद्गीथा उद्गीथ एवोद्गातृणाम् (३९)

ऋचः प्रणव उक्थशःसिनां प्रतिगुरोऽध्वर्यूणाम् य एवं विद्वान्प्रतिगृणात्यन्नाद एव भवत्यास्यं प्रजायां वाजी जायत इयमैव होतासावध्वर्युर्यदासीनः शंसित्यस्या एव तद्धोता नैत्यास्तं इव हीयमथो इमामेव तेन यजमानो दुहे यत्तिष्ठन्प्रतिगृणात्यमुष्या एव तदध्वर्युर्नैति (४०)

तिष्ठतीव ह्यंसावथो अमुमेव तेन यजमानो दुहे यदासीनः शंसति तस्मादितःप्रदानं देवा उपं जीवन्ति यत्तिष्ठन्प्रतिगृणाति तस्मादमुतःप्रदानममुष्या उपं जीवन्ति यत्प्राडासीनः शंसति प्रत्यङ्गिष्ठन्प्रतिगृणाति तस्मात्प्राचीनः रेतो धीयते प्रतीचीः प्रजा जायन्ते यद्वै होताध्वर्युर्मभ्याह्वयते वज्रमेनमभि प्र वर्तयति पराडा वर्तते वज्रमेव तन्नि करोति॥ (४१)

सवने वज्रमन्तर्धत्ते त्रीण्येतान्यक्षराणीन्द्रियममाध्यन्दिनं सवनंनोद्गातृणामध्वं वर्तयत्यष्टौ च॥

[९]

उपयामगृहीतोऽसि वाक्षसदसि वाक्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृह्णाम्युपयामगृहीतोऽस्यृतसदसि चक्षुष्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृह्णाम्युपयामगृहीतोऽसि श्रुतसदसि श्रोत्रपाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृह्णामि देवेभ्यस्त्वा विश्वदेवेभ्यस्त्वा विश्वेभ्यस्त्वा देवेभ्यो विष्णवुरुक्रमेप ते सोमस्तं रक्षस्व (४२)

तं तं दुश्शक्षा मावं ख्यत् मयि वसुः पुरोवसुर्वाक्पा वाचं मे पाहि मयि वसुर्विदद्वंसुश्चक्षुष्पाश्चक्षुर्मे पाहि मयि वसुः संयद्वंसुः श्रोत्रपाः श्रोत्रं मे पाहि भूरसि श्रेष्ठो रश्मीनाम्प्राणपाः प्राणं मे पाहि धूरसि श्रेष्ठो रश्मीनामपानपा अपानं मे पाहि यो न इन्द्रवायू मित्रावरुणावश्विनावभिदासंति भ्रातृव्य उत्पिपीते शुभस्पती इदमहं तमधरम्पादयामि यथैन्द्राहमुत्तमश्चेतयानि॥ (४३)

रक्षस्व भ्रातृव्यस्त्रयोदश च॥

[१०]

प्र सो अग्ने तवोतिभिः सुवीराभिस्तरति वाजं कर्मभिः। यस्य त्वं सुख्यमाविधा प्र होत्रं पूर्वं वचोऽग्रयं भरता बृहत्। विपां ज्योतींषि बिभ्रते न वेधसे। अग्ने त्री ते वाजिना त्री पथस्थां तिस्रस्तं जिह्वा क्रतुजात पूर्वीः। तिस्र उ ते तनुवो देववातास्ताभिर्नः पाहि गिरो अप्रयच्छन्। सं वां कर्मणा

समिषा (४४)

हि॒नो॒मीन्द्रा॑विष्णू॒ अप॑स॒स्यारे॒ अ॒स्या। जु॒षेथा॑ य॒ज्ञं द्र॒विणं॑ च ध॒त्तम॑रि॒ष्टैर्नः॑ प॒थिभिः॑ पा॒रय॑न्ता। उ॒भा जि॒ग्यथु॑र्न परां जयेथे॒ न परां॑ जि॒ग्ये क॒तुर॑श्च॒नैर्नोः॑। इन्द्र॑श्च विष्णो॒ यद॑प॒स्पृधे॑थां त्रे॒धा स॒हस्रं॑ वि तदै॒रये॑थाम्। त्री॒णया॑यू॒ंषि तव॑ जा॒तवे॑दस्ति॒स्र आ॒जा॒नीरु॑प॒संस्ते अ॒ग्ने। ताभि॑र्दे॒वाना॑मवो॒ यक्षि॑ वि॒द्वानथ॑ (४५)

भू॒व॒ यज॑मानाय॒ शं योः। अ॒ग्नि॒स्त्रीणि॑ त्रिधात॒न्या क्षे॑ति वि॒दथा॑ क॒विः। स त्री॑रे॒काद॑शा॒ इह। यक्ष॑श्च पि॒प्रय॑च्च नो वि॒प्रो दू॒तः परि॑ष्कृतः। नभ॑न्तामन्य॒के संमे। इन्द्रा॑विष्णू॒ दृ॒हिताः॑ श॒म्बर॑स्य॒ नव॑ पुरो॒ नव॑तिं च॒ श्रथि॑ष्टम्। श॒तं वृ॒चिर्नः॑ स॒हस्रं॑ च सा॒क॒ ह्यो अ॑प्रत्य॒सुर॑स्य वी॒रान्। उ॒त मा॒ता म॑हिषम॒न्वेन॑दमी॒ त्वा ज॑हति पु॒त्र दे॒वाः। अथा॑ब्रवीद्वृ॒त्रमिन्द्रो॑ ह॒निष्य॑न्त्य॒स्रखं॑ विष्णो॒ वित॑रं वि क्र॒मस्व॑ (४६)

इ॒षाऽथ॑ त्वा त्रयो॑दश च॥ [११]

[यो वै स्फ्यः स्व॒स्तिः स्व॒धाये॑ नमः॒ प्र मुं॑श्च तिष्ठ॑तीव॒ षट्त्वारि॑शत्॥४६॥ यो वै प॒र्वमा॑नानां वि क्र॒मस्व॑॥]

अ॒ग्ने ते॒जस्वि॒न्वा॒युर्वस॑वस्त्वै॒तद्वा अ॒पां वा॒युर॑सि प्रा॒णो ना॑म॒ देवा॑ वै यद्य॒ज्ञेन॑ न प्र॒जाप॑तिर्दे॒वासुरा॑ना॒युर्दा ए॒तं युवा॑न॒॒ सूर्यो॑ दे॒व इ॒दं वा॒मेका॑-  
द॒श॥ [१२]

## ॥ तृतीयः प्रश्नः ॥

॥ तैत्तिरीयसंहितायां तृतीयकाण्डे तृतीयः प्रश्नः ॥

अ॒ग्ने ते॒जस्वि॒न्तेज॑स्वी त्वं दे॒वेषु॑ भू॒यास्तेज॑स्वन्त॒म्मा॒मायु॑ष्मन्तं॒ वर्च॑स्वन्त॒म्मनु॑ष्ये॒षु कुरु॑ दी॒क्षाये॑ च त्वा तप॑सश्च तेज॑से जु॒होमि॑ तेजो॒विद॑सि तेजो॒ मा मा हा॑सीन्मा॒हं तेजो॑ हा॒सिपं॑ मा मां तेजो॑ हा॒सीदि॒न्द्रौज॑स्विन्नो॒ज॑स्वी त्वं दे॒वेषु॑ भू॒या ओज॑स्वन्त॒म्मा॒मायु॑ष्मन्तं॒ वर्च॑स्वन्त॒म्मनु॑ष्ये॒षु कुरु॑ ब्रह्म॑णश्च त्वा क्ष॒त्रस्य॑ च (१)

ओज॑से जु॒होम्यो॒जोवि॑दस्यो॒जो मा मा हा॑सीन्मा॒हमो॒जो हा॑सिपं॒ मा मामो॒जो हा॑सी॒त्स्यै॒ भ्राज॑स्वि॒न्भ्राज॑स्वी त्वं दे॒वेषु॑ भू॒या भ्राज॑स्वन्त॒म्मा॒मायु॑ष्मन्तं॒ वर्च॑स्वन्त॒म्मनु॑ष्ये॒षु कुरु॑ वा॒योश्च॑ त्वाऽपां च॒ भ्राज॑से जु॒होमि॑ सु॒वर्वा॑ मा हा॑सीन्मा॒ह॒ सु॒व॒रहा॑सिपं॒ मा मा॒ सु॒व॒रहा॑सीन्मयि॒ मे॒धाम्म॑यि॒ प्र॒जाम्म॑व्य॒ग्निस्तेजो॑ दधातु॒ मयि॑ मे॒धाम्म॑यि॒ प्र॒जाम्म॑यीन्द्र॒ इन्द्रि॑यं दधातु॒ मयि॑ मे॒धाम्म॑यि॒ प्र॒जाम्म॑यि॒ सूर्यो॑

भ्राजो दधातु॥ (२)

क्षत्रस्य च मयि त्रयोविंशतिश्च॥ [१]

वायुरहिर्कृताऽग्निः प्रस्तोता प्रजापतिः साम् बृहस्पतिरुद्राता विश्वे देवा उपगतासो मरुतः प्रतिहर्ता इन्द्रो निधनं ते देवाः प्राणभृतः प्राणम्मयि दधत्वेतद्वै सर्वमध्वर्युरुपाकुर्वन्नुद्रातृभ्यं उपाकरोति ते देवाः प्राणभृतः प्राणम्मयि दधत्वित्याहेतदेव सर्वमात्मन्यत इडां देवहर्मनुर्यज्ञनीर्बृहस्पतिरुक्थामदानि शंसिषद्विश्वे देवाः (३)

सूक्तवाचः पृथिवि मातर्मा मां हिंसीमधुं मनिष्ये मधुं जनिष्ये मधुं वक्ष्यामि मधुं वदिष्यामि मधुमतीं देवेभ्यो वाचमुद्यासं शुश्रूषेण्याम्ननुष्यैयस्तस्मां देवा अंवन्तु शोभायै पितरोऽनु मदन्तु॥ (४)

शंसिषद्विश्वे देवा अष्टाविंशतिश्च॥ [२]

वसंवस्त्वा प्र बृहन्तु गायत्रेण छन्दसाऽग्नेः प्रियम्पाथ उपैहि रुद्रास्त्वा प्र बृहन्तु त्रैष्टुभेन छन्दसेन्द्रस्य प्रियम्पाथ उपैह्यादित्यास्त्वा प्र बृहन्तु जागतेन छन्दसा विश्वेषां देवानां प्रियम्पाथ उपैहि मान्दांसु ते शुक्र शुक्रमा धूनोमि भन्दनांसु कोतनांसु नूतनांसु रेशीषु मेपीषु वाशीषु विश्वभृत्सु माध्वीषु ककुहासु शकरीषु (५)

शुक्रासु ते शुक्र शुक्रमा धूनोमि शुक्रं ते शुक्रेण गृह्णाम्यहो रूपेण सूर्यस्य रश्मिभिः। आऽस्मिन्नुग्रा अचुच्यवुर्विद्वो धारां असश्चत। ककुहं रूपं वृषभस्य रोचते बृहत्सोमः सोमस्य पुरोगाः शुक्रः शुक्रस्य पुरोगाः। यत्ते सोमादाभ्यं नाम जागृवि तस्मै ते सोम सोमाय स्वाहोशिक्षं देव सोम गायत्रेण छन्दसाऽग्नेः (६)

प्रियम्पाथो अपीहि वशी त्वं देव सोम त्रैष्टुभेन छन्दसेन्द्रस्य प्रियम्पाथो अपीह्यस्मत्सखा त्वं देव सोम जागतेन छन्दसा विश्वेषां देवानां प्रियम्पाथो अपीह्या नः प्राण एतु परावत आन्तरिक्षादिवस्परि। आयुः पृथिव्या अध्यमृतमसि प्राणाय त्वा। इन्द्राग्नी मे वर्चः कृणुतां वर्चः सोमो बृहस्पतिः। वर्चो मे विश्वे देवा वर्चो मे धत्तमश्विना। दधन्वे वा यदीमानु वोचद्ब्रह्माणि वेरु तत्। परि विश्वानि काव्यां नेमिश्चक्रमिवाभवत्॥ (७)

शकरीष्वग्नेर्बृहस्पतिः पञ्चविंशतिश्च॥ [३]

एतद्वा अपां नामधेयं गुह्यं यदाधावा मान्दांसु ते शुक्र शुक्रमा धूनोमीत्याहापामेव नामधेयेन गुह्येन दिवो वृष्टिमव रुन्दे शुक्रं ते शुक्रेण गृह्णामीत्याहेतद्वा अहो रूपं यद्रात्रिः सूर्यस्य रश्मयो वृष्टा ईशतेऽहं एव रूपेण सूर्यस्य रश्मिर्भेदिवो वृष्टिं च्यावयत्याऽस्मिन्नुग्राः (८)

अचुच्यवुरित्याह यथायजुरैवैतत्ककुहं रूपं वृषभस्य रोचते बृहदित्याहेतद्वा अस्य ककुहं रूपं यद्वृष्टी रूपेणैव वृष्टिमव रुन्दे यत्ते सोमादाभ्यं नाम जागृवीत्याहेप ह वै हविषां हविर्यजति योऽदाभ्यं गृहीत्वा सोमाय जुहोति परा वा एतस्यायुः प्राण एति (९)

योऽंशुं गृह्णात्या नः प्राण एतु परावत इत्याहार्युरेव प्राणमात्मन्थतेऽमृतमसि प्राणाय त्वेति हिरण्यमभि व्यनित्यमृतं वै हिरण्यमायुः प्राणोऽमृतैर्नैवार्युरात्मन्थते शतमानम्भवति शतायुः पुरुषः शतेन्द्रिय आयुष्येन्द्रिये प्रति तिष्ठत्यप उपं स्पृशति भेषजं वा आपो भेषजमेव कुरुते॥ (१०)

**उग्रा एत्यापस्त्रीणि च॥** [४]

वायुरसि प्राणो नाम सवितुरधिपत्येऽपानं मै दाक्षक्षुरसि श्रोत्रं नाम धातुरधिपत्य आयुर्मे दा रूपमसि वर्णो नाम बृहस्पतेराधिपत्ये प्रजां मै दा ऋतमसि सत्यं नामेन्द्रस्याधिपत्ये क्षत्रं मै दा भूतमसि भव्यं नाम पितृणामाधिपत्येऽपामोषधीनां गर्भं धा ऋतस्य त्वा व्योमन ऋतस्य (११)

त्वा विभूमन ऋतस्य त्वा विधर्मण ऋतस्य त्वा सत्यायुतस्य त्वा ज्योतिषे प्रजापतिर्विराजंमपश्यत्तया भूतं च भव्यं चासृजत् तामृषिभ्यस्तिरोऽदधात्तां जमदग्निस्तपसाऽपश्यत्तया वै स पृथीन्कामानसृजत् तत्पृथीनां पृथित्वम् यत्पृथ्रयो गृह्यन्ते पृथीनेव तैः कामान् यजमानोऽव रुन्दे वायुरसि प्राणः (१२)

नामेत्याह प्राणापानावेवाव रुन्दे चक्षुरसि श्रोत्रं नामेत्याहार्युरेवाव रुन्दे रूपमसि वर्णो नामेत्याह प्रजामेवाव रुन्दे ऋतमसि सत्यं नामेत्याह क्षत्रमेवाव रुन्दे भूतमसि भव्यं नामेत्याह पशवो वा अपामोषधीनां गर्भः पशूनेव (१३)

अव रुन्दे एतावद्वै पुरुषम्परितस्तदेवाव रुन्दे ऋतस्य त्वा व्योमन इत्याहुयं वा ऋतस्य व्योमेमामेवाभि जयत्युतस्य त्वा विभूमन इत्याहान्तरिक्षं वा ऋतस्य विभूमान्तरिक्षमेवाभि जयत्युतस्य त्वा विधर्मण इत्याहु द्यौर्वा ऋतस्य विधर्म दिवमेवाभि जयत्युतस्य (१४)

त्वा सत्यायेत्याहु दिशो वा ऋतस्य सत्यं दिशं एवाभि जयत्युतस्य त्वा ज्योतिष इत्याह सुवर्गो वै लोक ऋतस्य ज्योतिः सुवर्गमेव लोकमभि जयत्येतावन्तो वै देवलोकस्तानेवाभि जयति दश सम्पद्यन्ते दशाक्षरा विराडत्र विराड्विराज्येवान्राद्ये प्रति तिष्ठति॥ (१५)

**व्योमन ऋतस्य प्राणः पशूनेव विधर्म दिवमेवाभि जयत्युतस्य पद्वत्वारिंशच्च॥** [५]

देवा वै यद्यज्ञेन नावारुन्धत् तत्परैरवारुन्धत् तत्पराणां परत्वम् यत्परं गृह्यन्ते यदेव यज्ञेन नावरुन्दे तस्यावरुन्द्यै यम्रथमं गृह्णातीममेव तेन लोकमभि जयति यं द्वितीयमन्तरिक्षं तेन यं तृतीयममुमेव तेन लोकमभि जयति यदेते गृह्यन्ते एषां लोकानामभिजित्यै (१६)

उत्तरेष्वहःस्वमुतोऽर्वाश्चौ गृह्यन्तेऽभिजित्यैवेमाल्लोकान्युनरिम लोकम्प्रत्यवरोहन्ति यत्पूर्वेष्वहःस्वितः पराश्चौ गृह्यन्ते तस्मादितः पराश्च इमे लोका यदुत्तरेष्वहःस्वमुतोऽर्वाश्चौ गृह्यन्ते तस्मादमुतोऽर्वा च इमे लोकास्तस्माद-यांतयान्नो लोकान्मनुष्या उप जीवन्ति ब्रह्मवादिनो वदन्ति कस्मात्सत्यादृज्य ओषधयः सम्भवन्त्योषधयः (१७)

मनुष्याणामन्नं प्रजापतिं प्रजा अनु प्र जायन्त इति परानन्विति ब्रूयाद्यद्ब्रूहात्यद्ब्रस्वोपधीभ्यो गृह्णामीति तस्माद्ब्रूज्य ओषधयः सम्भवन्ति यद्ब्रूहात्योपधीभ्यस्त्वा प्रजाभ्यो गृह्णामीति तस्मादोषधयो मनुष्याणामन्नम् यद्ब्रूहाति

प्रजाभ्यंस्त्वा प्रजापतये गृह्णामीति तस्मात्प्रजापतिं प्रजा अनु प्र जायन्ते॥ (१८)

अभिजित्या ओषधयोऽष्टाचत्वारिंशच्च॥ [६]

प्रजापतिर्देवासुरानंसृजत् तदनु यज्ञोऽसृज्यत यज्ञं छन्दांसि ते विष्वञ्चो व्यक्रामन्सोऽसुराननु यज्ञोऽपौक्रामद्यज्ञं छन्दांसि ते देवा अमन्यन्तामी वा इदमभवन् यद्वयं स्म इति ते प्रजापतिमुपाधावन्त्सोऽब्रवीत्प्रजापतिश्छन्दसां वीर्यमादाय तद्वः प्र दास्यामीति स छन्दसां वीर्यम् (१९)

आदाय तदैभ्यः प्रायच्छत्तदनु छन्दास्यपौक्रामच्छन्दांसि यज्ञस्ततो देवा अभवन्परासुरा य एवं छन्दसां वीर्यं वेदा श्रावयास्तु श्रौषड्यज्ञ ये यजामहे वषट्कारो भवत्यात्मना परास्य भ्रातृव्यो भवति ब्रह्मवादिनो वदन्ति कस्मै कर्मध्वरुरा श्रावयतीति छन्दसां वीर्यायेति ब्रूयादेतद्वे (२०)

छन्दसां वीर्यमा श्रावयास्तु श्रौषड्यज्ञ ये यजामहे वषट्कारो य एवं वेद सर्वार्यैरेव छन्दोभिरर्चति यत्किं चार्चति यदिन्द्रो वृत्रमहंन्त्रमेध्यं तद्यद्यतो न पावंपदमेध्यं तदथ कस्मादैन्द्रो यज्ञ आ सऽस्थातो रित्याहुरिन्द्रस्य वा एषा यज्ञियां तनूर्यद्यज्ञस्तामेव तद्यजन्ति य एवं वेदोपैनं यज्ञो नमति॥ (२१)

स छन्दसां वीर्यं वा एव तदष्टौ च॥ [७]

आयुर्दा अग्रे हविषो जुषाणो घृतप्रतीको घृतयोनिरेधि। घृतम्पीत्वा मधु चारु गव्यं पितृवं पुत्रमभि रक्षतादिमम्। आ वृश्न्यते वा एतद्यजमानोऽग्निभ्यां यदेनयोः शृतंकृत्याथान्यत्रावभृथमवैत्यायुर्दा अग्रे हविषो जुषाण इत्यवभृथमवैष्यङ्गुह्यादाहृत्यैवैनौ शमयति नार्तिमाच्छति यजमानो यत्कुसीदम् (२२)

अप्रतीत्तमयि येन यमस्य बलिना चरामि। इहैव सन्निरवन्दये तदेतत्तदग्रे अनृणो भवामि। विश्वलोप विश्वदावस्य त्वासङ्गहोम्यन्धादेकोऽहुतादेकः समसनादेकः। ते नः कृण्वन्तु भेषजं सदः सहो वरेण्यम्। अयं नो नभसा पुरः सऽस्फुरा नो अभि रक्षतु। गृहाणामसमत्यै बहवो नो गृहा असन्। स त्वं नः (२३)

नभसस्पृत् ऊर्जं नो धेहि भद्रया। पुनर्नो नष्टमा कृधि पुनर्नो रयिमा कृधि। देवं सऽस्फान सहस्रपोषस्येशिषे स नो रास्वाज्यानि रायस्पोषं सुवीर्यं संवत्सुरीणां स्वस्तिम्। अग्निर्वाव यम इयं यमी कुसीदं वा एतद्यमस्य यजमान आ दत्ते यदोषधीभिर्वेदिः स्तृणाति यदनपौष्य प्रयायाद्वीवबद्धमेनम् (२४)

अमुष्मिँल्लोके नैनीयेरन् यत्कुसीदमप्रतीत्तमयीत्युपौषतीहैव सन् यमं कुसीदं निरवदायानृणः सुवर्गं लोकमेति यदि मिश्रमिव चरेदञ्जलिना सकृन्प्रदाव्यं जुहुयादेष वा अग्निर्वैश्वानरो यत्प्रदाव्यः स एवैनं स्वदयत्यह्ना विधान्यामेकाष्टकायामपूपं चतुःशरावम्पक्त्वा प्रातरेतेन कक्षमुपौषेद्यदि (२५)

दहति पुण्यसमंभवति यदि न दहति पापसममेतेन ह स्म वा ऋषयः पुरा विज्ञानेन दीर्घसूत्रमुप यन्ति यो वा उपद्रष्टारमुपश्रोतारमनुख्यातारं विद्वान् यजते सममुष्मिँल्लोकं इष्टापूतनं गच्छतेऽग्निर्वा उपद्रष्टा वायुरुपश्रोताऽऽदित्याऽनुख्याता तान् य एवं विद्वान् यजते सममुष्मिँल्लोकं इष्टापूतनं गच्छतेऽयं नो नभसा पुरः (२६)

इत्याहाऽग्निर्वै नभंसा पुरोऽग्निमेव तदाहेतुर्न गोपायेति स त्वं नो नभसस्पत इत्याह वायुर्वै नभसस्पतिर्वायुमेव तदाहेतुर्न गोपायेति देवं सस्फानेत्याहासौ वा आदित्यो देवः सस्फानं आदित्यमेव तदाहेतुर्न गोपायेति॥ (२७)

**कुसीदन्त्वन्न एनमोषेद्यदि पुर आदित्यमेव तदाहेतुर्न गोपायेति॥**—[८]

एतं युवानं परि वो ददामि तेन क्रीडन्तीश्वरत प्रियेण। मा नः शास जनुषां सुभागा रायस्पोषेण समिषा मदेमा नमो महिन्न उत चक्षुषे ते मरुताम्पितस्तदहं गृणामि। अनु मन्यस्व सुयजां यजाम जुष्टं देवानामिदमस्तु हव्यम्। देवानामेष उपनाह आसीदपां गर्भ ओषधीषु न्यक्तः। सोमस्य द्रप्समवृणीत पूषा (२८)

बृहन्नद्रिभवत्तदेषाम्। पिता वत्सानाम्पतिरग्निवानामथो पिता मंहतां गर्गराणाम्। वत्सो जरायुं प्रतिधुक्पीयूषं आमिक्षा मस्तु घृतमस्य रेतः। त्वां गावोऽवृणत राज्याय त्वां हवन्त मरुतः स्वर्काः। वर्ष्मन्क्षत्रस्यं ककुभिं शिश्रियाणस्ततो न उग्रो वि भंजा वसूनि व्यद्धेन वा एष पशुनां यजते यस्येतानि न क्रियन्त एष ह त्वे समृद्धेन यजते यस्येतानि क्रियन्त॥ (२९)

**पूषा क्रियन्त एषोऽष्टौ च॥**—[९]

सूर्यो देवो दिविषद्भ्यो धाता क्षत्राय वायुः प्रजाभ्यः। बृहस्पतिस्त्वा प्रजापतये ज्योतिष्मतीं जुहोतु। यस्यास्ते हरितो गर्भोऽथो योनिर्हरिण्ययी। अङ्गान्यहुता यस्ये तां देवैः समजीगमम्। आ वर्तन वर्तय नि निवर्तन वर्तयेन्द्र नर्दबुदा भूम्याश्चतस्रः प्रदिशस्ताभिरा वर्तया पुनः। वि तै भिनन्ति तक्रीं वि योनिं वि गवीन्यौ। वि (३०)

मातरं च पुत्रं च वि गर्भं च जरायुं च। बहिस्ते अस्तु बालिति। उरुद्रप्सो विश्वरूप इन्दुः पर्वमानो धीरं आनञ्ज गर्भम्। एकपदी द्विपदी त्रिपदी चतुष्पदी पञ्चपदी षड्पदी सप्तपद्यष्टापदी भुवनान् प्रथतास्व। मही द्यौः पृथिवी च न इमं यजमिमिक्षताम्। पिपृतां नो भरीमभिः॥ (३१)

**गवीन्यौ वि चतुश्चत्वारिंशच्च॥**—[१०]

इदं वामास्यं हविः प्रियमिन्द्राबृहस्पती। उक्थम्मदंश्च शस्यते। अयं वां परि पिच्यते सोम इन्द्राबृहस्पती। चारुमदाय पीतये। अस्मे इन्द्राबृहस्पती रयिं धत्तं शतग्विनम्। अश्वावन्तं सहस्रिणम्। बृहस्पतिर्नः परि पातु पश्चादुतोतस्मादधरादघायोः। इन्द्रः पुरस्तादुत मध्यतो नः सखा सखिभ्यो वरिवः कृणोतु। वि ते विष्वग्वातजूतासो अग्ने भामांसः (३२)

शुचे शुचंयश्चरन्ति। तुविभ्रक्षासौ दिव्या नवग्वा वनां वनन्ति धृषता रुजन्तः। त्वामग्ने मानुषीरोडते विशो होत्राविदं विविचिं रत्नधातमम्। गुहा सन्तं सुभग विश्वदर्शतं तुविष्मणसं सुयजं घृतश्रियम्। धाता दंदातु नो रयिमीशानो जगत्स्पतिः। स नः पूर्णेन वावनत्। धाता प्रजाया उत राय ईशे धातेदं



विश्वम्भुवनं जजान। धाता पुत्रं यजमानाय दातां (३३)

तस्मां उ हव्यं घृतवद्विधेम। धाता ददातु नो रयिम्राचीं जीवातुमर्क्षिताम्। वयं देवस्य धीमहि  
सुमतिः सत्यराधसः। धाता ददातु दाशुषे वसूनि प्रजाकामाय मीढुषे दुरोणे। तस्मै देवा अमृताः सं  
व्ययन्तां विश्वे देवासो अर्दितिः सजोषाः। अनु नोऽद्यानुमतिर्यज्ञं देवेषु मन्यताम्। अग्निश्च हव्यवाहनो भवंतां  
दाशुषे मयः। अन्विदनुमते त्वम् (३४)

मन्यांसै शं च नः कृधि। क्रत्वे दक्षाय नो हिनु प्र ण आयूँषि तारिषः। अनु मन्यतामनुमन्यमाना  
प्रजावन्तः रयिमर्क्षीयमाणम्। तस्यै वयः हेडंसि मापि भूम सा नो देवी सुहवा शर्म यच्छतु।  
यस्यामिदम्रदिशि यद्विरोचतेऽनुमतिं प्रति भूषन्त्यायवः। यस्यां उपस्थ उर्वन्तरिक्षः सा नो देवी सुहवा  
शर्म यच्छतु (३५)

राकामहः सुहवा सुष्टुती हुवे शृणोतु नः सुभगा बोधतु त्वनां। सीव्यत्वपः सूच्याऽच्छिद्यमानया  
ददातु वीरः शतदायमुक्थ्यम्। यास्तै राके सुमत्यः सुपेशंसो याभिर्ददांसि दाशुषे वसूनि। तामिनीं अद्य  
सुमनां उपागंहि सहस्रपोषः सुभगे रराणा। सिनीवाल्लि या सुपाणिः। कुहूमहः सुभगां विद्वानापंसमस्मिन्  
यज्ञे सुहवां जोहवीमि। सा नो ददातु श्रवणम्यितृणां तस्यांस्ते देवि हविषां विधेम। कुहूँदेवानाममृतस्य  
पत्नी हव्यां नो अस्य हविषश्चिकेतु। सं दाशुषे किरतु भूरि वामः रायस्पोषं चिकितुषे दधातु॥ (३६)

भामांसो दाता त्वमन्तरिक्षः सा नो देवी सुहवा शर्म यच्छतु श्रवणं  
चतुर्विंशतिश्च॥

[११]

वि वा एतस्या वायो इमे वै चित्तश्चाग्निर्भूतानां देवा वा  
अभ्यातानानृतपाङ्गाष्ट्रकामाय देविका वास्तोष्पते त्वमग्ने बृहदेकादश॥[१२] वि  
वा एतस्येत्याह मृत्युर्गन्धर्वोऽव रुन्धे मध्यतस्त्वमग्ने बृहथ्यद्वत्वारिःशत॥४६॥ वि वा एतस्य प्रियासः॥

## ॥चतुर्थः प्रश्नः॥

॥तैत्तिरीयसंहितायां तृतीयकाण्डे चतुर्थः प्रश्नः॥

वि वा एतस्य यज्ञ ऋध्यते यस्य हविरन्तरिच्यते सूर्या देवो दिविषद्भ्य इत्याहु बृहस्पतिना चैवास्य  
प्रजापतिना च यज्ञस्य व्युद्धमपि वपति रक्षांसि वा एतत्पशुः संचन्ते यदेकदेवत्यं आलब्धो भूयान्भवति  
यस्यांस्ते हरितो गर्भ इत्याहु देवत्रैवेनां गमयति रक्षसामपहत्या आ वर्तन वर्तयेत्याह (१)

ब्रह्मणैवैनमा वर्तयति वि ते भिनन्ति तद्वरीमित्याह यथायजुरैतदंरुद्रप्सो विश्वरूप इन्द्रित्याह प्रजा वै पशव इन्द्रः प्रजयैवैनम्पशुभिः समर्धयति दिवं वै यज्ञस्य व्यृद्धं गच्छति पृथिवीमतिरिक्तन्तद्यत्र शमयेदार्तिमार्च्छं यजमानो मही द्यौः पृथिवी च न इति (२)

आहु द्यावापृथिवीभ्यामेव यज्ञस्य व्यृद्धं चार्तिरिक्तं च शमयति नार्तिमार्च्छंति यजमानो भस्मनाभि समूहति स्वगाकृत्या अथो अनयोर्वा एष गर्भोऽनयोरेवैनं दधाति यदवद्येदति तद्रेचयेद्यन्नावद्येत्यशोरालब्धस्य नावं द्येत् पुरस्तान्नाभ्यां अन्यदवद्येदुपरिष्ठादन्यत्पुरस्ताद्धे नाभ्यै (३)

प्राण उपरिष्ठादपानो यावानेव पशुस्तस्याव द्यति विष्णवे शिपिविष्टाय जुहोति यद्वै यज्ञस्यातिरिच्यते यः पशोभूमा या पुष्टिस्तद्विष्णुः शिपिविष्टोऽतिरिक्त एवार्तिरिक्तं दधात्यतिरिक्तस्य शान्त्या अष्टाप्रद्विरण्यं दक्षिणाऽष्टापदी ह्येषात्मा नवमः पशोरास्यां अन्तरकोश उष्णीषेणाविष्टितम्भवत्येवमिव हि पशुरुत्बमिव चर्मव मांसमिवास्तीव यावानेव पशुस्तमात्वाव रुद्धे यस्येषा यज्ञे प्रायश्चित्तिः क्रियते इद्धा वसीयान्भवति॥ (४)

वर्तयेत्याह न इति वै नाभ्या उल्बमिवैकविंशतिश्च॥ [१]

आ वायो भूष शुचिपा उप नः सहस्रं ते नियुतो विश्ववारा उपो ते अन्धो मद्यमयामि यस्य देव दधिपे पूर्वपेयम्। आकृत्यै त्वा कामाय त्वा समूधं त्वा किक्किटा ते मनः प्रजापतये स्वाहा किक्किटा ते प्राणं वायवे स्वाहा किक्किटा ते चक्षुः सूर्याय स्वाहा किक्किटा ते श्रोत्रं द्यावापृथिवीभ्यां स्वाहा किक्किटा ते वाचः सरस्वत्यै स्वाहा (५)

त्वं तुरीयां वशिनीं वशासिं सकृद्यत्वा मनसा गर्भं आशयत्। वशा त्वं वशिनीं गच्छ देवान्भूत्याः संतु यजमानस्य कामाः। अजासिं रयिष्ठा पृथिव्याः सौदोर्ध्वान्तरिक्षमुप तिष्ठस्व दिवि ते बृहद्वाः। तन्तु त्वन्नजंसो भानुमन्विहि ज्योतिष्मतः पथो रक्ष धिया कृतान्। अनुत्बुषं वयत् जोगुवामपो मनुर्भव जनया देव्यं जनम्। मनसो हविरंसि प्रजापतेर्वर्णो गात्राणां ते गात्रभार्जो भूयास्म॥ (६)

सरस्वत्यै स्वाहा मनुस्त्रयोदश च॥ [२]

इमे वै सहास्तान्ते वायुर्यवाते गर्भमदधातान् सोमः प्राजनयदग्निरग्रसत् स एतं प्रजापतिराग्नेयमृष्टाकपालमपश्यत् निरवपत्तेनैवैनामग्नेरधि निरंक्रिणात्तस्मादप्यन्यदेवत्यामालभमान आग्नेयमृष्टाकपालमपुरस्तान्निर्वपेदग्नेरेवैनामधि निष्क्रिया लभते यत् (७)

वायुर्यवात्तस्माद्वायव्यां यद्विमे गर्भमदधातां तस्माद्द्यावापृथिव्यां यथ्सोमः प्राजनयदग्निरग्रसत् तस्मादग्नीषोमीया यदनयोर्विद्यत्योवांगवेदतस्मात्सारस्वती यत्प्रजापतिरग्नेरधि निरंक्रिणात्तस्मात्प्राजापत्या सा वा एषा सर्वदेवत्या यदजा वशा वायव्यामा लभेत् भूतिकामो वायुर्वै क्षेपिष्ठा देवता वायुमेव स्वेन (८)

भाग्येयेनोप धावति स एवैनम्भूतिं गमयति द्यावापृथिव्यामा लभेत् कृपमाणः प्रतिष्ठाकामो दिव एवास्यै पर्जन्यो वर्षति व्यस्यामोपधयो रोहन्ति समर्धुकमस्य सस्यम्भवत्यग्नीषोमीयामा लभेत् यः कामयेतान्नवानन्नादः स्यामित्यग्निनेवान्नमव रुद्धे सोमैनान्नाद्यमन्नवानेवान्नादो भवति सारस्वतीमा लभेत् यः (९)

ईश्वरो वाचो वर्दितोः सन्वाचं न वदेद्वाग्वै सरस्वती सरस्वतीमेव स्वेन भागधेयेनोप धावति  
सैवास्मिन्वाचं दधाति प्राजापत्यामा लभेत् यः कामयेतानभिजितमभि जयेयमिति प्रजापतिः सर्वा देवता  
देवताभिरैवानभिजितमभि जयति वायव्ययोपाकरोति वायोरैवेनामवरुध्या लभत् आकृत्यै त्वा कामाय त्वा (१०)

इत्याह यथायजुरेवैतत्किंकिटाकारं जुहोति किंकिटाकारेण वै ग्राम्याः पशवो रमन्ते प्रारण्याः पतन्ति  
यत्किंकिटाकारं जुहोति ग्राम्याणां पशूनां धृत्यै पर्यग्नौ क्रियमाणे जुहोति जीवन्तीमेवेनाः सुवर्गं लोकङ्गमयति  
त्वं तुरीयां वशिनीं वृशासीत्याह देवत्रैवेनां गमयति सत्याः संन्तु यजमानस्य कामा इत्याहैष वै कामः (११)

यजमानस्य यदनार्त उदचं गच्छति तस्मादेवमाहाजासि रयिष्ठेत्याहैष्वैवेनां लोकेषु प्रति घापयति  
दिवि ते बृहद्वा इत्याह सुवर्ग एवासमै लोके ज्योतिर्दधाति तन्तुं तन्वत्रजसो भानुमन्दिहीत्याहेमानुवासमै  
लोकां ज्योतिष्मतः करोत्यनुल्बणं वयत् जोगुवामप इति (१२)

आहु यदेव यज्ञ उल्बणं क्रियते तस्यैवैषा शान्तिर्मनुर्भव जनया दैव्यं जनमित्याह मानव्यो वै  
प्रजास्ता एवाद्याः कुरुते मनसो हविरसीत्याह स्वगाकृत्यै गात्राणां ते गात्रभाजो भूयास्मेत्याहशिषमेवेतामा  
शास्ते तस्यै वा एतस्या एकमेवादवयजनं यदालंबायामभ्रः (१३)

भवन्ति यदालंबायामभ्रः स्यादप्सु वा प्रवेशयेत्सर्वा वा प्राश्नीयाद्यदप्सु प्रवेशयेद्यज्ञवेशं कुर्यात्सर्वामेव  
प्राश्नीयादिन्द्रियमेवात्मन्ते सा वा एषा त्रयाणामेवावरुद्धा संवत्सरसदः सहस्रयाजिनो गृहमेधिनस्त एवैतया  
यजेरन्तेषामेवैषाता॥ 14॥

यथस्वेन सारस्वतीमा लभेत् यः कामाय त्वा कामोऽप इत्यभ्रो  
द्विचत्वारिंशच्च॥ [३]

चित्तं च चित्तिश्चाकृतं चाकूतिश्च विज्ञातं च विज्ञानं च मनश्च शक्नोतिश्च दर्शश्च पूर्णमासश्च बृहच्च  
रथन्तरं च प्रजापतिर्जयानिन्द्राय वृष्णे प्रायच्छदुग्रः पृतनाज्येषु तस्मै विशः समनमन्त सर्वाः स उग्रः स  
हि हव्यो बभूव देवासुराः संयता आसन्त्स इन्द्रः प्रजापतिमुपाधावत्तस्मा एताञ्जयान्प्रायच्छतानंजुहोततो वै  
देवा असुरानजयन् यदजयन्तञ्जयानां जयत्वः स्पर्धमानेनेते होतव्या जयत्येव तां पृतनाम्॥ (१५)

उप पञ्चविंशतिश्च॥ [४]

अग्निर्भूतानामधिपतिः स मावत्विन्द्रो ज्येष्ठानां यमः पृथिव्या वायुरन्तरिक्षस्य सूर्यो दिवश्चन्द्रमा  
नक्षत्राणाम्बृहस्पतिर्ब्रह्मणो मित्रः सत्यानां वरुणोऽपाः संमुद्रः स्रोत्यानामन्नः साम्राज्यानामधिपतिः तन्मावत्  
सोम ओषधीनाः सविता प्रसवानाः रुद्रः पशूनां त्वष्टा रूपाणां विष्णुः पर्वतानाम्मरुतो गुणानामधिपतयस्ते  
मावन्तु पितरः पितामहाः परेऽवरे ततोस्ततामहा इह मावता अस्मिन्ब्रह्मन्स्मिन्क्षत्रेऽस्यामाशिष्यस्याम्पुरोधाया-  
मस्मिन्कर्मत्रस्यां देवहूत्याम्॥ (१६)

अवरे सप्तदश च॥ [५]

देवा वै यद्यज्ञेऽकुर्वन् तदसुरा अकुर्वन् ते देवा एतान्भ्यातानानपश्यन्तान्भ्यातन्वन्त यद्देवानां कर्मासीदार्ध्यत तद्यदसुराणां न तदार्ध्यत येन कर्मणेश्चैतन्न होतव्यां ऋध्नोत्येव तेन कर्मणा यद्विश्वे देवाः समभन्तस्मादभ्याताना वैश्वदेवा यत्प्रजापतिर्जयान्त्रायच्छतस्माञ्जयाः प्राजापत्याः (१७)

यद्राष्ट्रभृद्भीं राष्ट्रमाददन्त तद्राष्ट्रभृताः राष्ट्रभृत्वन्ते देवा अभ्यातानैरसुरान्भ्यातन्वन्त जयैरजयन्नाष्ट्रभृद्भीं राष्ट्रमाददन्त यद्देवा अभ्यातानैरसुरान्भ्यातन्वन्त तदभ्यातानानामभ्यातानत्वं यच्चयैरजयन्तञ्जयानां जयत्वं यद्राष्ट्रभृद्भीं राष्ट्रमाददन्त तद्राष्ट्रभृताः राष्ट्रभृत्वन्ततो देवा अभवन्परासुरा यो भ्रातृव्यान्वभ्यात्स एताञ्जुह्यादभ्यातानैरेव भ्रातृव्यान्भ्यातन्तुते जयैर्जयति राष्ट्रभृद्भीं राष्ट्रमा दन्ते भवत्यात्मना परास्य भ्रातृव्यो भवति॥ (१८)

**प्राजापत्याः सौष्टादश च॥** [६]

ऋताषाडृतधामाग्निर्गन्धर्वस्तस्यौषधयोऽप्सरसः ऊर्जो नाम स इदं ब्रह्म क्षत्रम्पातु ता इदं ब्रह्म क्षत्रम्पातु तस्मै स्वाहा ताम्यः स्वाहा संहितो विश्वसामा सूर्यो गन्धर्वस्तस्य मरीचयोऽप्सरसं आयुवः सुपुम्रः सूर्यरश्मिश्चन्द्रमा गन्धर्वस्तस्य नक्षत्राण्यप्सरसो बिकुरयो भुज्युः सुपर्णो यज्ञो गन्धर्वस्तस्य दक्षिणा अप्सरसः स्त्वाः प्रजापतिर्विश्वकर्मा मनः (१९)

गन्धर्वस्तस्यर्खामान्यप्सरसो वह्न्य इषिरो विश्वव्यंवा वातो गन्धर्वस्तस्यापोऽप्सरसो मुदा भुवनस्य पते यस्य त उपरि गृहा इह च। स नो रास्वाज्यानि रायस्पोष सुवीर्य संवध्मरीणां स्वस्तिम्। परमेष्ठपतिर्मुत्युर्गन्धर्वस्तस्य विश्वमप्सरसो भुवः सुक्षितिः सुभूतिर्भद्रकृत्सुवर्वाण्यर्जुन्यो गन्धर्वस्तस्य विद्युतोऽप्सरसो रुचो दूरेहेतिरमृडयः (२०)

मृत्युर्गन्धर्वस्तस्य प्रजा अप्सरसो भीरुवश्चारुः कृपणकाशी कामो गन्धर्वस्तस्याधयोऽप्सरसः शोचयन्तीनाम स इदं ब्रह्म क्षत्रम्पातु ता इदं ब्रह्म क्षत्रम्पातु तस्मै स्वाहा ताम्यः स्वाहा स नो भुवनस्य पते यस्य त उपरि गृहा इह च। उरु ब्रह्मणेऽस्मै क्षत्राय महि शर्म यच्छ॥ (२१)

**मनोऽमृडयः षट्त्वारिंशच्च॥** [७]

राष्ट्रकामाय होतव्यां राष्ट्रं वै राष्ट्रभृतो राष्ट्रेणैवास्मै राष्ट्रमव रुन्दे राष्ट्रमेव भवत्यात्मन होतव्यां राष्ट्रं वै राष्ट्रभृतो राष्ट्रं प्रजा राष्ट्रमृशवो राष्ट्रं यच्छेष्टो भवति राष्ट्रेणैव राष्ट्रमव रुन्दे वसिष्ठः समानानां भवति ग्रामकामाय होतव्यां राष्ट्रं वै राष्ट्रभृतो राष्ट्रं संजाता राष्ट्रेणैवास्मै राष्ट्रं संजातानव रुन्दे ग्रामी (२२)

एव भवत्यधिदेवेन जुहोत्यधिदेवेन एवास्मै संजातानव रुन्दे त एनमवरुद्धा उप तिष्ठन्ते रथमुख ओजस्कामस्य होतव्यां ओजो वै राष्ट्रभृत ओजो रथ ओजसैवास्मा ओजोऽव रुन्दे ओजस्व्येव भवति यो राष्ट्रादपभृतः स्यात्तस्मै होतव्यां यावन्तोऽस्य रथाः स्युस्तान्द्वयाद्युद्धमिति राष्ट्रमेवास्मै युनक्ति (२३)

आहुतयो वा एतस्याक्लृप्ता यस्य राष्ट्रं न कल्पते स्वरथस्य दक्षिणं चक्रम्प्रवृद्धं नाडीमभि जुह्यादाहुतीरेवास्य कल्पयति ता अस्य कल्पमाना राष्ट्रमनु कल्पते सङ्ग्रामे संयते होतव्यां राष्ट्रं वै

राष्ट्रभृतो राष्ट्रे खलु वा एते व्यायच्छन्ते ये संङ्गमं संयन्ति यस्य पूर्वस्य जुहति स एव भवति जयति तं संङ्गमं मांथुक इध्मः (२८)

भुवत्यङ्गारा एव प्रतिवेष्टमाना अमित्राणामस्य सेनां प्रति वेष्टयन्ति य उन्माद्येत्तस्मै होतव्या गन्धर्वाप्सरसो वा एतमुन्मादयन्ति य उन्माद्यत्येते खलु वै गन्धर्वाप्सरसो यद्राष्ट्रभृतस्तस्मै स्वाहा ताभ्यः स्वाहेति जुहोति तेनैवैनच्छमयति नैयग्रोध औदुम्बर आश्वत्थः प्लाक्ष इतीधो भवत्येते वै गन्धर्वाप्सरसा गृहाः स्व एवैनां (२५)

आयतने शमयत्यभिचरता प्रतिलोमं होतव्याः प्राणानेवास्यं प्रतीचः प्रति यौति तं ततो येन केन च स्तृणुते स्वकृत इरिणे जुहोति प्रदरे वेतद्वा अस्यै निरक्रतिगृहीतं निरक्रतिगृहीत एवैनं निरक्रत्या ग्राहयति यद्वाचः क्रूरन्तेन वर्षद्वरोति वाच एवैनं क्रूरेण प्र वृश्चति ताजगार्तिमाच्छति यस्य कामयैतान्नाद्यम् (२६)

आ दंदीयेति तस्यं सुभायांमृत्तानो निपद्य भुवनस्य पत इति तृणानि सं गृहीयात्प्रजापतिर्वै भुवनस्य पतिः प्रजापतिर्नैवास्यान्नाद्यमा दंत इदमहममुष्यामुष्यायणस्यान्नाद्यं हरामीत्याहान्नाद्यमेवास्यं हरति पृश्निर्हरति पद्वा ऋतवः प्रजापतिर्नैवास्यान्नाद्यमादायर्तवैऽस्मा अनु प्र यच्छन्ति (२७)

यो ज्येष्ठबंधुरपभूतः स्यात्तं स्थलं एवसायं ब्रह्मोदनं चतुःशरावम्पक्ता तस्मै होतव्या वर्षं वै राष्ट्रभृतो वर्षं स्थलं वर्षणैवैनं वर्षं समानानां गमयति चतुःशरावो भवति दिक्ष्वैव प्रति तिष्ठति क्षीरे भवति रुचंमेवासिन्दधात्युद्धरति श्रुतत्वायं सर्पिष्वानभवति मेध्यत्वायं चत्वारं आरपेयाः प्राश्रन्ति दिशामेव ज्योतिषि जुहोति॥ (२८)

ग्रामी युनक्तीध्मः स्व एवैनांन्नाद्यं यच्छन्त्येकान्नपञ्चाशच्च॥ [८]

देविका निर्वपेत्प्रजाकामश्छन्दांसि वै देविकाश्छन्दांसीव खलु वै प्रजाश्छन्दांभिरेवास्यै प्रजाः प्र जंनयति प्रथमं धातारं करोति मिथुनी एव तेन करोत्यन्वेवास्मा अनुमतिर्मन्यते राते राका प्र सिंनीवाली जंनयति प्रजास्वेव प्रजातासु कुह्वा वाचं दधात्येता एव निर्वपेत्पशुकामश्छन्दांसि वै देविकाश्छन्दांसि (२९)

इव खलु वै पशवश्छन्दांभिरेवास्यै पशून् जंनयति प्रथमं धातारं करोति प्रैव तेन वापयत्यन्वेवास्मा अनुमतिर्मन्यते राते राका प्र सिंनीवाली जंनयति पशून् प्रजातांनुह्वा प्रति ष्ठापयत्येता एव निर्वपेद्गामकामश्छन्दांसि वै देविकाश्छन्दांसि खलु वै ग्रामश्छन्दांभिरेवास्यै ग्रामम् (३०)

अव रुद्धे मध्यतो धातारं करोति मध्यत एवैनं ग्रामस्य दधात्येता एव निर्वपेद्योगामयावी छन्दांसि वै देविकाश्छन्दांसि खलु वा एतमभि मन्यन्ते यस्य ज्योगामयति छन्दांभिरेवैनमगदं करोति मध्यतो धातारं करोति मध्यतो वा एतस्याक्लृप्तं यस्य ज्योगामयति मध्यत एवास्य तेन कल्पयत्येता एव निः (३१)

वपेद्यं यज्ञो नोपनमेच्छन्दांसि वै देविकाश्छन्दांसि खलु वा एतं नोपं नमन्ति यं यज्ञो नोपनमति प्रथमं धातारं करोति मुखत एवास्यै छन्दांसि दधात्युपैनं यज्ञो नमत्येता एव निर्वपेदीजानश्छन्दांसि वै देविका यातयामानीव खलु वा एतस्य छन्दांसि य ईजान उत्तमं धातारं करोति (३२)

उपरिष्टादेवास्मै छन्दाः स्ययांतयामान्यवं रुद्ध उपैन्मुत्तरो यज्ञो नमत्येता एव निर्वपेद्यम्मेधा नोपनमेच्छन्दाःसि वै देविकाश्छन्दाःसि खलु वा एतं नोपं नमन्ति यम्मेधा नोपनमन्ति प्रथमं धातारं करोति मुखत एवास्मै छन्दाःसि दधात्युपैन्मेधा नमत्येता एव निर्वपेत् (३३)

रुक्कामश्छन्दाःसि वै देविकाश्छन्दाःसीव खलु वै रुक्छन्दाभिरेवासिन्नुचं दधाति क्षीरे भवन्ति रुचमेवासिन्मन्धति मध्यतो धातारं करोति मध्यत एवैनं रुचो दधाति गायत्री वा अनुमतिस्त्रिष्टुपाका जगती सिनीवाल्यान्यनुष्टुप्कुर्हता वषट्कारः पूर्वपक्षो राकारपरपक्षः कुहूरमावास्या सिनीवाली पौर्णमास्यनुमतिश्चन्द्रमा धाताऽष्टौ (३४)

वसवोऽष्टाक्षरा गायत्र्येकादश रुद्रा एकादशाक्षरा त्रिष्टुब्बादशादित्या द्वादशाक्षरा जगती प्रजापतिरनुष्टुब्धाता वषट्कार एतद्वै देविकाः सर्वाणि च छन्दाःसि सर्वाश्च देवता वषट्कारस्ता यथ्सह सर्वा निर्वपेदीश्वरा एनम्प्रदहो द्वे प्रथमे निरुप्य धातुस्तृतीयं निर्वपेत्तथो एवोत्तरे निर्वपेत्तथैनं न प्र दहन्त्यथो यस्मै कामाय निरुप्यन्ते तमेवाभिरुपाप्नोति॥ (३५)

पशुकामश्छन्दाःसि वै देविकाश्छन्दाःसि ग्रामङ्कल्पयत्येता एव निरुत्तमन्धातारं करोति मेधा नमत्येता एव निर्वपेदष्टौ दहन्ति नवं च (९)  
देविकाः प्रजाकामो मिथुनी पशुकाम॥ [९]

वास्तोष्पते प्रति जानीह्यस्मान्स्वावेशो अनमीवो भवा नः। यत्स्वमहे प्रति तन्नो जुषस्व शं नं एधि द्विपदे शं चतुष्पदे। वास्तोष्पते शग्मयां सृंसदा ते सक्षीमहि रण्वयां गातुमत्या। आवः क्षेमं उत योगे वरं नो यूयम्पात स्वस्तिभिः सदा नः। यथ्सायम्प्रातरग्निहोत्रं जुहोत्याहुतीष्टका एव ता उपं धत्ते (३६)

यजमानोऽहोरात्राणि वा एतस्येष्टकां य आर्हिताग्निर्यथ्सायम्प्रातर्जुहोत्यहोरात्राण्येवास्वेष्टकाः कृत्वोपं धत्ते दशं समानत्रं जुहोति दशाक्षरा विराड्विराजमेवास्वेष्टकां कृत्वोपं धत्तेऽथो विराज्येव यज्ञमाप्नोति चित्यंश्चित्योऽस्य भवति तस्माद्यत्र दशोषित्वा प्रयाति तद्यज्ञवास्त्ववास्त्वेव तद्यत्ततोऽर्वाचीनम् (३७)

रुद्रः खलु वै वास्तोष्पतिर्यदहुत्वा वास्तोष्पतीयंम्रयायाद्रुद्र एनम्भूत्वाग्निरनूत्थाय हन्याद्वास्तोष्पतीयं जुहोति भागधेयैर्नैवेनं शमयति नार्तिमार्च्छति यजमानो यद्युक्ते जुहुयाद्यथा प्रयाते वास्तावाहुतिं जुहोति तादृगेव तद्यद्युक्ते जुहुयाद्यथा क्षेम आहुतिं जुहोति तादृगेव तदहुतमस्य वास्तोष्पतीयं स्यात् (३८)

दक्षिणो युक्तो भवति सव्योऽयुक्तोऽथ वास्तोष्पतीयं जुहोत्युभयमेवाक्रपरिवर्गमेवेनं शमयति यदेकया जुहुयाद्विहोमं कुर्यात्पुरोनुवाक्यामनूच्य याज्यया जुहोति सदेवत्वाय यद्धुत आदध्याद्रुद्रं गृहानन्वारोहयेद्यदव-  
क्षाणान्यसम्प्रक्षाय्य प्रयायाद्यथा यज्ञवेशसं वादहनं वा तादृगेव तदयं ते योनिर्ऋत्विय इत्यरण्योः समारोहयति (३९)

एष वा अग्नेर्योनिः स्व एवेनं योनौ समारोहयत्यथो खल्वार्हुयदरण्योः समारूढो नश्येदुदस्याग्निः सीदित्पुनराधेयः स्यादिति या तै अग्ने यज्ञियां तनुस्तयेद्या रोहेत्यात्मन्समारोहयते यजमानो वा अग्नेर्योनिः

स्वायामेवैनं योन्यां समारोहयते॥ (४०)

धत्तेऽर्वाचीनं स्यात्समारोहयति पञ्चचत्वारिंशच्च॥ [१०]

त्वमग्ने बृहद्वयो दधांसि देव दाशुषैः। क्विर्गृहपतिर्युवाँ॥ हव्यवाङ्गिरजः पिता नो विभुर्विभावां  
सुदृशीको अस्मे। सुगार्हपत्याः समिषो दिदीह्यस्मद्रियख्सम्मिमीहि श्रवांसि। त्वं च सोम नो वशो  
जीवातु न मरामहे। प्रियस्तोत्रो वनस्पतिः। ब्रह्मा देवानां पदवीः कवीनामृषिर्विप्राणाम्महिषो मृगाणाम्। श्येनो  
गृध्राणां स्वधितिर्वनानां सोमः (४१)

पवित्रमर्त्येति रेभत्र। आ विश्वदेव सत्पति सृतेरद्या वृणीमहे। सत्यसंव सवितारम्॥ आ  
सत्येन रजसा वर्तमानो निवेशयन्नमृतमर्त्यं च। हिरण्ययेन सविता रथेना देवो याति भुवना विपश्यन्।  
यथा नो अर्दतिः कर्त्तृश्वे नृभ्यो यथा गवैः। यथा तोकाय रुद्रियम्। मा नस्तोके तनये मा न आर्युषि  
मा नो गोषु मा (४२)

नो अश्वेषु रीरिषः। वीरान्मा नो रुद्र भामितो वधीरहविष्मन्तो नमसा विधेम ते। उदप्रुतो न  
वयो रक्षमाणा वावदतो अभ्रियस्येव घोषाः। गिरिभ्रजो नोमयो मदन्तो बृहस्पतिर्मभ्यर्का अनावत्र। हंसैरिव  
सखिभिर्वावदद्विरश्मन्मयानि नहना व्यस्यन्। बृहस्पतिरभि कर्निकदद्वा उत प्रास्तोदुच्चं विद्वा अंगायत्। एन्द्र  
सानसि रयिम् (४३)

सृजित्वानं सदासहम्। वर्षिष्ठमृतये भर। प्र संसाहिषे पुरुहूत शत्रूष्येष्ठस्ते शुष्मं इह रातिरंस्तु।  
इन्द्रा भर दक्षिणेना वसूनि पतिः सिन्धूनामसि रेवतीनाम्। त्वं सुतस्य पीतये सद्यो वृद्धो अजायथाः।  
इन्द्र ज्यैष्ठ्याय सुक्रतो। भुवस्त्वमिन्द्र ब्रह्मणा महान्भुवो विश्वेषु सवनेषु युजियः। भुवो नृश्च्योवो विश्वस्मिन्भरे  
ज्येष्ठश्च मन्त्रः (४४)

विश्वचरणे। मित्रस्य चरणधीधृतः श्रवो देवस्य सानसिम्। सत्यं चित्रश्रवस्तमम्। मित्रो जनान्  
यातयति प्रजानन्मित्रो दाधार पृथिवीमुत द्याम्। मित्रः कृष्टीरनिमिषाभि चण्डे सत्याय हव्यं घृतवद्विधेम। प्र  
स मित्रं मतो अस्तु प्रयस्वान् यस्तं आदित्यं शिक्षति व्रतेन। न हन्यते न जीयते त्वोतो नैनमंहो  
अश्रोत्यन्ति तो न दूरात्। यत् (४५)

चिद्धि ते विशो यथा प्र देव वरुण व्रतम्। मिनीमसि हविर्हवि। यत्किं चेदं वरुण दैव्यं  
जनैऽभिद्रोहम्ननुष्यांश्चरांसि। अर्चिती यत्तव धर्मा युयोपि मा नस्तस्मादेनसो देव रीरिषः। कितवासो  
यद्रिपुर्न दीवि यद्वां घा सत्यमुत यन्न विद्वा। सर्वा ता वि ष्यं शिथिरेवं देवाथा ते स्याम वरुण  
प्रियासः॥ (४६)

सोमो गोषु मा रयिं मन्त्रो यच्छिथिरा सप्त च॥ [११]

पूर्णर्षयोऽग्निना ये देवाः सूर्यो मा सन्त्वा नह्यामि वषट्कारः स खंदिर  
उपयामगृहीतोऽसि यां वै त्वे क्रतुम्प्र देवमेकादश॥ [१२] पूर्णा संहजान्तवांश्चे प्राणैरेव

षट्त्रिंशत्॥36॥ पूर्णा सन्ति देवाः॥

## ॥पञ्चमः प्रश्नः॥

॥तैत्तिरीयसंहितायां तृतीयकाण्डे पञ्चमः प्रश्नः॥

पूर्णा पश्चादुत पूर्णा पुरस्तादुन्मध्यतः पौर्णमासी जिंगाया। तस्यां देवा अधि संवसन्त उत्तमे नाकं  
इह मांदयन्ताम्। यतं देवा अर्द्धभुर्भागधेयममावास्ये संवसन्तो महित्वा। सा नो यज्ञमिंपृहि विश्ववारे रयिं  
नो धेहि सुभगे सुवीरम्। निवेशनी संगमनी वसूनां विश्वां रूपाणि वसून्त्यावेशयन्ती। सहस्रपोषं सुभगा  
रराणां सा न आ गन्वर्चसा (१)

संविदाना। अग्नीषोमौ प्रथमौ वीर्येण वसून्नुद्रानादित्यानिह जिन्वतम्। माध्यं हि पौर्णमासं जुषेथां  
ब्रह्मणा वृद्धो संकृतेन सातावथास्मभ्यं सहवीरां रयिं नि यच्छतम्। आदित्याश्चाङ्गिरसश्चाग्नीनादधत  
ते दर्शपूर्णमासौ प्रैप्सन्तेपामङ्गिरसां निरुप्तं हविरासीदथादित्या एतौ होमावपश्यन्तावजुहवुस्ततो वै ते  
दर्शपूर्णमासौ (२)

पूर्वं आलभन्त दर्शपूर्णमासावालभमान एतौ होमौ पुरस्ताञ्जुहुयात्साक्षादेव दर्शपूर्णमासावा  
लभते ब्रह्मवादिनो वदन्ति स त्वे दर्शपूर्णमासावालभेत य एनयोरनुलोमं च प्रतिलोमं च  
विद्यादित्यमावास्याया ऊर्ध्वं तदनुलोममपौर्णमास्यै प्रतीचीनं तत्प्रतिलोमं यत्पौर्णमासीमूर्वामालभेत  
प्रतिलोममेनावा लभेतामुर्मपक्षीयमाणमन्वपे (३)

क्षीयेत् सारस्वतौ होमौ पुरस्ताञ्जुहुयादमावास्यां वै सरस्वत्यनुलोममेवैनावा लभतेऽमुमाप्यायमानमन्वा  
प्यायत आग्नावैष्णवमेकादशकपालम्पुरस्तात्रिर्वपेत्सरस्वत्यै चरुं सरस्वते द्वादशकपालं यदाग्नेयो भवत्यग्निर्वै  
यज्ञमुखं यज्ञमुखमेवर्द्धिम्पुरस्ताद्धते यद्वैष्णवो भवति यज्ञो वै विष्णुर्यज्ञमेवारभ्य प्र तनुते सरस्वत्यै चरुर्भवति  
सरस्वते द्वादशकपालोऽमावास्यां वै सरस्वती पूर्णमासः सरस्वान्तावेव साक्षादा रभत ऋध्नोत्याभ्यां द्वादशकपालः  
सरस्वते भवति मिथुनत्वाय प्रजात्यै मिथुनौ गावो दक्षिणा समृद्धौ॥ (४)

वर्चसा वै ते दर्शपूर्णमासावप तनुते सरस्वत्यै पञ्चविंशतिश्च॥—[१]

ऋषयो वा इन्द्रमप्रत्यक्षं नापश्यन्तं वसिष्ठः प्रत्यक्षमपश्यत्सोऽब्रवीद्ब्राह्मणं ते वक्ष्यामि यथा त्वत्पुंगेहिताः  
प्रजाः प्रजनिष्यन्तेऽथ मेतरेभ्य ऋषिभ्यो मा प्र वोच इति तस्मां एतान्स्थितोमभागानब्रवीत्ततो वसिष्ठपुंगेहिताः  
प्रजाः प्राजायन्त तस्माद्वासिष्ठो ब्रह्मा कार्यः प्रैव जायते रश्मिरसि क्षयाय त्वा क्षयं जिन्वेति (५)

आहु देवा वै क्षयो देवेभ्य एव यज्ञम्राहु प्रेतिरसि धर्माय त्वा धर्मं जिन्वेत्याह मनुष्या वै धर्मो  
मनुष्येभ्य एव यज्ञम्राहान्वितिरसि दिवे त्वा दिवं जिन्वेत्याहैभ्य एव लोकेभ्यो यज्ञम्राह विष्टमोऽसि वृष्टं  
त्वा वृष्टिं जिन्वेत्याह वृष्टिमेवाव (६)



रुद्धे प्रवास्यनुवासीत्याह मिथुनत्वायेशिगंसि वसुभ्यस्त्वा वसूञ्जिन्वेत्याहाष्टौ वसंव एकादश रुद्रा द्वादशादित्या एतावन्तो वै देवास्तेभ्य एव यज्ञम्राहौजोऽसि पितृभ्यस्त्वा पितृञ्जिन्वेत्याह देवानेव पितृननु सं तनोति तन्तुरसि प्रजाभ्यस्त्वा प्रजा जिन्व (७)

इत्याह पितृनेव प्रजा अनु सं तनोति पृतनापाडसि पशुभ्यस्त्वा पशूञ्जिन्वेत्याह प्रजा एव पशूननु सं तनोति रेवदस्योपधीभ्यस्त्वोपधीजिन्वेत्याहोपधीष्वेव पशून्मतिं घापयत्यभिजिदसि युक्तग्रावेन्द्राय त्वेन्द्र जिन्वेत्याहभिजित्या अधिपतिरसि प्राणाय त्वा प्राणम् (८)

जिन्वेत्याह प्रजास्वेव प्राणान्दधाति त्रिवृदसि प्रवृदसीत्याह मिथुनत्वायं स०रोहोऽसि नीरोहोऽसीत्याह प्रजात्यै वसुकोऽसि वेपथिरसि वस्यष्टिरसीत्याह प्रतिष्ठित्यै॥ (९)

**जिन्वेत्यव प्रजा जिन्व प्राणन्त्रिंशच्च॥** [२]

अग्निना देवेन पृतना जयामि गायत्रेण छन्दसा त्रिवृता स्तोमैर्न रथन्तरेण साम्ना वषट्कारेण वज्रेण पूर्वजान्भ्रातृव्यानधरान्यादयाम्यवैनान्बाधे प्रत्येनानुदेऽस्मिन्क्षयेऽस्मिन्भूमिलोके योऽस्मान्देष्टेष्टि यं च वयं द्विष्णो विष्णोः क्रमेणात्येनान्क्रामामीन्द्रेण देवेन पृतना जयामि त्रैष्टुभेन छन्दसा पञ्चदशेन स्तोमैर्न बृहता साम्ना वषट्कारेण वज्रेण (१०)

सहजान् विश्वभिर्देवेभिः पृतना जयामि जागतेन छन्दसा सप्तदशेन स्तोमैर्न वामदेव्येन साम्ना वषट्कारेण वज्रेणापरजानिन्द्रेण सयुजो वयं सांसह्याम पृतन्यतः। घन्तो वृत्राण्यप्रति। यतं अग्ने तेजस्तेनाहं तेजस्वी भूयासं यतं अग्ने वर्चस्तेनाहं वचस्वी भूयासं यतं अग्ने हरस्तेनाहं हरस्वी भूयासम्॥ (११)

**बृहता साम्ना वषट्कारेण वज्रेण षट्त्वारिंशच्च॥** [३]

ये देवा यज्ञहन्तो यज्ञमुपः पृथिव्यामध्यासन्ते। अग्निमा तेभ्यो रक्षतु गच्छेम सुकृतो वयम्। आगन्म मित्रावरुणा वरेण्या रात्रीणाम्भागो युवयोर्यो अस्ति। नाकं गृह्णानाः सुकृतस्य लोके तृतीयं पृष्ठे अधि रोचने दिवः। ये देवा यज्ञहन्तो यज्ञमुपोऽन्तरिक्षेऽध्यासन्ते। वायुमा तेभ्यो रक्षतु गच्छेम सुकृतो वयम्। यास्ते रात्रीः सवितः (१२)

देवयानीरन्तरा द्यावापृथिवी वियन्ति। गृहैश्च सर्वैः प्रजया न्वग्ने सुवो रुहाणास्तरता रजांसि। ये देवा यज्ञहन्तो यज्ञमुपो दिव्यध्यासन्ते। सूर्यो मा तेभ्यो रक्षतु गच्छेम सुकृतो वयम्। येनेन्द्राय समर्भः पयांस्युत्तमेन हविषा जातवेदः। तेनाग्ने त्वमुत वर्धयेम संजातानां श्रेष्ठ आ धेह्येनम्। यज्ञहन्तो वै देवा यज्ञमुपः (१३)

सन्ति त एषु लोकेष्वांसत आददाना विमथ्राना यो ददाति यो यजते तस्य। ये देवा यज्ञहन्तः पृथिव्यामध्यासन्ते ये अन्तरिक्षे ये दिवीत्याहेमानेव लोकास्तीर्त्वा सगृहः सपशुः सुवर्गं लोकमेत्यप वै सोमैर्नेजानाद्देवतांश्च यज्ञश्च कामन्त्याग्नेयं पञ्चकपालमुदवसानायं निर्वपेदग्निः सर्वा देवताः (१४)

पाङ्क्तो यज्ञो देवतांश्चैव यज्ञं चाव रुद्धे गायत्रो वा अग्निर्गायत्रछन्दास्तं छन्दसा व्यर्धयति

यत्पञ्चकपालं करोत्यष्टाकंपालः कार्याऽष्टाक्षरा गायत्री गांयत्रौऽग्निर्गायत्रछन्दाः स्वेनैवेनं छन्दसा समर्धयति पङ्क्तौ याज्यानुवाक्यं भवतः पाङ्क्तौ यज्ञस्तेनैव यज्ञात्रेति॥ (१५)

**सवितर्देवा यज्ञमुषः सर्वा देवतास्त्रिचत्वारिंशच्च॥** [४]

सूर्यो मा देवो देवेभ्यः पातु वायुरन्तरिक्षाद्यजमानोऽग्निर्मा पातु चक्षुषः। सक्ष शूष सवितर्विश्वचरण एतेभिः सोमं नामभिर्विधेम ते तेभिः सोमं नामभिर्विधेम ते। अहम्परस्तादहमवस्तादहं ज्योतिषा वि तमो ववारा। यदन्तरिक्षं तदं मे पिताभूदहं सूर्यमुभयतो ददर्शाहम्भूयासमुत्तमः संमानानाम् (१६)

आ संमुद्रादाऽन्तरिक्षात्प्रजापतिरुद्धिं च्यावयातीन्द्रः प्र स्रौत मरुतो वर्षयन्तून्त्रभय पृथिवीम्भिन्द्दीदं दिव्यं नभः। उद्रो दिव्यस्यं नो देहीशानो वि सृजा दृतिम्। पशवो वा एते यदादित्य एष रुद्रो यदग्निरोषधीः प्रास्याग्नावदित्यं जुहोति रुद्रादेव पशून्तदधात्यथो ओषधीष्वेव पशून् (१७)

प्रतिं छापयति कविर्यज्ञस्य वि तनोति पन्थां नाकस्य पृष्ठे अधिं रोचने दिवः। येनं हव्यं वहंसि यासिं दूत इतः प्रचेता अमुतः सनीयान्। यास्ते विश्वाः समिधः सन्त्यग्ने याः पृथिव्याम्ब्रहिषि सूर्ये याः। तास्ते गच्छन्त्वाहुतिं घृतस्यं देवायते यजमानाय शर्मा। आशासानः सुवीर्यं रायस्योपपुं स्वश्चियम्। बृहस्पतिना राया स्वगाकृतो मह्यं यजमानाय तिष्ठ॥ (१८)

**समानानामोषधीष्वेव पशून्मह्यं यजमानायैकंश्च॥** [५]

सं त्वां नह्यामि पर्यसा घृतेन सं त्वां नह्याम्यप ओषधीभिः। सं त्वां नह्यामि प्रजयाहमद्य सा दीक्षिता संनवो वाजंमस्मे। प्रेतु ब्रह्मणस्पत्री वेदिं वर्णेन सीदतु। अथाहमनुकामिनी स्वे लोके विशा इह। सुप्रजसंस्त्वा वयं सुपत्नीरुपं सेदिम। अग्ने सपत्नदम्भं नमदब्धासो अदाभ्यम्। इमं वि ध्यामि वरुणस्य पाशम् (१९)

यमबन्ध्रीत सविता सुकेतः। धातुश्च योनौ सुकृतस्यं लोके स्योनं मे सह पत्यां करोमि। प्रेह्युदेह्युतस्यं वामीरन्वग्निस्तेऽग्रं नयत्वादिर्तिर्मध्यं ददतां रुद्रावसृष्टासि युवा नाम मा मां हिंसीर्वसुभ्यो रुद्रेभ्यं आदित्येभ्यो विश्वेभ्यो वो देवेभ्यः पन्नेजनीर्गृह्णामि यज्ञाय वः पन्नेजनीः सादयामि विश्वस्य ते विश्वावतो वृष्णिंयावतः (२०)

तवाग्ने वामीरन् सन्दृशि विश्वा रतांसि धिषीयागं देवान् यज्ञो नि देवीर्देवेभ्यो यज्ञमशिषन्नस्मिन्त्युन्वति यजमान आशिषः स्वाहाकृताः समुद्रेष्टा गन्धर्वमा तिष्ठताऽनु। वातस्य पत्मन्निड ईडिताः॥ (२१)

**पाशं वृष्णिंयावतस्त्रिंशच्च॥** [६]

वृषद्गुरो वै गांयत्रियै शिरोऽच्छिन्नत्तस्यै रसः परापतथ्स पृथिवीम्प्राविशथ्स खदिरोऽभवद्यस्यं खादिरः सुवो भवति छन्दसामेव रसेनाव द्यति सरसा अस्याहुतयो भवन्ति तृतीयस्यामितो दिवि सोमं आसीत्तं गांयत्र्याहर्तस्यं पर्णमच्छिद्यत् तत्पर्णोऽभवत्तत्पर्णस्यं पर्णत्वं यस्यं पर्णमयी जुहूः (२२)

भवन्ति सौम्या अस्याहुतयो भवन्ति जुषन्तौऽस्य देवा आहुतीर्देवा वै ब्रह्मन्नवदन्तु तत्पर्ण उपांशुणोऽभ्युश्रुवा वै नाम यस्य पर्णमयी जुहूर्भवति न पापः श्लोकः शृणोति ब्रह्म वै पर्णा विष्मरुतोऽन्नं विष्मरुतौऽश्वत्थो यस्य पर्णमयी जुहूर्भवत्याश्वत्थ्युपभृद्ब्रह्मणैवान्नमवं रुन्देऽथो ब्रह्म (२३)

एव विश्वध्यूहति राष्ट्रं वै पर्णा विडंश्चत्थो यत्पर्णमयी जुहूर्भवत्याश्वत्थ्युपभृद्वाष्टमेव विश्वध्यूहति प्रजापतिर्वा अंजुहोत्सा यत्राहुतिः प्रत्यतिष्ठत्ततो विकङ्कत उदतिष्ठत्ततः प्रजा अंसृजत यस्य वैकङ्कती ध्रुवा भवन्ति प्रत्येवास्याहुतयस्तिष्ठन्त्यथो प्रैव जायत एतद्वै सुचाः रूपं यस्यैवःरूपाः सुचो भवन्ति सर्वाण्येवैनः रूपाणि पशूनामुप तिष्ठन्ते नास्यापरूपमात्मजायते॥ (२४)

जुहूरथो ब्रह्म सुचाः सप्तदश च॥ [७]

उपयामगृहीतोऽसि प्रजापतये त्वा ज्योतिष्मते ज्योतिष्मन्तं गृह्णामि दक्षाय दक्षवृधे रातं देवेभ्योऽग्निजिह्वेभ्यस्त्वर्तायुभ्य इन्द्रज्येष्ठेभ्यो वरुणराजभ्यो वातापिभ्यः पर्जन्यात्मभ्यो दिवे त्वान्तरिक्षाय त्वा पृथिव्ये त्वापेन्द्र द्विपतो मनोऽप जिज्यांसतो जह्यप यो नोऽरातीयति तं जंहि प्राणाय त्वापानाय त्वा व्यानाय त्वा सते त्वासंते त्वान्नस्त्वौषधीभ्यो विश्वेभ्यस्त्वा भूतेभ्यो यतः प्रजा अक्खिन्द्रा अजायन्त तस्मै त्वा प्रजापतये विभूदात्रे ज्योतिष्मते ज्योतिष्मन्तं जुहोमि॥ (२५)

ओषधीभ्यश्चतुर्दश च॥ [८]

यां वा अध्वर्युश्च यजमानश्च देवतामन्तरितस्तस्या आ वृश्चते प्राजापत्यं दधिग्रहं गृहीयात्प्रजापतिः सर्वा देवता देवताभ्य एव नि हुंवाते ज्येष्ठो वा एष ग्रहाणां यस्यैष गृह्यते ज्येष्ठमेव गच्छति सर्वासां वा एतद्देवतानां रूपं यदेष ग्रहो यस्यैष गृह्यते सर्वाण्येवैनः रूपाणि पशूनामुप तिष्ठन्त उपयामगृहीतः (२६)

असि प्रजापतये त्वा ज्योतिष्मते ज्योतिष्मन्तं गृह्णामीत्याहु ज्योतिरेवैनः समानानां करोत्यग्निजिह्वेभ्यस्त्वर्तायुभ्य इत्याहुतावतीर्वै देवतास्ताभ्य एवैनः सर्वाभ्यो गृह्णात्यपेन्द्र द्विपतो मन इत्याहु भ्रातृव्यापनुच्यै प्राणाय त्वापानाय त्वेत्याहु प्राणानेव यजमाने दधाति तस्मै त्वा प्रजापतये विभूदात्रे ज्योतिष्मते ज्योतिष्मन्तं जुहोमि (२७)

इत्याहु प्रजापतिः सर्वा देवताः सर्वाभ्य एवैन देवताभ्यो जुहोत्याज्यग्रहं गृहीयात्तेजस्कामस्य तेजो वा आज्यं तेजस्यैव भवति सोमग्रहं गृहीयाद्ब्रह्मवर्चस्कामस्य ब्रह्मवर्चसं वै सोमो ब्रह्मवर्चस्यैव भवति दधिग्रहं गृहीयात्पशुकामस्योग्वै दध्युर्क्पर्शवं ऊर्जैवास्मा ऊर्जं पशूनवं रुन्दे॥ (२८)

उपयामगृहीतो जुहोमि त्रिचत्वारिंशच्च॥ [९]

त्वे क्रतुमपि वृज्जन्ति विश्वे द्विर्यदेते त्रिभुवन्त्यूमाः। स्वादोः स्वादीयः स्वादुनां सृजा समतं ऊ पु मधु मधुनाभि योधि उपयामगृहीतोऽसि प्रजापतये त्वा जुष्टं गृह्णाम्येष ते योनिः प्रजापतये त्वा प्राणग्रहान्गृह्णात्येतावद्वा अस्ति यावदेते ग्रहाः स्तोमाश्छन्दांसि पृष्ठानि दिशो यावदेवास्ति तत् (२९)

अवं रुद्धे ज्येष्ठा वा एतान्ब्राह्मणाः पुरा विद्वामक्रन्तस्मात्तेषां९ सर्वा दिशोऽभिजिता अभूवन् यस्यैते गृह्यन्ते ज्येष्ठमैव गच्छत्यभि दिशो जयति पञ्च गृह्यन्ते पञ्च दिशः सर्वास्वेव दिक्ष्वध्रुवन्ति नवनव गृह्यन्ते नव वै पुरुषे प्राणाः प्राणानेव यजमानेषु दधति प्रायणीये चोदयनीये च गृह्यन्ते प्राणा वै प्राणग्रहाः (३०)

प्राणैरेव प्रयन्ति प्राणैरुद्यन्ति दशमेऽहंनृह्यन्ते प्राणा वै प्राणग्रहाः प्राणेभ्यः खलु वा एतत्प्रजा यन्ति यद्वामदेव्यं योनेश्च्यवन्ते दशमेऽहंनृह्यन्ते योनेश्च्यवन्ते यदशमेऽहंनृह्यन्ते प्राणेभ्य एव तत्प्रजा न यन्ति॥ (३१)

तत्प्राणग्रहाः सप्तत्रिंशच्च॥ \_\_\_\_\_ [१०]

प्र देवं देव्या धिया भरता जातवेदसम्। हव्या नो वक्षदानुषक्। अयमु प्य प्र देवयुरहोता यज्ञाय नीयते। रथो न योरभीवृतो घृणीवाश्चेतति त्मना। अयमग्निरुरुष्यत्यमृतादिव जन्मनः। सहसश्चिह्नसर्गायां देवो जीवातवे कृतः। इडायास्त्वा पदे वयं नाभां पृथिव्या अधि। जातवेदो नि धीमह्यग्रे हव्याय वोढवे। (३२)

अग्ने विश्वेभिः स्वनीक देवैरूर्णावन्तम्प्रथमः सीद योनिम्। कुलायिनं घृतवन्तं सवित्रे यज्ञं नय यजमानाय साधु। सीदं होतः स्व उं लोके चिकित्वाऽन्धादयां यज्ञं संकृतस्य योनीं। देवावीदेवान् हविषा यज्ञास्यग्रे बृहद्यजमाने वयो धाः। नि होता होतृपदने विद्वानस्त्वेषो दीदिव। असदश्चुदक्षः। अदंभ्रतप्रमतिर्वसिष्ठः सहस्रम्भरः शुचिजिह्वो अग्निः। त्वं दूतस्त्वम् (३३)

उ नः परस्पास्त्वं वस्य आ वृषभ प्रणेता। अग्रे तोकस्य नस्तनै तनूनामप्रयुच्छन्दीद्यद्वोधि गोपाः। अभि त्वां देव सवितरीशानं वार्याणाम्। सदावन्भागमीमहे। मही द्यौः पृथिवी चं न इमं यज्ञमिमिक्षताम्। पिपृतां नो भरीमभिः। त्वामग्रे पुष्करादध्यथर्वा निरमन्थत। मूर्ध्नो विश्वस्य वाघतः। तमुं (३४)

त्वा दध्यङ्कृषिः पुत्र ईधे अथर्वणः। वृत्रहणं पुरन्दरम्। तमुं त्वा पाथ्यो वृषा समीधे दस्युहन्तमम्। धनंजयं रणेरणे। उत ब्रुवन्तु जन्तव उदग्निर्वृत्रहाजनि। धनंजयो रणेरणे। आ यं हस्ते न खादिनं शिशुं जातं न विभ्रति। विशामग्निं स्वध्वरम्। प्र देवं देववीतये भरता वसुवित्तमम्। आ स्वे योनौ नि षीदतु। आ (३५)

जातं जातवेदसि प्रियं शिंशोतातिथिम्। स्योन आ गृहपतिम्। अग्निनाऽग्निः समिध्यते क्विर्गृहपतियुवा। हव्यवाङ्मुह्यस्यः। त्वं ह्यग्रे अग्निना विप्रो विप्रेण सन्सृता। सखा सख्यां समिध्यसे। तम्मर्जयन्त सृक्रतुं पुरोयावानामाजिषु। स्वेषु क्षयेषु वाजिनम्। यज्ञेन यज्ञमयजन्त देवास्तानि धर्माणि प्रथमान्यासन्। ते ह नाकम्महिमानः सचन्ते यत्र पूर्वं साध्याः सन्ति देवाः (३६)

वोढवे दूतस्त्वन्तमुं सीदत्वा यत्र चत्वारिं च॥ \_\_\_\_\_ [११]

युञ्जान इमामगृभ्णं देवस्य सन्ते वि पाजसा वसंवस्त्वा समास्त्वोर्ध्वा अस्याकूतिं यदग्रे यान्यग्रे यं यज्ञमेकादश॥ 11॥ युञ्जानो वर्म च

स्थ आदित्यास्त्वा भारती स्वा९ अह९ षट्त्वारि९शत्॥46॥ युञ्जानो  
वाज॑वाजे॥ [१२]

## ॥ काण्डम् ४ ॥

### ॥ प्रथमः प्रश्नः ॥

॥ तैत्तिरीयसंहितायां चतुर्थकाण्डे प्रथमः प्रश्नः ॥

युञ्जानः प्रथमम्मनस्तत्वायं सविता धियः। अग्निं ज्योतिर्निचाय्यं पृथिव्या अध्याभरत्। युक्ताय मनसा  
देवान्धसुर्वर्यतो धिया दिवम्। बृहज्ज्योतिः करिष्यतः सविता प्र सुवति तान्। युक्तेन मनसा वयं देवस्यं  
सवितुः सुवे। सुवर्गेयाय शक्त्यै। युञ्जते मन उत युञ्जते धियो विप्रा विप्रस्य बृहतो विपश्चितः। वि होत्रां  
दधे वयुनाविदेक् इत् (१)

मही देवस्यं सवितुः परिष्टुतिः। युजे वां ब्रह्मं पूर्वं नमोभिर्वि श्लोकां यन्ति पृथ्येव सूर्याः।  
शृण्वन्ति विश्वे अमृतस्य पुत्रा आ ये धामानि दिव्यानि तस्थुः। यस्य प्रयाणमन्वन्य इद्ययुर्देवा देवस्यं  
महिमानमर्चतः। यः पार्थिवानि विममे स एतंशो रजा९सि देवः सविता महित्वना। देवं सवितुः प्र सुव  
यजम्प्र सुव (२)

यजपतिम्भगायं दिव्यो गन्धर्वः। केतपूः केत नः पुनातु वाचस्पतिर्वाचमद्य स्वदाति नः। इमं नो  
देव सवितर्यज्ञं प्र सुव देवायुव९ सखिविद९ सत्राजितं धनजित९ सुवर्जितम्। ऋचा स्तोम९ समर्धय  
गायत्रेण रथन्तरम्। बृहद्गायत्रवर्तनि। देवस्यं त्वा सवितुः प्रसवै९श्विनोर्बाहुभ्यां पूष्णो हस्ताभ्यामायुत्रेण  
छन्दसाऽऽददेऽङ्गिरस्वदभिरसि नारिः (३)

असि पृथिव्याः सधस्थादग्निमुंशीष्यमङ्गिरस्वदा भरु त्रैष्टुभेन त्वा छन्दसाऽऽददेऽङ्गिरस्वद्वभिरसि नारिरसि  
त्वया वय९ सधस्थ आग्नि९ शंकेम् खनितुं पुरीष्यं जागतेन त्वा छन्दसाऽऽददेऽङ्गिरस्वद्वस्तं आधाय सविता  
विभ्रदभिर९ हिरण्ययीम। तया ज्योतिरजसुमिदग्निं खात्वी न आ भ्रानुष्टुभेन त्वा छन्दसाऽऽददेऽङ्गिरस्वत्॥

इद्यज्ञं प्र सुव नारिरानुष्टुभेन त्वा छन्दसा त्रीणि च॥ [१]

इमामंगृष्णशनामृतस्य पूर्वं आयुषि विदथेषु कव्या। तया देवाः सुतमा बभूवुरऋतस्य  
सामन्धसुरमारपन्ती। प्रतूतं वाजिन्ना ब्रुव वरिष्ठामनु संवतम्। दिवि ते जन्म परममन्तरिक्षे नारिः  
पृथिव्यामधि योनिः। युक्ताथा९ रासभं युवमस्मिन् यामे वृषण्वसू। अग्निभरन्तमस्मयुम्। योगेयोगे त्ववस्तरं  
वाज॑वाजे हवामहे। सखाय इन्द्रमृत्यै। प्रतूर्वत्र (५)

एहंवक्रामन्नशंस्ती रुद्रस्य गाणपत्यान्मयोभूरेहि। उर्वन्तरिक्षमन्विहि स्वस्तिगंव्यतिरभयानि कुण्वन्।  
पूष्णा स्युजां सह। पृथिव्याः सधस्थोऽग्निमुरीष्यमङ्गिरस्वदच्छेद्दृग्निमुरीष्यमङ्गिरस्वदच्छेदोऽग्निमुरीष्यमङ्गिर-  
स्वद्वरिण्यामोऽग्निमुरीष्यमङ्गिरस्वद्वरामः। अन्वग्निरुपसामग्रमख्यदन्वहानि प्रथमो जातवेदाः। अनु सूर्यस्य (६)

पुरुत्रा च रश्मीननु द्यावापृथिवी आ तंतान। आगत्य वाज्यध्वनः सर्वा मृधो वि धुनुते। अग्निं  
सधस्थं महति चक्षुषा नि चिकीषते। आक्रम्य वाजिनपृथिवीमग्निमिच्छ रुचा त्वम्। भूम्या वृत्वाय नो  
ब्रूहि यतः खनां तं वयम्। द्यौस्तं पृष्ठं पृथिवी सधस्थमात्मानतरिक्षं समुद्रस्ते योनिः। विख्याय चक्षुषा  
त्वमभि तिष्ठ (७)

पुतन्यतः। उत्क्राम महते सौभंगायास्मादास्थानाद्विणोदा वाजिन्। वयं स्याम सुमतौ पृथिव्या  
अग्निं खनिष्यन्तं उपस्थं अस्याः। उदक्रमीद्विणोदा वाज्यर्वाकः स लोकं सकृतं पृथिव्याः। ततः खनेम  
सुप्रतीकमग्निं सुवो रुहाणा अधि नाकं उत्तमे। अपो देवीरुपं सृज मधुमतीरयक्ष्माय प्रजाभ्यः। तासां  
स्थानादुज्जिहतामोषधयः सुपिप्पलाः। जिघर्मि (८)

अग्निम्मनसा घृतेनं प्रतिक्ष्यन्तम्भुवनानि विश्वा। पृथुं तिरश्चा वयंसा बृहन्तं व्यचिष्टमन्नं रभसं  
विदानम्। आ त्वां जिघर्मि वचसा घृतेनारक्षसा मनसा तज्जुपस्व। मर्यश्रीः स्पृहयद्वर्णो अग्निर्नाभिमुखं तनुवा  
जर्हृषाणः। परि वाजंपतिः कविरग्निरहव्या न्यक्रमीत। धद्रन्नानि दाशुषे। परि त्वाग्ने पुरं वयं विप्रं  
सहस्य धीमहि। धृषद्वर्णं दिवेदिवे भेत्तारम्भङ्गुरावतः। त्वमग्ने द्युभिस्त्वमांशुशुक्ष्णित्वमद्यस्त्वमश्मन्स्परि। त्वं  
वनैभ्यस्त्वमोषधीभ्यस्त्वं नृणां नृपते जायसे शुचिः॥ (९)

प्रतूर्वन्सूर्यस्य तिष्ठ जिघर्मि भेत्तारं विशतिश्च॥ [२]

देवस्य त्वा सवितुः प्रसवैऽश्विनौर्बाहुभ्यां पूष्णो हस्ताभ्यां पृथिव्याः सधस्थेऽग्निमुरीष्यमङ्गिरस्व-  
त्खनामि। ज्योतिष्यन्तं त्वाग्ने सुप्रतीकमजंसेण भानुना दीद्यानम्। शिवं प्रजाभ्योऽहिंसन्तं पृथिव्याः  
सधस्थेऽग्निं पुरीष्यमङ्गिरस्वत्खनामि। अपां पृष्ठमसि सप्रथां उर्वग्निरिष्यदपरावपिष्ठम्। वर्धमानम्मह आ च  
पुष्करं दिवो मात्रया वरिणा प्रथस्व। शर्म च स्थः (१०)

वर्म च स्थो अच्छिद्रे बहुले उभे। व्यचस्वती सं वंसाथाम्भर्तमग्निमुरीष्यम्। सं वंसाथं सुवर्विदां  
समीची उरंसा त्मना। अग्निमन्तमरिष्यन्ती ज्योतिष्यन्तमजंस्त्रमिन्। पुरीष्योऽसि विश्वभराः। अथर्वा त्वा प्रथमो  
निरमन्थदग्ने। त्वमग्ने पुष्करादध्यथर्वा निरमन्थत। मूर्ध्नी विश्वस्य वाघतः। तमु त्वा दध्यङ्घ्रिः पुत्र ईधे (११)

अथर्वणः। वृत्रहणं पुरन्दरम्। तमु त्वा पाथ्यो वृषा समीधे दस्युहन्तंमम्। धनंजयं रणैरणे। सीदं  
होतुः स्व उं लोके चिकित्वान्सादयां यज्ञं सकृतस्य योनौ। देवावीर्देवान् हविषा यजास्यग्ने बृहद्यजमाने  
वयो धाः। नि होतां होतृषदने विदानस्त्वेपो दीदिवाम् अंसदध्मुदक्षः। अदब्धव्रतप्रमतिर्वसिष्ठः सहस्रम्भरः  
शुचिजिह्वो अग्निः। स सीदस्व महां अंसि शोचस्व (१२)

देववीतमः। वि धूममग्ने अरुषमिधेय्य सृज प्रशस्त द्रशतम्। जनिष्वा हि जेन्यो अग्ने अह्वां

हितो हितेष्वंरूपो वनेषु। दमेदमे सप्त रत्ना दधानोऽग्निरहोता नि पंसादा यजीयान्॥ (१३)

स्थ ईधे शोचस्व सप्तविंशतिश्च॥ [३]

सं ते वायुर्मातरिश्वा दधातूतानाद्यै हृदयं यद्विलिष्टम्। देवानां यश्चरति प्राणयेन तस्मै च देवि वषडस्तु तुभ्यम्। सुजातो ज्योतिषा सह शर्म वरूथमासदः सुवः। वासो अग्रे विश्वरूपं सं व्ययस्व विभावसो। उदं तिष्ठ स्वधरावां नो देव्या कृपा। दृशे च भासा बृहता सुशुक्लनिराग्रे याहि सुशस्तिभिः। (१४)

ऊर्ध्व ऊ पु णं ऊतये तिष्ठा देवो न संविता। ऊर्ध्वो वाजस्य सनिता यदञ्जिभिर्वाघद्विर्विह्वयामहे। स जातो गर्भो असि रोदस्योरग्रे चारुर्विभृत ओषधीषु। चित्रः शिशुः परि तमांस्युक्तः प्र मातृभ्यो अधि कनिऋदद्वाः। स्थिरो भव वीङ्मङ्ग आशुर्भव वाज्यर्वत्र। पृथुर्भव सुषदस्त्वमग्रेः पुरीषवाहेनः। शिवो भव (१५)

प्रजाभ्यो मानुषीभ्यस्त्वमङ्गिरः। मा द्यावापृथिवी अभि शूशुचो मान्तरिक्षं मा वनस्पतीन्। प्रेतुं वाजी कनिऋदन्नानदद्वसभः पत्वा। भरन्नश्मिर्गुरीष्य मा पाद्यायुषः पुरा। रासभो वां कनिऋदथसुयुक्तो वृषणा रथै। स वामश्मिर्गुरीष्यमाशुर्दूतो वहादितः। वृषाग्निं वृषणम्भरन्नपां गर्भं समुद्रियम्। अग्न आ याहि (१६)

वीतयं ऋतं सत्यम्। ओषधयः प्रति गृह्णीताग्निमेतं शिवमायन्तंभ्यत्र युष्मान्। व्यस्यन्विश्वा अमंतीररांतीर्निषीदन्नो अपं दुर्मतिं हनन्। ओषधयः प्रति मोदध्वमेनम्पुष्पावतीः सुपिप्पलाः। अयं वो गर्भं ऋत्वियः प्रबं सधस्थमासदत्॥ (१७)

सुशस्तिभिः शिवो भव याहि षट्त्रिंशच्च॥ [४]

वि पाजंसा पृथुना शोशुचानो वार्धस्व द्विषो रक्षसो अमीवाः। सुशर्मणो बृहतः शर्मणि स्यामग्रेरहं सुहवस्य प्रणीतो। आपो हि ष्ठा मंयोभुवस्ता न ऊर्जे दधातन। महे रणाय चक्षसे। यो वः शिवतमो रसस्तस्य भाजयतेह नः। उशतीरिव मातरः। तस्मा अरं गमाम वो यस्य क्षयाय जिन्वथ। आपो जनयथा च नः मित्रः (१८)

संसृज्यं पृथिवीम्भूमिं च ज्योतिषा सह। सुजातं जातवेदसमग्निं वैश्वानरं विभुम्। अयक्ष्माय त्वा स संजामि प्रजाभ्यः। विश्वे त्वा देवा वैश्वानराः स संजन्त्वानुष्टुभेन छन्दसाङ्गिरस्वत्। रुद्राः सम्भृत्यं पृथिवीम्बृहज्योतिः समीधरे। तेषां भानुरजसं इच्छुक्रो देवेषु रोचते। स संष्टां वसुभी रुद्रेधीरैः कर्मण्याम्मदम्। हस्ताभ्याम्मुद्वी कृत्वा सिनीवाली करोतु (१९)

ताम्। सिनीवाली सुंकपर्दा सुंकरीरा स्वौपशा। सा तुभ्यमदिते मह ओखां दधातु हस्तयोः। उखां करोतु शक्तां बाहुभ्यामदितिर्धिया। माता पुत्रं यथोपस्थे साग्निम्बिभर्तु गर्भ आ। मुखस्य शिरोंऽसि यज्ञस्य पदे स्थः। वसवस्त्वा कृण्वन्तु गायत्रेण छन्दसाङ्गिरस्वत्पृथिव्यासि रुद्रास्त्वा कृण्वन्तु त्रैष्टुभेन छन्दसाङ्गिरस्वदन्तरिक्षमसि (२०)

आदित्यास्त्वा कृण्वन्तु जागतेन छन्दसाङ्गिरस्वद्वोरसि विश्वे त्वा देवा वैश्वानराः कृण्वन्त्वानुष्टुभेन छन्दसाङ्गिरस्वदिशोंऽसि ध्रुवासि धारया मरियं प्रजा रायस्पोषं गौपत्यं सुवीर्यं सजातान् यजमानायादित्यै

रास्त्रास्यदितिस्ते बिलं गृह्णातु पाङ्केन छन्दसाङ्गिरस्वत्। कृत्वाय सा महीमुखाम्मृन्मयीं योनिमग्रये। ताम्पुत्रेभ्यः सम्प्रायच्छुददितिः श्रपयानिति॥ (२१)

मित्रः करोत्वन्तरिक्षमसि प्र चत्वारि च॥ [५]

वसंवस्त्वा धूपयन्तु गायत्रेण छन्दसाङ्गिरस्वद्रुद्रास्त्वा धूपयन्तु त्रैष्टुभेन छन्दसाङ्गिरस्वदादित्यास्त्वा धूपयन्तु जागतेन छन्दसाङ्गिरस्वद्विष्वे त्वा देवा वैश्वानरा धूपयन्त्वानुष्टुभेन छन्दसाङ्गिरस्वदिन्द्रस्त्वा धूपयत्वङ्गिरस्वद्विष्णुस्त्वा धूपयत्वङ्गिरस्वद्वरुणस्त्वा धूपयत्वङ्गिरस्वददितिस्त्वा देवी विश्वदैव्यावती पृथिव्याः सधस्थेऽङ्गिरस्वत्खनत्ववट देवानां त्वा पत्नीः (२२)

देवीविश्वदैव्यावतीः पृथिव्याः सधस्थेऽङ्गिरस्वदधतूखे धिपणास्त्वा देवीविश्वदैव्यावतीः पृथिव्याः सधस्थेऽङ्गिरस्वदभीन्धतामुखे ग्रास्त्वा देवीविश्वदैव्यावतीः पृथिव्याः सधस्थेऽङ्गिरस्वच्छपयन्तूखे वरूत्रयो जर्नयस्त्वा देवीविश्वदैव्यावतीः पृथिव्याः सधस्थेऽङ्गिरस्वत्पचन्तूखे। मित्रेतामुखाम्पचैषा मा भेदि। एतां ते परि ददाम्यभित्ये। अभीमाम् (२३)

महिना दिवम्मित्रो भंबूव सप्रथाः। उत श्रवंसा पृथिवीम्। मित्रस्य चरषणीधृतः श्रवो देवस्य सानसिम्। द्युमं चित्रश्रवंस्तमम्। देवस्त्वां सवितोद्वपतु सुपाणिः स्वङ्गुरिः। सुबाहूरुत शक्त्या। अपद्यमाना पृथिव्याशा दिश आ पृण। उत्तिष्ठ बृहती भवोर्ध्वा तिष्ठ ध्रुवा त्वम्। वसंवस्त्वाच्छन्दन्तु गायत्रेण छन्दसाङ्गिरस्वद्रुद्रास्त्वा च्छन्दन्तु त्रैष्टुभेन छन्दसाङ्गिरस्वदादित्यास्त्वा च्छन्दन्तु जागतेन छन्दसाङ्गिरस्वद्विष्वे त्वा देवा वैश्वानरा आच्छन्दन्त्वानुष्टुभेन छन्दसाङ्गिरस्वत्॥ (२४)

पत्नीरिमा९ रुद्रास्त्वाच्छन्दन्त्वेकान्नवि९शतिश्च॥ [६]

समास्त्वाग्न ऋतवो वर्धयन्तु संवत्सरा ऋषयो यानि सत्या। सं दिव्येन दीदिहि रोचनेन विश्वा आ भाहि प्रदिशः पृथिव्याः। सं चेध्यस्वाग्ने प्र च बोधयेन्मुचं तिष्ठ महते सौभगाय। मा च रिपदुपसत्ता तं अग्ने ब्रह्मणस्ते यशसं सन्तु मान्ये। त्वामग्ने वृणते ब्राह्मणा इमे शिवो अग्ने (२५)

संवर्णे भवा नः। सपत्न्या नो अभिमातिजिच्च स्वे गये जागृह्यप्रयुच्छत्र। इहैवाग्ने अधि धारया रयिं मा त्वा नि कृन्पूर्वचितो निकारिणः। क्षत्रमग्ने सुयममस्तु तुभ्यमुपसत्ता वर्धतां ते अनिष्टृतः। क्षत्रेणाग्ने स्वायुः स९ रभस्व मित्रेणाग्ने मित्रधेये यतस्व। सजातानाम्मध्यमस्था एधि राज्ञामग्ने विहव्यो दीदिहीह। अति (२६)

निहो अति स्मिधोऽत्यचित्तिमत्यरातिमग्ने। विश्वा ह्यग्ने दुरिता सहस्वाथास्मभ्य९ सहवीरा९ रयिं दाः। अनाधृष्यो जातवेदा अनिष्टृतो विराडग्ने क्षत्रभृद्दीदिहीह। विश्वा आशाः प्रमुञ्चन्मानुषीर्भियः शिवाभिर्गद्य परि पाहि नो वृधे। बृहस्पते सवितर्बोधयेन्९ स९शितं चिथ्सन्त्रा९ स९ शिंशाधि। वर्धयेन्म्महते सौभगाय (२७)

विश्वं एनमनु मदन्तु देवाः। अमुत्रभूयादध यद्यमस्य बृहस्पते अभिशंस्तेरमुञ्चः। प्रत्यौहतामश्विनो मृत्युमस्माद्देवानामग्ने भिषजा शचीभिः। उद्वयं तमसस्परि पश्यन्तो ज्योतिरुत्तरम्। देवं देवत्रा सूर्यमगन्तु



ज्योतिरुत्तमम्॥ (२८)

इमे शिवो अग्नेऽति सौभगाय चतुस्त्रिंशच्च॥ [७]

ऊर्ध्वा अस्य समिधो भवन्त्यूर्ध्वा शुक्रा शोचीःप्यग्नेः। द्युमत्तमा सुप्रतीकस्य सूनोः। तनूनपादसुरो विश्ववेदा देवो देवेषु देवः। पथ आनक्ति मर्धा घृतेन। मर्धा यज्ञं नक्षसे प्रीणानो नराशंसो अग्ने। सुकृदेवः संविता विश्ववारः। अच्छायमैति शवंसा घृतेनैडानो वह्निर्मसा। अग्निं सुचो अध्वरेषु प्रयथ्युः। स यंक्षदस्य महिमानमग्नेः सः (२९)

ई मन्द्रासु प्रयसः। वसुक्षेत्रिष्ठो वसुधातमश्च। द्वारो देवीरन्वस्य विश्वे व्रता ददन्ते अग्नेः। उरुव्यचंसो धाम्ना पत्यमानाः। ते अस्य योषणे दिव्ये न योनावुपासान्क्ताः। इमं यज्ञमवतामध्वरं नः। दैव्या होतारावूर्ध्वमध्वरं नोऽग्नेर्जिह्वामभि गृणीतम्। कृणुतं नः स्विष्टिम्। तिस्रो देवीर्वहिरदः सन्दिबडा सरस्वती (३०)

भारती। मही गृणाना। तत्रस्तुरीपमद्भुतं पुरुक्षु त्वष्टा सुवीरम्। रायस्पोषं वि प्यंतु नार्भिमस्मे। वनस्पतेऽव सृजा रराणस्मना देवेषु। अग्निरुहव्यं शमिता सूदयाति। अग्ने स्वाहा कृणुहि जातवेद इन्द्राय हव्यम्। विश्वे देवा हविरिदं जुषन्ताम्। हिरण्यगर्भः समवर्तताग्ने भूतस्य जातः पतिरेक आसीत्। स दाधार पृथिवीं द्याम् (३१)

उतेमां कस्मै देवाय हविषा विधेम। यः प्राणतो निमिषतो महित्वैक इद्राजा जगतो बभूव। य ईशे अस्य द्विपदश्चतुष्पदः कस्मै देवाय हविषा विधेम। य आत्मदा बलदा यस्य विश्वं उपासते प्रशिषं यस्य देवाः। यस्य छायामृतं यस्य मृत्युः कस्मै देवाय हविषा विधेम। यस्येमे हिमवन्तो महित्वा यस्य समुद्रं रसाय सह (३२)

आहुः। यस्येमाः प्रदिशो यस्य बाहू कस्मै देवाय हविषा विधेम। यं क्रन्दसी अवसा तस्तभूने अभ्येक्षेताम्मनसा रेजमाने। यत्राधि सूर उदितौ व्येति कस्मै देवाय हविषा विधेम। येन द्यौरुग्रा पृथिवी च दृढे येन सुवं स्तभितं येन नाकः। यो अन्तरिक्षे रजसो विमानः कस्मै देवाय हविषा विधेम। आपो ह यन्महतीविश्वम् (३३)

आयन्दक्षं दधाना जनयन्तीरग्निम्। ततो देवानां निरवर्ततासुरेकः कस्मै देवाय हविषा विधेम। यश्चिदापो महिना पर्यपश्यदक्षं दधाना जनयन्तीरग्निम्। यो देवेष्वधि देव एक आसीत्कस्मै देवाय हविषा विधेम॥ (३४)

अग्नेः स सरस्वती द्यां सह विश्वश्चतुस्त्रिंशच्च॥ [८]

आकूतिमग्निम्रयुजः स्वाहा मनो मेधामग्निम्रयुजः स्वाहा चितं विज्ञातमग्निम्रयुजः स्वाहा वाचो विधूतिमग्निम्रयुजः स्वाहा प्रजापतये मनवे स्वाहाग्नये वैश्वानराय स्वाहा विश्वे देवस्य नेतुर्मतो वृणीत सुख्यं विश्वे राय इंपुध्यसि द्युमं वृणीत पुष्यसे स्वाहा मा सु भित्था मा सु रिपो दृहंस्व वीडयस्व सु। अम्बं धृणु वीरयस्व (३५)

अग्निश्चेदं करिष्यथः। दृ०हंस्व देवि पृथिवि स्वस्तयं आसुरी माया स्वधया कृतासिं। जुष्टं देवानामिदमस्तु हव्यमरिष्टा त्वमुदिहि यज्ञे अस्मिन्। मित्रैतामुखां तपैषा मा भेदि। एतान्ते परि ददाम्यभित्यै। द्वंत्रः सर्पिरासुतिः प्रलो होता वरेण्यः। सहसस्पुत्रो अद्भुतः। परंस्या अधि संवतोऽवरा० अभ्या (३६)

त०। यत्राहमस्मि ता० अंवा। प०रमस्याः प०रावतो रोहिदंश्च इहा गंहि। पुरीष्यः पुरुषियोऽग्ने त्वं त०रा मृषः। सीद त्वं मात०रस्या उपस्थे विश्वान्यग्ने वयुनानि विद्वान्। मैनामर्विषा मा तपसाभि शूशुचोऽन्तरस्या० शूक्रज्योतिर्वि भाहि। अन्तरग्ने रूचा त्वमुखायै सदनं स्वे। तस्यास्त्व० हरंसा तपञ्जातवेदः शिवो भवा। शिवो भूत्वा मह्यमग्नेऽथो सीद शिवस्त्वम्। शिवाः कृत्वा दिशः सर्वाः स्वां योनिमिहासदः॥ (३७)

वीरयस्वा तपन्वि०शतिश्च॥ [९]

यदग्ने यानि कानि चा ते दारूणि दध्मसिं। तदस्तु तुभ्यमिद्धृतं तज्जपस्व यविष्ठा। यदत्त्युपजिह्विका यद्वम्रो अतिसर्पति। सर्वं तदस्तु ते घृतं तज्जपस्व यविष्ठा। रात्रि०रात्रिमप्रयावम्भरन्तोऽश्वायेव तिष्ठते घासमस्मे। रायस्पोषेण समिषा मदन्तोऽग्ने मा ते प्रतिवेशा रिषाम। नाभौ (३८)

पृथिव्याः समिधानमग्नि० रायस्पोषाय बृहते हवामहे। इ०रम्दम्बृहदुक्तं यजत्रं जेतारमग्निं पृतनासु सासहिम्। याः सेनां अभीत्वंरीराव्याधिनीरुगणा उता। ये स्तेना ये च तस्करास्ताऽस्ते अग्नेऽपि दधाम्यास्यै। द०ष्ट्राभ्याम्मलिमुञ्जम्यैस्तस्करा० उता। हनूभ्या०स्तेनाभगवस्ताऽस्त्वं खाद सुखादितान्। ये जनैषु मलिम्ववः स्तेनासस्तस्करा वनै। ये (३९)

कक्षेष्वायवस्ताऽस्ते दधामि जम्भयोः। यो अ०स्मभ्यमरातोयाद्यश्च नो द्वेपते जनः। निन्दाद्यो अ०स्मान् दिप्साच्च सर्वं तम्मंस्मसा कुरु। स०शितं मे ब्रह्म स०शितं वीर्यं बलम्। स०शितं क्षत्रं जिष्णु यस्याहमस्मिं पुरोहितः। उदैषाम्बाहू अतिरमुद्वर्च उदू बलम्। क्षिणोमि ब्रह्मणा मित्रानुन्नयामि (४०)

स्वा० अ०हम्। दृशानो रुक्म उ०र्वा व्यद्यौदुर्मरुमायुः श्रिये रुचानः। अ०ग्नि०रमृतौ अभवद्वयौभिर्यदेनं द्यौरजनयथ्युरेताः। विश्वां रूपाणि प्रति मुञ्चते कविः प्रासावीद्वद्रं द्विपदे चतुष्पदे। वि नाकमख्यध्वसिता वरेण्योऽनु प्रयाणमुषसो वि राजति। नक्तोपासा समनसा विरूपे धापयते शिशुमेक० समीची। द्यावा क्षामा रुक्मः (४१)

अन्तर्वि भांति देवा अग्निं धारयन्द्रविणोदाः। सु०पर्णोऽसि गुरुत्मात्रिवृत्ते शिरो गायत्रं चक्षुः स्तोमं आत्मा सामं ते तनूर्वामदेव्यम्बृहद्रथन्तरे पक्षौ यज्ञायज्ञियमुच्छं छन्दा०स्यङ्गानि धिष्ण्याः शफा यजू०षि नाम। सु०पर्णोऽसि गुरुत्मान्दिवं गच्छ सुवः पत॥ (४२)

नाभा वने येन यामि क्षामा रुक्मोऽष्टात्रि०शच्च॥ [१०]

अग्ने यं यज्ञमध्वरं विश्वतः परिभूरसिं। स इद्वेपुं गच्छति। सोम यास्ते मयोभुवं ऊतयः सन्ति दाशुषै। तार्भिर्नोऽविता भवा। अ०ग्निर्मूर्धा भुवः। त्वं नः सोम या ते धामानि। तध्सवितुर्वरेण्यम्भर्गो देवस्य

धीमहि। धियो यो नः प्रचोदयात्। अचिन्ती यच्चकृमा दैव्ये जने दीनैर्दक्षैः प्रभृती पूरुषत्वता॥ (४३)

देवेषु च सवितर्मानुषेषु च त्वं नो अत्र सुवतादनांगसः। चोदयित्री सूनृतांनां चेतन्ती सुमतीनाम्। यज्ञं दधे सरस्वती। पार्वीरवी कन्यां चित्रायुः सरस्वती वीरपत्नी धियं धातु। आभिरच्छिद्रं शरणं सजोषां दुराधरषं गृणते शर्म यस्सत्। पूषा गा अन्वेतु नः पूषा रक्षत्वर्वतः। पूषा वाजं सनोतु नः। शुक्रं तै अन्यद्यज्ञतं तै अन्यत् (४४)

विषुरूपे अहं नी चौरिवासि। विश्वा हि माया अवसि स्वधावो भद्रा तै पूषन्निह रातिरस्तु। तैऽवर्धन्त स्वतंवसो महित्वना नाकं तस्थुरु रुचं क्रिरे सदाः। विष्णुर्यद्वावद्वर्षणम्मदच्युतं वयो न सीदन्नधि बरहिषि प्रिये। प्र चित्रमर्कं गृणते तुराय मारुताय स्वतंवसे भरध्वम्। ये सहांसि सहसा सहन्ते (४५)

रेजते अग्रे पृथिवी मखेभ्यः। विश्वे देवा विश्वे देवाः। द्यावां नः पृथिवी इमं सिध्नमद्य दिविस्पृशाम। यज्ञं देवेषु यच्छताम्। प्र पूर्वजे पितरा नव्यसीभिर्गोभिः कृणुध्वं सदाने ऋतस्य। आ नो द्यावापृथिवी दैव्येन जनेन यातम्महि वां वरूथम्। अग्निं स्तोमेन बोधय समिधानो अमर्त्यम्। हव्या देवेषु नो दधत। स हव्यवाडमर्त्य उशिग्दूतश्चनोहितः। अग्निर्धिया समृण्वति। शं नो भवन्तु वाजं वाजे॥ (४६)

पूरुषत्वता यजतन्ते अन्यथ्सहन्ते चनोहितोऽष्टौ च॥ \_\_\_\_\_ [११]

विष्णोः क्रमोऽसि दिवस्पर्यन्तपतेऽपेत समितं या जाता मा नो हिंसीद्धुवाऽस्यादित्यङ्गर्भमिन्द्राग्नी रोचनैकादश॥ \_\_\_\_\_ [१२]

विष्णोरस्मिन् हव्येति त्वाऽहं धीतिभिरहोत्रां अष्टाचत्वारिंशत्॥ 48॥ विष्णोः क्रमोऽसि स त्वन्नो अग्रे॥

## ॥द्वितीयः प्रश्नः॥

॥तैत्तिरीयसंहितायां चतुर्थकाण्डे द्वितीयः प्रश्नः॥

विष्णोः क्रमोऽस्यभिमातिहा गांयत्रं छन्द आ रोह पृथिवीमनु वि क्रमस्व निर्भक्तः स यं द्विष्मो विष्णोः क्रमोऽस्यभिश्चिहा त्रैष्टुभं छन्द आ रोहान्तरिक्षमनु वि क्रमस्व निर्भक्तः स यं द्विष्मो विष्णोः क्रमोऽस्यरातीयतो हुन्ता जागंतं छन्द आ रोह दिवमनु वि क्रमस्व निर्भक्तः स यं द्विष्मो विष्णोः (१)

क्रमोऽसि शत्रूयतो हुन्तानुष्टुभं छन्द आ रोह दिशोऽनु वि क्रमस्व निर्भक्तः स यं द्विष्मः। अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन्। सद्यो जज्ञानो वि हीमिद्धो अख्यदा रोदसी भानुनां भात्यन्तः। अग्नौऽन्यावर्तित्रभि न आ वर्तस्वायुषा वर्चसा सन्या मेधया प्रजया धनेन। अग्नौ (२)

अङ्गिरः शतं ते सन्त्वावृतः सहस्रं त उपावृतः। तासाम्पोषस्य पोषेण पुनर्नो नष्टमा कृधि पुनर्नो रयिमा कृधि। पुनरूर्जा नि वर्तस्व पुनरग्न इषार्युषा। पुनर्नः पाहि विश्वतः। सह रय्या नि वर्तस्वाग्ने पिबस्व धारया। विश्वफिन्त्रया विश्वतस्परि। उदुत्तमं वरुण पाशमस्मदवाधुमम् (३)

वि मध्यमः श्रथाय। अथा वयमादित्य व्रते तवानांगसो अदितये स्याम। आ त्वांहारपमन्तरभूर्ध्रुवस्तिष्ठा- विंचाचलिः। विशस्त्वा सर्वा वाञ्छन्त्वस्मिन्नाष्टमधि श्रया। अग्रे बृहन्नुषसामूर्ध्वो अस्थान्निर्जन्मिवान्तमसो ज्योतिषागात्। अग्निर्भानुना रुशता स्वङ्ग आ जातो विश्वा सद्योन्यप्राः। सीद त्वं मातुरस्याः (४)

उपस्थे विश्वान्यग्ने व्युनानि विद्वान्। मैनामर्चिषा मा तपसाभि शूशुचोऽन्तरस्याः शुकज्योतिर्वि भाहि। अन्तरग्ने रुचा त्वमुखाये सदने स्वे। तस्यास्त्वः हरसा तपज्ञातवेदः शिवो भव। शिवो भूत्वा मह्यमग्नेऽथो सीद शिवस्त्वम्। शिवाः कृत्वा दिशः सर्वाः स्वं योनिमिहासदः। हः सः शुचिपद्वसुरन्तरिक्षसद्धोता वेदिषदतिथिर्दुरोणसत्। नृपद्वरसदत्सद्योमसदजा गोजा ऋतजा अद्रिजा ऋतम्बृहत्॥ (५)

दिवमनु वि क्रमस्व निर्भक्तः स यं द्विष्मो विष्णोर्धनेनाग्नेऽधममस्याः शुचिपथोऽंश च॥ \_\_\_\_\_ [१]

दिवस्परि प्रथमं जज्ञे अग्निस्मद्वितीयं परि जातवेदाः। तृतीयमप्सु नृमणा अजस्रमिन्धान एनं जरते स्वाधीः। विद्या ते अग्ने त्रेधा त्रयाणि विद्या ते सद्य विभृतं पुरुत्रा। विद्या ते नामं परमं गुहा यद्विद्या तमुत्सं यतं आजगन्थ। समुद्रे त्वां नृमणा अप्सवन्तनृचक्षा ईधे दिवो अग्न ऊधत्रं। तृतीयं त्वा (६)

रजसि तस्थिवाः समृतस्य योनौ महिषा अहिन्वत्र। अक्रन्ददग्निः स्तनयन्निव द्यौः क्षामा रेरिहद्वीरुधः समञ्जत्र। सद्यो जज्ञानो वि हीमिद्धो अख्यदा रोदसी भानुनां भात्यन्तः। उशिक्षावको अरतिः सुमेधा मर्तप्वग्निर्मृतो निर्धायि। इयति धूममरुपम्भरिर्भृदुच्छुक्तेण शोचिषा द्यामिन्क्षत्। विश्वस्य केतुर्भवनस्य गर्भ आ (७)

रोदसी अपृणाज्ञायमानः। वीदुं चिदद्रिमभिनत्परायञ्जना यदग्निमयजन्त पञ्च। श्रीणामुदारो धरुणो रयीणाम्मनीषाणाम्प्रार्पणः सोमगोपाः। वसोः सूनुः सहसो अप्सु राजा वि भात्यग्र उपसामिधानः। यस्तं अद्य कृणवद्ब्रह्मशोचेऽपूपं देव घृतवन्तमग्ने। प्र तं नय प्रतरां वस्यो अच्छाभि द्युम्न देवभक्तं यविष्ठ। आ (८)

तम्भज सौश्रवसेष्वग्न उक्थउक्थ आ भज शस्यमाने। प्रियः सूर्य प्रियो अग्ना भवात्युज्जातेनं भिनद्दुज्जनिवैः। त्वामग्ने यजमाना अनु द्यून् विश्वा वसूनि दधिरे वार्याणि। त्वयां सह द्रविणमिच्छमाना व्रज गोमन्तमुशिजो वि वव्रुः। दृशानो रुक्म उर्व्या व्यद्यौर्दुर्मरुपमायुः श्रिये रूचानः। अग्निर्मृतो अभवद्वयोभिर्यदेनं द्यौरजनयध्मुरेतः॥ (९)

तृतीयं त्वा गर्भ आ यविष्ठा यच्चत्वारि च॥ \_\_\_\_\_ [२]

अत्रपुतेऽत्रस्य नो देह्यनमीवस्यं शुष्मिणः। प्रप्रदातारं तारिष ऊर्जं नो धेहि द्विपदे चतुष्पदे। उदुं

त्वा विश्वे देवा अग्ने भरन्तु चित्तिभिः। स नो भव शिवतमः सुप्रतीको विभावसुः। प्रेदग्ने ज्योतिष्मान्  
याहि शिवेभिर्चिभिस्त्वम्। बृहद्विभानुभिर्भासन्मा हिंसोस्तनुवां प्रजाः। समिधाग्निं दुवस्यत घृतेर्बोधयतातिथिम्।  
आ (१०)

अस्मिन् हव्या जुहोतन। प्रप्रायमग्निर्भरतस्यं शृण्वे वि यश्मूर्यो न रोचन्ते बृहद्वाः। अभि यः पूरुम्  
पूतनासु तस्थौ दीदाय दैव्यो अतिथिः शिवो नः। आपो देवोः प्रति गृह्णीत भस्मेतथ्योने कृणुध्वं सुरभावं  
लोके। तस्मै नमन्तां जनयः सुपर्णमतिवै पुत्रम्विभृता स्वैनम्। अप्सवग्ने सपिष्टवै (११)

सौपंधीरनुं रुध्यसे। गर्भे सञ्जायसे पुनः। गर्भो अस्योपंधीनां गर्भो वनस्पतीनाम्। गर्भो विश्वस्य  
भूतस्याग्ने गर्भो अपामसि। प्रसद्य भस्मना योनिमपश्च पृथिवीमग्ने। ससृज्य मातृभिस्त्वं ज्योतिष्मान्पुनरासदः।  
पुनरासद्य सदनमपश्च पृथिवीमग्ने। शेषं मातुर्यथोपस्थेऽन्तरस्यां शिवतमः। पुनरूर्जा (१२)

नि वर्तस्व पुनरग्र इषायुषा। पुनर्नः पाहि विश्वतः। सह रय्या नि वर्तस्वाग्ने पिन्वस्व धारया।  
विश्वमिन्द्रया विश्वतस्परि। पुनस्त्वादित्या रुद्रा वसंवः समिन्धताम्पुनर्ब्रह्माणो वसुनीथ यज्ञैः। घृतेन त्वं तनुवो  
वर्धयस्व सत्याः संतु यजमानस्य कामाः। बोधा नो अस्य वचंसो यविष्ठ मंहिष्ठस्य प्रभृतस्य स्वधावः।  
पीयति त्वो अनु त्वो गृणाति वन्दारुस्ते तनुवं वन्दे अग्ने। स बोधि सूरिर्मधवा वसुदावा वसुपतिः।  
युयोध्यस्मद्वेषांसि॥ (१३)

आ तवोर्जाऽनु षोडश च॥ [३]

अपेत वीत वि चं सर्पतातो येऽत्र स्थ पुराणा ये च नूतनाः। अदादिदं यमोऽवसानं पृथिव्या  
अक्रत्रिमम् पितरो लोकमस्मे। अग्नेर्भस्मास्यग्नेः पुरीषमसि संज्ञानमसि कामधरणम्मयि ते कामधरणम्भूयात्।  
सं या वः प्रियास्तनुवः समिन्धया हृदयानि वः। आत्मा वा अस्तु (१४)

समिन्धयः समिन्धयास्तनुवो मम। अयं सो अग्निर्यस्मिन्धोममिन्द्रः सुतं दधे जठरे वावशानः।  
सहस्रियं वाज्रमत्यं न सति संसुवान्धस्यत्यसे जातवेदः। अग्ने दिवो अर्णमच्छा जिगास्यच्छा देवा  
ऊचिषे धिणिष्या ये। याः परस्ताद्रोचने सूर्यस्य याश्चवस्तादुपतिष्ठन्त आपः। अग्ने यतं दिवि वचः पृथिव्यां  
यदोपधीषु (१५)

अप्सु वा यजत्र। येनान्तरिक्षमुर्वाततन्धं त्वेषः स भानुरर्णवो नृचक्षः। पुरीष्यासो अग्रयः प्रावणेभिः  
सजोषसः। जुषन्ता हव्यमाहुतमनमीवा इषो महीः। इडामग्ने पुरुदंसं सनि गोः शंश्रुतम् हवमानाय  
साध। स्यान्नः सुनुस्तनयो विजावाग्ने सा तं सुमतिभूत्वस्मे। अयं ते योनिर्ऋत्वियो यतो जातो अरोचथाः।  
तं जानन् (१६)

अग्र आ रोहाथा नो वर्धया रयिम्। चिदसि तया देवतयाङ्गिरस्वद्धुवा सीद परिचिदसि तयां  
देवतयाऽङ्गिरस्वद्धुवा सीद लोकं पृण छिद्रं पृणाथो सीद शिवा त्वम्। इन्द्राग्नी त्वा बृहस्पतिस्मिन्  
योनावसीषदन्न। ता अस्य सूददोहसः सोमं श्रीणन्ति पृथयः। जन्म देवानां विशस्त्रिष्वा रोचने दिवः। (१७)

अस्त्वोपधीषु जानन्नष्टाचत्वारिंशच्च॥ [४]

समित्॑ सं कल्पेथा॑ समि॑र्यौ रोचिष्णू॑ सुमन॑स्यमानौ। इष॑मूर्जम॒भि संवसा॑नौ सं वाम्मना॑सि  
सं व्रता॑ समु॒ चित्तान्या॑करम्। अग्रे॑ पुरी॒ष्याधि॑पा भवा॒ त्वं नः। इष॑मूर्जं यज॑मानाय धेहि। पुरी॒ष्यस्त्वमग्रे॑  
रयि॑मान्युष्टिमा॑ असि। शि॒वाः कृ॒त्वा दि॒शः सर्वाः स्वा॑ योनि॑मिहासदः। भव॑तं नः समन॑सौ समो॑कसौ (१८)

अ॒रेप॑सौ। मा य॒ज्ञं हि॑सिष्टं मा य॒ज्ञप॑तिं जातवेद॑सौ शि॒वौ भ॑वतम॒द्य नः। मा॒तेव॑ पुत्रं पृथि॒वी  
पु॒री॒ष्यम॒ग्निं स्वे योना॑वभारु॒खा। तां वि॒श्वेदे॒वैर॑क्रतुभिः संविदानः प्रजा॑पतिर्विश्व॑कर्मा वि मुञ्चतु। यदस्य॑ पारे  
रज॑सः शु॒क्रं ज्योति॑रजायता। तत्रः पर॑पदति द्विपोऽग्रे॑ वैश्वान॒र स्वाहा॑। नमः सु ते॒ निर॑कृते विश्व॑रूपे (१९)

अ॒यस्म॑यं वि चृ॒ता ब॒न्धमे॑तम्। यमे॒न त्वं य॒स्यां संवि॑दानोत्त॒मं ना॒कम॑धि रोहये॒मम्। यत॑ दे॒वी  
नि॒र॒कृति॑रा ब॒बन्ध॑ दामं ग्री॒वास्व॑विच॒त्यम्। इदं ते॒ तद्वि॑ष्याम्यायु॒षो न म॒ध्यादथा॑ जीवः पि॒तुम॑द्भि प्रमु॒क्तः।  
यस्या॑स्ते अ॒स्याः कूर॑ आ॒सञ्जु॑होम्येषा॒म्बन्धा॑नामवस॑र्जनाय। भूमि॑रिति॒ त्वा जना॑ विदु॒र्निर॑कृतिः (२०)

इति॑ त्वाहं परि॒ वेद वि॒श्वतः। असु॑न्वन्तमय॑जमानमिच्छ॒ स्तेन॑स्येत्यां तस्कर॑स्यान्वेषि। अन्य॑मस्मदिच्छ  
सा तं इत्या॑ नमो॒ देवि नि॒र॒कृते तु॒भ्यम॑स्तु। दे॒वीम॑हं नि॒र॒कृति॑ वन्द॒मानः पित॑वे॒ पुत्रं द॑सये॒ वचो॑भिः।  
विश्व॑स्य॒ या जाय॑मानस्य॒ वेद॒ शिरः॑ शि॒रः प्रति॑ सू॒री वि च॑ष्टे। नि॒वेशनः॑ संग॑मनो॒ वसू॑नां वि॒श्वा रूपा॑भि  
च॑ष्टे (२१)

शर्वा॑भिः। दे॒व इ॒व स॒वि॒ता स॒त्यध॑र्म॒न्द्रो न त॑स्थौ सम॒रे प॑थीनाम्। सं व॑रत्रा दधात॒न नि॒राहा॑वान्कृ॒णोत॑न।  
सि॒ञ्चाम॑हा अव॑टमु॒द्रिणं व॑यं वि॒श्वाहा॑दस्त॒मक्षि॑तम्। निष्कृ॑ताहावमवृ॒टं सु॑व॒रत्र॑ संपे॒चन॑म्। उ॒द्रिणं॑ सि॒ञ्चे  
अक्षि॑तम्। सी॒रा यु॒ञ्जन्ति॑ क्वयौ॒ युगा॑ वि तन्व॑ते पृथ॑क्। धी॒रां दे॒वेषु॑ सु॒म॒या यु॒नक्त॑ सी॒रा वि यु॒गा  
त॑नोत कृ॒ते यो॒नौ व॑पतेह (२२)

बी॒जम॑। गि॒रा च॑ श्रु॒तिः स॒भ॒रा अस॑न्नो नेदी॒यु इ॒धृष॑ण्यां प॒क्वमा॑य॒त। लाङ्ग॑ल॒म्पवी॑रव॒ सुशे॑व॒  
सु॒म॒ति॒ध्सं॑रु। उ॒दि॒त्कृ॑षति॒ गाम॑वि॒म्प्रफ॑र्व्यं च॒ पी॒वरी॑म्। प्र॒स्थाव॑द्रथ॒वाह॑नम्। शु॒नं नः॑ फा॒ला वि तु॑दन्तु॒ भूमि॑  
शु॒नं की॒नाशा॑ अभि॒ यन्तु॑ वा॒हान्। शु॒नम॑प॒र्जन्यो॑ मधु॒ना प॑योभिः शु॒नांसी॑रा शु॒नम॑स्मासु॒ धत्त॑म्। का॒र्म  
का॒मदु॑घे धु॒क्ष्व मि॒त्राय॑ वरु॒णाय॑ च। इन्द्रा॑य॒ग्रये॑ पृष्ण॒ ओष॑धीभ्यः प्रजा॒भ्यः। घृ॒तेन॑ सी॒ता मधु॑ना॒ सम॑क्ता  
वि॒श्वेदे॒वैरनु॑मता मरु॒द्भिः। ऊ॒र्जस्व॑ती प॒र्यसा॑ पि॒न्वमा॑ना॒स्मान्ध॑सीते॒ प॒र्यसा॑भ्याववृ॒ध्व॥ (२३)

समो॑कसौ विश्व॑रूपे वि॒दुर्निर॑कृतिर॒भि च॑ष्ट इ॒ह मि॒त्राय॑ द्वावि॑शतिश्च॒॥ [५]

या जा॒ता ओष॑धयो दे॒वेभ्य॑स्त्रियु॒गमु॑रा। मन्दा॑मि ब॒भूणा॑मह॒ शतं॑ धा॒मानि॑ स॒प्त च॑। श॒तं वो॑ अ॒म्ब  
धा॒मानि॑ सह॒स्रे॒मुत॑ वो रु॒हः। अथा॑ शत॒क्रत्वो॑ यू॒यमि॑मं मे॒ अग॑दं कृ॒ता। पु॒ष्पाव॑तीः प्र॒स॒व॒तीः फ॒लिनी॑रफ॒ला  
उ॒ता। अथा॑ इ॒व स॒जि॒त्वरी॑र्वीरु॒धः पा॑रयि॒ष्णवः। ओष॑धीरिति॒ मातर॑स्तद्वो॒ देवी॑रुपं ब्रुवो। रपा॑सि वि॒घ्नती॑रिति॒  
रपः॑ (२४)

चा॒तर्य॑मानाः। अ॒श्व॒त्ये वो॑ नि॒प॒द॒न॒म॒पु॒र्णे वो॑ वस॒तिः कृ॒ता। गो॒भाज॑ इ॒त्कि॒लांस॒थ य॒त्स॒नव॑थ॒ पूरु॑षम्।  
यद॑हं वा॒जय॑न्नि॒मा ओष॑धीर॒हस्तं॑ आ॒दधे॑। आ॒त्मा य॒क्ष्मस्य॑ नश्यति॒ पुरा॑ जी॒व॒गृभो॑ यथा। यदो॑र्ष॒धयः॑ संग॑च्छ॒न्ते  
राजा॑नः॒ समि॑तावि॒वा वि॒प्रः स उ॑च्यते भि॒षग्न॑क्षो॒हार्मा॑वचा॒तनः। निष्कृ॑ति॒नाम॑ वो मा॒ताथा॑ यू॒यं स्थ॑ सङ्कृ॒तोः।

सुराः पतत्रिणीः (२५)

स्थन॒ यदाम॑रयति निष्कृत॑। अ॒न्या वौ अ॒न्याम॑वत्वन्या॒न्यस्या॑ उपा॒वत। ताः सर्वा॑ ओष॑धयः संवि॒दाना॑  
इद॒म्मे प्रा॑वता वचः। उच्छु॒ष्मा ओष॑धीनां गावो गो॒ष्ठादि॑वेरते। धन॑ स॒निष्य॑न्तीनामात्मानं॒ तव॑ पूरुषा॒ अति॑  
विश्वोः॑ परि॒ष्ठाः स्तेन॑ इव ब्र॒जम॑क्रमुः। ओष॑धयः प्राचु॑च्यवुर्यत् किं च॒ तनु॑वा॒ रपः॑। याः (२६)

त आ॒त॒स्थ॒रात्मानं॑ या आ॒वि॒विशुः॑ परुः॒परुः॑। तास्ते॑ यक्षं॒ वि बा॑धन्तामुग्रो म॒ध्यम॑शीरि॒वा सा॑कं यक्षं  
प्र प॑त श्येनेन॑ किंकिदी॒विना॑। सा॒कं वा॑तस्य॒ ध्राज्या॑ सा॒कं न॑श्य निहा॒कया॑। अ॒श्व॒वती॑ सौम॒वती॑मूर्जयन्ती-  
मुदो॑जसम्। आ वि॒ंथि॑ सर्वा॑ ओष॑धीर॒स्मा अ॑रि॒ष्टता॑तये। याः फ॒लिनी॑र्या अ॒फला॑ अ॒पुष्पा॑ याश्च॒ पुष्पि॑णीः।  
बृह॑स्पतिप्रसूतास्ता नो॒ मुश्च॑न्त्व॒हंसः॑। याः (२७)

ओष॑धयः सोम॑राज्ञीः प्रवि॑ष्टाः पृथि॒वीमनु॑। तासां॑ त्वम॑स्युत्त॒मा प्र णो॑ जी॒वात॑वे सु॒वा अ॒व॒पत॑न्तीरवदन्दि॒व  
ओष॑धयः परि॑। यं जी॒वम॑श्रवा॒महे॒ न स रि॑ष्याति पू॒रुषः॑। याश्चेद॑मुप॒शृण्व॑न्ति याश्च॒ दूरं॑ परा॒गताः॑। इह  
संग॑त्य ताः सर्वा॑ अस्मै॒ सं द॑त्त भेष॒जम्। मा वौ रि॑पत्ख॒निता॑ यस्मै॒ चाहं॑ खना॒मि वः॑। द्वि॒पच्च॑तु॒ष्पद॑स्माक॑  
सर्व॑मस्त्वना॒तुरम्। ओष॑धयः सं व॑दन्ते सोमे॒न सह॑ राज्ञा॑। यस्मै॒ करो॑ति ब्राह्म॒णस्त॑ रा॒जन्मा॑रयामसि॥ (२८)

रपः॑ प॒त॒त्रिणी॑र्या अ॒हंसो॑ याः खना॒मि वो॒ऽष्टा॑द॒श च॑॥ [६]

मा नो॑ हि॒ स॒ज्ञि॒निता॑ यः पृथि॒व्या यो वा॑ दि॒व स॒त्यध॑र्मा ज॒जान॑। यश्चा॒पश्च॒न्द्रा बृ॑हतीर्ज॒जान॑  
कस्मै॑ दे॒वाय॑ ह॒विषा॑ वि॒धेम। अ॒भ्याव॑र्तस्व पृथि॒वि य॒ज्ञेन॑ प॒र्यसा॑ सह। व॒पां ते॑ अ॒ग्नि॒रि॒षितो॑ऽव॒ सर्प॑तु।  
अग्रे॑ यत्तं शु॒क्रं यच्च॑न्द्रं॒ यत्पू॑तं यद्य॒ज्ञिय॑म्। तद्दे॒वभ्यो॑ भ॒राम॑सि। इ॒षमूर्ज॑म॒हमि॑त आ (२९)

द॒द ऋ॑तस्य॒ धाम्नो॑ अ॒मृत॑स्य॒ योने॑। आ नो॑ गोपुं॒ विश॑त्वौष॒धीषु॑ जहा॒मि से॒दिम॑नि॒राम॑मी॒वाम्। अग्रे॑  
तव॑ श्रवो॒ वयो॑ महि॒ भ्राज॑न्त्य॒र्चयो॑ वि॒भाव॑सो। बृह॑द्वा॒नो श॑वसा॒ वाज॑मु॒क्थ्यं द॑धासि॒ दाशु॑षं॒ कवे॑। इ॒रज्य॑न्नग्रे॒  
प्रथ॑यस्व ज॒न्तुभि॑र॒स्मे रा॒यो अ॑म॒र्त्य। स द॑र॒शत॑स्य॒ वपु॑षो॒ वि रा॑जसि॒ पृ॒णक्षि॑ सान॒सि र॒यिम्। ऊ॒र्जा  
नपा॑ज्जात॑वेदः सु॒शस्ति॑भिर्म॒न्दस्व॑ (३०)

धी॒तिभि॑र्हितः। त्वे इ॒षः सं द॑धु॒भूरि॑र॒रेत॑सश्चि॒त्रोत॑यो वा॒मजा॑ताः। पा॒वक॑वर्चाः शु॒क्रव॑र्चा अ॒नून॑वर्चा  
उ॒दि॒र्य॒रि॒षि भा॑नुना॒। पु॒त्रः पि॒तरा॑ वि॒चर॑न्नुपा॒वस्यु॑भे पृ॒णक्षि॑ रोद॑सी। ऋ॒तावा॑न्म॒महि॑षं वि॒श्वच॑र॒णमि॑म॒ग्निं सु॒म्राय॑  
दधि॑रे पु॒रो ज॑नाः। श्रु॒त्कर्ण॑ स॒प्रथ॑स्तं॒ त्वा गि॑रा दै॒व्य॒मान॑ुषा यु॒गा। निष्क॑र्तार॒मध्व॑रस्य॒ प्रचै॑तसं॒ क्षय॑न्त॒  
राध॑से म॒हे। रा॒तिभृ॑गू॒णामु॑शिजं॒ कवि॑क्र॒तुं पृ॒णक्षि॑ सान॒सिम् (३१)

र॒यिम्। चि॒तः स्थ॑ परि॒चितं॑ ऊ॒र्ध्वचि॑तः श्रय॒ध्वं तया॑ दे॒वत॑याङ्कि॒रस्व॑द ध्रु॒वाः सी॑दत। आ प्या॑यस्व  
समे॑तु ते वि॒श्वतः॑ सोम॒ वृ॒ष्णिय॑म्। भ॒वा वा॑जस्य॒ सङ्ग॑थे। सं ते॒ पया॑सि॒ समु॑ यन्तु॒ वाजाः॑ सं  
वृ॒ष्णिया॒न्यभि॑माति॒पाहं॑। आ॒प्याय॑मानो अ॒मृता॑य सोम॒ दि॒वि श्र॑वा॒स्युत्त॑मानि॒ धिष्व॑॥ (३२)

आ म॒न्दस्व॑ सान॒सिमे॑का॒न्नच॑त्वारि॒शच्च॑॥ [७]

अ॒भ्य॒स्था॒द्वि॒श्वाः पृ॑त॒ना अ॑रा॒तीस्त॑द॒ग्नि॒राह॑ तद् सोमं॒ आह॑। बृह॑स्पतिः स॒वि॒ता त॑न्म॒ आह॑ पु॒षा

मांथाश्वुकृतस्य लोके। यदक्रन्दः प्रथमं जायमान उद्यन्त्समुद्रादत वा पुरीषात्। श्येनस्य पक्षा हरिणस्य बाहू उपस्तुतं जनिम् तत्तै अर्वत्र। अपां पृष्ठमसि योनिर्ग्रेः समुद्रमभितः पिबमानम्। वर्धमानमहः (३३)

आ च पुष्करं दिवो मात्रया वरिणा प्रथस्व। ब्रह्मं जज्ञानम्रथमम्पुरस्ताद्वि सीमतः सुरुचौ वेन आबः। स बुध्रिया उपमा अस्य विष्टाः सतश्च योनिमसंतश्च विवः। हिरण्यगर्भः समवर्तताग्रे भूतस्य जातः पतिरेकं आसीत्। स दाधार पृथिवीं द्यामुतेमां कस्मै देवाय हविषा विधेम। द्रप्सश्चस्कन्द पृथिवीमनु (३४)

द्यामिमं च योनिमनु यश्च पूर्वः। तृतीयं योनिमनु सञ्चरन्तं द्रप्सं जुहोम्यनु सप्त होत्राः। नमो अस्तु सपेभ्यो ये के च पृथिवीमनु। ये अन्तरिक्षे ये दिवि तेभ्यः सपेभ्यो नमः। येऽदौ रौचने दिवो ये वा सूर्यस्य रश्मिषु। येषामप्सु सदः कृतं तेभ्यः सपेभ्यो नमः। या इपवो यातुधानानां ये वा वनस्पतीन् रनु। ये वावटेषु शेरते तेभ्यः सपेभ्यो नमः॥ (३५)

महोऽनु यातुधानानामेकादश च॥ [८]

ध्रुवासि धरुणास्तुता विश्वकर्मणा सुकृता। मा त्वां समुद्र उद्वधीन्मा संपूर्णोऽव्यथमाना पृथिवीं दह। प्रजापतिस्त्वा सादयत पृथिव्याः पृष्ठे व्यचस्वतीम्रथस्वतीम्रथोऽसि पृथिव्यांसि भूरसि भूमिर्स्वादितरिसि विश्वधाया विश्वस्य भुवनस्य धर्त्री पृथिवीं यच्छ पृथिवीं दह पृथिवीं मा हिंसीर्विश्वेस्मे प्राणायानायां व्यानार्योदानाय प्रतिष्ठायै (३६)

चरित्रायाग्निस्त्वाभि पांतु मद्या स्वस्त्या छुर्दिषा शन्तमेनु तयां देवतयाङ्गिरस्वद्ध्रुवा सीद। काण्डात्काण्डात् प्ररोहन्ती परुषःपरुषः परि। एवा नो दूर्वे प्र तनु सहस्रेण शतेन च। या शतेन प्रतनोषि सहस्रेण विरोहसि। तस्यास्ते देवोष्टके विधेम हविषा वयम्। अपांढासि सहमाना सहस्वारांतीः सहस्वारातीयतः सहस्व पतनाः सहस्व पतन्यतः। सहस्रवीर्या (३७)

असि सा मां जिन्वा। मधु वातां ऋतायुते मधु क्षरन्ति सिन्धवः। माध्वीनः सन्त्वोपधीः। मधु नक्तमुतोषसि मधुमत्पार्थिवः रजः। मधु द्यौरस्तु नः पिता। मधुमात्रो वनस्पतिर्मधुमाः अस्तु सूर्यः। माध्वीर्गावो भवन्तु नः। मही द्यौः पृथिवी च न इमं यज्ञमिमिक्षताम्। पिपूतां नो भरीमभिः। तद्विष्णोः परम् (३८)

पदः सदा पश्यन्ति सूरयः। दिवीव चक्षुराततम्। ध्रुवासि पृथिवि सहस्व पतन्यतः। स्यूता देवेभिरमृतेनागाः। यास्तै अग्रे सूर्ये रुचं उद्यतो दिवमातुवन्ति रश्मिभिः। ताभिः सर्वाभी रुचे जनाय नस्कृधि। या वो देवाः सूर्ये रुचो गोष्वश्वेषु या रुचः। इन्द्राग्नी ताभिः सर्वाभी रुचं नो धत्त बृहस्पते। विराट् (३९)

ज्योतिरधारयथ्सम्राड्ज्योतिरधारयथस्वराड्ज्योतिरधारयत्। अग्रे युक्त्वा हि ये तवाश्वासो देव साधवः। अरं वहन्त्याशवः। युक्त्वा हि दैवहूतमाः अश्वाः अग्रे रथीरिवा नि होता पूर्यः संदः। द्रप्सश्चस्कन्द पृथिवीमनु द्यामिमं च योनिमनु यश्च पूर्वः। तृतीयं योनिमनु सञ्चरन्तं द्रप्सं जुहोम्यनु सप्त (४०)

होत्राः। अभूदिदं विश्वस्य भुवनस्य वाजिनमग्नेर्वैश्वानरस्य च। अग्निज्योतिषा ज्योतिष्मान्ब्रह्मो वर्चसा



वर्चस्वान्। ऋचे त्वां रुचे त्वा समिधं वन्ति सरितो न धेनाः। अन्तरहृदा मनसा पूयमानाः। घृतस्य धारां  
अभि चांक्षामि। हिरण्ययो वेतसो मध्यं आसाम्। तस्मिन्सुपर्णो मधुकुक्कुलीयी भजन्नास्ते मधुं देवताभ्यः।  
तस्यासते हरयः सप्त तीरै स्वधां दुर्हाना अमृतस्य धाराम्॥ (४१)

प्रतिष्ठायै सहस्रवीर्या परमं विराट्सुप्त तीरै चत्वारि च॥ [९]

आदित्यं गर्भम्पयसा समञ्जस्सहस्रस्य प्रतिमां विश्वरूपम्। परि वृद्धिं हरसा माभि मृक्षः शतायुषं  
कृणुहि चीयमानः। इमं मा हिंसीद्विपादम्पशूनां सहस्राक्षं मेधु आ चीयमानः। मयुमारण्यमनु ते दिशामि  
तेन चिन्वानस्तनुवो नि पीदा। वातस्य धाजिं वरुणस्य नाभिमश्वं जज्ञानं सरिरस्य मध्यै शिशुं नदीनां  
हरिन्द्रिबुद्धमग्रे मा हिंसीः (४२)

परमे व्योमन्। इमं मा हिंसीरेकशफम्पशूनां कनिक्रदं वाजिनं वाजिनेषु। गौरमारण्यमनु ते  
दिशामि तेन चिन्वानस्तनुवो नि पीदा। अजंस्त्रिमिन्दुमरुपम्भुंरुण्युमग्निमीडे पूर्वचित्तो नमोभिः। स पर्वभिर्ऋतुशः  
कल्पमानो गां मा हिंसीरदिति विराजम्। इमं संमुद्रं शतधारमुध्मं व्यच्यमानम्भुवनस्य मध्यै घृतं  
दुर्हानामदिति जनायाग्रे मा (४३)

हिंसीः परमे व्योमन्। गव्यमारण्यमनु ते दिशामि तेन चिन्वानस्तनुवो नि पीदा। वरूत्रिं  
त्वष्ट्रवरुणस्य नाभिमवि जज्ञानां रजंसः परस्मात्। मुहीं साहस्रीमसुरस्य मायामग्रे मा हिंसीः परमे  
व्योमन्। इमामूर्णायुं वरुणस्य मायां त्वचम्पशूनां द्विपदां चतुष्पदाम्। त्वष्ट्रः प्रजानां प्रथमं जनित्रमग्रे मा  
हिंसीः परमे व्योमन्। उष्ट्रमारण्यमनु (४४)

ते दिशामि तेन चिन्वानस्तनुवो नि पीदा। यो अग्निरेस्तपसोऽधि जातः शोचात्पृथिव्या उत  
वां दिवस्परि। येन प्रजा विश्वकर्मा व्यानुद्रमग्रे हेडः परि ते वृणक्तु। अजा ह्यग्नेरजनिष्ट गर्भाभ्या वा  
अपश्यञ्जनितारमग्रे। तया रोहमायुनुप मेध्यासस्तया देवा देवतामग्र आयन्। शरभमारण्यमनु ते दिशामि  
तेन चिन्वानस्तनुवो नि पीदा॥ (४५)

अग्रे मा हिंसीरग्रे मोष्टमारण्यमनु शरभं नवं च॥ [१०]

इन्द्राग्नी रोचना दिवः परि वाजेषु भूषथः। तद्वां चेति प्र वीर्यम्। श्रथं दृत्रमुत संनोति वाजमिन्द्रा  
यो अग्नी सहुरी सपर्यात्। इरज्यन्तां वसव्यस्य भूरेः सहस्तमा सहसा वाजयन्ता। प्र चरपणिभ्यः पृतना  
हवेषु प्र पृथिव्या रिंरिचाथे दिवश्च। प्र सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या। मरुतो  
यस्य हि (४६)

क्षयै पाथा दिवो विमहसः। स सुंगोपातमो जनः। यज्ञैर्वा यज्ञवाहसो विप्रस्य वा मतीनाम्।  
मरुतः शृणुता हवर्म। श्रियसे कम्भानुभिः सम्मिमिक्षिरे ते रश्मिभिस्त ऋक्भिः सुखादयः। ते वाशीमन्त  
इष्मिणो अभीरवो विद्रे प्रियस्य मारुतस्य धाग्रः। अवं ते हेड उदुत्तमम्। कया नश्चित्र आ भुवदूती  
सुदवृधः सखा। कया शचिष्ठया वृता। (४७)

को अद्य युङ्क्ते धुरि गा ऋतस्य शिमीवतो भामिनो दुरहृणायून। आसन्निपून हृथ्वसो मयोभून य

एषाम् भृत्यामृणधृत्स जीवात्। अग्रे नया देवानां शं नो भवन्तु वाजेवाजे। अप्सवंग्रे सधिष्ठव सौपधीरनु  
रुध्यसे। गर्भे सञ्जायसे पुनः। वृषां सोम द्युमां अंसि वृषां देव वृषव्रतः। वृषा धर्माणि दधिषे। इमं मे  
वरुण तत्त्वां यामि त्वं नो अग्रे स त्वं नो अग्रे॥ (४८)

हि वृता म् एकादश च॥ [११]

अपां त्वेमन्नयं पुरो भुवः प्राचीं ध्रुवक्षितिस्त्रयविरिन्द्राग्नी मा छन्द  
आशुस्त्रिवृदग्रेर्भागोऽस्येकयेयमेव सा याग्रे जातानुग्निर्वृत्राणि त्रयोदश॥ [१२]

अपां त्वेन्द्राग्नी इयमेव देवताता पद्विंशत्॥३६॥ अपां त्वेमन् हुविषा वर्धनेन॥

## ॥तृतीयः प्रश्नः॥

॥तैत्तिरीयसंहितायां चतुर्थकाण्डे तृतीयः प्रश्नः॥

अपां त्वेमन्त्सादयाम्यपां त्वोद्यन्त्सादयाम्यपां त्वा भस्मन्त्सादयाम्यपां त्वा ज्योतिषि सादयाम्यपां  
त्वायने सादयाम्यपर्वे सदर्ने सीद समुद्रे सदर्ने सीद सलिले सदर्ने सीदापां क्षयं सीदापां सधिषि  
सीदापां त्वा सदर्ने सादयाम्यपां त्वा सधस्थे सादयाम्यपां त्वा पुरीषे सादयाम्यपां त्वा योनौ सादयाम्यपां  
त्वा पार्थसि सादयामि गायत्री छन्दस्त्रिष्टुप्छन्दो जगती छन्दोऽनुष्टुप्छन्दः पङ्क्तिश्छन्दः॥ (१)

योनौ पञ्चदश च॥ [१]

अयम्पुरो भुवस्तस्य प्राणो भौवायनो वसन्तः प्राणायनो गायत्री वासन्ती गायत्रियै गायत्रं  
गायत्रादपां शुरुपां शोस्त्रिवृत्तौ रथन्तरं रथन्तराद्वसिष्ठ ऋषिः प्रजापतिगृहीतया त्वया प्राणं गृह्णामि  
प्रजाभ्योऽयं दक्षिणा विश्वकर्मा तस्य मनो वैश्वकर्मणं ग्रीष्मो मानसस्त्रिष्टुप्ग्रीष्मी त्रिष्टुभं ऐडमेडादन्तर्यामौ-  
ऽन्तर्यामात् पञ्चदशः पञ्चदशाद्बृहद्बृहतो भृग्व्राज ऋषिः प्रजापतिगृहीतया त्वया मनः (२)

गृह्णामि प्रजाभ्योऽयम्पश्चाद्विश्वव्यवास्तस्य चक्षुर्वैश्वव्यचसं वरुणाणि चाक्षुषाणि जगती वारुषी जगत्या  
ऋक्षममृक्षमाच्छुक्रः शुक्रात्सप्तदशः सप्तदशाद्वैरूपं वैरूपाद्विश्वामित्र ऋषिः प्रजापतिगृहीतया त्वया चक्षुर्गृह्णामि  
प्रजाभ्यं इदमुत्तराध्वमुवस्तस्य श्रोत्रं सौवः शरच्छौत्र्यनुष्टुप्छारब्धनुष्टुभः स्वारः स्वारान्मन्थी मन्थिनं एकविंश  
एकविंशाद्वैराजं वैराजाज्जमदग्निरऋषिः प्रजापतिगृहीतया (३)

त्वया श्रोत्रं गृह्णामि प्रजाभ्यं इयमुपरि मतिस्तस्यै वाङ्माती हेमन्तो वाच्यायनः पङ्क्तिरहेमन्ती  
पङ्क्तौ निधनवन्निधनवत आग्रयण आग्रयणान्निणवत्रयस्त्रिंशौ त्रिणवत्रयस्त्रिंशाभ्यां शाकरैर्वते शाकरैर्वताभ्यां

विश्वकर्मर्षिः प्रजापतिगृहीतया त्वया वाचं गृह्णामि प्रजाभ्यः॥ (४)

त्वया मनो जमदग्निर्ऋषिः प्रजापतिगृहीतया त्रिंशच्च॥ [२]

प्राचीं दिशां वसन्त ऋतूनामग्निर्देवता ब्रह्म द्रविणं त्रिवृधस्तोमः स उ पञ्चदशवर्तनिस्त्र्यविवर्यः कृतमर्यानां पुरोवातो वातः सानङ्ग ऋषिर्दक्षिणा दिशां ग्रीष्म ऋतूनामिन्द्रो देवता क्षत्रं द्रविणं पञ्चदशः स्तोमः स उ सप्तदशवर्तनिर्दित्यवाङ्मृत्स्रतायां दक्षिणाद्वातो वातः सनातन ऋषिः प्रतीचीं दिशां वर्षा ऋतूनां विश्वे देवा देवता विद (५)

द्रविणं सप्तदशः स्तोमः स उवेकविंशवर्तनिस्त्रिवृधस्तोमो वयो द्वापरोऽयानाम्पश्चाद्वातो वातोऽहभून् ऋषिरुदीचीं दिशां शरदृतूनामित्रावरुणौ देवता पुष्टं द्रविणमेकविंशः स्तोमः स उ त्रिणववर्तनिस्तुर्यवाङ्मृत् आस्कन्दोऽयानामुत्तराद्वातो वातः प्रल ऋषिरूर्ध्वा दिशां हेमन्तशिशिरावृतूनाम्बृहस्पतिर्देवता वर्चो द्रविणं त्रिणवः स्तोमः स उ त्रयस्त्रिंशवर्तनिः पष्ठवाद्योऽभिभूर्यानां विष्वग्वातो वातः सूर्ण ऋषिः पितरः पितामहाः परेऽवरे ते नः पान्तु ते नोऽवन्वस्मिन्ब्रह्मन्त्रस्मिन्क्षत्रेऽस्यामाशिष्यस्याम्पुरोधायांस्मिन्कर्मन्त्रस्यां देवहृत्याम्॥ (६)

विदष्टवाङ्मृत्पृष्ठाविंशतिश्च॥ [३]

ध्रुवक्षितिर्ध्रुवयोनिर्ध्रुवासिं ध्रुवं योनिमा सीद साध्या। उख्यस्य केतुम्रधमम्पुरस्तादक्षिनाध्वर्यु सांदयतामिह त्वा। स्वे दक्षे दक्षपितेह सीद देवत्रा पृथिवी बृहती रराणा। स्वासस्था तनुवा सं विंशस्व पितेवैधि सूनव आ सुशेवाक्षिनाध्वर्यु सांदयतामिह त्वा। कुलायिनी वसुमती वयोधा रयि नो वर्ध बहुलं सुवीरम्। (७)

अपामति दुर्मतिम्बाधमाना रायस्पोषे यज्ञपतिमाभजन्ती सुवर्धेहि यजमानाय पोषमक्षिनाध्वर्यु सांदयतामिह त्वा। अग्नेः पुरीषमसि देवयानी तां त्वा विश्वे अभि गृणन्तु देवाः। स्तोमं पृष्ठा घृतवतीह सीद प्रजावदस्मे द्रविणा यजस्वाक्षिनाध्वर्यु सांदयतामिह त्वा। दिवो मूर्धासि पृथिव्या नाभिर्विष्टम्भनी दिशामधिपती भुवनानाम्। (८)

ऊर्मिर्द्रप्सो अपामसि विश्वकर्मा त ऋषिरक्षिनाध्वर्यु सांदयतामिह त्वा। सजूरऋतुभिः सजूर्विधाभिः सजूर्वसुभिः सज्जू रुद्रेः सज्जरादित्यैः सज्जूर्विश्वेदेवैः सज्जूदेवैः सज्जूदेवैर्वयोनाधेरग्रयं त्वा वैश्वानरायाक्षिनाध्वर्यु सांदयतामिह त्वा। प्राणं मे पाह्यपानं मे पाहि व्यानं मे पाहि चक्षुर्म उर्व्या वि भाहि श्रोत्रं मे श्लोकयापस्पिनौषधीर्जिन्व द्विपात्पाहि चतुष्पादव दिवो वृष्टिमेरय॥ (९)

सुवीरं भुवनानामुर्व्या सप्तदश च॥ [४]

त्र्यविवर्यस्त्रिष्टुच्छन्दो दित्यवाङ्मृत् विराट्छन्दः पश्चाद्विवर्यो गायत्री छन्दस्त्रिवृधस्तो वयं उणिहा छन्दस्तुर्यवाङ्मृत्पृष्ठच्छन्दः पष्ठवाद्यो बृहती छन्द उक्षा वयः सतोबृहती छन्द ऋभो वयः ककुच्छन्दो धेनुर्वयो जगती छन्दोऽनुङ्गान् वयः पङ्क्तिश्छन्दो बस्तो वयो विवल् छन्दो वृणिर्वयो विशालं छन्दः पुरुषो वयस्तन्त्रं छन्दो व्याघ्रो वयोऽनाधृष्टं छन्दः सिंहो वयश्छदिश्छन्दो विष्टम्भो वयोऽधिपतिश्छन्दः क्षत्रं वयो

मयंदं छन्दो विश्वकर्मा वयः परमेष्ठी छन्दो मूर्धा वयः प्रजापतिश्छन्दः॥ (१०)

**पुरुषो वयः पट्विंशतिश्च॥** [५]

इन्द्राग्नी अव्यंथमानामिष्टकां दृहंतं युवम्। पृष्ठेन द्यावापृथिवी अन्तरिक्षं च वि बांधताम्। विश्वकर्मा त्वा सादयत्वन्तरिक्षस्य पृष्ठे व्यचस्वतीम्प्रथस्वतीम्भास्वतीं५ सूरिमतीमा या द्याम्भास्या पृथिवीमोर्वन्तरिक्षमन्तरिक्षं यच्छान्तरिक्षं दृहन्तरिक्षं मा हिंसीर्विश्वस्मे प्राणायानाय व्यानायौदानाय प्रतिष्ठायै चरित्राय वायुस्त्वाभि पांतु मृह्या स्वस्त्या छर्दिषां (११)

शन्तमेन तया देवतयाङ्गिरस्वद्ध्रुवा सीदा। रायंसि प्राची दिग्विराडसि दक्षिणा दिग्स्मम्राडसि प्रतीची दिग्स्वराडस्युदीची दिगधिपत्यसि बृहती दिगायुमे पाहि प्राणं मे पाह्यपानं मे पाहि व्यानं मे पाहि चक्षुमे पाहि श्रोत्रं मे पाहि मनो मे जिन्व वाचं मे पिन्वात्मानं मे पाहि ज्योतिमे यच्छ॥ (१२)

**छर्दिषा पिन्व पट्व॥** [६]

मा छन्दः प्रमा छन्दः प्रतिमा छन्दोऽस्त्रीविश्छन्दः पृङ्गिश्छन्द उष्णिहा छन्दो बृहती छन्दोऽनुष्टुप्छन्दो विराट्छन्दो गायत्री छन्दस्त्रिष्टुप्छन्दो जगती छन्दः पृथिवी छन्दोऽन्तरिक्षं छन्दो द्यौश्छन्दः समाश्छन्दो नक्षत्राणि छन्दो मनश्छन्दो वाक्छन्दः कृषिश्छन्दो हिरण्यं छन्दो गौश्छन्दोऽजा छन्दोऽश्वश्छन्दः। अग्निर्देवता (१३)

वातो देवता सूर्यो देवता चन्द्रमा देवता वसवो देवता रुद्रा देवतादित्या देवता विश्वे देवा देवता मरुतो देवता बृहस्पतिर्देवतेन्द्रो देवता वरुणो देवता मूर्धासि राड्भुवासि धरुणा युञ्ज्यसि यमित्रीपे त्वोजं त्वा कृष्ये त्वा क्षेमाय त्वा यज्ञी राड्भुवासि धरणी धृज्यसि धरित्र्यायुपे त्वा वर्चसे त्वोजसे त्वा बलाय त्वा॥ (१४)

**देवताऽऽयुपे त्वा पट्व॥** [७]

आशुक्लिवृद्धान्तः पञ्चदशो व्योम सप्तदशः प्रतूर्तिरष्टादशस्तपो नवदशोऽभिवर्तः सविंशो धरुणं एकविंशो वचो द्वाविंशः सम्भरणस्त्रयोविंशो योनिश्चतुर्विंशो गर्भः पञ्चविंश ओजस्त्रिणवः ऋतुरेकत्रिंशः प्रतिष्ठा त्रयस्त्रिंशो ब्रध्नस्य विष्टपं चतुस्त्रिंशो नाकः पट्विंशो विवर्तोऽष्टाचत्वारिंशो धन्त्रश्चतुष्टोमः॥ (१५)

**आशुः सप्तत्रिंशत्॥** [८]

अग्नेर्भागोऽसि दीक्षाया आधिपत्यं ब्रह्मं स्पृतं त्रिवृधस्तोम इन्द्रस्य भागोऽसि विष्णोराधिपत्यं क्षत्रं स्पृतम्पञ्चदशः स्तोमो नृचक्षसांभागोऽसि धातुराधिपत्यं जनित्रं स्पृतं सप्तदशः स्तोमो मित्रस्य भागोऽसि वरुणस्याधिपत्यं दिवो वृष्टिर्वातोः स्पृता एकविंशः स्तोमोऽदित्यै भागोऽसि पूष्ण आधिपत्यमोजः स्पृतं त्रिणवः स्तोमो वसूनांभागोऽसि (१६)

रुद्राणामाधिपत्यं चतुष्पाथस्पृतं चतुर्विंशः स्तोमं आदित्यानां भागोऽसि मरुतामाधिपत्यं गर्भः स्पृताः

पञ्चविंशः स्तोमो देवस्य सवितुर्भागोऽसि बृहस्पतेराधिपत्यं समीचीर्दिशः स्पृताश्चतुष्टोमः स्तोमो यावानाम्भागोऽस्य यावानामाधिपत्यं प्रजाः स्पृताश्चतुश्चत्वारिंशः स्तोमं ऋभूणाम्भागोऽसि विश्वेषां देवानामाधिपत्यम्भूतं निशान्तं स्पृतं त्रयस्त्रिंशः स्तोमः॥ (१७)

वसूनां भागोऽसि षट्त्वारिंशच्च॥ [१]

एकयास्तुवत प्रजा अधीयन्त प्रजापतिरधिपतिरासीत्सिन्धुभिर्स्तुवत ब्रह्मासृज्यत ब्रह्मणस्पतिरधिपतिरासीत् पञ्चभिर्स्तुवत भूतान्यसृज्यन्त भूतानाम्पतिरधिपतिरासीत्सप्तभिर्स्तुवत सप्तर्षयोऽसृज्यन्त धाताधिपतिरासीन्नवभिर्स्तुवत पितरोऽसृज्यन्तादितिरधिपत्यासीदेकादशभिर्स्तुवतर्तवोऽसृज्यन्तार्तवोऽधिपतिरासीत् त्रयोदशभिर्स्तुवत मासां असृज्यन्त संवत्सरोऽधिपतिः (१८)

आसीत्पञ्चदशभिर्स्तुवत क्षत्रमसृज्यतेन्द्रोऽधिपतिरासीत्सप्तदशभिर्स्तुवत पशवोऽसृज्यन्त बृहस्पतिरधिपतिरासीन्नवदशभिर्स्तुवत शूद्रायवसृज्येतामहोरात्रे अधिपत्नी आस्तामेकविंशत्यास्तुवतैकशफाः पशवोऽसृज्यन्त वरुणोऽधिपतिरासीन्नव्योविंशत्यास्तुवत क्षुद्राः पशवोऽसृज्यन्त पूषाधिपतिरासीत्पञ्चविंशत्यास्तुवतारुणः पशवोऽसृज्यन्त वायुरधिपतिरासीत्सप्तविंशत्यास्तुवत द्यावापृथिवी वि (१९)

ऐतां वसवो रुद्रा आदित्या अनु व्यायन्तेषामाधिपत्यमासीन्नवविंशत्यास्तुवत वनस्पतयोऽसृज्यन्त सोमोऽधिपतिरासीदेकत्रिंशतास्तुवत प्रजा असृज्यन्त यावानां चायावानां चाधिपत्यमासीन्नयस्त्रिंशतास्तुवत भूतान्यशाम्यन्त्रजापतिः परमेष्ठ्यधिपतिरासीत्॥ (२०)

सं वत्सरोऽधिपतिर्वि पञ्चत्रिंशच्च॥ [१०]

इयमेव सा या प्रथमा व्यौच्छदन्तरस्यां चरति प्रविष्टा। वधूर्जजान नवगङ्गनित्री त्रय एनाम्महिमानः सचन्ते॥ छन्दस्वती उपसा पेपिशाने समानं योनिमनु सञ्चरन्ती। सूर्यपत्नी वि चरतः प्रजानती केतुं कृष्वावे अजरे भूरिरेतसा॥ ऋतस्य पन्थामनु तिस्र आगुञ्ज्यो घर्मासो अनु ज्योतिषागुः। प्रजामेका रक्षत्यूर्जमेका (२१)

व्रतमेका रक्षति देवयूनाम्॥ चतुष्टोमो अभवद्या तुरीयां यज्ञस्य पक्षावृषयो भवन्ती। गायत्रीं त्रिष्टुभं जगतीमनुष्टुभंभृहदकं युञ्जानाः सुवराभरन्निदम्॥ पञ्चभिर्धाता वि दधाविदं यत्तासां स्वसृजनयत्पञ्चपञ्च। तासामु यन्ति प्रयवेण पञ्च नानां रूपाणि क्रतवो वसानाः॥ त्रिंशत्स्वसारं उप यन्ति निष्कृतं संमानं केतुम्रतिमुञ्चमानाः। (२२)

ऋतूस्तन्वते कवयः प्रजानतीर्मध्येछन्दसः परि यन्ति भास्वतीः। ज्योतिष्मती प्रति मुञ्चते नभो रात्रीं देवी सूर्यस्य व्रतानि। वि पश्यन्ति पशवो जायमाना नानारूपा मातुरस्या उपस्थैः। एकाष्टका तपसा तप्यमाना जजान गर्भमहिमानमिन्द्रम्। तेन दस्यून्यसहन्त देवा हुन्तासुराणामभवच्छचीभिः। अनानुजामनुजामामकर्त सत्यं वदन्त्यन्विच्छ एतत्। भूयासम् (२३)

अस्य सुमतौ यथा यूयमन्या वो अन्यामति मा प्र युक्त। अभूममं सुमतौ विश्ववेदा आष्ट प्रतिष्ठामविदद्धि गाधम्। भूयासमस्य सुमतौ यथा यूयमन्या वो अन्यामति मा प्र युक्त। पञ्च व्युष्टिरनु

पञ्च दोहा गां पञ्चनाग्रीमृतवोऽनु पञ्च। पञ्च दिशः पञ्चदशेन कृताः संमानमूर्ध्नि लोकेकमेकम् (२४)

ऋतस्य गर्भः प्रथमा व्युप्युपामेका महिमान्बिभर्ति। सूर्यस्यैका चरति निष्कृतेषु घर्मस्यैका सवितैका नि यच्छति। या प्रथमा व्योच्छ्रया धेनुरभवद्यमे। सा नः पर्यस्वती ध्रुवोत्तरामुत्तराः समा। शुक्ररूपभा नभसा ज्योतिषागाद्विश्वरूपा शबलीरग्निकेतुः। समानमर्थं स्वपस्यमाना बिभ्रती जरामंजर उप आगाः। ऋतूनाम्पत्नी प्रथमेयमागादहं नेत्री जनित्री प्रजानाम्। एका सती बहुधोषो व्युच्छस्यजौर्णा त्वं जरयसि सर्वमन्यत॥ (२५)

ऊर्जमेका प्रतिमुञ्चमाना भूयासमेकं पत्येकान्नविंशतिश्च॥ [११]

अग्नें जातान्म णुंदा नः सपत्नान्प्रत्यजाताज्ञातवेदो नुदस्व। अस्मे दीदिहि सुमना अहेडन्तव स्याः। शर्मन्निवरूथ उद्धित। सहसा जातान्म णुंदा नः सपत्नान्प्रत्यजाताज्ञातवेदो नुदस्व। अधि नो ब्रूहि सुमनस्यमानो वयं स्याम प्र णुंदा नः सपत्नान्। चतुश्चत्वारिंशः स्तोमो वचो द्रविणं षोडशः स्तोम ओजो द्रविणं पृथिव्याः पुरीषमसि (२६)

अप्सो नाम। एवश्छन्दो वरिवश्छन्दः शम्भूश्छन्दः परिभूश्छन्द आच्छच्छन्दो मन्श्छन्दो व्यच्छछन्दः सिन्धुश्छन्दः समुद्रं छन्दः सलिलं छन्दः संयच्छन्दो वियच्छन्दो बृहच्छन्दो रथन्तरं छन्दो निकायश्छन्दो विवधश्छन्दो गिरश्छन्दो भ्रजश्छन्दः सृष्ट्यच्छन्दोऽनुष्टुप्छन्दः ककुच्छन्दस्त्रिककुच्छन्दः काव्यं छन्दोऽङ्गुपं छन्दः (२७)

पदपङ्क्तिश्छन्दोऽक्षरपङ्क्तिश्छन्दो विष्टारपङ्क्तिश्छन्दः क्षुरो भृज्वाच्छन्दः प्रच्छच्छन्दः पक्षश्छन्द एवश्छन्दो वरिवश्छन्दो वयश्छन्दो वयस्कच्छन्दो विशालं छन्दो विष्पर्धाश्छन्दश्छुदिश्छन्दो दूरोहुणं छन्दस्तन्द्रं छन्दोऽङ्कङ्कं छन्दः॥ (२८)

अस्यङ्कुपच्छन्दस्त्रयस्त्रिंशच्च॥ [१२]

अग्निवृत्राणि जङ्घनद्रविणस्युर्विपन्यया। समिद्धः शुक्र आहुतः॥ त्वं सोमासि सत्पतिस्त्वं राजोत वृत्रहा। त्वं भद्रो अंसि क्रतुः॥ भद्रा ते अग्ने स्वनीक सन्दग्धोरस्यं सतो विपुणस्य चारुः। न यत्ते शोचिस्तमसा वरन्त न ध्वस्मानस्तनुवि रेप आ धुः॥ भद्रं ते अग्ने सहसिन्ननीकमुपाक आ रौचते सूर्यस्या (२९)

रुशदृशे ददृशे नक्त्या चिदरूक्षितं दृश आ रूपे अन्नम्। सैनानीकेन सुविदत्रो अस्मे यथा देवाः आर्यजिष्ठः स्वस्ति। अदब्धो गोपा उत नः परस्पा अग्ने द्युमदुत रेवहिदीहि। स्वस्ति नो दिवो अग्ने पृथिव्या विश्वायुर्धेहि यजथाय देवा यथसीमहि दिविजात प्रशस्तं तदस्मासु द्रविणं धेहि चित्रम्। यथा होतर्मनुषः (३०)

देवताता यज्ञेभिः सूनो सहसो यजांसि। एवानो अद्य संमना संमानानुशन्नं उशतो यक्षि देवान्॥ अग्निमीडे पुरोहितं यज्ञस्यं देवमृत्विजम्। होतारं रत्नधातमम्॥ वृषां सोम द्युमां अंसि वृषां देव वृषप्रतः। वृषा धर्माणि दधिषे। सान्तपना इदं हविर्मरुतस्तङ्गुजुष्टन। युष्माकोती रिंशादसः॥ यो नो मर्तो वसवो

दुरह्णायुस्तिरः सत्यानि मरुतः (३१)

जिघांसात् द्रुहः पाशं प्रति स मुंचोष्ट तपिष्ठेन तपसा हन्तान् तम्। संवत्सरीणां मरुतः स्वर्का उरुक्षयाः सगंगा मानुषेषु। तैऽस्मत्पाशान् मृश्चन्त्वहंसः सान्तपना मंदिरा मादयिष्णवः। पिप्रीहि देवा उशतो यविष्ठ विद्वाः ऋतूः रक्तुपते यजेह। ये दैव्या ऋत्विजस्तेभिर्ग्रे त्वः होतृणामस्यायजिष्ठः। अग्रे यद्य विशो अध्वरस्य होतः पार्वक (३२)

शोचे वेद्वः हि यज्वा। ऋता यंजासि महिना वि यद्वूरह्व्या वह यविष्ठ या तं अद्या अग्निना रयिमंश्रवत्पोपमेव दिवेदिवे। यशसं वीरवन्तमम्॥ गयस्फानो अमीवहा वंसुवित्पुष्टिवर्धनः। सुमित्रः सोम नो भव। गृहमेधास आ गंत मरुतो मापं भूतन। प्रमुञ्चन्तो नो अहंसः। पूर्वाभिर्हि दंदाशिम शरद्विर्मरुतो वयम्। महोभिः (३३)

चरष्णीनाम्। प्र बुधिया ईरते वो महांसि प्र णामानि प्रयज्यवस्तिरध्वम्। सहस्रियं दम्यम्भागमेतं गृहमेधीयम्मरुतो जुषध्वम्। उप यमेति युवतिः सुदक्षं दोषा वस्तोरह्विष्मती घृताची। उप स्वैनम्रमंतिर्वसूयुः। इमो अग्रे वीततमानि हव्याजस्रो वक्षि देवतातिमच्छं। प्रति न ईः सुरभीणि वियन्तु। क्रीडं वः शर्धो मारुतमनर्वाणः रथेशुभम्। (३४)

कणां अभि प्र गांयत। अत्यांसो न ये मरुतः स्वश्रौ यक्षदशो न शुभयन्त मर्याः। ते हर्म्येष्ठाः शिशवो न शुभ्रा वत्सासो न प्रक्रीडिनः पयोधाः। प्रेषामज्मेषु विधुरेवं रेजते भूमिर्यामेषु यद्धं युञ्जते शुभे। ते क्रीडयो धुनयो भ्राजदृष्टयः स्वयं महित्वं पनयन्त धृतयः। उपह्वरेषु यदचिध्वं ययि वयं इव मरुतः केन (३५)

चित्पथा। श्रोतन्ति कोशा उप वो रथेष्वा घृतमुक्षता मधुवर्णमर्चते। अग्निमग्निः हवीमभिः सदा हवन्त विशपतिम्। हव्यवाहं पुरुप्रियम्। तः हि शश्वन्त ईडते सुचा देवं घृतश्रुता। अग्निः हव्याय वोढवे। इन्द्राग्नी रोचना दिवः श्रथद्वत्रिमिन्द्र वो विश्वतस्परिन्द्रं नरो विश्वकर्मन् हविषा वावृधानो विश्वकर्मन् हविषा वर्धनेन॥ (३६)

सूर्यस्य मनुषो मरुतः पार्वक महोभी रथेशुभं केन षट्त्वारिंशच्च॥ [१३]

रश्मिरसि राज्यस्ययं पुरो हरिकेशोऽग्निर्मूर्धेन्द्राग्निभ्यां बृहस्पतिर्भूयस्कृदस्यग्नि विश्वापादृजापतिर्मनसा कृत्तिका मधुश्च समिदिशां द्वादश॥ [१४] रश्मिरसि प्रति धेनुमसि स्तनयिबुसनिरस्यादित्यानां सप्तत्रिंशत्॥ 37॥ रश्मिरसि को अद्य युङ्क्ते॥

# ॥चतुर्थः प्रश्नः॥

॥तैत्तिरीयसंहितायां चतुर्थकाण्डे चतुर्थः प्रश्नः॥

रश्मिरसि क्षयाय त्वा क्षयं जिन्व प्रेतिरसि धर्माय त्वा धर्मं जिन्वान्वितिरसि दिवे त्वा दिवं जिन्व संधिरस्यन्तरिक्षाय त्वान्तरिक्षं जिन्व प्रतिधिरसि पृथिव्यै त्वा पृथिवीं जिन्व विष्टम्भोऽसि वृष्ट्यै त्वा वृष्टिं जिन्व प्रवास्यहे त्वाहर्जिन्वानुवासि रात्रियै त्वा रात्रिं जिन्वोशिगंसि (१)

वसूभ्यस्त्वा वसूञ्जिन्व प्रकेतोऽसि रुद्रेभ्यस्त्वा रुद्राञ्जिन्व सुदीतिरस्यादित्येभ्यस्त्वाऽऽदित्याञ्जिन्वोजोऽसि पितृभ्यस्त्वा पितृञ्जिन्व तन्तुरसि प्रजाभ्यस्त्वा प्रजा जिन्व पृतनापाडसि पशुभ्यस्त्वा पशूञ्जिन्व रेवदस्योपधीभ्यस्त्वोपधीर्जिन्वाभिजिदंसि युक्तग्रावेन्द्राय त्वेन्द्रं जिन्वाधिपतिरसि प्राणायं (२)

त्वा प्राणं जिन्व यन्तास्यपानायं त्वापानं जिन्व सस्पर्षोऽसि चक्षुषे त्वा चक्षुर्जिन्व वयोधा अंसि श्रोत्राय त्वा श्रोत्रं जिन्व त्रिवृदंसि प्रवृदंसि संवृदंसि विवृदंसि सरोरोहोऽसि नीरोहोऽसि प्ररोहोऽस्यनुरोहोऽसि वसुकोऽसि वेपथिरसि वस्यष्टिरसि॥ (३)

उशिगंसि प्राणाय त्रिचत्वारिंशच्च॥ \_\_\_\_\_ [१]

राज्यसि प्राची दिग्वसंवस्ते देवा अधिपतयोऽग्निरहेतीनामप्रतिधर्ता त्रिवृत्त्वा स्तोमः पृथिव्याऽश्रयत्वाज्यमुक्थमव्यंथयथस्तभ्रातु रथन्तुरं सामं प्रतिष्ठित्यै विराडसि दक्षिणा दिश्रुद्रास्ते देवा अधिपतय इन्द्रो हेतीनामप्रतिधर्ता पञ्चदशस्त्वा स्तोमः पृथिव्याऽश्रयतु प्रउंगमुक्थमव्यंथयथस्तभ्रातु बृहत्सामं प्रतिष्ठित्यै सम्राडसि प्रतीची दिक् (४)

आदित्यास्ते देवा अधिपतयः सोमो हेतीनामप्रतिधर्ता संप्तदशस्त्वा स्तोमः पृथिव्याऽश्रयतु मरुत्वतीयमुक्थमव्यंथयथस्तभ्रातु वैरूपं सामं प्रतिष्ठित्यै स्वराडस्युदीची दिग्विधे ते देवा अधिपतयो वरुणा हेतीनामप्रतिधर्तैकविंशस्त्वा स्तोमः पृथिव्याऽश्रयतु निष्कैवल्यमुक्थमव्यंथयथस्तभ्रातु वैराजं सामं प्रतिष्ठित्या अधिपत्यसि बृहती दिङ्मरुतस्ते देवा अधिपतयः (५)

बृहस्पतिरहेतीनामप्रतिधर्ता त्रिणवत्रयस्त्रिंशौ त्वा स्तोमौ पृथिव्याऽश्रयतां वैश्वदेवाग्निमारुते उक्थे अव्यंथयन्तो स्तभ्रीताः शाक्ररैवते सामनी प्रतिष्ठित्या अन्तरिक्षायर्षेयस्त्वा प्रथमजा देवेषु दिवो मात्रया वरिणा प्रथन्तु विधर्ता चायमधिपतिश्च ते त्वा सर्वे संविदाना नाकस्य पृष्ठे सुवर्गे लोके यजमानं च सादयन्तु॥ (६)

प्रतीची दिङ्मरुतस्ते देवा अधिपतयश्चत्वारिंशच्च॥ \_\_\_\_\_ [२]

अयम्पुरो हरिकेशः सूर्यरश्मिस्तस्यं रथगृध्रसश्च रथौजाश्च सेनानिग्रामण्यौ पुञ्जिकस्थला च कृतस्थला चाप्सरसौ यातुधानां हेती रक्षांसि प्रहेतिरयं दक्षिणा विश्वकर्मा तस्यं रथस्वनश्च रथेचित्रश्च सेनानिग्रामण्यौ मेनका च सहजन्त्या चाप्सरसौ दङ्गवः पशवो हेतिः पौरुषेयो वधः प्रहेतिरयम्पश्चाद्विश्वव्यचास्तस्य



रथप्रोतृश्चासंमरथश्च सेनानिग्रामण्यौ प्रमोचन्ती च (७)

अनुमोचन्ती चाप्सरसौ सर्पा हेतिव्याघ्राः प्रहेतिर्यमुत्तराथस्यद्वंसुस्तस्य सेनजिच्च सुषेणश्च सेनानिग्रामण्यौ विश्वावी च घृतावी चाप्सरसावापो हेतिर्वातः प्रहेतिर्यमुपर्यर्वाग्वंसुस्तस्य तार्क्ष्यश्चरिष्टनेमिश्च सेनानिग्रामण्यावुर्वशी च पूर्वचिन्तिश्चाप्सरसौ विद्युद्धेतिरवस्फूर्जन्प्रहेतिस्तेभ्यो नमस्ते नो मृडयन्तु ते यम् (८)

द्विष्मो यश्च नो द्वेष्टि तं वो जम्भे दधाम्यायोस्त्वा सदने सादयाम्यवन्तश्छायायां नमः समुद्राय नमः समुद्रस्य चक्षसे परमेष्ठी त्वां सादयतु दिवः पृष्ठे व्यचंस्वतीम्प्रथंस्वतीं विभूमतीम्प्रभूमतीं परिभूमतीं दिवं यच्छु दिवं दृ९ह दिवं मा हि९सीर्विश्वस्मै प्राणायानायां व्यानायां दानाय प्रतिष्ठायै चरित्राय सूर्यस्त्वामि पांतु मृह्या स्वस्त्या छुदिषा शन्तमेन तया देवतयाङ्गिरस्वद्धृवा सीदा प्रोथदश्चो न यवसे अविष्यन् यदा मृहः संवरणाद्यस्थात् आदस्य वातो अनु वाति शोचिरधं स्म ते व्रजनं कृष्णमस्ति॥ (९)

प्रमोचन्ती च य९ स्वस्त्याष्टावि९शतिश्च॥ [३]

अग्निमूर्धा दिवः कुकुत्पतिः पृथिव्या अयम् अपा९ रता९सि जिन्वति॥ त्वामग्ने पुष्करादध्यथंवा निरमन्थता मूर्ध्नो विश्वस्य वाघतः॥ अयमग्निः संहस्त्रिणो वाजस्य शतिनस्पतिः मूर्धा कवी रयीणाम्॥ भुवो यज्ञस्य रजंसश्च नेता यत्रां नियुद्धिः सचंसे शिवाभिः॥ दिवि मूर्धानं दधिषे सुवर्षां जिह्वामग्ने चकृषे हव्यवाहम्॥ अबौध्यग्निः समिधा जनानाम् (१०)

प्रति धेनुमिवायतीमुपासमौ यद्वा इव प्र वयामुज्जिहानाः प्र भानवः सिस्त्रते नाकमच्छे। अबौचाम क्वये मेध्याय वचो वन्दारु वृषभाय वृष्णौ। गर्विष्ठिरो नमसा स्तोममग्ने दिवीव रुक्ममुर्व्यञ्चमश्रेत्। जनस्य गोपा अंजनष्ट जागुर्विरग्निः सुदक्षः सुविताय नव्यसे। घृतप्रतीको बृहता दिविस्पृशा द्युमद्वि भाति भरतेभ्यः शुचिः। त्वामग्ने अङ्गिरसः (११)

गृहां हितमन्वविन्दञ्छिश्रियाणं वनेवने। स जायसे मृथ्यमानः सहो महत्त्वामाहुः सहसस्पुत्रमङ्गिरः। यज्ञस्य केतुम्रथमम्पुरोहितमग्निं नरन्निषधस्थे समिन्धते। इन्द्रेण देवैः सरथ९ स बर्हिषि सीदन्नि होता यज्ञथाय सुक्रतुः। त्वं चित्रश्रवस्तम हवन्ते विक्षु जन्तवः। शोचिर्केशं पुरुप्रियाग्रे हव्याय वोढेव। सखायः सं वः सम्यञ्चमिषम् (१२)

स्तोमं चाग्रयौ। वर्षिष्ठाय क्षितानामूर्जो नग्ने सहस्वते। स९समिद्युवसे वृषन्नग्ने विश्वान्यर्य आ। इडस्पदे समिध्यसे स नो वसूत्या भेर। एना वो अग्निं नमसोर्जो नपांतमा हुवे। प्रियं चेतिष्ठमरुति९ स्वध्वरं विश्वस्य दूतममृतम्। स योजते अरुषो विश्वभोजसा स दुद्रव्त्स्वाहुतः। सुब्रह्मा यज्ञः सुशमी (१३)

वसूनां देव९ राधो जनानाम्। उदस्य शोचिरस्थादाजुह्वानस्य मीढुषः। उद्धूमासौ अरुषासौ दिविस्पृशः समग्निमिन्धते नरः। अग्ने वाजस्य गोमंत ईशानः सहसो यहो। अस्मे धेहि जातवेदो महि श्रवः। स इंधानो वसुष्कविरग्निरीडेभ्यो गिरा। रेवदस्मभ्यं पुर्वणीक दीदिहि। क्षपो राजन्वृत त्वनाग्ने वस्तोरुतोपसः। स तिग्मजम्भ (१४)

रक्षसो दह प्रति। आ तं अग्र इधीमहि द्युमन्तं देवाजरम्। यद्वा स्या ते पर्नायसी समिदीदयति

द्यवीषं स्तोतृभ्य आ भ॑र। आ तं अ॒ग्न ऋ॒चा ह॒विः शु॒क्रस्य॑ ज्योतिषस्पते। सु॒श्व॑न्द्र द॒स्म विश॑पते  
ह॒व्य॒वा॒द्भ्य॑ हूय॒त इ॒षं स्तो॒तृभ्य॑ आ भ॑र। उ॒भे सु॒श्व॑न्द्र स॒र्पिषो॑ द॒र्वी श्री॑णीष आ॒सनि॑। उ॒तो न॒  
उत्पु॑र्याः (१५)

उक्थेपुं शवसस्पत इषं स्तोतृभ्य आ भ॑र। अ॒ग्ने त॒म॒द्याश्वं॑ न स्तोमैः क्रतुं न भ॒द्रं ह॑दिस्पृशम।  
ऋ॒ध्यामां॑ त अ॒हैः। अ॒था ह॒स्त्रे क॒तौर्भ॒द्रस्य॑ दक्षस्य सा॒धोः। र॒थीर॒ऋत॑स्य बृ॒हतो॑ ब॒भूथ॑। आ॒भिष्टे॑ अ॒द्य  
गी॒र्भिर्गृ॑णन्तोऽ॒ग्ने दा॑शेम। प्र तं दि॒वो न स्त॑नयन्ति शु॒ष्माः। ए॒भिर्नो॑ अ॒र्कैर्भ॒वां नो अ॒र्वाङ् (१६)

सुव॑र्न ज्योतिः। अ॒ग्ने वि॒श्वेभिः॑ सु॒मना॑ अ॒नीकैः। अ॒ग्नि॑ हो॒ता॒र॒म्मन्ये॑ दास्व॒न्तं व॒सोः स॒नु॑ सह॒सो  
जा॒तवे॑दसम्। वि॒प्रं न जा॒तवे॑दसम्। य ऊ॒र्ध्वयां॑ स्व॒ध्वरो॑ दे॒वो दे॒वाच्यां॑ कृ॒पा। घृ॒तस्य॑ वि॒भ्राष्टि॑मनुं शु॒क्रशो॑चिष  
आ॒जुह्वा॑नस्य स॒र्पिषः। अ॒ग्ने त्व॒न्नो अ॒न्तमः॑। उ॒त त्रा॒ता शि॒वो भ॑व व॒रूथ्यः॑। तं त्वां शो॒चिष्ट दी॒दिवः॑।  
सु॒म्राय॑ नू॒नमी॑महे स॒खिभ्यः॑। वसु॑र्ग॒ग्निर्वसु॑श्रवाः। अ॒र्च्छां नक्षि॑ द्यु॒मत्त॑मो र॒यि दा॑ः॥ (१७)

ज॒ना॒ना॒मङ्गि॑रस् इ॒षं सु॒शर्मा॑ ति॒ग्मज॑म्भ पु॒र्या अ॒र्वाङ् सु॑श्रवाः प॒ञ्च  
च॥

[४]

इन्द्रा॒ग्निभ्यां॑ त्वा स॒युजां॑ यु॒जा यु॑न॒ज्याघा॑राभ्यां तेज॑सा व॒र्चसो॒क्थेभिः॑ स्तो॒मैर्भि॒र॒ष्ट॒न्दी॒भी र॒व्ये  
पोषा॑य स॒जा॒ताना॑म॒ध्यम॒स्थेया॑य म॒यां त्वा स॒युजां॑ यु॒जा यु॑न॒ज्यम्वा॑ दु॒ला नि॑त॒न्निर॒श्रय॑न्ती मे॒घय॑न्ती  
व॒र॒षय॑न्ती चु॒पुणी॑का ना॒मासि॑ प्र॒जाप॑तिना त्वा वि॒श्वाभि॑र्धो॒भि॒रुप॑ द॒धामि॑ पृथि॒व्युद॑पुरम॒त्रेन॑ वि॒ष्टा म॑नु॒ष्यास्ते  
गो॒सारा॑ऽ॒ग्निर्विय॑न्तोऽस्यां ताम॒हम् प॑द्ये सा (१८)

मे श॒र्म च॒ व॒र्म चा॒स्त्वधि॑द्यौर॒न्तरि॑क्षं ब्र॒ह्मणा॑ वि॒ष्टा म॒रुत॑स्ते गो॒सारा॑ वा॒युर्विय॑न्तोऽस्यां ताम॒हम्  
प॑द्ये सा मे श॒र्म च॒ व॒र्म चा॒स्तु द्यौर॑प॒राजि॒तामृ॑तेन वि॒ष्टादि॒त्यास्ते॑ गो॒साराः॑ सू॒र्यो विय॑न्तोऽस्यां ताम॒हम्  
प॑द्ये सा मे श॒र्म च॒ व॒र्म चा॒स्तु॥ (१९)

[५]

साऽष्टा॑च॒त्वारि॑श॒च्च॥

बृ॒हस्प॑ति॒स्त्वा सा॒दय॑त पृथि॒व्याः पृ॒ष्ठे ज्योति॑ष्मतीं वि॒श्वस्मै॑ प्रा॒णाय॑पा॒नाय॑ वि॒श्वं ज्योति॑र्य॒च्छाग्नि॑स्ते-  
ऽधि॑पतिर्वि॒श्वक॑र्मा त्वा सा॒दय॑त्व॒न्तरि॑क्षस्य पृ॒ष्ठे ज्योति॑ष्मतीं वि॒श्वस्मै॑ प्रा॒णाय॑पा॒नाय॑ वि॒श्वं ज्योति॑र्य॒च्छ  
वा॒युस्तेऽधि॑पतिः प्र॒जाप॑ति॒स्त्वा सा॒दय॑त दि॒वः पृ॒ष्ठे ज्योति॑ष्मतीं वि॒श्वस्मै॑ प्रा॒णाय॑पा॒नाय॑ वि॒श्वं ज्योति॑र्य॒च्छ  
पर॑मे॒ष्ठी तेऽधि॑पतिः पु॒रोवा॑त॒सनि॑रस्य॒भ्रस॑नि॒रसि॑ वि॒द्युध्म॑निः (२०)

अ॒सि स्त॒नयि॑बु॒सनि॑रसि वृ॒ष्टि॒सनि॑रस्य॒ग्रेया॑न्यसि दे॒वाना॑म॒ग्रेया॑न्यसि वा॒यो॒र्या॒न्यसि॑ दे॒वानां॑  
वा॒यो॒या॒र्य॒स्य॒न्तरि॑क्षस्य या॒न्यसि॑ दे॒वाना॑म॒न्तरि॑क्षया॒न्य॒स्य॒न्तरि॑क्षम॒स्य॒न्तरि॑क्षाय॒ त्वा स॑लि॒लाय॑ त्वा स॒र्णीका॑य  
त्वा स॒र्तीका॑य॒ त्वा के॒ताय॑ त्वा प्र॒चैत॑से त्वा वि॒वस्व॑ते त्वा दि॒वस्त्वा ज्योति॑ष आ॒दित्ये॒भ्यस्त्व॑र्चं त्वां रु॒चे  
त्वां द्यु॑ते त्वां भू॒से त्वा ज्योति॑षे त्वा य॒शोदा॑ त्वा य॒शसि॑ तेजो॒दां त्वा तेज॑सि पयो॒दां त्वा प॑र्यसि  
व॒र्चोदा॑ त्वा व॒र्चसि॑ द्रवि॒णोदा॑ त्वा द्रवि॒णे सा॒दयामि॑ तेन॒र्षिणा॑ तेन॒ ब्रह्म॑णा तयां दे॒वत॑याङ्गि॒रस्व॑द्ध्वा

सीद॥ (२१)

विद्युत्सनिर्द्युत्वैकान्नत्रिंशच्च॥ [६]

भूयस्कृदसि वरिवस्कृदसि प्राच्यस्यूर्ध्वास्यन्तरिक्षसदस्यन्तरिक्षे सीदाप्सुपदसि श्येनसदसि गृध्रसदसि सुपर्णसदसि नाकसदसि पृथिव्यास्त्वा द्रविणे सादयाम्यन्तरिक्षस्य त्वा द्रविणे सादयामि दिवस्त्वा द्रविणे सादयामि दिशां त्वा द्रविणे सादयामि द्रविणोदां त्वा द्रविणे सादयामि प्राणं मे पाह्यपानं मे पाहि व्यानम्मे (२२)

पाह्यायुर्मे पाहि विश्वायुर्मे पाहि सर्वायुर्मे पाह्यग्रे यत्ते परं ह्यत्राम तावेहि सः रंभावहे पाञ्चजन्येष्वप्यैध्यग्रे यावा अयांवा एवा ऊमाः सवदः सगरः सुमेकः॥ (२३)

व्यानम्मे द्वात्रिंशच्च॥ [७]

अग्निना विश्वापादथसूर्येण स्वराद्रुत्वा शचीपतिरुक्पमेण त्वष्टा यज्ञेन मघवान्दक्षिणया सुवर्गो मनुयां वृत्रहा सौहार्देन तनूधा अत्रेन गयः पृथिव्यासनोदृग्भिरन्नादो वषट्कारेणर्द्धः साम्ना तनूपा विराजा ज्योतिष्मान् ब्रह्मणा सोमपा गोभिर्यज्ञं दाधार क्षत्रेण मनुष्यान्श्वेन च रथेन च वज्र्यतुभिः प्रभुः संवत्सरेण परिभूस्तपसानाधृष्टः सूर्यः सन्तनूभिः॥ (२४)

अग्निनैकान्नपञ्चाशत्॥ [८]

प्रजापतिर्मनसान्धोऽच्छेत्तो धाता दीक्षायां सविता भूत्यां पूषा सौमक्रयण्यां वरुण उपनद्धोऽसुरः क्रीयमाणो मित्रः क्रीतः शिपिविष्ट आसादितो नरन्धिषः प्रोह्यमाणोऽधिपतिरागतः प्रजापतिः प्रणीयमाणोऽग्निराग्नीध्रे बृहस्पतिराग्नीध्रात्प्रणीयमानं इन्द्रो हविर्धानेऽदितिरासादितो विष्णुरुपावहियमाणोऽथर्वोपोत्तो यमोऽभिषुतोऽपूतपा आधूयमानो वायुः पूयमानो मित्रः क्षीरश्रीर्मन्थी संक्तुश्रीर्वैश्वदेव उर्त्रातो रुद्र आहुतो वायुरावृत्तो नृचक्षाः प्रतिख्यातो भुक्ष आगतः पितृणां नाराशंसोऽसुरात्तः सिन्धुरवभृथमवप्रयन्थ्समुद्रोऽवंगतः सलिलः प्रप्लुतः सुवरुदचं गतः॥ (२५)

रुद्र एकविंशतिश्च॥ [९]

कृत्तिका नक्षत्रमग्निर्देवताग्रे रुचः स्थ प्रजापतेर्धातुः सोमस्यर्चे त्वां रुचे त्वां द्युते त्वां भासे त्वा ज्योतिषे त्वा रोहिणी नक्षत्रं प्रजापतिर्देवता मृगशीर्षं नक्षत्रं सोमो देवतार्द्रा नक्षत्रं रुद्रो देवता पुनर्वसू नक्षत्रमर्दितदेवता तिष्यो नक्षत्रम्वहस्पतिर्देवताश्रेषा नक्षत्रं सर्पा देवता मघा नक्षत्रम्वितरो देवता फल्गुनी नक्षत्रम् (२६)

अर्यमा देवता फल्गुनी नक्षत्रम्भगो देवता हस्तो नक्षत्रं सविता देवता चित्रा नक्षत्रमिन्द्रो देवता स्वाती नक्षत्रं वायुर्देवता विशाखे नक्षत्रमिन्द्राग्नी देवताऽनूराधा नक्षत्रम्वित्रो देवता रोहिणी नक्षत्रमिन्द्रो देवता विचृतो नक्षत्रम्वितरो देवतापाठा नक्षत्रमापो देवतापाठा नक्षत्रं विश्वे देवा देवता श्रौणा नक्षत्रं विष्णुर्देवता श्रविष्ठा नक्षत्रं वसवः (२७)

देवतां शतभिषङ्क्षत्रमिन्द्रो देवतां प्रोष्ठपदा नक्षत्रमज एकपादेवतां प्रोष्ठपदा नक्षत्रमहिर्बुध्नियो देवतां रेवती नक्षत्रं पूषा देवतां श्वयुजौ नक्षत्रमश्विनौ देवतां पभरणी नक्षत्रं यमो देवतां पूर्णा पश्चाद्यतै देवा अदंभुः॥ (२८)

फल्युनी नक्षत्रं वसंवस्त्रयस्त्रिंशच्च॥ [१०]

मधुश्च माधवश्च वासन्तिकावृतू शुक्रश्च शुचिश्च ग्रेष्मावृतू नभश्च नभस्यश्च वार्षिकावृतू इषश्चोर्जश्च शारदावृतू सहश्च सहस्यश्च हैमन्तिकावृतू तपश्च तपस्यश्च शैशिरावृतू अग्नेरन्तःक्षेपोऽसि कल्पेतां द्यावापृथिवी कल्पन्तामाप ओषधीः कल्पन्तामग्नयः पृथङ्म ज्यैष्ठ्याय सव्रताः (२९)

यैऽग्नयः समनसोऽन्तरा द्यावापृथिवी शैशिरावृतू अग्नि कल्पमाना इन्द्रमिव देवा अग्नि सं विशन्तु संयच्च प्रचेताश्चाग्नेः सोमस्य सूर्यस्योग्रा च भीमा च पितृणां यमस्येन्द्रस्य ध्रुवा च पृथिवी च देवस्य सवितुर्मरुतां वरुणस्य धर्त्री च धरित्री च मित्रावरुणयोर्मित्रस्य धातुः प्राची च प्रतीची च वसूनां रुद्राणाम् (३०)

आदित्यानान्ते तेऽधिपतयस्तेभ्यो नमस्ते नो मृडयन्तु ते यं द्विष्मो यश्च नो द्वेष्टि तं वो जम्भे दधामि सहस्रस्य प्रमा असि सहस्रस्य प्रतिमा असि सहस्रस्य विमा असि सहस्रस्योन्मा असि साहस्रोऽसि सहस्राय त्वेमा मै अग्र इष्टका धेनवः सन्त्वेकां च शतं च सहस्रं चायुतं च (३१)

नियुतं च प्रयुतं चारुदं च न्यर्बुदं च समुद्रश्च मध्यं चान्तश्च परार्धक्षेमा मै अग्र इष्टका धेनवः सन्तु षष्टिः सहस्रमयुतमक्षीयमाणा ऋतस्थाः स्थर्तावृधो घृतश्चतो मधुश्चत ऊर्जस्वतीः स्वधाविनीस्ता मै अग्र इष्टका धेनवः सन्तु विराजो नाम कामदुघां अमुत्रामुष्मिन्नोके॥ (३२)

सव्रता रुद्राणामयुतं च पञ्चचत्वारिंशच्च॥ [११]

समिद्धिशामाशयां नः सुवर्विन्मधोरतो माधवः पात्वस्मान्। अग्निर्देवो दुष्टरीतुरदाभ्य इदं क्षत्रं रक्षतु पात्वस्मान्। रथंतरं सामभिः पात्वस्मान्नायत्री छन्दसां विश्वरूपा। त्रिवृत्रो विष्टया स्तोमो अह्नां समुद्रो वात इदमोजः पिपतु। उग्रा दिशामभिभूतिर्वयोधाः शुचिः शुके अहन्योजसीना। इन्द्रार्धिपतिः पिपतादतो नो महि (३३)

क्षत्रं विश्वतो धारयेदम्। बृहथसामं क्षत्रभृद्वृद्धवृष्णिं त्रिष्टभौजः शुभितमुग्रवीरम्। इन्द्र स्तोमेन पञ्चदशेन मध्यमिदं वातेन सगरेण रक्षा प्राची दिशां सहयशा यशस्वती विश्वे देवाः प्रावृषाहा सुर्वती। इदं क्षत्रं दुष्टरमस्त्वोजोऽनाधृष्टं सहस्रियं सहस्वत्। वैरूपे सामन्निह तच्छेकेम जगत्येनं विक्षा वैशयामः। विश्वे देवाः सप्तदशेन (३४)

वर्च इदं क्षत्रं सलिलवातमुग्रम्। धर्त्री दिशां क्षत्रमिदं दाधारोपस्थाशानाम्मित्रवदस्त्वोजः। मित्रावरुणा शरदाहां चिकिन् अस्मे राष्ट्राय महि शर्म यच्छतम्। वैराजे सामन्त्रधि मे मनीषानुष्टमा सम्भृतं वीर्यं सहः। इदं क्षत्रमित्रवदार्द्रदानु मित्रावरुणा रक्षतमाधिपत्यैः। सम्राड्दिशां सहसाम्नी सहस्वत्युत्तरहेमन्तो विष्टयां

नः पिपतु। अवस्युवाताः (३५)

बृहतीन् शक्रैरिम् यज्ञमवन्तु नो घृताचीः। सुर्ववती सुदधा नः पर्यस्वती दिशां देव्यवतु नो घृताचीं। त्वं गोपाः पुंरपुतोत पश्चाद्बृहस्पते याम्यां युङ्क्ति वाचम्। ऊर्ध्वा दिशां रन्तिराशौपधीनां संवत्सरेण सविता नो अह्नाम्। रेवथ्सामातिच्छन्दा उ छन्दोजातशत्रुः स्योना नो अस्तु। स्तोमत्रयस्त्रिंशे भुवनस्य पत्नि विवस्वद्वाते अभि नः (३६)

गृणाहि। घृतवती सवितरार्धिपत्यैः पर्यस्वती रन्तिराशां नो अस्तु। ध्रुवा दिशां विष्णुपुत्र्यघोरास्येशानां सहसो या मनोता। बृहस्पतिर्मातरिश्वोत वायुः संधुवाना वाता अभि नो गृणन्तु। विष्टम्भो दिवो धरुणः पृथिव्या अस्येशाना जगतो विष्णुपत्नी। विश्वव्यं चा इषयन्ती सुभूतिः शिवा नो अस्त्वदितिरुपस्थै। वैश्वानरो न ऊत्या पृष्ठे दिव्यनु नोऽद्यानुमतिरन्विदनुमते त्वङ्क्यां नश्चित्र आ भुवत्को अद्य युङ्क्ते॥ (३७)

महिं सप्तदशेनावस्युवाता अभि नोऽनु नश्चतुर्दश च॥ [१२]

नमस्ते रुद्र नमो हिरण्यबाहवे नमः सहमानाय नम आख्याधिनीभ्यो नमो भुवाय नमो ज्येष्ठाय नमो दुन्दुभ्याय नमः सोमाय नम इरिण्याय द्रापे सहस्राण्येकादश॥ [१३] नमस्ते रुद्र नमो भुवाय द्रापे सप्तविंशतिः॥२७॥ नमस्ते रुद्र तं वो जम्भे दधामि॥

## ॥पञ्चमः प्रश्नः॥

॥तैत्तिरीयसंहितायां चतुर्थकाण्डे पञ्चमः प्रश्नः॥

नमस्ते रुद्र मन्यवं उतो त इषवे नमः। नमस्ते अस्तु धन्वेन बाहुभ्यामुत ते नमः। या त इषुः शिवतमा शिवम्बभूवं ते धनुः। शिवा शरव्यां या तव तया नो रुद्र मृडया। या तै रुद्र शिवा तनूरघोरापांपकाशिनी। तयां नस्तनुवा शतमया गिरिशन्ताभि चांकशीहि। यामिषुं गिरिशन्तु हस्तं (१)

विभर्ष्यस्तवे। शिवां गिरित्र तां कुरु मा हिंसीः पुरुषं जगत्। शिवेन वचसा त्वा गिरिशाच्छां वदामसि। यथा नः सर्वमिज्जगदयक्ष्मं सुमना असत्। अथर्वोचदधिवक्ता प्रथमो देव्यो भिषक्। अहींश्च सर्वाङ्गम्भयन्सर्वांश्च यातुधान्यः। असौ यस्ताम्रो अरुण उत बभ्रुः सुमङ्गलः। ये चेमां रुद्रा अभितो दिक्षु (२)

श्रिताः सहस्रशोऽवैपां हेड ईमहे। असौ योऽवसर्पति नीलग्रीवो विलोहितः। उत्तैनं गोपा अदृशन्नदृशन्नदहार्यः। उत्तैनं विश्वा भूतानि स दृष्टो मृडयाति नः। नमो अस्तु नीलग्रीवाय सहस्राक्षाय मीढुषे। अथो ये अस्य सत्वानोऽहं तेभ्योऽस्करं नमः। प्र मुञ्च धन्वंस्त्वमुभयोरारिभ्योर्ज्याम्। याश्च ते हस्त

इषंवः (३)

परं ता भंगवो वप। अतस्तत् धनुस्त्व९ सहस्राक्ष शतैपुधे। निशीर्य शल्यानाम्मुखां शिवो नः  
सुमनां भव। विज्यं धनुः कपर्दिनो विशाल्यो बाणवा९ उत। अनैशत्रस्येषव आभुरस्य निषङ्गथिः। या तै  
हेतिर्मादुष्टम् हस्ते बभूव ते धनुः। तयास्मान् विश्वतस्त्वमयक्षमया परिं भुज। नमस्ते अस्वायुधायानां तताय  
धृष्णवै। उभाभ्यामुत ते नमो बाहुभ्यां तव धन्वने। परिं ते धन्वने हेतिरस्मान्दृणक्तु विश्वतः। अथो य  
इषुधिस्तवारे अस्मन्नि धैहि तम्॥ (४)

हस्ते दिक्ष्विषव उभाभ्यां द्वाविंशतिश्च॥ [१]

नमो हिरण्यबाहवे सेनान्यै दिशां च पतये नमो नमो वृक्षेभ्यो हरिकेशेभ्यः पशूनाम्पतये नमो नमः  
सस्त्रिञ्जराय त्विषीमते पथीनाम्पतये नमो नमो बभ्रुशायं विव्याधिनेऽज्ञानाम्पतये नमो नमो हरिकेशायोपवीतिने  
पुष्टानाम्पतये नमो नमो भुवस्य हेत्यै जगताम्पतये नमो नमो रुद्रायां तताविने क्षेत्राणाम्पतये नमो नमः  
सूतायाहन्त्याय वनानाम्पतये नमो नमः (५)

रोहिताय स्थपतये वृक्षाणाम्पतये नमो नमो मन्त्रिणै वाणिजाय कक्षाणाम्पतये नमो नमो भुवन्तये  
वारिवस्कृतायोपधीनाम्पतये नमो नम उच्चैर्घोषायाकन्दयते पत्नीनाम्पतये नमो नमः कृत्स्नवीताय धावते  
सत्त्वनाम्पतये नमः॥ (६)

वनानाम्पतये नमो नम एकान्नत्रिंशच्च॥ [२]

नमः सहमानाय निव्याधिनां आव्याधिनीनाम्पतये नमो नमः ककुभाय निषङ्गिणै स्तेनानाम्पतये नमो  
नमो निषङ्गिण इषुधिमते तस्कराणाम्पतये नमो नमो वञ्चते परिवञ्चते स्तायूनाम्पतये नमो नमो निचैरवै  
परिचरायारण्यानाम्पतये नमो नमः सूकाविभ्यो जिघांसद्भ्यो मुष्णताम्पतये नमो नमोऽसिमद्भ्यो नक्तं चरद्भ्यः  
प्रकृन्तानाम्पतये नमो नम उष्णीषिणै गिरिचराय कुलुञ्चानाम्पतये नमो नमः (७)

इषुमद्भ्यो धन्वाविभ्यश्च वो नमो नम आतन्वाभ्यः प्रतिदर्धानेभ्यश्च वो नमो नम आयच्छद्भ्यो  
विमृजद्भ्यश्च वो नमो नमोऽस्यद्भ्यो विध्यद्भ्यश्च वो नमो नम आसीनेभ्यः शयानेभ्यश्च वो नमो नमः  
स्वपद्भ्यो जाग्रद्भ्यश्च वो नमो नमोऽस्तिष्ठद्भ्यो धावद्भ्यश्च वो नमो नमः सभाभ्यः सभापतिभ्यश्च वो नमो नमो  
अश्वेभ्योऽश्वपतिभ्यश्च वो नमः॥ (८)

कुलुञ्चानाम्पतये नमो नमोऽश्वपतिभ्यस्त्रीणि च॥ [३]

नम आव्याधिनीभ्यो विविध्यन्तीभ्यश्च वो नमो नम उगणाभ्यस्तृहतीभ्यश्च वो नमो नमो गृथसेभ्यो  
गृथसपतिभ्यश्च वो नमो नमो व्रातैभ्यो व्रातपतिभ्यश्च वो नमो नमो गणेभ्यो गणपतिभ्यश्च वो नमो नमो  
विरूपेभ्यो विश्वरूपेभ्यश्च वो नमो नमो महद्भ्यः क्षुल्लकेभ्यश्च वो नमो नमो रथिभ्योऽरथेभ्यश्च वो नमो  
नमो रथेभ्यः (९)

रथपतिभ्यश्च वो नमो नमः सेनाभ्यः सेनानिभ्यश्च वो नमो नमः क्षत्तृभ्यः सङ्ग्रहीतृभ्यश्च वो नमो

नमस्तक्ष्भ्यो रथकारेभ्यश्च वो नमो नमः कुलालेभ्यः कर्माभ्यश्च वो नमो नमः पुञ्जिष्टेभ्यो निपादेभ्यश्च वो नमो नमः इषुकृद्भ्यो धन्वकृद्भ्यश्च वो नमो नमो मृगयुभ्यः श्वनिभ्यश्च वो नमो नमः श्वभ्यः श्वपतिभ्यश्च वो नमः॥ (१०)

रथेभ्यः श्वपतिभ्यश्च द्वे च॥ \_\_\_\_\_ [४]

नमो भूवाय च रुद्राय च नमः शर्वाय च पशुपतये च नमो नीलंग्रीवाय च शितिकण्ठाय च नमः कपर्दिने च व्युत्केशाय च नमः सहस्राक्षाय च शतधन्वने च नमो गिरिशाय च शिपिविष्टाय च नमो मोदुष्टमाय चैषुमते च नमो ह्रस्वाय च वामनाय च नमो बृहते च वर्षीयसे च नमो वृद्धाय च संवृध्वने च (११)

नमो अग्निष्याय च प्रथमाय च नमः आशवे चाजिराय च नमः शीघ्रिष्याय च शीभ्याय च नमः ऊर्माय चावस्वनाय च नमः स्रोतस्याय च द्वीप्याय च॥ (१२)

सं वृध्वने च पञ्चविंशतिश्च॥ \_\_\_\_\_ [५]

नमो ज्येष्ठाय च कनिष्ठाय च नमः पूर्वजाय चापरजाय च नमो मध्यमाय चापगल्भाय च नमो जघन्याय च बुध्निष्याय च नमः सोभ्याय च प्रतिसर्पाय च नमो याम्याय च क्षेम्याय च नमः उर्वर्याय च खल्याय च नमः श्लोक्याय चावसान्याय च नमो वन्याय च कक्ष्याय च नमः श्रवाय च प्रतिश्रवाय च (१३)

नमः आशुषेणाय चाशुरथाय च नमः शूराय चावभिन्दते च नमो वर्मिणे च वरूथिने च नमो बिल्मिने च कवचिने च नमः श्रुताय च श्रुतसेनाय च॥ (१४)

प्रतिश्रवाय च पञ्चविंशतिश्च॥ \_\_\_\_\_ [६]

नमो दुन्दुभ्याय चाहनन्याय च नमो धृष्णवे च प्रमृशाय च नमो दूताय च प्रहिताय च नमो निपङ्क्तिणे चैषुधिमते च नमस्तीक्ष्णेषवे चायुधिने च नमः स्वायुधाय च सुधन्वने च नमः स्नुत्याय च पथ्याय च नमः काट्याय च नीप्याय च नमः सूद्याय च सरस्याय च नमो नाद्याय च वैशन्ताय च (१५)

नमः कूप्याय चावट्याय च नमो वर्ष्याय चावर्ष्याय च नमो मेघ्याय च विद्युत्याय च नमः ईध्रियाय चातप्याय च नमो वात्याय च रेष्मियाय च नमो वास्तव्याय च वास्तुपाय च॥ (१६)

वैशन्ताय च त्रिंशच्च॥ \_\_\_\_\_ [७]

नमः सोमाय च रुद्राय च नमस्ताम्राय चारुणाय च नमः शङ्गाय च पशुपतये च नमः उग्राय च भीमाय च नमो अग्रेवधाय च दरेवधाय च नमो हृन्ने च हर्नीयसे च नमो वृक्षेभ्यो हरिकेशेभ्यो नमस्ताराय नमः शम्भवे च मयोभवे च नमः शङ्कराय च मयस्कराय च नमः शिवाय च शिवतराय

च (१७)

नमस्तीर्थाय च कूल्याय च नमः पार्याय चावार्याय च नमः प्रतरणाय चोत्तरणाय च नमः  
आतार्याय चालाद्याय च नमः शण्याय च फेन्याय च नमः सिकत्याय च प्रवाद्याय च॥ (१८)

शिवतराय च त्रिंशच्च॥ [८]

नमः इरिण्याय च प्रपथ्याय च नमः किंशिलाय च क्षयणाय च नमः कपर्दिने च पुलस्तये च  
नमो गोघ्नाय च गृह्याय च नमस्तल्प्याय च गेह्याय च नमः काट्याय च गह्वरेष्ठाय च नमो हृदय्याय  
च निवेण्याय च नमः पांसव्याय च रजस्याय च नमः शुष्क्याय च हरित्याय च नमो लोप्याय  
चोलप्याय च (१९)

नमः ऊर्व्याय च सूर्याय च नमः पुण्याय च पर्णशद्याय च नमोऽपगुरमाणाय चाभिघ्नते च  
नमः आक्खदते च प्रक्खदते च नमो वः किरिकेभ्यो देवानां हृदयेभ्यो नमो विक्षीणकेभ्यो नमो  
विचिन्वत्केभ्यो नमः आनिरुहतेभ्यो नमः आमीवत्केभ्यः॥ (२०)

उल्प्याय च त्रयस्त्रिंशच्च॥ [९]

द्रापे अन्धसस्पते दरिद्रनीललोहिता एषां पुरुषाणामेषाम्पशूनां मा भेमारो मो एषां किं चानाममत।  
या तै रुद्र शिवा तनुः शिवा विश्वाहभेषजी। शिवा रुद्रस्य भेषजी तयां नो मृड जीवसे। इमां रुद्राय  
तवसे कपर्दिने क्षयद्वीराय प्र भंगमहे मतिम्। यथा नः शमसद्विपदे चतुष्पदे विश्वम्पुष्टम्नामे अस्मिन् (२१)

अनांतुरम्। मृडा नो रुद्रोत नो मयस्कृधि क्षयद्वीराय नमसा विधेम ते। यच्छं च योश्च मनुरायजे  
पिता तदश्याम् तवं रुद्र प्रणीतो। मा नो महान्तमुत मा नो अर्भकं मा न उक्षन्तमुत मा न उक्षितम्।  
मा नो वधीः पितरम्भोत मातरम्प्रिया मा नस्तनुवः (२२)

रुद्र रीरिषः। मा नस्तोके तनये मा न आयुषि मा नो गोषु मा नो अश्वेषु रीरिषः। वीरान्मा  
नो रुद्र भामितो वधीरहविष्मन्तो नमसा विधेम ते। आरातै गोघ्न उत पूरुषप्रे क्षयद्वीराय सुभ्रमस्मे तै  
अस्तु। रक्षां च नो अधि च देव ब्रूहधां च नः शर्म यच्छ द्विवर्हाः। स्तुहि (२३)

श्रुतं गर्तसदं युवानम्मृगं न भीममुपहृत्तमुग्रम्। मृडा जंरित्रे रुद्र स्तवानो अन्यं तै अस्मन्नि वपन्तु  
सेनाः। परि णो रुद्रस्य हेतिर्वृणक्तु परि त्वेषस्य दुर्मतिरंघायोः। अव स्थिरा मघवंश्चस्तनुष्व मीढ्वस्तोकाय  
तनयाय मृडया। मीढ्वष्टम् शिवतम शिवो नः सुमनां भवा परमे वृक्ष आयुधं निधाय कृत्तिं वसान् आ  
चर पिनाकम् (२४)

विभ्रदा गंहि। विकिरिद विलोहित नमस्ते अस्तु भगवः। यास्तै सहस्रं हेतयोऽन्यमस्मन्नि वपन्तु  
ताः। सहस्राणि सहस्रधा बाहुवोस्तवं हेतयः। तासामीशानो भगवः पराचीना मुखा कृधि॥ (२५)

अस्मिं स्तनुवः स्तुहि पिनाकमेकान्नत्रिंशच्च॥ [१०]



सहस्राणि सहस्रशो ये रुद्रा अधि भूम्याम्। तेषां सहस्रयोजनेऽव धन्वानि तन्मसि। अस्मिन्महर्त्यर्णवै-  
ऽन्तरिक्षे भवा अधि। नीलग्रीवाः शितिकण्ठाः शर्वा अधः क्षमाचराः। नीलग्रीवाः शितिकण्ठा दिवः रुद्रा  
उपश्रिताः। ये वृक्षेषु सस्पर्शरा नीलग्रीवा विलोहिताः। ये भूतानामधिपतयो विशिखासः कपर्दिनः। ये  
अन्नैषु विविध्यन्ति पात्रेषु पिबन्तो जनान्। ये पथाम्यथिरक्षय ऐलवृदा युव्युधः। ये तीर्थानि (२६)

प्रचरन्ति सूकावन्तो निषङ्गिणः। य एतावन्तश्च भूयांसश्च दिशो रुद्रा वितस्थिरे। तेषां सहस्रयोजनेऽव  
धन्वानि तन्मसि। नमो रुद्रेभ्यो ये पृथिव्यां यैऽन्तरिक्षे ये दिवि येषामन्नं वातो वर्षमिषंवस्तेभ्यो दश  
प्राचीर्दश दक्षिणा दश प्रतीचीर्दशोर्दोर्दोर्दशोर्ध्वास्तेभ्यो नमस्ते नो मृडयन्तु ते यं द्विष्मो यश्च नो द्वेष्टि तं  
वो जम्भे दधामि (२७)

तीर्थानि यश्च पद्वं॥ [११]

[अश्मन् य इमोर्देनमाशुः प्राचीं जीमूतस्य यदक्रन्दो मा नो मित्रो ये वाजिनं नवं (९)  
अश्मन्मनोयुजं प्राचीमनु शर्म यच्छतु तेषामभिर्गूतिः पद्वत्वारिंशत्। अश्मन् हविष्मान्॥]

## ॥षष्ठमः प्रश्नः॥

॥तैत्तिरीयसंहितायां चतुर्थकाण्डे षष्ठमः प्रश्नः॥

अश्मनृजं पर्वते शिश्रियाणां वातं पर्जन्ये वरुणस्य शुष्मै। अद्भ्य ओषधीभ्यो वनस्पतिभ्योऽधि  
सम्भृतां तां न इषमूर्जं धत्त मरुतः सःरराणाः। अश्मंस्ते क्षुदमुं ते शुगृच्छतु यं द्विष्मः। समुद्रस्यं  
त्वाऽवाक्याग्ने परि व्ययामसि। पावको अस्मभ्यं शिवो भव। हिमस्यं त्वा जरायुणाग्ने परि व्ययामसि।  
पावको अस्मभ्यं शिवो भव। उप (१)

जमनृप वेतसेऽवन्तरं नदीष्व। अग्ने पितृमृपामसि। मण्डूकि ताभिरा गंहि सेमं नो यज्ञम्। पावकवर्णं  
शिवं कृधि। पावक आ चितयन्त्या कृपा। क्षामन्नुच उपसो न भानुना। त्वन्न यामन्नेतंशस्य नू रण  
आ यो घृणे। न तंतृपाणो अजरः। अग्ने पावक रोचिषा मन्त्रयां देव जिह्वया। आ देवान् (२)

वृक्षि यक्षि च। स नः पावक दीदिवोऽग्ने देवा इहा बंह। उप यज्ञं हविश्च नः। अपामिदं  
न्ययनं समुद्रस्य निवेशनम्। अन्यं तं अस्मत्तपन्तु हेतयः पावको अस्मभ्यं शिवो भव। नमस्ते हरंसे  
शोचिषे नमस्ते अस्वर्विषे। अन्यं तं अस्मत्तपन्तु हेतयः पावको अस्मभ्यं शिवो भव। नृपदे वद (३)

अप्सुपदे वड्वंसदे वड्वरहिपदे वटश्चुर्विदे वद। ये देवा देवानां यज्ञियां यज्ञिांनां संवत्सरीणमुप  
भागमासते। अहुतादौ हविषो यज्ञे अस्मिन्स्वयं जुहुध्वम्पुनो घृतस्य। ये देवा देवेष्वधि देवत्वमायुन  
ये ब्रह्मणः पुरएतारो अस्या येभ्यो नते पर्वते धाम किं चन न ते दिवो न पृथिव्या अधि स्रुषु।  
प्राणदाः (४)

अपा॒न॒दा व्या॒न॒दाश्च॑क्षुर्दा व॑र्चो॒दा व॑रिवो॒दाः। अ॒न्यं ते॒ अ॒स्मत्त॑पन्तु हे॒तयः॑ पाव॒को अ॒स्मभ्य॑श्च॑ शि॒वो भ॑व। अ॒ग्नि॒स्ति॒ग्मेन॑ शोचिषा॒ यश्च॑द्वि॒श्वं न्य॑त्रिण॒मम्। अ॒ग्निर्नो॑ व॒सते॑ र॒यिम्। सैना॒नी॒केन॑ सु॒वि॒द्रो अ॒स्मे यथा॑ दे॒वाश्च॑ आ॒र्य॒जिष्ठः॑ स्व॒स्ति। अ॒द॒व्यो गो॒पा उ॒त नः॑ प॒र॒स्या अ॒ग्ने द्यु॒म॒दुत॑ रे॒वदि॑दीहि॥ (५)

उप॑ दे॒वान् व॒द्रा॒ण॒दाश्च॑तु॒श्चत्वारि॑श्च॒॥ [१]

य इ॒मा वि॒श्वा भु॑व॒नानि॑ जु॒ह्वद॑पि॒रहो॑ता॒ निष॑सा॒दा पि॒ता नः॑। स आ॒शिषा॑ द्रवि॒णमि॑च्छ॒मानः॑ प॒रम॑च्छ॒दो व॒र आ वि॑वेश। वि॒श्वक॑र्मा म॒नसा॑ यद्विहा॒या धा॒ता वि॑धा॒ता प॑र॒मोत॑ स॒न्द॒क। तेषा॑मि॒ष्टानि॑ स॒मिषा॑ म॒दन्ति॑ यत्र॑ स॒त्त॒र॒पी॒न्य॒र एक॑माहुः। यो नः॑ पि॒ता ज॑नि॒ता यो वि॑धा॒ता यो नः॑ स॒तो अ॒भ्या स॒ज्ज॑जान। (६)

यो दे॒वाना॑ नाम्धा॒ एकं॑ ए॒व तश्च॑ सं॒म॒श्रज॑म्भु॒वना॑ यन्त्य॒न्या। त आ॒र्य॒जन्त॑ द्रवि॒णश्च॑ सं॒म॒स्मा ऋष॑यः पूर्वं ज॒रि॒ता॒रो न भू॑ना। अ॒सूर्ता॑ सू॒र्ता र॒जसो॑ वि॒माने॑ ये भू॒तानि॑ स॒मकृ॑ण्वन्नि॒मानि॑। न तं वि॑दाथ॒ य इदं॑ ज॒जाना॑न्यद्यु॒ष्माक॑मन्त॒रम्भ॑वाति। नो॒हारे॑ण प्रावृ॒ता ज॒ल्य्या चा॒सुतृ॑पं उ॒क्थ॑शासंश्चरन्ति। प॒रो दि॒वा प॒र ए॒ना (७)

पृथि॒व्या प॒रो दे॒वेभिर॑सृ॒रि॒र्गुहा॑ यत्। कश्चि॒द्व॒द्र॒मं प्र॑थ॒मं द॑ध्ना॒ आपो॑ यत्र॑ दे॒वाः स॒मग॑च्छन्त॒ विश्वे॑। तमि॒द्र॒मं प्र॑थ॒मं द॑ध्ना॒ आपो॑ यत्र॑ दे॒वाः स॒मग॑च्छन्त॒ विश्वे॑। अ॒जस्य॑ ना॒भाव॑ध्येक॒मपि॑तं यस्मि॒न्नि॒दं वि॒श्वम्भु॑व॒नमधि॑ श्रितम्। वि॒श्वक॑र्मा ह्यज॒निष्ट॑ दे॒व आदि॑द्र॒न्यवो॑ अ॒भव॑द्वि॒तीयः॑। तृ॒तीयः॑ पि॒ता ज॑नि॒तोप॑धीनाम् (८)

अ॒पां ग॒र्भं व्य॑दधा॒त्पुरु॑त्रा। चक्षु॑षः पि॒ता म॒नसा॑ हि धी॒रो घृ॒तमे॑न॒ अज॑न॒न्न॒त्रमा॑ने। य॒दे॒दन्ता॑ अ॒द॒द॒ह॒हन्त॑ पूर्वं आदि॒द्यावा॑पृथि॒वी अ॒प्रथे॑ताम्। वि॒श्वत॑श्चक्षु॒रुत॑ वि॒श्वतो॑मुखो वि॒श्वतो॑हस्त॒ उत॑ वि॒श्वत॑स्पात्। सं बा॒हुभ्या॑ नम॒ति स॒म्पत॑त्रैर्द्या॒वापृथि॑वी ज॒नय॑ दे॒व एकः॑। किञ्चि॒द्वि॒दासी॑दधि॒ष्ठान॑मा॒रम्भे॑न॒ कत॑मथि॒वत्कि॑मासीत्। यदी॒ भूमि॑ं ज॒नय॑न् (९)

वि॒श्वक॑र्मा वि॒द्यामौषा॑न्महि॒ना वि॒श्वच॑क्षाः। किञ्चि॒द्वि॒द्व॒नं क॒ उ स॒ वृक्ष॑ आसी॒द्यतो॑ द्या॒वापृथि॑वी नि॒ष्टतु॑क्षः। म॒नी॒षिणो॑ म॒नसा॑ पृ॒च्छते॒दु तद्य॑द्यति॒ष्टद्भु॑व॒नानि॑ धा॒रय॑न्। या ते॒ धामा॑नि॒ प॒रमा॑णि॒ याव॑मा॒ या म॑ध्य॒मा वि॒श्वक॑र्म॒न्नुते॑मा। शि॒क्षा स॒खिभ्यो॑ ह॒विषि॑ स्वधा॒वः स्व॒यं य॑ज॒स्व त॒नुवं जु॑षा॒णः। वा॒चस्प॑तिं वि॒श्वक॑र्माण॒मृत॑ये (१०)

म॒नो॒युजं॑ वा॒जे अ॒द्या हु॑वे॒मा स नो॑ नेदि॒ष्टा ह॑व॒नानि॑ जोषते वि॒श्वश॑म्भू॒रवंसे॑ सा॒धुक॑र्मा। वि॒श्वक॑र्मन् ह॒विषा॑ वा॒वृधा॑नः स्व॒यं य॑ज॒स्व त॒नुवं जु॑षा॒णः। मु॒ह॒न्त॒व॒न्ये अ॒भितः॑ स॒पत्ना॑ इ॒हास्मा॑क॒म्मघ॑वा॒ सूरि॑र॒स्तु। वि॒श्वक॑र्मन् ह॒विषा॑ व॒र्धने॑न॒ त्राता॑मि॒न्द्रम॑कृ॒णो॒रव॑ध्यम्। तस्मै॑ वि॒शः स॒मन॑मन्त॒ पूर्वी॑र्यमु॒ग्रो वि॒ह्व्यो यथा॑सत्। स॒मु॒द्राय॑ व॒युना॑य॒ सिन्धू॑ना॒म्पत॑ये॒ नमः॑। नदी॒नाश्च॑ सर्वा॒साम्पि॑त्रे जु॒हुता॑ वि॒श्वक॑र्म॒णे वि॒श्वाह॑म॒र्त्यश्च॑ ह॒विः॥ (११)

ज॒जानै॒नौष॑धीना॒ भूमि॑ं ज॒नय॑न्तृ॒तये॑ नमो॒ नव॑ च॒॥ [२]

उ॒दे॒नमु॑त्तरा॒ न्या॒ग्ने घृ॑तेनाहु॒ता रा॒य॒स्योषे॑ण॒ सश्च॑ सृ॒ज प्र॑जया॒ च ध॑ने॒न च॑ इ॒न्द्रे॒मम्र॑तरा॒ कृ॒धि

सजातानामसद्वृशी। समेनं वर्चसा सृज देवेभ्यो भागधा अंसत्। यस्यं कुर्मो हविर्गृहे तमग्ने वर्धया त्वम्। तस्मै देवा अधि ब्रवन्नयं च ब्रह्मणस्पतिः। उदुं त्वा विश्वे देवाः (१२)

अग्ने भरन्तु चित्तिभिः। स नो भव शिवतमः सुप्रतीको विभावसुः। पञ्च दिशो दैवीर्यज्ञमवन्तु देवीरपामतिं दुर्मतिम्बार्धमानाः। रायस्पोषे यज्ञपतिमाभजन्तीः। रायस्पोषे अधि यज्ञो अस्थाध्वमिद्धे अग्रावधि मामहानः। उक्थपन्न ईड्यो गृभीतस्ततं धर्मं परिगृह्यायजन्त। ऊर्जा यद्यज्ञमशमन्त देवा दैव्याय धृत्रे जोष्ट्रै देवश्रीः श्रीमणाः शतपयाः (१३)

परिगृह्य देवा यज्ञमायत्र। सूर्यरश्मिरहरिकेशः पुरस्ताध्वविता ज्योतिरुदया५ अजंस्त्रम्। तस्यं पूषा प्रंसवं याति देवः सम्पश्यन्विश्वा भुवनानि गोपाः। देवा देवेभ्यो अध्वर्यन्तो अस्थुर्वीत५ शमित्रे शमिता यजथ्यै। तुरीयो यज्ञो यत्र हव्यमेति ततः पावका अशिषो नो जुषन्ताम्। विमानं एष दिवो मध्यं आस्त आपप्रिवात्रोदसी अन्तरिक्षम्। स विश्वार्चरभि (१४)

चष्टे घृताचीरन्तरा पूर्वमपरं च केतुम्। उक्षा संमुद्रो अरुणः संपुर्णः पूर्वस्य योनिम्पितुरा विवेश। मध्ये दिवो निर्हितः पृश्निरश्मा वि चक्रमे रजसः पात्यन्तौ। इन्द्र विश्वा अवीवृधन्समुद्रव्यचसं गिरं। रथीतम५ रथीनां वाजानां५ सत्यंतिम्पतिम्। समूहूर्यज्ञो देवा५ आ च वक्षद्यक्षदग्निर्देवो देवा५ आ च वक्षत्। वाजस्य मा प्रसवेनोद्ग्राभेणोदग्रभीत्। अथा सपत्न्या५ इन्द्रो मे निग्राभेणार्धरा५ अकः। उद्ग्राभं च निग्राभं च ब्रह्म देवा अवीवृधत्। अथा सपत्नानिन्द्राग्नी मे विषूचीनान्वस्यताम्॥ (१५)

देवाः शतपया अभि वाजस्य षड्विंशतिश्च॥ [३]

आशुः शिशानो वृषभो न युध्मो घनाघनः क्षोभणश्चरषणीनाम्। सङ्क्रन्दनोऽनिमिष एकवीरः शत५ सेनां अजयध्माकमिन्द्रः। संक्रन्दनेनानिमिषेण जिष्णुना युत्कारेण दुश्चवनेन धृष्णुना। तदिन्द्रेण जयत तथ्सहध्वं युधो नर इपुहस्तेन वृष्णा। स इपुहस्तेः स निपङ्क्तिर्भिवंशो स५ संष्टा स युध इन्द्रो गुणेन५ स५ सृष्टजिह्वोमपा बाहुशर्ध्वध्वन्वा प्रतिहिताभिरस्ता। बृहस्पते परि दीय (१६)

रथेन रक्षोहामित्रा५ अपबार्धमानः। प्रभञ्जन्सेनाः प्रमृणो युधा जयन्त्रस्माकमेध्वविता रथानाम्। गोत्रभिर्दे गोविदं वज्रबाहुं जयन्तमज्मं प्रमृणन्मोजंसा। इम५ संजाता अनु वीरयध्वमिन्द्र५ सखायोऽनु स५ रभध्वम्। बलविज्ञायः स्थविरः प्रवीरः सहस्वान् वाजी सहमान उग्रः। अभिर्वीरो अभिसत्वा सहोजा जैत्रमिन्द्र रथमा तिष्ठ गोवित्। अभि गोत्राणि सहसा गाहमानोऽदायः (१७)

वीरः शतमन्युरिन्द्रः। दुश्चव्नः पृतनापाडयुधोऽस्माक५ सेनां अवतु प्र युध्मु। इन्द्र आसां नेता बृहस्पतिर्दक्षिणा यज्ञः पुर एतु सोमः। देवसेनानामभिभञ्जतीनां जयन्तीनाममूर्तो यन्त्वग्रै। इन्द्रस्य वृष्णो वरुणस्य राज्ञ आदित्यानाममूर्ता५ शर्ध उग्रम्। महामनसाम्भुवनच्यवानां घोषो देवानां जयतामुदस्थात्। अस्माकमिन्द्रः समृतेषु ध्वजेष्वस्माकं या इषवस्ता जयन्तु। (१८)

अस्माकं वीरा उत्तरे भवन्त्वस्मानु देवा अवता हवेषु। उद्धरषय मघवन्नायुधान्युधसत्वंनामामकानाम्हा५सि। उद्ध्वहन्वाजिनां वाजिनान्युद्धवानां जयतामेतु घोषः। उप प्रेत जयता नरः स्थिरा वः सन्तु बाहवः। इन्द्रो

वः शर्म यच्छत्वनाधृष्या यथासंथा अवसृष्टा परा पतु शरंव्ये ब्रह्मसंशिता। गच्छामित्रान् (१९)

विशु मैपां कं चनोच्छिषः। मर्माणि ते वर्मभिश्छादयामि सोमस्त्वा राजामूर्तेनाभि वंस्ताम्। उरोर्वरीयो वरिवस्ते अस्तु जयन्तं त्वामनु मदन्तु देवाः। यत्र बाणाः सम्पतन्ति कुमार विशिखा इवा इन्द्रो नस्तत्र वृत्रहा विश्वाहा शर्म यच्छतु॥ (२०)

दीया दायो जयन्त्वमित्रान् चत्वारिंशच्च॥ [४]

प्राचीमनु प्रदिशम्रेहि विद्वानग्नेरग्ने पुरो अग्निर्भवह। विश्वा आशा दीद्यानो वि भाह्यर्ज नो धेहि द्विपदे चतुष्पदे। क्रमध्वमग्निना नाकमुख्यं हस्तैषु विभ्रतः। दिवः पृष्ठं सुवर्गत्वा मिश्रा देवेभिराद्धम्। पृथिव्या अहमुदन्तरिक्षमारुहमुन्तरिक्षादिवमारुहम्। दिवो नाकस्य पृष्ठाभ्युवर्ज्योत्तरिगाम् (२१)

अहम्। सुवर्यन्तो नापैक्षन्त आ द्यां रोहन्ति रोदसी। यज्ञं ये विश्वतोधारं सुविद्वांसो वितेनिरे। अग्ने प्रेहि प्रथमो दैवयतां चक्षुर्देवानामुत मर्त्यानाम्। इयंक्षमाणा भृगुभिः सजोषाः सुवर्यन्तु यजमानाः स्वस्ति। नक्तोपासा समनसा विरूपे धापयंते शिशुमेकं समीची। द्यावा क्षामा रुक्मो अन्तर्विभाति देवा अग्निं धारयन्द्रविणोदाः। अग्ने सहस्राक्ष (२२)

शतमूर्धच्छतं तै प्राणाः सहस्रमपानाः। त्वं साहस्रस्य राय ईशिपे तस्मै ते विधेम वाजाय स्वाहा। सुपर्णांसि गुरुत्मान्पृथिव्यां सीद पृष्ठे पृथिव्याः सीद भासान्तरिक्षमा पृण ज्योतिषा दिवमुत्तभान् तेजसा दिश उदृह। आजुह्वानः सुप्रतीकः पुरस्तादग्ने स्वां योनिमा सीद साध्या। अस्मिन्मध्यस्थे अद्युत्तरस्मिन्विश्वे देवाः (२३)

यजमानश्च सीदत। प्रेद्धो अग्ने दीदिहि पुरो नोऽजंस्त्रया सूर्या यविष्ठ। त्वां शशन्त उपं यन्ति वाजाः। विधेम ते परमे जन्मन्नग्ने विधेम स्तोमैरवरे मध्यस्थै। यस्माद्योनैरुदारिथा यज्ञे तम्प्र त्वे हवींषि जुहुरे समिद्धे। तां संवितुर्वरेण्यस्य चित्रामाहं वृणे सुमतिं विश्वजंन्याम्। यामस्य कण्वो अदुहृत्पर्षीनां सहस्रधाराम् (२४)

पर्यसा महीं गाम्। सप्त तै अग्ने समिधः सप्त जिह्वाः सप्तरषयः सप्त धामं प्रियाणि। सप्त होत्राः सप्तधा त्वां यजन्ति सप्त योनीरा पृणस्वा धृतेन। ईदङ्गान्यादङ्गैतादङ्गं प्रतिदङ्गं मितश्च सम्मितश्च सभराः। शुक्रज्योतिश्च चित्रज्योतिश्च सत्यज्योतिश्च ज्योतिष्माश्च सत्यश्चर्तपाश्चात्यंहाः। (२५)

ऋतजिच्च सत्यजिच्च सेनजिच्च सुषेणश्चान्त्यमित्रश्च दूरेअमित्रश्च गुणः। ऋतश्च सत्यश्च ध्रुवश्च ध्रुणश्च धर्ता च विधर्ता च विधारयः। ईदक्षांस एतादक्षांस ऊ पु णः सदक्षांसः प्रतिसदक्षांस एतन। मितासंश्च सम्मितासंश्च न ऊतये सभरसो मरुतो यज्ञे अस्मिन्निन्द्रं देवीर्विशो मरुतोऽनुवर्त्मानो यथेन्द्रं देवीर्विशो मरुतोऽनुवर्त्मान एवमिमं यजमानं देवींश्च विशो मानुषीशानुवर्त्मानो भवन्तु॥ (२६)

अगां सहस्राक्ष देवाः सहस्रधारामत्यंहा अनुवर्त्मानः षोडश च॥ [५]

जीमूतस्येव भवति प्रतीकं यद्वर्मी याति समदामुपस्थै। अनाविद्धया तनुवां जय त्वं स त्वा

वर्मणो महिमा पिपर्तु। धन्वंना गा धन्वंनाजिं जयेम धन्वंना तीव्राः समदो जयेम। धनुः शत्रोरपकामं कृणोति धन्वंना सर्वाः प्रदिशो जयेम। वक्ष्यन्तीवेदा गनीगन्ति कर्णम्रियः सखायं परिषस्वजाना। योषेव शिङ्गे वितताधि धन्वन् (२७)

ज्या इयः समने पारयन्ती। ते आचरन्ती समनेव योषां मातेवं पुत्रम्बिभूतामुपस्थै। अप शत्र नविध्यताः संविदाने आर्बो इमे विष्फुरन्तीं अमित्रान्। बह्वीनाम्पिता बहुरस्य पुत्रश्चिक्षा कृणोति समनावगत्या। इपुधिः सङ्काः पृतनाश्च सर्वाः पृष्ठे निनद्धो जयति प्रसूतः। रथे तिष्ठन्नयति वजिनः पुरो यत्रयत्र कामयते सुपारथिः। अभीशूनाम्महिमानम् (२८)

पुनायत मनः पश्चादनु यच्छन्ति रश्मयः। तीव्रान्योषान्कृण्वते वृषपाणयोऽश्वा रथेभिः सह वाजयन्तः। अवक्रामन्तः प्रपदैरमित्रान्क्षिणन्ति शत्रून्रनपव्ययन्तः। रथवाहनः हविरस्य नाम यत्रायुधं निहितमस्य वमौ तत्रा रथमुपं शुम्भः संदेम विश्वाहा वयः सुमनस्यमानाः। स्वादुषुसदः पितरौ वयोधाः कृच्छ्रश्रितः शक्तीवन्तो गभीराः। चित्रसैनो इषुबला अमृग्राः सतोर्वीरा उरवो ब्रातसाहाः। ब्राह्मणासः (२९)

पितरः सोम्यांसः शिवे नो द्यावापृथिवी अनेहसा। पूषा नः पातु दुरितादृतावृधो रक्षा मार्किनो अघशंस ईशत। सुपूर्ण वंस्ते मृगो अस्या दन्तो गोभिः सन्नद्धा पतति प्रसूता। यत्रा नरः सं च वि च द्रवन्ति तत्रास्मभ्यमिषवः शर्म यः सत्रा। ऋजीते परि वृद्धि नोऽश्मा भवतु नस्तनूः। सोमो अधि ब्रवीतु नोऽदितिः (३०)

शर्म यच्छतु। आ जङ्घन्ति सान्वेषां जघनाः उप जिघ्रते। अश्वाजनि प्रचेतसोऽश्वात्समथ्यु चोदया। अहिंरिव भोगैः पर्येति बाहुं ज्यायां हेतिं परिबाधमानः। हस्तघ्नो विश्वा वयुनानि विद्वान्युमान्युमांसं परि पातु विश्वतः। वनस्पते वीङ्गङ्गो हि भूया अस्मथ्सखा प्रतरणः सुवीरः। गोभिः सन्नद्धो असि वीडयस्वास्थाता तै जयतु जेत्वानि। दिवः पृथिव्याः परि (३१)

ओज उद्धृत वनस्पतिभ्यः पर्याभृतः सहः। अपामोज्मानं परि गोभिरावृतमिन्द्रस्य वज्रं हविषा रथं यज। इन्द्रस्य वज्रो मरुतामनीकमित्रस्य गर्भो वरुणस्य नाभिः। सेमां नो हव्यदाति जुषाणो देव रथं प्रति हव्या गृभाया। उपं श्वासय पृथिवीमुत द्याम्पुरुत्रा तै मनुतां विष्टितं जगत्। स दुन्दुभे सजूरिन्द्रेण देवैर्दृरात् (३२)

दवीयो अपं सेधु शत्रून्। आ क्रन्दय बलमोजो न आ धा नि ष्ठनिहि दुरिता बाधमानः। अपं प्रोथ दुन्दुभे दुच्छुनाः इत इन्द्रस्य मुष्टिरसि वीडयस्वा। आमूरज प्रत्यावर्तयेमाः कैतुमहुन्दुभिर्वावदीति। समश्वपणश्चरन्ति नो नरोऽस्माकमिन्द्र रथिनो जयन्तु॥ (३३)

धन्वन्महिमानं ब्राह्मणासोऽदितिः पृथिव्याः परि दूरादेकचत्वारिंशच्च॥ [६]

यदक्रन्दः प्रथमं जायमान उद्यन्त्समुद्रादुत वा पुरीषात्। श्येनस्य पक्षा हरिणस्य बाहु उपस्तुत्यम्महिं जातं तै अर्वन्। यमेन दत्तं त्रित एनमायुनिगिन्द्र एणम्रथमो अय्यतिष्ठत्। गन्धर्वो अस्य रश्नामंगृणात्सूरादश्वं वसवो निरतष्ट। असि यमो अस्यादित्यो अर्वन्त्रसि त्रितो गुह्येन व्रतेन। असि सोमेन समया विपृक्तः (३४)

आहुस्ते त्रीणि दिवि बन्धनानि। त्रीणि त आहुर्दिवि बन्धनानि त्रीण्यप्सु त्रीण्यन्तः संमुद्रे। उतेवं मे वरुणश्छन्त्यस्वर्वन् यत्रां त आहुः परंमं जनित्रम्। इमा ते वाजिन्नवमार्जनीनामा शफानाः सन्तितुर्निधानाः। अत्रां ते भद्रा रशना अपश्यमृतस्य या अभिरक्षन्ति गोपाः। आत्मानं ते मनसा रादजानाम्बो दिवा (३५)

पुतयन्तम्पतंगम्। शिरो अपश्यमपथिभिः सुगेभिरेणुभिर्जेहमानम्पतत्रि। अत्रां ते रूपमुत्तममपश्यं जिगीषमाणमिष आ पदे गोः। यदा ते मर्तो अनु भोगमान्डादिद्विसिष्ट ओषधीरजीगः। अनु त्वा रथो अनु मर्यो अर्वन्ननु गावोऽनु भगः कनीनाम्। अनु ब्रातांसुस्त्वं सख्यमीयुरनु देवा ममिरे वीर्यम् (३६)

ते। हिरण्यशृङ्गोऽयो अस्य पादा मनोजवा अवर् इन्द्र आसीत्। देवा इदस्य हविरद्यमायन् यो अर्वन्तम्प्रथमो अध्यातिष्ठत्। ईमान्तांसः सिलिकमध्यमासः सः शूरणासो दिव्यासो अत्याः। हःसा इव श्रेणिशो येतन्ते यदाक्षिपुर्दिव्यमज्ममथाः। तव शरीरम्यतयिष्ण्वर्वन्तव चित्तं वार्त इव भ्रजीमान्। तव शृङ्गाणि विष्टिता पुरुत्रारण्येषु जर्भुराणा चरन्ति। उप (३७)

प्रागाच्छसनं वाज्यर्वा देवद्रीचा मनसा दीधानः। अजः पुरो नीयते नाभिरस्यान् पश्चात्कवयो यन्ति रेभाः। उप प्रागात्परमं यथस्थमर्वाः अच्छा पितरम्मातरं च। अद्या देवां जुष्टतमो हि गुम्या अथा शास्ते दाशुषे वार्याणि॥ (३८)

**विपृक्तो दिवा वीर्यमुपैकान्नचत्वारिंशच्च॥** [७]

मा नो मित्रो वरुणो अर्यमायुरिन्द्र ऋभुक्षा मरुतः परिं ख्यन्। यद्वाजिनो देवजातस्य सप्तैः प्रवक्ष्यामो विदथे वीर्याणि। यन्निर्णिजा रेक्णांसा प्रावृतस्य रातिं गृभीताम्मुखतो नयन्ति। सुप्राङ्जो मेम्यद्विश्वरूप इन्द्रापूष्णोः प्रियमर्प्येति पार्थः। एष च्छागः पुरो अश्वेन वाजिनां पूष्णो भागो नीयते विश्वदैव्यः। अभिप्रियं यत्पुंगोडाशमर्वात् त्वष्टेत् (३९)

एनः सौश्रवसायं जिन्वति। यद्विष्यमृतशो देव्यान् त्रिर्मानुषाः पर्यश्वं नयन्ति। अत्रां पूष्णः प्रथमो भाग एति यज्ञं देवेभ्यः प्रतिवेदयन्नजः। होताध्वर्युरावया अग्निमन्थो ग्रावग्राभ उत शःस्ता सुविप्रः। तेन यज्ञेन स्वं कृतेन स्विष्टेन वक्षणा आ पूणध्वम्। यूपवस्का उत ये यूपवाहाश्चपालं ये अश्वयूपाय तक्षति। ये चार्वते पचनं सम्भरन्त्युतो (४०)

तेषामभिर्गूर्तिर्न इन्वतु। उप प्रागांश्चुसन्मेषाणि मन्म देवानामाशा उप वीतपृष्ठः। अन्वेनं विप्रा ऋषयो मदन्ति देवानां पुष्टे चकृमा सुबन्धुम्। यद्वाजिनो दामं संदानमर्वातो या शीरपण्यां रशना रङ्गुरस्या। यद्वा घास्य प्रभृतमास्थे तृणं सर्वा ता ते अपि देवेष्वस्तु। यदश्वस्य ऋविषः (४१)

मक्षिकाश्च यद्वा स्वरो स्वधितौ रिप्तमस्ति। यद्वस्तयोः शमितुर्यन्नखेषु सर्वा ता ते अपि देवेष्वस्तु। यद्वक्ष्यमुदरस्यापवाति य आमस्यं ऋविषो गन्धो अस्ति। सुकृता तच्छमितारः कृष्णन्तु मेधः श्रुत्पाकं पचन्तु। यत्ते गात्रादग्निना पच्यमानादभि शूलं निहतस्यावधावति। मा तद्व्यामा श्रिप्त्मा तृणेषु देवेभ्यस्तदुशश्चो

रातमंस्तु॥ (४२)

इदुतो ऋविषः श्रिषथ्सत च॥ [८]

ये वाजिनं परिपश्यन्ति पक्वं य ईमाहुः सुरभिर्निरहरेति। ये चार्वतो मा२सभिक्षामुपासत उतो तेषामभिर्गूर्तिर्न इन्वतु। यत्रीक्षंणम्मा२स्यचन्या उखाया या पात्राणि यृष्ण आसेचनानि। ऊष्मण्यापिधानां चरूणामृद्धाः सूनाः परि भूषन्त्यश्वम्। निक्रमणं निषदनं विवर्तनं यच्च पङ्क्तिशमवतः। यच्च पृषौ यच्च घासिम् (४३)

जघास सर्वा ता ते अपि देवेष्वंस्तु। मा त्वाग्निध्वनयिद्धमगन्धिर्मोखा भ्राजन्त्यभि वित्तु जघ्निः। इष्टं वीतमभिर्गूर्तं वर्षद्वृतं तं देवासः प्रति गृणन्त्यश्वम्। यदश्वाय वासं उपस्तृणन्त्यधीवासं या हिरण्यान्यस्मे। संदानमवन्तम्पङ्क्तिशमिया देवेष्व यांमयन्ति। यत्तं सादे महसा शूकृतस्य पार्णिषा वा कशया (४४)

वा तुतोद। सुवेव ता हविषो अध्वरेषु सर्वा ता ते ब्रह्मणा सूदयामि। चतुस्त्रिंशद्वाजिनो देवबन्धोर्वङ्गीरश्वस्य स्वधितिः समेति। अच्छिद्रा गात्रा व्युना कृणोत परुष्परुरनुघुष्या वि शंस्त। एकस्त्वष्टुरश्वस्या विशस्ता द्वा यन्तारा भवतस्तथर्तुः। या ते गात्राणामृतुथा कृणोमि ताता पिण्डानाम्प्र जुहोम्यग्नौ। मा त्वा तपत् (४५)

प्रिय आत्मापियन्तं मा स्वधितिस्तनुव आ तिष्ठिपत्ते। मा ते गृध्रंविशस्तातिहायं छिद्रा गात्राण्यसिना मिथुं कः। न वा उ वेतन्म्रियसे न रिष्यसि देवा२ इदैपि पृथिभिः सुगेभिः। हरी ते युञ्जा पृषती अभूतामुपांस्थाद्वाजी धुरि रासंभस्या। सुगव्यं नो वाजी स्वश्चियमु२सः पुत्रा२ उत विश्वापुष२ रयिम्। अनागास्त्वं नो अदितिः कृणोतु क्षत्रं नो अश्वो वनता२ हविष्मान् (४६)

घासिं कशया तपद्रयिं नव च॥ [९]

## ॥सप्तमः प्रश्नः॥

॥तैत्तिरीयसंहितायां चतुर्थकाण्डे सप्तमः प्रश्नः॥

अग्नाविष्णू सजोषंसेमा वर्धन्तु वां गिरः। द्युन्नेर्वाजेभिर्गातम्। वाजंश्च मे प्रसवश्च मे प्रयतिश्च मे प्रसितिश्च मे धीतिश्च मे क्रतुश्च मे स्वरश्च मे श्लोकश्च मे श्रावश्च मे श्रुतिश्च मे ज्योतिश्च मे सुवश्च मे प्राणश्च मेऽपानः (१)

च मे व्यानश्च मेऽसुश्च मे चित्तं च म आधीतं च मे वाक्च मे मनश्च मे चक्षुश्च मे श्रोत्रं च मे दक्षश्च मे बलं च म ओजश्च मे सहश्च म आर्यश्च मे जरा च म आत्मा च मे तनूश्च मे शर्म

च मे॒ वर्मं च॒ मेऽङ्गानि च॒ मेऽस्थानि च॒ मे॒ परूरुपि च॒ मे॒ शरीराणि च॒ मे॥ (२)

अ॒पा॒न॒स्त॒नू॒श्च॒ मे॒ऽष्टा॒द॒श॒ च॥ \_\_\_\_\_ [१]

ज्यैष्ठ्यं च॒ म॒ आधि॒पत्यं च॒ मे॒ म॒न्यु॒श्च॒ मे॒ भा॒म॒श्च॒ मे॒ऽम॒श्च॒ मे॒ऽम्भ॒श्च॒ मे॒ जे॒मा च॒ मे॒ म॒हि॒मा च॒ मे॒ व॒रि॒मा च॒ मे॒ प्र॒थि॒मा च॒ मे॒ व॒र्ष्मा च॒ मे॒ द्राघु॒या च॒ मे॒ वृ॒द्धं च॒ मे॒ वृ॒द्धि॒श्च॒ मे॒ स॒त्यं च॒ मे॒ श्र॒द्धा च॒ मे॒ जग॑च॒ (३)

मे॒ धनं॑ च॒ मे॒ व॒श॒श्च॒ मे॒ त्वि॒षि॒श्च॒ मे॒ क्री॒डा च॒ मे॒ मो॒द॒श्च॒ मे॒ जा॒तं च॒ मे॒ ज॒नि॒ष्य॒मा॒णं च॒ मे॒ सू॒क्तं च॒ मे॒ सु॒कृ॒तं च॒ मे॒ वि॒त्तं च॒ मे॒ वे॒द्यं च॒ मे॒ भू॒तं च॒ मे॒ भ॒वि॒ष्य॒च्च॒ मे॒ सु॒गं च॒ मे॒ सु॒प॒थं च॒ म॒ ऋ॒द्धं च॒ म॒ ऋ॒द्धि॒श्च॒ मे॒ क्लृ॒तं च॒ मे॒ क्लृ॒ति॒श्च॒ मे॒ म॒ति॒श्च॒ मे॒ सु॒म॒ति॒श्च॒ मे॥ (४)

ज॒ग॒च्चा॒र्द्धि॒श्च॒तु॒र्द॒श॒ च॥ \_\_\_\_\_ [२]

शं च॒ मे॒ म॒य॒श्च॒ मे॒ प्रि॒यं च॒ मे॒ऽनु॒का॒म॒श्च॒ मे॒ का॒म॒श्च॒ मे॒ सो॒म॒न॒स॒श्च॒ मे॒ भ॒द्रं च॒ मे॒ श्रे॒य॒श्च॒ मे॒ व॒स्य॑श्च॒ मे॒ य॒श॑श्च॒ मे॒ भ॒ग॑श्च॒ मे॒ द्रवि॑णं च॒ मे॒ यु॒न्ता च॒ मे॒ ध॒र्ता च॒ मे॒ क्षे॒म॒श्च॒ मे॒ धृ॒ति॒श्च॒ मे॒ वि॒श्वं च॒ (५)

मे॒ मह॑श्च॒ मे॒ स॒वि॒च्च॒ मे॒ ज्ञा॒त्रं च॒ मे॒ सू॒श्च॒ मे॒ प्र॒सू॒श्च॒ मे॒ सी॒रं च॒ मे॒ ल॒य॒श्च॒ म॒ ऋ॒तं च॒ मे॒ऽमृ॒तं च॒ मे॒ऽय॒क्ष्मं च॒ मे॒ऽना॒म॒य॒च्च॒ मे॒ जी॒वा॒तु॒श्च॒ मे॒ दी॒र्घा॒यु॒त्वं च॒ मे॒ऽन॒मि॒त्रं च॒ मे॒ऽभ॒यं च॒ मे॒ सु॒गं च॒ मे॒ श॒य॒नं च॒ मे॒ सू॒षा च॒ मे॒ सु॒दि॒नं च॒ मे॥ (६)

वि॒श्वं च॒ श॒य॒न॒म॒ष्टौ च॥ \_\_\_\_\_ [३]

ऊ॒र्कं मे॒ सू॒न॒तां च॒ मे॒ प॒य॒श्च॒ मे॒ र॒स॒श्च॒ मे॒ घृ॒तं च॒ मे॒ म॒धुं च॒ मे॒ स॒ग्धि॑श्च॒ मे॒ स॒पी॒ति॒श्च॒ मे॒ कृ॒षि॑श्च॒ मे॒ वृ॒ष्टि॑श्च॒ मे॒ जै॒त्रं च॒ म॒ औ॒द्भि॑द्यं च॒ मे॒ र॒यि॑श्च॒ मे॒ रा॒य॒श्च॒ मे॒ पु॒ष्टं च॒ मे॒ पु॒ष्टि॑श्च॒ मे॒ वि॒भु च॒ (७)

मे॒ प्र॒भु च॒ मे॒ ब॒हु च॒ मे॒ भू॒य॒श्च॒ मे॒ पू॒र्णं च॒ मे॒ पू॒र्ण॒त॒रं च॒ मे॒ऽक्षि॑तिश्च॒ मे॒ कू॒य॒वा॒श्च॒ मे॒ऽत्रं॑ च॒ मे॒ऽक्षु॑च्च॒ मे॒ ब्री॒ह॒य॒श्च॒ मे॒ य॒वा॑श्च॒ मे॒ मा॒पा॑श्च॒ मे॒ ति॒ला॑श्च॒ मे॒ मु॒द्गा॑श्च॒ मे॒ ख॒ल्वा॑श्च॒ मे॒ गो॒धू॒मा॑श्च॒ मे॒ म॒सु॒रा॑श्च॒ मे॒ प्रि॒यङ्ग॑वश्च॒ मे॒ऽण॑वश्च॒ मे॒ श्या॒मा॒का॑श्च॒ मे॒ नी॒वा॒रा॑श्च॒ मे॥ (८)

वि॒भु च॒ म॒सु॒रा॒श्च॒तु॒र्द॒श॒ च॥ \_\_\_\_\_ [४]

अ॒श्मां च॒ मे॒ मृ॒त्ति॒का च॒ मे॒ गि॒र॒य॒श्च॒ मे॒ प॒र्व॒ता॒श्च॒ मे॒ सि॒क॒ता॒श्च॒ मे॒ व॒न॒स्प॒त॒य॒श्च॒ मे॒ हि॒र॒ण्यं च॒ मे॒ऽय॒श्च॒ मे॒ सी॒सं च॒ मे॒ त्र॒पु॒श्च॒ मे॒ श्या॒मं च॒ मे॒ लो॒हं च॒ मे॒ऽग्नि॑श्च॒ म॒ आ॒प॒श्च॒ मे॒ वी॒रु॒ध॒श्च॒ म॒ ओ॒ष॒ध॒य॒श्च॒ मे॒ कृ॒ष्ट॒प॒च्यं च॒ (९)

मे॒ऽकृ॒ष्ट॒प॒च्यं च॒ मे॒ ग्रा॒म्या॑श्च॒ मे॒ प॒श॒वं आ॒र॒ण्या॑श्च॒ य॒ज्ञेन॑ क॒ल्प॒न्तां वि॒त्तं च॒ मे॒ वि॒त्ति॑श्च॒ मे॒ भू॒तं



चं मे भूतिश्च मे वसुं च मे वसतिश्च मे कर्म च मे शक्तिश्च मेऽर्थश्च म् एमंश्च म् इतिश्च मे गतिश्च मे॥ (१०)

**कृष्टपच्यश्चाष्टाचत्वारिंशच्च॥** [५]

अग्निश्च म् इन्द्रश्च मे सोमश्च म् इन्द्रश्च मे सविता च म् इन्द्रश्च मे सरस्वती च म् इन्द्रश्च मे पूषा च म् इन्द्रश्च मे बृहस्पतिश्च म् इन्द्रश्च मे मित्रश्च म् इन्द्रश्च मे वरुणश्च म् इन्द्रश्च मे त्वष्टा च (११)

म् इन्द्रश्च मे धाता च म् इन्द्रश्च मे विष्णुश्च म् इन्द्रश्च मेऽश्विनौ च म् इन्द्रश्च मे मरुतश्च म् इन्द्रश्च मे विश्वे च मे देवा इन्द्रश्च मे पृथिवी च म् इन्द्रश्च मेऽन्तरिक्षश्च म् इन्द्रश्च मे द्यौश्च म् इन्द्रश्च मे दिशश्च म् इन्द्रश्च मे मूर्धा च म् इन्द्रश्च मे प्रजापतिश्च म् इन्द्रश्च मे॥ (१२)

**त्वष्टा च द्यौश्च म् एकविंशतिश्च॥** [६]

अंशुश्च मे रश्मिश्च मेऽदाभ्यश्च मेऽधिपतिश्च म उपांशुश्च मेऽन्तर्यामश्च म ऐन्द्रवायवश्च मे मैत्रावरुणश्च म आश्विनश्च मे प्रतिप्रस्थानश्च मे शुक्रश्च मे मन्थी च म आग्रयणश्च मे वैश्वदेवश्च मे ध्रुवश्च मे वैश्वानरश्च म ऋतुग्राहश्च (१३)

मेऽतिग्राह्याश्च म ऐन्द्राग्रश्च मे वैश्वदेवश्च मे मरुत्वतीयाश्च मे माहेन्द्रश्च म आदित्यश्च मे सावित्रश्च मे सारस्वतश्च मे पौष्णश्च मे पात्नीवतश्च मे हारियोजनश्च मे॥ (१४)

**ऋतुग्राहश्च चतुस्त्रिंशच्च॥** [७]

धूमश्च मे बरहिश्च मे वेदिश्च मे धिष्ण्याश्च मे सुचंश्च मे चमसाश्च मे ग्रावाणश्च मे स्वरंश्च म उपरवाश्च मेऽधिषवणे च मे द्रोणकलशश्च मे वायव्यानि च मे पूतभृच्च म आधवनीयंश्च म आग्रींश्च च मे हविर्धानं च मे गृहाश्च मे सदंश्च मे पुरोडाशांश्च मे पचताश्च मेऽवभृथश्च मे स्वगाकारश्च मे॥ (१५)

**गृहाश्च षोडश च॥** [८]

अग्निश्च मे घर्मश्च मेऽर्कश्च मे सूर्यश्च मे प्राणश्च मेऽश्वमेधश्च मे पृथिवी च मेऽदितिश्च मे दितिश्च मे द्यौश्च मे शक्रैरङ्गुलंयो दिशश्च मे यजेनं कल्पन्तामृकं मे सामं च मे स्तोमंश्च मे यजुंश्च मे दीक्षा च मे तपंश्च म ऋतुश्च मे व्रतं च मेऽहोरात्रयौर्वृष्टा बृहद्रथन्तरे च मे यजेनं कल्पेताम्॥ (१६)

**दीक्षाऽष्टादश च॥** [९]

गर्भाश्च मे वृत्साश्च मे त्र्यविश्च मे त्र्यवी च मे दित्यवाद् मे दित्यौही च मे पञ्चाविश्च मे पञ्चवी च मे त्रिवृत्सश्च मे त्रिवृत्सा च मे तुर्यवाद् मे तुर्यौही च मे पष्ठवाच्च मे पष्ठौही च म उक्षा च मे वृशा च म ऋषभश्च (१७)

मे वेहचमेऽनुङ्गां च मे धेनुश्च म आर्ययजेनं कल्पतां प्राणो यजेनं कल्पतामपानो यजेनं कल्पताव्यानो

युजेनं कल्पतां चक्षुर्युजेनं कल्पतां ॥ श्रोत्रं युजेनं कल्पताम्मनो युजेनं कल्पतां वाग्युजेनं कल्पतामात्मा  
युजेनं कल्पतां युजो युजेनं कल्पताम् ॥ (१८)

ऋषभश्च चत्वारिंशच्च ॥ [१०]

एकां च मे तिस्रश्च मे पञ्च च मे सप्त च मे नव च मे एकादश च मे त्रयोदश च मे  
पञ्चदश च मे सप्तदश च मे नवदश च मे एकविंशतिश्च मे त्रयोविंशतिश्च मे पञ्चविंशतिश्च मे  
सप्तविंशतिश्च मे नवविंशतिश्च मे एकत्रिंशच्च मे त्रयस्त्रिंशच्च (१९)

मे चतस्रश्च मेऽष्टौ च मे द्वादश च मे षोडश च मे विंशतिश्च मे चतुर्विंशतिश्च मेऽष्टाविंशतिश्च मे  
द्वात्रिंशच्च मे षट्त्रिंशच्च मे चत्वारिंशच्च मे चतुश्चत्वारिंशच्च मेऽष्टाचत्वारिंशच्च मे वाजंश्च प्रसूवश्चापिजश्च  
क्रतुश्च सुवश्च मूर्धा च व्यश्रियश्चान्त्यायुनश्चान्त्यश्च भौवनश्च भुवनश्चाधिपतिश्च ॥ (२०)

त्रयस्त्रिंशच्च व्यश्रिय एकादश च ॥ [११]

वाजो नः सप्त प्रदिशश्चतस्रो वा परावतः। वाजो नो विश्वेर्देवैर्धनंसाताविहावतु। विश्वे अद्य मरुतो  
विश्वं ऊती विश्वे भवन्त्वग्नयः समिद्धाः। विश्वे नो देवा अवसा गमन्तु विश्वमस्तु द्रविणं वाजो अस्मे।  
वाजस्य प्रसूवं देवा रथैर्याता हिरण्यैः। अग्निरिन्द्रो बृहस्पतिर्मरुतः सोमपीतये। वाजंवाजेऽवत वाजिनो नो  
धनैषु (२१)

विप्रा अमृता ऋतुज्ञाः। अस्य मध्वः पिबत मादयध्वं तृप्ता यात पृथिभिर्देवयानैः। वाजः पुरस्तादुत  
मध्यतो नो वाजो देवाः ऋतुभिः कल्पयाति। वाजस्य हि प्रसूवो नन्नमीति विश्वा आशा वाजपतिर्भवेयम्।  
पर्यः पृथिव्याम्यय ओषधीषु पर्यो दिव्यन्तरिक्षे पर्यो धाम्। पर्यस्वतीः प्रदिशः सन्तु मह्यम्। सम्मां सृजामि  
पर्यसा घृतेन सम्मां सृजाम्युपः (२२)

ओषधीभिः। सौऽहं वाजं सनेयमग्ने। नक्तोपासा समनसा विरूपे धापयंते शिशुमेकं समीची।  
द्यावा क्षामा रुक्मो अन्तर्वि भांति देवा अग्निं धारयन्द्रविणोदाः। समुद्रोऽसि नभस्वानाद्रदांनुः शम्भूर्मयोभूरभि  
मां वाहि स्वाहां मारुतोऽसि मरुतां गणः शम्भूर्मयोभूरभि मां वाहि स्वाहां वस्युरसि दुवंस्वाञ्छुभूर्मयोभूरभि  
मां वाहि स्वाहा ॥ (२३)

धनैष्वपो दुवंस्वाञ्छुभूर्मयोभूरभि मा द्वे च ॥ [१२]

अग्निं युनज्मि शवंसा घृतेन दिव्यं सुपुणं वयंसा बृहन्तम्। तेन वयं पंतेम ब्रध्नस्यं विष्टपं  
सुवो रुहाणा अधि नाकं उत्तमे। इमौ ते पक्षावजरौ पतत्रिणो याभ्यां रक्षांस्यपहंस्त्र्यं। ताभ्यां पंतेम  
सुकृतांमु लोकं यत्रर्षयः प्रथमजा ये पुराणाः। चिदसि समुद्रयोनिरिन्दुर्दक्षः श्येन ऋतावां। हिरण्यपक्षः  
शकुनो भुर्ण्युर्महान्धस्थे ध्रुवः (२४)

आ निषत्तः। नमस्ते अस्तु मा मां हिंसीविश्वस्य मूर्धन्नधि तिष्ठसि श्रितः। समुद्रे ते  
हृदयमन्तरायुर्द्यावापृथिवी भुवनेष्वर्पिते। उद्रो दंतोदधिम्निन्त दिवः पर्जन्यादन्तरिक्षात्पृथिव्यास्ततो नो वृष्ट्यावत।

दिवो मूर्धासिं पृथिव्या नाभिरूर्गुपामोपधेयानाम्। विश्वायुः शर्म सप्रथा नमस्पृथे। येनरूपंयस्तपसा सन्नम् (२५)

आसतेन्याना अग्निं सुवराभरन्तः। तस्मिन्नहं नि दधे नाकं अग्निमेतं यमाहुर्मनवः स्तीर्णबर्हिषम्। तम्पत्नीभिरनु गच्छेम देवाः पुत्रैर्भ्रातृभिस्त वा हिरण्यैः। नाकं गृह्णानाः सुकृतस्यं लोके तृतीयं पृष्ठे अधि रोचने दिवः। आ वाचो मध्यमरुहद्भूरण्युरयमग्निः सत्पतिश्चेकितानः। पृष्ठे पृथिव्या निर्हितो दविद्युतदधस्पदं कृणुते (२६)

ये पृतन्यवः। अयमग्निर्वीरतमो वयोधाः संहस्त्रियो दीप्यतामप्रयुच्छन्। विभ्राजमानः सरिरस्य मध्य उप प्र यात दिव्यानि धामा। सम्प्र च्यवध्वमनु सम्प्र याताग्ने पृथो देवयानान्कृणुध्वम्। अस्मिन्सधस्थे अध्युत्तरस्मिन्विश्वे देवा यजमानश्च सीदत। येना सहस्रं वहंसि येनाग्ने सर्ववेदसम्। तेनेमं यज्ञं नो वह देवयानो यः (२७)

उत्तमः। उद्ध्व्यस्वाग्ने प्रति जागृह्येनमिष्टापूते ससृजेथामयं च। पुनः कृण्वस्त्वा पितरं युवानमन्वातांसीत् त्वयि तन्तुमेतम्। अयं ते योनिरऋत्वियो यतो जातो अरोचथाः। तं जानन्नग्ने आ रोहार्था नो वर्धया रयिम्॥ (२८)

ध्रुवः सत्रं कृणुते यः सप्तत्रिंशच्च॥ [१३]

ममाग्ने वचो विह्वेष्वस्तु वयं त्वेन्यानास्तनुवंमुषेम। मह्यं नमन्तामप्रदिशश्चतस्रस्त्वयाध्यक्षेण पृतना जयेम। मम देवा विह्वे सन्तु सर्व इन्द्रावन्तो मरुतो विष्णुरग्निः। ममान्तरिक्षमुरु गोपमस्तु मह्यं वातः पवतां कामे अस्मिन्। मयि देवा द्रविणमा यजन्ताम्मय्याशीरस्तु मयि देवहूतिः। दैव्या होतांरा वनिषन्त (२९)

पूर्वेऽरिंष्टाः स्याम तनुवां सुवीराः। मह्यं यजन्तु मम यानि हव्याकृतिः सत्या मनसो मे अस्तु। एनो मा नि गा कतमच्चनाहं विश्वे देवासो अधि वोचता मे। देवीः षडुर्वीरु णः कृणोत विश्वे देवास इह वीरयध्वम्। मा हास्महि प्रजया मा तनूभिर्मा रंधाम द्विषते सोम राजन्। अग्निर्मन्युम्रतिनुदन्पुरस्तात् (३०)

अदब्धो गोपाः परि पाहि नस्त्वम्। प्रत्यञ्चो यन्तु निगुतः पुनस्तंऽमेपां चित्तम्प्रबुधा वि नैशत। धाता धातृणाम्भुवनस्य यस्पतिर्देवः संवितारमभितातिपाहम्। इमं यज्ञमश्विनोभा बृहस्पतिर्देवाः पांतु यजमानं न्यर्थात्। उरुव्यचा नो महिषः शर्म यः सत्स्मिन् हवे पुरुहूतः पुरुक्षु। स नः प्रजायै हर्यश्च मृडयेन्द्र मा (३१)

नो रीरिषो मा परा दाः। ये नः सपत्ना अप ते भवन्तिवन्द्राग्निभ्यामव बाधामहे तान्। वसंवो रुद्रा आदित्या उपरिस्पृशाम्मोग्रं चेत्तारमधिराजमंक्रन्। अवाञ्चमिन्द्रममुतो हवामहे यो गोजिद्धंनजिदंश्चजिद्यः। इमं नो यज्ञं विह्वे जुषस्वास्य कुर्मो हरिवो मेदिनं त्वा॥ (३२)

वनिषन्त पुरस्तान्मा त्रिचत्वारिंशच्च॥ [१४]

अग्नेर्मन्वे प्रथमस्य प्रचेतसो यम्पाञ्चजन्यम्बहवः समिन्धतै। विश्वस्यां विशि प्रविशिविवांसमीमहे स नो मुञ्चत्वंहसः। यस्येदं प्राणन्निमिषद्यदेजति यस्य जातं जनमानं च केवलम्। स्तौम्यग्निं नाथितो

जोहवीमि स नो मुञ्चत्व॑हंसः। इन्द्रस्य मन्ये प्रथमस्य प्रचेतसो वृत्रघ्नः स्तोमा उप मामुपागुः। यो दाशुषः सुकृतो हवमुप गन्तां (३३)

स नो मुञ्चत्व॑हंसः। यः संङ्ग्रमं नयति सं वशी युधे यः पुष्टानि स॑सृजति त्रयाणि। स्तोमीन्द्रं नाथितो जोहवीमि स नो मुञ्चत्व॑हंसः। मन्वे वा॑मित्रावरुणा तस्य वित्॑ सत्यौजसा द॑हणा यं नुदेयौ या राजानं॑ स॒रथं याथ उ॑ग्रा ता नो मुञ्चत॑मागंसः। यो वा॑ रथं ऋजुर॑ग्निः सत्यध॑र्मा मिथु॑श्चरन्तमुपयाति दूषय॑न्। स्तौमि (३४)

मित्रावरुणा नाथितो जोहवीमि तौ नो मुञ्चत॑मागंसः। वा॒योः सं॒वितुर्वि॒दथानि म॑न्महे यावा॑त्सन्वद्विभूतो यो च रक्ष॑तः। यौ विश्व॑स्य परि॒भू ब॑भूवतुस्तौ नो मुञ्चत॑मागंसः। उप श्रेष्ठां न आशिषो॑ देवयोर्ध॑र्मं अस्थिर॑न्। स्तौमि वा॒युः सं॒वितारं॑ नाथितो जोहवीमि तौ नो मुञ्चत॑मागंसः। र॒थीत॑मौ रथी॒नाम॑ह ऊ॒तये शुभं॑ गर्मिष्ठौ सुय॑र्मेभि॒रश्वैः। ययोः॑ (३५)

वां देवौ दे॒वेष्वनि॑शितमोजस्तौ नो मुञ्चत॑मागंसः। यदया॑तं बहु॒तः सूर्या॑या॒स्त्रिच॑क्रेण स॒स॑रदमिच्छ॑मानौ। स्तौमि दे॒वाव॑श्नौ नाथितो जोहवीमि तौ नो मुञ्चत॑मागंसः। मरुता॑म्मन्वे अ॒धि नो ब्र॑वन्तु प्रेमां वाचं॑ विश्वा॑मवन्तु विश्वौ। आ॒शून् हु॑वे सुय॑मानूतये ते नो मुञ्च॑न्त्वेनंसः। ति॒ग्ममा॑युधं वी॒डित॑ स॒ह॑स्वद्वि॒व्यः शर्धः॑ (३६)

प॒तना॑सु जिष्णु। स्तौमि दे॒वान्म॑रुतौ नाथितो जोहवीमि ते नो मुञ्च॑न्त्वेनंसः। दे॒वाना॑म्मन्वे अ॒धि नो ब्र॑वन्तु प्रेमां वाचं॑ विश्वा॑मवन्तु विश्वौ। आ॒शून् हु॑वे सुय॑मानूतये ते नो मुञ्च॑न्त्वेनंसः। यदि॑द॒म्माभि॑शोचंति पौरु॑षेयेण दै॒व्येन॑। स्तौमि विश्वा॑ दे॒वाना॑थितो जोहवीमि ते नो मुञ्च॑न्त्वेनंसः। अनु॑ नोऽद्या॑नुमति॒रनु॑ (३७)

इदं॑नुमते त्वं वै॒श्वान॑रो न ऊ॒त्या पृ॑ष्टो दि॒वि। ये अ॒प्र॒थेता॑म॒मि॒तेभि॑रोजो॒भि॒र्ये प्रति॑ष्ठे अभ॑वतां वसू॑नाम्। स्तौमि द्यावा॑पृथि॒वी ना॑थितो जोहवीमि ते नो मुञ्च॑तम॑हंसः। उर्वी॑ रोदसी वरि॑वः कृ॒णोत॑ क्षेत्र॑स्य प॒त्नी अ॒धि नो ब्रू॑यातम्। स्तौमि द्यावा॑पृथि॒वी ना॑थितो जोहवीमि ते नो मुञ्च॑तम॑हंसः। यत्ते॑ व॒यं पुरु॑षत्रा य॒विष्ठा॑वि॒द्वा॒सश्च॑कृ॒मा क॑चन (३८)

आ॒गः। कृ॒धी स्व॑स्मा॑ अदि॑तेरना॒गा व्येना॑सि शि॒श्रथो॑ वि॒ष्वग॑ग्रे। यथा॑ ह॒ तद्व॑सवो गो॒र्यं चि॒त्प॒दि पि॒ताम॑मुञ्चता यजत्राः। ए॒वा त्व॑म॒स्मत्प्र॑ मुञ्चा॒ व्यः॑हः प्रा॒ता॒र्यग्रे॑ प्र॒तरां न॒ आयुः॑ (३९)

गन्तां दूषय॑न्स्तौमि ययोः शर्धो॑ऽनु॒मति॑रनु॒ च॒न च॑तु॒स्त्रि॑शच्च॥ [१५]

अ॒ग्नि॒ष्ट्वा वा॒मश्वो॑ द्विच॑त्वारि॑शच्च॥ [१६]

# ॥ काण्डम् ५ ॥

## ॥ प्रथमः प्रश्नः ॥

॥ तैत्तिरीयसंहितायां पञ्चमकाण्डे प्रथमः प्रश्नः ॥

सावित्राणि जुहोति प्रसूत्यै चतुर्गृहीतेन जुहोति चतुष्पादः पशवंः पशून्नेवाव रुद्धे चतस्रो दिशो दिक्ष्वेव प्रति तिष्ठति छन्दांसि देवेभ्योऽपाक्रामन्त्र वौष्भागानि हव्यं वक्ष्याम इति तेभ्य एतच्चतुर्गृहीतमधारयन् पुरोनुवाक्याये याज्याये देवताये वषट्काराय यच्चतुर्गृहीतं जुहोति छन्दांस्येव तत्प्रीणाति तान्यस्य प्रीतानि देवेभ्यो हव्यं वहन्ति यं कामयेत (१)

पापीयान्स्यादित्येकैकं तस्य जुहुयादाहुतीभिरेवेनमप गृह्णाति पापीयान्भवति यं कामयेत वसीयान्स्यादिति सर्वाणि तस्यानुद्भूतं जुहुयादाहुत्यैवेनमभि क्रमयति वसीयान्भवत्यथो यज्ञस्यैवेषाभिर्क्रान्तिरेति वा एष यज्ञमुखादृष्ट्वा योऽग्नेर्देवताया एत्यष्टावेतानि सावित्राणि भवन्त्यष्टाक्षरा गायत्री गायत्रः (२)

अग्निस्तेनैव यज्ञमुखादृष्ट्वा अग्नेर्देवताये नैत्यष्टौ सावित्राणि भवन्त्याहुतिर्नवमी त्रिवृतमेव यज्ञमुखे वि यातयति यदि कामयेत छन्दांसि यज्ञयशसेनापयेयमित्यृचमन्तमां कुर्याच्छन्दांस्येव यज्ञयशसेनापयति यदि कामयेत यजमानं यज्ञयशसेनापयेयमिति यजुरन्तमं कुर्याद्यजमानमेव यज्ञयशसेनापयत्यृचा स्तोमं समर्धयेति (३)

आहु समृद्धौ चतुर्भिर्भ्रिमा दन्ते चत्वारि छन्दांसि छन्दोभिरेव देवस्य त्वा सवितुः प्रंसव इत्याहु प्रसूत्या अग्निर्देवेभ्यो निलायत स वेणुम्प्राविंशत्स एतामृतिमनु समचरद्यद्वेणोः सुषिरं सुषिराभिर्भवति सयोनित्वाय स यत्रयत्रावसत्तकृष्णमभवत्कल्माषी भवति रूपसमृद्ध्या उभयतः क्षणूभवतीतश्चामुतश्चाकस्यावरुद्धौ व्याममात्री भवत्येतावद्धे पुरुषे वीर्यं वीर्यसम्मिताऽपरिमिता भवत्यपरिमितस्यावरुद्धौ यो वनस्पतीनाम्फलग्रहिः स एषां वीर्यावान्फलग्रहिर्वेणुर्वेणवी भवति वीर्यस्यावरुद्धौ ॥ (४)

कामयेत गायत्रौऽर्धयेति च सप्तविंशतिश्च ॥ [१]

व्यृद्धं वा एतद्यज्ञस्य यदयजुष्केण क्रियत इमामगृणत्रशनामृतस्येत्यंश्वाभिधानीमा दन्ते यजुष्कृत्ये यज्ञस्य समृद्धौ प्रतृतं वाजिन्ना द्रवेत्यंश्मभि दधाति रूपमेवास्येतन्महिमानं व्याचष्टे युञ्जाथा रसेभं युवमिति गर्दभमसत्येव गर्दभं प्रति स्थापयति तस्मादश्वाद्गर्दभोऽसत्तरो योगेयोगो त्वस्तर्मित्याह (५)

योगेयोग एवेन युद्धे वाजेवाजे हवामहु इत्याहान्रं वै वाजोऽन्नमेवाव रुद्धे सखाय इन्द्रमृत्यु इत्याहेन्द्रियमेवाव रुद्धेऽग्निर्देवेभ्यो निलायत तं प्रजापतिरन्विन्दत्प्राजापत्योऽश्वोऽश्वेन सम्भरत्यनुवित्त्यै पापवस्यसं वा एतत्क्रियते यच्छ्रेयसा च पापीयसा च समानं कर्म कुर्वन्ति पापीयान् (६)

ह्यश्वाद्गर्दभोऽश्वम्पूर्वं नयन्ति पापवस्यसस्य व्यावृत्त्यै तस्माच्छ्रेयासम्पापीयान्श्चादन्वैति बहुर्वै भवंतो

भ्रातृव्यो भवतीव खलु वा एष योऽग्निं चिनुते वज्रश्वः प्रतुर्वन्नेह्यवक्रामत्रशांस्तीरित्याहु वज्रैणैव पाप्मानम्भ्रातृव्यमव  
क्रामति रुद्रस्य गाणपत्यादित्याह रौद्रा वै पशवो रुद्रादेव (७)

पशुन्निर्याच्यात्मने कर्म कुरुते पूष्णा सयुजां सुहेत्याह पूषा वा अश्वनाः सन्नेता समंष्ट्रे पुरीपायतनो वा  
एष यदग्निरङ्गिरसो वा एतमग्रे देवतांनाः समंभरन्मृथिद्याः सधस्यादग्निम्पुरीष्यमङ्गिरस्वदच्छेहीत्याहु सायतनमेवैनं  
देवताभिः सम्भरन्त्यग्निम्पुरीष्यमङ्गिरस्वदच्छेम् इत्याह येन (८)

संगच्छते वाजमेवास्यं वृद्धे प्रजापतये प्रतिप्रोच्याग्निः सम्भृत्य इत्याहुरियं वै प्रजापतिस्तस्या एतच्छ्रोत्रं  
यद्वल्मीकोऽग्निम्पुरीष्यमङ्गिरस्वद्वरिष्याम् इति वल्मीकवपामुपं तिष्ठते साक्षादेव प्रजापतये प्रतिप्रोच्याग्निः  
सम्भरन्त्यग्निम्पुरीष्यमङ्गिरस्वद्वराम् इत्याह येन संगच्छते वाजमेवास्यं वृद्धेऽन्वग्निरूपसामग्रम् (९)

अख्यदित्याहानुरख्यात्या आगत्यं वाज्यध्वन आक्रम्यं वाजिमृथिविमित्याहेच्छत्येवैनम्पूर्वया विन्दत्युत्तरया  
द्वाभ्यामा क्रमयति प्रतिष्ठित्या अनुरूपाभ्यान्तस्मादनुरूपाः पशवः प्र जायन्ते द्यौस्तं पृष्ठं पृथिवी सधस्थमित्याहेभ्यो  
वा एतं लोकेभ्यः प्रजापतिः समैरयद्रूपमेवास्येतन्महिमानं व्याचष्टे वज्री वा एष यदश्वो दद्विरन्यतोदद्यो  
भूयाल्लोमंभिरभयादद्यो यं द्विष्यात्तमधस्पदं ध्यायेद्वज्रैणैवेनं स्तुणुते॥10॥

आहु पापीयान्रुद्रादेव येनाग्रं वज्री वै सप्तदश च॥ [२]

उत्क्रामोदक्रमीदिति द्वाभ्यामुत्क्रमयति प्रतिष्ठित्या अनुरूपाभ्यान्तस्मादनुरूपाः पशवः प्र जायन्तेऽप  
उपं सृजति यत्र वा आपं उपगच्छन्ति तदोषधयः प्रति तिष्ठन्त्योषधीः प्रतितिष्ठन्तीः पशवोऽनु प्रति  
तिष्ठन्ति पशून् यज्ञो यज्ञं यजमानो यजमानं प्रजास्तस्मादप उपं सृजति प्रतिष्ठित्यै यदध्वर्युरनग्नावाहुतिं  
जुहुयादन्धोऽध्वर्युः (११)

स्याद्रक्षांसि यज्ञं हन्युरहिरण्यमुपास्यं जुहोत्यग्निवत्येव जुहोति नान्योऽध्वर्युर्भवति न यज्ञं रक्षांसि  
प्रन्ति जिघर्म्यग्निमनंसा घृतेनेत्याहु मनंसा हि पुरुषो यज्ञमभिगच्छति प्रतिक्ष्यन्तम्भुवनानि विश्वेत्याहु सर्वं  
ह्येष प्रत्यङ्केति पृथुं तिरश्चा वयंसा बृहन्तमित्याहाल्पो ह्येष जातो महान् (१२)

भवति व्यचिष्टमन्नं रभसं विदानमित्याहान्रमेवासमै स्वदयति सर्वमस्मै स्वदते य एवं वेदा त्वां  
जिघर्मि वचंसा घृतेनेत्याहु तस्माद्यत्पुरुषो मनंसाभिगच्छति तद्वाचा वंदत्यरक्षसेत्याहु रक्षसामपंहत्यै मर्यश्रीः  
स्पृहयद्वर्णो अग्निरित्याहापंचितिमेवासिन्दधात्यपंचितिमान्भवति य एवं (१३)

वेद मनंसा त्वै तामातुमर्हति यामध्वर्युरनग्नावाहुतिं जुहोति मनस्वतीभ्यां जुहोत्याहुत्योरास्ये  
द्वाभ्यां प्रतिष्ठित्यै यज्ञमुखेयंज्ञमुखे वै क्रियमाणे यज्ञं रक्षांसि जिघांसन्त्येतरहि खलु वा एतदंज्ञमुखं  
यरहेनदाहुतिरश्नुते परि लिखति रक्षसामपंहत्यै तिसृभिः परि लिखति त्रिवृद्धा अग्निर्वाग्नेवाग्निस्तस्माद्रक्षाः स्यप  
हन्ति (१४)

गायत्रिया परि लिखति तेजो वै गायत्री तेजसैवेनं परि गृह्णाति त्रिष्टुभा परि लिखतीन्द्रियं वै  
त्रिष्टुगिन्द्रियेणैवेनम् परि गृह्णात्यनुष्टुभा परि लिखत्यनुष्टुप्सर्वाणि छन्दांसि परिभूः पर्यास्ये मध्यतोऽनुष्टुभा  
वाग्वा अनुष्टुप्साम्नामध्यतो वाचा वंदामो गायत्रिया प्रथमया परि लिखत्यथानुष्टुभाथं त्रिष्टुभा तेजो वै गायत्री

यज्ञोऽनुष्टुगिन्द्रियं त्रिष्टुतेजसा चैवेन्द्रियेण चोभयतो यज्ञं परि गृह्णाति॥ (१५)

अन्धोऽध्वर्युर्महान्भवति त्रिष्टुभा तेजो वै गायत्री त्रयोदश च॥ [३]

देवस्य त्वा सवितुः प्रसव इति खनति प्रसूत्या अथो धूममेवेतेन जनयति ज्योतिष्मन्तं त्वाग्ने सुप्रतीकमित्याह ज्योतिरैवेतेन जनयति सौऽग्निर्जातः प्रजाः शुचार्पयन्तं देवा अर्धर्चैनाशमयञ्छिवं प्रजाभ्योऽहिंसन्तमित्याह प्रजाभ्यं एवैनं शमयति द्वाभ्यां खनति प्रतिष्ठित्या अपां पृष्ठमसीति पुष्करपर्णमा (१६)

हरत्यपां वा एतत्पृष्ठं यत्पुष्करपर्णं रूपेणैवैनदा हरति पुष्करपर्णेन सम्भरति योनिर्वा अग्नेः पुष्करपर्णं सयोनमेवाग्निं सम्भरति कृष्णाजिनेन सम्भरति यज्ञो वै कृष्णाजिनं यज्ञेनैव यज्ञं सम्भरति यद्दाम्याणां पशूनां चर्मणा सम्भरेद्दाम्यान्पशूञ्छुचार्पयेत्कृष्णाजिनेन सम्भरत्यारण्यानेव पशून् (१७)

शुचार्पयति तस्मात्समावत्पशूनां प्रजायमानानामारण्याः पशवः कर्नीयाः सः शुचा ह्यृता लोमतः सम्भरत्यतो ह्यस्य मेध्यं कृष्णाजिनं च पुष्करपर्णं च सः स्तृणातीयं वै कृष्णाजिनमसौ पुष्करपर्णमाभ्यामेवैनमुभयतः परि गृह्णात्यग्निर्देवेभ्यो निलायत तमथर्वान्वपश्यदथर्वा त्वा प्रथमो निरमन्थदश्र इति (१८)

आह य एवैनमुन्वपश्यतेनैवैनं सम्भरति त्वामग्ने पुष्करादधीत्याह पुष्करपर्णे ह्येनमुपश्रितमर्विन्दत्तमु त्वा दध्यङ्कृषिरित्याह दध्यङ्का आथर्वणस्तेजस्व्यासीतेज एवास्मिन्दधाति तमु त्वा पाथ्यो वृषेत्याह पूर्वमेवोदितमुत्तरेणाभि गृणाति (१९)

चतसृभिः सम्भरति चत्वारि छन्दांसि छन्दाभिरेव गायत्रीभिर्ब्राह्मणस्य गायत्रो हि ब्राह्मणस्त्रिष्टुभ्यो राजन्यस्य त्रैष्टुभ्यो हि राजन्यो यं कामयेत् वसीयान्स्थ्यादित्युभयीभित्तस्य सम्भरेतेजश्चैवास्मां इन्द्रियं च समीचीं दधात्यष्टाभिः सम्भरत्यष्टाक्षरा गायत्री गायत्रौऽग्निर्यावानेवाग्निस्तं सम्भरति सीदं होतरित्याह देवता एवास्मै सः सादयति नि होतति मनुष्यान्सः सीदस्वेति वयांसि जनिष्वा हि जेन्यो अग्ने अह्नामित्याह देवमनुष्यानेवास्मै सः सन्त्राम्य जनयति॥ (२०)

एव पशूनिर्ति गृणाति होतरिति सप्तविंशतिश्च॥ [४]

कूरमिव वा अस्या एतत्करोति यत्खनत्यप उपं सृजत्यापो वै शान्ताः शान्ताभिरेवास्यै शुचं शमयति सं तं वायुर्मातरिश्वा दधात्वित्याह प्राणो वै वायुः प्राणेनैवास्यै प्राणं सं दधाति सं तं वायुरित्याह तस्माद्वायुप्रच्युता दिवो वृष्टिरोते तस्मै च देवि वषडस्तु (२१)

तुभ्यमित्याह पङ्का ऋतवं ऋतुष्वेव वृष्टिं दधाति तस्मात्सर्वानृतून् वरषति यद्वषट्कुर्याद्रक्षांसि यज्ञं हन्युर्वडित्याह पुरोक्षमेव वषट्करोति नास्यं यातयामा वषट्कारो भवति न यज्ञं रक्षांसि घ्नन्ति सुजातो ज्योतिषा सहेत्यनुष्टुभ्योप नह्यत्यनुष्टुप् (२२)

सर्वाणि छन्दांसि छन्दांसि खलु वा अग्नेः प्रिया तनूः प्रिययैवेनं तनुवा परि दधाति वेदुको वासो

भवति य एवं वेदं वारुणो वा अग्निरुपनद्ध उदं तिष्ठ स्वध्वरोर्ध्व ऊ पु णं ऊतय इति सावित्रीभ्यामुत्तिष्ठति सवितृप्रसूत एवास्योर्ध्वा वरुणमेनिमुध्मुजति द्वाभ्यां प्रतिष्ठित्यै स जातो गर्भो असि (२३)

रोदस्योरित्याहुमे वै रोदसी तयोरेष गर्भो यदग्निस्तस्मादेवमाहाग्ने चारुर्विभृत ओषधीष्वित्याह यदा ह्येतं विभरन्त्यथ चारुतरो भवति प्र मातृभ्यो अधि कर्निक्रदद्वा इत्याहोषधयो वा अस्य मातरस्ताभ्यं एवेनम्प च्यावयति स्थिरो भव वीड्वङ्ग इति गर्दभ आ सांदयति (२४)

सं नह्यत्येवैनमेतयां स्थग्ने गर्दभेन सम्भरति तस्माद्गर्दभः पशूनाम्भारभारितमो गर्दभेन सम्भरति तस्माद्गर्दभोऽप्यनालेशेत्यन्यान्पशून्मैद्यत्यन्नं ह्येनेनार्कं सम्भरन्ति गर्दभेन सम्भरति तस्माद्गर्दभो द्विरेताः सन्कनिष्ठम्पशूनाम्प जायतेऽग्निह्यस्य योनिं निर्दहति प्रजासु वा एष एतर्ह्यारूढः (२५)

स ईश्वरः प्रजाः शुचा प्रदहः शिवो भव प्रजाभ्य इत्याह प्रजाभ्यं एवेनं शमयति मानुषीभ्यस्त्वमङ्गिर इत्याह मानव्यो हि प्रजा मा द्यावापृथिवी अभि शूशुचो मान्तरिक्षं मा वनस्पतीनित्याहुभ्य एवेनं लोकेभ्यः शमयति प्रेतुं वाजी कर्निक्रदित्याह वाजी ह्येष नानदद्रासंभः पत्वेति (२६)

आहु रासंभ इति ह्येतमुपयोऽवदन्भरन्नग्निमुंरीष्यमित्याहाग्निं ह्येष भरति मा पाद्यायुषः पुरेत्याहायुरेवासिन्दधाति तस्माद्गर्दभः सर्वमायुरेति तस्माद्गर्दभे पुरायुषः प्रमीते बिभ्यति वृषाग्निं वृषणम्भरन्त्रित्याह वृषा ह्येष वृषाग्निरपां गर्भम् (२७)

समुद्रियमित्याहापां ह्येष गर्भो यदग्निरग्न आ याहि वीतय इति वा इमौ लोकौ व्यैतामग्न आ याहि वीतय इति यदाहानयौर्लोकयोर्वीत्यै प्रच्युतो वा एष आयतनादगतः प्रतिष्ठां स एतर्ह्यध्वयं च यजमानं च ध्यायत्यृतं सत्यमित्याहयं वा ऋतमसौ (२८)

सत्यमनयोरैवेनं प्रतिष्ठापयति नार्तिमाच्छत्यध्वयुर्न यजमानो वरुणो वा एष यजमानम्भयैति यदग्निरुपनद्ध ओषधयः प्रति गृह्णीताग्निमेतमित्याह शान्त्यै व्यस्यन्विश्वा अमतीररांतीरित्याह रक्षसामपहत्यै निषीदन्त्रो अपं दुर्मतिं हनदित्याह प्रतिष्ठित्या ओषधयः प्रति मोदध्वम् (२९)

अस्त्वनुष्टुबसि सादयत्यारूढः पत्वेति गर्भमसौ मोदध्वं द्विचत्वारिंशच्च॥

[५]

एनमित्याहोषधयो वा अग्नेर्भागधेयं ताभिरेवैनं समर्धयति पुष्पावतीः सुपिप्पला इत्याह तस्मादोषधयः फलं गृह्णन्त्ययं वो गर्भं ऋत्वियः प्रलं सधस्थमासंददित्याह याभ्यं एवेनम्प्रच्यावयति तास्वेवैनं प्रतिष्ठापयति द्वाभ्यामुपावहरति प्रतिष्ठित्यै ( ० )॥

[६]

वारुणो वा अग्निरुपनद्धो वि पाजसेति वि स्रंसयति सवितृप्रसूत एवास्य विपूषीं वरुणमेनि



वि सृजत्युप उपं सृजत्यापो वै शान्ताः शान्ताभिरेवास्य शुचं शमयति तिसृभिरुपं सृजति त्रिवृद्वा अग्निर्यावानेवाग्निस्तस्य शुचं शमयति मित्रः ससृज्यं पृथिवीमित्याह मित्रो वै शिवो देवानान्तेनैव (३१)

एनसृजति शान्त्यै यद्वाभ्याणाम्पात्राणां कपालैः ससृजेद्वाभ्याणि पात्राणि शुचाप्येदमकपालैः ससृजत्येतानि वा अनुपजीवनीयानि तान्येव शुचाप्ययति शर्कराभिः ससृजति धृत्या अथो शंत्वायांजलोमैः ससृजत्येषा वा अग्नेः प्रिया तनूर्यदजा प्रिययैवेन तनुवा ससृजत्यथो तेजसा कृष्णाजिनस्य लोमभिः सम (३२)

सृजति यज्ञो वै कृष्णाजिनं यज्ञेनैव यज्ञसं ससृजति रुद्राः सम्भृत्यं पृथिवीमित्याहेता वा एतं देवता अग्ने समभरं ताभिरेवेनसं समभरति मुखस्य शिरोऽसीत्याह यज्ञो वै मुखस्तस्येतच्छिरो यदुखा तस्मादेवमाह यज्ञस्य पदे स्थ इत्याह यज्ञस्य हंतै (३३)

पदे अथो प्रतिष्ठित्यै प्रान्याभिर्यच्छत्यन्वयैर्मन्त्रयते मिथुनत्वाय त्र्युद्धिं करोति त्रयं इमे लोका एषां लोकानामास्यै छन्दोभिः करोति वीर्यं वै छन्दांसि वीर्येणैवेनां करोति यजुषा बिलं करोति व्यावृत्त्या इयंती करोति प्रजापतिना यज्ञमुखेन सम्मितां द्विस्तनां करोति द्यावापृथिव्योर्दोहाय चतुः स्तनां करोति पशूनां दोहायाष्टास्तनां करोति छन्दसां दोहाय नवाश्रिमभिचरतः कुर्यात्त्रिवृतमेव वज्रं सम्भृत्य भ्रातृव्याय प्र हरति स्तुत्यै कृत्वाय सा महीमुखामिति नि दधाति देवतांस्वेवेनां प्रतिं षापयति॥ (३४)

तेनैव लोमभिः समेते अभिचरत एकविंशतिश्च॥ [७]

सप्तभिर्धूपयति सप्त वै शीरषण्याः प्राणाः शिरं एतद्यज्ञस्य यदुखा शीरषण्णैव यज्ञस्य प्राणान्दधाति तस्मात्सप्त शीरषण्णाम्नाणा अंशश्चकेन धूपयति प्राजापत्यो वा अश्वः सयोनित्वायादितिस्त्वेत्याहुयं वा अदितिरदित्यैवादित्यां खनत्यस्या अक्रूरङ्काराय न हि स्वः स्वः हिनस्ति देवानां त्वा पत्नीरित्याह देवानाम् (३५)

वा एताम्यत्नयोऽग्रेऽकुर्वन्ताभिरेवेनां दधाति धिषणास्त्वेत्याह विद्या वै धिषणां विद्याभिरेवेनामभीन्दे ग्रास्त्वेत्याह छन्दांसि वै ग्राश्छन्दोभिरेवेनां श्रपयति वरूत्रयस्त्वेत्याह होत्रा वै वरूत्रयो होत्राभिरेवेनां पचति जनयस्त्वेत्याह देवानां वै पत्नीः (३६)

जनयस्ताभिरेवेनां पचति पङ्क्तिः पंचति पङ्क्ता ऋतवं ऋतुभिरेवेनां पचति द्विः पचन्वित्याह तस्माद्विः संवत्सरस्य सस्यमप्यच्यते वारुण्युखाभीद्धां मैत्रियोपैति शान्त्यै देवस्त्वां सवितोर्द्वपत्त्वित्याह सवितुर्प्रसूत एवेनां ब्रह्मणा देवताभिरुर्द्वपत्यपंचमाना पृथिव्याशा दिश आ पृण (३७)

इत्याह तस्मादग्निः सर्वा दिशोऽनु वि भात्युत्तिष्ठ बृहती भवोर्ध्वा तिष्ठ ध्रुवा त्वमित्याह प्रतिष्ठित्या असुर्यम्पात्रमनाच्छृण्णमा च्छृणन्ति देवत्राकरंजक्षीरेणा च्छृणन्ति परमं वा एतत्पयो यदंजक्षीरं परमेणैवेनाम्ययसा च्छृणन्ति यजुषा व्यावृत्त्यै छन्दोभिरा च्छृणन्ति छन्दोभिर्वा एषा क्रियते छन्दोभिरेव छन्दास्युसा च्छृणन्ति॥ (३८)

आह देवानां वै पत्नीः पृणेषा षट्॥ [८]

एकविंशत्या मासैः पुरुषशीर्षमच्छैत्यमेध्या वै माषां अमेध्यम्पुरुषशीर्षममेधैरेवास्यामेध्यं निरवदाय मेध्यं कृत्वा हरत्येकविंशतिर्भवत्येकविंशो वै पुरुषः पुरुषस्यास्यै व्यृद्धं वा एतत्प्राणैरमेध्यं यत्पुरुषशीर्षं संस्रधा वितृष्णां वल्मीकवृषां प्रति नि दधाति सप्त वै शीर्षण्याः प्राणाः प्राणैरेवन्धस्मर्धयति मेध्यत्वाय यावन्तः (३९)

वै मृत्युबन्धवस्तेषां यम आधिपत्यं परीयाय यमगाथाभिः परि गायति यमादेवैनद्वङ्के तिसृभिः परि गायति त्रयं इमे लोका एभ्य एवैनल्लोकभ्यां वृङ्के तस्माद्गायते न देयङ्गाथा हि तद्वृङ्केऽग्निभ्यः पशूना लभते कामा वा अग्नयः कामानेवाव रुन्दे यत्पशून्नालभेतानवरुद्धा अस्य (४०)

पशवः स्युर्यत्पर्यग्निकृतानुध्मृजेद्यज्ञवेशंसं कुर्याद्यध्मसंस्थापर्येद्यातयामानि शीर्षाणि स्युर्यत्पशूनालभते तेनैव पशूनव रुन्दे यत्पर्यग्निकृतानुध्मृजति शीर्षामयातयामत्वाय प्राजापत्येन सः स्थापयति यज्ञो वै प्रजापतिर्यज्ञ एव यज्ञं प्रति षापयति प्रजापतिः प्रजा असृजत् स रिश्चानोऽमन्यत् स एता आप्रीरपश्यत्ताभिर्वै स मुखतः (४१)

आत्मानमाप्रीणीत यदेता आप्रियो भवन्ति यज्ञो वै प्रजापतिर्यज्ञमेवेताभिर्मुखत आ प्रीणात्यपरिमितछन्दसो भवन्त्यपरिमितः प्रजापतिः प्रजापतेरास्या ऊनातिरिक्ता मिथुनाः प्रजात्यै लोमशं वै नामैतच्छन्दः प्रजापतेः पशवो लोमशाः पशूनेवाव रुन्दे सर्वाणि वा एता रूपाणि सर्वाणि रूपाण्यग्नौ चित्यै क्रियन्ते तस्मादेता अग्नेश्चित्यस्य (४२)

भवन्त्येकविंशतिः सामिधेनीरन्वाहु रुग्वा एकविंशो रुचमेव गच्छत्यथो प्रतिष्ठामेव प्रतिष्ठा ह्येकविंशश्चतुर्विंशतिमन्वाहु चतुर्विंशतिरधमासाः संवध्सुरः संवध्सुरोऽग्निर्वैश्वानरः साक्षादेव वैश्वानरमव रुन्दे पराचीरन्वाहु पराडिव हि सुवर्गो लोकः समीस्त्वान्न ऋतवो वर्धयन्त्वित्याहु समीभिरेवाग्निं वर्धयति (४३)

ऋतुभिः संवध्सुरं विश्वा आ भाहि प्रदिशः पृथिव्या इत्याहु तस्मादग्निः सर्वा दिशोऽनु वि भाति प्रत्यौहतामग्निना मृत्युमस्मादित्याहु मृत्युमेवास्मादप नृदत्युद्वयं तमसस्परित्याहु पाप्मा वै तमः पाप्मानमेवास्मादप हन्त्यगन्म ज्योतिरुत्तममित्याहुसौ वा आदित्यो ज्योतिरुत्तममादित्यस्यैव सायुज्यं गच्छति न संवध्सुरस्तिष्ठति नास्य श्रीस्तिष्ठति यस्येताः क्रियन्ते ज्योतिष्मतीमुत्तममन्वाहु ज्योतिरेवास्मा उपरिष्ठाद्वाति सुवर्गस्य लोकस्यानुग्यात्यै॥ (४४)

यावन्तोऽस्य मुखतश्चित्यस्य वर्धयत्यादित्योऽष्टाविंशतिश्च॥

[९]

षड्विदीक्षयति षड्वा ऋतवं ऋतुभिरेवैनं दीक्षयति सप्तभिर्दीक्षयति सप्त छन्दांसि छन्दोभिरेवैनं दीक्षयति विश्वे देवस्य नेतुरित्यनुष्टुभोत्तमया जुहोति वाग्वा अनुष्टुप्तस्मात्प्राणानां वागुत्तमेकस्मादक्षरादनांसमप्रथमम्युदम् तस्माद्यद्वाचोऽनांसं तन्मनुष्या उप जीवन्ति पूर्णया जुहोति पूर्ण इव हि प्रजापतिः (४५)

प्रजापतेरास्यै न्यूनया जुहोति न्यूनाद्धि प्रजापतिः प्रजा असृजत् प्रजानां सुष्टै यद्विषिं प्रवृष्ट्याद्भूतमव रुन्धीत् यदङ्गारेषु भविष्यदङ्गारेषु प्र वृणक्ति भविष्यदेवाव रुन्दे भविष्यद्धि भूयो भूताद्वाभ्याम्प्र वृणक्ति द्विपाद्यजमानः प्रतिष्ठित्यै ब्रह्मणा वा एषा यजुषा सम्भृता यदुखा सा यद्विद्येतातिमाच्छत् (४६)

यजमानो ह॒न्येता॑स्य य॒ज्ञो मि॒त्रेता॑मुखां॒ तपे॒त्याह॑ ब्रह्म॒ वै मि॒त्रो ब्रह्म॑न्ने॒वेनां॑ प्रति॒ ष्ठाप॑यति॒ नार्ति॑माच्छति॒  
यज॑मानो नास्य॒ य॒ज्ञो ह॒न्यते॑ यदि॒ भिद्ये॑त॒ तैरे॒व क॒पालैः स॑ सृ॒जे॒ध्मैव॑ ततः॒ प्राय॑श्चित्तिर्यो॒ ग॒तश्रीः॑  
स्यान्म॑थित्वा तस्याव॒ दध्या॑द्भूतो वा ए॒ष स॒ स्वां (४७)

दे॒वता॑मुपैति॒ यो भू॒ति॒कामः॑ स्याद्य॒ उ॒खायै॑ सम्भ॒व॒त्स ए॒व तस्य॑ स्यादतो॒ ह्येष॑ सम्भ॒व॒त्येष॑ वै  
स्व॒य॒म्भू॒नाम् भ॒व॒त्ये॒व यं का॑मये॒त भ्रा॒तृ॒व्य॒मस्मै॑ जनये॒यमि॒त्यन्य॑तस्तस्या॒ह॒त्याव॑ दध्या॒ध्मा॒क्षादे॒वास्मै॑ भ्रा॒तृ॒व्यं  
जन॑यत्य॒म्बरी॒पाद॑न्न॒काम॑स्याव॒ दध्या॑द॒म्बरी॒पे वा अ॒न्न॒म्भि॒रय॑ते॒ संयो॑ये॒वान्नम् (४८)

अ॒व॒ रु॒द्धे मु॒ञ्जान॑व॒ दधा॒त्यू॒गै॒ मु॒ञ्जा ऊ॒र्जमे॒वास्मा॑ अपि॒ दधा॒त्यग्नि॑दे॒वेभ्यो॑ नि॒लाय॑त॒ स क्रु॑मु॒कम्प्रा॑विशत॒  
क्रु॒मु॒कम॑व॒ दधा॑ति॒ यदे॒वास्य॑ तत्र॒ न्य॒क्तं॑ तदे॒वाव॑ रु॒द्ध आ॒ज्ये॒न सं यौ॑त्येतद्वा अ॒ग्नेः प्रि॒यं धाम॑ यदाज्यं॒  
प्रि॒येणै॒वेन॑ धाम्ना॒ सम॑र्ध॒य॒त्यथो॑ तेज॑सा (४९)

वैक॑कती॒मा द॑धाति॒ भा ए॒वाव॑ रु॒द्धे शमी॑मयी॒मा द॑धाति॒ शान्त्यै॑ सीद॒ त्वं मा॒तु॒रस्या॑ उ॒पस्थ॑ इति॒  
ति॒सृभि॑र्जातमु॒प तिष्ठ॑ते॒ त्रयं॑ इ॒मे लो॒का ए॒ष्वे॒व लो॒केष्वा॒विद॑ गच्छ॒त्यथो॑ प्रा॒णाने॒वात्म॑न्यन्ते॥ (५०)

प्र॒जाप॑तिर॒ऋच्छे॒ध्स्वामे॒वान्नं॑ तेज॑सा॒ चतु॑स्त्रि॒ंशच्च॑॥ [१०]

न हं स्म॒ वै पु॒रा॒ग्निर॑प॒रशु॒वृ॒क्णां द॑हति॒ तद॑स्मै प्र॒योग ए॒व र॑षि॒रस्व॑द॒यद्यद॑ग्ने॒ यानि॑ कानि॒ चेति॑  
स॒मिध॑मा॒ दधा॑त्य॒प॒रशु॒वृ॒क्णांमे॒वास्मै॑ स्व॒दय॑ति॒ सर्व॑म॒स्मै स्व॑दते॒ य ए॒वं वे॒दौदु॑म्बरी॒मा द॑धा॒त्यू॒गवा॑ उ॒दु॒म्ब॒र  
ऊ॒र्जमे॒वास्मा॑ अपि॒ दधा॑ति॒ प्र॒जाप॑तिर॒ग्निम॑सृ॒जत॑ त॒ सृष्ट॑ स॒ रक्षा॑सि (५१)

अ॒जिघा॑स॒न्त्यस॑ ए॒तद्ब्रा॑क्षो॒घ्नम॑प॒श्यत्ते॒न वै स॒ रक्षा॑स्य॒पाहत॑ यद्ब्रा॑क्षो॒घ्नम॑व॒त्यग्ने॒रेव॑ तेन॒ जाता॑ब्रा॒क्षस्य॑प॒  
ह॒न्त्याश्व॑त्थी॒मा द॑धा॒त्यश्व॑त्थो॒ वै वन॑स्पती॒ना स॑प॒त्नसा॒हो वि॒जित्यै॑ वैक॑ङ्कती॒मा द॑धाति॒ भा ए॒वाव॑ रु॒द्धे  
शमी॑मयी॒मा द॑धाति॒ शान्त्यै॑ स॒ शित॑म्मे॒ ब्रह्मो॑दे॒षाम्बा॒हू अ॑ति॒रमि॒त्युत्त॑मे औदु॑म्बरी (५२)

वा॒च॒यति॑ ब्रह्म॒णैव॑ क्षत्र॒ स इ॒यंति॑ क्ष॒त्रेण॑ ब्रह्म॒ तस्मा॑द्ब्रा॒ह्मणो॑ रा॒ज॒न्यंवा॒न॒त्यन्य॑म॒ब्रा॒ह्मणं॑ तस्मा॑द्वा॒ज॒न्यो  
ब्रा॒ह्मण॑वा॒न॒त्यन्य॑ स॒ रा॒ज॒न्यंमृ॒त्युर्वा ए॒ष यद॑ग्निर॒मृत॑ स॒ हिर॑ण्य॒ रु॒क्म॒मन्तरं॑ प्रति॒ मुञ्च॑तेऽमृत॑मे॒व मृ॒त्यो॒रन्त॑र्धत्त॒  
एक॑वि॒ंशति॑निर्बा॒धो भ॒वत्ये॒कवि॑ंशति॒र्वै दे॒वलो॒का द्वा॑द॒श मा॒साः पञ्च॑र्त॒वस्त्रयं॑ इ॒मे लो॒का अ॒सावा॑दित्यः (५३)

ए॒क॒वि॒ंश ए॒ताव॑न्तो॒ वै दे॒वलो॒कास्ते॒भ्य ए॒व भ्रा॒तृ॒व्यम॑न्तरं॑ति॒ निर्बा॑धै॒र्वै दे॒वा अ॑सृ॒गान्निर्बा॑धै॒-  
ऽकु॒र्वत॑ तन्निर्बा॑धानां॒ निर्बा॑ध॒त्तन्निर्बा॑धो॒ भव॑ति॒ भ्रा॒तृ॒व्याने॒व निर्बा॑धे॒ कुरु॑ते॒ सावि॑त्रिया॒ प्रति॑ मु॒ञ्चते॑ प्र॒सूत्यै॑  
न॒क्तोपा॑सेत्यु॒त्तर॑याहो॒रा॒त्राभ्या॑मे॒वेन॑मु॒द्यच्छ॑ते॒ दे॒वा अ॒ग्निं धा॑रय॒न्द्रवि॑णो॒दा इ॒त्याह॑ प्रा॒णा वै दे॒वा द्र॑वि॒णोदा॑  
अ॒हो॒रा॒त्राभ्या॑मे॒वेन॑मु॒द्यत्यं॑ (५४)

प्रा॒णैर्दा॑धारासी॒नः प्रति॑ मु॒ञ्चते॑ तस्मा॒दासी॑नाः प्र॒जाः प्र जा॑यन्ते॒ कृष्णा॑जि॒नमु॑त्त॒रन्ते॒जो वै हिर॑ण्यं  
ब्रह्म॑ कृष्णा॑जि॒नन्ते॒जसा॑ चै॒वेन॑ ब्रह्म॑णो चो॒भय॑तः॒ परि॑ गृह्णा॒ति प॑डु॒द्याम॑ स॒ शि॒क॒म्भ॒वति॑ षड्वा॒ ऋ॒त॒वै  
ऋ॒तुभि॑रे॒वेन॑मु॒द्यच्छ॑ते॒ यद्वा॑दशो॒द्याम॑ सं॒व॒ध्म॒सुरे॒णैव॑ मौ॒ञ्ज॒म्व॒त्यू॒गै॒ मु॒ञ्जा ऊ॒र्जे॒वेन॑ स॒म॑र्धयति॒ सु॒पर्णा॑ऽसि

गुरुत्वानित्यवैक्षते रूपमेवास्यैतन्महिमानं व्याचष्टे दिवं गच्छ सुवः पतेत्याह सुवर्गमेवैनं लोकं गमयति॥ (५)

रक्षाऽस्यौदुम्बरी आदित्य उद्यत्य सञ्चतुर्विंशतिश्च॥ [११]

समिद्धो अञ्जन्दरम्मतीनां घृतमग्ने मधुमत्पिन्वमानः। वाजी वहन्वाजिनं जातवेदो देवानां वक्षि प्रियमा सुधस्थम्। घृतेनाञ्जन्मस्यथो देवयानान्प्रजानन्वाज्ययेतु देवान्। अर्नु त्वा ससे प्रदिशः सचन्ताऽस्वधामस्मे यजमानाय धेहि। ईड्यश्वासि वन्द्यश्च वाजिन्नाशुश्वासि मेध्यश्च ससे। अग्निष्ट्वा (५६)

देवैरसुभिः सजोषाः प्रीतं वह्निं वहतु जातवेदाः। स्तीर्णम्बर्हिः सुष्टरीमा जुषाणोरु पृथु प्रथमानं पृथिव्याम्। देवेभिर्युक्तमदितिः सजोषाः स्योनं कृण्वाना सुविते दधातु। एता उ वः सुभगा विश्वरूपा वि पक्षाभिः श्रयमाणा उदातैः। ऋष्याः सतीः कवषः शुभमाना द्वारो देवीः सुप्रायणा भवन्तु। अन्तरा मित्रावरुणा चरन्ती मुखं यज्ञानामभि संविदाने। उपासां वाम् (५७)

सुहिरण्ये सुशिल्पे ऋतस्य योनाविह सादयामि। प्रथमा वाः सरथिनां सुवर्णां देवो पश्यन्तो भुवनानि विश्वा। अपिप्रयं चोदना वाम्मिमाना होतांरा ज्योतिः प्रदिशां दिशन्ता। आदित्यैर्नो भारंती वष्टु यज्ञं सरस्वती सह रुद्रेन आवीत्। इडोपहृता वसुभिः सजोषां यज्ञं नो देवीरमृतैषु धत्ता त्वष्टा वीरं देवकामं जजान त्वष्टुर्वा जायत आशुरश्वः। (५८)

त्वष्टेदं विश्वम्भुवनं जजान बहोः कर्तारमिह यक्षि होतः। अश्वो घृतेन त्मन्या समंक्त उपं देवाः ऋतुशः पाथ एतु। वनस्पतिर्देवलोकम्प्रजानन्नग्निना हव्या स्वदितानि वक्षतु। प्रजापतेस्तपसा वावृधानः सद्यो जातो दधिषे यज्ञमग्ने। स्वाहाकृतेन हविषां पुरोगा याहि साध्या हविरदन्तु देवाः॥ (५९)

अग्निष्ट्वा वामश्वो द्विचत्वारिंशच्च॥ [१२]

विष्णुमुखा अन्नपते यावती वि वै पुरुषमात्रेणाग्ने तव श्रवो ब्रह्म जज्ञानऽस्वयमातृणामेषां वै पशुर्गायत्री कस्त्वा द्वादश॥ [१३] विष्णुमुखा अपचितिमान् वि वा एतावन्ने तव स्वयमातृणां विपूचीनानि गायत्री चतुः षष्टिः॥ 64॥ विष्णुमुखास्तनुवै भुवत्॥

## ॥द्वितीयः प्रश्नः॥

॥तैत्तिरीयसंहितायां पञ्चमकाण्डे द्वितीयः प्रश्नः॥

विष्णुमुखा वै देवाश्छन्दोभिरिमाल्लोकाननपज्यमभ्यंजयन् यद्विष्णुक्रमानक्रमते विष्णुरेव भूत्वा यजमानश्छन्दोभिरिमाल्लोकाननपज्यमभि जयति विष्णोः क्रमोऽस्यभिमातिहेत्याह गायत्री वै पृथिवी त्रेष्टुभमन्तरिक्षम् जागती द्यौरानुष्टुभोदिशश्छन्दोभिरिवेमाल्लोकान् यथापूर्वमभि जयति प्रजापतिरग्निमसृजत्

सौऽस्मात्सृष्टः (१)

पराङ्मतेतयान्वैदक्रन्ददिति तथा वै सौऽग्नेः प्रियं धामावारुन्द्ध यदेतामन्वाहाग्नेरैवैतयां प्रियं धामाव  
रुन्द्ध ईश्वरो वा एष पराङ्मदधो यो विष्णुक्रमान्क्रमते चतसृभिरा वर्तते चत्वारि छन्दांसि छन्दांसि खलु  
वा अग्नेः प्रिया तनुः प्रियामेवास्यं तनुवमभि (२)

पर्यावर्तते दक्षिणा पर्यावर्तते स्वमेव वीर्यमनु पर्यावर्तते तस्माद्वक्षिणोऽर्ध आत्मानो वीर्यावत्तरोऽर्थो  
आदित्यस्यैवावृतमनु पर्यावर्तते शुनःशेषमाजौगतिं वरुणोऽगृह्णात्स एतां वारुणीमपश्यत्तया वै स आत्मानं  
वरुणपाशादमुञ्चद्वरुणो वा एतं गृह्णाति य उग्रामप्रतिमुञ्चत उदुत्तमं वरुण पाशंस्मदित्याहात्मानमेवैतयां (३)

वरुणपाशान्मुञ्चत्या त्वाहारपमित्याहा ह्येनं हरति ध्रुवस्तिष्ठविंवाचलिरित्याह प्रतिष्ठित्यै विशंस्त्वा  
सर्वा वाञ्छन्तिवत्याह विशैवेनं समर्धयत्यस्मिन्नाष्टमधि श्रयेत्याह राष्ट्रमेवास्मिन्ध्रुवमंकय कामयेत राष्ट्रं  
स्यादिति तम्मनसा ध्यायेद्राष्ट्रमेव भवति (४)

अग्ने बृहन्नृपसांमूर्ध्वो अस्थादित्याहाग्रमेवेनं समानानां करोति निर्जग्मिवान्तमस इत्याह तमं  
एवास्मादपं हन्ति ज्योतिषागादित्याह ज्योतिरेवास्मिन्दधाति चतसृभिः सादयति चत्वारि छन्दांसि  
छन्दोभिरेवातिछन्दसोत्तमया वर्ष्म वा एषा छन्दसां यदतिच्छन्दा वर्ष्मेवेनं समानानां करोति सद्वती (५)

भवति सत्त्वमेवेनं गमयति वात्सप्रेणोप तिष्ठत एतेन वै वंत्सप्रीर्भालन्दनोऽग्नेः प्रियं धामावारुन्द्धाग्नेरैवैतनं  
प्रियं धामाव रुन्द्ध एकादशम्भवत्येकधेव यजमाने वीर्यं दधाति स्तोमेन वै देवा अस्मिद्धौक  
और्ध्ववृद्धोभिर्मुष्मिन्स्तोमस्येव खलु वा एतद्रूपं यद्वत्सप्रम्यद्वत्सप्रेणोपतिष्ठते (६)

इममेव तेन लोकमभि जयति यद्विष्णुक्रमान्क्रमतेऽमुमेव तैर्लोकमभि जयति पूर्वद्युः प्र क्रामत्युत्तरेद्युरूपं  
तिष्ठते तस्माद्योगेऽन्यासां प्रजानाम्मनः क्षेमेऽन्यासान्तस्माद्यायावरः क्षेम्यस्यंशे तस्माद्यायावरः क्षेम्यमध्यवस्यति  
मुष्टी करोति वाचं यच्छति यज्ञस्य धृत्यै॥ (७)

सृष्टोऽभ्येतया भवति सद्वत्युपतिष्ठते द्विचत्वारिंशच्च॥ [१]

अन्नपतेऽन्नस्य नो देहीत्याहाग्निर्वा अन्नपतिः स एवास्मा अन्नम्र यच्छत्यनमीवस्यं शुष्मिण  
इत्याहायक्षमस्येति वावैतदाह प्र प्रदातारं तारिष ऊर्जं नो धेहि द्विपदे चतुष्पदे इत्याहाशिषमेवेतामा शास्त  
उदु त्वा विश्वे देवा इत्याह प्राणा वै विश्वे देवाः (८)

प्राणैरेवैनुमद्यच्छतेऽग्ने भरन्तु चित्तिभिरित्याह यस्मा एवैनं चित्तायोद्यच्छते तेनैवेनं समर्धयति  
चतसृभिरा सादयति चत्वारि छन्दांसि छन्दोभिरेवातिछन्दसोत्तमया वर्ष्म वा एषा छन्दसां यदतिच्छन्दा  
वर्ष्मेवेनं समानानां करोति सद्वती भवति सत्त्वमेवेनं गमयति प्रेदग्ने ज्योतिष्मान् (९)

याहीत्याह ज्योतिरेवास्मिन्दधाति तनुवा वा एष हिंनस्ति यं हिंनस्ति मा हिंसीस्तनुवा प्रजा  
इत्याह प्रजाभ्यं एवेनं शमयति रक्षांसि वा एतद्यज्ञं संचन्ते यदनं उध्सर्जत्यक्रन्ददित्यन्वाह रक्षसामपहत्या  
अनंसा बहुन्त्यपचितिमेवास्मिन्दधाति तस्मादनस्वी च रथी चातिथीनामपचिततमौ (१०)

अपचितिमान्भवति य एवं वेदं समिधाऽग्निं द्रवस्यतेति घृतानुषित्तामवसिते समिधमा दधाति यथातिथय आगताय सर्पिष्वदातिथ्यं क्रियते तादृगेव तद्गायत्रिया ब्राह्मणस्य गायत्रो हि ब्राह्मणस्त्रिष्टुभो राजन्यस्य त्रैष्टुभो हि राजन्योऽप्सु भस्म प्र वैशयत्यप्सु योनिर्वा अग्निः स्वामेवेन योनिं गमयति तिसृभिः प्र वैशयति त्रिवृद्धे (११)

अग्निर्वावांनेवाग्निस्तम्रतिष्ठां गमयति परा वा एषोऽग्निं वपति योऽप्सु भस्म प्रवेशयति ज्योतिष्मतीभ्यामव दधाति ज्योतिरेवास्मिन्दधाति द्वाभ्यां प्रतिष्ठित्ये परा वा एष प्रजां पशून् वपति योऽप्सु भस्म प्रवेशयति पुनरूर्जा सह रथ्येति पुनरुदेति प्रजामेव पशूनात्मन्थत्ते पुनस्त्वादित्याः (१२)

रुद्रा वसवः समिन्धतामित्याहेता वा एतं देवता अग्रे समैन्धत तभिरेवेन९ समिन्दे बोधा स बोधीत्युप तिष्ठते बोधयत्येवेनन्तस्मात्पुनस्त्वा प्रजाः प्र बुध्यन्ते यथास्थानमुप तिष्ठते तस्माद्यथास्थानम्यशवः पुनरेत्योप तिष्ठन्ते॥ (१३)

वै विश्वे देवा ज्योतिष्मानपचिततमौ त्रिवृद्धा आदित्या द्विचत्वारि९शच्च॥ [२]

यावन्ती वै पृथिवी तस्यै यम आधिपत्यं परीयाय यो वै यमं देवयजनमस्या अनिर्याच्याग्निं चिनुते यमार्थेन९ स चिनुतेऽपेतेत्यध्यवसाययति यममेव देवयजनमस्यै निर्याच्यात्मनेऽग्निं चिनुत इष्वग्रेण वा अस्या अनामृतमिच्छन्तो नाविन्दन्ते देवा एतद्यजुरपश्यन्नपेतेति यदेतेनध्यवसाययति (१४)

अनामृत एवाग्निं चिनुत उद्धन्ति यदेवास्यां अमेध्यं तदपं हन्त्यपोऽवौक्षति शान्त्यै सिकता नि वपत्येतद्वा अग्रेवैश्वानरस्य रूपं९ रूपेणैव वैश्वानरमवं रुद्ध ऊषाग्निं वपति पुष्टिर्वा एषा प्रजननं यदूषाः पुष्टामेव प्रजननेऽग्निं चिनुतेऽथो संज्ञान एव संज्ञान९ ह्येतत् (१५)

पशूनां यदूषा द्यावापृथिवी सहास्तान्ते विंयती अंब्रूतामस्त्वेव नौ सह यज्ञियमिति यदमुष्या यज्ञियमासीत्तदस्यामदधात् ऊषा अभवन् यदस्या यज्ञियमासीत्तदमुष्यामदधात्तदश्चन्द्रमसि कृष्णमूषात्रिवपन्नदो ध्यायेद्द्यावापृथिव्योरेव यज्ञियेऽग्निं चिनुतेऽयं सो अग्निरिति विश्वामित्रस्य (१६)

सूक्तम्भवत्येतेन वै विश्वामित्रेऽग्रेः प्रियं धामावारुद्धाग्रेरेवेतेन प्रियं धामाव रुद्धे छन्दोभिर्वै देवाः सुवर्गं लोकमायश्चतस्रः प्राचीरुप दधाति चत्वारि छन्दा९सि छन्दोभिरेव तद्यजमानः सुवर्गं लोकमेति तेषां सुवर्गं लोकं यता दिशः समंघ्रीयन्त ते द्वे पुरस्तात्समीची उपादधत् द्वे (१७)

पश्चात्समीची तभिर्वै ते दिशोऽह९हन् यद्वे पुरस्तात्समीची उपदधाति द्वे पश्चात्समीची दिशां विधृत्या अथो पशवो वै छन्दा९सि पशूनेवास्यै समीचो दधात्यष्टावुप दधात्यष्टाक्षरा गायत्री गायत्रौऽग्निर्वावांनेवाग्निस्तं चिनुतेऽष्टावुप दधात्यष्टाक्षरा गायत्री गायत्री सुवर्गं लोकमञ्जसा वेद सुवर्गस्य लोकस्य (१८)

प्रज्ञात्यै त्रयोदश लोकं पूणा उप दधात्येकविंशतिः सम्पद्यन्ते प्रतिष्ठा वा एकविंशः प्रतिष्ठा गार्हपत्य एकविंशस्यैव प्रतिष्ठा गार्हपत्यमनु प्रति तिष्ठति प्रत्यग्निं चिक्यान्तिष्ठति य एवं वेद पञ्चचितीकं चिन्वीत प्रथमं चिन्वानः पाङ्क्तौ यज्ञः पाङ्क्तौ पशवो यज्ञमेव पशूनवं रुद्धे त्रिचितीकं चिन्वीत द्वितीयं चिन्वानस्त्रयं इमे लोका एष्वेव लोकेषु (१९)

प्रति तिष्ठत्येकचितीकं चिन्वीत तृतीयं चिन्वान एकधा वै सुवर्गो लोक एकवृत्तैव सुवर्गं लोकमेति  
पुरीषेणाभ्यूहति तस्मान्मासेनास्थिं छुन्नन्न दुश्कर्मा भवति य एवं वेद पञ्च चित्तयो भवन्ति पञ्चभिः  
पुरीषैरभ्यूहति दश सम्पद्यन्ते दशाक्षरा विराडन्न विराड्विराज्येवान्नाद्ये प्रति तिष्ठति॥ (२०)

अद्धवसाययति ह्येतद्विश्वामित्रस्यादधत् द्वे लोकस्य लोकेषु  
सप्तचत्वारिंशच्च॥ [३]

वि वा एतौ द्विपाते यश्च पुराग्निर्यश्चोखायाः समितमिति चतसृभिः सं नि वपति चत्वारि छन्दांसि  
छन्दांसि खलु वा अग्नेः प्रिया तनूः प्रिययैवैनौ तनुवा सः शास्ति समितमित्याहु तस्माद्ब्रह्मणा क्षत्रं  
समितं यथ्संन्युष्यं विहरति तस्माद्ब्रह्मणा क्षत्रं व्यैत्युत्तुभिः (२१)

वा एतं दीक्षयन्ति स ऋतुभिरेव विमुच्यो मातेवं पुत्रं पृथिवी पुरीष्यमित्याहुर्तुभिरेवैनं दीक्षयित्वतुभिर्वि  
मुञ्चति वैश्वानर्या शिक्यमा दत्ते स्वदयत्येवैनन्नेरऋतीः कृष्णास्तिस्रस्तुपपक्वा भवन्ति निरऋत्ये वा एतद्वाग्धेयं  
यत्तुषा निरऋत्ये रूपं कृष्णं रूपेणैव निरऋतिं निरवदयत इमां दिशं यन्त्येषा (२२)

वै निरऋत्ये दिग्ब्रवायामेव दिशि निरऋतिं निरवदयते स्वकृत इरिण उपं दधाति प्रदरे वैतद्वै  
निरऋत्या आयतनं स्व एवायतने निरऋतिं निरवदयते शिक्यमभ्युपं दधाति नैरऋतो वै पाशः साक्षादेवैनं  
निरऋतिपाशान्मुञ्चति तिस्र उपं दधाति त्रेधाविहितो वै पुरुषो यावानेव पुरुषस्तस्मान्निरऋतिमव यजते  
पराचीरुपं (२३)

दधाति पराचीमेवास्मान्निरऋतिम्र णुदतेऽप्रतीक्षमा यन्ति निरऋत्या अन्तरहित्यै मार्जयित्वापं तिष्ठन्ते  
मेध्यत्वाय गारहपत्यमुपं तिष्ठन्ते निरऋतिलोक एव चरित्वा पूता देवलोकमुपार्वन्त एकयोपं तिष्ठन्त  
एकधेव यजमाने वीर्यं दधति निवेशनः संगमनो वसूनामित्याहु प्रजा वै पशवो वसुं प्रजयैवैनम्पशुभिः  
समर्धयन्ति॥ (२४)

ऋतुभिरेषा पराचीरुपाष्टाचत्वारिंशच्च॥ [४]

पुरुषमात्रेण वि मिमीते यजेन वै पुरुषः सम्मितो यज्ञपुरुषैवेन वि मिमीते यावान्युरुष  
ऊर्ध्वबाहुस्तावाभवत्येतावद्वै पुरुषे वीर्यं वीर्येणैवेन वि मिमीते पक्षी भवति न ह्यपक्षः पतितुमर्हत्यरत्निनां  
पक्षौ द्राघीयांसौ भवतस्तस्मात्पक्षप्रवयांसि वयांसि व्याममात्रौ पक्षौ च पुच्छं च भवत्येतावद्वै पुरुषे  
वीर्यम् (२५)

वीर्यसम्मितो वेणुना वि मिमीत आग्नेयो वै वेणुः सयोनित्वाय यजुषा युनक्ति यजुषा  
कृषति व्यावृत्त्यै पङ्कवेन कृषति पङ्का ऋतवं ऋतुभिरेवैनं कृषति यद्वादशगवेन संवत्सरेणैवेयं वा  
अग्नेरतिदाहादविभेत्तैतद्विगुणमपश्यत्कृष्टं चाकृष्टं च ततो वा इमां नात्यदहद्यत्कृष्टं चाकृष्टं च (२६)

भवत्यस्या अनतिदाहाय द्विगुणं त्वा अग्निमुद्यन्तुमर्हतीत्याहुयत्कृष्टं चाकृष्टं च भवत्यग्नेरुद्यत्या एतावन्तो  
वै पशवो द्विपादश्च चतुष्पादश्च तान् यत्पाचं उश्मृजेद्ब्रायापिं दद्याद्यद्वक्षिणा पितृभ्यो नि ध्वेद्यत्प्रतीचो

रक्षांसि हन्युरुदीच उध्मृजत्येषा वै देवमनुष्याणां शान्ता दिक् (२७)

तामेवैनाननूध्मृजत्यथो खल्विमां दिशमुध्मृजत्यसौ वा आदित्यः प्राणः प्राणमेवैनाननूध्मृजति दक्षिणा पर्यावर्तन्ते स्वमेव वीर्यमनु पर्यावर्तन्ते तस्माद्वक्षिणोऽर्ध आत्मनो वीर्यावत्तरोऽर्धो आदित्यस्यैवावृतमनु पर्यावर्तन्ते तस्मात्पराश्वः पशवो वि तिष्ठन्ते प्रत्यं च आ वर्तन्ते तिस्रस्तिस्त्रः सीताः (२८)

कृपति त्रिवृतमेव यज्ञमुखे वि यातयत्योषधीर्वपति ब्रह्मणान्नमवं रुद्धेऽर्कैऽर्कश्चीयते चतुर्दशभिर्वपति सप्त ग्राम्या ओषधयः सप्ताण्या उभयीपामवरुद्धा अन्नस्यान्नस्य वपत्यन्नस्यान्नस्यावरुद्धे कृष्टे वपति कृष्टे ह्योषधयः प्रतितिष्ठन्त्यनुसीतं वपति प्रजातै द्वादशसु सीतासु वपति द्वादश मासाः संवत्सरः संवत्सरेणैवास्मा अन्नम्वचति यदग्निचित् (२९)

अनवरुद्धस्याश्वीयादवरुद्धेन व्यृद्धेत् ये वनस्पतीनाम्फलग्रहयस्तानिधेऽपि प्रोक्षेदनवरुद्धस्यावरुद्धे दिग्भ्यो लोष्टान्धसमस्यति दिशामेव वीर्यमवरुध्यं दिशां वीर्येऽग्निं चिनुते यं द्विष्याद्यत्र स स्यात्तस्यै दिशो लोष्टमा हरेदिपमूर्जमहमित आ दंद इतीषमेवोर्जं तस्यै दिशोऽवं रुद्धे क्षोर्धुको भवति यस्तस्यां दिशि भवत्युत्तरवेदिमुप वपत्युत्तरवेद्यां ह्यग्निश्चीयतेऽर्धो पशवो वा उत्तरवेदिः पशून्वावं रुद्धेऽर्धो यज्ञपुरोऽनन्तरित्यै॥ (३०)

च भवत्येतावद्वै पुरुषे वीर्यं यत्कृष्टश्चाकृष्टं च दिग्बसीता अग्निचिदव पञ्चविंशतिश्च॥ [५]

अग्ने तव श्रवो वय इति सिकता नि वपत्येतद्वा अग्नेवैश्वानरस्यं सूक्तं सूक्तेनैव वैश्वानरमवं रुद्धे षड्विनि वपति षड्वा ऋतवः संवत्सरः संवत्सरोऽग्निवैश्वानरः साक्षादेव वैश्वानरमवं रुद्धे समुद्रं वै नामैतच्छन्दः समुद्रमनु प्रजाः प्र जायन्ते यदेतेन सिकता निवपति प्रजानां प्रजननायेन्द्रः (३१)

वृत्राय वज्रम्राहर्त्स त्रेधा व्यभवत्स्फष्टस्तृतीयः रथस्तृतीयं यूपस्तृतीयं येऽन्तःशरा अशीर्यन्त ताः शर्करा अभवन्तच्छर्कराणां शर्करत्वं वज्रो वै शर्कराः पशुरग्निर्यच्छर्कराभिरग्निं परिमिनोति वज्रेणैवास्यै पशून्परि गृह्णाति तस्माद्वज्रेण पशवः परिगृहीतास्तस्मात्स्थेयानस्थेयसो नोप हरेते त्रिसप्ताभिः (३२)

पशुकामस्य परि मिनयाध्सत वै शीर्षण्याः प्राणाः प्राणाः पशवः प्राणैरेवास्यै पशूनवं रुद्धे त्रिणवाभिः भ्रातृव्यवतस्त्रिवृतमेव वज्रं सम्भृत्य भ्रातृव्याय प्र हरति स्तुत्या अपरिमिताभिः परि मिनयादपरिमितस्यावरुद्धे यं कामयेतापशुः स्यादित्यपरिमित्य तस्य शर्कराः सिकता व्यूहेदपरिगृहीत एवास्यं विपूचीनः रेतः परा सिञ्चत्यपशुर्व भवति (३३)

यं कामयेत पशुमान्धस्यादिति परिमित्य तस्य शर्कराः सिकता व्यूहेत्परिगृहीत एवास्यै समीचीनः रेतः सिञ्चति पशुमानेव भवति सौम्या व्यूहति सोमो वै रेतोधा रेत एव तदधाति गायत्रिया ब्राह्मणस्यं गायत्रो हि ब्राह्मणसिद्धिर्भा राजन्यस्य त्रैष्टुभो हि राजन्यः शं युम्बार्हस्पत्यम्मेधो नोपानमत्सोऽग्निम्राविंशत् (३४)

सोऽग्नेः कृणो रूपं कृत्वोदायत् सोऽश्वम्राविंशत्सोऽश्वस्यावान्तरशफोऽभवद्यदश्वमाक्रमयति य एव



मेधोऽश्वम्प्राविशत्तमेवाव रुद्धे प्रजापतिनाग्निश्चेतव्यं इत्याहुः प्राजापत्योऽश्वो यदश्वमाक्रमयति प्रजापतिनैवाग्निं चिनुते पुष्करपर्णमुपं दधाति योनिर्वा अग्नेः पुष्करपर्णं सयोनिमैवाग्निं चिनुतेऽप्रां पृष्ठमसीत्युपं दधात्यप्रां वा एतत्पृष्ठं यत्पुष्करपर्णं रूपेणैवैनदुपं दधाति॥ (३५)

**इन्द्रः पशुकामस्य भवत्यविशथ्सयोनिं विशतिश्च॥** [६]

ब्रह्मं जज्ञानमिति रुक्ममुपं दधाति ब्रह्मंमुखा वै प्रजापतिः प्रजा असृजत् ब्रह्मंमुखा एव तत्प्रजा यजमानः सृजते ब्रह्मं जज्ञानमित्याहुः तस्माद्ब्रह्मणो मुख्यो मुख्यो भवति य एवं वेदं ब्रह्मवादिनो वदन्ति न पृथिव्यां नान्तरिक्षे न दिव्यग्निश्चेतव्यं इति यत्पृथिव्यां चिन्वीत पृथिवीं शुचार्पयेन्नोपधयो न वनस्पतयः (३६)

प्र जायेरन् यदन्तरिक्षे चिन्वीतान्तरिक्षं शुचार्पयेन्न वयांसि प्र जायेरन् यद्विवि चिन्वीत दिवं शुचार्पयेन्न पर्जन्यो वर्षेद्रुक्ममुपं दधात्यमृतं वै हिरण्यममृतं एवाग्निं चिनुते प्रजातै हिरण्यं पुरुषमुपं दधाति यजमानलोकस्य विधृत्यै यदिष्टकाया आतृण्णमनूपध्यात्पशूनां च यजमानस्य च प्राणमपि दध्यादक्षिणतः (३७)

प्राञ्चमुपं दधाति दधारं यजमानलोकत्र पशूनां च यजमानस्य च प्राणमपि दधात्यथो खल्विष्टकाया आतृण्णमनूपं दधाति प्राणानामुध्मृष्टै द्रप्सश्चस्कन्देत्यभि मृशति होत्रास्वेवेनं प्रति षापयति सुचावुपं दधात्याज्यस्य पूर्णां कार्पर्यमयीं दध्नः पूर्णामौदम्बरीमियं वै कार्पर्यमय्यसावौदम्बरीमे एवोपं धत्ते (३८)

तृष्णीमुपं दधाति न हीमे यजुषातुमरहति दक्षिणां कार्पर्यमयीमुत्तरामौदम्बरीन्तस्मादस्या असावुत्तराज्यस्य पूर्णां कार्पर्यमयीं वज्रो वा आज्यं वज्रः कार्पर्यो वज्रेणैव यज्ञस्य दक्षिणतो रक्षास्यपं हन्ति दध्नः पूर्णामौदम्बरीम्पशवो वै दध्यूर्मुदम्बरः पशुष्वेवोर्जं दधाति पूर्णं उपं दधाति पूर्णं एवैनम् (३९)

अमुष्मिह्लौक उपं तिष्ठेते विराज्यग्निश्चेतव्यं इत्याहुः सुग्वे विराडग्रथ्नुचावुपदधाति विराज्येवाग्निं चिनुते यज्ञमुखेयं यज्ञमुखे वै क्रियमाणे यज्ञं रक्षांसि जिघांसन्ति यज्ञमुखं रुक्मो यद्रुक्मं व्याघारयति यज्ञमुखादेव रक्षास्यपं हन्ति पञ्चभिर्व्याघारयति पाङ्गो यज्ञो यावानेव यज्ञस्तस्माद्रक्षास्यपं हन्त्यक्षया व्याघारयति तस्मादक्षण्या पशवोऽङ्गानि प्र हरन्ति प्रतिष्ठित्यै॥ (४०)

**वनस्पतयो दक्षिणतो धत्त एनन्तस्मादक्षण्या पञ्च च॥** [७]

स्वयमातृणामुपं दधातीयं वै स्वयमातृणामामेवोपं धत्तेऽश्वमुपं घ्रापयति प्राणमेवास्य दधात्यथो प्राजापत्यो वा अश्वः प्रजापतिनैवाग्निं चिनुते प्रथमेष्टकोपधीयमाना पशूनां च यजमानस्य च प्राणमपि दधाति स्वयमातृणा भवति प्राणानामुध्मृष्टा अथो सुवर्गस्य लोकस्यानुख्यात्या अग्रावग्निश्चेतव्यं इत्याहुरेप वै (४१)

अग्निर्वैश्वानरो यद्वाह्मणस्तस्मै प्रथमामिष्टकां यजुष्कृताम्प यच्छेत्ताम्राह्मणश्चोपं दध्यातामग्रावेव तदग्निं चिनुत ईश्वरो वा एष आर्तिमार्तोर्योऽविद्वानिष्टकामुपदधाति त्रीन् वरान्दद्यान्नयो वै प्राणाः प्राणानां स्पृत्यै द्वावेव देयो द्वौ हि प्राणावेक एव देय एको हि प्राणः पशुः (४२)

वा एष यदग्निर्न खलु वै पशव आर्यवसे रमन्ते दर्वेष्टकामुपं दधाति पशूनां धृत्यै द्वाभ्यां प्रतिष्ठित्यै काण्डात्काण्डात्परोहन्तीत्याहु काण्डेनकाण्डेन ह्येषा प्रतिष्ठित्येवा नो दर्वे प्र तनु सृहस्रेण शतेन चेत्याह साहस्रः प्रजापतिः प्रजापतेरास्यै देवलक्ष्मं वै त्र्यालिखिता तामुत्तरलक्ष्माणं देवा उपादधृताधरलक्ष्माणमसुरा यम् (४३)

कामयैत वसीयान्स्यादित्युत्तरलक्ष्माणं तस्योपं दध्याद्वसीयानेव भवति यं कामयैत पापीयान्स्यादित्यधरलक्ष्माणं तस्योपं दध्यादसुरयोनिमेवेनमनु परा भावयति पापीयान्भवति त्र्यालिखिता भवतीमे वै लोकास्त्र्यालिखितेभ्य एव लोकेभ्यो भ्रातृव्यमन्तरेत्यङ्गिरसः सुवर्गं लोकं यतः पुरोडाशः कूर्मो भूत्वानु प्रासपत् (४४)

यत्कूर्ममुपदधाति यथा क्षेत्रविदञ्जसा नयत्येवमेवैनं कूर्मः सुवर्गं लोकमञ्जसा नयति मेधो वा एष पशूनां यत्कूर्मो यत्कूर्ममुपदधाति स्वमेव मेधम्पश्यन्तः पशव उपं तिष्ठन्ते श्मशानं वा एतत्क्रियते यन्मृतानां पशूनां शीर्षाण्युपधीयन्ते यज्ञीवन्तं कूर्ममुपदधाति तेनाश्मशानचिद्वास्तव्यो वा एष यत् (४५)

कूर्मो मधु वाता ऋतायुत इति दध्ना मधुमिश्रेणाभ्यनक्ति स्वदयत्येवेन ग्राम्यं वा एतदन्नं यद्दध्यारण्यम्मधु यद्दध्ना मधुमिश्रेणाभ्यनक्त्यभयस्यावरुद्धे मही द्यौः पृथिवी च न इत्याहाभ्यामेवेनमुभयतः परि गृह्णाति प्राश्नुमुपं दधाति सुवर्गस्य लोकस्य समष्टौ पुरस्तात्प्रत्यञ्चमुपं दधाति तस्मात् (४६)

पुरस्तात्प्रत्यञ्चः पशवो मेधमुपं तिष्ठन्ते यो वा अपनाभिमुग्निं चिनुते यजमानस्य नाभिमु प्र विंशति स एनमीश्वरो हिंसितोरुलूखलमुपं दधात्येषा वा अग्नेर्नाभिः सनाभिमेवाग्निं चिनुतेऽहिंसाया औदुम्बरम्भवत्यूर्वा उदुम्बर ऊर्जमेवाव रुद्धे मध्यत उपं दधाति मध्यत एवास्मा ऊर्जं दधाति तस्मान्मध्यत ऊर्जा भुञ्जत इयं द्ववति प्रजापतिना यज्ञमुखेन सम्मितमव हृत्यन्नमेवाकर्वैष्णव्यर्चोपं दधाति विष्णुवै यज्ञो वैष्णवा वनस्पतयो यज्ञ एव यज्ञं प्रति स्थापयति॥ (४७)

एष वै पशुर्यमसर्पदेष यत्तस्मात्तस्मात्सप्तविंशतिश्च॥ [८]

एषां वा एतल्लोकानां ज्योतिः सम्भृतं यदुखा यदुखामुपदधात्येभ्य एव लोकेभ्यो ज्योतिरव रुद्धे मध्यत उपं दधाति मध्यत एवास्मै ज्योतिर्दधाति तस्मान्मध्यतो ज्योतिरुपास्महे सिकताभिः पूरयत्येतद्वा अग्नेर्वैश्वानरस्य रूपं रूपेणैव वैश्वानरमव रुद्धे यं कामयैत क्षोधुकः स्यादित्यूनां तस्योपं (४८)

दध्यात्क्षोधुक एव भवति यं कामयेतानुपदस्यदन्नमद्यादिति पूर्णां तस्योपं दध्यादनुपदस्यदेवान्नमत्ति सहस्रं वै प्रति पुरुषः पशूनां यच्छति सहस्रमन्ये पशवो मध्ये पुरुषशीर्षमुपं दधाति सवीर्यत्वायोखायामपि दधाति प्रतिष्ठामेवेनद्रमयति व्यृद्धं वा एतत्प्राणैरमेध्यं यत्पुरुषशीर्षममृतं खलु वै प्राणाः (४९)

अमृतं हिरण्यं प्राणेषु हिरण्यशल्कान्प्रत्यस्यति प्रतिष्ठामेवेनद्रमयित्वा प्राणैः समर्धयति दध्ना मधुमिश्रेण पूरयति मध्व्योऽसानोति श्रुतातङ्क्येन मेधत्वाय ग्राम्यं वा एतदन्नं यद्दध्यारण्यम्मधु यद्दध्ना मधुमिश्रेण पूरयत्यभयस्यावरुद्धे पशुशीर्षाण्युपं दधाति पशवो वै पशुशीर्षाणि पशूनेवाव रुद्धे यं कामयेतापशुः स्यादिति (५०)

विपृचीनानि तस्योपं दध्याद्विपृच एवास्मात्पशून्दधात्यपशुरेव भवति यं कामयैत पशुमान्स्यादिति

समीचीनानि तस्योपं दध्यात्समीचं एवास्यै पशून् दधाति पशुमानेव भवति पुरस्तात्प्रतीचीनमश्वस्योपं दधाति पश्चात्प्राचीनमृषभस्यापंशवो वा अन्ये गोअश्वेभ्यः पशवो गोअश्वानेवास्यै समीचो दधात्येतावन्तो वै पशवः (५१)

द्विपादश्च चतुष्पादश्च तान् वा एतदग्नौ प्र दधाति यत्पशुशीर्षाण्युपदधात्यमुमांरण्यमनु ते दिशामीत्याह ग्राम्येभ्य एव पशुभ्य आरण्यान्पशूञ्छुचमनूत्सृजति तस्मात्समावत्पशूनां प्रजायमानानामारण्याः पशवः कनीयाः सः शुचा ह्युताः संपशोरपमुपं दधाति येव सर्पे त्विषिस्तामेवाव रून्धे (५२)

यत्समीचीनम्यशुशीर्षैरुपदध्याद्ग्राम्यान्पशून् शुकाः स्युर्यद्विषूचीनमारण्यान् यजुरेव वंदेदव तां त्विषिं रून्धे या सर्पे न ग्राम्यान्पशून् हिनस्ति नारण्यानथो खलूपधेयमेव यदुपदधाति तेन तां त्विषिमव रून्धे या सर्पे यद्यजुर्वदति तेन शान्तम्॥ (५३)

**ऊनान्तस्योपं प्राणाः स्यादिति वै पशवो रून्धे चतुश्चत्वारिंशच्च॥** [१]

पशुर्वा एष यदग्निर्योनिः खलु वा एषा पशोर्वि क्रियते यत्प्राचीनमैष्टकाद्यजुः क्रियते रेतोऽपस्या अपस्या उपं दधाति योनाविव रेतो दधाति पश्चोपं दधाति पाङ्गाः पशवः पशूनेवास्यै प्र जनयति पश्वं दक्षिणतो वज्रो वा अपस्या वज्रैणैव यज्ञस्य दक्षिणतो रक्षाऽस्यपं हन्ति पश्वं पश्चात् (५४)

प्राचीरुपं दधाति पश्चाद्वै प्राचीनं रेतो धीयते पश्चादेवास्यै प्राचीनं रेतो दधाति पश्वं पुरस्तात्प्रतीचीरुपं दधाति पश्वं पश्चात्प्राचीस्तास्मात्प्राचीनं रेतो धीयते प्रतीचीः प्रजा जायन्ते पश्चोत्तरश्छन्दस्याः पशवो वै छन्दस्याः पशूनेव प्रजातान्श्वमामयतनमभि पर्यूहत इयं वा अग्नेरितिदाहादविभेधैताः (५)

अपस्या अपश्यता उपाधत्त ततो वा इमां नान्यदहृद्यदपस्या उपदधात्यस्या अनंतिदाहायोवाचं हेयमददिश्वं ब्रह्मणान्नं यस्येता उपधीयान्ते य उ चैना एव वेददिति प्राणभूत उपं दधाति रेतस्येव प्राणान्दधाति तस्माद्वदन्प्राणन्यश्यञ्छुण्वन्पशुर्जायतेऽयम्पुरः (५६)

भुव इति पुरस्तादुपं दधाति प्राणमेवैताभिर्दधाराय दक्षिणा विश्वकर्मेति दक्षिणतो मन एवैताभिर्दधारायम्पश्चाद्विश्वव्यं चा इति पश्चाच्चक्षुरेवैताभिर्दधारेदमुत्तराथ्सुवरित्युत्तरतः श्रोत्रमेवैताभिर्दधारेयमुपरि मृतिरित्युपरिष्टाद्वाचमेवैताभिर्दधार दशदशोपं दधाति सवीर्यत्वायाक्षण्या (५७)

उपं दधाति तस्मादक्षया पशवोऽङ्गानि प्र हरन्ति प्रतिष्ठित्ये याः प्राचीस्ताभिर्वसिष्ठ आर्ध्रोद्या दक्षिणा ताभिर्भरद्वाजो याः प्रतीचीस्ताभिर्विश्वामित्रो या उदीचीस्ताभिर्जमदग्निर्या ऊर्ध्वास्ताभिर्विश्वकर्मा य एवमेतासामृद्धिं वेदभ्रोत्येव य आंसामेवम्बन्धुतां वेद बन्धुत्वान्भवति य आंसामेव कृतिं वेद कल्पते (५८)

अस्मे य आंसामेवमामयतनं वेदायतनवान्भवति य आंसामेवमप्रतिष्ठां वेद प्रत्येव तिष्ठति प्राणभूत उपधाय संयत् उपं दधाति प्राणानेवास्मिन्धित्वा संयद्विः सं यच्छति तथ्संयतां संयत्त्वमथो प्राण एवापानं दधाति तस्मात्प्राणापानौ सं चरतो विषूचीरुपं दधाति तस्माद्विष्वञ्चौ प्राणापानौ यद्वा अग्नेरसं यतम् (५९)

असुवर्ग्यमस्य तथ्सुवर्ग्योऽग्निर्यथ्सं यत उपदधाति समेवेन यच्छति सुवर्ग्यमेवाकस्यविवर्यः

कृतमयानामित्याह वयोभिरेवायानव रुन्देऽयैर्वयांसि सर्वतो वायुमर्ताभिर्वन्ति तस्मादयं सर्वतः पवते॥ (६०)

पश्चादेताः पुरोऽक्षण्या कल्पतेऽसं यतं पञ्चत्रिंशच्च॥ [१०]

गायत्री त्रिष्टुब्जगत्यनुष्टुप्पङ्क्ता सह। बृहत्युष्णिहा ककुथ्सूचीभिः शिम्यन्तु त्वा। द्विपदा या चतुष्पदा त्रिपदा या च पददा। सछन्दा या च विच्छन्दाः सूचीभिः शिम्यन्तु त्वा। महानाग्नी रेवतयो विश्वा आशाः प्रसूवरीः। मेघ्या विद्यतो वाचः सूचीभिः शिम्यन्तु त्वा। रजता हरिणीः सीसा युजो युज्यन्ते कर्मभिः। अश्वस्य वाजिनस्त्वचि सूचीभिः शिम्यन्तु त्वा। नारीः (६१)

ते पत्रयो लोम वि चिन्वन्तु मनीषया। देवानाम्पत्नीर्दिशः सूचीभिः शिम्यन्तु त्वा। कुविदङ्ग यवमन्तो यवं चिद्यथा दान्त्यनुपूर्वं वियूय। इहेहपां कृणुत भोजनानि ये ब्रहिषो नमोवृक्तिं न जग्मुः॥ (६२)

नारीस्त्रिंशच्च॥ [११]

कस्त्वां छति कस्त्वा वि शांस्ति कस्ते गात्राणि शिम्यति। क उं ते शमिता कविः। ऋतवस्त ऋतुधा परुः शमितारो वि शांसतु। संवत्सरस्य धायंसा शिमीभिः शिम्यन्तु त्वा। दैव्या अथर्वयवस्त्वा छन्तु वि चं शासतु। गात्राणि पर्वशस्ते शिमाः कृण्वन्तु शिम्यन्तः। अर्धमासाः परुषि ते मासाश्छन्तु शिम्यन्तः। अहोरात्राणि मरुतो विलिष्टं (६३)

सूदयन्तु ते। पृथिवी तेऽन्तरिक्षेण वायुश्छिद्रम्विपज्यतु। द्यौस्ते नक्षत्रेः सह रूपं कृणोतु साधुया। शं ते परेभ्यो गात्रेभ्यः शमस्त्वर्वरेभ्यः। शमस्थभ्यो मञ्जभ्यः शमुं ते तनुवं भुवत् (६४)

विलिष्टत्रिंशच्च॥ [१२]

उत्सन्नयज्ञ इन्द्राग्नी देवा वा अक्षण्यास्तोमीया अग्नेर्भागोऽस्यग्ने जातान्त्रिमिरिति नाकसद्विश्छन्दांसि सर्वाभ्यो वृष्टिसनीर्देवासुराः कनीयांसः प्रजापतेरक्षि द्वादश॥ [१३] उत्सन्नयज्ञो देवा वै यस्य मुख्यवतीर्नाकसद्विरेवाभिरेष्टाचत्वारिंशत्॥ 48॥ उत्सन्नयज्ञः संवत्वार्य॥

# ॥तृतीयः प्रश्नः॥

॥तैत्तिरीयसंहितायां पञ्चमकाण्डे तृतीयः प्रश्नः॥

उत्थन्नयज्ञो वा एष यदग्निः किं वाहेतस्यं क्रियते किं वा न यद्वै यज्ञस्यं क्रियमाणस्यान्तर्यन्ति पूर्यति वा अंस्य तदाश्विनीरूपं दधात्यश्विनौ वै देवानां भिषजौ ताभ्यामेवासमै भेषजं करोति पञ्चोपं दधाति पाङ्क्तौ यज्ञो यावानेव यज्ञस्तस्मै भेषजं करोत्यृतव्या उपं दधात्यृतानां क्लृप्त्यै (१)

पञ्चोपं दधाति पञ्च वा ऋतवो यावन्त एवर्तवस्तान्कल्पयति समानप्रभृतयो भवन्ति समानोदर्कास्तस्मात्समाना ऋतव एकै न पदेन व्यावर्तन्ते तस्माद्ऋतवो व्यावर्तन्ते प्राणभृत उपं दधात्यृतुष्वेव प्राणान्दधाति तस्मात्समानाः सन्त ऋतवो न जौर्यन्त्यथो प्र जनयत्येवानेनैव वै वायुर्यत्राणो यदृतव्या उपधाय प्राणभृतः (२)

उपदधाति तस्मात्सर्वानृतूननु वायुरा वरीवर्ति वृष्टिसनीरूपं दधाति वृष्टिमेवावं रुद्धे यदेकधोपं दध्यादेकमुतु वरूपेदनुपरिहारं सादयति तस्मात्सर्वानृतून वरपति यत्राणभृत उपधाय वृष्टिसनीरुपदधाति तस्माद्वायुप्रच्युता दिवो वृष्टिरीते पशवो वै वयस्यां नानामनसः खलु वै पशवो नानाव्रतास्तैः एवामि समनसः (३)

यं कामयेतापशुः स्यादिति वयस्यांस्तस्योपधायोपस्यां उपं दध्यादसंज्ञानमेवासमै पशुभिः करोत्यपशुरेव भवति यं कामयेत पशुमान्ध्यादित्युपस्यांस्तस्योपधाय वयस्यां उपं दध्यात्संज्ञानमेवासमै पशुभिः करोति पशुमानेव भवति चतस्रः पुरस्तादुपं दधाति तस्माच्चत्वारि चक्षुषो रूपाणि द्वे शुक्ले द्वे कृष्णे (४)

मूर्धन्वर्ताभवन्ति तस्मात्पुरस्तान्मूर्धा पञ्च दक्षिणायाः श्रोण्यामुपं दधाति पञ्चोत्तरस्यां तस्मात्पश्चाद्वर्षीयान् पुरस्तात्प्रवणः पशुर्वस्तो वय इति दक्षिणेऽसु उपं दधाति वृष्टिर्वय इत्युत्तरेऽसंवेव प्रति दधाति व्याघ्रो वय इति दक्षिणे पक्ष उपं दधाति सिंहो वय इत्युत्तरे पक्षयोरेव वीर्यं दधाति पुरुषो वय इति मध्ये तस्मात्पुरुषः पशूनामधिपतिः॥ (५)

क्लृप्त्या उपधाय प्राणभृतः समनसः कृष्णे पुरुषो वय इति पञ्च च॥<sub>[१]</sub>

इन्द्राग्नी अव्ययमानामिति स्वयमातृणामुपं दधातीन्द्राग्निभ्यां वा इमौ लोकौ विधृतावनयोर्लोकयोर्विधृत्या अधृतेव वा एषा यन्मध्यमा चित्तरन्तरिक्षमिव वा एषेन्द्राग्नी इत्याहिन्द्राग्नी वै देवानामोजोभृतावोजसेवेनामन्तरिक्षे चिनुते धृत्यै स्वयमातृणामुपं दधात्यन्तरिक्षं वै स्वयमातृणान्तरिक्षमेवोपं धृतेऽश्वमुपं (६)

घ्रापयति प्राणमेवास्यां दधात्यथो प्राजापत्यो वा अश्वः प्रजापतिर्नैवाग्निं चिनुते स्वयमातृणा भवति प्राणानामुत्सृष्ट्या अथो सुवर्गस्य लोकस्यानुख्यात्ये देवानां वै सुवर्गं लोकं यतां दिशः समंवीयन्त त एता दिश्या अपश्यन्ता उपादधत् ताभिर्वै ते दिशोऽदृहं हन्यदिश्या उपदधाति दिशां विधृत्यै दशं प्राणभृतः पुरस्तादुपं (७)

दधाति नव वै पुरुषे प्राणा नाभिर्दशमी प्राणानेव पुरस्ताद्धत्ते तस्मात्पुरस्तात्प्राणा ज्योतिष्मतीमुत्तमामुपं दधाति तस्मात्प्राणानां वाग्ज्योतिरुत्तमा दशोपं दधाति दशाक्षरा विराड्विराड्द्वन्दसां ज्योतिर्ज्योतिरेव पुरस्ताद्धत्ते

तस्मात्पुरस्ताद्भ्योतिरुपास्महे छन्दांसि पशुष्वजिमयुस्तान्वंहृत्युदंजयत्तस्माद्बार्हताः (८)

पशवं उच्यन्ते मा छन्द इति दक्षिणत उपं दधाति तस्माद्दक्षिणावृतो मासाः पृथिवी छन्द इति पश्चात्प्रतिष्ठित्या अग्निर्देवतेत्युत्तरत ओजो वा अग्निरोज एवोत्तरतो धत्ते तस्मादुत्तरतोभिप्रयायी जयति पट्टिंशत्सम्पद्यन्ते पट्टिंशदक्षरा बृहती बार्हताः पशवो बृहत्यैवास्मै पशूनव रुन्दे बृहती छन्दसां स्वाराज्यं परीयाय यस्येताः (९)

उपधीयन्ते गच्छति स्वाराज्यं सप्त बालं खिल्याः पुरस्तादुपं दधाति सप्त पश्चात्सप्त वै शीरण्यः प्राणा द्वाववाञ्चौ प्राणानां सवीर्यत्वाय मूर्धासि राडिति पुरस्तादुपं दधाति यज्ञो राडिति पश्चात्प्राणानेवास्मै समीचौ दधाति॥ (१०)

अश्वमुपं पुरस्तादुपं बार्हता एताश्चतुस्त्रिंशच्च॥ [२]

देवा वै यद्यज्ञेऽकुर्वन्त तदसुरा अकुर्वन्ते ते देवा एता अक्षण्यास्तोमीया अपश्यन्ता अन्यथानूच्यान्यथोपादधत् तदसुरा नान्वायन्ततो देवा अभवन्परासुरा यदक्षण्यास्तोमीया अन्यथानूच्यान्यथोपादधाति भ्रातृव्याभिभूत्यै भवत्यात्मना परास्य भ्रातृव्यो भवत्याशुस्त्रिवृदिति पुरस्तादुपं दधाति यज्ञमुखं वै त्रिवृत् (११)

यज्ञमुखमेव पुरस्ताद्वि यांतयति व्योम सप्तदश इति दक्षिणतोऽन्नं वै व्योमान्नं सप्तदशोऽन्नमेव दक्षिणतो धत्ते तस्माद्दक्षिणेनान्नमद्यते धरुण एकविंश इति पश्चात्प्रतिष्ठा वा एकविंशः प्रतिष्ठित्यै भान्तः पञ्चदश इत्युत्तरत ओजो वै भान्त ओजः पञ्चदश ओज एवोत्तरतो धत्ते तस्मादुत्तरतोभिप्रयायी जयति प्रतृतिरष्टादश इति पुरस्तात् (१२)

उपं दधाति द्वौ त्रिवृतावभिपूर्वं यज्ञमुखे वि यांतयत्यभिर्वतः सविंश इति दक्षिणतोऽन्नं वा अभिर्वतोऽन्नं सविंशोऽन्नमेव दक्षिणतो धत्ते तस्माद्दक्षिणेनान्नमद्यते वर्चो द्वाविंश इति पश्चाद्यद्विंशतिर्द्वे तेन विराजो यद्वे प्रतिष्ठा तेन विराजोर्विर्वाभिपूर्वमन्नाद्ये प्रति तिष्ठति तपो नवदश इत्युत्तरतस्तस्मात्सव्यः (१३)

हस्तयोस्तपस्वितरो योनिश्चतुर्विंश इति पुरस्तादुपं दधाति चतुर्विंशत्यक्षरा गायत्री गायत्री यज्ञमुखं यज्ञमुखमेव पुरस्ताद्वि यांतयति गर्भाः पञ्चविंश इति दक्षिणतोऽन्नं वै गर्भा अन्नं पञ्चविंशोऽन्नमेव दक्षिणतो धत्ते तस्माद्दक्षिणेनान्नमद्यत ओजस्त्रिणव इति पश्चादिमे वै लोकास्त्रिणव एष्वेव लोकेषु प्रति तिष्ठति सम्भरणस्त्रयोविंश इति (१४)

उत्तरतस्तस्मात्सव्यो हस्तयोः सम्भार्यतरः क्रतुरेकत्रिंश इति पुरस्तादुपं दधाति वाग्वै क्रतुर्यज्ञमुखं वाग्यज्ञमुखमेव पुरस्ताद्वि यांतयति ब्रध्नस्य विष्टपं चतुस्त्रिंश इति दक्षिणतोऽसौ वा आदित्यो ब्रध्नस्य विष्टपं ब्रह्मवर्चसमेव दक्षिणतो धत्ते तस्माद्दक्षिणोऽर्धो ब्रह्मवर्चसितरः प्रतिष्ठा त्रयस्त्रिंश इति पश्चात्प्रतिष्ठित्यै नाकः पट्टिंश इत्युत्तरतः सुवर्गो वै लोको नाकः सुवर्गस्य लोकस्य समष्ट्यै॥ (१५)

वै त्रिवृदिति पुरस्तात्सव्यस्त्रयोविंश इति सुवर्गो वै पञ्च च॥ [३]

अग्नेर्भागोऽसीति पुरस्तादुपं दधाति यज्ञमुखं वा अग्निर्यज्ञमुखं दीक्षा यज्ञमुखं ब्रह्मं यज्ञमुखं त्रिवृद्यज्ञमुखमेव पुरस्ताद्वि यांतयति नृचक्षसांभागोऽसीति दक्षिणतः शुश्रुवांसो वै नृचक्षसोऽन्नं धाता जातायेवास्मा अन्नमपि दधाति तस्माज्जातोऽन्नमिति जनित्रं स्पृतं संसदशः स्तोम इत्याहानं वै जनित्रम् (१६)

अन्नं संसदशोऽन्नमेव दक्षिणतो धत्ते तस्माद्वक्षिणेनान्नमद्यते मित्रस्य भागोऽसीति पश्चात्प्राणो वै मित्रोऽपानो वरुणः प्राणापानावेवास्मिन्दधाति दिवो वृष्टिर्वाताः स्पृता एकविंशः स्तोम इत्याह प्रतिष्ठा वा एकविंशः प्रतिष्ठित्या इन्द्रस्य भागोऽसीत्युत्तरत ओजो वा इन्द्र ओजो विष्णुरोजः क्षत्रमोजः पञ्चदशः (१७)

ओजं एवोत्तरतो धत्ते तस्मादुत्तरतोभिप्रयायी जयति वसूनांभागोऽसीति पुरस्तादुपं दधाति यज्ञमुखं वै वसवो यज्ञमुखं रुद्रा यज्ञमुखं चतुर्विंशो यज्ञमुखमेव पुरस्ताद्वि यांतयत्यादित्यानां भागोऽसीति दक्षिणतोऽन्नं वा आदित्या अन्नमरुतोऽन्नं गर्भं अन्नं पञ्चविंशोऽन्नमेव दक्षिणतो धत्ते तस्माद्वक्षिणेनान्नमद्यतेऽदित्यै भागः (१८)

असीति पश्चात्प्रतिष्ठा वा अदितिः प्रतिष्ठा पूषा प्रतिष्ठा त्रिणवः प्रतिष्ठित्यै देवस्य सवितुर्भागोऽसीत्युत्तरतो ब्रह्म वै देवः संविता ब्रह्म बहुस्पतिर्ब्रह्मं चतुष्टोमो ब्रह्मवर्चसमेवोत्तरतो धत्ते तस्मादुत्तरोऽर्थो ब्रह्मवर्चसितरः सावित्रवती भवति प्रसूत्यै तस्माद्ब्राह्मणानामुदीची सनिः प्रसूता धर्त्रश्चतुष्टोम इति पुरस्तादुपं दधाति यज्ञमुखं वै धर्त्रः (१९)

यज्ञमुखं चतुष्टोमो यज्ञमुखमेव पुरस्ताद्वि यांतयति यावानांभागोऽसीति दक्षिणतो मासा वै यावा अर्धमासा अयावास्तस्माद्वक्षिणावृतो मासा अन्नं वै यावा अन्नं प्रजा अन्नमेव दक्षिणतो धत्ते तस्माद्वक्षिणेनान्नमद्यत ऋभूणांभागोऽसीति पश्चात् प्रतिष्ठित्यै विवर्तोऽष्टाचत्वारिंश इत्युत्तरतोऽनयोर्लोकयोः सवीर्यत्वाय तस्मादिमौ लोकौ समावद्वीर्यौ (२०)

यस्य मुख्यवतीः पुरस्तादुपधीयन्ते मुख्य एव भवत्यास्य मुख्यो जायते यस्यान्नवतीर्दक्षिणतोऽत्यन्नमास्यान्नादो जायते यस्य प्रतिष्ठावतीः पश्चात्प्रत्येव तिष्ठति यस्यौजस्वतीरुत्तरत औजस्व्येव भवत्यास्यौजस्वी जायतेऽर्को वा एष यदग्निस्तस्यैतदेव स्तोत्रमेतच्छुभं यदेषा विधा (२१)

विधीयतेऽर्क एव तद्वर्कमनु विधीयतेऽत्यन्नमास्यान्नादो जायते यस्यैषा विधा विधीयते य उ चैनमेवं वेद सृष्टीरुपं दधाति यथासृष्टमेवाव रुद्धे न वा इदं दिवा न नक्तमासीदव्यावृत्तन्ते देवा एता व्यंष्टीरपश्यन्ता उपादधत् ततो वा इदं व्यौच्छद्यस्यैता उपधीयन्ते व्येवास्मा उच्छृत्यथो तम एवापं हते॥ (२२)

वै जनित्रं पञ्चदशोऽदित्यै भागो वै धर्त्रः समावद्वीर्यौ विधा ततो वा इदं चतुर्दश च॥

[४]

अग्रे जातान्म गुंदा नः सपत्नानिति पुरस्तादुपं दधाति जातानेव भ्रातृव्यान्म गुंदते सहसा जातानिति पश्चाज्जनिष्यमाणानेव प्रति नुदते चतुश्चत्वारिंशः स्तोम इति दक्षिणतो ब्रह्मवर्चसं वै चतुश्चत्वारिंशो

ब्रह्मवर्चसमेव दक्षिणतो धत्ते तस्माद्विष्णोऽर्धे ब्रह्मवर्चसितरः षोडशः स्तोम इत्युत्तरत् ओजो वै षोडश ओजं एवोत्तरतो धत्ते तस्मात् (२३)

उत्तरतोभिप्रयायी जयति वज्रो वै चतुश्चत्वारिंशो वज्रः षोडशो यदेते इष्टके उपदधाति जाताश्चैव जनिष्यमाणाश्च भ्रातृव्यामृणद्य वज्रमनु प्र हरति स्तुत्यै पुरीषवतीम्मध्य उप दधाति पुरीषं वै मध्येमात्मनः सात्मानमेवाग्निं चिनुते सात्मानमुष्मिँल्लोके भवति य एवं वेदेता वा असपत्ना नामेष्टका यस्येता उपधीयन्ते (२४)

नास्यं सपत्नौ भवति पशुर्वा एष यदग्निर्विराजं उत्तमायां चित्यामुपं दधाति विराजंमेवोत्तमाम्पशुं दधाति तस्मात्पशुमानुत्तमां वाचं वदति दशं दशोपं दधाति सवीर्यत्वायाँक्षयोपं दधाति तस्मादक्षण्या पशवोऽङ्गानि प्र हरन्ति प्रतिष्ठित्यै यानि वै छन्दांसि सुवर्ग्याण्यासन्तेर्देवाः सुवर्गं लोकमायन्तेनर्षयः (२५)

अश्राम्यन्ते तपोऽतप्यन्त तानि तपसापश्यन्तेभ्यं एता इष्टका निरमिमतेवश्छन्दो वरिवश्छन्द इति ता उपादधत ताभिर्वै ते सुवर्गं लोकमायन्त यदेता इष्टका उपदधाति यान्येव छन्दांसि सुवर्ग्याणि तेरेव यजमानः सुवर्गं लोकमेति यज्ञेन वै प्रजापतिः प्रजा असृजत् ताः स्तोमभागैरेवासृजत् यत् (२६)

स्तोमभागा उपदधाति प्रजा एव तद्यजमानः सृजते बृहस्पतिर्वा एतद्यज्ञस्य तेजः समभरद्यध्स्तोमभागा यध्स्तोमभागा उपदधाति सतेजसमेवाग्निं चिनुते बृहस्पतिर्वा एतां यज्ञस्य प्रतिष्ठामपश्यद्यध्स्तोमभागा यध्स्तोमभागा उपदधाति यज्ञस्य प्रतिष्ठित्यै सप्तसप्तोपं दधाति सवीर्यत्वायं तिस्रो मध्ये प्रतिष्ठित्यै॥ (२७)

उत्तरतो धत्ते तस्मादुपधीयन्त ऋषयोऽसृजत् यन्निचत्वारिंशच्च॥ [५]

रश्मिरित्येवाऽऽदित्यमसृजत् प्रेतिरिति धर्ममन्वितिरिति दिवः संधिरित्यन्तरिक्षं प्रतिधिरिति पृथिवीं विष्टम्भ इति वृष्टिम्पृथ्व्येहरनुवेति रात्रिर्मृशगिति वसून्मकेत इति रुद्रान्स्वदेतिरित्यादित्यानोज इति पितृश्स्तनुरिति प्रजाः पृतनापाडिति पशून्नेवदित्योपधीरभिजिदंसि युक्तग्रावा (२८)

इन्द्राय त्वेन्द्रं जिन्वेत्येव दक्षिणतो वज्रं पर्यौहदभिजित्ये ताः प्रजा अपंप्राणा असृजत् तास्वर्धिपतिरसीत्येव प्राणमंदधाद्यन्तेत्यपानं सृसर्प इति चक्षुर्वयोधा इति श्रोत्रन्ताः प्रजाः प्राणतीरपान्तीः पश्यन्तीः शृण्वन्तीर् मिथुनी अभवन्तासु त्रिवृदसीत्येव मिथुनमंदधाताः प्रजा मिथुनी (२९)

भवन्तीर्न प्राजायन्त ताः सःरोहोऽसि नीरोहोऽसीत्येव प्राजनयताः प्रजाः प्रजाता न प्रत्यतिष्ठन्ता वंसुकोऽसि वेपथ्रिरसि वस्यष्टिरसीत्येवेषु लोकेषु प्रत्यस्थापयद्यदाह वंसुकोऽसि वेपथ्रिरसि वस्यष्टिरसीति प्रजा एव प्रजाता एषु लोकेषु प्रति छापयति सात्मान्तरिक्षं रोहति सप्राणोऽमुष्मिँल्लोके प्रति तिष्ठत्यव्यर्धुकः प्राणापानाभ्यां भवति य एवं वेद॥ (३०)

युक्तग्रावा प्रजा मिथुन्यन्तरिक्षं द्वादश च॥ [६]

नाक्सद्विर्वै देवाः सुवर्गं लोकमायन्तत्राकसदो नाकसत्त्वं यत्राकसदं उपदधाति नाक्सद्विरेव तद्यजमानः सुवर्गं लोकमेति सुवर्गो वै लोको नाको यस्येता उपधीयन्ते नास्मा अकम्भवति यजमानायतनं वै नाकसदो यत्राकसदं उपदधात्यायतनमेव तद्यजमानः कुरुते पृष्ठानां वा एतत्तेजः सम्भूतं यत्राकसदो यत्राकसदः (३१)

उपदधाति पृष्ठानामेव तेजोऽवं रुद्धे पञ्चचोडा उपं दधात्यप्सरसं एवैनमेता भूता अमुष्मिँल्लोके



उपं शेरऽथो तनूपानीरेवैता यजमानस्य यं द्विष्यात्तमुपदधद्वायेदेताभ्यं एवैनं देवताभ्य आ वृश्चति ताजगार्तिमाच्छ्रत्युत्तरं नाकसञ्च उपं दधाति यथा जायामानीयं गृहेषु निषादयति तादृगेव तत् (३२)

पश्चात्प्राचींमुत्तमामुपं दधाति तस्मात्पश्चात्प्राची पथ्यन्वास्ते स्वयमातृणां च विकर्णी चौत्तमे उपं दधाति प्राणो वै स्वयमातृणायुर्विकर्णी प्राणं चैवायुश्च प्राणानामुत्तमौ धत्ते तस्मात्प्राणश्चायुश्च प्राणानामुत्तमौ नान्यामुत्तरामिष्टकामुपं दध्याद्यदन्यामुत्तरामिष्टकामुपदध्यात्पशूनाम् (३३)

च यजमानस्य च प्राणं चायुश्चापि दध्यात्तस्मान्नान्योत्तरेष्टकोपधेयां स्वयमातृणामुपं दधात्यसौ वै स्वयमातृणामूमेवोपं धत्तेऽश्वमुपं प्रापयति प्राणमेवास्यां दधात्यथो प्राजापत्यो वा अश्वः प्राजापतिनेवाग्निं चिनुते स्वयमातृणा भवति प्राणानामुध्मृष्ट्या अथो सुवर्गस्य लोकस्यानुख्यात्या एषा वै देवानां विक्रान्तिर्यद्विकर्णी यद्विकर्णीमुपदधाति देवानामेव विक्रान्तिमनु वि क्रमत उत्तरत उपं दधाति तस्मादुत्तरतउपचारोऽग्निर्वायुमती भवति समिद्धौ॥ (३४)

सम्भृतं यन्नाकसदो यन्नाकसदस्तत्पशूनामेपां वै द्वाविंशतिश्च॥ [७]

छन्दाऽस्युपं दधाति पशवो वै छन्दांसि पशूनेवावं रुद्धे छन्दांसि वै देवानां वामम्पशवो वाममेव पशूनवं रुद्ध एतां ह वै यजसेनश्चैत्रियायणाश्चित्तिं विदां चकार तया वै स पशूनवांरुद्ध यदेतामुपदधाति पशूनेवावं रुद्धे गायत्रीः पुरस्तादुपं दधाति तेजो वै गायत्री तेज एव (३५)

मुखतो धत्ते मूर्धन्वतीर्भवन्ति मूर्धानमेवैनं समानानां करोति त्रिष्टुभ उपं दधातीन्द्रियं वै त्रिष्टुगिन्द्रियमेव मध्यतो धत्ते जगतीरुपं दधाति जागतां वै पशवः पशूनेवावं रुद्धेऽनुष्टुभ उपं दधाति प्राणा वा अनुष्टुप्प्राणानामुध्मृष्ट्यै बृहतीरुष्णिहाः पङ्कीरक्षरंपङ्कीरिति विषुरूपाणि छन्दाऽस्युपं दधाति विषुरूपा वै पशवः पशवः (३६)

छन्दांसि विषुरूपानेव पशूनवं रुद्धे विषुरूपमस्य गृहे दृश्यते यस्येता उपधीयन्ते य उं चैना एवं वेदातिच्छन्दसमुपं दधात्यतिच्छन्दा वै सर्वाणि छन्दांसि सर्वेभिरेवैनं छन्दोभिश्चिनुते वर्ष्म वा एषा छन्दसां यदतिच्छन्दा यदतिच्छन्दसमुपदधाति वर्ष्मैवैनं समानानां करोति द्विपदा उपं दधाति द्विपाद्यजमानः प्रतिष्ठित्यै॥ (३७)

तेज एव पशवः पशवो यजमान एकश्च॥ [८]

सर्वाभ्यो वै देवताभ्योऽग्निश्चीयते यथ्स्युजो नोपदध्याद्देवता अस्याग्निं वृक्षीरन् यथ्स्युजं उपदधात्यात्मनेवैनं स्युजं चिनुते नाग्निना व्यध्यतेऽथो यथा पुरुषः सार्वभिः सन्तत एवमेवैताभिर्ऽग्निः सन्ततोऽग्निना वै देवाः सुवर्गं लोकमायन्ता अमूः कृत्तिका अभवन् यस्येता उपधीयन्ते सुवर्गमेव (३८)

लोकमेति गच्छति प्रकाशं चित्रमेव भवति मण्डलेष्टका उपं दधातीमे वै लोका मण्डलेष्टका इमे खलु वै लोका देवपुरा देवपुरा एव प्र विंशति नातिमाच्छ्रत्यग्निं चिक्यानो विश्वज्योतिष उपं दधातीमानेवैताभिर्लोकां ज्योतिष्मतः कुरुतेऽथो प्राणनेवैता यजमानस्य दाप्रत्येता वै देवताः सुवर्ग्यास्ता

एवान्वास्थ्यं सुवर्गं लोकमेति॥ (३९)

सुवर्गमेव ता एव चत्वारि च॥ [९]

वृष्टिसनीरुपं दधाति वृष्टिमेवाव रुद्धे यदेकधोपदध्यादेकमृतं वरुषेदनुपरिहारः सादयति तस्मात्सर्वानृतान् वरुषति पुरोवातसर्निरसीत्याहेतुद्वे वृष्टौ रूपं रूपेणैव वृष्टिमव रुद्धे संयानीभिर्वै देवा इमाँल्लोकान्स्मरन्त्युत्तथसंयानीनां संयानित्वं यत्संयानीरुपदधाति यथाप्सु नावा संयात्येवम् (४०)

एवैताभिर्यजमान इमाँल्लोकान्स्मरन् याति प्लुवो वा एषोऽग्रेयत्संयानीर्यत्संयानीरुपदधाति प्लुवमेवैतमग्नय उपं दधत्युत यस्यैतासूपहितास्वापोऽग्निः हरन्त्यहृत एवास्याग्निरोदित्येष्टका उपं दधात्यादित्या वा एतम्भूत्ये प्रति नुदन्ते योऽलम्भूत्ये सन्भूतिं न प्राप्नोत्यादित्याः (४१)

एवैनम्भूतिं गमयन्त्यसौ वा एतस्यादित्यो रुचमा दन्ते योऽग्निं चित्वा न रोचते यदादित्येष्टका उपं दधात्युतसावेवास्मिन्नादित्यो रुचं दधाति यथासौ देवानां रोचत एवमेवैष मनुष्याणां रोचते घृतेष्टका उपं दधात्येतद्वा अग्नेः प्रियं धाम यद्धुतम्प्रियेणैवेन धाम्ना समर्धयति (४२)

अथो तेजसानुपरिहारः सादयत्यपरिवर्गमेवास्मिन्तेजो दधाति प्रजापतिरग्निमचिनुत स यशसा व्यार्ध्यत स एता यशोदा अपश्यता उपाधत् ताभिर्वै स यश आत्मन्धत् यद्यशोदा उपं दधाति यश एव ताभिर्यजमान आत्मन्धत् पञ्चोपं दधाति पाङ्कः पुरुषो यावानेव पुरुषस्तस्मिन् यशो दधाति॥ (४३)

एवं प्राप्नोत्यादित्या अर्धयत्येकान्नपञ्चाशच्च॥ [१०]

देवासुराः संयता आसन्कनीयांसो देवा आसन्भूयांसोऽसुरास्ते देवा एता इष्टका अपश्यन्ता उपाधत् भूयस्कृदसीत्येव भूयांसोऽभवन्वन्स्पतिभिरोपधीभिर्विरवस्कृदसीतीमामंजयन्प्राच्यसीति प्राचीं दिशमजयन्पूर्वासीत्यमूमंजयन्नन्तरिक्षसदस्यन्तरिक्षे सीदेत्यन्तरिक्षमजयन्ततो देवा अभवन् (४४)

परासुरा यस्यैता उपधीयन्ते भूयानेव भवत्यभीमाँल्लोकाञ्जयति भवत्यात्मना परास्य भ्रातृव्यो भवत्यप्सुपदसि श्येनसदसीत्याहेतुद्वे अग्ने रूपं रूपेणैवाग्निमव रुद्धे पृथिव्यास्त्वा द्रविणे सादयामीत्याहिमानेवैताभिर्लोकान् द्रविणावतः कुरुत आयुष्या उपं दधात्यायुरेव (४५)

अस्मिन्धात्यग्ने यत्ते परं हन्नामेत्याहेतुद्वे अग्नेः प्रियं धाम प्रियमेवास्य धामोपाप्नोति तावेहि स रंभावहा इत्याह व्यैवेनं परि धत्ते पाञ्चजन्येष्वप्यध्यग्न इत्याहेष वा अग्निः पाञ्चजन्यो यः पञ्चचितीकस्तस्मादेवमाहर्तव्या उपं दधात्येतद्वा ऋतूनाम्प्रियं धाम यदृतव्या ऋतूनामेव प्रियं धामाव रुद्धे सुमेक् इत्याह संवत्सरो वै सुमेकः संवत्सरस्यैव प्रियं धामोपाप्नोति॥ (४६)

अभ्वन्नायुरेवर्तव्या उप पङ्क्तिं शतिश्च॥ [११]

प्रजापतेरक्षयंश्चयत्तत्परापत्तदश्वोऽभवद्यदश्वयत्तदश्वस्याश्वत्वन्तद्देवा अश्वमेधेनैव प्रत्यदधुरेप वै प्रजापतिः सर्वं करोति योऽश्वमेधेन यजते सर्व एव भवति सर्वस्य वा एषा प्रायश्चित्तिः सर्वस्य भेषजं सर्वं वा

एतेन पाप्मानं देवा अंतरत्रपि वा एतेन ब्रह्महत्यामंतरन्सर्वम्याप्मानम् (४७)

तरति तरति ब्रह्महत्यां योऽश्वमेधेन यजते य उ चैनमेवं वेदोत्तरं वै तत्प्रापतेरक्ष्यश्वयत्तस्मादश्वस्योत्तरतोऽवं द्यन्ति दक्षिणतोऽन्येषां पशूनाम्बैतसः कटो भवत्यप्सुयोनिर्वा अश्वोऽप्सुजो वैतसः स्व एवेनं योनौ प्रतिष्ठापयति चतुष्टोमः स्तोमो भवति स्रङ्गु वा अश्वस्य सक्थ्यावृहत्तद्देवाश्चतुष्टोमेनैव प्रत्यदधुर्यच्चतुष्टोमः स्तोमो भवत्यश्वस्य सर्वत्वाय॥ (४८)

सर्वं पाप्मानमवृहद्वादश च॥ [१२]

देवासुराः तेनर्तव्या रुद्रोऽश्मन्नृषदे वडुदेनं प्राचीमिति वसोर्धारांमग्निर्देवेभ्यः सुवर्गाय यत्राकृताय छन्दश्चितं पवंस्व द्वादश॥ [१३] देवासुरा अजायां वै शुमुष्टिः प्रथमो देवयतामेतद्वै छन्दसामुभ्रोत्यष्टौ पञ्चाशच्च॥ ५८॥ देवासुराः सर्वं जयति॥

## ॥चतुर्थः प्रश्नः॥

॥तैत्तिरीयसंहितायां पञ्चमकाण्डे चतुर्थः प्रश्नः॥

देवासुराः संयत्ता आसन्ते न व्यजयन्त स एता इन्द्रस्तनूरपश्यन्ता उपाधत् ताभिर्वै स तनुवमिन्द्रियं वीर्यमात्मन्नधत् ततो देवा अभवन्प्रासुरा यदिन्द्रतनूरूपदधाति तनुवमेव ताभिरिन्द्रियं वीर्यं यजमान आत्मन्धत्तेऽथो सेन्द्रमेवाग्निं सतनुं चिनुते भवत्यात्मना परास्य भ्रातृव्यः (१)

भवति यज्ञो देवेभ्योऽपक्रामत्तमवरुधं नाशं कृवन्त एता यज्ञतनूरपश्यन्ता उपाधत् ताभिर्वै ते यज्ञमवारुन्धत् यद्यज्ञतनूरूपदधाति यज्ञमेव ताभिर्यजमानोऽवं रुद्धे त्रयस्त्रिंशत्मुपे दधाति त्रयस्त्रिंशद्वै देवतां देवता एवार्व रुद्धेऽथो सात्मानमेवाग्निं सतनुं चिनुते सात्मानमुष्मिन्नौ (२)

भवति य एवं वेद ज्योतिष्मतीरुपं दधाति ज्योतिरेवासिन्धधात्येताभिर्वा अग्निश्चितो ज्वलति ताभिरिवैनं समिन्द्र उभयोरस्मै लोकयोज्योतिर्भवति नक्षत्रेष्टका उपं दधात्येतानि वै दिवो ज्योतीः पितान्येवार्व रुद्धे सुकृतां वा एतानि ज्योतीः पित यन्नक्षत्राणि तान्येवाप्रोत्यथो अनूकाशमेवैतानि (३)

ज्योतीः पित कुरुते सुवर्गस्य लोकस्यानुख्यात्यै यत्सः स्पृष्टा उपदध्याद्वष्टै लोकमपि दध्यादवर्षुकः पर्जन्यः स्यादसः स्पृष्टा उपं दधाति वृष्ट्या एव लोकं करोति वर्षुकः पर्जन्यो भवति पुरस्तादन्याः प्रतीचीरुपं दधाति पश्चान्याः प्राचीस्तस्मात्प्राचीनानि च प्रतीचीनानि च नक्षत्राण्या वर्तन्ते॥ (४)

भ्रातृव्यो लोक एवैतान्येकचत्वारिंशच्च॥ [१]

ऋतव्या उपं दधात्यृतूनां कृत्यै द्वंद्वमुपं दधाति तस्माद्द्वंद्वमृतवोऽधृतेव वा एषा यन्मध्यामा

चित्तिरन्तरिक्षमिव वा एषा द्वंद्वमन्यासु चित्तीषूपं दधाति चतस्रो मध्ये धृत्या अन्तःश्लेषणं वा एताश्चित्तीनां यदंतव्यां यदंतव्यां उपदधाति चित्तीनां विधृत्या अवकामनूपं दधात्येषा वा अग्नेयोनिः सयोनम् (५)

एवाग्निं चिनुत उवाच ह विश्वामित्रोऽददिश्व ब्रह्मणान्नं यस्येता उपधीयान्ते य उ चैना एव वेददिति संवत्सरो वा एतम्प्रतिष्ठायै नुदते योऽग्निं चित्वा न प्रतितिष्ठति पञ्च पूर्वाश्रितयो भवन्त्यथ षष्ठीं चितिं चिनुते षड्वा ऋतवः संवत्सर ऋतुष्वेव संवत्सरे प्रति तिष्ठत्येता वै (६)

अधिपत्नीनामेष्टका यस्येता उपधीयन्तेऽधिपतिरेव समानानां भवति यं द्विष्यात्तमुपदधद्वायेदेताभ्यं एवैनं देवताभ्य आ वृश्चति ताजगार्तिमाच्छृत्याङ्गिरसः सुवर्गं लोकं यन्तो या यज्ञस्य निष्कृतिरासीत्तामृषिभ्यः प्रत्यौहन् तद्विरण्यमभवद्यद्विरण्यशल्कैः प्रोक्षति यज्ञस्य निष्कृत्या अथो भेषजमेवास्मै करोति (७)

अथो रूपेणैवैनं समर्पयत्यथो हिरण्यज्योतिषैव सुवर्गं लोकमेति साहस्रवंता प्रोक्षति साहस्रः प्रजापतिः प्रजापतेरास्या इमा मे अग्न इष्टका धेनवः सन्त्वित्याह धेनुरेवैनाः कुरुते ता एनं कामदुघां अमुन्नामुष्मिँल्लोक उपं तिष्ठन्ते॥ (८)

सयोनमेता वै करोत्येकान्नचत्वारिंशच्च॥ [२]

रुद्रो वा एष यदग्निः स एतर्हि जातो यर्हि सर्वश्चितः स यथा वत्सो जातः स्तनम्रेप्सत्येवं वा एष एतर्हि भागधेयम्रेप्सति तस्मै यदाहुतिं न जुहुयादध्वर्युं च यजमानं च ध्यायेच्छतरुद्रीयं जुहोति भागधेयैर्नैवैनं शमयति नार्तिमाच्छृत्यध्वर्युनं यजमानो यद्वाय्माणां पशूनाम् (९)

पर्यसा जुहुयाद्वाय्मान्पशूञ्छुचापयेद्यदार्ण्यानामारण्याङ्गितल्यवाग्वा वा जुहुयाद्रवीधुकयवाग्वा वा न ग्राम्यान्पशून् हिनस्ति नारण्यानथो खल्वाहुरनाहुतिर्वै जर्तिलांश्च गवीधुकाश्चेत्यजक्षीरेण जुहोत्याग्नेयी वा एषा यदजाहुत्यैव जुहोति न ग्राम्यान्पशून् हिनस्ति नारण्यानङ्गिरसः सुवर्गं लोकं यन्तः (१०)

अजायां घर्मम्रासिंश्चन्त्सा शोचन्ती पूर्णं पराजिहीत सो ऽऽर्कोऽभवत्तदर्कस्याकृत्वमर्कपूर्णं जुहोति सयोनित्वायोदङ्घ्रिष्ठजुहोत्येषा वै रुद्रस्य दिख्स्वायामेव दिशि रुद्रं निरवदयते चरमायामिष्टकायां जुहोत्यन्त एव रुद्रं निरवदयते त्रेधाविभक्तं जुहोति त्रयं इमे लोका इमानेव लोकान्स्मार्वाद्दीर्घान्करोतीत्यत्रै जुहोति (११)

अथेयत्यथेयति त्रयं इमे लोका एभ्य एवैनं लोकभ्यः शमयति तिस्र उत्तरा आहुतीर्जुहोति षट्धम्मपद्यन्ते षड्वा ऋतवः ऋतुभिरेवैनं शमयति यदनुपरिक्रामं जुहुयादन्तरवचारिणं रुद्रं कुर्यादयो खल्वाहुः कस्यां वाहं दिशि रुद्रः कस्यां वेत्यनुपरिक्राममेव हौतव्यमपरिवर्गमेवैनं शमयति (१२)

एता वै देवताः सुवर्गा या उत्तमास्ता यजमानं वाचयति तामिरेवैनं सुवर्गं लोकं गमयति यं द्विष्यात्तस्य सञ्चरे पशूनां न्यस्येद्यः प्रथमः पशुरंभितिष्ठति स अर्तिमाच्छति॥ (१३)

पशूनां यन्तोऽग्रे जुहोत्यपरिवर्गमेवैनं शमयति त्रिंशच्च॥ [३]

अश्मनूर्जमिति परि पिञ्चति मार्जयत्येवैनमथो तर्पयत्येव स एनं तृतोऽक्षुध्यन्नशोचन्नमुष्मिँल्लोक उपं

तिष्ठते तृप्यति प्रजयां पशुभिर्य एवं वेद तां न इषमूर्जं धत्त मरुतः सःरराणा इत्याहानं वा ऊर्गन्त्रमरुतोऽन्नमेवावं रुद्धेऽश्मश्स्ते क्षुदमुं ते शुक् (१४)

ऋच्छतु यं द्विप्म इत्याहु यमेव द्वेष्टि तमस्य क्षुधा च शुचा चापयति त्रिः परिषिञ्चन्येति त्रिवृद्वा अग्निर्यावानेवाग्निस्तस्य शुचः शमयति त्रिः पुनः पर्येति षट्थम्पद्यन्ते षड्वा ऋतवं ऋतुभिरेवास्य शुचः शमयत्युपां वा एतत्पुष्पं यद्वैतसोऽपाम् (१५)

शरोऽवका वेतसशाखया चावकाभिश्च वि कर्षत्यापो वै शान्ताः शान्ताभिरेवास्य शुचः शमयति यो वा अग्निं चितम्प्रथमः पशुरधिक्रामतीश्वरो वै तः शुचा प्रदहो मण्डूकेन वि कर्षत्येष वै पशूनामनुपजीवनीयो न वा एष ग्राम्येषु पशुषु हितो नारण्येषु तमेव शुचार्यत्यष्टाभिर्वि कर्षति (१६)

अष्टाक्षरा गायत्री गायत्रौऽग्निर्यावानेवाग्निस्तस्य शुचः शमयति पावकवतीभिरन्नं वै पावकोऽन्ननेवास्य शुचः शमयति मृत्युर्वा एष यदग्निर्ब्रह्मण एतद्रूपं यत्कृष्णाजिनम् कार्ष्णी उपानहावुपं मुञ्चते ब्रह्मणैव मृत्योरन्तर्धत्तेऽन्तर्मृत्योर्धत्तेऽन्तरन्नाद्यादित्याहुरन्यामुपमुञ्चतेऽन्यां नान्तः (१७)

एव मृत्योर्धत्तेऽवात्राद्यः रुद्धे नमस्ते हरंसे शोचिष इत्याह नमस्कृत्य हि वसीयाः समुपचरन्त्यन्यं तं अस्मत्तपन्तु हेतय इत्याहु यमेव द्वेष्टि तमस्य शुचापयति पावको अस्मभ्यः शिवो भवेत्याहानं वै पावकोऽन्नमेवावं रुद्धे द्वाभ्यामपि क्रामति प्रतिष्ठित्या अपस्यवतीभ्याः शान्त्यै॥ (१८)

शुर्वेतसोऽपामष्टाभिर्विकर्षति नान्तरेकान्नपञ्चाशच्च॥ [४]

नृपदे वडिति व्याधारयति पङ्क्ताहुत्या यज्ञमुखमा रभतेऽक्षण्या व्याधारयति तस्मादक्षण्या पशवोऽङ्गानि प्र हरन्ति प्रतिष्ठित्ये यद्वषट्कुर्याद्यातयामास्य वषट्कारः स्याद्यन्न वषट्कुर्याद्रक्षांसि यज्ञः हन्युर्वडित्याह पुरोक्षमेव वषट्करोति नास्य यातयामा वषट्कारो भवति न यज्ञः रक्षांसि घ्नन्ति हुतादो वा अन्ये देवाः (१९)

अहुतादोऽन्ये तानग्निचिदेवोभयान्प्रीणाति ये देवा देवानामिति दध्रा मधुमिश्रेणावोक्षति हुतादंश्चैव देवानहुतादंश्च यजमानः प्रीणाति ते यजमानम्प्रीणन्ति दध्रेव हुतादः प्रीणाति मधुपाहुतादो ग्राम्यं वा एतदन्नं यद्व्यारण्यम्पधु यदुध्रा मधुमिश्रेणावोक्षत्युभयस्यावरोद्धे शुमुष्टिनावोक्षति प्राजापत्यः (२०)

वै शुमुष्टिः संयोनित्वाय द्वाभ्यां प्रतिष्ठित्या अनुपरिचारमवोक्षत्यपरिवर्गमेवैनान्प्रीणाति वि वा एष प्राणैः प्रजयां पशुभिर्ऋध्यते योऽग्निं चिन्वन्नधिक्रामति प्राणदा अपानदा इत्याह प्राणानेवात्मन्धत्ते वचोदा वरिवोदा इत्याह प्रजा वै वर्चः पशवो वरिवः प्रजामेव पशूनात्मन्धत्त इन्द्रो वृत्रमंहन्त वृत्रः (२१)

हुतः षोडशभिर्भोगैरसिनाथ्स एतामग्नयेऽनीकवत् आहुतिमपश्यतामजुहोतस्याग्निरनीकवात्स्वेन भागधेयेन प्रीतः षोडशधा वृत्रस्य भोगानप्यदहद्वैश्वकर्मणेन पाप्मनो निरमुच्यत यदग्नयेऽनीकवत् आहुतिं जुहोत्यग्निरवास्यानीकवात्स्वेन भागधेयेन प्रीतः पाप्मानमपि दहति वैश्वकर्मणेन पाप्मनो निर्मुच्यते यं कामयेत चिरम्पाप्मनः (२२)

निर्मुच्येतेत्येकैकं तस्य जुहुयाच्चिरमेव पाप्मनो निर्मुच्यते यं कामयेत ताजकपाप्मनो निर्मुच्येतेति सर्वाणि तस्यानुद्वत्यं जुहुयात्ताजगेव पाप्मनो निर्मुच्यतेऽथो खलु नानेव सूक्ताभ्यां जुहोति नानेव सूक्तयोर्वीर्यं दधात्यथो प्रतिष्ठित्यै॥ (२३)

देवाः प्राजापत्यो वृत्रश्चिरं पाप्मनश्चत्वारिंशच्च॥ [५]

उदैनमुत्तरां नयेति समिध आ दधाति यथा जनं यतेश्वसं करोति तादृगेव तत्तिष्ठ आ दधाति त्रिवृद्धा अग्निर्यावानेवाग्निस्तस्मै भागधेयं करोत्यौदुम्बरीर्भवन्त्यूर्वा उदुम्बर ऊर्जमेवास्मा अपि दधात्युदं त्वा विश्वे देवा इत्याह प्राणा वै विश्वे देवाः प्राणैः (२४)

एवेनमुद्यच्छतेऽग्ने भरन्तु चित्तिभिरित्याह यस्मा एवेन चित्तायोद्यच्छते तेनैवेन९ समर्धयति पञ्च दिशो दैवीयज्ञमवन्तु देवीरित्याह दिशो ह्येषोऽनु प्रच्यवतेऽपामतिं दुर्मतिम्बाधमाना इत्याह रक्षसामपंहत्यै रायस्पोषे यज्ञपतिमाभजन्तीरित्याह पशवो वै रायस्पोषः (२५)

पशूनेवावं रुद्धे पङ्क्तिरहरति षड्वा ऋतवं ऋतुभिरेवेन९ हरति द्वे परिगृह्यती भवतो रक्षसामपंहत्यै सूर्यरश्मिरहरिकेशः पुरस्तादित्याह प्रसूत्यै ततः पावका आशिषो नो जुषन्तामित्याहात्रं वै पावकोऽन्नमेवावं रुद्धे देवासुराः संयन्ता आसन्ते देवा एतदप्रतिरथमपश्यन्तेन वै तैःऽप्रति (२६)

असुरानजयन्तदप्रतिरथस्याप्रतिरथत्वं यदप्रतिरथं द्वितीयो होतान्वाहाप्रत्यैव तेन यजमानो भ्रातृव्याञ्जयत्यथो अन्नंभिजितमेवाभि जयति दशर्चम्भवति दशाक्षरा विराड्विराजो लोको विधृतावनयोर्लोकोयोर्विधृत्या अथो दशाक्षरा विराडन्नं विराड्विराज्येवान्नाद्ये प्रति तिष्ठत्यसदिव वा अन्तरिक्षमन्तरिक्षमिवाग्नीध्रमाग्नीध्रे (२७)

अश्मानं नि दधाति सत्वाय द्वाभ्यां प्रतिष्ठित्यै विमानं एष दिवो मध्यं आस्तु इत्याह व्यैवैतया मिमीते मध्यं दिवो निहितः पृथिरश्मेत्याहात्रं वै पृथ्यन्नमेवावं रुद्धे चतसृभिरा पुच्छादिति चत्वारि छन्दांसि छन्दांभिरवेन्द्र विश्वा अवीवृध्नित्याह वृद्धिमेवोपावर्तते वाजानां९ सत्यतिम्पतिम् (२८)

इत्याहात्रं वै वाजोऽन्नमेवावं रुद्धे सुम्रहूर्यज्ञो देवा९ आ चं वक्षदित्याह प्रजा वै पशवः सुम्रं प्रजामेव पशूनात्मन्थते यक्षदग्निर्देवो देवा९ आ चं वक्षदित्याह स्वागाकृत्यै वाजस्य मा प्रसवेनोद्वाभेणोदग्रभीदित्याहासौ वा आदित्य उद्यन्तुद्वाभ एष निम्रोचंनिग्राभो ब्रह्मणैवात्मानमद्रुह्णाति ब्रह्मणा भ्रातृव्यं नि गृह्णाति॥ (२९)

प्राणैः पोषोऽप्रत्याग्नीध्रे पतिमेष दशं च॥ [६]

प्राचीमनु प्रदिशमेहि विद्वानित्याह देवलोकमेवैतयोपावर्तते क्रमध्वमग्निना नाकमित्याहुमानेवैतया लोकाक्रमते पृथिव्या अहमुदन्तरिक्षमारुहमित्याहुमानेवैतया लोकान्स्मरारोहति सुवर्यन्तो नापैक्षन्त इत्याह सुवर्गमेवैतया लोकमेत्यग्ने प्रेहि (३०)

प्रथमो देवयतामित्याहोभयंयैवैतया देवमनुष्येषु चक्षुर्दधाति पञ्चभिरधि क्रामति पाङ्क्तो यज्ञो यावानेव यज्ञस्तेन सह सुवर्गं लोकमेति नक्तोपासेति पुरोनुवाक्यामन्वाह प्रत्या अग्ने सहस्राक्षेत्याह साहस्रः प्रजापतिः

प्रजापतेरास्यै तस्मै ते विधेम वाजाय स्वाहेत्याहारं वै वाजोऽन्नमेवाव (३१)

रुन्दे दध्नः पूर्णामौदुम्बरीं स्वयमातृणायाम् जुहोत्यूर्ग्वै दध्यूर्गुदुम्बरोऽसौ स्वयमातृणामुष्यामेवोर्जं दधाति तस्मादमुतोऽर्वाचीमूर्जमुप जीवामस्तिस्मिन् सादयति त्रिवृद्धा अग्निर्वावानेवाग्निस्तम्प्रतिष्ठां गमयति प्रेद्धो अग्रे दीदिहि पुरो न इत्यौदुम्बरीमा दधात्येषा वै सूमी कर्णकावत्येतया ह स्म (३२)

वै देवा असुराणां शतरहास्तु हन्ति यदेतया समिधमादधाति वज्रमेवैतच्छतघ्नी यजमानो भ्रातृव्याय प्र हरति स्तुत्या अलम्बद्वारं विधेम ते परमे जन्मन्नग्न इति वैकङ्कतीमा दधाति भा एवाव रुन्दे तां संवितुर्वरेण्यस्य चित्रामिति शमीमयी शान्त्या अग्निर्वा ह वा अग्निचितं दुहं अग्निचिद्वाग्निं दुहे ताम् (३३)

संवितुर्वरेण्यस्य चित्रामित्याहिष वा अग्नेर्दोहस्तमस्य कण्वं एव श्रायसौऽवेत्तेन ह स्मै न स दुहे यदेतया समिधमादधात्यग्निविदेव तदग्निं दुहे सप्त ते अग्रे समिधः सप्त जिह्वा इत्याह सप्तैवास्य साप्तानि प्रीणाति पूर्णया जुहोति पूर्णं इव हि प्रजापतिः प्रजापतेः (३४)

आस्यै न्यूनया जुहोति न्यूनान्धि प्रजापतिः प्रजा असृजत प्रजानां सृष्ट्या अग्निर्देवेभ्यो निलायत स दिशोऽनु प्राविशद्ब्रह्मन्मन्सा दिशो ध्यायेद्दिग्भ्य एवैनमव रुन्दे दध्ना पुरस्ताद्ब्रह्मोत्याज्येनोपरिष्ठातेजश्चैवास्मा इन्द्रियं च समीचीं दधाति द्वादशकपालो वैश्वानरो भवति द्वादश मासाः संवत्सरः संवत्सरोऽग्निर्वैश्वानरः साक्षात् (३५)

एव वैश्वानरमव रुन्दे यत्प्रयाजानूयाजान्कुर्याद्विकस्तिः सा यज्ञस्य दर्विहोमं करोति यज्ञस्य प्रतिष्ठित्यै राष्ट्रं वै वैश्वानरो विष्मरुतो वैश्वानरः हुत्वा मारुताञ्जुहोति राष्ट्र एव विशमनुं बभ्रात्युच्चैर्वैश्वानरस्या श्रावयत्युपांशु मारुताञ्जुहोति तस्माद्राष्ट्रं विशमतिं वदति मारुता भवन्ति मरुतो वै देवानां विशो देवविशेनेवास्मै मनुष्यविशमव रुन्दे सप्त भवन्ति सप्तगणा वै मरुतो गणश एव विशमव रुन्दे गुणेन गुणमनुद्गत्य जुहोति विशमेवास्मा अनुवर्त्मानं करोति ॥ (३६)

अग्रे प्रेह्यव स्म दुहे तां प्रजापतेः साक्षान्मनुष्यविशमेकविंशतिश्च ॥<sup>[७]</sup>

वसोर्धारां जुहोति वसोर्मे धारांसदिति वा एषा हूयते घृतस्य वा एनमेषा धारामुष्मिन्नौके पिन्वमानोप तिष्ठत आज्येन जुहोति तेजो वा आज्यं तेजो वसोर्धारा तेजसैवास्मै तेजोऽव रुन्देऽथो कामा वै वसोर्धारा कामानेवाव रुन्दे यं कामयते प्राणानस्यान्नाद्यं वि (३७)

छिन्द्यामिति विग्राहं तस्य जुह्यात्प्राणानेवास्यान्नाद्यं विच्छिन्नति यं कामयते प्राणानस्यान्नाद्यं सं तनूयामिति सन्ततां तस्य जुह्यात्प्राणानेवास्यान्नाद्यं सं तनोति द्वादश द्वादशानि जुहोति द्वादश मासाः संवत्सरः संवत्सरेणैवास्मा अन्नमव रुन्देऽन्नं च मेऽक्षुच्च म् इत्याहेतद्वै (३८)

अन्नस्य रूपं रूपेणैवान्नमव रुन्देऽग्निश्च म् आपश्च म् इत्याहेषा वा अन्नस्य योनिः सयोन्यैवान्नमव रुन्देऽर्धेन्द्राणि जुहोति देवता एवाव रुन्दे यत्सर्वेषामर्धमिन्द्रः प्रति तस्मादिन्द्रो देवतानाम्भूयिष्ठभक्तम् इन्द्रमुत्तरमाहेन्द्रियमेवास्मिन्नुपरिष्ठादधाति यज्ञायुधानि जुहोति यज्ञः (३९)

वै यज्ञायुधानि यज्ञमेवाव रुन्देऽथो एतद्वै यज्ञस्य रूपं रूपेणैव यज्ञमव रुन्देऽवभृथश्च मे

स्वगाकारश्च म इत्याह स्वगाकृत्या अग्निश्च मे घर्मश्च म इत्याहेतद्वै ब्रह्मवर्चसस्य रूपं रूपेणैव ब्रह्मवर्चसमव रुन्द ऋक् मे सामं च म इत्याह (४०)

एतद्वै छन्दसा रूपं रूपेणैव छन्दास्यव रुन्दे गर्भाश्च मे वत्साश्च म इत्याहेतद्वै पशूना रूपं रूपेणैव पशूनव रुन्दे कल्पाञ्जुहोत्यङ्गस्य क्लृप्त्यै युग्मदयुजे जुहोति मिथुनत्वायौत्तरावती भवतोऽभिक्रान्त्या एकां च मे तिस्रश्च म इत्याह देवछन्दसं वा एकां च तिस्रश्च (४१)

मनुष्यछन्दसं चतस्रश्चाष्टौ च देवछन्दसं चैव मनुष्यछन्दसं चाव रुन्द आ त्रयस्त्रिंशतो जुहोति त्रयस्त्रिंशद्वै देवतां देवता एवाव रुन्द आष्टाचत्वारिंशतो जुहोत्यष्टाचत्वारिंशदक्षरा जगती जागताः पशवो जगत्येवास्मै पशूनव रुन्दे वाजश्च प्रसवश्चेति द्वादशं जुहोति द्वादश मासाः संवत्सरः संवत्सर एव प्रति तिष्ठति॥ (४२)

वि वै यज्ञः सामं च म इत्याह च तिस्रश्चैकान्नपञ्चाशच्च॥ [८]

अग्निर्देवेभ्योऽपौक्रामद्वाग्धेयमिच्छमानस्तं देवा अंब्रुवन्नप न आ वर्तस्व हव्यं नो वहेति सौऽब्रवीद्वै वृणै मह्यमेव वाजप्रसवीयं जुहवन्निति तस्माद्ग्नये वाजप्रसवीयं जुहति यद्वाजप्रसवीयं जुहोत्यग्निमेव तद्वाग्धेयं समर्धयत्यथो अभिषेक एवास्य स चतुर्दशभिर्जुहोति सप्त ग्राम्या ओषधयः सप्त (४३)

आरण्या उभयीषामवरुद्धा अन्नस्यान्नस्य जुहोत्यन्नस्यान्नस्यावरुद्धा औदम्बरेण सुवेणं जुहोत्यूर्वा उदुम्बर ऊर्गन्नमूर्जैवास्मा ऊर्जमन्नमव रुन्देऽग्निर्वै देवानामभिषिक्तोऽग्निचिन्मनुष्याणान्तस्मादग्निचिद्वरपति न धावेदवरुद्धः ह्यस्यान्नमन्नमिव खलु वै वर्षं यद्वावेदन्नाद्याद्वावेदुपावर्ततान्नाद्यमेवाभि (४४)

उपावर्तते नक्तोपासेति कृष्णायै श्वेतवत्सायै पर्यसा जुहोत्यह्नेवास्मै रात्रिम्प दांपयति रात्रियाहरं होरात्रे एवास्मै प्रते काममन्नाद्यं दहाते राष्ट्रभृतां जुहोति राष्ट्रमेवाव रुन्दे पङ्क्तिर्जुहोति पङ्क्ता ऋतव ऋतुष्वेव प्रति तिष्ठति भुवनस्य पत् इति रथमुखे पञ्चाहुतीर्जुहोति वज्रो वै रथो वज्रैणैव दिशः (४५)

अभि जयत्यग्निचितं ह वा अमुष्मिँल्लोके वातोऽभि पवते वातनामानि जुहोत्यभ्येवैनममुष्मिँल्लोके वातः पवते त्रीणि जुहोति त्रयं इमे लोका एभ्य एव लोकेभ्यो वातमव रुन्दे समुद्रोऽसि नभस्वानित्याहेतद्वै वातस्य रूपं रूपेणैव वातमव रुन्देऽञ्जलिनां जुहोति न ह्येतेषामन्यथाहुतिरवकल्पते॥ (४६)

ओषधयः सप्ताभि दिशोऽन्यथा द्वे च॥ [९]

सुवर्गाय वै लोकाय देवयो युज्यते यत्राकृताय मनुष्यरथ एष खलु वै देवयो यदग्निरग्निं युनज्मि शवंसा घृतेनेत्याह युनक्त्येवैनं स एनं युक्तः सुवर्गं लोकमभि वंहति यत्सर्वाभिः पञ्चभिर्वृक्ष्याद्युक्तोऽस्याग्निः प्रच्युतः स्यादप्रतिष्ठिता आहुतयः स्युरप्रतिष्ठिताः स्तोमा अप्रतिष्ठितान्युक्थानि तिसृभिः प्रातःसवनेऽभि मृशति त्रिवृत् (४७)

वा अग्निर्वाग्नेवाग्निस्तं युनक्ति यथानसि युक्त आधीयत एवमेव तत्प्रत्याहुतयस्तिष्ठन्ति प्रति स्तोमाः प्रत्युक्थानि यज्ञायज्ञिरस्य स्तोत्रे द्वाभ्यामभि मृशत्येतावान् वै यज्ञो यावानग्निष्टोमो भूमा त्वा अस्यात ऊर्ध्वः



क्रियते यावानेव यज्ञस्तमन्ततोऽन्वारोहति द्वाभ्यां प्रतिष्ठित्या एक्याप्रस्तुतम्भवत्यथ (४८)

अभि मृशत्युपैन्मुत्तरो यज्ञो नमत्यथो सन्तत्यै प्र वा एषोऽस्माल्लोकाच्चवते योऽग्निं चिनुते न वा एतस्यानिष्टक आहुतिरव कल्पते यां वा एषोऽनिष्टक आहुतिं जुहोति स्रवन्ति वै सा ताऽ स्रवन्ती यज्ञोऽनु परा भवति यज्ञं यजमानो यत्पुनश्चितिं चिनुत आहुतीनां प्रतिष्ठित्यै प्रत्याहुतयस्तिष्ठन्ति (४९)

न यज्ञः पुराभवति न यजमानोऽष्टावुप दधात्यष्टाक्षरा गायत्री गांयत्रेणैव न छन्दसा चिनुते यदेकादश त्रैष्टुभेन यद्वादश जागतेन छन्दोभिरेवैनं चिनुते नपात्को वै नामैषोऽग्निर्यत्पुनश्चितिर्य एवं विद्वान्पुनश्चितिं चिनुत आ तृतीयात्पुरुषादन्नमति यथा वै पुनराधेय एवम्पुनश्चितिर्योऽग्न्याधेयं न (५०)

ऋध्नोति स पुनराधेयमा धत्ते योऽग्निं चित्वा नर्ध्नोति स पुनश्चितिं चिनुते यत्पुनश्चितिं चिनुत ऋध्वा अथो खल्वाहुनं चैतव्येति रुद्रो वा एष यदग्निर्यथा व्याघ्रः सुसम्बोधयति तादृगेव तदथो खल्वाहुश्चेतव्येति यथा वसीयाः सम्भागधेयं बोधयति तादृगेव तन्मनुर्गन्धिमचिनुत तेन नाध्नोत्स एताम्पुनश्चितिमपश्यत्तामचिनुत तया वै स आध्नोद्यत्पुनश्चितिं चिनुत ऋध्वै॥ (५१)

त्रिवृदथ तिष्ठन्त्यग्न्याधेयं नाचिनुत सप्तदश च॥ [१०]

छन्दश्चितं चिन्वीत पशुकामः पशवो वै छन्दांसि पशुमानेव भवति श्येनचितं चिन्वीत सुवर्गकामः श्येनो वै वयसाम्पतिष्ठः श्येन एव भूत्वा सुवर्गं लोकम्पतति कङ्कचितं चिन्वीत यः कामयते शीरष्वानामुष्मिह्नौ के स्यामिति शीरष्ववानेवामुष्मिह्नौ के भवत्यलजचितं चिन्वीत चतुःसीतं प्रतिष्ठाकामश्चतस्रो दिशो दिक्ष्वेव प्रति तिष्ठति प्रउगचितं चिन्वीत भ्रातृव्यवान् (५२)

एव भ्रातृव्यानुदत उभयतःप्रउगं चिन्वीत यः कामयते प्र जातान्भ्रातृव्यानुदेय प्रतिजनिष्यमाणांनिति प्रैव जातान्भ्रातृव्यानुदते प्रति जनिष्यमाणान्नथचक्रचितं चिन्वीत भ्रातृव्यवान् वज्रो वै रथो वज्रमेव भ्रातृव्येभ्यः प्र हरति द्रोणचितं चिन्वीतान्नक्रामो द्रोणे वा अन्नम्रियते सयोन्येवान्नमवं रुद्धे समूह्य चिन्वीत पशुकामः पशुमानेव भवति (५३)

परिचाय्यं चिन्वीत ग्रामकामो ग्राम्येव भवति श्मशानचितं चिन्वीत यः कामयते पितृलोकं ऋध्नयामिति पितृलोक एवध्नोति विश्वामित्रजमदग्नौ वसिष्ठेनास्पधेताः स एता जमदग्निर्विह्व्या अपश्यत्ता उपाधत्ता ताभिर्वै स वसिष्ठयेन्द्रियं वीर्यमवृद्धं यद्विह्व्या उपदधातीन्द्रियमेव ताभिर्वीर्यं यजमानो भ्रातृव्यस्य वृद्धे होतृधिष्णियं उप दधाति यजमानायतनं वै (५४)

होता स्व एवास्मा आयतन इन्द्रियं वीर्यमव रुद्धे द्वादशोप दधाति द्वादशाक्षरा जगती जागताः पशवो जगत्पैवास्यै पशुनव रुद्धेऽष्टावष्टावन्पेषु धिष्णियेषूप दधात्यष्टाशफाः पशवः पशून्नेवाव रुद्धे षण्माजालीये षड्वा ऋतवं ऋतवः खलु वै देवाः पितरं ऋतून्नेव देवान्पितृन्प्रीणाति॥ (५)

प्र भवति यजमानायतनं वा अष्टाचत्वारिंशच्च॥ [११]

पवंस्व वाजसातय इत्यनुष्टुप्प्रतिपद्वति तिस्रोऽनुष्टुभश्चतस्रो गायत्रियो यत्तिस्रोऽनुष्टुभस्तस्मादः  
श्वस्त्रिभिस्तिष्ठः स्तिष्ठति यच्चतस्रो गायत्रियस्तस्मात्सर्वाः श्वतुरः पदः प्रतिदधत्पलायते परमा वा एषा  
छन्दसां यदनुष्टुक्परमश्चतुष्टोमः स्तोमानां परमस्त्रिरात्रो यज्ञानां परमोऽश्वः पशूनां परमेणैवेन परमतां  
गमयत्येकविंशमहर्भवति (५६)

यस्मिन्नश्वं आलभ्यते द्वादश मासाः पञ्चतवस्त्रयं इमे लोका असावांदित्य एकविंश एष प्रजापतिः  
प्राजापत्योऽश्वस्तमेव साक्षादग्नौति शक्रयः पृष्ठम्भवन्त्यन्यदन्यच्छन्दोऽन्ये वा एते पशव आ लभ्यन्त उतेवं  
ग्राम्या उतेवारण्या यच्छक्रयः पृष्ठम्भवन्त्यश्वस्य सर्वत्वाय पार्थुरश्मम्ब्रह्मसामम्भवति रश्मिना वा अश्वः (५७)

यत् ईश्वरो वा अश्वोऽयतोऽप्रतिष्ठितः परां परावतं गन्तोत्पार्थुरश्मम्ब्रह्मसामम्भवत्यश्वस्य यत्यै धृत्यै  
सङ्कृत्यच्छावाकसामम्भवत्युत्सन्नयज्ञो वा एष यदश्वमेधः कस्तद्वेदेत्याहुर्द्यदि सर्वो वा क्रियते न वा सर्व  
इति यत्सङ्कृत्यच्छावाकसामम्भवत्यश्वस्य सर्वत्वाय पर्याप्त्या अनन्तरायाय सर्वस्तोमोऽतिरात्र उत्तममहर्भवति  
सर्वस्यात्यै सर्वस्य जित्यै सर्वमेव तेनाऽऽप्नोति सर्वं जयति॥ (५८)

अहर्भवति वा अश्वोऽहर्भवति दशं च॥ \_\_\_\_\_ [१२]

यदेकेन प्रजापतिः प्रेणानु यजुषापो विश्वकर्माग्र आ याहि सुवर्गाय  
वज्रो गायत्रेणाग्र उदधे समीचीन्द्राय मयुरपां बलाय पुरुषमृगः सौरी पृषतः  
शका रुरुरलजः सुपर्ण आग्नेयोऽश्वोऽग्नयेऽनीकवते चतुर्विंशतिः॥ \_\_\_\_\_ [१३] यदेकेन  
स पापीयानेतद्वा अग्नेर्धनुस्तद्देवास्त्वेन्द्रज्येष्ठा अपां नप्रेऽश्वस्तूपरो द्विषष्टिः॥ 62॥ यदेकेनैकशितिपात्येत्वं॥

## ॥पञ्चमः प्रश्नः॥

॥तैत्तिरीयसंहितायां पञ्चमकाण्डे पञ्चमः प्रश्नः॥

यदेकेन सऽस्थापरयति यज्ञस्य सन्तत्या अवच्छेदायैन्द्राः पशवो ये मुष्करा यदैन्द्राः सन्तोऽग्निभ्यं  
आलभ्यन्ते देवताभ्यः समदं दधात्याग्नेयीस्त्रिष्टुभो याज्यानुवाक्याः कुर्याद्यदाग्नेयीस्तेनाग्नेया यत्रिष्टुभस्तेनैन्द्राः  
समृद्धे न देवताभ्यः समदं दधाति वायवे नियुत्वन्ते तूपरमा लभते तेजोऽग्नेर्वायुस्तेजस एष आ लभ्यते  
तस्माद्यद्रियंङ्वायुः (१)

वार्ति तद्रियंङ्वाग्निर्दहति स्वमेव तत्तेजोऽन्वति यत्र नियुत्वन्ते स्यादुन्माद्येद्यजमानो नियुत्वन्ते भवति  
यजमानस्यानुन्मादाय वायुमतीं श्वेतवती याज्यानुवाक्यं भवतः सतेजस्त्वायं हिरण्यगर्भः समवर्तताग्र इत्याधारमा  
धारयति प्रजापतिर्वै हिरण्यगर्भः प्रजापतेनरूपत्वाय सर्वाणि वा एष रूपाणि पशूनाम्रत्या लभ्यते  
यच्छंश्रुणस्तत् (२)

पुरुषाणां रूपं यत्पुस्तदश्वानां यदन्यतोदन्तद्वयां यदव्यां इव शफास्तदवीनां यदजस्तदजानां वायुर्वै पशूनाम्प्रियं धाम् यद्वायव्यां भवत्येतमेवैनमभि संजानानाः पशव उपां तिष्ठन्ते वायव्यः कार्या(३)ः प्राजापत्या(३) इत्याहुयद्वायव्यं कुर्यात्प्राजापतेरियाद्यत्प्राजापत्यं कुर्याद्वायोः (३)

इयाद्यद्वायव्यः पशुर्भवति तेन वायोनैति यत्प्राजापत्यः पुरोडाशो भवति तेन प्राजापतेनैति यद्वादश-कपालस्तेन वैश्वानरात्रैत्याग्नावैष्णवमेकादशकपालं निर्वपति दीक्षिष्यमाणोऽग्निः सर्वा देवता विष्णुर्यज्ञो देवताश्चैव यज्ञं चारंभतेऽग्निरवमो देवतानां विष्णुः परमो यदाग्नावैष्णवमेकादशकपालं निर्वपति देवताः (४)

एवोभयतः परिगृह्य यजमानोऽव रुद्धे पुरोडाशेन वै देवा अमुष्मिँल्लोकं और्ध्वं चरुणास्मिन् यः कामयेतामुष्मिँल्लोकं ऋधुयामिति स पुरोडाशं कुर्वीतामुष्मिँत्रेव लोकं ऋधोति यदष्टाकपालस्तेनाग्नेयो यत्रिकपालस्तेन वैष्णवः समृद्धे यः कामयेतास्मिँल्लोकं ऋधुयामिति स चरुं कुर्वीताग्नेर्धृतं विष्णोस्तण्डुलास्तस्मात् (५)

चरुः कार्याऽस्मिँत्रेव लोकं ऋधोत्यादित्यो भवतीत्यं वा अदितिरस्यामेव प्रति तिष्ठत्यथो अस्यामेवार्धिं यज्ञं तनुते यो वै संवत्सरमुख्यमभृत्वाग्निं चिनुते यथा सामि गर्भोऽवपद्यते तादृगेव तदार्तिमाच्छेद्वैश्वानरं द्वादशकपालम् पुरस्तान्नृविपेथसंवत्सरो वा अग्निर्वैश्वानरो यथा संवत्सरमात्वा (६)

काल आगते विजायत एवमेव संवत्सरमात्वा काल आगतेऽग्निं चिनुते नार्तिमाच्छेद्वैष्णो वा अग्नेः प्रिया तनूयद्वैश्वानरः प्रियामेवास्य तनुवमव रुद्धे त्रीण्येतानि हवीःषि भवन्ति त्रयं इमे लोका एषां लोकानां रोहाय। (७)

यद्रियद्वायुर्यच्छ्रुणस्तद्वायोनिर्वपति देवतास्तस्मादात्वाष्टात्रिंशच्च॥ [१]

प्रजापतिः प्रजाः सृष्ट्वा प्रेणानु प्राविशत्ताभ्यः पुनः सम्भवितुं नाशक्रोत्सोऽब्रवीद्भवदित्स यो मेतः पुनः सञ्चिनवदिति तं देवाः समचिन्वन्ततो वै त और्ध्वन् यत्समचिन्वन्तचित्चित्स्य चित्युत्वम् य एवं विद्वानग्निं चिनुत ऋधोत्येव कस्मै कमग्निश्चीयत् इत्याहुर्गन्वान् (८)

असानीति वा अग्निश्चीयतेऽग्निवानेव भवति कस्मै कमग्निश्चीयत् इत्याहुर्देवा मां वेदन्निति वा अग्निश्चीयते विदुरेन देवाः कस्मै कमग्निश्चीयत् इत्याहुर्गृह्यसानीति वा अग्निश्चीयते गृह्येव भवति कस्मै कमग्निश्चीयत् इत्याहुः पशुमानसानीति वा अग्निः (९)

चीयते पशुमानेव भवति कस्मै कमग्निश्चीयत् इत्याहुः सप्त मा पुरुषा उपां जीवानिति वा अग्निश्चीयते त्रयः प्राञ्चस्त्रयः प्रत्यं च आत्मा संस्रम एतावन्त एवैनममुष्मिँल्लोकं उपां जीवन्ति प्रजापतिरग्निर्मचिकीषत् तं पृथिव्यब्रवीन्न मय्यग्निं चैष्यसेति मा धक्ष्यति सा त्वातिदह्यमाना वि धविष्ये (१०)

स पापीयान्भविष्यसीति सौऽब्रवीत्तथा वा अहं करिष्यामि यथा त्वा नातिधक्ष्यतीति स इमामभ्यमृशत् प्रजापतिस्त्वा सादयतु तया देवतयाङ्गिरस्वद्धुवा सीदतीमामेवेष्टां कृत्वोपाधत्तान्तिदाहाय यत्प्रत्यग्निं चिन्वीत तदभि मृशेत्प्राजापतिस्त्वा सादयतु तया देवतयाङ्गिरस्वद्धुवा सीद (११)

इतीमामेवेष्टां कृत्वोपां धत्तेऽनतिदाहाय प्रजापतिरकामयत् प्र जायेयेति स एतमुख्यमपश्यत्

संवत्सरमविभूस्ततो वै स प्राजायत तस्मात्संवत्सरम्यः प्रैव जायते तं वसंवोऽब्रुवन् त्वमंजनिष्ठा वयं प्र जायामहा इति तं वसुभ्यः प्रायच्छुतं त्रीण्यहान्यविभरुस्तेन (१२)

त्रीणि च शतान्यसृजन्त त्रयस्त्रिंशतं च तस्मात्त्र्यहम्यः प्रैव जायते तान्नाद्रा अंब्रुवन् यूयमंजनिद्वं वयं प्र जायामहा इति तं रुद्रेभ्यः प्रायच्छुतं पडहान्यविभरुस्तेन त्रीणि च शतान्यसृजन्त त्रयस्त्रिंशतं च तस्मात्पडहम्यः प्रैव जायते तानादित्या अंब्रुवन् यूयमंजनिद्वं वयं (१३)

प्र जायामहा इति तमादित्येभ्यः प्रायच्छुतं द्वादशाहान्यविभरुस्तेन त्रीणि च शतान्यसृजन्त त्रयस्त्रिंशतं च तस्माद्द्वादशाहम्यः प्रैव जायते तेनैव ते सहस्रमसृजन्तोऽखा सहस्रतमीं य एवमुख्यं साहस्रं वेद प्र सहस्रं पशूनांप्रोति॥ (१४)

अग्निवान्पशुमानं सानीति वा अग्निर्धविष्ये मृशेत्प्रजापतिस्त्वा सादयतु तया देवतयाङ्गिरस्वद्ध्रुवा सीद तेन तानादित्या अंब्रुवन् यूयमंजनिद्वं वयश्चत्वारिंशच्च॥

[२]

यजुषा वा एषा क्रियते यजुषा पच्यते यजुषा वि मुच्यते यदुखा सा वा एषैतरहिं यातयाम्री सा न पुनः प्रयुज्येत्याहुरग्नें युक्वा हि ये तवं युक्वा हि देवहूतमा इत्युखायां जुहोति तेनैवैनाम्पुनः प्र युक्ते तेनायांतयाम्री यो वा अग्निं योग आगते युनक्ति युक्ते युञ्जानेष्वग्नें (१५)

युक्वा हि ये तवं युक्वा हि देवहूतमा इत्याहेष वा अग्रेयोगस्तेनैवैनां युनक्ति युक्ते युञ्जानेषु ब्रह्मवादिनां वदन्ति न्यङ्मुनिश्चेतव्या (३) उताना (३) इति वयंसां वा एष प्रतिमयां चीयते यदग्निर्यज्यंश्च चिनुयात्पृष्टि एनमाहुतय ऋच्छेयुर्यदुत्तानं न पतितुं शक्यादसुवर्ग्योऽस्य स्यात्प्राचीनमुत्तानम् (१६)

पुरुषशीर्षमुपं दधाति मुखत एवैनाहुतय ऋच्छन्ति नोत्तानं चिनुते सुवर्ग्योऽस्य भवति सौर्या जुहोति चक्षुरेवास्मिन्प्रति दधाति द्विर्जुहोति द्वे हि चक्षुषी समान्या जुहोति समानं हि चक्षुः समृद्धौ देवासुराः संयता आसन्ते वामं वसु सं न्यदधत तदेवा वामभूतावृञ्जत तद्दामभूतो वामभृत्वं यद्दामभूतमुपदधाति वाममेव तया वसु यजमानो भ्रातृव्यस्य वृद्धे हिरण्यमूर्ध्नी भवति ज्योतिर्वै हिरण्यं ज्योतिर्वामं ज्योतिषैवास्य ज्योतिर्वामं वृद्धे द्वियजुर्भवति प्रतिष्ठित्यै॥ (१७)

युञ्जानेष्वग्ने प्राचीनमुत्तानं वामभृत्तुर्विंशतिश्च॥

[३]

आपो वरुणस्य पत्न्य आसन्ता अग्निरभ्यध्यायताः समभवत्तस्य रेतः परापतत्तदियमभवद्यद्वितीयम्परापतत्तदसा वंभवदियं वै विराडसौ स्वराडद्विराजवुपदधातीमे एवोप धत्ते यद्वा असौ रेतः सिञ्चति तदस्यां प्रति तिष्ठति तत्प्र जायते ता ओषधयः (१८)

वीर्यो भवन्ति ता अग्निरन्ति य एवं वेद प्रैव जायतेऽन्नादो भवति यो रेतस्वी स्यात्प्रथमायां तस्य चित्यामुभे उपं दध्यादिमे एवास्मै समीची रेतः सिञ्चतो यः सिक्तरताः स्यात्प्रथमायां तस्य चित्यामन्यामुपं

दध्यादुत्तमायामन्या९ रेतं एवास्यं सित्तमाभ्यामुभयतः परिं गृह्णाति संवत्सरं न कम् (१९)

चन प्रत्यवरोहेत्र हीमे कं चन प्रत्यवरोहंतस्तदेनयोर्ब्रतं यो वा अपंशीरषाणमग्निं चिनुते-  
उपंशीरषामुष्मिँल्लोके भवति यः सशीरषाणं चिनुते सशीरषामुष्मिँल्लोके भवति चितिं जुहोमि मनसा घृतेन  
यथा देवा इहागमन्वीतिहोत्रा ऋतावृधः समुद्रस्य व्युनस्य पतमंजुहोमि विश्वकर्मणे विश्वाहामर्त्यं९ हविरिति  
स्वयमातृणामुपधायं जुहोति (२०)

एतद्वा अग्नेः शिरः सशीरषाणमेवाग्निं चिनुते सशीरषामुष्मिँल्लोके भवति य एवं वेदं सुवर्गाय वा एष  
लोकायं चीयते यदग्निस्तस्य यदयथापूर्वं क्रियतेऽसुवर्ग्यमस्य तथ्सुवर्ग्याऽग्निश्चितिमुपधायामि मंशेचित्तिमचित्तिं  
चिनवद्वि विद्वान्युष्टेवं वीता वृजिना च मर्तात्राये च नः स्वपत्यायं देव दितिं च रास्वादितिमुरुष्येति  
यथापूर्वमेवेनामुप धत्ते प्राञ्चमेनं चिनुते सुवर्ग्याऽस्य भवति॥ (२१)

ओषधयः कञ्जुहोति स्वपत्यायाष्टादश च॥ [४]

विश्वकर्मा दिशाम्पतिः स नः पशून्पातु सौऽस्मान्पातु तस्मै नमः प्रजापंती रुद्रो वरुणोऽग्निर्दिशाम्पतिः  
स नः पशून्पातु सौऽस्मान्पातु तस्मै नमः एता वै देवता एतेषां पशूनामधिपतयस्ताभ्यो वा एष आ वृश्च्यते  
यः पंशुशीरषाण्युपदधाति हिरण्येष्टका उपं दधात्येताभ्यं एव देवताभ्यो नमस्करोति ब्रह्मवादिनः (२२)

वदन्युश्रौ ग्राम्यान्पशून् दधाति शुचारण्यानर्पयति किं तत् उच्छि९पतीति यद्विरण्येष्टका उपदध्यात्यमुतं  
वै हिरण्यममृतंनैव ग्राम्येभ्यः पशुभ्यो भेषजं करोति नैनान् हिनस्ति प्राणो वै प्रथमा स्वयमातृणा व्यानो  
द्वितीयापानस्तृतीयानु प्राण्यात्प्रथमा९ स्वयमातृणामुपधायं प्राणेनैव प्राणं९ समर्धयति व्यन्यात् (२३)

द्वितीयांमुपधायं व्यानेनैव व्यानं९ समर्धयत्यपांन्यात्तृतीयांमुपधायंपानेनैवापानं९ समर्धयत्यथौ प्राणैरेवेनं९  
समिन्द्रे भूर्भुवः सुवरिति स्वयमातृणा उपं दधातीमे वै लोकाः स्वयमातृणा एताभिः खलु वै व्याहृतीभिः  
प्रजापतिः प्राजायत यदेताभिर्व्याहृतीभिः स्वयमातृणा उपदधातीमानेव लोकानुपधायेषु (२४)

लोकेष्वधि प्र जायते प्राणायं व्यानायापानायं वाचे त्वा चक्षुषे त्वा तया देवतयाङ्गिरस्वद्ध्रुवा  
सीदग्निना वै देवाः सुवर्गं लोकमजिगा९सन्तेन पतितुं नाशंकुवन्त एताश्चतस्रः स्वयमातृणा अपश्यन्ता  
दिक्षुपादधत् तेन सर्वतंश्चक्षुषा सुवर्गं लोकमायन्युचतस्रः स्वयमातृणा दिक्षूपदधाति सर्वतंश्चक्षुषैव तदग्निना  
यजमानः सुवर्गं लोकमेति॥ (२५)

ब्रह्मवादिनो व्यन्यादेषु यजमानस्त्रीणि च॥ [५]

अग्न आ याहि वीतय इत्याहाह्वंतेवेनमग्निं दूतं वृणीमह इत्याह हूत्वैवेनं वृणीतेऽग्निनाग्निः समिध्यत  
इत्याह समिन्द एवेनमग्निर्वृत्राणि जह्वनदित्याह समिद्ध एवास्मिन्निन्द्रियं दधात्यग्नेः स्तोमंमनामह इत्याह  
मनुत एवेनमेतानि वा अह्ना९ रूपाणि (२६)

अन्वहमेवेनं चिनुतेऽवाह्ना९ रूपाणि रुद्धे ब्रह्मवादिनो वदन्ति कस्मात्स्वत्याद्यातयाग्नीरन्या इष्टंका  
अयांतयाग्नी लोकं पुणेत्यैन्द्राग्नी हि बारहस्पत्येति ब्रूयादिन्द्राग्नी च हि देवानाम्बृहस्पतिश्चायांतयामानोऽनुचरवंती

भवत्यर्जामित्वायानुष्ठानं चरत्यात्मा वै लोकं पृणा प्राणौऽनुष्टुप्स्मात्प्राणः सर्वाण्यङ्गान्यनु चरति ता अस्य सूददोहसः (२७)

इत्याहु तस्मात्पुरुषिपुरुषि रसः सोमश्च श्रीयन्ति पृथञ्च इत्याहारं वै पृथ्यन्नमेवाव रुद्धेऽर्को वा अग्निरर्कोऽन्नमन्त्रमेवाव रुद्धे जन्म देवानां विशंस्त्रिष्व रौचने दिव इत्याहुमानेवासमै लोकां ज्योतिष्मतः करोति यो वा इष्टकानां प्रतिष्ठां वेद प्रत्येव तिष्ठति तया देवतयाङ्गिरस्वद्धुवा सीदेत्याहुषा वा इष्टकानां प्रतिष्ठा य एवं वेद प्रत्येव तिष्ठति॥ (२८)

**रूपाणि सूददोहसस्तया षोडश च॥** \_\_\_\_\_ [६]

सुवर्गाय वा एष लोकाय चीयते यदग्निर्वज्रं एकादशिनी यदग्नावैकादशिनीमिन्याद्वज्रेणैव सुवर्गालोका-  
दन्तर्दध्याद्यन्न मिन्याध्ववरुभिः पशून्वर्धयेदेकयूपमिमिनोति नैनं वज्रेण सुवर्गालोकादन्तर्दधाति न स्वरुभिः  
पशून्वर्धयति वि वा एष इन्द्रियेण वीर्येणर्धयति यौऽग्निं चिन्वन्नधिक्रामत्यैन्द्रिया (२९)

ऋचाक्रमणमप्रतीष्टकामुपं दध्यान्नेन्द्रियेण वीर्येण व्युध्यते रुद्रो वा एष यदग्निस्तस्य तिस्रः शरव्याः  
प्रतीचीं तिरश्चनूचीं ताभ्यो वा एष आ वृश्चते यौऽग्निं चिनुतैऽग्निं चित्वा तिसृधन्वमयाचितम्राह्मणाय  
दद्यात्ताभ्यं एव नमस्करोत्यथो ताभ्यं एवात्मानं निष्क्रीणीते यतं रुद्र पुरः (३०)

धनुस्तद्वातो अनु वातु ते तस्मै ते रुद्र संवत्सरेण नमस्करोमि यतं रुद्र दक्षिणा धनुस्तद्वातो  
अनु वातु ते तस्मै ते रुद्र परिवत्सरेण नमस्करोमि यतं रुद्र पश्चाद्धनुस्तद्वातो अनु वातु ते तस्मै ते  
रुद्रेदावत्सरेण नमस्करोमि यतं रुद्रोत्तराद्धनुस्तत् (३१)

वातो अनु वातु ते तस्मै ते रुद्रेदुवत्सरेण नमस्करोमि यतं रुद्रोपरि धनुस्तद्वातो अनु वातु ते  
तस्मै ते रुद्र वत्सरेण नमस्करोमि रुद्रो वा एष यदग्निः स यथा व्याघ्रः क्रुद्धस्तिष्ठत्येवं वा एष एतर्हि  
सञ्चितमेतैरुपं तिष्ठते नमस्कारैरेवेनैव शमयति यैऽग्नयः (३२)

पुरीष्याः प्रविष्टाः पृथिवीमनु। तेषां त्वमस्युत्तमः प्र णौ जीवातवे सुवा आपं त्वाऽग्ने मनसापं  
त्वाऽग्ने तपसापं त्वाग्ने दीक्षयापं त्वाग्ने उपसद्विरापं त्वाग्ने सुत्ययापं त्वाऽग्ने दक्षिणाभिरापं त्वाग्नेऽवभृथेनापं  
त्वाग्ने वशयापं त्वाग्ने स्वगाकारेणेत्याहुषा वा अग्नेरातिस्तयैवेनमाप्रोति॥ (३३)

**ऐन्द्रिया पुर उत्तराद्धनुस्तदग्नयं आहाष्टौ च॥** \_\_\_\_\_ [७]

गायत्रेण पुरस्तादुपं तिष्ठते प्राणमेवास्मिन्दधाति बृहद्रथन्तराभ्यां पक्षावोजं एवास्मिन्दधात्युत्थायज्ञायजियेन  
पुच्छंमुतुष्वेव प्रति तिष्ठति पृष्ठेरुपं तिष्ठते तेजो वै पृष्ठानि तेजं एवास्मिन्दधाति प्रजापतिरग्निर्मसृजत  
सौऽस्माध्मृष्टः पराङ्मत्तं वारवन्तीयेनावारयत तद्वारवन्तीयस्य वारवन्तीयत्वश्च श्यैतेन श्येती अंकुरुत तच्छ्रौतस्य  
श्यैतत्त्वम् (३४)

यद्वारवन्तीयेनोपतिष्ठते वारयत एवैनश्च श्यैतेन श्येती कुरुते प्रजापतेरुहृदयेनापिपक्षमत्युपं तिष्ठते  
प्रेमानमेवास्य गच्छति प्राच्यां त्वा दिशा सादयामि गायत्रेण छन्दसाग्निना देवतयाग्नेः शीर्ष्णाग्नेः शिर उपं

दधामि दक्षिणया त्वा दिशा सांदयामि त्रैष्टुभेन छन्दसेन्द्रेण देवतयाग्नेः पक्षेणाग्नेः पक्षमुपं दधामि प्रतीच्यां  
त्वा दिशा सांदयामि (३५)

जागतेन छन्दसा सवित्रा देवतयाग्नेः पृच्छेनाग्नेः पृच्छुमुपं दधाम्युदीच्या त्वा दिशा सांदयाम्यानुष्टुभेन  
छन्दसा मित्रावरुणाभ्यां देवतयाग्नेः पक्षेणाग्नेः पक्षमुपं दधाम्यूर्ध्वयां त्वा दिशा सांदयामि पाङ्केन छन्दसा  
बृहस्पतिना देवतयाग्नेः पृष्ठेनाग्नेः पृष्ठमुपं दधामि यो वा अपात्मानमग्निं चिनुतेऽपात्मा मुष्मिँल्लोकं भवति  
यः सात्मानं चिनुते सात्मा मुष्मिँल्लोकं भवत्यात्मेष्टका उपं दधात्येष वा अग्रेरात्मा सात्मानमेवाग्निं चिनुते  
सात्मा मुष्मिँल्लोकं भवति य एवं वेद॥ (३६)

श्यैतत्वं प्रतीच्यां त्वा दिशा सांदयामि यः सात्मानश्चिनुते  
द्वाविंशतिश्च॥ [८]

अग्रं उदधे या त इषुर्वुवा नाम तया नो मृड तस्यास्ते नमस्तस्यास्त उप जीवन्तो भूयास्माग्ने  
दुध्र गह्य किंशिल वन्य या त इषुर्वुवा नाम तया नो मृड तस्यास्ते नमस्तस्यास्त उप जीवन्तो  
भूयास्म पञ्च वा एतंऽग्नयो यच्चितय उदधिरेव नाम प्रथमो दुध्रः (३७)

द्वितीयो गह्यस्तृतीयः किंशिलश्चतुर्थो वन्यः पञ्चमस्तेभ्यो यदाहुतीर्न जुहुयादध्वर्युं च यजमानं  
च प्र दहेयुर्यदिता आहुतीर्जुहोति भागधेयैर्नैवैनाञ्छमयति नार्तिमाच्छत्यध्वर्युं यजमानो वाङ्म आसन्नसोः  
प्राणोऽक्षयोश्चक्षुः कर्णयोः श्रोत्रम्बाहुवोर्बलमूरुवोरोजोऽरिष्टा विश्वान्यङ्गानि तनूः (३८)

तनुवां मे सह नमस्ते अस्तु मा मां हिंसीरप वा एतस्मात्प्राणाः क्रांमन्ति योऽग्निं चिन्वन्नधिक्रामन्ति  
वाङ्म आसन्नसोः प्राण इत्याह प्राणानेवात्मन्धत्ते यो रुद्रो अग्नौ यो अप्सु य ओषधीषु यो रुद्रो विश्वा  
भुवंनाविवेश तस्मै रुद्राय नमो अस्त्वाहुतिभागा वा अन्ये रुद्रा हविर्भागाः (३९)

अन्ये शतरुद्रीयं हुत्वा गांवीधुकं चरुमेतेन यजुषा चरमायामिष्टकायां नि दध्याद्वागधेयैर्नैवैनं शमयति  
तस्य त्वे शतरुद्रीयं हुतमित्याहुर्यस्येतदग्नौ क्रियत इति वसंवस्त्वा रुद्रः पुरस्तात्पान्तु पितरंस्त्वा यमरांजानः  
पितृभिर्दक्षिणतः पान्त्वादित्यास्त्वा विश्वेर्देवैः पश्चात्पान्तु द्युतानस्त्वा मारुतो मरुद्भिर्रुत्तरतः पांतु (४०)

देवास्त्वेन्द्रज्येष्ठा वरुणराजानोऽधस्ताच्चोपरिष्टाच्च पान्तु न वा एतेन पूतो न मेध्यो न प्रोक्षितो  
यदेनमतः प्राचीनं प्रोक्षति यत्सश्चित्माज्येन प्रोक्षति तेन पूतस्तेन मेध्यस्तेन प्रोक्षितः॥ (४१)

दुध्रस्तनूरहविर्भागाः पातु द्वात्रिंशच्च॥ [९]

समीची नामांसि प्राची दिक्तस्यास्तेऽग्निरधिपतिरसितो रक्षिता यश्चाधिपतिर्यश्च गोसा ताभ्यां नमस्तौ  
नो मृडयतान्ते यं द्विप्सो यश्च नो द्वेष्टि तं वां जम्भे दधाम्योजस्विनी नामांसि दक्षिणा दिक्तस्यास्त  
इन्द्रोऽधिपतिः पृदांकुः प्राची नामांसि प्रतीची दिक्तस्यास्ते (४२)

सोमोऽधिपतिः स्वजोऽवस्थावा नामास्युदीची दिक्तस्यास्ते वरुणोऽधिपतिस्तिरश्चराजिरधिपती नामांसि

बृहती दिक्तस्यास्ते बृहस्पतिरधिपतिः श्वित्रो वशिनी नामासीयं दिक्तस्यास्ते यमोऽधिपतिः कल्माषग्रीवो रक्षिता यश्चाधिपतिर्यश्च गोप्ता ताभ्यां नमस्तौ नौ मृडयतान्ते यं द्विष्मो यश्च (४३)

नो द्वेष्टि तं वां जम्भे दधाम्येता वै देवता अग्निं चित् रक्षन्ति ताभ्यो यदाहुतीर्न जुहुयादध्वर्युं च यजमानं च ध्यायेयुर्यदेता आहुतीर्जुहोति भागधेयैर्नैवनाञ्छमयति नार्तिमार्च्छत्यध्वर्युर्न यजमानो हेतयो नाम स्थ तेषां वः पुरो गृहा अग्निर्व इपंवः सलिलो निलिम्पा नाम (४४)

स्थ तेषां वो दक्षिणा गृहाः पितरौ व इपंवः संगरो वज्रिणो नाम स्थ तेषां वः पश्चाद्गृहाः स्वप्नो व इपंवो गह्वरोऽवस्थावानो नाम स्थ तेषां व उत्तराद्गृहा आपो व इपंवः समुद्रोऽधिपतयो नाम स्थ तेषां व उपरि गृहा वर्पं व इपवोऽवस्वान्क्रव्या नाम स्थ पार्थिवास्तेषां व इह गृहाः (४५)

अन्नं व इपवो निमिषो वातनामन्तेभ्यो वो नमस्ते नौ मृडयत ते यं द्विष्मो यश्च नो द्वेष्टि तं वो जम्भे दधामि हुतादो वा अन्ये देवा अहुतादोऽन्ये तानग्निचिदेवोभयान्ग्रीणाति दध्रा मधुमिश्रेणैता आहुतीर्जुहोति भागधेयैर्नैवनाङ्ग्रीणात्यथो खल्वाहु रिष्टका वै देवा अहुताद इति (४६)

अनुपरिक्रामं जुहोत्यपरिवर्गमेवैनाङ्ग्रीणातीमश् स्तनमूर्जस्वन्तं धयापामप्रप्यातमग्ने सरिरस्य मध्ये। उथ्सं जुषस्व मधुमन्तमूर्वं समुद्रियस्व सदन्मा विशस्वा यो वा अग्निमयुज्य विमुञ्चति यथाशौ युक्तोऽविमुच्यमानः क्षुध्यन्पराभवत्येवमस्याग्निः परा भवति तं पराभवन्तं यजमानोऽनु परा भवति सौ अग्निं चित्वा लूक्षः (४७)

भवतीमश् स्तनमूर्जस्वन्तं धयापामित्याज्यस्य पूर्णाश् स्त्रुचं जुहोत्येष वा अग्नेर्विमोको विमुच्यैवास्मा अन्नमपि दधाति तस्मादाहु र्यश्चैवं वेद यश्च न सुधायं ह वै वाजी सुहितो दधातीत्यग्निर्वाव वाजी तमेव तत्प्रीणाति स एनमप्रीतः प्रीणाति वसीयान्भवति॥ (४८)

प्रतीची दिक्तस्यास्ते द्विष्मो यश्च निलिम्पा नामेह गृहा इति लूक्षो वसीयान्भवति॥

[१०]

इन्द्राय राज्ञे सूकरो वरुणाय राज्ञे कृष्णो यमाय राज्ञे ऋश्यं ऋषभाय राज्ञे गवयः शार्दूलाय राज्ञे गौरः पुरुषराजायं मर्कटः क्षिप्रश्येनस्य वर्तिका नीलगोः क्रिमिः सोमस्य राज्ञे कुलुङ्गः सिन्धोः शिशुमारो हिमवन्तो हस्ती॥ (४९)

इन्द्रायाष्टाविंशतिः॥

[११]

मयुः प्राजापत्य ऊलो हलाक्ष्णो वृषदशस्ते धातुः सरस्वत्यै शारिः श्येता पुरुषवाखसरस्वते शुक्रः श्येतः पुरुषवागारण्योऽजो नकुलः शका ते पौष्णा वाचे क्रौञ्चः॥ (५०)

मयुस्त्रयोविंशतिः॥

[१२]



अपां नत्रै जपो नाक्रो मकरः कुलीकयस्तेऽकूपारस्य वाचे पैङ्गराजो भगाय कुपीतक आती बाहसो  
दर्विदा ते वायव्या दिग्भ्यश्चक्रवाकः॥ (५१)

अपामेकान्नविंशतिः॥ [१३]

बलायाजगर आखुः सृज्या शयण्डकस्ते मैत्रा मृत्यवेऽसितो मन्यवे स्वजः कुम्भीनसः पुष्करसादो  
लोहितहिस्ते त्वाष्ट्राः प्रतिश्रुत्वायै बाहसः॥ (५२)

[१४]

पुरुषमृगश्चन्द्रमसे गोधा कालका दारवाघाटस्ते वनस्पतीनामेण्यहे कृष्णो रात्रियै पिकः क्ष्विङ्का  
नीलशीर्ष्णी तैऽर्यम्णे धातुः कत्कटः॥ (५३)

[१५]

सौरी बलाकश्यो मयूरः श्येनस्ते गन्धर्वाणां वसूनां कपिञ्जलो रुद्राणां तित्तिरी रोहितकुण्डुणार्ची  
गोलत्तिका ता अप्सरसाभरणयाय समुरः॥ (५४)

[१६]

पृषतो वैश्वदेवः पित्वो न्यङ्कुः कशस्तेऽनुमत्या अन्यवापोऽर्धमासानाम्मासां कश्यपः क्रयिः कुटर्दात्यौहस्ते  
सिनीवाल्यै बृहस्पतये शित्पुटः॥ (५)

[१७]

शका भौमी पाञ्चः कशो मान्थीलवस्ते पितृणामृतूनां जहंका संवत्सराय लोपां कपोत उलूकः  
शशस्ते नैर्ऋताः कृकवाकुः सावित्रः॥ (५६)

बलाय पुरुषमृगः सौरी पृषतः शकाष्टादशाष्टादशः॥ [१८]

रुरू रौद्रः कृकलासः शकुनिः पिप्पंका ते शर्यायै हरिणो मारुतो ब्रह्मणे शागंस्तरक्षुः कृष्णः  
श्वा चतुरक्षो गर्दभस्त ईतरजनानामग्रये धृङ्गा॥ (५७)

रुरुर्विंशतिः॥ [१९]

अलज आन्तरिक्ष उद्रो मद्गः प्लवस्तैऽपामदित्यै हंससार्वभिरिन्द्राण्यै कीरशा गृध्रः शितिकक्षी  
वाध्राणसस्ते दिव्या द्यावापृथिव्यां श्वावित्॥ (५८)

[२०]

सुपर्णः पाज्जन्यो हंसो वृको वृषदंशस्त ऐन्द्रा अपामुद्रौऽर्यम्णे लोपाशः सिंहो नकुलो व्याघ्रस्ते

महेन्द्राय कामाय परस्वान्॥ (५९)

अलजः सुपर्णोऽष्टादशाष्टादशः॥ [२१]

आग्नेयः कृष्णग्रीवः सारस्वती मेघी बभ्रुः सौम्यः पौष्णः श्यामः शितिपृष्ठो बारहस्पत्यः शिल्पो वैश्वदेव ऐन्द्रोऽरुणो मारुतः कल्मष ऐन्द्राग्रः संहितोऽधोरांमः सावित्रो वारुणः पेतवः॥ (६०)

आग्नेयो द्वाविंशतिः॥ [२२]

अश्वस्तूपरो गौमृगस्ते प्राजापत्या आग्नेयो कृष्णग्रीवो त्वाष्ट्रौ लोमशसुक्थौ शितिपृष्ठौ बारहस्पत्यौ धात्रे पृषोदरः सौर्यो बलक्षः पेतवः॥ (६१)

अश्वः षोडशः॥ [२३]

अग्नयेऽनीकवते रोहिताञ्जिरन्द्धानधोरांमौ सावित्रौ पौष्णौ रजतनाभी वैश्वदेवौ पिशङ्गौ तूपरो मारुतः कल्मष आग्नेयः कृष्णोऽजः सारस्वती मेघी वारुणः कृष्ण एकशितिपात्पेतवः (६२)

अग्नयोऽनीकवते द्वाविंशतिः॥ [२४]

हिरण्यवर्णा अपां ग्रहान्भूतेष्टकाः सज्जूः संवत्सरं प्रजापतिः स क्षुरपविरग्नेर्वै दीक्षया सुवर्गाय तं यन्न सूयते प्रजापतिरऋतुभी रोहितः पृश्निः शितिबाहुरुन्नतः कर्णाः शुण्ठा इन्द्रायादित्यै सौम्या वारुणाः सोमायैकादश पिशङ्गास्त्रयोविंशतिः॥ [२५] हिरण्यवर्णा भूतेष्टकाश्छन्दो

यत्कनीयाश्च सन्निवृद्धाग्निर्वारुणाश्चतुःपञ्चाशत्॥५४॥ हिरण्यवर्णा निर्वक्षसः॥

## ॥षष्ठमः प्रश्नः॥

॥तैत्तिरीयसंहितायां पञ्चमकाण्डे षष्ठमः प्रश्नः॥

हिरण्यवर्णाः शुचयः पावका यासु जातः कश्यपो यास्विन्द्रः। अग्निं या गर्भं दधिरे विरूपास्ता न आपः शङ् स्योना भवन्तु। यासां राजा वरुणो याति मध्ये सत्यानृते अवपश्यञ्जानानाम्। मधुश्चतुः शुचयो याः पावकास्ता न आपः शङ् स्योना भवन्तु। यासां देवा द्विवि कृण्वन्ति भक्षं या अन्तरिक्षे बहुधा भवन्ति। याः पृथिवीमप्यसोन्दन्ति (१)

शुक्रास्ता न आपः शः स्योना भवन्तु। शिवेन मा चक्षुषा पश्यतापः शिवया तनुवोपं स्पृशत त्वचम्मे। सर्वाः अग्नीः रप्सुपदो हुवे वो मयि वर्षो बलमोजो नि धत्त। यददः सम्प्रयतीरहानन्दता हुते। तस्मादा नद्यो नाम स्थ ता वो नामानि सिन्धवः। यत्प्रेषिता वरुणेन ताः शीभः समवल्गता। (२)

तदाप्रोदिन्द्रो वो यतीस्तस्मादापो अनु स्थन। अपकामः स्यन्दमाना अवीवरत वो हिकम। इन्द्रो वः शक्तिभिर्देवीस्तस्माद्वाणाम वो हितम्। एको देवो अप्यतिष्ठस्यन्दमाना यथावशम्। उदानिपुर्महोरिति तस्मादुदकमुच्यते। आपो भ्रा घृतमिदापं आसुरग्रीवोमौ बिभ्रत्याप इताः। तीव्रो रसो मधुपृचाम्। (३)

अरुगम आ मा प्राणेन सह वर्चसा गन्। आदित्पश्याम्युत वां शृणोम्या मा घोषो गच्छति वाङ् आसाम्। मन्ये भेजानो अमृतस्य तरहि हिरण्यवर्णा अतुपं यदा वः। आपो हि छा मयोभुवस्ता न ऊर्जे दधातन। महे रणाय चक्षसे। यो वः शिवतमो रसस्तस्य भाजयतेह नः। उशतीरिव मातरः। तस्मा अरु गमाम वो यस्य क्षयाय जिन्वथा आपो जनयथा च नः। दिवि श्रयस्वान्तरिक्षे यतस्व पृथिव्या सम्भव ब्रह्मवर्चसमसि ब्रह्मवर्चसाय त्वा॥ (४)

**उन्दन्ति समवल्गता मधुपृचाम्मातरौ द्वाविंशतिश्च॥** [१]

अपां ग्रहान्गृह्णात्येतद्वाव राजसूर्यं यदेते ग्रहाः सवोऽग्निर्वरुणसवो राजसूर्यमग्निसर्वश्चित्यस्ताभ्यामेव सूर्यतेऽथो उभावेव लोकावभि जयति यश्च राजसूर्येनेजानस्य यश्चाग्निचित आपो भवन्त्यापो वा अग्नेर्भ्रातृव्या यदपोऽग्नेरधस्तादुपधाति भ्रातृव्याभिभूत्ये भवत्यात्मना परास्य भ्रातृव्यो भवत्युतमम्। (५)

वा आपस्तस्मादद्विरवतान्तमभि पिञ्चन्ति नार्तिमाच्छति सर्वमायुरेति यस्येता उपधीयन्ते य उ चैना एवं वेदान्न वा आपः पशव आपोऽन्नम्यशवोऽन्नादः पशुमान्भवति यस्येता उपधीयन्ते य उ चैना एवं वेद द्वादश भवन्ति द्वादश मासाः संवत्सरः संवत्सरेणैवास्मै। (६)

अन्नमव रुद्धे पात्राणि भवन्ति पात्रे वा अन्नमद्यते सयोन्येवान्नमव रुद्ध आ द्वादशात्पुरुषादन्नमृत्यथो पात्रान्न छिद्यते यस्येता उपधीयन्ते य उ चैना एवं वेद कुम्भाश्च कुम्भीश्च मिथुनानि भवन्ति मिथुनस्य प्रजात्यै प्र प्रजयां पशुभिर्मिथुनैर्जायते यस्येता उपधीयन्ते य उ (७)

चैना एवं वेद शुक्वा अग्निः सौऽध्वर्यु यजमानं प्रजाः शुचापयति यदप उपधाति शूचमेवास्य शमयति नार्तिमाच्छत्यध्वर्युन यजमानः शाम्यन्ति प्रजा यत्रेता उपधीयन्तेऽपां वा एतानि हृदयानि यदेता आपो यदेता अप उपधाति दिव्याभिरेवेनाः सः सृजति वर्षुकः पर्जन्यः। (८)

भवति यो वा एतासामायतनं कृतिं वेदायतनवान्भवति कल्पतेऽस्मा अनुसीतमुपं दधात्येतद्वा आंसामायतनमेषा कृतिर्य एवं वेदायतनवान्भवति कल्पतेऽस्मै द्वन्द्वमन्या उपं दधाति चतस्रो मध्ये धृत्या अन्नं वा इष्टका एतत्खलु वै साक्षादन्नं यदेष चरुयदितं चरुमुपधाति साक्षात्। (९)

एवास्मा अन्नमव रुद्धे मध्यत उपं दधाति मध्यत एवास्मा अन्नं दधाति तस्मान्मध्यतोऽन्नमद्यते बारहस्पत्यो भवति ब्रह्म वै देवानाम्बृहस्पतिर्ब्रह्मणैवास्मा अन्नमव रुद्धे ब्रह्मवर्चसमसि ब्रह्मवर्चसाय त्वेत्याह

तेजस्वी ब्रह्मवर्चसी भवति यस्यैष उपधीयते य उ चैनमेवं वेद॥ (१०)

अमृतमस्मै जायते यस्यैता उपधीयन्ते य उ पर्जन्यं उपधाति  
साक्षात्सप्तचत्वारिंशच्च॥ [२]

भूतेष्टका उपं दधात्यत्रात्र वै मृत्युर्जायते यत्रयत्रैव मृत्युर्जायते ततं एवेनमव यजते  
तस्मादग्निचिथ्सर्वमायुरेति सर्वे ह्यस्य मृत्यवोऽवैष्टास्तस्मादग्निचित्राभिचरितवै प्रत्यगैनमभिचारः स्तुणुते स्यूते  
वा एष योऽग्निं चिनुते देवसुवामेतानि हवीरपि भवन्त्येतावन्तो वै देवानां सुवास्त एव (११)

अस्मै सवान्म यच्छन्ति त एनं सुवन्ते सर्वोऽग्निर्वरुणसवो राजसूर्यं ब्रह्मसवश्चित्यो देवस्यं त्वा  
सवितुः प्रसव इत्याह सवितुप्रसूत एवेनं ब्रह्मणा देवताभिरग्निं पिश्वत्यन्नस्यान्नस्याग्निं पिश्वत्यन्नस्यान्नस्यावरुद्धौ  
पुरस्तात्प्रत्यश्चमभि पिश्वति पुरस्ताद्धि प्रतीचीनमन्नमद्यते शीरपतोऽग्निं पिश्वति शीरपतो ह्यन्नमद्यत आ  
मुखादन्ववस्त्रायति (१२)

मुखत एवास्मा अन्नाद्यं दधात्यग्नेस्त्वा साम्राज्येनाग्निं पिश्वामीत्याहैष वा अग्नेः स्वस्तेनैवेनमभि  
पिश्वति बृहस्पतेस्त्वा साम्राज्येनाग्निं पिश्वामीत्याह ब्रह्म वै देवानाम्बृहस्पतिर्ब्रह्मणैवेनमभि पिश्वतीन्द्रस्य त्वा  
साम्राज्येनाग्निं पिश्वामीत्याहेन्द्रियमेवास्मिन्नुपरिष्ठादधात्येतत् (१३)

वै राजसूर्यस्य रूपं य एवं विद्वानग्निं चिनुत उभावेव लोकावभि जयति यश्च राजसूर्येनैजानस्य  
यश्चाग्निचित इन्द्रस्य सुषुवाणस्यं दशधेन्द्रियं वीर्यं परापततद्देवाः सौत्रामण्या समभरन्स्यूते वा एष योऽग्निं  
चिनुतेऽग्निं चित्वा सौत्रामण्या यजेतेन्द्रियमेव वीर्यं सम्भृत्यात्मन्धत्ते॥ (१४)

त एवान्ववस्त्रायत्येतदष्टाचत्वारिंशच्च॥ [३]

सजूरब्दोऽयावभिः सजूरूपा अरुणीभिः सजूः सूर्य एतंशेन सजोषावश्चिना दसौभिः सजूरग्निर्वैश्वानर  
इडाभिर्घृतेन स्वाहा संवत्सरो वा अब्दो मासा अयावा उषा अरुणी सूर्य एतंश इमे अश्विनां संवत्सरो  
ऽग्निर्वैश्वानरः पशव इडा पशवो घृतं संवत्सर्मपशवोऽनु प्र जायन्ते संवत्सरेणैवास्यै पशून्म जनयति  
दर्भस्तम्बे जुहोति यत् (१५)

वा अस्या अमृतं यद्वीर्यं तद्भास्तस्मिंश्चुहोति प्रैव जायतेऽन्नादो भवति यस्यैवं जुह्वत्येता वै देवता  
अग्नेः पुरस्ताद्वागास्ता एव प्रीणात्यथो चक्षुरेवाग्नेः पुरस्तात्प्रति दधात्यनन्धो भवति य एवं वेदापो वा  
इदमग्नें सलिलमासीत्स प्रजापतिः पुष्करपर्णे वारो भूतोऽल्लेलायत्सः (१६)

प्रतिष्ठां नाविन्दत स एतदपां कुलार्यमपश्यत्तस्मिन्त्रिभ्रमचिनुत तदियमभवत्ततो वै स  
प्रत्यतिष्ठद्याम्पुरस्तादुपादधात्तच्छिरोऽभवत्सा प्राची दिग्यां दक्षिणत उपादधात्स दक्षिणः पक्षोऽभवत्सा दक्षिणा  
दिग्याम्पश्चादुपादधात्तत्पुच्छमभवत्सा प्रतीची दिग्यामुत्तरत उपादधात् (१७)

स उत्तरः पक्षोऽभवत्सोर्दची दिग्यामुपरिष्ठादुपादधात्तत्पृष्ठमभवत्सोर्धा दिगियं वा अग्निः

पञ्चैष्टकस्तस्माद्यदस्यां खनन्त्यभीष्टकां तृन्दन्त्यभि शर्करां सर्वा वा इयं वयोभ्यो नक्तं दृशे दीप्यते तस्मादिमां वयोरसि नक्तं नाध्यासते य एवं विद्वानग्निं चिनुते प्रत्येव (१८)

तिष्ठत्यभि दिशो जयत्याग्नेयो वै ब्राह्मणस्तस्माद्ब्राह्मणाय सर्वासु दिक्ष्वर्धुकुः स्वामेव तद्विशमन्वैत्युपां वा अग्निः कुलायन्तस्मादापोऽग्निः हारुकाः स्वामेव तद्योनिम्नं विशन्ति॥ (१९)

यदलेलायत्स उत्तरत उपादधादेव द्वात्रिंशच्च॥ [४]

संवत्सरमुख्यम्भृत्वा द्वितीयं संवत्सर आग्नेयमष्टाकपालं निर्वपेद्रेन्द्रमेकादशकपालं वैश्वदेवं द्वादशकपालम् बारहस्पत्यं चरुं वैष्णवं त्रिकपालं तृतीयं संवत्सरेऽभिजितां यजेत् यदष्टाकपालो भवत्यष्टाक्षरा गायत्र्याग्नेयं गायत्रमप्रातःसवनम् प्रातःसवनमेव तेन दाधार गायत्रं छन्दो यदेकादशकपालो भवत्येकादशाक्षरा त्रिष्टुगेन्द्रं त्रैष्टुभम्मार्ध्यदिनं सवनम्मार्ध्यदिनमेव सवनं तेन दाधार त्रिष्टुभम् (२०)

छन्दो यद्द्वादशकपालो भवति द्वादशाक्षरा जगती वैश्वदेवं जागतं तृतीयसवनन्तृतीयसवनमेव तेन दाधार जगतीं छन्दो यद्बारहस्पत्यश्चरुर्भवति ब्रह्म वै देवानाम्बृहस्पतिर्ब्रह्मैव तेन दाधार यद्वैष्णवस्त्रिकपालो भवति यज्ञो वै विष्णुर्यज्ञमेव तेन दाधार यत्तृतीयं संवत्सरेऽभिजितां यजतेऽभिजित्यै यत्संवत्सरमुख्यम्बिभर्तृममेव (२१)

तेन लोकः स्पृणोति यद्वितीयं संवत्सरेऽग्निं चिनुतेऽन्तरिक्षमेव तेन स्पृणोति यत्तृतीयं संवत्सरे यजतेऽमुमेव तेन लोकः स्पृणोत्येतं वै परं आद्धारः कक्षीवाः औशिजो वीतहव्यः श्रायसस्त्रसदस्युः पौरुकुथ्यः प्रजाकामा अचिन्वत् ततो वै ते सहस्रं सहस्रम्पुत्रानविन्दन्त प्रथते प्रजयां पशुभिस्ताम्रात्रामाप्नोति यां तेऽगच्छन् य एवं विद्वानेतमग्निं चिनुते॥ (२२)

दाधार त्रिष्टुभमिममेवैवं चत्वारिं च॥ [५]

प्रजापतिरग्निमचिनुत् स क्षुरपविभृत्वातिष्ठत्तं देवा बिभ्यन्तो नोपायन्ते छन्दोभिः रात्मानं छादयित्वापोयन्तच्छन्दसां छन्दस्त्वं ब्रह्म वै छन्दांसि ब्रह्मण एतद्रूपं यत्कृष्णाजिनङ्काणी उपानहावुपं मुञ्चते छन्दोभिरेवात्मानं छादयित्वाग्निमुपं चरत्यात्मनोऽहिंसायै देवनिधिर्वा एष नि धीयते यदग्निः (२३)

अन्ये वा वै निधिमगुप्तं विन्दन्ति न वा प्रति प्र जानात्युखामा क्रामत्यात्मानमेवाधिपां कुरुते गुप्त्या अथो खल्वाहुनाक्रम्येति नैऋत्युखा यदाक्रामेन्नैऋत्या आत्मानमपि दध्यात्तस्मात्त्राक्रम्यां पुरुषशीर्षमुपं दधाति गुप्त्या अथो यथा ब्रूयादेतन्मे गोपायेति तादृगेव तत् (२४)

प्रजापतिर्वा अयंवाग्निरेव दध्यङ्गाथर्वणस्तस्येष्टका अस्थान्येतं ह वाव तदृषिर्भनूवाचेन्द्रो दधीचो अस्थभिरिति यदिष्टकाभिरग्निं चिनोति सात्मानमेवाग्निं चिनुते सात्मानमुष्मिँल्लोके भवति य एवं वेद शरीरं वा एतदग्रेयं चित्यं आत्मा वैश्वानरो यच्चिते वैश्वानरं जुहोति शरीरमेव सःस्कृत्यं (२५)

अभ्यारोहति शरीरं वा एतद्यजमानः सःस्कुरुते यदग्निं चिनुते यच्चिते वैश्वानरं जुहोति शरीरमेव सःस्कृत्यात्मनाभ्यारोहति तस्मात्तस्य नावं द्यन्ति जीवन्नेव देवानप्येति वैश्वानर्यर्चा पुरीषमुपं दधातीयं वा अग्निर्वैश्वानरस्तस्येषा चितिर्यत्पुरीषमग्निमेव वैश्वानरं चिनुत एषा वा अग्नेः प्रिया तनूर्यद्वैश्वानरः प्रियामेवास्यं

तनुवमव रुद्धे॥ (२६)

अग्निस्तथ्सु॒स्कृत्याग्नेर्दश॑ च॥ \_\_\_\_\_ [६]

अग्नेर्वै दीक्षया देवा विराजंमाप्नुवन्तिस्त्रो रात्रौर्दीक्षितः स्यात्त्रिपदा विराड्विराजंमाप्नोति पङ्कात्रौर्दीक्षितः स्यात् पङ्का ऋतवः संवत्सरः संवत्सरो विराड्विराजंमाप्नोति दश रात्रौर्दीक्षितः स्याद्दशाक्षरा विराड्विराजंमाप्नोति द्वादश रात्रौर्दीक्षितः स्याद्द्वादश मासाः संवत्सरः संवत्सरो विराड्विराजंमाप्नोति त्रयोदश रात्रौर्दीक्षितः स्यात्त्रयोदश (२७)

मासाः संवत्सरः संवत्सरो विराड्विराजंमाप्नोति पञ्चदश रात्रौर्दीक्षितः स्यात्पञ्चदश वा अर्धमासस्य रात्रयोऽर्धमासः संवत्सरः आप्यते संवत्सरो विराड्विराजंमाप्नोति सप्तदश रात्रौर्दीक्षितः स्याद्द्वादश मासाः पञ्चतवः स संवत्सरः संवत्सरो विराड्विराजंमाप्नोति चतुर्विंशतिः रात्रौर्दीक्षितः स्याच्चतुर्विंशतिरर्धमासाः संवत्सरः संवत्सरो विराड्विराजंमाप्नोति त्रिंशत् रात्रौर्दीक्षितः स्यात् (२८)

त्रिंशदक्षरा विराड्विराजंमाप्नोति मासं दीक्षितः स्याद्यो मासः स संवत्सरः संवत्सरो विराड्विराजंमाप्नोति चतुरौ मासो दीक्षितः स्याच्चतुरौ वा एतस्मासो वसवोऽबिभरुस्ते पृथिवीमाजयन्नायत्रीं छन्दोऽष्टौ रुद्रास्तैः उत्तरिक्षमाजयन्निष्टुभं छन्दो द्वादशादित्यास्ते दिवमाजयञ्जगतीं छन्दस्ततो वै ते व्यावृत्तमगच्छच्छ्रेष्ठं देवानाम् तस्माद्द्वादश मासो भूत्वाग्निं चिन्वीत द्वादश मासाः संवत्सरः संवत्सरोऽग्निश्चित्यस्तस्याहोरात्राणीष्टका आतेष्टकमेनं चिनुतेऽथै व्यावृत्तमेव गच्छति श्रेष्ठं समानानाम्॥ (२९)

स्यात्त्रयोदश त्रिंशत् रात्रौर्दीक्षितः स्याद्वै तैःष्टाविंशतिश्च॥ \_\_\_\_\_ [७]

सुवर्गाय वा एष लोकाय चीयते यदग्निस्तं यन्नान्वारोहैः सुवर्गाल्लोकाद्यजमानो हीयेत पृथिवीमार्कमिषं प्राणो मा मा हांसीदन्तरिक्षमार्कमिषं प्रजा मा मा हांसीद्विबमार्कमिषं सुवर्गन्मेत्याहुष वा अग्नेरन्वारोहस्तेनैवैनं न्वारोहति सुवर्गस्य लोकस्य समष्टे यत्पक्षसंमितामिनुयात् (३०)

कर्नीयासं यज्ञक्रतुमुपैयात्पापीयस्यस्यात्मनः प्रजा स्याद्वेदिसंमितामिनोति ज्यायासमेव यज्ञक्रतुमुपैति नास्यात्मनः पापीयसी प्रजा भवति साहस्रं चिन्वीत प्रथमं चिन्वानः सहस्रसंमिति वा अयं लोक इममेव लोकमभि जयति द्विपाहस्रं चिन्वीत द्वितीयं चिन्वानो द्विपाहस्रं वा अन्तरिक्षमन्तरिक्षमेवाभि जयति त्रिपाहस्रं चिन्वीत तृतीयं चिन्वानः (३१)

त्रिपाहस्रो वा असौ लोकोऽमुमेव लोकमभि जयति जानुदग्रं चिन्वीत प्रथमं चिन्वानो गायत्रियैवेमं लोकमभ्यारोहति नाभिदग्रं चिन्वीत द्वितीयं चिन्वानश्छिष्टभेवान्तरिक्षमभ्यारोहति ग्रीवदग्रं चिन्वीत तृतीयं चिन्वानो जगत्पेयामं लोकमभ्यारोहति नाग्निं चित्वा रामामुपैयादयो नौ रेतौ धास्यामीति न द्वितीयं चित्वान्यस्य स्त्रियम् (३२)

उपैयान्न तृतीयं चित्वा कां चनोपैयाद्रेतो वा एतन्नि धत्ते यदग्निं चिनुते यदपैयाद्रेतं व्यध्येताथो खल्वाहुरप्रजस्यं तद्यन्नोपैयादिति यद्रेतः सिचावुपदधाति ते एव यजमानस्य रेतौ बिभृतस्तस्मादुपैयाद्रेतसोऽस्कन्दाय

त्रीणि वाव रेतांसि पिता पुत्रः पौत्रः (३३)

यद्धे रेतःसिचावुपदध्याद्रेतोऽस्य विच्छिन्द्यात्तिस्त्र उपं दधाति रेतसः सन्तत्या इयं वाव प्रथमा रेतःसिग्वाग्वा इयं तस्मात्पश्यन्तीमाम्पश्यन्ति वाचं वदन्तीमन्तरिक्षं द्वितीया प्राणो वा अन्तरिक्षं तस्मान्नान्तरिक्षम्पश्यन्ति न प्राणमसौ तृतीया चक्षुर्वा असौ तस्मात्पश्यन्त्यमूम्पश्यन्ति चक्षुर्यजुषेमां च (३४)

अमूं चोपं दधाति मनसा मध्यमामेषां लोकानां क्लृप्त्वा अथौ प्राणानामिष्टो यजो भृगुभिराशीर्दा वसुभिस्तस्य त इष्टस्य वातस्य द्रविणेह भक्षीयेत्याह स्तुतशस्त्रे एवेतेन दुहे पिता मांतिश्चाच्छिद्रा पदा धा अच्छिद्रा उशिजः पदानुं तक्षुः सोमो विश्ववित्रेता नैषद्बहुस्पतिरुक्थामुदानि शंसिषदित्याहेतद्वा अग्रेरुक्थन्तेनैवैनमनुं शंसति॥ (३५)

मिनुयात्तृतीयं चिन्वानस्त्रियं पौत्रंश्च वै सप्तदश च॥ [८]

सूयते वा एषोऽग्नीनां य उखायां श्रियते यदधः सादयेद्गर्भः प्रपादुकाः स्युरथो यथा सवात्प्रत्यवरोहति तादृगेव तदासन्दी सादयति गर्भाणां धृत्या अप्रपादायाथो सुवमेवैनं करोति गर्भो वा एष यदुख्यो योनिः शिक्यं यच्छिक्वादुखां निरूहेद्योनेर्गर्भं निरहण्याथ्यदुंघ्यामं शिक्यम्भवति षोढाविहितो वै (३६)

पुरुष आत्मा च शिरश्च चतुर्वङ्गान्यात्मन्नेवैनम्बिभर्ति प्रजापतिर्वा एष यदग्निस्तस्योखा चोर्लुखलं च स्तनौ तावस्य प्रजा उपं जीवन्ति यदुखां चोर्लुखलं चोपदधाति ताभ्यामेव यजमानोऽमुष्मिहोक्तेऽग्निं दुहे संवत्सरो वा एष यदग्निस्तस्य त्रेधाविहिता इष्टकाः प्राजापत्या वैष्णवीः (३७)

वैश्वकर्मणीरहोरात्राण्येवास्य प्राजापत्या यदुख्यम्बिभर्ति प्राजापत्या एव तदुपं धत्ते यत्समिधं आदधाति वैष्णवा वै वनस्पतयो वैष्णवीरेव तदुपं धत्ते यदिष्टकाभिरग्निं चिनोतीयं वै विश्वकर्मा वैश्वकर्मणीरेव तदुपं धत्ते तस्मादाहुस्त्रिवृदग्निरिति तं वा एतं यजमान एव चिन्वीत यदस्यान्यक्षिनुयाद्यत्तं दक्षिणाभिर्न राधयेदग्निस्य वृज्जीत योऽस्याग्निं चिनुयात्तं दक्षिणाभी राधयेदग्निमेव तत्स्पृणोति॥ (३८)

षोढाविहितो वै वैष्णवीरन्यो विंशतिश्च॥ [९]

प्रजापतिरग्निमचिनुतर्तुभिः संवत्सरं वसन्तेनैवास्य पूर्वार्धमचिनुत ग्रीष्मेण दक्षिणम्पक्षं वर्षाभिः पुच्छं शरदोत्तरम्पक्षं हेमन्तेन मध्यं ब्रह्मणा वा अस्य तत्पूर्वार्धमचिनुत क्षत्रेण दक्षिणम्पक्षम्पशुभिः पुच्छं विशोत्तरम्पक्षमाशया मध्यं य एवं विद्वानग्निं चिनुत ऋतुभिरेवैनं चिनुतेऽथौ एतदेव सर्वमव (३९)

रुद्धे शृण्वन्त्येनमग्निं चिक्क्यानमत्यत्र रोचत इयं वाव प्रथमा चित्तिरोपधयो वनस्पतयः पुरीषमन्तरिक्षं द्वितीया वयांसि पुरीषमसौ तृतीया नक्षत्राणि पुरीषं यज्ञश्चतुर्थी दक्षिणा पुरीषं यजमानः पञ्चमी प्रजा पुरीषं यज्ञिचित्तोक्तं चिन्वीत यज्ञं दक्षिणामात्मानं प्रजामन्तरियात्तस्मात्पञ्चचित्तोक्तश्चेत्यं एतदेव सर्वं स्पृणोति यत्तिस्त्रश्रित्यः (४०)

त्रिवृच्छाग्निरिद्धे द्विपाद्यजमानः प्रतिष्ठित्यै पञ्च चित्तयो भवन्ति पाङ्कः पुरुष आत्मानमेव स्पृणोति पञ्च चित्तयो भवन्ति पञ्चभिः पुरीषैरभ्यूहति दश सम्पद्यन्ते दशाक्षरो वै पुरुषो यावानेव पुरुषस्तं स्पृणोत्यथो

दशाक्षरा विराडङ्गं विराड्विराज्येवान्नाद्ये प्रति तिष्ठति संवत्सरो वै षष्ठी चित्तिरुक्तवः पुरीषः पद्धितयो  
भवन्ति षट्पदीपाणि द्वादश सम्पद्यन्ते द्वादश मासाः संवत्सुरः संवत्सुर एव प्रति तिष्ठति॥ (४१)

अव चितयः पुरीषं पञ्चदश च॥ [१०]

रोहितो धूम्ररोहितः कर्कशुरोहितस्ते प्राजापत्या बभ्रुररुणबभ्रुः शुक्लबभ्रुस्ते रौद्राः श्येतः श्येताक्षः  
श्येतग्रीवस्ते पितृदेवत्यास्तिस्त्रः कृष्णा वशा वारुण्यस्तिस्त्रः श्वेता वशाः सौर्यो मैत्राबारहस्पत्या  
धूम्रललामास्तूपराः॥ (४२)

[११]

पृश्निस्तिरश्चीनपृश्निरूर्ध्वपृश्निस्ते मारुताः फल्गूलोहितोर्णी बलक्षी ताः सारस्वत्यः पृषती  
स्थूलपृषती क्षुद्रपृषती ता वैश्वदेव्यस्तिस्त्रः श्यामा वशाः पौष्णियस्तिस्त्रो रोहिणीवशा मैत्रिय ऐन्द्राबारहस्पत्या  
अरुणललामास्तूपराः॥ (४३)

[१२]

रोहितः पृश्निः षड्विंशतिः षड्विंशतिः॥ [१२]

शितिबाहुरन्यतःशितिबाहुः समन्तशितिबाहुस्त ऐन्द्रवायवाः शितिरन्ध्रोऽन्यतःशितिरन्ध्रः समन्तशितिरन्ध्रस्ते  
मैत्रावरुणाः शुद्धवालः सर्वशुद्धवालो मणिवालस्त आश्विनास्तिस्त्रः शिल्पा वशा वैश्वदेव्यस्तिस्त्रः श्येनीः परमेष्ठिनं  
सोमापोष्णाः श्यामललामास्तूपराः॥ (४४)

[१३]

उन्नत ऋषभो वामनस्त ऐन्द्रावरुणाः शितिककुच्छितपृष्ठः शितिभस्त ऐन्द्राबारहस्पत्याः  
शितिपाच्छित्योष्ठः शितिभ्रुस्त ऐन्द्रावैष्णवास्तिस्त्रः सिन्धा वशा वैश्वकर्मण्यस्तिस्त्रो धात्रे पृषोदरा ऐन्द्रापोष्णाः  
श्येतललामास्तूपराः॥ (४५)

[१४]

शितिबाहुरुन्नतः पञ्चविंशतिः पञ्चविंशतिः॥ [१४]

कर्णास्त्रयो यामाः सौम्यास्त्रयः श्वितिङ्गा अग्नये यविष्ठाय त्रयो नकुलास्तिस्त्रो रोहिणीस्त्रयव्यस्ता  
वसूनान्तिस्त्रोऽरुणा दित्योह्यस्ता रुद्राणां सोमैन्द्रा बभ्रुललामास्तूपराः॥ (४६)

[१५]

कर्णास्त्रयोविंशतिः॥ [१५]

शुण्ठास्त्रयो वैष्णवा अंधीलोधकर्णास्त्रयो विष्णव उरुक्रमायं लप्सुदिनस्त्रयो विष्णव उरुगायाय  
पञ्चावीस्तिस्त्र आदित्यानीत्रिवध्मास्तिस्त्रोऽङ्गिरसामैन्द्रावैष्णवा गौरललामास्तूपराः॥ (४७)

[१६]

शुण्ठा विंशतिः॥ [१६]



इन्द्राय राज्ञे त्रयः शितिपृष्ठा इन्द्रायाधिराजाय त्रयः शितिककुद इन्द्राय स्वराज्ञे त्रयः शितिभसदस्तिस्त्रस्तुयैर्ह्यः साध्यानान्तिस्त्रः पंष्टौह्यो विश्वेषां देवानामाग्नेन्द्राः कृष्णललामास्तूपराः॥ (४८)

इन्द्राय राज्ञे द्वाविंशतिः॥ [१७]

अदित्ये त्रयो रोहितैता इन्द्राण्यै त्रयः कृष्णैताः कुह्वै त्रयोऽरुणैतास्तिस्त्रो धेनवो राकायै त्रयोऽनुङ्गाहः सिनीवाल्या अग्नावैष्णवा रोहितललामास्तूपराः॥ (४९)

अदित्या अष्टादशः॥ [१८]

सौम्यास्त्रयः पिशङ्गाः सोमाय राज्ञे त्रयः सारङ्गाः पार्जन्या नभोरूपास्तिस्त्रोऽजा मल्हा इन्द्राण्यै तिस्रो मेर्य आदित्या द्यावापृथिव्या मालङ्गास्तूपराः॥ (५०)

सौम्या एकात्रविंशतिः॥ [१९]

वारुणास्त्रयः कृष्णललामा वरुणाय राज्ञे त्रयो रोहितोललामा वरुणाय रिशादसे त्रयोऽरुणललामाः शिल्पास्त्रयो वैश्वदेवास्त्रयः पृश्नयः सर्वदेवत्या ऐन्द्रासूराः श्येतललामास्तूपराः॥ (५१)

वारुणा विंशतिः॥ [२०]

सोमाय स्वराज्ञेऽनोवाहावन्द्वाहाविन्द्राग्निभ्यामोजोदाभ्यामुष्टाराविन्द्राग्निभ्यां बलदाभ्यां सीरवाहाववी द्वे धेनू भौमी दिग्भ्यो वडंबे द्वे धेनू भौमी वैराजी पुंरूपी द्वे धेनू भौमी वायवं आरोहणवाहावन्द्वाहौ वारुणी कृष्णे वृशे अराड्यौ दिव्यावृषभौ परिमरौ॥ (५२)

सोमाय स्वराज्ञे चतुस्त्रिंशत्॥ [२१]

एकादश प्रातर्गव्याः पशव आ लभ्यन्ते छगलः कल्मार्षः किकिदीविर्विदीगयस्ते त्वाष्ट्राः सौरीर्नवं श्वेता वशा अनूबन्ध्या भवन्त्याग्नेय ऐन्द्राग्र आश्विनस्ते विशालयूप आ लभ्यन्ते॥ (५३)

एकादश पञ्चविंशतिः॥ [२२]

पिशङ्गास्त्रयो वासन्ताः सारङ्गास्त्रयो ग्रेष्माः पृपन्तस्त्रयो वार्षिकाः पृश्नयस्त्रयः शारदाः पृश्निजसक्थास्त्रयो हैमन्तिका अवलितास्त्रयः शैशिराः संवत्सराय निर्वक्षसः (५४)

पिशङ्गा विंशतिः॥ [२३]

यो वा अयथादेवतन्त्वामग्र इन्द्रस्य चित्तिं यथा वै वयो वै यदाकूताद्यास्ते अग्ने मयिं गृह्णामि प्रजापतिः सोऽस्माथ्स्तेगान् वाजं कूर्मान्

योऋ॑ मि॒त्रावरु॑णावि॒न्द्रस्य॑ पू॒ष्ण ओज॑ आ॒न॒न्दम॑ह॒र॒ग्रेर्वा॒योः प॒न्था॒ङ्कमै॒र्द्यौस्तेऽग्निः॑  
प॒शुरा॑सी॒थ्यद्वि॑ श॒तिः॥ — [२४] यो वा ए॒वाहु॑ति॒मभ॑वन्॒यिभि॑र॒वृ॒ध्या॒न॒न्दम॑ष्टौप॒ञ्चाशत्॥२४॥ यो वा  
अय॑थादे॒वत् यद्य॑व॒जिघ्र॑सि॥

## ॥सप्तमः प्रश्नः॥

॥तैत्तिरीयसंहितायां पञ्चमकाण्डे सप्तमः प्रश्नः॥

यो वा अय॑थादे॒वत्तम॑ग्निं चि॒नुत॑ आ दे॒वता॑भ्यो वृ॒क्ष्यते॑ पा॒र्षीया॑न्भवति यो य॑थादे॒वत् न दे॒वता॑भ्य  
आ वृ॒क्ष्यते॑ व॒सीया॑न्भवत्याग्ने॒त्या गा॑यत्रिया प्रथ॒मां चि॑ति॒मभि॑ मृ॒शेन्नि॒ष्टुभा॑ द्वितीयां जग॑त्या तृतीया॑मनु॒ष्टुभा॑  
चतु॒र्थीम्प॒ङ्गा प॑ञ्चमीं य॑थादे॒वत्तमे॒वाग्निं चि॑नुते न दे॒वता॑भ्य आ वृ॒क्ष्यते॑ व॒सीया॑न्भवतीडा॒ये वा ए॒षा वि॑भक्तिः  
प॒शव॑ इडां प॒शुभि॑रेनम् (१)

चि॒नुते॑ यो वै प्र॒जाप॑तये प्रति॒प्रोच्या॑ग्निं चि॒नोति॑ ना॒तिमा॑र्च्छत्य॒श्वाव॑भि॒तस्ति॑ष्ठेतां कृ॒ष्ण उ॑त्तरतः श्वे॒तो  
दक्षि॑ण॒स्तावा॒लभ्ये॑ष्टका उ॒पं द॒ध्यादे॑तद्वै प्र॒जाप॑ते रू॒पम्रा॑जाप॒त्योऽश्वः॑ सा॒क्षादे॒व प्र॒जाप॑तये प्रति॒प्रोच्या॑ग्निं चि॒नोति॑  
ना॒तिमा॑र्च्छत्येतद्वा अहो॑ रू॒पं य॒च्छेतोऽश्वो॑ रात्रि॒ये कृ॒ष्ण ए॒तदहः॑ (२)

रू॒पं यदि॑ष्टका रात्रि॒ये पुरी॑षमि॒ष्टका उ॒पधा॑स्य॒ञ्चेत॑मश्व॒मभि॑ मृ॒शेत्युरी॑षमु॒पधा॑स्य॒नृ॒ष्णम॑होरात्राभ्या॒मेवै॑नं  
चि॒नुते॑ हिर॒ण्यपा॒त्रम॑धोः पूर्णं द॒दाति॑ मध॒व्योऽसा॑नीति॒ सौर्या॑ चि॒त्रव॑त्यावै॒क्षते॑ चि॒त्रमे॒व भ॑वति म॒ध्यन्दि॑नेऽश्व॒मव॑  
प्रा॒पय॑त्य॒सौ वा आ॑दित्य इ॒न्द्र ए॒ष प्र॒जाप॑तिः प्रा॒जाप॑त्योऽश्व॒स्तमे॒व सा॒क्षाद॑भ्रोति॥ (३)

ए॒नमे॒तद॒होऽष्टा॑च॒त्वारि॑ श॒च्च॥ — [१]

त्वा॒मग्ने॑ वृ॒षभं॑ चे॒कितान्मु॑न्यु॒र्वान॑ञ्जनय॒न्नुपा॑गा॒मम्। अ॒स्थूरि॑ णो गार्ह॒पत्या॑नि सन्तु ति॒ग्मेन॑ नो ब्र॒ह्मणा॑  
स॒ शि॑शाधि। प॒शवो॑ वा ए॒ते यदि॑ष्टका॒श्रित्या॑चित्यामृ॒षभ॑मु॒पं दधा॑ति मि॒थुन॑मे॒वास्य॑ तद्य॒ज्ञे करो॑ति प्र॒जन॑नाय॒  
तस्मा॑द्य॒द्येय॑थ ऋ॒षभः। सं॒व॒त्सर॑स्यं प्रति॒मां यां त्वा॑ रा॒त्र्युपा॑सते। प्र॒जा॒ सु॒वीरा॑ कृ॒त्वा वि॒श्वमा॑यु॒र्व्यश्न॑वत्।  
प्रा॒जाप॑त्याम् (४)

ए॒तामु॑पं दधाती॒यं वा॒वैषै॑का॒ष्टका॑ यदे॒वैका॑ष्टका॒याम॑न्नं क्रि॒यते॑ तदे॒वैत॑याव॒ रुन्द्र॑ ए॒षा वै प्र॒जाप॑तेः  
का॒मदु॒घा त॑यै॒व यज॑मानोऽमु॒ष्मिन्नि॑कैः॒ऽग्निं दु॒हे येन॑ दे॒वा ज्योति॑षो॒र्ध्वा उ॒दाय॑न् येना॒दित्या॑ वस॒वो येन॑ रु॒द्राः।  
येना॑ङ्गि॒रसो॑ महि॒मान॑मानु॒शस्ते॑नै॒तु यज॑मानः स्व॒स्ति। सु॒व॒गाय॑ वा ए॒ष लो॑कायं (५)

ची॒यते॑ यद॒ग्निरे॑न दे॒वा ज्योति॑षो॒र्ध्वा उ॒दाय॑न्नि॒त्युख्य॑ स॒मिन्द्र॑ इ॒ष्टका॑ ए॒वैता॑ उ॒पं ध॑त्ते वा॒नस्प॑त्याः  
सु॒व॒र्गस्य॑ लो॒कस्य॑ स॒मष्टौ॑ श॒तायु॑धाय श॒तवी॑र्याय श॒तोत॑येऽभि॒माति॑पाहे॒ शतं॑ यो नः श॒रदो॑ अ॒जीता॑निन्द्रो  
ने॒प॒दति॑ दुरि॒तानि॑ विश्व॑। ये च॒त्वारः॑ प॒थयो॑ दे॒व्याना॑ अन्त्रा द्यावा॒पृथि॒वी वि॒यन्ति॑। तेषां॑ यो अ॒ज्या॑नि॒मजी॑ति॒मा  
वहा॑त्स॒मै नो दे॒वाः (६)

परिं दत्तेह सर्वं। ग्रीष्मो ह्येनन्त उत नो वसन्तः शरद्वर्षाः सुवितं नो अस्तु। तेषामृतूनां  
शतशारदानां निवात एषामभये स्याम। इदुवध्मरायं परिवध्मरायं संवध्मरायं कृणुता बृहन्नमः। तेषां व्ययं  
सुमत्तौ यज्ञियांनां ज्योगर्जाता अहंताः स्याम। भद्रान्नः श्रेयः समनैष्ट देवास्त्वयावसेन् समशीमहि त्वा। स  
नो मयोभूः पितो (७)

आ विशस्व शं तोकायं तनुवै स्योनः। अज्यानीरेता उपं दधात्येता वै देवता अपराजितास्ता  
एव प्र विशति नैव जीयते ब्रह्मवादिनो वदन्ति यदर्धमासा मासां ऋतवः संवध्मर ओषधीः पचन्त्यथ  
कस्मादन्त्याभ्यो देवताभ्य आग्रयणं निरुप्यत इत्येता हि तद्देवता उदजयन् यदृतुभ्यो निर्वपेद्देवताभ्यः समदं  
दध्यादाग्रयणं निरुप्येता आहुतीर्जुहोत्यर्धमासानेव मासानृतून्संवध्मरम्प्रीणाति न देवताभ्यः समदं दधाति  
भद्रान्नः श्रेयः समनैष्ट देवा इत्याह हुताद्याय यजमानस्यापराभावाय॥ (८)

**प्राजापत्याल्लोकाय देवाः पितो दध्यादाग्रयणं पञ्चविंशतिश्च॥** [२]

इन्द्रस्य वज्रोऽसि वार्त्रघ्नस्तनूपा नः प्रतिस्पशः। यो नः पुरस्ताद्वक्षिणतः पश्चादुत्तरतोऽघायुरभिदासत्येत  
सोऽश्मानमृच्छतु। देवासुराः संयन्ता आसन्तेऽसुरा दिग्भ्य आवाधन्त तां देवा इप्वां च वज्रेण चापानुदन्त  
यद्वज्रिणीरुपदधातीप्वां चैव तद्वज्रेण च यजमानो भ्रातृव्यानपं नुदते दिक्षूपं (९)

दधाति देवपुरा एवैतास्तनूपाः। पर्युहतेऽग्राविष्णु सजोषसेमा वर्धन्तु वां गिरं। द्युन्नेर्वाजैर्भिरा गंतम्।  
ब्रह्मवादिनो वदन्ति यत्र देवतायै जुहुत्यथ किन्देवत्यां वसोधिरेत्यग्निर्वसुस्तस्यैषा धारा विष्णुर्वसुस्तस्यैषा  
धाराग्नावैष्णव्यर्चा वसोर्धारा जुहोति भागधेयेनैवैनौ समर्धयत्यथो एताम् (१०)

एवाहुतिमायतनवतीं करोति यत्काम एनां जुहोति तदेवाव रुन्दे रुद्रो वा एष यदग्निस्तस्येते तनुवौ  
घोरान्या शिवान्या यच्छतरुद्रीयं जुहोति यैवास्यं घोरा तनूस्तां तेनं शमयति यद्वसोर्धारा जुहोति यैवास्यं  
शिवा तनूस्तां तेनं प्रीणाति यो वै वसोर्धारायै (११)

प्रतिष्ठां वेद प्रत्येव तिष्ठति यदाज्यमुच्छिष्येत तस्मिन्ब्रह्मोदनम्पंचेतम्ब्राह्मणाश्चत्वारः प्राश्नीयुरेष वा  
अग्निर्वैश्वानरो यद्ब्राह्मण एषा खलु वा अग्नेः प्रिया तनूर्यद्वैश्वानरः प्रियायामैवैनौ तनुवां प्रतिं छापयति  
चतस्रो धेनूदद्यात्ताभिरिव यजमानोऽमुष्मिल्लोकैऽग्निं दुहे॥ (१२)

**उपैतान्धारायै षट्त्वारिंशच्च॥** [३]

चित्तिंजुहोमि मनसा घृतेनेत्याहादाभ्या वै नामैषाहुतिर्वैश्वकर्मणी नैनं चिक्यान्म्रातृव्यो दभ्रोत्यथौ  
देवता एवाव रुन्देऽग्ने तमुद्येति पङ्क्ता जुहोति पङ्क्ताहुत्या यज्ञमुखमारभते सप्त तै अग्ने समिधः सप्त  
जिह्वा इत्याह होत्रा एवाव रुन्देऽग्निदेवेभ्योऽपांक्रामद्वागधेयम् (१३)

इच्छमानस्तस्मा एतद्वागधेयम्प्रायच्छन्नेतद्वा अग्नेरग्निहोत्रमेतरहि खलु वा एष जातो यरहि सर्वश्चित्तो  
जातायैवास्मा अन्नमपि दधाति स एनम्प्रीतः प्रीणाति वसीयान्भवति ब्रह्मवादिनो वदन्ति यदेष गारहपत्यश्चीयतेऽथ  
कौसाहवनीय इत्युसावादित्य इति ब्रूयादेतस्मिन् हि सर्वाभ्यो देवताभ्यो जुहति (१४)

य एवं विद्वानग्निं चिनुते साक्षादेव देवतां ऋभ्रोत्यग्नें यशस्विन् यशसेममप्येन्द्रावतीमपंचितीमिहा वह। अयम्मूर्धा परमेष्ठी सुवर्चाः समानानामुत्तमश्लोको अस्तु। भद्रम्पश्यन्त उपं सेदुरग्रे तपो दीक्षामृषयः सुवर्विदः। ततः क्षत्रम्बलमोजंश्च जातं तदस्मै देवा अभि सं नमन्तु। धाता विधाता परमा (१५)

उत सन्दकप्रजापतिः परमेष्ठी विराज।। स्तोमाश्लन्दांसि निविदो म आहुरेतस्मै राष्ट्रमभि सं नमाम। अभ्यावर्तध्वमुप मेतं साकमयः शास्ताधिपतिर्वो अस्तु। अस्य विज्ञानमनु सः रभध्वमिमम्पश्चादनु जीवाथ सर्व। राष्ट्रभृतं एता उपं दधात्येषा वा अग्नेश्चिती राष्ट्रभृत्येवास्मिन्नाष्ट्रं दधाति राष्ट्रमेव भवति नास्माद्राष्ट्रम्भ्रंशते॥ (१६)

भा॒ग॒धे॒य॒ञ्जु॒हति॑ पर॒मा रा॒ष्ट्रं द॒धाति॑ स॒प्त च॑॥ [४]

यथा वै पुत्रो जातो म्रियतं एवं वा एष म्रियते यस्याग्निरुख्यं उद्धारयति यन्निर्मन्थं कुर्याद्विच्छिन्धाद्धारुव्यमस्मै जनयेत्स एव पुनः परीध्यः स्वादेवेनं योनेर्जनयति नास्मै भ्रातृव्यं जनयति तमो वा एतं गृह्णाति यस्याग्निरुख्यं उद्धारयति मृत्युस्तमः कृष्णं वासः कृष्णा धेनुर्दक्षिणा तमसा (१७)

एव तमो मृत्युमपं हते हिरण्यं ददाति ज्योतिर्वै हिरण्यं ज्योतिषैव तमोऽपं हतेऽथो तेजो वै हिरण्यन्तेज एवात्मन्थते सुवर्न धर्मः स्वाहा सुवर्नार्कः स्वाहा सुवर्न शुरुः स्वाहा सुवर्न ज्योतिः स्वाहा सुवर्न सूर्यः स्वाहार्को वा एष यदग्निरसावादित्यः (१८)

अश्वमेधो यदेता आहुतीर्जुहोत्यर्काश्वमेधयोरेव ज्योतीरपि सं दधात्येष ह त्वा अर्काश्वमेधी यस्येतद्गो क्रियत आपो वा इदमग्नें सलिलमांसीथ्स एतां प्रजापतिः प्रथमां चितिमपश्यतामुपाधत्त तदियमभवत्तं विश्वकर्माब्रवीदुप त्वायानीति नेह लोकोऽस्तीति (१९)

अब्रवीत्स एतां द्वितीयां चितिमपश्यतामुपाधत्त तदन्तरिक्षमभवत्स यज्ञः प्रजापतिमब्रवीदुप त्वायानीति नेह लोकोऽस्तीत्यब्रवीत्स विश्वकर्माणमब्रवीदुप त्वायानीति केन मोपैष्यसीति दिश्याभिरित्यब्रवीत्तन्दिश्याभिरुपैता उपाधत्त ता दिशः (२०)

अभवत्स परमेष्ठी प्रजापतिमब्रवीदुप त्वायानीति नेह लोकोऽस्तीत्यब्रवीत्स विश्वकर्माणं च यज्ञं चाब्रवीदुप वामायानीति नेह लोकोऽस्तीत्यब्रूताः स एतां तृतीयां चितिमपश्यतामुपाधत्त तदसावभवत्स आदित्यः प्रजापतिमब्रवीदुप त्वा (२१)

आयानीति नेह लोकोऽस्तीत्यब्रवीत्स विश्वकर्माणं च यज्ञं चाब्रवीदुप वामायानीति नेह लोकोऽस्तीत्यब्रूताः स परमेष्ठिनमब्रवीदुप त्वायानीति केन मोपैष्यसीति लोकं पृणयेत्यब्रवीत्तं लोकं पृणयेत्तस्मादयातयाम्री लोकं पृणाऽयातयामा हंसौ (२२)

आदित्यस्तानृषयोऽब्रुवन्नुप व आयामेति केन न उपैष्यथेति भूत्रेत्यब्रुवन्तां द्वाभ्यां चितौभ्यामुपायन्त्स पञ्चचितिकः समपद्यत य एवं विद्वानग्निं चिनुते भूयानेव भवत्यभीमाश्लोकाञ्जयति विदुरेनं देवा अथो एतासमेव देवतानां सायुज्यं गच्छति॥ (२३)

तम॑साऽऽदि॒त्योऽस्तीति॑ दि॒श आ॒दित्यः॑ प्र॒जाप॑तिमब्रवीदुप त्वाऽसौ

## पञ्चचत्वारिंशच्च॥

[५]

वयो वा अग्निर्यदग्निचित्पक्षिणौऽश्नीयात्तमेवाग्निमद्यादातिमाच्छ्वंस्वध्वस्रं व्रतं चरेध्वंस्वध्वस्रं हि व्रतं नाति पशुर्वा एष यदग्निरहिनस्ति खलु वै तम्पशुर्य एनम्पुरस्तात्प्रत्यञ्चमुपचरति तस्मात्पश्चात्प्राङ्पुचर्य आत्मनोऽहिंसायै तेजोऽसि तेजो मे यच्छ पृथिवीं यच्छ (२४)

पृथिव्यै मां पाहि ज्योतिरसि ज्योतिर्मै यच्छान्तरिक्षं यच्छान्तरिक्षान्मा पाहि सुर्वरसि सुर्वमे यच्छ दिवं यच्छ दिवो मां पाहीत्याहेताभिर्वा इमे लोका विधृता यदेता उपदधात्येषां लोकानां विधृत्यै स्वयमातृणा उपधाय हिरण्येष्टका उप दधातीमे वै लोकाः स्वयमातृणा ज्योतिरहिरण्यं यध्वंयमातृणा उपधाय (२५)

हिरण्येष्टका उपदधातीमानेवेताभिर्लोकां ज्योतिष्मतः कुरुतेऽथो एताभिरेवास्मां इमे लोकाः प्र भान्ति यास्तं अग्रे सूर्ये रुचं उद्यतो दिवंमातृन्वन्ति रश्मिभिः। ताभिः सर्वाभी रुचे जनाय नस्कृधि। या वो देवाः सूर्ये रुचो गोष्वश्वेषु या रुचः। इन्द्राग्नी ताभिः सर्वाभी रुचं नो धत्त बृहस्पते। रुचं नो धेहि (२६)

ब्राह्मणेषु रुचं राजंसु नस्कृधि। रुचं विश्वेषु शूद्रेषु मरियं धेहि रुचा रुचम्। द्वेषा वा अग्निं चिक्रानस्य यश इन्द्रियं गच्छत्यग्निं वा चितमीजानं वा यदेता आहुतीर्जुहोत्यात्मन्नेव यश इन्द्रियं धत्त ईश्वरो वा एष आतिमार्तोयौऽग्निं चिन्वन्नधिक्रामति तत्त्वां यामि ब्रह्मणा वन्दमान इति वारुण्यर्चा (२७)

जुहुयाच्छान्तिरेवेषाग्नेर्गुतिरात्मनो हविष्कृतो वा एष यौऽग्निं चिनुते यथा वै हविः स्कन्दत्येवं वा एष स्कन्दति यौऽग्निं चित्वा स्त्रियमुपैति मैत्रावरुणयामिक्षया यजेत मैत्रावरुणातामेवोपैत्यात्मनोऽस्कन्दाय यो वा अग्निर्मृतुस्थां वेदतुरक्रतुरस्मै कल्पमान एति प्रत्येव तिष्ठति संवध्वरो वा अग्निः (२८)

ऋतुस्थास्तस्य वसन्तः शिरो ग्रीष्मो दक्षिणः पक्षो वरषाः पुच्छं शरदुत्तरः पक्षो हेमन्तो मध्यम्पूर्वपक्षाश्रितयोऽपरपक्षाः पुरीषमहोरात्राणीष्टका एष वा अग्निर्ऋतुस्था य एवं वेदतुरक्रतुरस्मै कल्पमान एति प्रत्येव तिष्ठति प्रजापतिर्वा एतं ज्यैष्ठ्यकामो न्यधत् ततो वै स ज्यैष्ठ्यमगच्छद्य एवं विद्वानग्निं चिनुते ज्यैष्ठ्यमेव गच्छति॥ (२९)

## पृथिवीं यच्छ यध्वंयमातृणा उपधाय धेहृचाग्निश्चिनुते त्रीणि च॥

[६]

यदाकृताध्वमसंशोद्धदो वा मनसो वा सम्भृतं चक्षुषो वा। तमनु प्रेहिं सकृत्तस्य लोकं यत्ररपयः प्रथमजा ये पुराणाः। एतं संधस्थ परि ते ददामि यमावहाच्छेवधिं जातवेदाः। अन्वागन्ता यज्ञपतिर्वा अत्र तं स्म जानीत परमे व्योमन्। जानीतादेनं परमे व्योमन्देवाः सधस्था विद रूपमस्या। यदागच्छात् (३०)

पृथिविर्देवयानैरिष्टापूर्ते कृणुतादविरस्मै। सम्प्र च्यवध्वमनु सम्प्र याताग्ने पथो देवयानान्कृणुध्वम। अस्मिन्संधस्थे अध्युत्तरस्मिन्विश्वे देवा यजमानश्च सीदत। प्रस्तरेण परिधिनां सुचा वेद्यां च बर्हिषा। ऋचेमं यज्ञं नो वह सुवर्देवेषु गन्तवे। यदिष्टं यत्परादानं यद्वत्तं या च दक्षिणा। तत् (३१)

अग्निर्वैश्वकर्मणः सुवर्देवेषु नो दधत्। येनां सहस्रं वहसि येनाग्ने सर्ववेदसम। तेनेमं यज्ञं नो वह सुवर्देवेषु गन्तवे। येनाग्ने दक्षिणा युक्ता यज्ञं वहन्त्युत्विजः। तेनेमं यज्ञं नो वह सुवर्देवेषु गन्तवे। येनाग्ने

सुकृतः पथा मधोर्धारा व्यानुशः। तेनेमं यज्ञं नो वह सुवर्देवेषु गन्तवे। यत्र धारा अनपेता मधोर्धृतस्य च याः। तदग्निर्वैश्वकर्मणः सुवर्देवेषु नो दधत्॥ (३२)

आग्च्छात्तद्व्यानुशुस्तेनेमं यज्ञं नो वह सुवर्देवेषु गन्तवे चतुर्दश च॥<sup>[७]</sup>

यास्तं अग्ने समिधो यानि धाम या जिह्वा जातवेदो यो अर्चिः। ये तं अग्ने मेडयो य इन्द्रवस्तेभिर्नात्मानं चिनुहि प्रजानन्। उध्मन्नयज्ञो वा एष यदग्निः किं वाहेतस्य क्रियते किं वा न यद्वा अध्वर्युरग्नेश्चिन्वन्नन्तरेत्यात्मनो वै तदन्तरंति यास्तं अग्ने समिधो यानि (३३)

धामेत्याहुषा वा अग्नेः स्वयञ्चितिरग्निरेव तदग्निं चिनोति नाध्वर्युरात्मनोऽन्तरंति चतस्र आशाः प्र चरन्त्वग्नय इमं नो यज्ञं नयतु प्रजानन्। घृतम्पिन्वन्नजरं सुवीरं ब्रह्मं समिद्वन्वत्याहुतीनाम्। सुवर्गाय वा एष लोकायोपं धीयते यत्कूर्मश्चतस्र आशाः प्र चरन्त्वग्नय इत्याह (३४)

दिशं एवैतेन प्र जानातीमं नो यज्ञं नयतु प्रजानन्नित्याह सुवर्गस्य लोकस्याभनीत्ये ब्रह्मं समिद्वन्वत्याहुतीनामित्याह ब्रह्मणा वै देवाः सुवर्गं लोकमायन् यद्ब्रह्मण्वत्योपदधाति ब्रह्मणैव तद्यजमानः सुवर्गं लोकमेति प्रजापतिर्वा एष यदग्निस्तस्य प्रजाः पशवश्छन्दांसि रूपं सर्वान् वर्णानिष्टकानां कुर्याद्रूपेणैव प्रजां पशूश्छन्दांस्येव रुद्धेऽथो प्रजाभ्यं एवैनम्पशुभ्यश्छन्दाभ्योऽवुरुद्धं चिनुते॥ (३५)

यान्यग्नय इत्याहेष्टकानां षोडश च॥<sup>[८]</sup>

मयि गृह्णाम्यग्ने अग्निं रायस्पोषाय सुप्रजास्त्वाय सुवीर्याय। मयि प्रजाम्मयि वर्चो दधाम्यरिष्टाः स्याम तनुवां सुवीराः। यो नो अग्निः पितरो हृध्वन्तरमर्त्यो मर्त्यां आविवेशं। तमात्मन्यरि गृह्णीमहे व्यं मा सो अस्मा अंवहाय परां गात। यदध्वर्युरात्मन्नग्निमगृहीत्वाग्निं चिनुयाद्योऽस्य स्वोऽग्निस्तमपि (३६)

यजमानाय चिनुयादग्निं खलु वै पशवोऽनूपं तिष्ठन्तेऽपक्रामुका अस्मात्पशवः स्युर्मयि गृह्णाम्यग्ने अग्निमित्याहात्मन्नेव स्वमग्निं दाधार नास्मात्पशवोऽपं क्रामन्ति ब्रह्मवादिनो वदन्ति यन्मृचापंश्चाग्नेरनाद्यमथ कस्मान्मृदा चाद्विश्वग्निश्चीयत इति यद्विः संयोति (३७)

आपो वै सर्वा देवतां देवताभिरेवेन स सृजति यन्मृदा चिनोतीयं वा अग्निर्वैश्वानरोऽग्निनैव तदग्निं चिनोति ब्रह्मवादिनो वदन्ति यन्मृदा चाद्विश्वग्निश्चीयतेऽथ कस्मादग्निरुच्यत इति यच्छन्दांभिश्चिनोत्यग्नयो वै छन्दांसि तस्मादग्निरुच्यतेऽथो इयं वा अग्निर्वैश्वानरो यत् (३८)

मृदा चिनोति तस्मादग्निरुच्यते हिरण्येष्टका उपं दधाति ज्योतिर्वै हिरण्यं ज्योतिरिवास्मिन्दधात्यथो तेजो वै हिरण्यं तेजं एवात्मन्थते यो वा अग्निं सर्वतोमुखं चिनुते सर्वासु प्रजास्वन्नमति सर्वा दिशोऽभि जयति गायत्रीम्पुरस्तादुपं दधाति त्रिष्टुभं दक्षिणतो जगतोम्यश्चादनुष्टुभमुत्तरतः पङ्क्तिमध्यं एष वा अग्निः सर्वतोमुखस्तं य एवं विद्वाश्चिनुते सर्वासु प्रजास्वन्नमति सर्वा दिशोऽभि जयत्यथो दिश्यैव दिशम्प्र वयति

तस्माद्दिशि दिक्प्रोता॥ (३९)

अपि सं यौति वैश्वानरो यदेष वै पञ्चविंशतिश्च॥ [९]

प्रजापतिरग्निमसृजत सौऽस्मात्सृष्टः प्राङ्माद्रवत्तस्मा अश्वम्प्रत्यास्यथ्स दक्षिणावर्तत तस्मै वृष्णिम्प्रत्यास्यथ्स प्रत्यङ्मावर्तत तस्मा ऋषभम्प्रत्यास्यथ्स उदङ्मावर्तत तस्मै वस्तम्प्रत्यास्यथ्स ऊर्ध्वोऽद्रवत्तस्मै पुरुषम्प्रत्यास्यत यत्पशुशीर्षाण्युपदधाति सर्वत एवैनम् (४०)

अवरुध्य चिनुत एता वै प्राणभृतश्चक्षुष्मतीरिष्टका यत्पशुशीर्षाणि यत्पशुशीर्षाण्युपदधाति तामिरेव यजमानोऽमुमिह्लोके प्राणित्यथो तामिरेवास्मा इमे लोकाः प्र भान्ति मृदाभिलिप्योप दधाति मेध्यत्वाय पशुर्वा एष यदग्निरन्नम्पशव एष खलु वा अग्निर्यत्पशुशीर्षाणि यं कामयेत कनीयोऽस्यान्नम् (४१)

स्यादिति सन्तरा तस्य पशुशीर्षाण्युप दध्यात्कनीय एवास्यान्नम्भवति यं कामयेत समावदस्यान्नं स्यादिति मध्यतस्तस्योप दध्यात्समावदवास्यान्नम्भवति यं कामयेत भूयोऽस्यान्नं स्यादित्यन्तेषु तस्य व्यूदह्योप दध्यादन्त एवास्मा अन्नमव रुद्धे भूयोऽस्यान्नम्भवति॥ (४२)

एनमस्यान्नम्भूयोऽस्यान्नम्भवति॥ [१०]

स्तेगान्द्विष्ट्राभ्याम्पण्डूकाञ्जभ्यैभिरादकां खदिनोर्जं ससूदनारण्यं जाम्बीलेन मृदम्बस्वैभिः शर्कराभिरवकामवकाभिः शर्करामुत्सादेन जिह्वामवक्रुदेन तालुं सरस्वतीं जिह्वग्रेण॥ (४३)

स्तेगान्द्वविंशतिः॥ [११]

वाजं हनूभ्यामप आस्येनादित्याञ्चश्रुभिरुपयाममधरेणोष्ठेन सदुत्तरेणान्तरिणानूकाशम्प्रकाशेन बाह्यं स्तनयितुं निर्वाधेन सूर्याग्नी चक्षुर्भ्यां विद्युतौ कनानकाभ्यामशनिम्मुस्तिष्केण बलम्मुज्जभिः॥ (४४)

वाजं पञ्चविंशतिः॥ [१२]

कूर्माञ्छुफैरच्छलाभिः कपिञ्जलाभ्याम् कुष्ठिकाभिर्जवं जङ्घाभिरगदं जानुभ्यां वीर्यं कुहाभ्यां भयम्प्रचालाभ्याम् गुहोपपक्षाभ्यामश्विनावसाभ्यामदिति शीर्ष्णा निर्ऋतिं निर्जाल्मकेन शीर्ष्णा॥ (४५)

कूर्मान्नयोविंशतिः॥ [१३]

योक्रं गृध्राभिर्युगमानंतेन चित्तम्मन्याभिः सङ्क्रोशान्प्राणैः प्रकाशेन त्वचं पराकाशेनान्तराम्मुशकाङ्केशैरिन्द्रं स्वपसा वह्नेन बृहस्पतिं शकुनिसादेन रथमुष्णिहाभिः॥ (४६)

योक्रमेकविंशतिः॥ [१४]

मित्रावरुणौ श्रोणीभ्यामिन्द्राग्नी शिखण्डाभ्यामिन्द्राबृहस्पती ऊरुभ्यामिन्द्राविष्णु अष्टीवज्रा

सवितारम्युच्छेन गन्धर्वाञ्छेपेनाप्सरसो मृष्काभ्याम्यवमानम्यायुना पवित्रम्पोत्राभ्यामाक्रमणं स्थूराभ्यां  
प्रतिक्रमणं कुष्ठाभ्याम्॥ (४७)

[१५]

इन्द्रस्य क्रोडोऽदित्यै पाजस्यन्दिशां जत्रवो जीमूतान्हृदयौपशाभ्यामन्तरिक्षं पुरितता नभं  
उदर्येणन्द्राणीम्नीहा वल्मीकान्क्लोम्रा गिरीन्मृशिशिभिः समुद्रमुदरेण वैश्वानरम्भस्मना॥ (४८)

[१६]

मित्रावरुणाविन्द्रस्य द्वाविंशतिर्द्वाविंशतिः॥  
पृष्णो वनिष्ठुरन्धाहेः स्थूरगुदा सर्पान्गुदाभिर्ऋतून्मृष्टीभिर्दिवं पृष्ठेन वसूनाम्रथमा कीकसा रुद्राणां  
द्वितीयादित्यानां तृतीयाङ्गिरसां चतुर्थी साध्यानां पञ्चमी विश्वेषां देवानां षष्ठी॥ (४९)

[१७]

पृष्णश्चतुर्विंशतिः॥  
ओजो ग्रीवाभिर्निर्ऋतिमस्थभिरिन्द्रः स्वपंसा वह्नेन रुद्रस्य विचलः स्कन्धोऽहोरात्रयोर्द्वितीयोऽर्धमासानां  
तृतीयो मासां चतुर्थ ऋतूनाम्पञ्चमः संवत्सरस्य षष्ठः॥ (५०)

[१८]

ओजो विंशतिः॥  
आनन्दं नन्दथुना कामम्रत्यासाभ्यां भयं शिंतीमभ्यां प्रशिपम्रशासाभ्यां सूर्याचन्द्रमसौ वृक्याभ्यां  
श्यामशबलो मतस्त्राभ्याव्युष्टिं रूपेण निमृक्तिमरूपेण॥ (५१)

[१९]

आनन्दं षोडश॥  
अहर्मासेन रात्रिम्पीवसापो यूषेण घृतं रसेन श्यां वसंया दूषीकाभिर्ह्लादुनिमश्रुभिः पृष्वान्दिवं  
रूपेण नक्षत्राणि प्रतिकरूपेण पृथिवीं चर्मणा छुवीं छुव्यौपाकृताय स्वाहालब्धाय स्वाहा हुताय स्वाहा॥ (५२)

[२०]

अहरष्टाविंशतिः॥  
अग्नेः पंक्षतिः सरस्वत्यै निपंक्षतिः सोमस्य तृतीयापां चतुर्थ्योपधीनां पञ्चमी संवत्सरस्य षष्ठी मरुतां  
सप्तमी बृहस्पतैरष्टमी मित्रस्य नवमी वरुणस्य दशमीन्द्रस्यैकादशी विश्वेषां देवानां द्वादशी द्यावापृथिव्योः  
पार्श्वं यमस्य पादूरः॥ (५३)

[२१]

अग्नेरेकान्नत्रिंशत्॥  
वायोः पंक्षतिः सरस्वतो निपंक्षतिश्चन्द्रमसस्तृतीया नक्षत्राणां चतुर्थी संवितुः पञ्चमी रुद्रस्य षष्ठी  
सर्पाणां सप्तम्यर्थम्णोऽष्टमी त्वष्टर्नवमी धातुर्दशमीन्द्राण्या एकादश्यदित्यै द्वादशी द्यावापृथिव्योः पार्श्वं यम्यै



पाट्टरः॥ (५४)

वा॒योर्॒ष्टा॒वि॑श्शतिः॥ [२२]

पन्था॑मनू॒वृ॒भ्या॑ꣳ सन्त॑तिꣳ स्त्राव॑न्या॒भ्या॑ꣳ शुका॑न्पित॑तेन॒ हरि॑माणं॒ य॒क्रा ह॒ली॑क्षान्या॒पवा॑तेन॒ कुश॑माञ्छ॒क॒भिः  
शव॑र्तानू॒व॒धेन॒ शुनो॑ वि॒शस॑नेन॒ सर्पा॑ल्लो॒हित॑ग॒न्धेन॒ वया॑ꣳसि प॒क्क॑ग॒न्धेन॒ पि॒पी॒लि॒काः प्र॑शा॒देन॑॥ (५)

पन्था॒न्द्वा॒वि॑श्शतिः॥ [२३]

क्रमै॑रत्य॒क्रमी॑द्वा॒जी वि॒श्वैर्दे॒वैर्य॑ज्ञि॒यैः संवि॑दानः। स नो॑ नय॒ सुकृ॑तस्य॒ लोकं॑ तस्य॒ ते व॒यꣳ स्व॒धया॑  
मदे॑म॥ (५६)

क्रमै॑र॒ष्टा॒द॒श॑॥ [२४]

द्यौस्ते॑ पृ॒ष्ठं पृ॑थि॒वी स॒धस्थं॑मा॒त्मान्तरि॑क्षꣳ स॒मु॒द्रो योनिः॑ सूर्य॑स्ते॒ चक्षु॑र्वातः॒ प्राण॑श्च॒न्द्रमाः  
श्रोत्र॑म्मासा॒श्चार्ध॑मा॒साश्च॒ पवा॑ण्यु॒तवो॑ङ्गानि॒ संव॑त्स॒रो म॑हि॒मा॥ (५७)

द्यौः पञ्च॑वि॑श्शतिः॥ [२५]

अ॒ग्निः प॒शुरा॑सी॒त्तेना॑यजन्त॒ स ए॒तं लो॒कम॑जय॒द्यस्मि॑न्ना॒ग्निः स तै॑ लो॒कस्तं॑ जै॒ष्यस्य॑था॒व जि॒घ्र वा॒युः  
प॒शुरा॑सी॒त्तेना॑यजन्त॒ स ए॒तं लो॒कम॑जय॒द्यस्मि॑न्वा॒युः स तै॑ लो॒कस्तस्मा॑त्त्वान्तरै॒ष्यामि॑ यदि॒ नाव॑जिघ्र॒स्यादि॑त्यः  
प॒शुरा॑सी॒त्तेना॑यजन्त॒ स ए॒तं लो॒कम॑जय॒द्यस्मि॑न्ना॒दि॒त्यः स तै॑ लो॒कस्तं॑ जै॒ष्यसि॑ यद्य॒वजि॑घ्रसि॥ (५८)

यस्मि॑न्ना॒ष्टौ च॑॥ [२६]

प्रा॒चीन॑वꣳशं॒ याव॑न्त॒ ऋ॒ग्सामे॑ वा॒ग्वै दे॒वेभ्यो॑ दे॒वा वै दे॒वय॑जन॒ङ्क॒द्रूश्च॑  
तद्वि॑र॒ण्यꣳ ष॒ट्प॒दानि॑ ब्र॒ह्मवा॑दि॒नो वि॒चित्यो॑ यत्क॒लया॑ ते वा॒रु॒णो वै क्री॑तः  
सोम॑ ए॒का॒द॒श॑॥ [२७]

# ॥ काण्डम् ६ ॥

## ॥ प्रथमः प्रश्नः ॥

॥ तैत्तिरीयसंहितायां षष्ठमकाण्डे प्रथमः प्रश्नः ॥

प्राचीनव॑शं करोति देवमनुष्या दिशो व्यंभजन्तु प्राचीं देवा दक्षिणा पितरः प्रतीचींमनुष्या उदीचीं॑ रुद्रा यत्प्राचीनव॑शं करोति देवलोकमेव तद्यजमान उपावर्तते परि श्रयत्यन्तरहितो हि देवलोको मनुष्यलोका-  
न्नास्माल्लोकाध्वेनैवमिवेत्याहुः को हि तद्वेद यद्यमुष्मिँल्लोकंऽस्ति वा न वेति दिक्ष्वतीकाशान्करोति (१)

उभयौलोकयोरभिर्जित्यै केशश्मश्रु वपते नृखानि नि कुन्तते मृता वा एषा त्वगमेध्या यत्केशश्मश्रु  
मृतामेव त्वचममेध्यामपहत्य यज्ञियो भूत्वा मेधमुपैत्यङ्गिरसः सुवर्गं लोकं यन्तोऽप्सु दीक्षातपसी प्रावेशयन्नप्सु  
स्नाति साक्षादेव दीक्षातपसी अवं रुन्दे तीर्थे स्नाति तीर्थे हि ते ताम्प्रावेशयन्तीर्थे स्नाति (२)

तीर्थमेव समानानां भवत्युपोऽश्नात्यन्तरत् एव मेध्या भवति वासंसा दीक्षयति सौम्यं वै क्षौमं  
देवतया सोममेष देवतामुपैति यो दीक्षते सोमस्य तनूरसि तनुवं मे पाहीत्याहु स्वामेव देवतामुपैत्यथो  
आशिषमेवेतामा शास्तेऽग्नेस्तृपाधानं वायोर्वातुपानंम्यितृणान्निविरोपधीनामग्रघातः (३)

आदित्यानां प्राचीनतानो विश्वेषां देवानामोतुर्नक्षत्राणामतीकाशास्तद्वा एतत्सर्वदेवत्यं यद्वासो यद्वासंसा  
दीक्षयति सर्वाभिरेवैनं देवताभिर्दीक्षयति बहिःप्राणो वै मनुष्यस्तस्याशनं प्राणांऽश्नाति सप्राण एव दीक्षतु  
आशितो भवति यावानेवास्यं प्राणस्तेन सह मेधमुपैति घृतं देवानाम्मस्तु पितृणान्निष्कम्पमनुष्याणान्तद्वै (४)

एतत्सर्वदेवत्यं यन्नवनीतं यन्नवनीतेनाभ्यङ्के सर्वा एव देवताः प्रीणाति प्रच्युतो वा एषोऽस्माल्लोकादगंतो  
देवलोकं यो दीक्षितोऽन्तरेव नवनीतुतस्मान्नवनीतेनाभ्यङ्केऽनुलोमं यजुंषां व्यावृत्त्या इन्द्रो वृत्रमंहन्तस्य  
कनीनिका परापतत्तदाञ्जनमभवद्यदाङ्के चक्षुरेव भ्रातृव्यस्य वृङ्के दक्षिणमूर्वमाङ्कं (५)

सव्यं हि पूर्वमनुष्या आञ्जते न नि धावते नीव हि मनुष्या धावन्ते पञ्च कृत्व आङ्के पञ्चाक्षरा  
पङ्क्तिः पाङ्क्तो यज्ञो यज्ञमेवावं रुन्दे परिमितमाङ्केऽपरिमितं हि मनुष्या आञ्जते सतूलयाङ्केऽपतूलया हि  
मनुष्या आञ्जते व्यावृत्त्यै यदपतूलयाञ्जित वज्रं इव स्यात्सतूलयाङ्कं मित्रवायं (६)

इन्द्रो वृत्रमंहन्त्योऽङ्गं पोऽङ्गं भ्यन्नियत तासां यन्मेध्यां यज्ञियं सदेवमासीत्तदपोदंक्रामते  
दर्भा अभवन् यदभपुञ्जीलैः पवयति या एव मेध्या यज्ञियाः सदेवा आपस्ताभिरेवैनम्पवयति द्वाभ्यां  
पवयत्यहोरात्राभ्यामेवैनम्पवयति त्रिभिः पवयति त्रयं इमे लोका एभिरेवैनं लोकैः पवयति पञ्चभिः (७)

पवयति पञ्चाक्षरा पङ्क्तिः पाङ्क्तो यज्ञो यज्ञायैवैनम्पवयति पङ्क्तिः पवयति षड्वा ऋतवं ऋतुभिरेवैनम्पवयति  
सप्तभिः पवयति सप्त छन्दांसि छन्दोभिरेवैनम्पवयति नवभिः पवयति नव वै पुरुषे प्राणाः सप्राणमेवैनम्पव-  
यत्येकविंशत्या पवयति दश हस्त्या अङ्गुलयो दश पद्या आत्मैकविंशो यावानेव पुरुषस्तमपरिवर्गम् (८)

पुनर्यति चित्पतिस्त्वा पुनात्वित्याह मनो वै चित्पतिर्मनसैवैनम्पवयति वाक्पतिस्त्वा पुनात्वित्याह वाचैवैनम्पवयति देवस्त्वा सविता पुनात्वित्याह सवितृप्रसूत एवैनम्पवयति तस्य ते पवित्रपते पवित्रेण यस्मै कम्पुने तच्छक्रेयमित्याह शिषमैवेतामा शास्ते॥ (९)

अतीकाशान्करोत्यवैशयन्तीर्थे स्नाति प्रघातो मनुष्याणान्तद्वा आङ्गे मित्रत्वाय पञ्चभिरपरिवर्गमष्टाचत्वारिंशच्च॥ [१]

यावन्तो वै देवा यज्ञायापुनत् त एवाभवन् य एवं विद्वान् यज्ञाय पुनीते भवत्येव बहिः पवित्यान्तः प्र पादयति मनुष्यलोक एवैनम्पवयित्वा पृतन्देलोकम्प गयत्यदीक्षित एकयाहुत्येत्याहुः सुवेण चतस्रो जुहोति दीक्षितत्वाय स्रुचा पञ्चमीं पञ्चाक्षरा पङ्क्तिः पाङ्क्तो यज्ञो यज्ञमेवावं रुद्ध आकृत्यै प्रयुजेऽग्नये (१०)

स्वाहेत्याहकृत्या हि पुरुषो यज्ञमभि प्रयुङ्क्ते यजेयेति मेधायै मनसेऽग्नये स्वाहेत्याह मेधया हि मनसा पुरुषो यज्ञमभिगच्छति सरस्वत्यै पूर्णेऽग्नये स्वाहेत्याह वाग्वै सरस्वती पृथिवी पूषा वाचैव पृथिव्या यज्ञम्प युङ्क्ते आपो देवीर्बृहतीर्विश्वशम्भुव इत्याह या वै वर्षास्ताः (११)

आपो देवीर्बृहतीर्विश्वशम्भुवो यदेतद्यजुर्न ब्रूयाद्विष्या आपोऽशान्ता इमल्लोकमा गच्छेयुरापो देवीर्बृहतीर्विश्वशम्भुव इत्याहस्मा एवैनां लोकाय शमयति तस्माच्छान्ता इमल्लोकमा गच्छन्ति द्यावापृथिवी इत्याह द्यावापृथिव्योरहि यज्ञ उर्वन्तरिक्षमित्याहान्तरिक्षे हि यज्ञो बृहस्पतिर्नो हविषां वृधातु (१२)

इत्याह ब्रह्म वै देवानाम्बृहस्पतिर्ब्रह्मणैवासमै यज्ञमव रुद्धे यद्व्याद्विधेरिति यज्ञस्थानुमुच्छेद्वधात्वित्याह यज्ञस्थानुमेव परि वृणक्ति प्रजापतियज्ञमसृजत् सोऽस्मात्सृष्टः पराङ्मस्य प्र यजुरर्होनात्प्र साम तमृगुदयच्छदृगुदयच्छत्तदौद्वहणस्यौद्वहणत्वमृचा (१३)

जुहोति यज्ञस्योद्यत्या अनुष्टुप्छन्दसामुदयच्छदित्याहुस्तस्मादनुष्टुभां जुहोति यज्ञस्योद्यत्यै द्वादश वाथ्सबन्धान्युदयच्छत्त्रित्याहुस्तस्माद्द्वादशभिर्वाथ्सबन्धविदो दीक्षयन्ति सा वा एषर्गनुष्टुग्वार्गनुष्टुग्यदेतयर्चा दीक्षयति वाचैवैनं सर्वया दीक्षयति विश्वे देवस्य नेतुरित्याह सावित्र्येतेन मतो वृणीत सख्यम् (१४)

इत्याह पितृदेवत्यैतेन विश्वे राय इंपुष्यसीत्याह वैश्वदेव्यैतेन द्युम्नं वृणीत पुष्यस् इत्याह पौष्प्यैतेन सा वा एषर्खसर्वदेवत्यां यदेतयर्चा दीक्षयति सर्वाभिरेवैनं देवताभिर्दीक्षयति सप्ताक्षरम्पथमम्पदमष्टाक्षराणि त्रीणि यानि त्रीणि तान्यष्टावुपं यन्ति यानि चत्वारि तान्यष्टौ यदष्टाक्षरा तेन (१५)

गायत्री यदेकादशाक्षरा तेन त्रिष्टुग्यद्वादशाक्षरा तेन जगती सा वा एषर्खसर्वाणि छन्दांसि यदेतयर्चा दीक्षयति सर्वाभिरेवैनं छन्दोभिर्दीक्षयति सप्ताक्षरम्पथमम्पदं सप्तपदा शक्नी पशवः शक्नी पशुमेवावं रुद्ध एकस्मादक्षरादनामपथमम्पदन्तस्माद्यद्योऽनामन्तन्मनुष्या उपं जीवन्ति पूर्णया जुहोति पूर्ण इव हि प्रजापतिः प्रजापतेरास्यै न्यूनया जुहोति न्यूनाद्धि प्रजापतिः प्रजा असृजत् प्रजानां सृष्टी॥ (१६)

अग्नये ता वृधात्वृचा सख्यन्तेन जुहोति पञ्चदश च॥ [२]

ऋक्सामे वै देवेभ्यो यज्ञायतिष्ठमाने कृष्णौ रूपं कृत्वापक्रम्यातिष्ठतान्तं ऽमन्यन्त यं वा इमे उपावर्धयन्तः स इदं भविष्यतीति ते उपामन्त्रयन्त ते अहोरात्रयोर्महिमानमपनिधाय देवानुपावर्तेतामेष वा ऋचो वर्णो यच्छुक्लं कृष्णाजिनस्येष साम्नो यत्कृष्णमृक्सामयोः शिल्पं स्थ इत्याहर्क्सामे एवावं रुन्ध एषः (१७)

वा अहो वर्णो यच्छुक्लं कृष्णाजिनस्येष रात्रिया यत्कृष्णं यदेवेनयोस्तत्र न्यक्तं तदेवावं रुन्धे कृष्णाजिनेन दीक्षयति ब्रह्मणो वा एतद्रूपं यत्कृष्णाजिनं ब्रह्मणैवेन दीक्षयतीमान्धियं शिक्शमाणस्य देवेत्याह यथायजुरैवैतद्रभो वा एष यदीक्षित उल्बं वासः प्रोणुते तस्मात् (१८)

गर्भाः प्रावृता जायन्ते न पुरा सोमस्य क्रयादपोर्णीतं यत्पुरा सोमस्य क्रयादपोर्णीतं गर्भाः प्रजानां परापातुकाः स्युः क्रीते सोमेषोर्णीते जायन्त एव तदथो यथा वसीयाः समप्रत्यपोर्णीते तादृगेव तदङ्गिरसः सुवर्गं लोकं यन्त ऊर्जं व्यभजन्त ततो यदत्यशिष्यत ते शरा अभवन्नृग्वै शरा यच्छर्मयो (१९)

मेखला भवत्यूर्जमेवावं रुन्धे मध्यतः सन्नहति मध्यत एवास्मा ऊर्जं दधाति तस्मान्मध्यत ऊर्जा भुञ्जत ऊर्ध्वं वै पुरुषस्य नाभ्यै मेध्यमवाचीनममेध्यं यन्मध्यतः संनहति मेध्यं चैवास्यामेध्यं च व्यावर्तयतीन्द्रो वृत्राय वज्रम्प्राहरत्स त्रेधा व्यभवत्स्फस्तृतीयं रथस्तृतीयं यूपस्तृतीयम् (२०)

यैऽन्तःशरा अशीर्यन्त ते शरा अभवन्तच्छराणां शरत्वं वज्रो वै शराः क्षुत्खलु वै मनुष्यस्य भ्रातृव्यो यच्छर्मयो मेखला भवति वज्रणैव साक्षात्क्षुध्भ्रातृव्यम्मध्यतोऽपि हते त्रिवृद्धवति त्रिवृद्धे प्राणस्त्रिवृत्मेव प्राणममध्यतो यजमाने दधाति पृथ्वी भवति रज्ज्नाव्यावृत्त्यै मेखलया यजमानन्दीक्षयति योक्त्रेण पत्नीमिथुनत्वाय (२१)

यज्ञो दक्षिणामभ्यध्यायताः समभवत्तदिन्द्रोऽचायत्सोऽमन्यत यो वा इतो जनिष्यते स इदमभविष्यतीति ताम्प्राविशन्तस्या इन्द्र एवाजोयत सोऽमन्यत यो वै मदितोऽपरो जनिष्यते स इदमभविष्यतीति तस्यो अनुमृश्य योनिमाच्छिन्त्वा सूतवंशाभवत्सूतवंशायै जन्म (२२)

ताः हस्ते न्यवेष्टयत ताम्मुगेषु न्यदधात्सा कृष्णविषाणामवदिन्द्रस्य योनिरसि मा मां हिःसीरिति कृष्णविषाणाम्प्र यच्छति सयोनिमेव यज्ञं करोति सयोनिन्दक्षिणाः सयोनिमिन्द्रः सयोनित्वाय कृष्ये त्वां सुसस्याया इत्याहु तस्मादकृष्टपृच्या ओषधयः पच्यन्ते सुपिप्पलाभ्यस्त्वौषधीभ्य इत्याहु तस्मादोषधयः फलं गृह्णन्ति यद्धस्तैन (२३)

कण्डूयते पामनम्भावुकाः प्रजाः स्युर्यथ्स्मर्यते नम्रम्भावुकाः कृष्णविषाणया कण्डूयतेऽपिगृह्य स्मर्यते प्रजानां गोपीथाय न पुरा दक्षिणाभ्यो नेतोः कृष्णविषाणामवं चृतेद्यत्पुरा दक्षिणाभ्यो नेतोः कृष्णविषाणामवंचृतेद्योनिः प्रजानां परापातुका स्यान्नीतासु दक्षिणासु चात्वाले कृष्णविषाणाम्प्रास्यन्ति योनिर्वै यज्ञस्य चात्वालं योनिः कृष्णविषाणा योनावेव योनिन्दधाति यज्ञस्य सयोनित्वाय॥ (२४)

रुन्ध एष तस्माच्छर्मयो यूपस्तृतीयमिथुनत्वाय जन्म हस्तेनाष्टाचत्वारिंशच्च॥

वाग्वै देवेभ्योऽपौक्रामद्यज्ञायातिष्ठमाना सा वनस्पतीन्प्राविंशत्श्वैसा वाग्वनस्पतिषु वदति या दुन्दुभौ या तूष्णे या वीणायां यदीक्षितदण्डम्ययच्छति वाचमेवाव रुन्दे औदुम्बरो भवत्यूर्वा उदुम्बर ऊर्जमेवाव रुन्दे मुखेन सम्मितो भवति मुखत एवास्मा ऊर्जं दधाति तस्मान्मुखत ऊर्जा भुञ्जते (२५)

क्रीते सोमे मैत्रावरुणाय दण्डम् यच्छति मैत्रावरुणो हि पुरस्ताद्वित्यभ्यो वाचं विभजति तामृत्विजो यजमाने प्रति षापयन्ति स्वाहा यजम्मनसेत्याह मनसा हि पुरुषो यजमभिगच्छति स्वाहा द्यावापृथिवीभ्यामित्याह द्यावापृथिव्योरहि यज्ञः स्वाहोरन्तरिक्षादित्याहान्तरिक्षे हि यज्ञः स्वाहा यज्ञं वातादारभ इत्याहायम् (२६)

वाव यः पवते स यज्ञस्तमेव साक्षादा रभते मुष्टी करोति वाचं यच्छति यज्ञस्य धृत्या अदीक्षिष्टाग्राम्राह्मण इति त्रिरुपाश्वाह देवेभ्य एवैनम्राह त्रिरुचैरुभयैभ्य एवेन देवमनुष्येभ्यः प्राह न पुरा नक्षत्रेभ्यो वाचं वि सृजेद्यत्पुरा नक्षत्रेभ्यो वाचं विसृजेद्यज्ञं विच्छिन्द्यात् (२७)

उदितेषु नक्षत्रेषु व्रतं कृणुतेति वाचं वि सृजति यज्ञव्रतो वै दीक्षितो यज्ञमेवाभि वाचं वि सृजति यदि विसृजेद्वैष्णवीमृचमनु ब्रूयाद्यज्ञो वै विष्णुर्यज्ञेनैव यज्ञः सं तनोति दैवीन्धियम्मनामह इत्याह यज्ञमेव तन्म्रदयति सुपारा नो असद्वश इत्याह व्युष्टिमेवाव रुन्दे (२८)

ब्रह्मवादिनो वदन्ति होतव्यं दीक्षितस्य गृहा(३)इ न होतव्या(३)मिति हविर्वै दीक्षितो यङ्गुहाद्यजमानस्यावदाय जुहुयाद्यत्र जुहुयाद्यज्ञपरुरन्तरियाद्ये देवा मनोजाता मनोयुज इत्याह प्राणा वै देवा मनोजाता मनोयुजस्तेष्वेव परोक्षं जुहोति तत्रेवं हुतं नेवाहुतं स्वपन्तं वै दीक्षितः रक्षांसि जिघांसन्त्यग्निः (२९)

खलु वै रक्षोहाग्रे त्वः सु जांगृहि वयः सु मन्दिपीमहीत्याहाग्निमेवाधिपां कृत्वा स्वपिति रक्षंसामपहत्या अब्रत्यमिव वा एष करोति यो दीक्षितः स्वपिति त्वमग्रे व्रतपा असीत्याहाग्निर्वै देवानां व्रतपतिः स एवेन व्रतमालम्भयति देव आ मर्त्येष्वेत्याह देवः (३०)

ह्येष सन्मर्त्येषु त्वं यज्ञेष्विड्य इत्याहैतः हि यज्ञेष्विडतेऽपु वै दीक्षिताध्वसुषुपुषं इन्द्रियं देवताः क्रामन्ति विश्वं देवा अभि मामाववृत्रिन्त्रियाहेन्द्रियेणैवेन देवताभिः सं नयति यदेतद्यजुर्न ब्रूयाद्यावत् एव पशून्भि दीक्षेत तावन्तोऽस्य पशवः स्यू रास्वेयंत् (३१)

सोमा भूयो भरेत्याहापरिमितानेव पशूनव रुन्दे चन्द्रमसि मम भोगाय भवेत्याह यथादेवतमेवेनाः प्रति गृह्णाति वायव त्वा वरुणाय त्वेति यदेवमेता नानुदिशेदयथादेवत् दक्षिणा गमयेदा देवताभ्यो वृश्च्येत् यदेवमेता अनुदिशति यथादेवतमेव दक्षिणा गमयति न देवताभ्य आ (३२)

वृश्च्यते देवीरापो अपां नपादित्याह यद्वो मेधं यजियः सदेवं तद्वो मावं क्रमिपमिति वावैतदाहच्छिन्नं तन्तुं पृथिव्या अनु गेषमित्याह सेतुमेव कृत्वात्येति॥ (३३)

भुञ्जतेऽयच्छिन्द्याद्रुन्धेऽग्निराह देव इयदेवताभ्य आ त्रयस्त्रिंशच्च॥ [४]

देवा वै देवयजनमध्यवसाय दिशो न प्राजानन्तेऽङ्गं न्योन्यमुपाधावन्त्वया प्र जानाम त्वयेति तेऽदित्याः समप्रियन्त त्वया प्र जानामेति साब्रवीद्वरं वृणै मत्त्रायणा एव वो यज्ञा मदुदयना असन्निति तस्मादादित्यः प्रायणीयो यज्ञानामादित्य उदयनीयः पञ्च देवता यजति पञ्च दिशो दिशाम्प्रज्ञात्यै (३४)

अथो पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धे पथ्याः स्वस्तिमयजन्मार्चामेव तया दिशम्प्राजानन्नग्निना दक्षिणा सोमैः प्रतीचीः सवित्रोदीचीमदित्योर्ध्वाम्पथ्याः स्वस्तिं यजति प्रार्चीमेव तया दिशम्प्रा जानाति पथ्याः स्वस्तिमिद्वाग्नीषोमौ यजति चक्षुषी वा एते यज्ञस्य यद्ग्रीषोमौ ताभ्यामेवानु पश्यति (३५)

अग्नीषोमाविद्वा सवितारं यजति सवितृप्रसूत एवानु पश्यति सवितारमिद्वादिति यजतीयं वा अदितिरस्यामेव प्रतिष्ठायानु पश्यत्यदितिमिद्वा मारुतीमृचमन्वाह मरुतो वै देवानां विशां देवविशं खलु वै कल्पमानम्मनुष्यविशमनु कल्पते यन्मारुतीमृचमन्वाह विशां क्लृप्त्यै ब्रह्मवादिनो वदन्ति प्रयाजवदननूयाजम्प्रायणीयं कार्यमनूयाजवन्तं (३६)

अप्रयाजमुदयनीयमितीमे वै प्रयाजा अमी अनूयाजाः सैव सा यज्ञस्य सन्ततिस्तत्तथा न कार्यमात्मा वै प्रयाजाः प्रजानूयाजा यत्प्रयाजानन्तरियादात्मानमन्तरियाद्यदनूयाजानन्तरियात्प्रजामन्तरियाद्यतः खलु वै यज्ञस्य विततस्य न क्रियते तदनु यज्ञः परा भवति यज्ञं पराभवन्तं यजमानोऽनु (३७)

परा भवति प्रयाजवद्देवानूयाजवत्प्रायणीयं कार्यम्प्रयाजवदनूयाजवदुदयनीयं नात्मानमन्तरेति न प्रजां न यज्ञः पराभवति न यजमानः प्रायणीयस्य निष्कास उदयनीयमभि निर्वपति सैव सा यज्ञस्य सन्ततिर्याः प्रायणीयस्य याज्या यत्ता उदयनीयस्य याज्याः कुर्यात्पराङ्मुं लोकमा रोहेत्प्रमायुकः स्याद्वाः प्रायणीयस्य पुरोनुवाक्यास्ता उदयनीयस्य याज्याः करोत्यस्मिन्नेव लोके प्रति तिष्ठति॥ (३८)

प्रज्ञात्यै पश्यत्यनूयाजवद्यजमानोऽनु पुरोनुवाक्यास्ता अष्टौ च॥ [५]

कद्रूश्च वै संपूर्णा चात्मीरूपयोरस्पर्धेताः सा कद्रूः संपूर्णमंजयत्साब्रवीत्तृतीयस्यामि तो दिवि सोमस्तमा हरं तेनात्मानं निष्क्रीणीष्वेतीयं वै कद्रूसो संपूर्णा छन्दांसि सौपर्ण्याः साब्रवीदस्मे वै पितरौ पुत्राब्धिभृतस्तृतीयस्यामि तो दिवि सोमस्तमा हरं तेनात्मानं निष्क्रीणीष्व (३९)

इति मा कद्रूरवोचदिति जगत्पुदपतच्चतुर्दशाक्षरा सती साप्राप्य न्यवर्तत तस्यै द्वे अक्षरं अमीयेताः सा पशुभिश्च दीक्षया चागच्छतस्माज्जगती छन्दसाम्पशुव्यतमा तस्मात्पशुमन्तं दीक्षोपं नमति त्रिष्टुगुदपतत्रयोदशाक्षरा सती साप्राप्य न्यवर्तत तस्यै द्वे अक्षरं अमीयेताः सा दक्षिणाभिश्च (४०)

तपसा चागच्छतस्मात्त्रिष्टुभौ लोके मार्यदिने सवने दक्षिणा नीयन्त एतत्खलु वाव तप इत्याहुयः स्वं ददातीति गायत्र्युदपतच्चतुरक्षरा सत्यंजया ज्योतिषा तमस्या अजाभ्यरुद्ध तदजायां अजत्वः सा सोमं चाहर्चत्वारिं चाक्षराणि साष्टाक्षरा समपद्यत ब्रह्मवादिनो वदन्ति (४१)

कस्मात्सत्याद्वायत्री कनिष्ठा छन्दसाः सती यज्ञमुखं परीयायेति यदेवादः सोममाहर्तस्माद्यज्ञमुखं पर्यैत् तस्मात्तेजस्विनीतमा पञ्चां द्वे सवने समगृह्णान्मुखेनैकं यन्मुखं समगृह्णात्तदधत्तस्माद्द्वे सवने श्रुक्वती प्रातःसवनं च मार्यदिनं च तस्मात्तृतीयसवनं ऋजीपमभि पुण्वन्ति धीतमिव हि मन्यन्ते (४२)

आशिरमं नयति सशुक्रत्वायाथो सम्भरत्येवैनत्त९ सोममाह्वियमाणं गन्धर्वो विश्वावसुः पर्यमुष्णाध्वस  
तिस्त्रो रात्रोः परिमुषितोऽवसत्तस्मात्तिस्त्रो रात्रोः क्रीतः सोमो वसति ते देवा अंब्रुवन्ध्रीकांमा वै गन्धर्वाः  
स्त्रिया निष्क्रीणमेति ते वाच३ स्त्रियमेकहायनीं कृत्वा तया निरक्रीणन्त्सा रोहिद्रूपं कृत्वा गन्धर्वेभ्यः (४३)

अपक्रम्यातिष्ठत्तद्रोहितो जन्म ते देवा अंब्रुवन्नपं युष्मदक्रमीन्नास्मानुपावर्तते वि ह्वयामहा इति ब्रह्म  
गन्धर्वा अवदन्नगायं देवाः सा देवान्गायंत उपावर्तत तस्माद्गायन्त३ स्त्रियः कामयन्ते कामुका एन३ स्त्रियो  
भवन्ति य एवं वेदाथो य एवं विद्वानपि जन्येषु भवन्ति तेभ्य एव ददत्युत यद्वहुतयाः (४४)

भवन्त्येकहायन्या क्रीणाति वाचैवैन९ सर्वया क्रीणाति तस्मादेकहायना मनुष्यां वाचं वदन्त्यकूटया-  
ऽकर्णयाऽ काणयाऽश्लोणयाऽसंसशफया क्रीणाति सर्वयैवैनं क्रीणाति यच्छ्रुतया क्रीणीयादुश्चर्मा यजमानः  
स्याद्यत्कृष्णयानुस्तरणी स्यात्प्रमायुको यजमानः स्याद्यद्यद्विरूपया वात्रघ्नी स्याध्वस वाग्न्यं जिनीयात्तं वाग्न्यो  
जिनीयादरुणया पिङ्गाक्ष्या क्रीणात्येतद्वै सोमस्य रूप३ स्वयैवैनं देवतया क्रीणाति॥ (४५)

निष्क्रीणीष्व दक्षिणाभिश्च वदन्ति मन्यन्ते गन्धर्वेभ्यो बहुतयाः पिङ्गाक्ष्या  
दशं च॥

[६]

तद्धिरण्यमभवत्तस्मादद्भ्यो हिरण्यम्युनन्ति ब्रह्मवादिनो वदन्ति कस्माध्वसत्यादनस्थिकेन प्रजाः प्रवीयन्तेऽ-  
स्थन्वर्तारजायन्त इति यद्धिरण्यं धृतेऽवधाय जुहोति तस्मादनस्थिकेन प्रजाः प्र वीयन्तेऽस्थन्वर्तारजायन्त एतद्वा  
अग्नेः प्रियं धाम यद्धृतं तेजो हिरण्यमियं तै शुक्र तनूरिदं वर्च इत्याहु सतैजसमेवैन९ सतनुम् (४६)

करोत्यथो सम्भरत्येवैनं यदबद्धमवदध्याद्भ्रातः प्रजानां परापातुकाः स्युर्बद्धमव दधाति गर्भाणां धृत्यै  
निष्टक्यम्बभ्राति प्रजानां प्रजननाय वाग्वा एषा यथ्सोमक्रयणी जूरसीत्याहु यद्धि मनसा जवते तद्वाचा  
वदति धृता मनसेत्याहु मनसा हि वाग्धृता जुष्टा विष्णव इत्याहु (४७)

यज्ञो वै विष्णुर्यज्ञायैवैनां जुष्टां करोति तस्यांस्ते सत्यसंवसः प्रसव इत्याहु सवितृप्रसूतामेव वाचमव  
रुद्धे काण्डेकाण्डे वै क्रियमाणे यज्ञ९ रक्षांसि जिघांसन्त्येष खलु वा अरक्षोहतः पन्था योऽग्नेश्च  
सूर्यस्य च सूर्यस्य चक्षुरारुहमग्नेरक्षणः कुनीनिकामित्याहु य एवारक्षोहतः पन्थास्त९ समारोहति (४८)

वाग्वा एषा यथ्सोमक्रयणी चिदसि मनासीत्याहु शास्त्येवैनामेतत्तस्माच्छिष्टाः प्रजा जायन्ते चिदसीत्याहु  
यद्धि मनसा चेतयते तद्वाचा वदति मनासीत्याहु यद्धि मनसाभिगच्छति तत्करोति धीरसीत्याहु यद्धि मनसा  
ध्यायति तद्वाचा (४९)

वदति दक्षिणासीत्याहु दक्षिणा ह्येषा यज्ञियासीत्याहु यज्ञियामेवैनां करोति क्षत्रियासीत्याहु क्षत्रिया  
ह्येषादितिरस्युभयतःशीर्ष्णीत्याहु यदेवाऽऽदित्यः प्रायणीयो यज्ञानामादित्य उदयनीयस्तस्मादेवमाहु यदबद्धा  
स्यादयता स्याद्यत्पदिवद्वानुस्तरणी स्यात्प्रमायुको यजमानः स्यात् (५०)

यत्कर्णगृहीता वात्रघ्नी स्याध्वस वाग्न्यं जिनीयात्तं वाग्न्यो जिनीयाम्नित्रस्त्वां पदि बभ्रात्वित्याहु मित्रो  
वै शिवो देवानान्तेनैवैनां पदि बभ्राति पूषार्ध्वनः पात्वित्याहुयं वै पूषेयामेवास्यां अधिपामंकः समष्ट्या

इन्द्रायार्थंक्षयेत्याहेन्द्रमेवास्या अर्घ्यं करोति (५१)

अनु त्वा माता मन्यतामनु पितेत्याहानुमतयैवेनया क्रीणाति सा दैवि देवमच्छेहीत्याह देवी ह्येषा देवः सोम इन्द्राय सोममित्याहेन्द्राय हि सोम आह्वियते यदेतद्यजुर्न ब्रूयात्पराच्येव सोमक्रयणीयाद्रुद्रस्त्वा वर्तयत्वित्याह रुद्रो वै क्रूरः (५२)

देवानान्तमेवास्यै परस्ताद्वधात्यावृत्त्यै क्रूरमिव वा एतत्करोति यद्रुद्रस्य कीर्तयति मित्रस्य पथेत्याह शान्त्यै वाचा वा एष वि क्रीणीते यः सोमक्रयण्या स्वस्ति सोमसखा पुनरेहि सह रय्येत्याह वाचैव विक्रीय पुनरान्त्वान्वाच धत्तेऽनुपदासुकास्य वाग्भवति य एवं वेद॥ (५३)

सतनुं विष्णव इत्याह समारोहति ध्यायति तद्वाचा यजमानः स्यात्करोति क्रूरो वेद॥ [७]

षट्पदान्यनु नि क्रामति षडहं वाङ्माति वदत्युत संवत्सरस्यायने यावत्येव वाक्तामव रुन्दे सप्तमे पदे जुहोति सप्तपदा शक्करी पशवः शक्करी पशून्वाव रुन्दे सप्त ग्राम्याः पशवः सप्तारण्याः सप्त छन्दांस्युभयस्यावरुद्धे वस्यसि रुद्रासीत्याह रूपमेवास्या एतन्महिमानम् (५४)

व्याचष्टे बृहस्पतिस्त्वा सुमे रण्वत्वित्याह ब्रह्म वै देवानाम्बृहस्पतिर्ब्रह्मणैवास्मै पशून्व रुन्दे रुद्रो वसुभिः चिकेत्वित्याहवृत्त्यै पृथिव्यास्त्वा मूर्धन्ना जिघर्मि देवयजन् इत्याह पृथिव्या ह्येष मूर्धा यदैवयजन्मिडायाः पद इत्याहेडाये होतत्पदं यत्सोमक्रयण्यै घृतवति स्वाहा (५)

इत्याह यदेवास्यै पदाद्धृतमर्षाड्यत् तस्मादेवमाह यदध्वर्युरनग्नावाहति जुहुयादन्धोऽध्वर्युः स्याद्रक्षांसि यज्ञं हन्युरहिरण्यमुपास्य जुहोत्यग्निवत्येव जुहोति नान्योऽध्वर्युर्भवति न यज्ञं रक्षांसि घ्नन्ति काण्डेकाण्डे वै क्रियमाणे यज्ञं रक्षांसि जिघांसन्ति परिलिखितं रक्षः परिलिखिता अरातय इत्याह रक्षसामपहत्यै (५६)

इदमहं रक्षसो ग्रीवा अपि कृन्तामि योऽस्मान्द्वेष्टि यं च वयं द्विषम इत्याह द्वौ वाव पुरुषौ यं चैव द्वेष्टि यश्चैनं द्वेष्टि तयोरेवानन्तराय ग्रीवाः कृन्तति पशवो वै सोमक्रयण्यै पदं यावत्सूतं सं वपति पशून्वाव रुन्देऽस्मे राय इति सं वपत्यात्मानमेवाध्वर्युः (५७)

पशुभ्यो नान्तरिति त्वे राय इति यजमानाय प्र यच्छति यजमान एव रयिं दधाति तोते राय इति पर्बिया अर्धो वा एष आत्मनो यत्पत्नी यथा गृहेषु निधत्ते तादृगेव तत्त्वष्टीमती ते सपेयेत्याह त्वष्टा वै पशूनामिधुनानां रूपकद्रूपमेव पशुषु दधात्यस्मै वै लोकाय गार्हपत्य आ धीयतेऽमुष्मा आहवनीयो यद्गार्हपत्य उपवपेदस्मिन्नौके पशुमान्ध्याद्यदाहवनीयेऽमुष्मिन्नौके पशुमान्ध्यादुभयोरुप वपत्युभयोरवेन्नौकयोः पशुमन्तं करोति॥ (५८)

महिमानं स्वाहापहत्या अध्वर्युर्धीयते चतुर्विंशतिश्च॥ [८]

ब्रह्मवादिनो वदन्ति विचित्यः सोमा (३) न विचित्या (३) इति सोमो वा ओषधीनां राजा तस्मिन् यदापन्नं असितमेवास्य तद्यद्विचिनुयाद्यथास्याद्वसितं निषिद्धति तादृगेव तद्यत्र विचिनुयाद्यथाक्षत्रापन्नं विधार्वति



तादृगेव तत्क्षोर्धुकोऽध्वर्युः स्यात्क्षोर्धुको यजमानः सोमविक्रयिन्सोमं शोधयेत्येव ब्रूयाद्यदीतरम् (५९)

यदीतरमुभयेनैव सोमविक्रयिणमर्पयति तस्मात्सोमविक्रयी क्षोर्धुकोऽरुणो ह स्माहौपवेशिः सोमक्रयण एवाहं तृतीयसवनमव रन्ध्र इति पशूनां चर्मन्मिमीते पशूनेवाव रन्ध्रे पशवो हि तृतीयं सर्वं यङ्कामयेतापशुः स्यादित्युक्षतस्तस्य मिमीतुर्क्ष वा अपशव्यमपशुरेव भवति यं कामयेत पशुमान्ध्वयात् (६०)

इति लोमतस्तस्य मिमीतैतद्वै पशूनां रूपं रूपेणैवासौ पशूनव रन्ध्रे पशुमानेव भवत्युपामन्तं क्रीणाति सरंसमेवेन क्रीणात्युमात्योऽसीत्याहामैवेन कुरुते शुक्रस्ते ग्रह इत्याह शुक्रो ह्यस्य ग्रहोऽनुसाच्छ याति महिमानमेवास्याच्छ यात्यनसा (६१)

अच्छ याति तस्मादनोवाह्यं समे जीवनं यत्र खलु वा एतं शीर्ष्णा हरन्ति तस्माच्छीर्षहार्यं गिरौ जीवनमभि त्यं देव संवितारमित्यतिछन्दसर्चा मिमीतेऽतिच्छन्दा वै सर्वाणि छन्दांसि सर्वाभिरैवेन छन्दाभिर्मिमीते वर्ष्म वा एषा छन्दसां यदतिच्छन्दा यदतिच्छन्दसर्चा मिमीते वर्ष्मेवेन समानानां करोत्येकैकयोऽर्गम् (६२)

मिमीतेऽयातयाग्नियायातयाग्नियैवेनमिमीते तस्मान्नानावीर्या अङ्गुलयः सर्वास्वङ्गुष्ठमुप नि गृह्णाति तस्मात्सुमावद्वीर्योऽन्याभिरङ्गुलिभिस्तस्मात्सुमाव अनु सं चरति यत्सुह सर्वाभिर्मिमीत सञ्छिष्टा अङ्गुलयो जायेरन्नेकैकयोऽर्गमिमिमीते तस्माद्विभक्ता जायन्ते पञ्च कृत्वो यजुषा मिमीते पञ्चाक्षरा पङ्क्तिः पाङ्क्तो यजो यजमेवाव रन्ध्रे पञ्च कृत्वस्तूष्णीम् (६३)

दश सम्पद्यन्ते दशाक्षरा विराडन्नं विराड्विराजैवान्नाद्यमव रन्ध्रे यद्यजुषा मिमीते भूतमेवाव रन्ध्रे यतूष्णीम्विष्यद्यद्वे तावानेव सोमः स्याद्यावन्तमिमीते यजमानस्येव स्यान्नापि सदस्यानां प्रजाभ्यस्त्वेत्युप समूहति सदस्यानेवान्वाभजति वाससोप नहति सर्वदेवत्यं वै (६४)

वासः सर्वाभिरैवेन देवताभिः समर्धयति पशवो वै सोमः प्राणाय त्वेत्युप नहति प्राणमेव पशुषु दधाति व्यानाय त्वेत्यनु श्रुयति व्यानमेव पशुषु दधाति तस्मात्स्वपन्तं प्राणा न जंहति॥ (६५)

**इतरम्पशुमान्ध्वस्याद्यात्यनसोऽर्गन्तूष्णीं सर्वदेवत्यं वै त्रयस्त्रिंशच्च॥** [९]

यत्कृत्वा ते शफेन ते क्रीणानीति पणेतार्गोअर्धं सोमं कुर्यादार्गोअर्धं यजमानमर्गोअर्धमध्वर्युङ्गोस्तु महिमानं नावं तिरैद्रवां ते क्रीणानीत्येव ब्रूयाद्गोअर्धमेव सोमं करोति गोअर्धं यजमानं गोअर्धमध्वर्युन् गोमहिमानमव तिरत्यजया क्रीणाति सतंपसमेवेन क्रीणाति हिरण्येन क्रीणाति सशुकमेव (६६)

एनं क्रीणाति धेन्वा क्रीणाति साशिरमेवेन क्रीणात्युपभेण क्रीणाति सेन्द्रमेवेन क्रीणात्यनुडुहां क्रीणाति वह्निर्वा अंनुड्वान् वह्निनैव वह्निं यज्ञस्य क्रीणाति मिथुनाभ्यां क्रीणाति मिथुनस्यावरुद्धे वासंसा क्रीणाति सर्वदेवत्यं वै वासः सर्वाभ्य एवेन देवताभ्यः क्रीणाति दश सम्पद्यन्ते दशाक्षरा विराडन्नं विराड्विराजैवान्नाद्यमव रन्ध्रे (६७)

तपंसस्तनूर्सि प्रजापतेर्वर्ण इत्याह पशुभ्य एव तदध्वर्युर्नि हुंत आत्मनोऽनां व्रस्काय गच्छति श्रियं प्र पशूनांप्रोति य एवं वेद शुक्रं तै शुक्रेणं कीणामीत्याह यथायजुरैवेतद्देवा वै येन हिरण्येन सोममकीणन्तदभीषहा पुनराददत् को हि तेजसा विक्रेष्यत् इति येन हिरण्येन (६८)

सोमं कीणीयात्तदभीषहा पुनरा दंदीत् तेजं एवात्मन्यत्तेऽस्मे ज्योतिः सोमविक्रयिणि तम् इत्याह ज्योतिरेव यजमाने दधाति तमसा सोमविक्रयिणमर्पयति यदनुप्रग्रथ्य हन्यादन्दशूकास्ता समा सर्पाः स्युरिदमह समा सर्पाणां दन्दशूकानां ग्रीवा उपं ग्रन्थामीत्याहादन्दशूकास्ता समा सर्पा भवन्ति तमसा सोमविक्रयिणि विधयति स्वानं (६९)

भ्राजेत्याहेतु वा अमुष्मिँल्लोके सोममरक्षन्तेभ्योऽधि सोममाहर्न् यदेतेभ्यः सोमक्रयणात्रानुदिशेदकीतोऽस्य सोमः स्यान्नास्यैतेऽमुष्मिँल्लोके सोम रक्षेयुर्यदेतेभ्यः सोमक्रयणाननुदिशति कीतोऽस्य सोमो भवत्येतस्यामुष्मिँल्लोके सोम रक्षन्ति॥ (७०)

सशुक्रमेव रुन्ध इति येन हिरण्येन स्वान चतुश्चत्वारिंशच्च॥ [१०]

वारुणो वै कीतः सोम उपनद्धो मित्रो न एहि समित्रथा इत्याह शान्त्या इन्द्रस्योरुमा विश दक्षिणमित्याह देवा वै य सोममकीणन्तमिन्द्रस्योरौ दक्षिण आसादयत्रेष खलु वा एतर्हीन्द्रो यो यजंते तस्मादेवमाहोदायुषा स्वायुषेत्याह देवता एवान्वारभ्योत् (७१)

तिष्ठत्युर्वन्तरिक्षमन्विहीत्याहान्तरिक्षदेवत्यो ३ ह्येतरहि सोमोऽर्दित्याः सदोऽस्यर्दित्याः सद आ सीदेत्याह यथायजुरैवेतद्वि वा एनमेतदधयति यद्वांरुण सन्तम्मेत्रं करोति वारुण्यर्चा सादयति स्वयैवेन देवतया समधयति वाससा पर्यानहति सर्वदेवत्यं वै वासः सर्वाभिरेव (७२)

एनं देवताभिः समधयत्यथो रक्षसामपहत्यै वनेषु व्यन्तरिक्षं ततानेत्याह वनेषु हि व्यन्तरिक्षं ततान वाजमर्वथ्वित्याह वाज ह्यर्वथ्सु पयो अघ्नियास्वित्याह पयो ह्यघ्नियासु ह्वथ्सु क्रतुमित्याह ह्वथ्सु हि क्रतुं वरुणो विश्वंघ्नित्याह वरुणो हि विश्वंघ्निन्दिवि सूर्यम् (७३)

इत्याह दिवि हि सूर्य सोममद्रावित्याह ग्रावाणो वा अद्रयस्तेषु वा एष सोम दधाति यो यजंते तस्मादेवमाहोदु त्यं जातवैदसमिति सूर्यर्चा कृष्णाजिनमप्रत्यानहति रक्षसामपहत्या उस्त्रावेत धूरपाहवित्याह यथायजुरैवेतत्प्र च्यवस्व भुवस्पत् इत्याह भूताना हि (७४)

एष पतिर्विश्वान्यभि धामानीत्याह विश्वानि ह्ये ३ पौऽभि धामानि प्रच्यवन्ते मा त्वां परिपरी विददित्याह यदेवादः सोममाह्वियमाणं गन्धर्वो विश्वावंसुः पर्यमुष्णात्तस्मादेवमाहापरिमोषाय यजमानस्य स्वस्त्ययन्यसीत्याह यजमानस्यैवैष यज्ञस्यान्वारभ्योऽनवच्छित्यै वरुणो वा एष यजमानमभ्यैति यत् (७५)

कीतः सोम उपनद्धो नमो मित्रस्य वरुणस्य चक्षस इत्याह शान्त्या आ सोमं वहन्त्यग्निना प्रति तिष्ठते तौ सम्भवन्तौ यजमानमभि सम्भवतः पुरा खलु वावैष मेधायात्मानमारभ्यं चरति यो दीक्षितो यदंश्रीपोमीयम्पशुमालभत आत्मनिष्करण एवास्य स तस्मात्तस्य नाशयं पुरुषनिष्करण इव ह्यथो खल्वाहुरंश्रीपोमभ्यां वा इन्द्रो वृत्रमहन्निति यदंश्रीपोमीयम्पशुमालभते वात्रेण एवास्य स तस्माद्वाश्यं वारुण्यर्चा

परिं चरति स्वयैवेन देवतया परिं चरति॥ (७६)

अन्वारभ्योऽसर्वाभिरेव सूर्य भूतानां ह्येति यदाहुः सप्तविंशतिश्च॥<sup>[११]</sup>

यदुभौ देवासुरा मिथस्तेषां सुवर्गं यद्वा अनीशानः पुरोहविषि तेभ्यः  
सोत्तरवेदिर्बद्धं देवस्याग्निं शिरो वा एकादश॥<sup>[१२]</sup> यदुभावित्याह देवानां यज्ञो देवेभ्यो  
न रथाय यजमानाय पुरस्तादवाचीन्नवपञ्चाशत्॥59॥ यदुभौ दुह एवेनाम्॥

## ॥द्वितीयः प्रश्नः॥

॥तैत्तिरीयसंहितायां षष्ठमकाण्डे द्वितीयः प्रश्नः॥

यदुभौ विमुच्यातिथ्यं गृह्णीयाद्यज्ञं विच्छिन्द्याद्यदुभावविमुच्य यथानांगतायातिथ्यं क्रियते तादृगेव  
तद्विमुक्तोऽन्योऽन्यद्वाभवत्वविमुक्तोऽन्योऽथातिथ्यं गृह्णाति यज्ञस्य सन्तत्यै पत्यन्वारभते पत्नी हि पारीणाद्यस्येष्टे  
पत्न्यैवानुमतं निर्वपति यद्वै पत्नी यज्ञस्य करोति मिथुनं तदथो पत्न्या एव (१)

एष यज्ञस्यान्वारम्भोऽनवच्छित्यै यावद्विष्वै राजानुचरैरागच्छति सर्वेभ्यो वै तेभ्य आतिथ्यं क्रियते  
छन्दांसि खलु वै सोमस्य राजाऽनुचराण्यग्नेरातिथ्यमसि विष्णवे त्वेत्याह गायत्रिया एवैतेन करोति  
सोमस्यातिथ्यमसि विष्णवे त्वेत्याह त्रिष्टुभं एवैतेन करोत्यतिथेरातिथ्यमसि विष्णवे त्वेत्याह जगत्यै (२)

एवैतेन करोत्यग्नये त्वा रायस्पोषदात्रे विष्णवे त्वेत्याहानुष्टुभं एवैतेन करोति श्येनाय त्वा सोमभूते  
विष्णवे त्वेत्याह गायत्रिया एवैतेन करोति पञ्च कृत्वौ गृह्णाति पञ्चाक्षरा पुङ्क्तिः पाङ्क्तौ यज्ञो यज्ञमेवाव  
रुन्दे ब्रह्मवादिनो वदन्ति कस्मात्सत्याद्वायत्रिया उभयत आतिथ्यस्य क्रियत इति यदेवादः सोममा (३)

अहर्तस्माद्वायत्रिया उभयत आतिथ्यस्य क्रियते पुरस्ताच्चोपरिष्ठाच्च शिरो वा एतद्यज्ञस्य यदातिथ्यं  
नवकपालः पुरोडाशो भवति तस्मान्नवधा शिरो विष्यूतन्नवकपालः पुरोडाशो भवति ते त्रयस्त्रिकपालास्त्रिवृता  
स्तोमेन सम्मितास्तेजस्त्रिवृतेज एव यज्ञस्य शीर्षं दधाति नवकपालः पुरोडाशो भवति ते त्रयस्त्रिकपालास्त्रिवृता  
प्राणेन सम्मितास्त्रिवृदे (४)

प्राणस्त्रिवृतमेव प्राणमभिपूर्वं यज्ञस्य शीर्षं दधाति प्रजापतेर्वा एतानि पक्ष्माणि यदश्ववाला ऐक्ष्वी  
तिरश्ची यदाश्ववालः प्रस्तुरो भवत्यैक्ष्वी तिरश्ची प्रजापतेरेव तच्चक्षुः सम्मरति देवा वै या आहुतीरजुहवुस्ता  
असुरा निष्कावमादन्ते देवाः कार्ष्ण्यमपश्यन्कर्मण्यो वै कर्मनेन कुर्वीतेति ते कार्ष्ण्यमयान्यरिधीन् (५)

अकुर्वत तैर्वै ते रक्षाऽस्यपाप्रात यत्कार्ष्ण्यमयाः परिधयो भवन्ति रक्षसामपहत्यै सऽस्पर्शयति  
रक्षसामनन्ववचाराय न पुरस्तात्परि दधात्यादित्यो ह्येवद्यन्पुरस्ताद्रक्षऽस्यपहत्यूध्वे समिधावा दधात्युपरिष्ठादेव

रक्षाः स्युर्पहन्ति यजुषाण्यां तूष्णीमन्यामिधुनत्वाय द्वे आ दधाति द्विपाद्यजमानः प्रतिष्ठित्यै ब्रह्मवादिनो वदन्ति (६)

अग्निश्च वा एतौ सोमंश्च कथा सोमायातिथ्यं क्रियते नाग्नय इति यदग्नावग्निर्मथित्वा प्रहरंति तेनैवाग्नयं आतिथ्यं क्रियतेऽथो खल्वाहुरग्निः सर्वा देवता इति यद्विरासाद्याग्निम्मन्थति हव्यायैवासन्नाय सर्वा देवता जनयति॥ (७)

प्रिया एव जगत्या आ त्रिवृद्वै परिधीन् वदन्त्येकचत्वारिंशच्च॥ [१]

देवासुराः संयन्ता आसन्ते देवा मिथो विप्रिया आसन्तेऽ ३ न्योन्यस्मै ज्यैष्ठ्यायातिष्ठमानाः पञ्चधा व्यक्रामन्नग्निर्यसुभिः सोमो रुद्रैरिन्द्रो मरुद्विर्वरुण आदित्यैर्वृहस्पतिर्विश्वदैवैस्तेऽमन्यन्तासुरेभ्यो वा इदम्भ्रातृव्येभ्यो रध्यामो यन्मिथो विप्रियाः स्मो या न इमाः प्रियास्तनुवस्ताः समवधामहे ताभ्यः स निरऋच्छाद्यः (८)

नः प्रथमोऽ ३ न्योन्यस्मै ब्रह्मादिति तस्माद्यः सतानूनग्नियाम्प्रथमो ब्रह्मति स आर्तिमाच्छति यतानूनत्र ९ समवद्यति भ्रातृव्याभिभूत्यै भवत्यात्मना परास्य भ्रातृव्यो भवति पञ्च कृत्वोऽव द्यति पञ्चधा हि ते तत्संमवाद्यन्ताथो पञ्चाक्षरा पङ्क्तिः पाङ्क्तो यज्ञो यज्ञमेवावे रुन्द्ध आपतये त्वा गृह्णामीत्याह प्राणो वै (९)

आपतिः प्राणमेव प्रीणाति परिपतय इत्याह मनो वै परिपतिर्मन एव प्रीणाति तनूनत्र इत्याह तनुवो हि ते ताः संमवाद्यन्त शाकुरायेत्याह शक्त्यै हि ते ताः संमवाद्यन्त शक्नोति जिष्ठायेत्याह जिष्ठ ९ हि ते तदात्मनः समवाद्यन्तानाधृष्टमस्यनाधृष्यमित्याहानाधृष्टः ह्येतदनाधृष्य देवानामोजः (१०)

इत्याह देवानां ९ ह्येतदोजोऽभिशस्तिपा अनभिशस्तेन्यमित्याहभिशस्तिपा ह्येतदनभिशस्तेन्यमनु मे दीक्षा दीक्षापतिर्मन्यतामित्याह यथायजुरेवैतद्धृतं वै देवा वज्रं कृत्वा सोममघ्नन्नन्तिकर्मि खलु वा अस्येतच्चरन्ति यतानूनत्रेण प्रचरन्त्य ९ शुर ९ शुस्ते देव सोमा प्यायतामित्याह यत् (११)

एवास्यापुवायते यन्मीयते तदेवास्यैतेना प्याययत्या तुभ्यमिन्द्रः प्यायतामा त्वमिन्द्राय प्यायस्वेत्याहोभावेन्द्रं च सोमं चा प्याययत्या प्यायय सखीन्त्यन्या मेधयेत्याहुर्विजो वा अस्य सखायुस्तानेवा प्याययति स्वस्ति तै देव सोम सुत्यामंशीय (१२)

इत्याहशिषमैवेतामा शास्ते प्र वा एतस्माहोकाच्यवन्ते ये सोममाप्याययन्त्यन्तरिक्षदेवत्यो हि सोम आप्यायित एष्टा रायः प्रेपे भगायेत्याह द्यावापृथिवीभ्यामेव नमस्कृत्यास्मिहोके प्रति तिष्ठन्ति देवासुराः संयन्ता आसन्ते देवा बिभ्यन्तोऽग्निम्याविंशन्तस्मादाहुरग्निः सर्वा देवता इति ते (१३)

अग्निमेव वरूथं कृत्वासुरानभ्यभवन्नग्निमिव खलु वा एष प्र विंशति योऽवान्तरदीक्षामुपैति भ्रातृव्याभिभूत्यै भवत्यात्मना परास्य भ्रातृव्यो भवत्यात्मनमेव दीक्षया पाति प्रजामवान्तरदीक्षया सन्तराम्मेखला ९ समायच्छते प्रजा ह्यात्मनोऽन्तरतरा तप्तप्रतो भवति मदन्तीभिर्मारजयते निरह्यग्निः शीतेन वार्यति समिद्धे या तै अग्ने रुद्रिया तनूरित्याह स्वयैवैनद्देवतया व्रतयति सयोनित्वाय शान्त्यै॥ (१४)

यो वा ओज आह यदशीयेति तैऽग्न एकादश च॥ [२]

तेषामसुराणान्तिस्त्रः पुरं आसन्नयुस्मव्यवमाऽथं रज्जुताऽथ हरिणी ता देवा जेतुन्नाशंकुवन्ता  
उपसदैवाजिगीषन्तस्मादाहुर्यश्चैवं वेद यश्च नोपसदा वै महापुरं जयन्तीति त इपुः समस्कुर्वताग्निमनीकुः  
सोमः शल्यं विष्णुन्तेजन्तैऽब्रवन्क इमामसिष्यतीति (१५)

रुद्र इत्यब्रवन्नृद्रो वै क्रूरः सौऽस्यत्विति सौऽब्रवीद्वरं वृणा अहमेव पशूनामधिपतिरसानीति तस्माद्ब्रुः  
पशूनामधिपतिस्ताः रुद्रोऽवासृजत्स तिस्रः पुरो भित्त्वैभ्यो लोकेभ्योऽसुरान्प्राणुदत् यदुपसदं उपसद्यन्ते  
भ्रातृव्यपराणुत्यै नान्यामाहुतिमुरस्ताऽब्रुवाद्यदन्यामाहुतिमुरस्ताऽब्रुवात् (१६)

अन्यन्मुखं कुर्यात्सुवेणाघारमा घारयति यज्ञस्य प्रज्ञात्यै पराङ्तिक्रम्यं जुहोति परांच एवैभ्यो  
लोकेभ्यो यजमानो भ्रातृव्यान्प्र णुदते पुनरत्याक्रम्योपसदं जुहोति प्रणुद्यैवैभ्यो लोकेभ्यो भ्रातृव्याञ्जित्वा  
भ्रातृव्यलोकम्भ्यारोहति देवा वै याः प्रातरुपसदं उपासीदन्नहस्ताभिरसुरान्प्राणुदन्त याः सायः रात्रियै  
ताभिर्व्यसायम्प्रातरुपसदः (१७)

उपसद्यन्तैऽहोरात्राभ्यामेव तद्यजमानो भ्रातृव्यान्प्र णुदते याः प्रातर्याज्याः स्युस्ताः सायम्पुरोनुवाक्याः  
कुर्यादयातयामत्वाय तिस्र उपसद उपैति त्रयं इमे लोका इमानेव लोकान्प्रीणाति षट्थस्मद्यन्ते षड्वा  
ऋतवं ऋतूनेव प्रीणाति द्वादशहोने सोम उपैति द्वादश मासाः संवत्सरः संवत्सरेव प्रीणाति चतुर्विंशतिः  
सम् (१८)

पद्यन्ते चतुर्विंशतिरधमासा अर्धमासानेव प्रीणात्यारोग्रामवान्तरदीक्षामुपेयाद्यः कामयेंतास्मिन्ने लोके-  
र्धुकः स्यादित्येकमग्रेऽथे द्वावथ त्रीनथ चतुरं एषा वा आरोग्रवान्तरदीक्षास्मिन्नेवासमै लोकेर्धुकम्भवति  
पुरोवरीयसीमवान्तरदीक्षामुपेयाद्यः कामयेंतामुष्मिन्ने लोकेर्धुकः स्यादिति चतुरोऽग्रेऽथ त्रीनथ द्वावथैकमेषा  
वै पुरोवरीयस्यवान्तरदीक्षामुष्मिन्नेवासमै लोकेर्धुकम्भवति॥ (१९)

असिष्यतीति जुहुयात्सायम्प्रातरुपसदश्चतुर्विंशतिः सश्चतुरोऽग्रे षोडश  
च॥

[३]

सुवर्गं वा एते लोकं यन्ति य उपसदं उपयन्ति तेषां य उन्नयंते हीयंत एव स नोदनेषीति  
सूत्रीयमिव यो वै स्वार्थेतां यताः श्रान्तो हीयंत उत स निष्ठायां सह वसति तस्मात्सुकृदुन्नीय  
नापरमुन्नयेत दधोन्नयेतैतद्वै पशूनाः रूपः रूपेणैव पशून्वै रुन्दे (२०)

यज्ञो देवेभ्यो निलायत् विष्णुं रूपं कृत्वा स पृथिवीम्प्राविशत् देवा हस्तान्धस्त्रयैच्छन्तमिन्द्रं  
उपयुप्यत्यक्रामत्सौऽब्रवीत्को मायमुपयुप्यत्यक्रमीदित्यहं दुर्गे हन्तेत्यथ कस्त्वमित्यहं दुर्गादाहर्तेति सौऽब्रवीद्दुर्गे  
वै हन्तावोचथा वराहोऽयं वाममोषः (२१)

सप्तानां गिरीणाम्पुरस्ताद्वित्तं वेद्यमसुराणाम्बिभर्ति तं जंहि यदि दुर्गे हन्तासीति स दर्भपञ्जीलमुद्वह्यं  
सप्त गिरीन्जित्वा तमहन्त्यसौऽब्रवीद्दुर्गाद्वा आहर्तावोचथा एतमा हरेति तमैभ्यो यज्ञ एव यज्ञमाहर्द्यतद्वित्तं  
वेद्यमसुराणामबिन्दन्त तदेकं वेदै वैदित्वमसुराणाम् (२२)

वा इयमग्रं आसीद्वादासीनः परापश्यति तावद्देवानान्ते देवा अब्रुवन्नस्त्वेव नोऽस्यामपीति कियंद्रो

दास्याम् इति यावदियं संलावृकी त्रिः परिक्रामति तावन्नो दत्तेति स इन्द्रः सलावृकी रूपं कृत्वेमां त्रिः सर्वतः पर्यक्रामत्तदिमामविन्दन्त यदिमामविन्दन्त तद्वै वेदित्वम् (२३)

सा वा इयं सर्वैव वेदिरियति शक्ष्यामीति त्वा अंवायं यजन्ते त्रिंशत्पदानि पश्चात्तिरश्नीं भवति पद्विंशत्पदाची चतुर्विंशतिः पुरस्तात्तिरश्नी दशदश सम्पद्यन्ते दशाक्षरा विराडन्नं विराड्विराजैवान्नाद्यमव रुद्ध उद्धन्ति यदेवास्यां अमेध्यं तदपं हन्त्युद्धन्ति तस्मादोषधयः परा भवन्ति बर्हिः स्तृणाति तस्मादोषधयः पुनरा भवन्त्युत्तरम्बरहिषे उत्तरबर्हिः स्तृणाति प्रजा वै बर्हियजमान उत्तरबर्हियजमानमेवायजमानादुत्तरं करोति तस्माद्यजमानोऽयजमानादुत्तरः॥ (२४)

**रुन्धे वाममोषो वेदित्वमसुराणां वेदित्वं भवन्ति पञ्चविंशतिश्च॥** [४]

यद्वा अनीशानो भारमादत्ते वि वै स लिंशते यद्वादश साहस्योपसदः स्युस्तिस्त्रोऽहीनस्य यज्ञस्य विलोम क्रियेत तिस्र एव साहस्योपसदो द्वादशाहीनस्य यज्ञस्य सर्वायत्वायो सलोम क्रियते वृथ्स्यैकः स्तनो भागी हि सोऽथैकः स्तनं व्रतमुपेत्यथ द्वावथ त्रीनथ चतुर एतद्वै (२५)

क्षुरपंवि नाम व्रतं येन प्र जातान्भ्रातृव्यावृदते प्रति जनिष्यमाणानथो कनीयसैव भूय उपैति चतुरोऽग्रे स्तनान्नतमुपेत्यथ त्रीनथ द्वावथैकमेतद्वै सुजघनं नाम व्रतं तंपस्यं सुवर्ग्यमथो प्रेव जायते प्रजयां पशुभिर्वागू राजन्यस्य व्रतं कूरेव वै यवागूः कूर इव (२६)

राजन्यो वज्रस्य रूपं समृद्धा आमिक्षा वैश्यस्य पाकयज्ञस्य रूपमुष्ट्रैः पयो ब्राह्मणस्य तेजो वै ब्राह्मणस्तेजः पयस्तेजसैव तेजः पयं आत्मन्धत्तेऽथो पर्यसा वै गर्भा वर्धन्ते गर्भ इव खलु वा एष यद्दीक्षितो यदस्य पयो व्रतम्भवत्यात्मानमेव तद्वर्धयति त्रिव्रतो वै मनुरासीद्विव्रता असुरा एकव्रताः (२७)

देवाः प्रातर्मध्यन्दिने सायं तन्मनोव्रतमासीत्पाकयज्ञस्य रूपमुष्ट्रैः प्रातश्च सायं चासुराणां निर्मध्यं क्षुधो रूपं ततस्ते पराभवन्मध्यन्दिने मध्यरात्रे देवानां ततस्तेऽभवन्सुवर्गं लोकमायन् यदस्य मध्यन्दिने मध्यरात्रे व्रतम्भवति मध्यतो वा अत्रेन भुञ्जते मध्यत एव तदूर्जं धत्ते भ्रातृव्याभिभूयै भवत्यात्मानं (२८)

पराऽस्य भ्रातृव्यो भवति गर्भो वा एष यद्दीक्षितो योनिर्दीक्षितविमितं यद्दीक्षितो दीक्षितविमितात्प्रवसेद्यथा योनेर्गर्भः स्कन्दति तादृगेव तत्र प्रवस्तव्यमात्मनो गोपीथायेष वै व्याघ्रः कुलगोपो यदग्निस्तस्माद्यद्दीक्षितः प्रवसेत्स एनमीश्वरोऽनूत्थाय हन्तोऽनं प्रवस्तव्यमात्मनो गुह्यै दक्षिणतः शय एतद्वै यजमानस्यायतनं स्व एवायतने शयेऽग्निमभ्यावृत्य शये देवता एव यज्ञमभ्यावृत्य शये॥ (२९)

**एतद्वै कूर इवैकव्रता आत्मना यजमानस्य त्रयोदश च॥** [५]

पुरोहविषि देवयजने याजयेद्यं कामयेतोपैन्मुत्तरो यज्ञो नमेदमि सुवर्गं लोकं जयदित्येतद्वै पुरोहविर्देवयजनं यस्य होता प्रातरनुवाकमनुब्रुवन्नग्निमप आदित्यमभि विपश्यत्युपैन्मुत्तरो यज्ञो नमत्यभि सुवर्गं लोकं जयत्यामे देवयजने याजयेद्भ्रातृव्यवन्तम्पन्थां वाधिस्पर्शयैत्कर्त वा यावन्नानसे यातवे (३०)

न रथायेतद्वा आसं देवयजनमाप्नोत्येव भ्रातृव्यं नैनम्भ्रातृव्य आप्नोत्येकोऽत्रते देवयजने याजयेत्पशुकाममेकोऽत्रताद्वै देवयजनादङ्गिरसः पशून्सृजन्तान्तरा संदोहविर्धानि उन्नतं स्यादितद्वा एकोऽत्रते

देवयजन्मपशुमानेव भवति त्र्युन्नते देवयजने याजयेत्सुवर्गकामत्र्युन्नताद्वै देवयजनादङ्गिरसः सुवर्गं लोकमायन्नन्तराह्वनीयं च हविर्धानं च (३१)

उन्नतः स्यादन्तरा हविर्धानं च सदश्चान्तरा सदश्च गार्हपत्यं चैतद्वै त्र्युन्नतं देवयजनं सुवर्गमेव लोकमेति प्रतिष्ठिते देवयजने याजयेत्प्रतिष्ठाकाममेतद्वै प्रतिष्ठितं देवयजनं यत्सर्वतः समम्प्रत्येव तिष्ठति यत्रान्याअन्या ओषधयो व्यतिपक्ताः स्युस्तद्यांजयेत्पशुकाममेतद्वै पशूनां रूपं रूपेणैवासौ पशून् (३२)

अवं रुद्धे पशुमानेव भवति निरऋतिगृहीते देवयजने याजयेद्यं कामयेत् निरऋत्यास्य यज्ञं ग्राहयेयमित्येतद्वै निरऋतिगृहीतं देवयजनं यत्सदृश्यं सत्यां ऋक्षत्रिरऋत्यैवास्य यज्ञं ग्राहयति व्यावृत्ते देवयजने याजयेद्वावृत्कामं यम्पात्रे वा तल्पे वा मीमांसेरन्प्राचीनमाहवनीयात्प्रवृणुः स्यात्प्राचीनं गार्हपत्यादेतद्वै व्यावृत्तं देवयजनं वि पाप्मना भ्रातृव्येणा वर्तते नैनम्पात्रे न तल्पे मीमांसन्ते कार्यं देवयजने याजयेद्भूतिकामं कार्या वै पुरुषो भवत्येव॥ (३३)

यातवै हविर्धानंश्च पशून्पाप्मनाऽष्टादश च॥ [६]

तेभ्यं उत्तरवेदिः सिंही रूपं कृत्वोभयानन्तरापक्रम्यातिष्ठते देवा अमन्यन्त यतुरान् वा इयमुपावृथ्यति त इदम्भविष्यन्तीति तामुपांमत्रयन्त साब्रवीद्वरं वृणे सर्वांन्मया कामान्व्यंश्नवथ पूर्वा तु माऽग्रेगार्हतिरश्नवता इति तस्मादुत्तरवेदिम्पूर्वामग्रेध्याधारयन्ति वारेवृत्तं हंस्ये शम्यया परि मिमीते (३४)

मात्रैवास्ये साऽथो युक्तेनैव युक्तमवं रुद्धे वित्तायनी मेऽसीत्याह वित्ता ह्येनानावत्तित्तायनी मेऽसीत्याह तित्तान् ह्येनानावदवतान्मा नाथितमित्याह नाथितान् ह्येनानावदवतान्मा व्यथितमित्याह व्यथितान् ह्येनानावद्विदेरग्निरभो नाम (३५)

अग्रे अङ्गिर इति त्रिरहरति य एवैषु लोकेष्वग्नयस्तानेवावं रुद्धे तूष्णीं चतुर्थं हरत्यनिरुक्तमेवावं रुद्धे सिंहीरसि महिषीरसीत्याह सिंहीरह्येषा रूपं कृत्वोभयानन्तरापक्रम्यातिष्ठदुरु प्रथस्वोरु तै यज्ञपतिः प्रथतामित्याह यजमानमेव प्रजया पशुभिः प्रथयति ध्रुवा (३६)

असीति सः हन्ति धृत्यै देवेभ्यः शुन्धस्व देवेभ्यः शुम्भस्वेत्यवं चोक्षति प्र च किरति शुद्धां इन्द्रघोषस्वा वसुभिः पुरस्तात्पात्वित्याह दिग्भ्य एवैनां प्रोक्षति देवाश्चेदुत्तरवेदिरुपाववर्तीहैव वि जयामहा इत्यसुरा वज्रमुद्यत्य देवानभ्यायन्त तानिन्द्रघोषो वसुभिः पुरस्तादपं (३७)

अनुदत्त मनोजवाः पितृभिर्दक्षिणतः प्रचैता रुद्धे पश्चाद्विद्वश्कर्मादित्यैरुत्तरतो यदेवमुत्तरवेदिं प्रोक्षति दिग्भ्य एव तद्यजमानो भ्रातृव्यान्पुदत्त इन्द्रो यतीन्ध्यालोकवेभ्यः प्रायच्छतान्दक्षिणत उत्तरवेद्या आदन् यत्प्रोक्षणीनामुच्छिष्येत तदक्षिणत उत्तरवेद्यै नि नयेद्यदेव तत्र कूरं तत्तेन शमयति यं द्विष्यात्तं ध्यायेच्छुचैवैनमर्पयति॥ (३८)

मिमिंते नाम ध्रुवाऽपं शुचा त्रीणि च॥ [७]

सोत्तरवेदिरब्रवीत्सर्वांन्मया कामान्व्यंश्नवथेति ते देवा अकामयन्तासुरान्भ्रातृव्यान्भि भवेमेति तैऽजुहवः

सिंहीरंसि सपन्नसाही स्वाहेति तेऽसुरान्भ्रातृव्यान्भ्यवन्तेऽसुरान्भ्रातृव्यान्भिभूयांकामयन्त प्रजां विन्देमहीति तेऽजुहवः सिंहीरंसि सुप्रजावनिः स्वाहेति ते प्रजामविन्दन्त ते प्रजां वित्त्वा (३१)

अकामयन्त पशून् विन्देमहीति तेऽजुहवः सिंहीरंसि रायस्पोषवनिः स्वाहेति ते पशून्विन्दन्त ते पशून् वित्त्वाऽ कामयन्त प्रतिष्ठां विन्देमहीति तेऽजुहवः सिंहीरस्यादित्यवनिः स्वाहेति त इमाम्प्रतिष्ठामविन्दन्त त इमाम्प्रतिष्ठां वित्त्वाकामयन्त देवतां आशिष उपैयामेति तेऽजुहवः सिंहीरस्या वह देवान्देवयते (४०)

यजमानाय स्वाहेति ते देवतां आशिष उपायन्श्च कृत्वो व्याधारयति पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धेऽक्षण्या व्याधारयति तस्मादक्षण्या पशवोऽङ्गानि प्र हरन्ति प्रतिष्ठित्य भूतेभ्यस्वेति सुचमुद्रंहाति य एव देवा भूतास्तेषान्तद्वाङ्गधेयन्तानेव तेन प्रीणाति पौतुद्रवान्परिधीन्परि दधात्येषाम् (४१)

लोकानां विधृत्या अग्नेस्त्रयो ज्यायांसो भ्रातर आसन्ते देवेभ्यो हव्यं वहन्तः प्रामीयन्त सौ-  
ऽग्निरविभेदित्यं वाव स्य आर्तिमारिष्यतीति स निलायत स यां वनस्पतिष्ववसत्ताम्युतुद्रो यामोपधीषु तां  
सुगन्धिजेजने याम्यशुषु ताम्येत्वंस्यान्तरा शृङ्गे तं देवताः प्रैषमेच्छन्तमन्विन्दन्तमब्रुवन् (४२)

उप न आ वर्तस्व हव्यं नो वहति सौऽब्रवीद्वरं वृणे यदेव गृहीतस्याहुतस्य बहिःपरिधि स्कन्दात्तन्मे  
भ्रातृणाम्भाङ्गधेयमसदिति तस्माद्यद्गृहीतस्याहुतस्य बहिःपरिधि स्कन्दति तेषान्तद्वाङ्गधेयं तानेव तेन प्रीणाति  
सौऽमन्यतास्थन्वन्तो मे पूर्वं भ्रातरः प्रामैषतास्थानि शातया इति स यानि (४३)

अस्थान्यशातयत तत्पुतुद्रभवद्यन्मांसमपमृतं तद्भृगुलु यदेतान्धसम्भारान्धसम्भरत्यग्निमेव तधसम्भरत्यग्नेः  
पुरीषमसीत्याहाग्नेरह्येतपुरीषं यधसम्भारा अथो खल्वाहुरेते वावेनं ते भ्रातरः परि शेरे यत्पौतुद्रवाः परिधय  
इति॥ (४४)

वित्त्वा देवयत एषामब्रुवन् यानि चतुश्चत्वारिंशच्च॥ [८]

बद्धमव स्यति वरुणपाशादेवैनं मुञ्चति प्र णेनेक्ति मेध्यै एवैनं करोति सावित्रियर्चा हुत्वा हविधानि  
प्र वर्तयति सवितृप्रसूत एवैनं प्र वर्तयति वरुणो वा एष दुर्वाङ्गुभयतो बद्धो यदक्षः स यदुध्सर्ज्जंघजमानस्य  
गृहान्भ्युध्सर्ज्जेषुवाग्देव दुर्याः आ वदेत्याह गृहा वै दुर्याः शान्त्यै पत्नीं (४५)

उपानक्ति पत्नी हि सर्वस्य मित्रमित्रत्वाय यद्वै पत्नी यज्ञस्य करोति मिथुनं तदथो पत्न्या  
एवैष यज्ञस्यान्वारम्भोऽनवच्छित्यै वर्त्मना वा अन्वित्यं यज्ञं रक्षांसि जिघांसन्ति वैष्णवीभ्यामृग्भ्यां  
वर्त्मनोर्जुहोति यज्ञो वै विष्णुर्यज्ञादेव रक्षांस्यप हन्ति यदध्वर्युरनग्नावाहुतिञ्जुहयादन्धोऽध्वर्युः स्याद्रक्षांसि  
यज्ञं हन्युः (४६)

हिरण्यमुपास्यं जुहोत्यग्निवत्येव जुहोति नान्धोऽध्वर्युर्मवन्ति न यज्ञं रक्षांसि घ्नन्ति प्राचीं प्रेतमध्वरं  
कल्पयन्ती इत्याह सुवर्गमेवैनं लोकं गमयत्यत्र रमेथां वर्ष्मन्युधिव्या इत्याह वर्ष्म ह्येतत्पुधिव्या यद्वैवयजन्  
शिरो वा एतद्यज्ञस्य यद्वैविधानन्दिवो वा विष्णवुत वा पृथिव्याः (४७)

इत्याशीर्षदयर्चा दक्षिणस्य हविर्धानस्य मेथी नि हन्ति शीरपत एव यज्ञस्य यजमान आशिषोऽव



रुद्धे दण्डो वा औपरस्तृतीयस्य हविर्धानस्य वषट्कारेणाक्षमच्छिन्नद्यतृतीयं छुदिरहविर्धानयोरुदाह्रियते तृतीयस्य हविर्धानस्यावरुद्धे शिरो वा एतद्यज्ञस्य यद्वहविर्धानं विष्णो रराटमसि विष्णोः पृष्ठमसीत्याह तस्मादेतावद्वा शिरो विष्युतं विष्णोः स्यूरसि विष्णोर्ध्रुवमसीत्याह वैष्णवः हि देवतया हविर्धानं यम्प्रथमं ग्रन्थिं ग्रन्थीयाद्यत्तं न विस्त्रसयेदमहेनाध्वर्युः प्र मीयेत तस्मात्स विस्त्रस्यः॥ (४८)

पत्नी हन्युर्वा पृथिव्या विष्युतं विष्णोः षड्विंशतिश्च॥ [९]

देवस्य त्वा सवितुः प्रसव इत्यग्निमा दत्ते प्रसूत्या अश्विनोर्बाहुभ्यामित्याहाश्विनौ हि देवानामध्वर्यु आस्तां पूष्णो हस्ताभ्यामित्याह यत्यै वज्रं इव वा एषा यदभिरभिरसि नारिरसीत्याह शान्त्यै काण्डेकाण्डे वै क्रियमाणे यज्ञः रक्षांसि जिघांसन्ति परिलिखितः रक्षः परिलिखिता अरांतय इत्याह रक्षसामपहत्यै (४९)

इदमहः रक्षसो ग्रीवा अपि कृन्तामि यौऽस्मान्द्वेष्टि यं च वयं द्विष्म इत्याह द्वौ वाव पुरुषौ यं चैव द्वेष्टि यश्चैनं द्वेष्टि तयोरिवानन्तरायं ग्रीवाः कृन्तति दिवे त्वान्तरिक्षाय त्वा पृथिव्यै त्वेत्याहभ्य एवेनाह्नौकेभ्यः प्रोक्षति परस्तादर्वाचीं प्रोक्षति तस्मात् (५०)

परस्तादर्वाचींमनुष्या ऊर्जमुप जीवन्ति कूरमिव वा एतत्करोति यत्खनन्त्यपोऽवं नयति शान्त्यै यवमतीरवं नयत्यूर्वं यव ऊर्गुदुम्बर ऊर्जैर्बोर्ज समर्धयति यजमानेन सम्मितौदुम्बरी भवति यावानेव यजमानस्तावतीमेवास्मिन्नूर्जं दधाति पितृणां सदनमसीति ब्रह्मिरव स्तृणाति पितृदेवत्यम् (५१)

ह्येतद्यन्त्रिणातं यद्वहिरनवस्तीर्य मिनुयात्पितृदेवत्यां निखाता स्याद्वहिरनवस्तीर्य मिनोत्यस्यामेवेनाम्मिनोत्यथौ स्वारुहमेवेनाङ्कुरोत्युद्विवः स्तभानान्तरिक्षं पूणेत्याहेषाह्नौकानां विधृत्य द्युतानस्त्वा मारुतो मिनोत्वित्याह द्युतानो ह स्म वै मारुतो देवानामौदुम्बरीम्मिनोति तेनैव (५२)

एनाम्मिनोति ब्रह्मवर्नि त्वा क्षत्रवनिमित्याह यथायजुरेवेतद्धृतेन द्यावापृथिवी आ पूणेत्यामित्यौदुम्बरा जुहोति द्यावापृथिवी एव रसेनानक्त्यान्तमन्ववंस्त्रावयत्यान्तमेव यजमानं तेजसाऽनक्त्येन्द्रमसीति छुदिरधि नि दधात्येन्द्रः हि देवतया सदो विश्वजनस्य छायेत्याह विश्वजनस्य ह्येषा छाया यत्सदो नवच्छदि (५३)

तेजस्कामस्य मिनुयात्त्रिवृता स्तोमैः सम्मितन्तेजस्त्रिवृत्तेजस्व्येव भवत्येकादशछदीन्द्रियकामस्यैकादशाक्षरा त्रिष्टुगिन्द्रियं त्रिष्टुगिन्द्रियाव्येव भवति पञ्चदशछदि भ्रातृव्यवतः पञ्चदशो वज्रो भ्रातृव्याभिभूयै सप्तदशछदि प्रजाकामस्य सप्तदशः प्रजापतिः प्रजापतेरास्या एकविंशतिछदि प्रतिष्ठाकामस्यैकविंशः स्तोमानां प्रतिष्ठा प्रतिष्ठित्या उदरं वै सद् ऊर्गुदुम्बरो मध्यत औदुम्बरीम्मिनोति मध्यत एव प्रजानामूर्जं दधाति तस्मात् (५४)

मध्यत ऊर्जा भुञ्जते यजमानलोके वै दक्षिणानि छदीःपि भ्रातृव्यलोक उत्तराणि दक्षिणान्युत्तराणि करोति यजमानमेवार्यजमानादुत्तरं करोति तस्माद्यजमानोऽयंजमानादुत्तरोऽन्तर्वर्तान्करोति व्यावृत्त्यै तस्मादरण्यं प्रजा उप जीवन्ति परि त्वा गिवर्णे गिर इत्याह यथायजुरेवैतदिन्द्रस्य स्यूरसीन्द्रस्य ध्रुवमसीत्याहेन्द्रः हि देवतया सदो यम्प्रथमं ग्रन्थिं ग्रन्थीयाद्यत्तं न विस्त्रसयेदमहेनाध्वर्युः प्र मीयेत तस्मात्स विस्त्रस्यः॥ (५)

अपहत्यै तस्मात्पितृदेवत्यन्तेनैव नवच्छदि तस्मात्सदः पञ्चदश च॥ [१०]

शिरो वा एतद्यज्ञस्य यद्विधानं प्राणा उपरवा हविधानं खायन्ते तस्माच्छीर्षन्प्राणा अधस्तात्खायन्ते तस्मादधस्ताच्छीर्ष्णः प्राणा रक्षोहणौ बलगृहणौ वैष्णवान्खनामीत्याह वैष्णवा हि देवतयोपरवा असुरा वै निर्यन्तौ देवानां प्राणेपुं बलगात्र्यंखनन्तान्बाहुमात्रेऽन्विन्दन्तस्माद्बाहुमात्राः खायन्त इदमहं तं बलंगमुद्वपामि (५६)

यं नः समानो यमसमानो निचखानेत्याह द्वौ वाव पुरुषौ यश्चैव समानो यश्चासमानो यमेवासौ तौ बलंगं निखनन्तस्तमेवोद्वपति सं तृणति तस्मात्सन्तृण्णा अन्तरतः प्राणा न सम्भिनन्ति तस्मादसम्भिन्नाः प्राणा अपोऽव नयति तस्मादाद्रा अन्तरतः प्राणा यवमतीरवं नयति (५७)

ऊर्ध्वं यवं प्राणा उपरवाः प्राणेष्वेवोर्जं दधाति ब्रह्मिरवं स्तृणाति तस्माल्लोमशा अन्तरतः प्राणा आज्येन व्याधारयति तेजो वा आज्यं प्राणा उपरवाः प्राणेष्वेव तेजो दधाति हनू वा एते यज्ञस्य यदधिपवर्णे न सं तृणत्यसंतृण्णे हि हनू अथो खलु दीर्घसोमे सन्तुद्ये धृत्यै शिरो वा एतद्यज्ञस्य यद्विधानम् (५८)

प्राणा उपरवा हनू अधिपवर्णे जिह्वा चर्म ग्रावाणो दन्ता मुखमाहवनीयो नासिकोत्तरवेदिरुदरं सदा यदा खलु वै जिह्वायां दध्वधि खादत्यथ मुखं गच्छति यदा मुखं गच्छत्यथोदरं गच्छति तस्माद्विधानं चर्मत्रधि ग्रावभिरभिपुत्याहवनीये हुत्वा प्रत्यश्चः पुरेत्य सदैसि भक्षयन्ति यो वै विराजो यज्ञमुखे दोहं वेदं दुह एवेनामियं वै विराद्वस्यै त्वक्रमोर्धोऽधिपवर्णे स्तनां उपरवा ग्रावाणो वध्मा ऋत्विजो दुहन्ति सोमः पयो य एवं वेदं दुह एवेनाम् (५९)

वपामि यवमतीरवं नयति हविधानमेव त्रयोविंशतिश्च॥ [११]

चात्वालात्सुवर्गाय यद्वैसर्जनानि वैष्णव्यर्चा पृथिव्यै साध्या इषे त्वेत्यग्निना पर्यग्नि पशोः पशुमालभ्य मेदंसा सुचावेकादश॥ [१२] चात्वालाद्देवानुपैति मुञ्चति प्रहियमाणाय पर्यग्नि पशुमालभ्य चतुष्पादो द्विर्पष्टिः॥६२॥ चात्वालात्पशुं दधाति॥

## ॥तृतीयः प्रश्नः॥

॥तैत्तिरीयसंहितायां षष्ठमकाण्डे तृतीयः प्रश्नः॥

चात्वालाद्विष्ण्यानुपं वपति योनिर्वै यज्ञस्य चात्वालं यज्ञस्यं सयोनित्वाय देवा वै यज्ञं पराजयन्त तमाग्नीध्रात्पुनरपराजयन्तेतद्वै यज्ञस्यापराजितं यदाग्नीध्रं यदाग्नीध्राद्विष्ण्यान् विहरति यदेव यज्ञस्यापराजितं तत एवेनुम्पुनस्तनुते पराजित्यैव खलु वा एते यन्ति ये बहिष्पवमानं सर्पन्ति बहिष्पवमाने स्तुते (१)

आग्नीध्रीन् वि हरं ब्रह्मिः स्तृणाहि पुरोडाशां अलं कुर्विति यज्ञमेवापजित्य पुनस्तन्वाना यन्त्यङ्गारेद्वै सर्वे वि हरति श्लाकाभिस्तृतीयं सश्रुत्वायाथो सम्भरत्येवैन्द्विष्ण्या वा अमुष्मिहोक्ते

सोममरक्षन्तेभ्योऽधि सोममाहंरन्तमन्वायन्तं पर्यविशन् य एवं वेदं विन्दते (२)

परिवेष्टारन्ते सोमपीथेन व्यार्ध्यन्त ते देवेषु सोमपीथमैच्छन्त तां देवा अंब्रवन्देद्वे नामनी कुरुध्वमथ प्र वाप्स्यथ न वेत्यग्रयो वा अथ धिणिण्यास्तस्माद्दिनामा ब्राह्मणोऽयुक्तेषु ये नेदिष्ठम्यर्वविशन्ते सोमपीथं प्राप्नुवन्नाहवनीयं आग्नीध्रीयो होत्रीयो मार्जालीयस्तस्मात्तेषु जुह्वयतिहाय वर्षद्गरोति वि हि (३)

एते सोमपीथेनार्ध्यन्त देवा वै याः प्राचीराहुंतीरजुहवुर्ये पुरस्तादसुरा आसन्ताऽस्ताभिः प्राणुदन्त याः प्रतीचीर्ये पश्चादसुरा आसन्ताऽस्ताभिरपांनुदन्त प्राचीरन्या आहुंतयो हूयन्ते प्रत्यङ्कासीनो धिणिण्याव्याघारयति पश्चाच्चैव पुरस्ताच्च यजमानो भ्रातृव्यान्म्र णुदते तस्मात्परांचीः प्रजाः प्र वीयन्ते प्रतीचीः (४)

जायन्ते प्राणा वा एते यद्विणिण्या यदध्वर्युः प्रत्यङ्गिणिणयानतिसर्पैत्राणान्त्सं कर्षेत्प्रमायुकः स्यान्नाभिर्वा एषा यजस्य यद्वेतोर्ध्वः खलु वै नाभ्यै प्राणोऽवाङ्पानो यदध्वर्युः प्रत्यङ्गोतारमतिसर्पदपाने प्राणं दध्यात् प्रमायुकः स्यान्नाध्वर्युरूपं गायद्वाग्वीर्यो वा अध्वर्युर्दध्वर्युरपगायैदुद्वात्रे (५)

वाच॑ सम्प्र यच्छेदुपदासुकास्य वारुख्यौद्वह्रवादिनो वदन्ति नासऽस्थिते सोमैऽध्वर्युः प्रत्यङ्खसदोऽतीयादथ कथा दक्षिणानि होतुमेति यामो हि स तेषां कस्मा अहं देवा यामं वायामं वानुं जास्यन्तीत्युत्तरेणाग्नीध्रं परीत्य जुहोति दक्षिणानि न प्राणान्त्सं कर्षति न्यन्ये धिणिण्या उप्यन्ते नान्ये यान्निवपति तेन ताम्रीणाति यात्र निवपति यदनुदिशति तेन तान्॥ (६)

स्तुते विन्दते हि वीयन्ते प्रतीचीरुद्वात्र उप्यन्ते चतुर्दश च॥ [१]

सुवर्गाय वा एतानि लोकाय हूयन्ते यद्वैसर्जनानि द्वाभ्यां गार्हपत्ये जुहोति द्विपाद्यजमानः प्रतिष्ठित्या आग्नीध्रे जुहोत्यन्तरिक्ष एवा क्रमत आहवनीये जुहोति सुवर्गमेवैनं लोकं गमयति देवान् वै सुवर्गं लोकं यतो रक्षाऽस्यजिघांसन्ते सोमेन राजा रक्षाऽस्यपहत्याप्तुमात्मानं कृत्वा सुवर्गं लोकमायत्रक्षंसामनुपलाभायात् सोमो भवत्यथ (७)

वैसर्जनानि जुहोति रक्षंसामपहत्ये त्व॑ सोम तनूकृच्छ्र इत्याह तनूकृच्छ्रेष द्वेषोभ्योऽन्यकृतेभ्य इत्याहान्यकृतानि हि रक्षाऽस्युरु यन्तासि वरूथमित्याहोरु णंस्कृधीति वावैतदाह जुषाणो अमुराज्यस्य वेत्वित्याहामुमेव यजमानं कृत्वा सुवर्गं लोकं गमयति रक्षंसामनुपलाभाया सोमं ददते (८)

आ ग्राव्ण आ वायव्यान्या द्रोणकलशमुत्पत्नीमा नयन्त्यन्वनांसि प्र वंतयन्ति यावदेवास्यास्ति तेन सह सुवर्गं लोकमेति नयंवत्यर्चाग्नीध्रे जुहोति सुवर्गस्य लोकस्याभिनीत्यै ग्राव्णो वायव्यानि द्रोणकलशमाग्नीध्र उप वासयति वि ह्येन तैर्गृह्णते यत्सहोपवासयेदपुवायेत सौम्यर्चा प्र पादयति स्वयां (९)

एवैनं देवतया प्र पादयत्यदित्याः सदोऽस्यदित्याः सद आ सीदेत्याह यथायजुरैवैतद्यजमानो वा एतस्य पुरा गोप्ता भवत्येष वो देव सवितुः सोम इत्याह सवितुर्प्रसूत एवैनं देवताभ्यः सम्प्र यच्छत्येतत्त्व॑ सोम देवो देवानुपांगा इत्याह देवो ह्येष सन् (१०)

देवानुपैतीदमहम्मनुष्यो मनुष्यांनित्याह मनुष्यो ३ ह्येष सन्मनुष्यानुपैति यदेतद्यजुर्न ब्रूयादप्रजा अपशुर्यजमानः स्यात्सह प्रजया सह रायस्पोषेणेत्याह प्रजयैव पशुभिः सहैव लोकमुपावर्तते नमो देवेभ्य

इत्याह नमस्कारो हि देवानां स्वधा पितृभ्य इत्याह स्वधाकारो हि (११)

पितृणामिदमहं निर्वरुणस्य पाशादित्याह वरुणपाशादेव निर्मुच्यतेऽग्रे व्रतपत आत्मनः पूर्वा तनूरादेयेत्याहुः को हि तद्वेद यद्वसिष्यान्स्वे वशं भूते पुनर्वा ददाति न वेति ग्रावाणो वै सोमस्य राज्ञो मलिमुसेना य एवं विद्वान्नाय्यण् आग्राध्र उपवासयति नैनम्मलिमुसेना विन्दति॥ (१२)

अथ ददते स्वया सन्ध्वधाकारो हि विन्दति॥ [२]

वैष्णव्यर्चा हुत्वा यूपमच्छेति वैष्णवो वै देवतया यूपः स्वयैवैनं देवतयाच्छेत्यन्यानां नान्यानुपांगमित्याहाति ह्यन्यानेति नान्यानुपेत्यर्वाक्त्वा परैरविदम्परोऽवैरित्याहुर्वाग्येन परैर्विन्दति परोवैरस्तं त्वा जुषे (१३)

वैष्णवं देवयज्याया इत्याह देवयज्यायै ह्येनं जुषते देवस्त्वा सविता मध्वानक्षित्याह तेजसैवैनमनक्त्योपधे त्रायस्वेन स्वधिते मैनं हिंसीरित्याहु वज्रो वै स्वधितिः शान्त्यै स्वधितेवृक्षस्य बिभ्यतः प्रथमेन शकलेन सह तेजः परा पतति यः प्रथमः शकलः परापतेत्तमया हरैश्चतैजसम् (१४)

एवैनमा हरतीमे वै लोका यूपोत्प्रयतो बिभ्यति दिवमग्रेण मा लेंखीरन्तरिक्षमध्यैण मा हिंसीरित्याहुभ्य एवैनं लोकेभ्यः शमयति वनस्पते शतवंलशो वि रोहेत्याब्रश्ने जुहोति तस्माद्ब्रश्नाद्ब्रक्षणाणाम्भूयांस उतिष्ठन्ति सहस्रवंलशा वि वयं रुहेमेत्याहुशिषमेवैतामा शास्तेऽनक्षसङ्गम् (१५)

वृक्षेद्यदक्षसङ्गं वृक्षेदधर्षं यजमानस्य प्रमायुकं स्याद्यं कामयेताप्रतिष्ठितः स्यादित्यारोहं तस्मै वृक्षेदेष वै वनस्पतीनामप्रतिष्ठितोऽप्रतिष्ठित एव भवति यं कामयेतापशुः स्यादित्यपुणं तस्मै शुष्काग्रं वृक्षेदेष वै वनस्पतीनामपशुव्योऽपशुरेव भवति यं कामयेत पशुमान्स्यादिति बहुपुणं तस्मै बहुशाखं वृक्षेदेष वै (१६)

वनस्पतीनामपशुव्यः पशुमानेव भवति प्रतिष्ठितं वृक्षेत्प्रतिष्ठाकामस्येष वै वनस्पतीनां प्रतिष्ठितो यः समे भूम्यै स्वाद्योने रूढः प्रत्येव तिष्ठति यः प्रत्यङ्मुपनतस्तं वृक्षेत्स हि मेधमभ्युपनतः पञ्चारिं तस्मै वृक्षेद्यं कामयेतोपैन्मुत्तरो यज्ञो नमेदिति पञ्चाक्षरा पङ्क्तिः पाङ्क्तौ यज्ञ उपैन्मुत्तरो यज्ञः (१७)

नमति पडरिं प्रतिष्ठाकामस्य पङ्क्ता ऋतवं ऋतुष्वेव प्रति तिष्ठति सप्तारिंस्त्रिंशकामस्य सप्तपदा शकरी पशवः शकरी पशून्वावं रुन्दे नवारिं तेजस्कामस्य त्रिवृता स्तोमेन सम्मितं तेजस्त्रिवृत्तैजस्यैव भवत्येकादशारिंस्त्रिंशकामस्यैकादशाक्षरा त्रिष्टुगिन्द्रियं त्रिष्टुगिन्द्रियैव भवति पञ्चदशारिंस्त्रिंशकामस्यैव पञ्चदशो वज्रो भ्रातृव्याभिभूत्यै सप्तदशारिं प्रजाकामस्य सप्तदशः प्रजापतिः प्रजापतेरास्या एकविंशत्यरिं प्रतिष्ठाकामस्यैकविंशः स्तोमानां प्रतिष्ठा प्रतिष्ठित्या अष्टाश्रिर्भवत्यष्टाक्षरा गायत्री तेजो गायत्री गायत्री यज्ञमुखं तेजसेव गायत्रिया यज्ञमुखेन सम्मितः॥ (१८)

जुषे सतैजसमनक्षसङ्गं बहुशाखं वृक्षेदेष वै यज्ञ उपैन्मुत्तरो यज्ञ आस्या एकात्रविंशतिश्च॥ [३]

पृथिव्यै त्वान्तरिक्षाय त्वा दिवे त्वेत्याहुभ्य एवैनं लोकेभ्यः प्रोक्षति परांश्च प्रोक्षति परांङिव हि

सुवर्गो लोकः कूरमिव वा एतत्करोति यत्खनन्त्युपोर्वं नयति शान्त्यै यवमतीरवं नयत्यूर्ग्वै यवो यजमानेन  
यूपः सम्मिंतो यावानेव यजमानस्तावतीमेवास्मिन्नूर्जं दधाति (१९)

पितृणां सदनमसीति बरहिरवं स्तृणाति पितृदेवत्य १५ ह्येतद्यन्निखातं यद्वरहिरनवस्तीर्य  
मिनृयात्पितृदेवत्यां निखातः स्याद्वरहरवस्तीर्य मिनोत्यस्यामेवैनम्मिनोति यूपशकलमवांस्यति  
सतेजसमेवैनम्मिनोति देवस्त्वां सविता मध्वान्क्रित्याह तेजसैवैनमनक्ति सुपिप्पलाभ्यस्त्वोपधीभ्य इति चपालं  
प्रति (२०)

मुञ्चति तस्माच्छीरपत ओषधयः फलं गृह्णन्त्यनक्ति तेजो वा आज्यं यजमानेनाग्निष्ठाग्निः  
सम्मिता यदग्निष्ठामग्निमनक्ति यजमानमेव तेजसान्तद्यान्तर्मनक्त्यान्तमेव यजमानं तेजसानक्ति सर्वतः परि  
मृशत्यपरिवर्गमेवास्मिन्तेजो दधात्युदिवश्च स्तभानान्तरिक्षं पृणेत्याहैषां लोकानां विधृत्यै वैष्णव्यर्चा (२१)

कल्पयति वैष्णवो वै देवतया यूपः स्वयैवेन देवतया कल्पयति द्वाभ्यां कल्पयति द्विपाद्यजमानः  
प्रतिष्ठित्यै यं कामयेत तेजसैनं देवताभिरिन्द्रियेण व्यंधयेयमित्यग्निष्ठां तस्याश्रिमाहवनीयादित्यं वेत्थ वातिं  
नावयेत्तेजसैवेन देवताभिरिन्द्रियेण व्यंधयति यं कामयेत तेजसैनं देवताभिरिन्द्रियेण समंधयेयमिति (२२)

अग्निष्ठां तस्याश्रिमाहवनीयेन सम्मिनृयात्तेजसैवेन देवताभिरिन्द्रियेण समंधयति ब्रह्मवनिं त्वा  
क्षत्रवनिमित्याह यथायजुरेवैतत्परि व्ययत्यूर्ग्वै रशना यजमानेन यूपः सम्मिंतो यजमानमेवोर्जा समंधयति  
नाभिदघ्ने परि व्ययति नाभिदघ्न एवास्मा ऊर्जं दधाति तस्मात्राभिदघ्न ऊर्जा भुञ्जते यं कामयेतोर्जेनम् (२३)

व्यंधयेयमित्यूर्ध्वा वा तस्यावाचीं वावोहेदूर्जैवेन व्यंधयति यदि कामयेत वर्षुकः पर्जन्यः  
स्यादित्यवाचीमवोहेदूर्ष्टिमेव नि यच्छति यदि कामयेतावर्षुकः स्यादित्यूर्ध्वामुदूर्ष्टिमेवोदच्छति पितृणां  
निखातम्मनुष्याणामूर्ध्वं निखातादा रशनाया ओषधीनां रशना विश्वेषाम् (२४)

देवानामूर्ध्वं रशनाया आ चपालादिन्द्रस्य चपालं साध्यानामतिरिक्तं स वा एष संवदेवत्यो  
यद्यूपो यद्यूपम्मिनोति सर्वा एव देवताः प्रीणाति यज्ञेन वै देवाः सुवर्गं लोकमायन्तेऽमन्यन्त मनुष्यां  
नोऽन्वामविध्यन्तीति ते यूपेन योपयित्वा सुवर्गं लोकमायन्तमृषयो यूपैनेवानु प्राजानन्तद्यूपस्य यूपत्वम् (२५)

यद्यूपम्मिनोति सुवर्गस्य लोकस्य प्रजातै पुरस्ताम्मिनोति पुरस्ताद्धि यज्ञस्य प्रजायतेऽप्रजातः  
हि तद्यदतिपन्न आहुरिदं कार्यमासीदिति साध्या वै देवा यज्ञमत्यमन्यन्त तानु यज्ञो नास्पृशतान्  
यद्यज्ञस्यातिरिक्तमासीत्तदस्पृशदतिरिक्तं वा एतद्यज्ञस्य यदग्नावग्निमथित्वा प्रहरत्यतिरिक्तमेतत् (२६)

यूपस्य यदूर्ध्वं चपालात्तेषां तद्वाग्धेयं तानेव तेन प्रीणाति देवा वै सऽस्थिते सोमे प्र सुचोहरन्  
यूपं तैऽमन्यन्त यज्ञवेशसं वा इदं कुर्म इति ते प्रंस्तरः सुचान्निष्कयणमपश्यन्श्चरुं यूपस्य सऽस्थिते  
सोमे प्र प्रंस्तरः हरति जुहोति स्वरुमयंज्ञवेशसाय॥ (२७)

दधाति प्रत्यृचा समंधयेयमित्यूर्जेन विश्वेषां यूपत्वमतिरिक्तमेतद्विचत्वारिंशः

साध्या वै देवा अस्मिन्लौक आसन्नान्यत्किञ्चन मिषतैऽग्निमेवाग्रये मेधायालभन्त न

ह्यन्यदालम्भ्यमविन्दन्ततो वा इमाः प्रजाः प्राजायन्त यद्ग्रावग्निम्मथित्वा प्रहरन्ति प्रजानां प्रजननाय रुद्रो वा एष यदग्निर्यजमानः पशुर्यत्पशुमालभ्याग्निम्मन्थेद्रुद्राय यजमानम् (२८)

अपि दध्यात्प्रमायुकः स्यादथो खल्वांहरग्निः सर्वा देवता हविरेतद्यत्पशुरिति यत्पशुमालभ्याग्निम्मन्थति हव्यायैवासन्त्राय सर्वा देवता जनयत्युपाकृत्यैव मन्थ्यस्तन्नेवाल्बं नेवानालब्धमग्नेर्जनित्रं मसीत्याहाग्नेरह्येतज्जनित्रं वृषणौ स्थ इत्याह वृषणौ (२९)

ह्यैतावुर्वश्यस्यायुरसीत्याह मिथुनत्वाय घृतेनाक्ते वृषणं दधाधामित्याह वृषणं ह्येते दधाते ये अग्निङ्गायत्रं छन्दोऽनु प्र जायस्वेत्याह छन्दोभिरेवेनम्प्र जनयत्यग्रं मन्थ्यमानायानु ब्रूहीत्याह सावित्रीमृचमन्वाह सवितृप्रसूत एवैनम्मन्थति जातायानु ब्रूहि (३०)

प्रहियमाणायानु ब्रूहीत्याह काण्डेकाण्ड एवेन क्रियमाणे समर्धयति गायत्रीः सर्वा अन्वाह गायत्रच्छन्दो वा अग्निः स्वेनेवेन छन्दसा समर्धयत्यग्निः पुरा भवत्यग्निम्मथित्वा प्र हरन्ति तौ सम्भवन्तौ यजमानमभि सम्भवतो भवंतं नः समनसावित्याह शान्त्यै प्रहृत्य जुहोति जातायैवास्मा अन्नमपि दधात्याज्येन जुहोत्येतद्वा अग्नेः प्रियं धाम यदाज्यमिषेणैवेन धाम्ना समर्धयत्यथो तेजसा॥ (३१)

यजमानमाह वृषणौ जातायानुब्रूह्यप्यष्टादश च॥ [५]

इषे त्वेति बरहिरा दन्त इच्छत इव ह्येष यो यजत उपवीरसीत्याहोप ह्यैनानाकरोत्युपो देवान्देवीविशः प्रागुरित्याह देवीरह्येता विशः सतीर्देवानुपयन्ति बह्वीरुशिज इत्याहुर्विजो वै बह्वय उशिजस्तस्मादेवमाह बृहस्पते धारया वसूनीति (३२)

आह ब्रह्म वै देवानाम्बृहस्पतिर्ब्रह्मणेवासमै पशूनं रुद्धे हव्या तै स्वदन्तामित्याह स्वदयत्येवैनान्देवं त्वष्टर्वसुं रवेत्याह त्वष्टा वै पशूनामिधुनानां रूपकद्रूपमेव पशुं दधाति रेवती रमध्वमित्याह पशवो वै रेवतीः पशूनेवासमै रमयति देवस्य त्वा सवितुः प्रसव इति (३३)

रश्नामा दन्ते प्रसूत्या अश्विनोर्बाहुभ्यामित्याहाश्विनौ हि देवानामध्वर्यु आस्तां पूष्णो हस्ताभ्यामित्याह यत्या ऋतस्य त्वा देवहविः पाशेना रभ इत्याह सत्यं वा ऋतः सत्येनैवेनमृतेना रभतेऽक्षण्या परि हरति बध्यः हि प्रत्यश्च प्रतिमुञ्चन्ति व्यावृत्त्यै धरषा मानुषानिति नि युनक्ति धृत्या अञ्चः (३४)

त्वौपंधीभ्यः प्रोक्षामीत्याहाञ्चो ह्येष ओपंधीभ्यः सम्भवति यत्पशुरपाम्पेरुरसीत्याहैष ह्यपाम्पाता यो मेधांयारभ्यते स्वात्तं चिन्सदेवं हव्यमापो देवीः स्वदन्तैरमित्याह स्वदयत्येवेनमुपरिष्टात्प्रोक्षत्युपरिष्टादेवेनम्मेध्यं करोति पाययत्यन्तरत् एवैनम्मेध्यं करोत्यधस्तादुपौक्षति सर्वत एवैनम्मेध्यं करोति॥ (३५)

वसूनिर्ति प्रसव इत्यञ्चोऽन्तरत् एवैनन्दश च॥ [६]

अग्निना वै होत्रा देवा असुरानुभयवन्नग्र्ये समिध्यमानायानु ब्रूहीत्याह भ्रातृव्याभिभूत्यै सप्तदश सामिधेनीरन्वाह सप्तदशः प्रजापतिः प्रजापतेरायै सप्तदशान्वाह द्वादश मासाः पञ्चतवः स संवत्सरः संवत्सरं प्रजा अनु प्र जायन्ते प्रजानां प्रजननाय देवा वै सामिधेनीरनूच्य युजं नान्वपश्यन्थ

प्रजापतिस्तृष्णीमाधारम् (३६)

आधारयत्ततो वै देवा यज्ञमन्वपश्यन् यत्तृष्णीमाधारमाधारयति यज्ञस्यानुरख्यात्या असुरेषु वै यज्ञ आसीत् तं देवास्तृष्णीं होमेनावृजत् यत्तृष्णीमाधारमाधारयति भ्रातृव्यस्यैव तद्यज्ञं वृद्धं परिधीन्सम्माष्टिं पुनात्येवनात्रिभिः सम्माष्टिं त्र्यावृद्धि यज्ञोऽथो रक्षसामपंहत्यै द्वादश सम्पद्यन्ते द्वादश (३७)

मासाः संवत्सरः संवत्सरमेव प्रीणात्यथो संवत्सरमेवास्मा उप दधाति सुवर्गस्य लोकस्य समष्टौ शिरो वा एतद्यज्ञस्य यदाधारोऽग्निः सर्वा देवता यदाधारमाधारयति शीरष्ठ एव यज्ञस्य यजमानः सर्वा देवता अव रुद्धे शिरो वा एतद्यज्ञस्य यदाधार आत्मा पशुराधारमाधार्य पशुः समनत्तद्यात्मन्नेव यज्ञस्य (३८)

शिरः प्रति दधाति सं तै प्राणो वायुना गच्छतामित्याह वायुदेवत्यो वै प्राणो वायावेवास्य प्राणं जुहोति सं यजत्रैरङ्गानि सं यज्ञपतिराशिषेत्याह यज्ञपतिमेवास्यशिषं गमयति विश्वरूपो वै त्वाष्ट्र उपरिष्ठात्पशुमभ्यवमीत्तस्मादुपरिष्ठात्पशोर्नावं दन्ति यदुपरिष्ठात्पशुः समनक्ति मेध्यमेव (३९)

एनं करोत्यृत्विजो वृणीते छन्दांस्येव वृणीते सप्त वृणीते सप्त ग्राम्याः पशवः सप्तरण्याः सप्त छन्दांस्युभयस्यावरुद्धा एकादश प्रयाजान् यजति दश वै पशोः प्राणा आत्मेकादशो यावानेव पशुस्तम्प्र यजति वपामेकः परि शय आत्मेवात्मानं परि शये वज्रो वै स्वर्धितिवज्रो यूपशकलो घृतं खलु वै देवा वज्रं कृत्वा सोममघ्नन्मृतेनाक्तौ पशं त्रायेथामित्याह वज्रेणैवेनं वशं कृत्वा लभते॥ (४०)

आधारमपद्यन्ते द्वादशात्मन्नेव यज्ञस्य मेध्यमेव खलु वा अष्टादश च॥ [७]

पर्याग्नि करोति सर्वहुतमेवेनं करोत्यस्कन्दायास्कन्त्रः हि तद्यद्धुतस्य स्कन्दति त्रिः पर्याग्नि करोति त्र्यावृद्धि यज्ञोऽथो रक्षसामपंहत्यै ब्रह्मवादिनो वदन्त्यन्वारभ्यः पशू (३) नान्वारभ्या (३) इति मृत्यवे वा एष नीयते यत्पशुस्तं यदन्वारभेत प्रमायुको यजमानः स्यादथो खत्वाहुः सुवर्गाय वा एष लोकाय नीयते यत् (४१)

पशुरिति यन्नावारभेत सुवर्गाल्लोकाद्यजमानो हीयेत वपाश्रपणीभ्यामन्वारभते तन्नेवान्वारब्धं नेवानन्वारब्धमुप प्रेष्य होतरहुव्या देवेभ्य इत्याहेषितः हि कर्म क्रियते रेवंतीर्यज्ञपतिं प्रियधा विंशतेत्याह यथायजुरेवैतदग्निना पुरस्तादिति रक्षसामपंहत्यै पृथिव्याः सम्पृचः पाहीति बर्हिः (४२)

उपास्यत्यस्कन्दायास्कन्त्रः हि तद्यद्बर्हिषि स्कन्दत्यथो बर्हिषदमेवेनं करोति पराडा वर्ततेऽध्वर्युः पशोः सञ्ज्ञप्यमानात्पशुभ्य एव तन्नि हुत आत्मनोनाव्रस्काय गच्छति श्रियं प्र पशूनांप्राति य एवं वेद पश्चाल्लोका वा एषा प्राच्युदानीयते यत्पत्नी नमस्त आतातेत्याहादित्यस्य वै रश्मयः (४३)

आतानास्तेभ्य एव नमस्करोत्यनर्वा प्रेहीत्याह भ्रातृव्यो वा अर्वा भ्रातृव्यापनुत्यै घृतस्य कुल्यामनु सह प्रजया सह रायस्पोषेणेत्याहशिषमेवैतामा शास्त आपो देवीः शुद्धायुव इत्याह यथायजुरेवैतत्॥ (४४)

लोकाय नीयते यद्बर्ही रश्मयः सप्तत्रिंशच्च॥ [८]

पशोर्वा आलब्धस्य प्राणाञ्छुगुच्छति वाक्तु आ प्यायतां प्राणस्त आ प्यायतामित्याह प्राणेभ्यं एवास्य शुचं शमयति सा प्राणेभ्योऽधि पृथिवीं शुक्लं विंशति शमहोभ्यामिति नि नयत्यहोरात्राभ्यामेव पृथिव्यै शुचं शमयत्योपधे त्रायस्वेन स्वर्धिति मेनं हिंसीरित्याह वज्रो वै स्वर्धितिः (४५)

शान्त्यै पार्श्वत आच्छान्ति मध्यतो हि मनुष्या आच्छान्ति तिरश्चीनमा च्छान्त्यनूचीनं हि मनुष्या आच्छान्ति व्यावृत्त्यै रक्षसामागौऽसीति स्थविमतो ब्रह्मिहिरक्तापांस्यत्यन्नेव रक्षांसि निरवदयत इदमहं रक्षोऽधुमं तमो नयामि योऽस्मान्द्वेष्टि यं च वयं द्विष्म इत्याह द्वौ वाव पुरुषौ यं चैव (४६)

द्वेष्टि यश्चैनं द्वेष्टि तावुभावंधमं तमो नयतीपे त्वेति वषामुत्खिंदतीच्छतं इव ह्येष यो यजते यदुपतृन्द्याद्रुद्रोऽस्य पशून्धातुकः स्याद्यन्नोपतृन्द्यादयता स्यादन्ययोपतृणत्यन्यया न धृत्यै घृतेन द्यावापृथिवी प्रोणार्थामित्याह द्यावापृथिवी एव रसेनानुत्तद्यच्छिन्नः (४७)

रायः सुवीर इत्याह यथायजुरेवैतत्कूरमिव वा एतत्करोति यद्वषामुत्खिंदत्युर्वन्तरिक्षमन्विहीत्याह शान्त्यै प्र वा एषोऽस्माल्लोकाच्चवते यः पशुम्मृत्यवे नीयमानमन्वारभते वषाश्रपणी पुनरन्वारभतेऽस्मिन्नेव लोके प्रति तिष्ठत्यग्निना पुरस्तादेति रक्षसामपहत्या अथो देवता एव हव्येन (४८)

अन्वेति नान्तममङ्गारमति हरेद्यदन्तममङ्गारमतिहरेद्देवता अति मन्येत वायो वीहिं स्तोकानामित्याह तस्माद्विभक्ताः स्तोका अव पद्यन्तेऽग्रं वा एतत्पशूनां यद्वषाग्रमोपधीनाम्ब्रह्मिहिराग्नेषाग्रं समर्धयत्यथो ओषधीष्वेव पशून्प्रति छापयति स्वाहाकृतीभ्यः प्रेष्येत्याह (४९)

यज्ञस्य समिधौ प्राणापानौ वा एतौ पशूनां यत्पृषदाज्यमात्मा वषा पृषदाज्यमभिघार्य वषामभि घारयत्यात्मन्नेव पशूनाम्प्राणापानौ दधाति स्वाहोर्ध्वनभसम्मरुतं गच्छतमित्याहोर्ध्वनभा ह स्म वै मारुतो देवानां वषाश्रपणी प्रहरति तेनैवने प्र हरति विपृची प्र हरति तस्माद्विष्वञ्चौ प्राणापानौ॥ (५०)

**स्वर्धितिश्चैवाच्छिन्नो हव्येनेष्येत्याह पट्वत्वारिंशच्च॥** [९]

पशुमालभ्यं पुरोडाशं निर्वपति समेधमेवैनमा लभते वषयां प्रचर्य पुरोडाशेन प्र चरत्यूर्ग्वै पुरोडाश ऊर्जमेव पशूनाम्मध्यतो दधात्यथो पशोरेव छिद्रमपि दधाति पृषदाज्यस्योपहत्य त्रिः पृच्छति शृतं हवीः (३) शमितिरिति त्रिपत्या हि देवा योऽशृतं शृतमाह स एनंसा प्राणापानौ वा एतौ पशूनाम् (५१)

यत्पृषदाज्यम्पशोः खलु वा आलब्धस्य हृदयमात्माभि समेति यत्पृषदाज्येन हृदयमभिघारयत्यात्मन्नेव पशूनाम्प्राणापानौ दधाति पशूना वै देवाः सुवर्गं लोकमायन्तेऽमन्यन्ते मनुष्या नोऽन्वामिष्यन्तीति तस्य शिरंश्छित्त्वा मेधम्प्राक्षारयन्स प्रक्षोऽभवत्तत्प्रक्षस्यं प्रक्षत्वं यत्प्रक्षशाखोत्तरबर्हिर्भवति समेधस्यैव (५२)

पशोरवं द्यति पशुं वै ह्रियमाणं रक्षांस्यनु सचन्तेऽन्तरा यूपं चाहवनीयं च हरति रक्षसामपहत्यै पशोर्वा आलब्धस्य मनोऽपं क्रामति मनोतायै हविषोऽवदीयमानंस्यानु ब्रूहीत्याह मन एवास्यावं रुन्ध एकादशावदानान्यवं द्यति दश वै पशोः प्राणा आत्मैकादशो यावानेव पशुस्तस्यावं (५३)

द्यति हृदयस्याग्नेऽवं द्यत्यथ जिह्वाया अथ वक्षसो यद्वै हृदयेनाभिगच्छति तज्जिह्वायां वदति



यज्जिह्वा वदति तदुत्सोऽधि निर्वदत्येतद्वै पशोर्यथापूर्वं यस्यैवमवदायं यथाकाममुत्तरेषामवदति यथापूर्वमेवास्यं पशोरवत्तन्भवति मध्यतो गुदस्याव द्यति मध्यतो हि प्राण उत्तमस्याव द्यति (५४)

उत्तमो हि प्राणो यदीतरं यदीतरमुभयमेवाजामि जायमानो वै ब्राह्मणस्त्रिभिर्ऋणवा जायते ब्रह्मचर्येणरूपिभ्यो यजेन देवेभ्यः प्रजयां पितृभ्यं एष वा अनुषो यः पुत्री यज्वा ब्रह्मचारिवासी तदवदानैरेवाव दयते तदवदानानामवदानत्वन्दैवासुराः संयत्ता आसन्ते देवा अग्निमब्रुवन्त्वया वीरेणासुरानभि भवामेति (५)

सोऽब्रवीद्वरं वृणै पशोरुद्धारमुद्धरा इति स एतमुद्धारमुदहरत दोः पूर्वार्धस्य गुदमध्यतः श्रोणि जघनार्धस्य ततो देवा अभवन्परासुरा यत्र्यङ्गाणां समवद्यति भ्रातृव्याभिभूत्यै भवत्यात्मना परास्य भ्रातृव्यो भवत्यक्षयाव द्यति तस्मादक्षया पशवोऽङ्गानि प्र हरन्ति प्रतिष्ठित्यै॥ (५६)

एतौ पशूनां समेधस्यैव तस्यावोत्तमस्याव द्यतीति पञ्चचत्वारिंशच्च॥ [१०]

मेदसां सुचौ प्रोणीति मेदोरूपा वै पशवो रूपमेव पशुषु दधाति यूपन्नवधाय प्रोणीति रसो वा एष पशूनां यद्य रसमेव पशुषु दधाति पार्श्वेन वसाहोमम्र यौति मध्यं वा एतत्पशूनां यत्पार्श्वं रसं एष पशूनां यद्वसा यत्पार्श्वेन वसाहोमम्रयौति मध्यत एव पशूनां रसं दधाति घ्नति (५७)

वा एतत्पशुं यथ्संज्ञपर्यन्त्यैन्द्रः खलु वै देवतया प्राण ऐन्द्रोऽपान ऐन्द्रः प्राणो अङ्गेअङ्गे नि दध्यदित्याह प्राणापानावेव पशुषु दधाति देवं त्वष्टृभूरि ते सः संमेत्वित्याह त्वाष्ट्रा हि देवतया पशवो विषुरूपा यथ्सलक्ष्माणो भवथेत्याह विषुरूपा ह्येते सन्तः सलक्ष्माण एतर्हि भवन्ति देवत्रा यन्तम् (५८)

अवंसे सखायोऽनु त्वा माता पितरौ मदन्वित्याहानुमतमेवेनम्मात्रा पित्रा सुवर्गं लोकं गमयत्यर्धचं वंसाहोमं जुहोत्यसौ वा अर्धचं द्वयमर्धचं द्वमे एव रसेनानक्ति दिशौ जुहोति दिशं एव रसेनानुत्तथ्यौ दिग्भ्य एवोर्जः रसमव रुद्धे प्राणापानौ वा एतौ पशूनां यत्पृषदाज्यं वानस्पत्याः खलु (५९)

वै देवतया पशवो यत्पृषदाज्यस्योपहत्याह वनस्पतयेऽनु ब्रूहि वनस्पतये प्रेष्येति प्राणापानावेव पशुषु दधात्यन्यस्यान्यस्य समवत्तं समवद्यति तस्मान्नानारूपाः पशवो यूपोपं सिञ्चति रसो वा एष पशूनां यद्य रसमेव पशुषु दधातीडामुप ह्वयते पशवो वा इडां पशूनेवोप ह्वयते चतुरुपं ह्वयते (६०)

चतुष्पादो हि पशवो यं कामयतापशुः स्यादित्यमेदस्कं तस्मा आ दध्यान्मेदोरूपा वै पशवो रूपेणैवेनम्पशुभ्यो निर्भजत्यपशुरेव भवति यं कामयत पशुमान्स्थ्यादिति मेदस्वत्तस्मा आ दध्यान्मेदोरूपा वै पशवो रूपेणैवासमै पशूनेव रुद्धे पशुमानेव भवति प्रजापतिर्यजमसृजत स आज्यम् (६१)

पुरस्तादसृजत पशुर्मध्यतः पृषदाज्यमुपश्चात्तस्मादाज्येन प्रयाजा इज्यन्ते पशूनां मध्यतः पृषदाज्येनानूयाजास्तस्मादेतन्मिश्रमिव पश्चात्सृष्टं ह्येकादशानूयाजान् यजति दश वै पशोः प्राणा आत्मेकादशो यावानेव पशुस्तमनु यजति घ्नन्ति वा एतत्पशुं यथ्संज्ञपर्यन्ति प्राणापानौ खलु वा एतौ

पशूनां यत्पृषदाज्यं यत्पृषदाज्येनानूयाजान् यजति प्राणापानावेव पशुषु दधाति॥ (६२)

घ्नन्ति यन्तं खलु चतुरूपं ह्वयत आज्यं यत्पृषदाज्येन षट्॥ [११]

यज्ञेन ता उपयद्भिर्देवा वै यज्ञमाग्नीध्रे ब्रह्मवादिनः सत्वे देवस्य ग्रावाणं प्राण उपांश्च ग्रा देवा वा उपांश्चौ वाग्वै मित्रं यज्ञस्य बृहस्पतिर्देवा वा आग्रयणाग्रानेकादश॥ [१२] यज्ञेन लोके पशुमान्स्यात्सर्वन्मार्थान्दिनं वागवा अरिक्तानि तत्प्रजा अभ्येकपञ्चाशत्॥ 51॥ यज्ञेन गौरभि निर्वर्तते॥

## ॥चतुर्थः प्रश्नः॥

॥तैत्तिरीयसंहितायां षष्ठमकाण्डे चतुर्थः प्रश्नः॥

यज्ञेन वै प्रजापतिः प्रजा असृजत ता उपयद्भिरेवासृजत यदुपयजं उपयजति प्रजा एव तद्यजमानः सृजते जघनार्थादव द्यति जघनार्थाद्धि प्रजाः प्रजायन्ते स्थविमतोऽव द्यति स्थविमतो हि प्रजाः प्रजायन्तेऽसंभिन्दन्व द्यति प्राणानामसंभेदाय न पर्यावर्तयति यत्पर्यावर्तयेदुदावर्तः प्रजा ग्राहुकः स्यात्समुद्रं गच्छ स्वाहेत्याह रेतः (१)

एव तदधात्यन्तरिक्षं गच्छ स्वाहेत्याहान्तरिक्षेणैवास्मै प्रजाः प्र जनयत्यन्तरिक्षं ह्यनु प्रजाः प्रजायन्ते देव संवितारं गच्छ स्वाहेत्याह सवितुप्रसूत एवास्मै प्रजाः प्र जनयत्यहोरात्रे गच्छ स्वाहेत्याहाहोरात्राभ्यामेवास्मै प्रजाः प्र जनयत्यहोरात्रे ह्यनु प्रजाः प्रजायन्ते मित्रावरुणौ गच्छ स्वाहा (२)

इत्याह प्रजास्वेव प्रजातासु प्राणापानौ दधाति सोमं गच्छ स्वाहेत्याह सौम्या हि देवतया प्रजा यज्ञं गच्छ स्वाहेत्याह प्रजा एव यज्ञियाः करोति छन्दांसि गच्छ स्वाहेत्याह पशवो वै छन्दांसि पशून्वाव रुद्धे द्यावापृथिवी गच्छ स्वाहेत्याह प्रजा एव प्रजाता द्यावापृथिवीभ्यामुभयतः परि गृह्णाति नभः (३)

दिव्यं गच्छ स्वाहेत्याह प्रजाभ्यं एव प्रजाताभ्यो वृष्टिं नि यच्छत्यग्निं वैश्वानरं गच्छ स्वाहेत्याह प्रजा एव प्रजाता अस्यां प्रतिं षापयति प्राणानां वा एषोऽव द्यति योऽव द्यति गुदस्य मनो मे हार्दि यच्छेत्याह प्राणानेव यथास्थानमुप ह्वयते पशोर्वा आलब्धस्य हृदयं शुगच्छति सा हृदयशूलम् (४)

अभि समेति यत्पृथिव्या हृदयशूलमुद्वासयेत्पृथिवी शुचापयेद्यदपस्वपः शुचापयेच्छुष्कस्य चार्द्रस्य च सन्ध्यावुद्वासयत्युभयस्य शान्त्यै यं द्विष्यात्तं ध्यायेच्छुचैवेनमर्पयति॥ (५)

रेतो मित्रावरुणौ गच्छ स्वाहा नभो हृदयशूलं द्वात्रिंशच्च॥ [१]

देवा वै यज्ञमाग्नीध्रे व्यभजन्तु ततो यदत्यशिष्यत तदब्रुवन्वसन्तु नु न इदमिति तद्वसतीवरीणां वसतीवरित्वम् तस्मिन्नातर्न समशक्नुवन्तदप्सु प्रावेशयन्ता वसतीवरौर्भवन्वसतीवरीर्गृह्णाति यज्ञो वै वसतीवरैर्यज्ञमेवारभ्यं गृहीत्वोप वसति यस्यागृहीता अभि निम्रोचेदनांरब्धोऽस्य यज्ञः स्यात् (६)

यज्ञं वि च्छिन्द्याज्योतिष्यां वा गृहीयाद्विरण्यं वावधाय सशुक्राणामेव गृह्णाति यो वा ब्राह्मणो बंहूयाजी तस्य कुम्भ्यानां गृह्णीयाथ्स हि गृहीतवसतीवरीको वसतीवरीर्गृह्णाति पशवो वै वसतीवरीः पशून्वारभ्यं गृहीत्वोप वसति यदन्वीपं तिष्ठन्गृहीयान्निर्मागुंका अस्मात्पशवः स्युः प्रतीपं तिष्ठन्गृह्णाति प्रतिरुध्यैवास्मै पशून्गृह्णातीन्द्रः (७)

वृत्रमहन्सो ऽपो ऽभ्यग्नियत तासां यन्मेध्यं यज्ञियं सदैवमासीत्तदत्यमुच्यत ता वहन्तीरभवन्वहन्तीनां गृह्णाति या एव मेध्यां यज्ञियाः सदैवा आपस्तासामेव गृह्णाति नान्तमा वहन्तीरतीयाद्यदन्तमा वहन्तीरतीयाद्यज्ञमति मन्येत न स्थावराणां गृह्णीयाद्वरुणगृहीता वै स्थावरा यथ्यावराणां गृह्णीयात् (८)

वरुणेनास्य यज्ञं ग्राहयेद्वद्वे दिवा भवन्त्यपो रात्रिः प्र विंशति तस्मात्ताम्रा आपो दिवा ददश्रे यत्रत्तम्भवन्त्यपोऽहः प्र विंशति तस्माच्चन्द्रा आपो नक्तं ददश्रे छायायै चातपतश्च संधौ गृह्णात्यहोरात्रयोर्वास्मे वर्षं गृह्णाति हविष्मतीरिमा आप इत्याह हविष्कृतानामेव गृह्णाति हविष्मा अस्तु (९)

सूर्य इत्याह सशुक्राणामेव गृह्णात्यनुष्टुभां गृह्णाति वाग्वा अनुष्टुग्वाचैवेनाः सर्वया गृह्णाति चतुष्पदयुर्वा गृह्णाति त्रिः सादयति सप्त सम्पद्यन्ते सप्तपदा शकरी पशवः शकरी पशून्नेवावं रुद्धेऽस्मै वै लोकाय गारहपत्य आ धीयतेऽमुष्मां आहवनीयो यद्गारहपत्य उपसादयेदस्मिन्नौके पशुमान्स्थ्याद्ययदाहवनीयेऽमुष्मिन् (१०)

लोके पशुमान्स्थ्यादुभयोरुप सादयत्युभयोरैवेन लोकयोः पशुमन्तं करोति सर्वतः परि हरति रक्षसामपंहत्या इन्द्राग्नियोर्भागधेयोः स्थेत्याह यथायजुरेवैतदाग्नीध्र उप वासयत्येतद्वे यज्ञस्यापराजितं यदाग्नीध्रं यदेव यज्ञस्यापराजितं तदेवेना उप वासयति यतः खलु वै यज्ञस्य विततस्य न क्रियते तदनु यज्ञः रक्षास्यव चरन्ति यद्वहन्तीनां गृह्णाति क्रियमाणमेव तद्यज्ञस्य शये रक्षसामन्ववचाराय न ह्येता ईलयन्त्या तृतीयसवनात्परि शेषे यज्ञस्य सन्तत्यै॥ (११)

स्यादिन्द्रो गृह्णीयादस्त्वमुष्मिन्क्रियते षड्विंशतिश्च॥ [२]

ब्रह्मवादिनो वदन्ति स त्वा अध्वर्युः स्याद्यः सोममुपावहन्सर्वाभ्यो देवताभ्य उपावहरेदिति हृदे त्वेत्याह मनुष्यैभ्य एवैतेन करोति मनसे त्वेत्याह पितृभ्य एवैतेन करोति दिवे त्वा सूर्याय त्वेत्याह देवेभ्य एवैतेन करोत्येतावतीर्वै देवतास्ताभ्य एवैन सर्वाभ्य उपावहरति पुरा वाचः (१२)

प्रवादितोः प्रातरनुवाकमुपाकरोति यावत्येव वाक्तामव रुद्धेऽपोऽग्नेऽभिव्याहरति यज्ञो वा आपो यज्ञमेवाभि वाचं वि संजति सर्वाणि छन्दास्यन्वाह पशवो वै छन्दांसि पशून्नेवावं रुद्धे गायत्रिया तेजस्कामस्य परि दध्यात्रिष्टुभेन्द्रियकामस्य जगत्या पशुकामस्यानुष्टुभां प्रतिष्ठाकामस्य पङ्क्षा यज्ञकामस्य विराजात्रकामस्य शृणोत्वग्निः समिधा हवम् (१३)

म इत्याह सवितुप्रसूत एव देवताभ्यो निवेद्यापोऽर्च्येत्यप इष्य होतरित्याहेषितः हि कर्म क्रियते मैत्रावरुणस्य चमसाध्वर्यावा द्रवेत्याह मित्रावरुणौ वा अपां नेतारौ ताभ्यामेवैना अर्च्येति देवारापो अपां नपादित्याहाहृत्यैवैना निष्क्रियं गृह्णात्यथो हविष्कृतानामेवामिधृतानां गृह्णाति (१४)

कार्षिणीसीत्याह शर्मलमेवासामपं प्लावयति समुद्रस्य वोक्षित्या उन्नय इत्याह तस्मादद्यमानाः पीयमाना आपो न क्षीयन्ते योनिर्वै यज्ञस्य चात्वालं यज्ञो वंसतीवरीरुहोतुचमसं च मैत्रावरुणचमसं च सुःस्पर्श वसतीवरीर्व्यानयति यज्ञस्य सयोनित्वायाथो स्वादेवैना योनेः प्र जनयत्यध्वर्योऽवेरपा (३) इत्याहोतेर्मनत्रमुकृतेमाः पश्येति वावेतदाह यद्यग्निष्टोमो जुहोति यद्युक्थ्यः परिधौ नि माँष्टि यद्यतिरात्रो यजुर्वदन् पद्यते यज्ञक्रतूनां व्यावृत्त्यै॥ (१५)

वाचो हवमभिधृतानां गृह्णात्युत पञ्चविंशतिश्च॥ [३]

देवस्य त्वा सवितुः प्रसव इति ग्रावाणमा दत्ते प्रसूत्या अश्विनोर्बाहुभ्यामित्याहाश्विनौ हि देवानामध्वर्यु आस्ताम पृष्णो हस्ताभ्यामित्याह यत्तै पशवो वै सोमो व्यान उपाशुसर्वनो यदुपाशुसर्वनमभि मिमीते व्यानमेव पशुपुं दधातीन्द्राय त्वेन्द्राय त्वेति मिमीत इन्द्राय हि सोमं आह्रियते पञ्च कृत्वो यजुषा मिमीते (१६)

पञ्चाक्षरा पङ्क्तिः पाङ्क्तौ यज्ञो यज्ञमेवाव रून्धे पञ्च कृत्वस्तूष्णीन्दश सम्पद्यन्ते दशाक्षरा विराडत्र विराड्विराजैवान्नाद्यमव रून्धे श्वात्राः स्थं वृत्रतुर इत्याहेष वा अपाः सोमपीथो य एवं वेद नापस्वार्तिमार्च्छति यत्तै सोम दिवि ज्योतिरित्याहेभ्य एवैनम् (१७)

लोकेभ्यः सम्भरति सोमो वै राजा दिशोऽभ्यध्यायथ्स दिशोऽनु प्राविशत्प्रागपागुदगधरागित्याह दिग्भ्य एवैनः सम्भरत्यथो दिशं एवास्मा अव रून्धेऽम्ब नि ष्वरेत्याह कामुका एनः स्त्रियो भवन्ति य एवं वेद यत्तै सोमादाभ्यं नाम जागृवीति (१८)

आहेष वै सोमस्य सोमपीथो य एवं वेद न सौम्यामार्तिमार्च्छति घ्नन्ति वा एतथ्सोमं यदभिपुण्वन्त्यः शूनपं गृह्णाति त्रायंत एवैनं प्राणा वा अश्वः पशवः सोमोऽश्वसुनरपि सृजति प्राणानेव पशुपुं दधाति द्वौद्वावपि सृजति तस्माद्वौद्वा प्राणाः॥ (१९)

यजुषा मिमीत एनं जागृवीति चतुश्चत्वारिंशच्च॥ [४]

प्राणो वा एष यदुपाशुयदुपाश्वग्रा ग्रहां गृह्णन्तै प्राणमेवानु प्र यन्त्यरुणो हं स्माहोपवेशिः प्रातःसवन एवाहं यज्ञः सऽस्थापयामि तेन ततः सऽस्थितेन चरामीत्यष्टौ कृत्वोऽग्रेऽभि पुणोत्यष्टाक्षरा गायत्री गायत्रमप्रातःसवनम् प्रातःसवनमेव तेनाऽऽप्तोत्येकादश कृत्वौ द्वितीयमेकादशाक्षरा त्रिष्टुत्रैष्टुभ्ममार्ध्यदिनम् (२०)

सर्वनम्मार्ध्यदिनमेव सर्वनं तेनाऽऽप्नोति द्वादश कृत्वस्तृतीयं द्वादशाक्षरा जगती जागंतं तृतीयसर्वनन्तृतीयसर्वनमेव तेनाऽऽप्तोत्येताः ह वाव स यज्ञस्य सऽस्थितिमुवाचास्कन्दायास्कन्त्रः हि तद्यद्यज्ञस्य सऽस्थितस्य स्कन्दत्यथो खत्वाहुर्गायत्री वाव प्रातःसवने नातिवाद इत्यनतिवादुक एनम्प्रातृव्यो भवति य एवं वेद तस्मादष्टावष्टौ (२१)

कृत्वोऽभिपुत्यं ब्रह्मवादिनो वदन्ति पवित्रवन्तोऽन्ये ग्रहां गृह्यन्ते किम्पवित्र उपांशुरिति वाक्पवित्र इति ब्रूयात् वाचस्पतये पवस्व वाजिन्निर्त्याह वाचैवेनम्पवयति वृष्णो अंशुभ्यामित्याहु वृष्णो ह्येतावत्शु यो सोमस्य गर्भस्तिपूत इत्याहु गर्भस्तिना ह्येनम्पवयति देवो देवानां पवित्रमसीत्याहु देवो ह्येषः (२२)

सं देवानां पवित्रं येषां भागोऽसि तेभ्यस्त्वेत्याहु येषां ह्येष भागस्तेभ्यं एनं गृह्णाति स्वां कृत्वोऽसीत्याहु प्राणमेव स्वमंकृत मधुमतीनां इपंस्कृधीत्याहु सर्वमेवास्मां इदं स्वदयति विश्वेभ्यस्त्वेन्द्रियेभ्यो दिव्येभ्यः पार्थिवेभ्य इत्याहोभयैष्वेव देवमनुष्येषु प्राणान्दधाति मनस्त्वा (२३)

अद्वित्याहु मन एवाश्नुत उर्वन्तरिक्षमन्विहीत्याहान्तरिक्षदेवत्यो हि प्राणः स्वाहा त्वा सुभवः सूर्यायेत्याहु प्राणा वै स्वमंवसो देवास्तेष्वेव परोक्षं जुहोति देवेभ्यस्त्वा मरीचिपेभ्य इत्याहादित्यस्य वै रश्मयो देवा मरीचिपास्तेषां तद्भागधेयन्तानेव तेन प्राणाति यदि कामयत वरपुङ्कः पर्जन्यः (२४)

स्यादिति नीचा हस्तेन नि मृज्याद्वृष्टिमेव नि यच्छति यदि कामयेतावरपुङ्कः स्यादित्युत्तानेन नि मृज्याद्वृष्टिमेवोद्यच्छति यद्यभिचरैदमुं जह्यथ त्वा होष्यामीति ब्रूयादाहुतिमेवैनंमृप्सन् हन्ति यदि दूरे स्यादा तर्मितोस्तिष्ठेत्प्राणमेवास्यानुगत्य हन्ति यद्यभिचरैदमुष्यं (२५)

त्वा प्राणे सादयामीति सादयेदसन्नो वै प्राणः प्राणमेवास्य सादयति षड्विंशतिः पवयति षड्वा ऋतव ऋतुभिरेवेनम्पवयति त्रिः पवयति त्रयं इमे लोका एभिरेवेन लोकैः पवयति ब्रह्मवादिनो वदन्ति कस्मात्स्यत्यात्रयः पशूनां हस्तादाना इति यत्रिंशत्पांशु हस्तेन विगृह्णाति तस्मात्रयः पशूनां हस्तादानाः पुरुषो हस्ती मर्कटः॥ (२६)

माध्यन्दिनमष्टावष्टावेष मनस्त्वा पर्जन्योऽमुष्य पुरुषो द्वे च॥ [५]

देवा वै यद्यज्ञेऽकुर्वत तदसुरा अकुर्वत ते देवा उपांशौ यज्ञं सङ्स्थाप्यमपश्यन्मुपांशौ समंस्थापयन्तेऽसुरा वज्रमुद्यत्य देवानभ्यायन्त ते देवा बिभ्यत इन्द्रमुपाधावन्तानिन्द्रोऽन्तर्यामिणान्तरधत्त तदन्तर्यामस्यान्तर्यामत्वम् यदन्तर्यामो गृह्यते भ्रातृव्यानेव तद्यजमानोऽन्तरधत्तेऽन्तर्हते (२७)

दधामि द्यावापृथिवी अन्तरुर्वन्तरिक्षमित्याहुभिरेव लोकैर्यजमानो भ्रातृव्यानन्तरधत्ते ते देवा अमन्यन्तेन्द्रो वा इदमभूद्यद्वयं स्म इति तैऽब्रुवन्मघं वज्रनु न आ भुजेति सजोषां देवैर्वरैः परैश्चेत्यब्रवीद्ये चैव देवाः परे ये चावरै तानुभयान् (२८)

अन्वाभजत्सजोषां देवैर्वरैः परैश्चेत्याहु ये चैव देवाः परे य चावरै तानुभयानन्वाभजत्यन्तर्यामं मघवन्मादयस्वेत्याहु यज्ञादेव यजमानं नान्तरैत्युपयामगृहीतोऽसीत्याहापानस्य धृत्यै यदुभावंपवित्रौ गृह्येयांतां प्राणमपानोऽनु न्यच्छेत्प्रमायुङ्कः स्यात्पवित्रवानन्तर्यामो गृह्यते (२९)

प्राणापानयोर्विधृत्यै प्राणापानौ वा एतौ यदुपांश्वन्तर्यामौ व्यान उपांशुसर्वानो यं कामयत प्रमायुङ्कः स्यादित्यसंस्पृष्टौ तस्य सादयेद्ब्रानेनैवास्य प्राणापानौ वि च्छिनन्ति ताजकप्रमीयते यं कामयत सर्वमायुरियादिति

सःस्पृष्टौ तस्य सादयेद्वाग्नेनैवास्य प्राणापानौ सं तनोति सर्वमायुरिति॥ (३०)

त उभयान्गृह्यते चतुश्चत्वारिंशच्च॥ [६]

वाग्वा एषा यदैन्द्रवायवो यदैन्द्रवायवाग्रा ग्रहा गृह्यन्ते वाचमेवानु प्र यन्ति वायु देवा अंब्रुवन्त्सोमः राजानः हनामेति सौऽब्रवीद्वरं वृणै मदग्रा एव वो ग्रहा गृह्यान्ता इति तस्मादेन्द्रवायवाग्रा ग्रहा गृह्यन्ते तमग्रन्त्सोऽपूयत् तं देवा नोपाधृष्णुवन्ते वायुमंब्रुवन्निमं नः स्वदय (३१)

इति सौऽब्रवीद्वरं वृणै मदेवत्यान्येव वः पात्राण्युच्यान्ता इति तस्मान्नानादेवत्यानि सन्ति वायुव्यान्युच्यन्ते तमेभ्यो वायुरेवास्वदयत्तस्माद्यत्पूरयति तत्प्रवाते वि पंजन्ति वायुरहि तस्य पवयिता स्वदयिता तस्य विग्रहणं नाविन्दन्त्साऽदितिरब्रवीद्वरं वृणा अथ मया वि गृह्णीध्वम्मदेवत्या एव वः सोमाः (३२)

सन्ना असन्त्रित्युपयामगृहीतोऽसीत्याहादितिदेवत्यांस्तेन यानि हि दारुमयाणि पात्राण्यस्यै तानि योनेः सम्भूतानि यानि मृमयानि साक्षात्तान्यस्यै तस्मादेवमाहु वाग्वै पराच्यव्याकृतावदत्ते देवा इन्द्रमंब्रुवन्निमां नो वाचं व्याकुर्विति सौऽब्रवीद्वरं वृणै मह्यं चैवैष वायवै च सह गृह्याता इति तस्मादेन्द्रवायवः सह गृह्यते तामिन्द्रो मध्यतोऽवक्रम्य व्याकरोत्तस्मादियं व्याकृता वागुद्यते तस्मात्सकृदिन्द्राय मध्यतो गृह्यते द्विवायवे द्वौ हि स वराववृणीत॥ (३३)

स्वदय सोमाः सहाष्टाविंशतिश्च॥ [७]

मित्रं देवा अंब्रुवन्त्सोमः राजानः हनामेति सौऽब्रवीन्नाहः सर्वस्य वा अहमित्रमस्मीति तमंब्रुवन् हनामेवेति सौऽब्रवीद्वरं वृणै पर्यसेव मे सोमः श्रीणत्रिति तस्मान्मैत्रावरुणम्ययंसा श्रीणन्ति तस्मात्पशवोऽपाक्रामन् मित्रः सन्क्रूरमंकरिति क्रूरमिव खलु वा एषः (३४)

करोति यः सोमं यजते तस्मात्पशवोऽप क्रामन्ति यन्मैत्रावरुणम्ययंसा श्रीणाति पशुभिरेव तन्मित्रं संमर्धयति पशुभिर्यजमानमुपरा खलु वावैवमित्रोऽवेदप मत्क्रूरं चक्रुषः पशवः क्रमिष्यन्तीति तस्मादेवमवृणीत वरुणं देवा अंब्रुवन्त्वयाःशुभुवा सोमः राजानः हनामेति सौऽब्रवीद्वरं वृणै मह्यं च (३५)

एवैष मित्राय च सह गृह्याता इति तस्मान्मैत्रावरुणः सह गृह्यते तस्माद्राज्ञा राजानमःशुभुवां प्रन्ति वैश्येन वैश्यं शूद्रेण शूद्रं वा इदं दिवा न नक्तमासीदव्यावृत्तन्ते देवा मित्रावरुणावंब्रुवन्निदं नो वि वांसयत्तमिति तावब्रूतां वरं वृणावहा एकं एवावत्पूर्वो ग्रहो गृह्याता इति तस्मादेन्द्रवायवः पूर्वा मैत्रावरुणाद्गृह्यते प्राणापानौ ह्येतौ यदुपाःश्वन्तर्यामौ मित्रोऽहरजंनयद्वरुणो रात्रिन्ततो वा इदं व्योच्छद्यन्मैत्रावरुणो गृह्यते व्युष्टौ॥ (३६)

एष चैन्द्रवायवो द्वाविंशतिश्च॥ [८]

यज्ञस्य शिरौऽच्छिद्यत् ते देवा अश्विनावंब्रुवन्भिपजौ वै स्थं इदं यज्ञस्य शिरः प्रति धत्तमिति तावब्रूतां वरं वृणावहै ग्रह एव नावत्रापि गृह्यतामिति ताभ्यामेतमाश्विनमंगृह्णन्ततो वै तौ यज्ञस्य शिरः प्रत्यधत्ताम् यदाश्विनो गृह्यते यज्ञस्य निष्कृत्यै तौ देवा अंब्रुवन्नपूतौ वा इमौ मनुष्यचरौ (३७)

भिषजाविति तस्माद्ब्राह्मणेन भेषजं न कार्यमपूतो ह्ये ३ षोऽमेध्यो यो भिषक्तौ बहिष्पवमानेन पवयित्वा ताभ्यामेतमाश्विनमंगृह्णन्तस्माद्बहिष्पवमाने स्तुत आश्विनो गृह्यते तस्मादेवं विदुषां बहिष्पवमान उपसद्यः पवित्रं वै बहिष्पवमान आत्मानमेव पवयते तयोश्चेधा भेषज्यं वि न्यदधुरग्नौ तृतीयमप्सु तृतीयमब्राह्मणे तृतीयन्तस्मादुदपात्रम् (३८)

उपनिधाय ब्राह्मणं दक्षिणतो निषाद्यं भेषजं कुर्याद्यावदेव भेषजं तेन करोति समर्धकमस्य कृतम्भवति ब्रह्मवादिनो वदन्ति कस्मात्सत्यादेकपात्रा द्विदेवत्यां गृह्यन्ते द्विपात्रां हूयन्त इति यदेकपात्रा गृह्यन्ते तस्मादेकोऽन्तरतः प्राणो द्विपात्रां हूयन्ते तस्माद्द्वौ द्वौ बहिष्ठापाणाः प्राणा वा एते यद्विदेवत्याः पशव इडा यदिडाम्पूर्वा द्विदेवत्येभ्य उपह्वयेत (३९)

पशुभिः प्राणानन्तर्दधीत प्रमायुकः स्याद्विदेवत्यान्भक्षयित्वेडामुप ह्वयते प्राणानेवात्मभित्वा पशून्प ह्वयते वाग्वा ऐन्द्रवायवश्चक्षुर्मेत्रावरुणः श्रोत्रमाश्विनः पुरस्तादिन्द्रवायवम्भक्षयति तस्मात्पुरस्ताद्वाचा वदति पुरस्तान्मेत्रावरुणं तस्मात्पुरस्ताच्चक्षुषा पश्यति सर्वतः परिहारमाश्विनं तस्मात्सर्वतः श्रोत्रेण शृणोति प्राणा वा एते यद्विदेवत्याः (४०)

अरिक्तानि पात्राणि सादयति तस्मादरिक्ता अन्तरतः प्राणा यतः खलु वै यज्ञस्य विततस्य न क्रियते तदनु यज्ञश्च रक्षाश्चैव चरन्ति यदरिक्तानि पात्राणि सादयति क्रियमाणमेव तद्यज्ञस्य शये रक्षसामनेववचाराय दक्षिणस्य हविर्धानस्योत्तरस्यां वर्तन्याश्च सादयति वाच्यैव वाचं दधात्या तृतीयसवनात्परि शरे यज्ञस्य सन्तत्ये॥ (४१)

**मनुष्यचरावुदपात्रमुपह्वयेत द्विदेवत्याः षड्वत्वारिश्च॥** [९]

बृहस्पतिर्देवानां पुरोहित आसीच्छण्डामर्कावसुराणां ब्रह्मण्वन्तो देवा आसन्ब्रह्मण्वन्तोऽसुरास्ते ३ऽऽन्येनां नाशंक्नुवन्नभिर्भवितुन्ते देवाः शण्डामर्कावपांमन्नयन्त तावब्रूतां वरं वृणावहे ग्रहावेव नावत्रापि गृह्येतामिति ताभ्यामेतौ शुक्रामन्थिनांवगृह्णन्ततो देवा अभवन्परासुरा यस्यैवं विदुषः शुक्रामन्थिनौ गृह्येते भवत्यात्मना परा (४२)

अस्य भ्रातृव्यो भवति तौ देवा अपनुद्यात्मन् इन्द्रायाजुहवुरपनुतौ शण्डामर्कौ सहामुनेति ब्रूयाद्यं द्विष्याद्यमेव द्वेष्टि तेनैनौ सहापं नुदते स प्रथमः सङ्कृतिर्विश्वकर्मेत्येवैनावात्मन् इन्द्रायाजुहवुरिन्द्रो ह्येतानि रूपाणि करिर्ददचरदसौ वा आदित्यः शुक्रश्चन्द्रमा मन्थ्येपिगृह्य प्राञ्चो निः (४३)

क्राम्तस्तस्मात्प्राञ्चो यन्तौ न पश्यन्ति प्रत्यञ्चावावृत्य जुहुतस्तस्मात्प्रत्यञ्चो यन्तौ पश्यन्ति चक्षुषी वा एते यज्ञस्य यच्छुक्रामन्थिनौ नासिकोत्तरवेदिरभितः परिक्रम्य जुहुतस्तस्मादभितो नासिकां चक्षुषी तस्मात्त्रासिकया चक्षुषी विधुते सर्वतः परि क्रामतो रक्षसामपंहत्यै देवा वै याः प्राचीराहुतीरजुहवुर्ये पुरस्तादसुरा आसन्ताश्च स्ताभिः प्र (४४)

अनुदन्त याः प्रतीचीर्ये पश्चादसुरा आसन्ताश्च स्ताभिरपांनुदन्त प्राचीरन्या आहुतयो हूयन्ते प्रत्यञ्चौ शुक्रामन्थिनौ पश्चाच्चैव पुरस्ताच्च यजमानो भ्रातृव्यान् पणुदते तस्मात्परांचीः प्रजाः प्र वीयन्ते प्रतीचीर्जायन्ते

शुक्रामन्थिनौ वा अनुं प्रजाः प्र जायन्तेऽत्रीश्चाद्यांश्च सुवीराः प्रजाः प्रजिनयन्परीहि शुक्रः शुक्रशोचिपा (४५)

सुप्रजाः प्रजाः प्रजिनयन्परीहि मन्थी मन्थिशोचिपेत्याहेता वै सुवीरा या अत्रीरेताः सुप्रजा या आद्यां य एवं वेदात्र्यस्य प्रजा जायते नाद्यां प्रजापतेरक्ष्यंश्चयत्तत्परापतत्तद्विकङ्कतम्प्राविशत्तद्विकङ्कते नारमत तद्यवम्प्राविशत् तद्यवैऽरमत तद्यवस्य (४६)

यत्त्वं यद्वैकङ्कतम्मन्थिपात्रम्भवति सक्तुभिः श्रीणाति प्रजापतेरेव तच्चक्षुः सम्भरति ब्रह्मवादिनो वदन्ति कस्मात्सत्यान्मन्थिपात्रं सदो नाश्रुत इत्यातपात्रं हीति ब्रूयाद्यदंशुवीतान्धोऽध्वर्युः स्यादार्तिमाच्छुतस्मान्नाश्रुते॥ (४७)

आत्मना परा निष्प्र शुक्रशोचिपा यवस्य सप्तत्रिंशच्च॥ [१०]

देवा वै यद्यज्ञेऽकुर्वन्त तदसुरा अकुर्वन्ते ते देवा आग्रयणाग्रान्ग्रहानपश्यन्तानंगृह्णन्त ततो वै ते-  
ऽग्रं पर्यायन् यस्यैवं विदुषं आग्रयणाग्रा ग्रहां गृह्यन्तेऽग्रमेव समानानां पर्येति रुग्णवत्यर्चा भ्रातृव्यवतो  
गृहीयाद्भ्रातृव्यस्यैव रुक्ताग्रं समानानां पर्येति ये देवा दिव्येकादश स्थेत्याह (४८)

एतावतीर्वै देवतास्ताभ्यं एवैनं सर्वाभ्यो गृह्णात्येष ते योनिर्विश्वेभ्यस्त्वा देवेभ्य इत्याह वैश्वदेवो  
ह्येष देवतया वाग्वै देवेभ्योऽपाकामद्यज्ञायतिष्ठमाना ते देवा वाच्यपक्रान्तायां तूष्णीं ग्रहानंगृह्णन्त साऽमन्यन्त  
वागन्तर्यन्ति वै मेति साग्रयणमप्रत्यागच्छन्तदाग्रयणस्याग्रयणत्वम् (४९)

तस्मादाग्रयणे वाग्वि सृज्यते यत्तूष्णीम्पूर्वं ग्रहां गृह्यन्ते यथां ध्मारीयति म आख इयति नापं  
राध्यामीत्युपावसृजत्येवमेव तदध्वर्युराग्रयणं गृहीत्वा यज्ञमारभ्य वाचं वि सृजते त्रिरहिं करोत्युद्गातृनेव  
तद्वृणीते प्रजापतिर्वा एष यदाग्रयणो यदाग्रयणं गृहीत्वा हिकरोति प्रजापतिरेव (५०)

तत्प्रजा अभि जिघ्रति तस्माद्विध्वंसं जातं गौरभि जिघ्रत्यात्मा वा एष यज्ञस्य यदाग्रयणः सर्वनेसवने-  
ऽभि गृह्णात्यात्मन्नेव यज्ञं सं तनोत्युपरिष्ठादा नयति रेतं एव तदधात्यधस्तादुपं गृह्णाति प्र जिनयत्येव  
तद्वह्मवादिनो वदन्ति कस्मात्सत्याद्वायत्री कर्निष्ठा छन्दसां सती सर्वाणि सर्वनानि वहतीत्येष वै गायत्रियै  
वृथ्सो यदाग्रयणस्तमेव तदभिनिवर्तं सर्वाणि सर्वनानि वहति तस्माद्विध्वंसमपाकृतं गौरभि नि वर्तते॥ (५१)

आहाग्रयणत्वं प्रजापतिरेवेति विंशतिश्च॥ [११]

इन्द्रो वृत्रायायुर्वै यज्ञेन सुवर्गायेन्द्रो मरुद्भिरदितिरन्तर्यामपात्रेण प्राण  
उपांशुपात्रेणेन्द्रो वृत्रमहन्तस्य ग्रहान् वै प्रान्यान्येकादश॥ [१२] इन्द्रो वृत्राय  
पुनर्ऋतुनाह मिथुनम्पशवो नेष्टः पत्नीमुपांश्वन्तर्यामयोद्विचत्वारिंशत्॥४२॥ इन्द्रो वृत्राय पाङ्कत्वम्॥



# ॥पञ्चमः प्रश्नः॥

॥तैत्तिरीयसंहितायां षष्ठमकाण्डे पञ्चमः प्रश्नः॥

इन्द्रो वृत्राय वज्रमुदयच्छुत्स्य वृत्रो वज्रादुद्यंतादबिभेत्सोऽब्रवीन्मा मे प्र हारस्ति वा इदम्मयि वीर्यं तत्ते प्र दास्यामीति तस्मां उक्थ्यम्प्रायच्छुत्तस्मै द्वितीयमुदयच्छुत्सोऽब्रवीन्मा मे प्र हारस्ति वा इदं मयि वीर्यं तत्ते प्र दास्यामीति (१)

तस्मां उक्थ्यमेव प्रायच्छुत्तस्मै तृतीयमुदयच्छुत्तं विष्णुरन्वतिष्ठत जहीति सोऽब्रवीन्मा मे प्र हारस्ति वा इदम्मयि वीर्यं तत्ते प्र दास्यामीति तस्मां उक्थ्यमेव प्रायच्छुत्तं निर्मायम्भूतमहं यज्ञो हि तस्य मायासीद्यदुक्थ्यो गृह्यते इन्द्रियमेव (२)

तद्वीर्यं यजमानो भ्रातृव्यस्य वृङ्क्त इन्द्राय त्वा बृहद्वंते वयंस्वत् इत्याहेन्द्राय हि स तम्प्रायच्छुत्तस्मै त्वा विष्णवे त्वेत्याह यदेव विष्णुरन्वतिष्ठत जहीति तस्माद्विष्णुमन्वाभंजति त्रिर्निर्गृह्णाति त्रिर्हि स तं तस्मै प्रायच्छदेष ते योनिः पुनर्हविरसीत्याह पुनःपुनः (३)

हंस्मान्निर्गृह्णाति चक्षुर्वा एतद्यज्ञस्य यदुक्थ्यस्तस्मादुक्थ्यं हुतं सोमां अन्वारयन्ति तस्मादात्मा चक्षुरन्वेति तस्मादेकं यन्तम्बहवोऽनु यन्ति तस्मादेको बहूनाम्भद्रो भवति तस्मादेको बह्वीर्जाया विन्दते यदि कामयेताध्वर्युरात्मानं यज्ञयशसेनांप्रयेयमित्यन्तराहवनीयं च हविर्धानं च तिष्ठन्नवं नयेत् (४)

आत्मानमेव यज्ञयशसेनांप्रयति यदि कामयेत् यजमानं यज्ञयशसेनांप्रयेयमित्यन्तरा संदोहविर्धानं तिष्ठन्नवं नयेद्यजमानमेव यज्ञयशसेनांप्रयति यदि कामयेत् सदस्यान् यज्ञयशसेनांप्रयेयमिति सदं आलभ्यावं नयेत्सदस्यानेव यज्ञयशसेनांप्रयति॥ (५)

इतीन्द्रियमेव पुनःपुनर्नयेन्नयस्त्रिंशच्च॥ \_\_\_\_\_ [१]

आयुर्वा एतद्यज्ञस्य यद्धव उत्तमो ग्रहाणां गृह्यते तस्मादायुः प्राणानामुत्तमम्पूर्धानं दिवो अंरति पृथिव्या इत्याह मूर्धानमेवैनं समानानां करोति वैश्वानरमृताय जातमग्निमित्याह वैश्वानरं हि देवतयायुरुभयतौवैश्वानरो गृह्यते तस्मादुभयतः प्राणा अधस्ताच्चोपरिष्ठाच्चाधिर्नोऽन्ये ग्रहां गृह्यन्तेऽर्धं ध्रुवस्तस्मात् (६)

अर्धवाङ्माणांऽन्येषां प्राणानामुपौष्टेऽन्ये ग्रहाः साद्यन्तेऽनुपोष्टे ध्रुवस्तस्मादुःश्रान्याः प्रजाः प्रतितिष्ठन्ति मासेनान्या असुरा वा उत्तरतः पृथिवीम्पर्याचिकीरपन्तां देवा ध्रुवेणादहन्तद्ध्रुवस्य ध्रुवत्वं यद्धव उत्तरतः साद्यते धृत्या आयुर्वा एतद्यज्ञस्य यद्धव आत्मा होता यद्धोतृचमसे ध्रुवमवर्णयत्यात्मन्नेव यज्ञस्य (७)

आयुर्दधाति पुरस्तादुक्थस्यावनीय इत्याहुः पुरस्ताद्धायुषो भुङ्क्ते मध्यतोऽवनीय इत्याहुर्मध्यमेन ह्यायुषो भुङ्क्ते उत्तरार्धेऽवनीय इत्याहरुत्तमेन ह्यायुषो भुङ्क्ते वैश्वदेव्यामृचि शस्यमानायामवं नयति वैश्वदेव्यो वै प्रजाः प्रजास्वेवायुर्दधाति॥ (८)

ध्रुवस्तस्मादेव यज्ञस्यैकात्रचत्वारिंशच्च॥ \_\_\_\_\_ [२]

यज्ञेन वै देवाः सुवर्गं लोकमायन्तं ऽमन्यन्त मनुष्यां नोऽन्वाभं विष्यन्तीति ते संवत्सरं योपयित्वा सुवर्गं लोकमायन्तमृषय ऋतुग्रहेरेवानु प्राजानन्यदंतुग्रहा गृह्यन्ते सुवर्गस्य लोकस्य प्रज्ञात्यै द्वादश गृह्यन्ते द्वादश मासाः संवत्सरः संवत्सरस्य प्रज्ञात्यै सह प्रथमौ गृह्येते सहोत्तमौ तस्माद्द्वौद्वावृतु उभयतोमुखमृतुपात्रम्भवति कः (१)

हि तद्वेद यतं ऋतूनाम्मुखं मृतुना प्रेष्येति षट्त्वं आहु षड्वा ऋतवं ऋतूनेव प्रीणात्यृतुभिरिति चतुश्चतुष्पद एव पशून्प्रीणाति द्विः पुनर्रक्तुनाह द्विपदं एव प्रीणात्यृतुना प्रेष्येति षट्त्वं आहुतुभिरिति चतुस्तस्माच्चतुष्पादः पशवं ऋतूनूपं जीवन्ति द्विः (१०)

पुनर्रक्तुनाह तस्माद्विपादश्चतुष्पदः पशूनूपं जीवन्त्यृतुना प्रेष्येति षट्त्वं आहुतुभिरिति चतुर्द्विः पुनर्रक्तुनाहाक्रमणमेव तथ्येतुं यजमानः कुरुते सुवर्गस्य लोकस्य समंष्ट्रे नान्योन्यमनु प्र पंचेत यदन्योन्यमनु प्रपंचेतर्तुर्रक्तुमनु प्र पंचेतर्तवो मोहुंकाः स्युः (११)

प्रसिद्धमेवाध्वर्युर्दक्षिणेन प्र पंचते प्रसिद्धं प्रतिप्रस्थातोत्तरेण तस्मादादित्यः षण्मासो दक्षिणेनैति षडुत्तरेणोपयामगृहीतोऽसि सः सप्तोऽस्य हस्पत्याय त्वेत्याहास्ति त्रयोदशो मास इत्याहुस्तमेव तत्प्रीणाति॥ (१२)

को जीवन्ति द्विः स्युश्चतुस्त्रिंशच्च॥ [३]

सुवर्गाय वा एते लोकाय गृह्यन्ते यदंतुग्रहा ज्योतिरिन्द्राग्नी यदैन्द्राग्रमृतुपात्रेण गृह्णाति ज्योतिरेवास्मा उपरिष्टादधाति सुवर्गस्य लोकस्यानुख्यात्या ओजोभूतौ वा एतौ देवानां यद्विन्द्राग्नी यदैन्द्राग्रो गृह्यत ओज एवावं रुन्दे वैश्वदेवः शुक्रपात्रेण गृह्णाति वैश्वदेव्यो वै प्रजा असावादित्यः शुक्रो यद्वैश्वदेवः शुक्रपात्रेण गृह्णाति तस्मादसावादित्यः (१३)

सर्वाः प्रजाः प्रत्यङ्मुदन्ति तस्मात्सर्व एव मन्यते माम्प्रत्युदगादिति वैश्वदेवः शुक्रपात्रेण गृह्णाति वैश्वदेव्यो वै प्रजास्तेजः शुक्रो यद्वैश्वदेवः शुक्रपात्रेण गृह्णाति प्रजास्वेव तेजो दधाति॥ (१४)

तस्मादसावादित्यस्त्रिंशच्च॥ [४]

इन्द्रो मरुद्विः साविद्येन माध्यदिने सर्वने वृत्रमहनुयन्माध्यदिने सर्वने मरुत्वतीयां गृह्यन्ते वार्षाग्रा एव ते यजमानस्य गृह्यन्ते तस्य वृत्रं जघ्नुषं ऋतवोऽमुह्यन्त्स ऋतुपात्रेण मरुत्वतीयानगृह्णाततो वै स ऋतून्प्राजानाद्यदंतुपात्रेण मरुत्वतीयां गृह्यन्तं ऋतूनाम्प्रज्ञात्यै वज्रं वा एतं यजमानो भ्रातृव्याय प्र हरति यन्मरुत्वतीया उदेव प्रथमेन (१५)

यच्छति प्र हरति द्वितीयेन स्तृणुते तृतीयेनायुधं वा एतद्यजमानः सः स्फुरते यन्मरुत्वतीया धनुरेव प्रथमो ज्या द्वितीय इषुस्तृतीयः प्रत्येव प्रथमेन धत्ते वि संजति द्वितीयं विध्यति तृतीयेनेन्द्रो वृत्रं हत्वा परां परावतमगच्छदपाराधमिति मन्यमानः स हरितोऽभवत्स एतान्मरुत्वतीयानात्मस्पर्णानपश्यत्तानगृहीत (१६)

प्राणमेव प्रथमेनास्पृणुतापानं द्वितीयेनात्मानं तृतीयेनात्मस्पर्णा वा एते यजमानस्य गृह्यन्ते यन्मरुत्वतीयाः

प्राणमेव प्रथमेन स्पृणुतेऽपानं द्वितीयैनात्मानं तृतीयेनेन्द्रो वृत्रमंहन्तं देवा अंब्रवन्मुहान् वा अयमंभूद्यो वृत्रमवंधीदिति तन्महेन्द्रस्य महेन्द्रत्वः स एतस्माहिन्द्रमुद्धारमुदहरत वृत्रं हत्वान्यासुं देवतास्वधिं यन्मोहिन्द्रो गृह्यते उद्धारमेव तं यजमानं उद्धरतेऽन्यासुं प्रजास्वधिं शुक्रपात्रेण गृह्णाति यजमानदेवत्यो वै माहिन्द्रस्तेजः शुक्रो यन्मोहिन्द्रः शुक्रपात्रेण गृह्णाति यजमान एव तेजो दधाति॥ (१७)

**प्रथमेनागृह्णीत देवतास्वष्टाविंशतिश्च॥** [५]

अदितिः पुत्रकामा साध्येभ्यो देवेभ्यो ब्रह्मोदनमपचत्तस्यां उच्छेषंमददुस्तत्प्राश्नात्सा रेतोऽधत् तस्यै चत्वार आदित्या अजायन्त सा द्वितीयमपचत्सामन्यतोच्छेषंणाम् इमेऽज्ञत यदग्नें प्राशिष्यामीतो मे वसीयाः सो जनिष्यन्त इति साग्ने प्राश्नात्सा रेतोऽधत् तस्यै व्यृद्धमाण्डमजायत सादित्येभ्य एव (१८)

तृतीयमपचद्भोगाय म इदं श्रान्तमस्त्विति तैऽब्रुवन्वरं वृणामहे योऽतो जायाता अस्माकः स एकोऽसृष्टोऽस्य प्रजायामृध्याता अस्माकम्भोगाय भवादिति ततो विवस्वानादित्योऽजायत तस्य वा इयं प्रजा यन्मनुष्यास्तास्वेकं एवर्द्धो यो यजते स देवानाम्भोगाय भवति देवा वै यज्ञात् (१९)

रुद्रमन्तरायन्स आदित्यानुवाक्रमत ते द्विदेवत्यान्प्रापद्यन्त तान् प्रति प्रायच्छन्तस्मादपि बध्यम्प्रपन्नं न प्रति प्र यच्छन्ति तस्माद्विदेवत्येभ्य आदित्यो निर्गृह्यते यदुच्छेषंणादजायन्त तस्मादुच्छेषंणाद्गृह्यते तिसृभिर्ऋग्भिर्गृह्णाति माता पिता पुत्रस्तदेव तन्मिथुनमुल्बं गर्भो जरायु तदेव तत् (२०)

मिथुनम्पशवो वा एते यदादित्य ऊर्दधिं दध्ना मध्यतः श्रीणात्यूर्जमेव पशूनाममध्यतो दधाति श्रुतातङ्कान मेध्यत्वाय तस्मादामा पृक्कं दुहे पशवो वा एते यदादित्यः परिश्रित्यं गृह्णाति प्रतिरुध्येवासमै पशून्गृह्णाति पशवो वा एते यदादित्य एष रुद्रो यदग्निः परिश्रित्यं गृह्णाति रुद्रादेव पशून्तर्दधाति (२१)

एष वै विवस्वानादित्यो यदुपांशुसर्वनः स एतमेव सोमपीथं परि शय आ तृतीयसर्वनाद्विष्वं आदित्येष तं सोमपीथ इत्याह विवस्वन्तमेवाऽऽदित्यः सोमपीथेन समर्धयति या दिव्या वृष्टिस्तया त्वा श्रीणामीति वृष्टिकामस्य श्रीणीयाद्वृष्टिमेवावं रुद्धे यदि ताजक्पस्क्न्देद्वरपुङ्कः पर्जन्यः स्याद्यदि चिरमवर्षपुङ्को न सांदयत्यसन्नाद्धि प्रजाः प्रजायन्ते नानु वर्षद्वरोति यदनुवषट्कुर्याद्बुधं प्रजा अन्ववसृजेन्न हत्वान्वीक्षत यदन्वीक्षत चक्षुरस्य प्रमार्युक् स्यात्तस्मान्नावीक्ष्यः॥ (२२)

**एव यज्ञाज्जरायु तदेव तदन्तर्दधाति न सप्तविंशतिश्च॥** [६]

अन्तर्यामपात्रेण सावित्रमग्रयणाद्गृह्णाति प्रजापतिर्वा एष यदाग्रयणः प्रजानां प्रजननाय न सांदयत्यसन्नाद्धि प्रजाः प्रजायन्ते नानु वर्षद्वरोति यदनुवषट्कुर्याद्बुधं प्रजा अन्ववसृजेदेष वै गांयत्रो देवानां यत्संवितेष गांयत्रियै लोके गृह्यते यदाग्रयणो यदन्तर्यामपात्रेण सावित्रमग्रयणाद्गृह्णाति स्वादेवेन योनेर्निर्गृह्णाति विश्वं (२३)

देवास्तृतीयः सर्वनं नोदयच्छन्ते सवितारम्प्रातःसर्वनभागः सन्तं तृतीयसर्वनमभि पर्यणयन्ततो वै ते तृतीयः सर्वनमुदयच्छन्त्यर्त्तृतीयसर्वने सावित्रो गृह्यते तृतीयस्य सर्वनस्योद्यत्यै सवितृपात्रेण वैश्वदेव

कलशाद्गृह्णाति वैश्वदेव्यो वै प्रजा वैश्वदेवः कलशः सविता प्रंसवानामीशे यथ्सवितृपात्रेण वैश्वदेवं कलशाद्गृह्णाति सवितृप्रसूत एवास्मै प्रजाः प्र (२४)

जनयति सोमे सोममभि गृह्णाति रेतं एव तदधाति सुशर्मासि सुप्रतिष्ठान इत्याह सोमे हि सोममभिगृह्णाति प्रतिष्ठित्या एतस्मिन्वा अपि ग्रहे मनुष्येभ्यो देवेभ्यः पितृभ्यः क्रियते सुशर्मासि सुप्रतिष्ठान इत्याह मनुष्येभ्य एवैतेन करोति बृहदित्याह देवेभ्य एवैतेन करोति नम इत्याह पितृभ्य एवैतेन करोत्येतावन्तीवै देवतास्ताभ्य एवैनं सर्वभ्यो गृह्णात्येष ते योनिर्विश्वेभ्यस्त्वा देवेभ्य इत्याह वैश्वदेवो ह्येषः॥ (२५)

विश्वे प्र पितृभ्य एवैतेन करोत्येकान्नविंशतिश्च॥ [७]

प्राणो वा एष यदुपांशुर्यदुपांशुपात्रेण प्रथमश्चोत्तमश्च ग्रहौ गृह्येते प्राणमेवानुं प्रयन्ति प्राणमनूद्यन्ति प्रजापतिर्वा एष यदाग्रयणः प्राण उपांशुः पत्नीः प्रजाः प्र जनयन्ति यदुपांशुपात्रेण पालीवतमाग्रयणाद्गृह्णाति प्रजानां प्रजननाय तस्मात्प्राणं प्रजा अनु प्र जायन्ते देवा वा इतदंतः पत्नीः सुवर्गम् (२६)

लोकमजिगांसन्ते सुवर्गं लोकं न प्राजानन्त एतम्पालीवतमपश्यन्तमगृह्णत ततो वै ते सुवर्गं लोकम्प्राजानन् यत्पालीवतो गृह्यते सुवर्गस्य लोकस्य प्रजायै स सोमो नातिष्ठत स्त्रीभ्यो गृह्यमाणस्तं घृतं वज्रं कृत्वाघ्नन्ति निरिन्द्रियम्भूतमगृह्णन्तस्माच्छ्रियो निरिन्द्रिया अदायादीरपि पापात्युंस उपस्तितरम् (२७)

वदन्ति यद्धृतेन पालीवतं श्रीणाति वज्रैर्गैवैनं वशं कृत्वा गृह्णात्युपयामगृहीतोऽसीत्याहुयं वा उपयामस्तस्मादिमां प्रजा अनु प्र जायन्ते बृहस्पतिसुतस्य त इत्याह ब्रह्म वै देवानाम्बृहस्पतिर्ब्रह्मणेवास्मै प्रजाः प्र जनयतीन्द्रो इत्याह रेतो वा इन्दु रेतं एव तदधातीन्द्रियाव इति (२८)

आह प्रजा वा इन्द्रियं प्रजा एवास्मै प्र जनयत्यग्रा(३) इत्याहप्रिवै रेतोधाः पत्नीव इत्याह मिथुनत्वाय सजुर्देवेन त्वष्टा सोमंमिबेत्याह त्वष्टा वै पशूनामिमिथुनानां रूपकद्रुपमेव पशुपुं दधाति देवा वै त्वष्टारमजिगांसन्त्य पत्नीः प्रापद्यत तं न प्रति प्रायच्छन्तस्मादपि (२९)

वध्यम्प्रापन्नं न प्रति प्र यच्छन्ति तस्मात्पालीवते त्वष्ट्रेऽपि गृह्यते न सांदयत्यसन्नाद्धि प्रजाः प्रजायन्ते नानु वषट्करोति यदनुवषट्कुर्याद्रुद्रं प्रजा अन्ववसृजेद्यत्रानुवषट्कुर्यादशान्तमग्नीश्वोममभक्षयेदुपांश्वनु वषट्करोति न रुद्रं प्रजा अन्ववसृजति शान्तमग्नीश्वोममभक्षयतीन्नेष्टुंरुपस्थमा सीद (३०)

नेष्टुः पत्नीमुदानयेत्याहप्रीदेव नेष्टरि रेतो दधाति नेष्टा पत्नियामुद्रात्रा सं ख्यापयति प्रजापतिर्वा एष यद्ग्राता प्रजानां प्रजननायाप उप प्र वर्तयति रेतं एव तथ्सिञ्चत्यरुणोप प्र वर्तयत्यरुणा हि रेतः सिच्यते नम्रंकृत्योरुमुप प्र वर्तयति यदा हि नम्र ऊरुर्भवत्यथ मिथुनी भवतोऽथ रेतः सिच्यतेऽथ प्रजाः प्र जायन्ते॥ (३१)

पत्नीः सुवर्गमुपस्तितरमिन्द्रियाव इत्यपि सीद मिथुन्यष्टौ च॥ [८]

इन्द्रो वृत्रमहन्तस्य शीर्षकपालमुदौञ्च्य द्रोणकलशोऽभवत्तस्मात्श्वोः समंस्रव्य हारियोजनोऽभवत्तं

व्यंचिकिथ्सञ्जुह्वानी(३) मा हौषा(३) मिति सौऽमन्यत् यद्धोष्याम्याम्९ हौष्यामि यन्न होष्यामि यज्ञवेशं  
करिष्यामीति तमं प्रियत् होतुः सौऽग्निरब्रवीन्न मय्याम्९ हौष्यसीति तं धानाभिरश्रीणात् (३२)

त९ शृतम्भृतमंजुहोद्यद्वानाभिरहारियोजनः श्रीणाति शृतत्वाय शृतमेवैनम्भृतं जुहोति बह्विभिः  
श्रीणात्येतावंतीरेवास्यामुष्मिन्नैके कामदुघा भवन्त्यथो खल्वाहुरेता वा इन्द्रस्य पृथ्रयः कामदुघा  
यद्धारियोजनीरिति तस्माद्बह्विभिः श्रीणीयादृख्सांमे वा इन्द्रस्य हरीं सोमपानौ तयोः परिधयं आधानं  
यदप्रहृत्य परिधीञ्जुह्यादन्तराधानाभ्याम् (३३)

घासम्प्र यच्छेत्प्रहृत्यं परिधीञ्जुहोति निराधानाभ्यामेव घासम्प्र यच्छत्युन्नेता जुहोति यातयामेव  
ह्येतरह्यध्वयः स्वगाकृतो यदध्वर्युजुह्याद्यथा विमुक्तमुनर्युनक्ति तादृगेव तच्छीरपन्नधिनिधाय जुहोति शीरपतो  
हि स समभवंद्विक्रम्य जुहोति विक्रम्य हीन्द्रो वृत्रमहन्श्चमृद्यै पशवो वै हारियोजनीर्यथ्संमिन्द्यादल्पाः (३४)

एनम्पशवो भुञ्जन्त उपं तिष्ठेरन्यत्र संमिन्द्याद्वहवं एनम्पशवोऽभुञ्जन्त उपं तिष्ठेरन्मनसा सम्बाधत  
उभयं करोति बहवं एवैनम्पशवो भुञ्जन्त उपं तिष्ठन्त उन्नेतर्युपहवमिच्छन्ते य एव तत्रं सोमपीथस्तमेवाव  
रुन्धत उत्तरवेद्यां नि वंपति पशवो वा उत्तरवेदिः पशवो हारियोजनीः पशुष्वेव पशुन्मतिं घापयन्ति॥ (३५)

**अश्रीणादन्तराधानाभ्यामल्पाः स्थापयन्ति॥** [१]

ग्रहान् वा अनु प्रजाः पशवः प्र जायन्त उपा९श्चन्तर्यामावजावयः शुक्रामन्थिनौ पुरुषा ऋतुग्रहानेकशफा  
आदित्यग्रहं गावं आदित्यग्रहो भूयिष्ठाभिरऋग्भिर्गृह्यते तस्माद्गावंः पशूनाम्भूर्यिष्ठा यन्निरुपा९शु९ हस्तेन  
विगृह्णाति तस्माद्द्वौ त्रीनजा जनयत्यथावयो भूर्यसीः पिता वा एष यदाग्रयणः पुत्रः कलशो यदाग्रयण  
उपदस्यैत्कलशाद्बह्वीयाद्यथा पिता (३६)

पुत्रं क्षित उपाधवति तादृगेव तद्यत्कलशं उपदस्येदाग्रयणाद्बह्वीयाद्यथा पुत्रः पितरं क्षित उपाधवति  
तादृगेव तदात्मा वा एष यज्ञस्य यदाग्रयणो यद्बहो वा कलशो वोपदस्येदाग्रयणाद्बह्वीयादात्मन एवार्धिं यज्ञं  
निष्करोत्यविज्ञातो वा एष गृह्यते यदाग्रयणः स्थाल्या गृह्णाति वायव्येन जुहोति तस्मात् (३७)

गर्भेणाविज्ञातेन ब्रह्महावभृथमवं यन्ति परां स्थालीरस्यन्त्युद्वायव्यानि हरन्ति तस्माच्छ्रियं जातां  
परास्यन्त्युत्पामा९स९ हरन्ति यत्पुंगोरुचमाह यथा वस्यंस आहरति तादृगेव तद्यद्बहं गृह्णाति यथा वस्यंस  
आहृत्य प्राह तादृगेव तद्यथादयति यथा वस्यंस उपनिधायपक्रामति तादृगेव तद्यद्वै यज्ञस्य साम्ना यजुषा  
क्रियते शिथिलं तद्यद्वा तद्दृढम्पुरस्तादुपयामा यजुषा गृह्यन्त उपरिष्ठादुपयामा ऋचा यज्ञस्य धृत्यै॥ (३८)

**यथा पिता तस्मादपक्रामति तादृगेव तद्यदष्टादश च॥** [१०]

प्रान्यानि पात्राणि युज्यन्ते नान्यानि यानि पराचीनानि प्रयुज्यन्तेऽमुमेव तैर्लोकमभि जयति पराङ्किव  
ह्यसौ लोको यानि पुनः प्रयुज्यन्त इममेव तैर्लोकमभि जयति पुनःपुनरिव ह्ययं लोकः प्रान्यानि पात्राणि  
युज्यन्ते नान्यानि यानि पराचीनानि प्रयुज्यन्ते तान्यन्वोपधयः परा भवन्ति यानि पुनः (३९)

प्रयुज्यन्ते तान्यन्वोपधयः पुनरा भवन्ति प्रान्यानि पात्राणि युज्यन्ते नान्यानि यानि पराचीनानि

प्रयुज्यन्ते तान्यन्वारण्याः पशवोऽरण्यमपं यन्ति यानि पुनः प्रयुज्यन्ते तान्यनु ग्राम्याः पशवो ग्राममुपावयन्ति यो वै ग्रहाणां निदानं वेदं निदानवान्भवत्याज्यमित्युक्तं तद्वै ग्रहाणां निदानं यदुपांशु शंसति तत् (४०)

उपांश्वन्तर्यामयोर्यदुच्चैस्तदितरेषां ग्रहाणामेतद्वै ग्रहाणां निदानं य एवं वेदं निदानवान्भवति यो वै ग्रहाणाम्मिथुनं वेदं प्र प्रजयां पशुभिर्मिथुनैर्जायते स्थालीभिर्न्ये ग्रहां गृह्यन्ते वायव्यैरन्य एतद्वै ग्रहाणाम्मिथुनं य एवं वेदं प्र प्रजयां पशुभिर्मिथुनैर्जायत इन्द्रस्त्वष्टुः सोममभीषहापिवथ्स विष्वङ् (४१)

व्यार्च्छुथ्स आत्मन्नारमणं नाविन्दथ्स एताननुसवनम्पुरोडाशानपश्यत्तां निरवपत्तैर्वै स आत्मन्नारमणमकुरुत् तस्मादनुसवनम्पुरोडाशा निरुप्यन्ते तस्मादनुसवनम्पुरोडाशानाम्प्राश्नीयादात्मन्नेवारमणं कुरुते नैनं सोमोऽति पवते ब्रह्मवादिनो वदन्ति नर्चा न यजुषा पङ्क्तिराप्यतेऽथ किं यज्ञस्य पाङ्कत्वमिति धानाः करम्भः परिवापः पुरोडाशः पयस्यां तेन पङ्क्तिराप्यते तद्यज्ञस्य पाङ्कत्वम्॥ (४२)

भवन्ति यानि पुनः शंसति तद्विष्वङ्मिथुनं तुर्दश च॥ [११]

सुवर्गाय यद्वाक्षिणानि समिष्टयजूंष्यवभृथयजूंषि स्फ्येन प्रजापतिरेकादशिनीमिन्द्रः पत्निया घ्नन्ति देवा वा इन्द्रियं देवा वा अदाभ्ये देवा वै प्रबाहुं प्रजापतिर्देवेभ्यः स रिरिचानः षोडशधैकादश॥ [१२] सुवर्गाय यजति प्रजाः सौम्येन गृहीयात्प्रत्यञ्चं गृहीयात्प्रजां पशुन्निचत्वारिंशत्॥ 43॥ सुवर्गाय वज्रस्य रूपं समृद्धौ॥

## ॥षष्ठमः प्रश्नः॥

॥तैत्तिरीयसंहितायां षष्ठमकाण्डे षष्ठमः प्रश्नः॥

सुवर्गाय वा एतानि लोकाय हूयन्ते यद्वाक्षिणानि द्वाभ्यां गार्हपत्ये जुहोति द्विपाद्यजमानः प्रतिष्ठित्या आग्नीध्रे जुहोत्यन्तरिक्ष एवा क्रमते सदाऽयैति सुवर्गमेवेनं लोकं गमयति सौरीभ्यामुग्भ्यां गार्हपत्ये जुहोत्यमुमेवेनं लोकं समारोहयति नयंवत्यर्चाग्नीध्रे जुहोति सुवर्गस्य लोकस्याभिनीत्यै दिवं गच्छ सुवं पतेति हिरण्यम् (१)

हुत्वोर्द्वह्नाति सुवर्गमेवेनं लोकङ्गमयति रूपेण वो रूपमभ्यैमीत्याह रूपेण ह्यासां रूपमभ्यैति यद्विरण्येन तुथो वो विश्ववेदा वि भंजत्वित्याह तुथो हं स्म वै विश्ववेदा देवानां दक्षिणा वि भंजति तेनेवेना वि भंजत्येतत् अग्ने राधः (२)

ऐति सोमच्युतमित्याह सोमच्युतं ह्यस्य राध ऐति तन्मित्रस्य पथा नयेत्याह शान्त्या ऋतस्य पथा प्रेतं चन्द्रदक्षिणा इत्याह सत्यं वा ऋतं सत्येनेवेना ऋतेन वि भंजति यज्ञस्य पथा सुविता

नयन्तीरित्याह यज्ञस्य ह्येताः पृथा यन्ति यदक्षिणा ब्राह्मणमुद्य राध्यासम् (३)

ऋषिर्मारपेयमित्याहेष वै ब्राह्मण ऋषिरारपेयो यः शुश्रुवान्तस्मादेवमाहु वि सुवः पश्य व्यन्तरिक्षमित्याह सुवर्गमेवेन लोकं गमयति यतस्व सदस्यैरित्याह मित्रत्वायास्मद्भ्रात्रा देवत्रा गच्छत मधुमतीः प्र दातारमा विशतेत्याह वयमिह प्रदातारः स्मोऽस्मानमुत्र मधुमतीरा विशतेति (४)

वावेतदाह हिरण्यं ददाति ज्योतिर्वै हिरण्यं ज्योतिरेव पुरस्ताद्धते सुवर्गस्य लोकस्यानुख्यात्या अग्नीधे ददात्यग्निमुखानेवत्प्रीणाति ब्रह्मणं ददाति प्रसूत्यै होत्रे ददात्यात्मा वा एष यज्ञस्य यद्धोतात्मानमेव यज्ञस्य दक्षिणाभिः समर्धयति॥ (५)

हिरण्यं५ राधो राध्यासममुत्र मधुमतीरा विशतेत्यष्टात्रिंशच्च॥\_\_\_\_\_ [१]

समिष्टयजूंषि जुहोति यज्ञस्य समिष्टे यद्वै यज्ञस्यं कूरं यद्विलिष्टं यदत्येति यन्नात्येति यदतिकरोति यन्नापि करोति तदेव तैः प्रीणाति नवं जुहोति नवं वै पुरुषे प्राणाः पुरुषेण यज्ञः सम्मितो यावानेव यज्ञस्तम्प्रीणाति षड्गमियाणि जुहोति षड्वा ऋतवं ऋतूनेव प्रीणाति त्रीणि यजूंषि (६)

त्रयं इमे लोका इमानेव लोकान्प्रीणाति यज्ञं यज्ञं गच्छ यज्ञपतिं गच्छेत्याह यज्ञपतिमेवेन गमयति स्वां योनिं गच्छेत्याह स्वामेवेन योनिं गमयत्येष तै यज्ञो यज्ञपते सहसूक्तवाकः सुवीर इत्याह यजमान एव वीर्यं दधाति वासिष्ठो हं सात्यहव्यो देवभाग्यप्रच्छ यथ्मृञ्ज्यान्बहुयाजिनोऽयीयजो यज्ञे (७)

यज्ञम्रयन्तिष्ठिपा(३)यज्ञपता(३)विति स हांवाच यज्ञपताविति सत्याद्वै मृञ्ज्याः परां बभूवुरिति होवाच यज्ञे वाव यज्ञः प्रतिष्ठाप्यं आसीद्यजमानस्यापराभावायेति देवां गातुविदो गातुं वित्त्वा गातुमितेत्याह यज्ञ एव यज्ञं प्रतिं ष्ठापयति यजमानस्यापराभावाय॥ (८)

यजूंषि यज्ञ एकचत्वारिंशच्च॥\_\_\_\_\_ [२]

अवभृथयजूंषि जुहोति यदेवावाचीनमेकहायनादेनः करोति तदेव तैरवं यजतेऽप्यवभृथमवैत्यप्सु वै वरुणः साक्षादेव वरुणमवं यजते वर्त्मना वा अन्वित्यं यज्ञं रक्षांसि जिघांसन्ति साम्नां प्रस्तोतान्ववैति साम्नां वै रक्षोहा रक्षसामपंहत्ये त्रिनिधनुमुपैति त्रयं इमे लोका एभ्य एव लोकेभ्यो रक्षांसि (९)

अपं हन्ति पुरुषःपुरुषो निधनुमुपैति पुरुषःपुरुषो हि रक्षस्वी रक्षसामपंहत्या उरुं हि राजा वरुणश्चकारेत्याह प्रतिष्ठित्ये शतं तै राजन्मिषजः सहस्रमित्याह भेषजमेवास्मै करोत्यभिष्ठितो वरुणस्य पाश इत्याह वरुणपाशमेवाभि तिष्ठति ब्रह्मि जुहोत्याहुतीनां प्रतिष्ठित्या अथो अग्निवत्येव जुहोत्यपंब्रह्मिः प्रयाजान् (१०)

यजति प्रजा वै ब्रह्मिः प्रजा एव वरुणपाशान्मुञ्चत्याज्यभागौ यजति यज्ञस्यैव चक्षुषी नान्तरैति वरुणं यजति वरुणपाशादेवेनमुञ्चत्यग्नीवरुणौ यजति साक्षादेवेन वरुणपाशान्मुञ्चत्यपंब्रह्मिपावनूयाजौ यजति प्रजा वै ब्रह्मिः प्रजा एव वरुणपाशान्मुञ्चति चतुरः प्रयाजान् यजति द्वावनूयाजौ षट्सप्तम्यन्ते षड्वा ऋतवः (११)

ऋतुष्वेव प्रति तिष्ठत्यवभृथ निचङ्कुणेत्याह यथोदितमेव वरुणमवं यजते समुद्रे ते हृदयमप्स्वन्तरित्याह

समुद्रे ह्यन्तर्वरुणः सं त्वां विशन्त्वोपधीरुताप इत्याहाद्विरेवैनमोपधीभिः सम्यञ्च दधाति देवीराप एष वो गर्भ इत्याह यथायजुरेवैतत्पशवो वै (१२)

सोमो यद्विन्दूनाम्भक्षयैत्पशुमाभ्य्याद्वरुणस्त्वेन गृहीयाद्यन्न भक्षयेदपशुः स्यान्नैनं वरुणो गृहीयादुपस्पृश्यमेव पशुमान्भवति नैनं वरुणो गृह्णाति प्रतियुतो वरुणस्य पाश इत्याह वरुणपाशादेव निर्मुच्यतेऽप्रतीक्षमा यन्ति वरुणस्यान्तरहित्या एधोऽस्येधिषीमहीत्याह समिधेवाग्निं नमस्यन्त उपायन्ति तेजोऽसि तेजो मयि धेहीत्याह तेज एवात्मन्थते॥ (१३)

रक्षांसि प्रयाजानृतवो वै नमस्यन्तो द्वादश च॥ [३]

स्फेन वेदिमुद्धन्ति रथाक्षेण वि मिमीते यूपम्मिनोति त्रिवृतमेव वज्रं सम्भृत्य भ्रातृव्याय प्र हरति स्तृत्यै यदन्तर्वेदि मिन्यादेवलोकमभि जयेद्यद्वेदिर्वेदि मनुष्यलोकं वैद्यन्तस्य संधौ मिनोत्युभयौलोकयोरभिजित्या उपरसमितामिन्यात्पितृलोककामस्य रशनसमितामन्युष्यलोककामस्य च्वापलसमितामिन्द्रियकामस्य सर्वाभ्युमान्प्रतिष्ठाकामस्य ये त्रयो मध्यमास्तान्युमान्युष्यकामस्येतान वै (१४)

अनु पशव उप तिष्ठन्ते पशुमानेव भवति व्यतिपजेदितरान्नजयेवैनमपशुभिर्व्यतिपजति यं कामयेत प्रमारुणः स्यादिति गर्तमितं तस्य मिन्यादुत्तरार्थं वर्षिष्ठमथ हसीयासमेपा वै गर्तमिद्यस्यैवम्मिनोति ताजकप्र मीयते दक्षिणार्थं वर्षिष्ठम्मिन्याध्ववर्गकामस्याथ हसीयासमाक्रमणमेव तथ्मेतु यजमानः कुरुते सुवर्गस्य लोकस्य समष्टौ (१५)

यदेकस्मिन् यूपे द्वे रशने परिव्ययति तस्मादेको द्वे जाये विन्दते यत्रैका रशनां द्वयोर्यूपयोः परिव्ययति तस्मान्नैका द्वौ पती विन्दते यं कामयेत स्यस्य जायेतेत्युपान्ते तस्य व्यतिपजेथ्यैवास्य जायते यं कामयेत पुमानस्य जायेतेत्यान्तं तस्य प्र वैष्टयेत्पुमानेवास्यं (१६)

जायतेऽसुरा वै देवान्दक्षिणत उपानयन्तां देवा उपशयेनैवापानुदन्त तदुपशयस्योपशयत्वं यदक्षिणत उपशय उपशये भ्रातृव्यापनुत्यै सर्वे वा अन्ये यूपाः पशुमन्तोऽथोपशय एवापशुस्तस्य यजमानः पशुर्यत्र निर्दिशेदार्तिमाच्छेद्यजमानोऽसौ तं पशुरिति निर्दिशेद्यं द्विष्याद्यमेव (१७)

द्वेष्टि तमस्मै पशुं निर्दिशति यदि न द्विष्यादाखुस्तं पशुरिति ब्रूयात्र ग्राम्यान्पशून् हिनस्ति नारण्यान्प्रापतिः प्रजा असृजत सौऽन्नाद्येन व्यार्थ्यत स एतामेकादशिनीमपश्यत्तया वै सौऽन्नाद्यमवारुद्ध यदश यूपा भवन्ति दशाक्षरा विराडन्नं विराड्विराजैवाद्याद्यमव रुद्धे (१८)

य एकादशः स्तन एवास्यै स दुह एवैनां तेन वज्रो वा एषा सम्मीयते यदेकादशिनी सेश्वरा पुरस्तात्प्रत्यञ्च यज्ञं सम्मर्दितोर्यत्प्राणीवत्तम्मिनोति यज्ञस्य प्रत्युत्तब्ध्यै सयत्वायं॥ (१९)

वै समष्टौ पुमानेवास्य यमेव रुन्धे त्रिंशच्च॥ [४]

प्रजापतिः प्रजा असृजत स रिरिचानोऽमन्यत स एतामेकादशिनीमपश्यत्तया वै स आयुरिन्द्रियं वीर्यमात्मन्नेधत प्रजा इव खलु वा एष सृजते यो यजते स एतर्हि रिरिचान इव यदेपैकादशिनी



भवत्यायुरेव तयैन्द्रियं वीर्यं यजमान आत्मन्धत्ते प्रैवाग्नेयेन वापयति मिथुनं सारस्वत्या करोति रेतः (२०)

सौम्येन दधाति प्र जंनयति पौष्णेन बारहस्पत्यो भवति ब्रह्म वै देवानाम्बृहस्पतिर्ब्रह्मणैवासमै प्रजाः प्र जंनयति वैश्वदेवो भवति वैश्वदेव्यां वै प्रजाः प्रजा एवासमै प्र जंनयतीन्द्रियमेवेन्द्रणावरुद्धे विशंममारुतेनोजो बलमेन्द्राग्नेन प्रसवायं सावित्रो निर्वरुणत्वाय वारुणो मध्यत ऐन्द्रमा लभते मध्यत एवेन्द्रियं यजमाने दधाति (२१)

पुरस्तादैन्द्रस्य वैश्वदेवमालभते वैश्वदेवं वा अन्नमन्नमेव पुरस्ताद्धते तस्मात्पुरस्तादन्नमद्यत ऐन्द्रमालभ्यं मारुतमा लभते विद्वै मरुतो विशमेवास्मा अनु बध्नाति यदि कामयेत योऽवंगतः सोऽपं रुध्यतां योऽपंरुद्धः सोऽवं गच्छत्वित्यैन्द्रस्य लोके वारुणमा लभेत वारुणस्य लोक ऐन्द्रम् (२२)

य एवावंगतः सोऽपं रुध्यते योऽपंरुद्धः सोऽवं गच्छति यदि कामयेत प्रजा मुद्घेयुरिति पशून्व्यतिषजेज्जजा एव मोहयति यदभिवाहृतोऽपां वारुणमालभेत प्रजा वरुणो गृहीयादक्षिणत उदंश्चमा लभतेऽपवाहृतोऽपां प्रजानामवरुणग्राहाय। (२३)

रेतो यजमाने दधाति लोक ऐन्द्रं सप्तत्रिंशच्च॥ [५]

इन्द्रः पत्न्या मनुमयाजयत्तां पर्याग्निकृतामुदंसृजत्तया मनुराध्नोद्यत्यर्ग्निकृतम्पालीवतमुंश्रुजति यामेव मनुरऋद्धिमाध्नोत्तामेव यजमान ऋध्नोति यज्ञस्य वा अप्रतिष्ठिताद्यज्ञः परा भवति यज्ञं पराभवन्तं यजमानोऽनु परा भवति यदाज्येन पालीवतं संस्थापयति यज्ञस्य प्रतिष्ठित्यै यज्ञमप्रतिष्ठितं यजमानोऽनु प्रति तिष्ठतीष्टं वपया (२४)

भवत्यनिष्टं वशयाथं पालीवतेन प्र चरति तीर्थ एव प्र चरत्यथो एतर्ह्येवास्य यामस्त्वाध्रो भवति त्वष्टा वै रेतसः सिक्तस्य रूपाणि वि करोति तमेव वृषाणम्पलीवपि सृजति सौऽस्मै रूपाणि वि करोति॥ (२५)

वपया षट्त्रिंशच्च॥ [६]

घ्नन्ति वा एतश्चोमं यदभिपुण्वन्ति यथसौम्यो भवति यथा मृतायानुस्तरणीं घ्नन्ति तादृगेव तद्यदुत्तरार्धे वा मध्ये वा जुहुयाद्देवताभ्यः समदं दध्यादक्षिणार्धे जुहोत्येषा वै पितृणां दिग्ख्यायामेव दिशि पितृन्निरवदयत उद्गातृभ्यो हरन्ति सामदेवत्यो वै सौम्यो यदेव सामंश्छम्बद्धुर्वन्ति तस्यैव स शान्तिरव (२६)

ईक्षन्ते पवित्रं वै सौम्य आत्मानमेव पंवयन्ते य आत्मानं न परिपश्येदित्तसुः स्यादभिददि कृत्वावैक्षेत तस्मिन् ह्यात्मानं परिपश्यत्यथो आत्मानमेव पंवयते यो गतमनाः स्यात्सोऽवैक्षेत यन्मे मनः परांगतं यद्वा मे अपरागतम्। राज्ञा सोमैः तद्वयमस्मासुं धारयामसीति मन एवात्मन्दाधार (२७)

न गतमना भवत्यप वै तृतीयसवने यज्ञः क्रामतीजानादनीजानमभ्याग्नावैष्णव्यर्चा घृतस्य यजत्यग्निः सर्वा देवता विष्णुर्यज्ञो देवताश्चैव यज्ञं च दाधरोपांशु यंजति मिथुनत्वाय ब्रह्मवादिनां वदन्ति मित्रो यज्ञस्य स्विष्टं युवते वरुणो दुरिष्टं कं तर्हि यज्ञः कं यजमानो भवतीति यन्मित्रावरुणां वशामालभते मित्रेणैव (२८)

यज्ञस्य स्विष्ट॑ शमयति वरुणेन दुरिष्टं नार्तिमाच्छति यजमानो यथा वै लाङ्गलेनोर्वरा॑  
प्रभिन्दन्त्येवमृक्षामे यज्ञम् भिन्तो यन्मैत्रावरुणी॑ वशामालभते यज्ञायैव प्रभिन्नाय मृत्यमन्ववर्षस्यति शान्त्यै  
यातयामानि वा एतस्य छन्दा॑सि य ईजानश्छन्दसामेष रसो यदृशा यन्मैत्रावरुणी॑ वशामालभते छन्दा॑स्येव  
पुनरा प्रीणात्ययांतयामत्वायाथो छन्दःस्वेव रसं दधाति॥ (२९)

अवं दाधार मित्रेणैव प्रीणाति षट्॥ [७]

देवा वा इन्द्रियं वीर्यं १ व्यंभजन्त ततो यदत्यशिष्यत तदतिग्राह्यां अभवन्तदतिग्राह्याणामतिग्राह्यत्वं  
यदतिग्राह्यां गृह्यन्त इन्द्रियमेव तद्वीर्यं यजमान आत्मन्धते तेजं आग्नेयेनैन्द्रियमैन्द्रेण ब्रह्मवर्चस॑ सौर्येणोपस्तम्भन्  
वा एतद्यज्ञस्य यदतिग्राह्यांश्चक्रे पृष्ठानि यत्पृष्ठे न गृह्णीयात्प्राञ्चं यज्ञं पृष्ठानि स॑ शृणीयुर्यदुक्त्यै (३०)

गृह्णीयात्प्राञ्चं यज्ञमतिग्राह्याः स॑ शृणीयुर्विश्वजिति सर्वपृष्ठे ग्रहीतव्यां यज्ञस्यं सवीर्यत्वाय  
प्रजापतिर्देवेभ्यो यज्ञान्यादिशुश्रूष प्रियास्तनूरप न्यधत्त तदतिग्राह्यां अभवन्तिनुस्तस्यं यज्ञ इत्याहुयस्यातिग्राह्यां  
न गृह्यन्त इत्यप्यग्निष्टोमे ग्रहीतव्यां यज्ञस्यं सतनुत्वाय देवता वै सर्वाः सदृशीरासन्ता न व्यावृत्तमगच्छन्ते  
देवाः (३१)

एत एतान्ग्रहानपश्यन्तान्गृह्णीताग्नेयमग्निरेन्द्रमिन्द्रः सौर्य॑ सूर्यस्ततो वै तैऽन्याभिर्देवताभिर्व्यावृत्तमगच्छन्  
यस्यैवं विदुषं एते ग्रहां गृह्यन्त व्यावृत्तमेव पाप्मना भ्रातृव्येण गच्छतीमे लोका ज्योतिष्मन्तः समावद्दीर्याः  
कार्या इत्याहुराग्नेयेनास्मिन्नैके ज्योतिर्धत्त ऐन्द्रेणान्तरिक्षं इन्द्रवायू हि सयुजौ सौर्येणामुष्मिन्नैके (३२)

ज्योतिर्धत्ते ज्योतिष्मन्तोऽस्मा इमे लोका भवन्ति समावद्दीर्यानेनान्कुरुत एतान् वै  
ग्रहान्ब्रूवाविश्ववयसाववित्तम् ताभ्यामिमे लोकाः परांश्चक्ष्वावाञ्चश्च प्राभुर्यस्यैवं विदुषं एते ग्रहां गृह्यन्ते प्रास्मा  
इमे लोकाः परांश्चक्ष्वावाञ्चश्च भान्ति॥ (३३)

उक्त्यै देवा अमुष्मिन्नैक एकात्रचत्वारि॑शच्च॥ [८]

देवा वै यद्यज्ञेऽकुर्वन्त तदसुरा अकुर्वन्त ते देवा अदा॑भ्ये छन्दा॑सि सर्वनानि समंस्थापयन्ततो  
देवा अभवन्मरासुरा यस्यैवं विदुषोऽदा॑भ्यो गृह्यन्ते भवत्यात्मना परांस्य भ्रातृव्यो भवति यद्वै देवा  
असुरानदा॑भ्येनदभ्रवन्तददा॑भ्यस्यादाभ्यत्वं य एवं वेद दभ्रोत्येव भ्रातृव्यं नैनम्भ्रातृव्यो दभ्रोति (३४)

एषा वै प्रजापतेरतिमोक्षिणी नाम तनूर्यददा॑भ्य उपनद्धस्य गृह्णीत्यतिमुक्त्या अति पाप्मानम्भ्रातृव्यमुच्यते  
य एवं वेद प्रन्ति वा एतथ्सोमं यदभिपुण्वन्ति सोमं हन्यमाने यज्ञो हन्यते यज्ञे यजमानो ब्रह्मवादिनो  
वदन्ति किं तद्यज्ञे यजमानः कुरुते येन जीवन्त्सुवर्गं लोकमेतीति जीवग्रहो वा एष यददा॑भ्योऽनभिषुतस्य  
गृह्णीति जीवन्तमेवेन॑ सुवर्गं लोकं गमयति वि वा एतद्यज्ञं छिन्दन्ति यददा॑भ्ये स॑स्थापयन्त्य॑शूनपि  
सृजति यज्ञस्य सन्तत्यै॥ (३५)

दभ्रोत्यनभिषुतस्य गृह्णीत्येकात्रवि॑शतिश्च॥ [९]

देवा वै प्रवाहुग्रहान्गृह्यन्त स एतं प्रजापतिर॑शुमपश्यत्तमंगृह्णीत तेन वै स आ॑भ्रोद्यस्यैवं विदुषो-

ऽशुर्गृह्यतं ऋध्नोत्येव सकृदभिषुतस्य गृह्णाति सकृद्धि स तेनाभ्रोन्मनसा गृह्णाति मन इव हि प्रजापतिः प्रजापतेरास्या औदुम्बरेण गृह्णात्यूर्वा उदुम्बर ऊर्जमेवाव रुद्धे चतुःश्रक्ति भवति दिक्षु (३६)

एव प्रति तिष्ठति यो वा अशोरायतनं वेदायतनवान्भवति वामदेव्यमिति साम तद्वा अस्यायतनम्मनसा गायमानो गृह्णात्यायतनवानेव भवति यदध्वर्युरशु गृह्णार्थयेदुभाभ्यां नर्धेताध्वर्यवे च यजमानाय च यदध्वर्ययेदुभाभ्यामध्यातनवानं गृह्णाति सेवास्यद्विरहरण्यमभि व्यनित्यमृतं वै हिरण्यमायुः प्राण आयुषैवामृतमभि धिनोति शतमानम्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठति॥ (३७)

दिक्ष्वनिति वि०शतिश्च॥ [१०]

प्रजापतिर्देवेभ्यो यज्ञान्व्यादिशथ्स रिरिचानोऽमन्यत स यज्ञानां षोडशधेन्द्रियं वीर्यमात्मानमभि समक्खिदत् तथोडशयंभवन्न वै षोडशी नाम यज्ञोऽस्ति यद्वाव षोडशः स्तोत्रं षोडशः शस्त्रं तेन षोडशी तथोडशिनः षोडशित्वं यथोडशी गृह्यत इन्द्रियमेव तद्वीर्यं यजमान आत्मन्धत्ते देवेभ्यो वै सुवर्गो लोकः (३८)

न प्राभ्वत् एतं षोडशिनमपश्यन्तमगृह्यत ततो वै तेभ्यः सुवर्गो लोकः प्राभवद्यथोडशी गृह्यते सुवर्गस्य लोकस्याभिजित्या इन्द्रो वै देवानामानुजावर आसीथ्स प्रजापतिमुपाधावत्तस्मा एतं षोडशिनमप्रायच्छत्तमगृह्यत ततो वै सोऽग्रं देवतानां पर्येद्यस्यैवं विदुषः षोडशी गृह्यते (३९)

अग्रमेव संमानानां पर्यति प्रातःसवने गृह्णाति वज्रो वै षोडशी वज्रः प्रातःसवनं स्वादेवैनं योनेर्निगृह्णाति सवनेसवनेऽभि गृह्णाति सवनाथ्सवनादेवैनमप्र जनयति तृतीयसवने पशुकामस्य गृहीयाद्वज्रो वै षोडशी पशवंस्तृतीयसवनं वज्रैणैवासमै तृतीयसवनात्पशूनं रुद्धे नोक्थ्ये गृहीयात्प्रजा वै पशवं उक्थानि यदुक्थ्ये (४०)

गृहीयात्प्रजां पशूनस्य निर्देहेदतिरात्रे पशुकामस्य गृहीयाद्वज्रो वै षोडशी वज्रैणैवासमै पशूनवरुध्य रात्रिपोरिष्टाच्छमयत्यप्यग्निष्टोमे राजन्यस्य गृहीयाद्यावृत्कामो हि राजन्यो यजते साह एवासमै वज्रं गृह्णाति स एनं वज्रो भूत्या इन्द्रे निर्वो दहत्येकविंशः स्तोत्रम्भवति प्रतिष्ठित्यै हरिवच्छस्यत इन्द्रस्य प्रियं धाम (४१)

उपप्राति कर्नीयासि वै देवेषु छन्दाः स्यासञ्ज्यायाः स्यसुरेषु ते देवाः कर्नीयसा छन्दसा ज्यायश्छन्दोऽभि व्यंशः सन्ततो वै तेऽसुराणां लोकमवृज्जत यत्कर्नीयसा छन्दसा ज्यायश्छन्दोऽभि विशंसति भ्रातृव्यस्यैव तल्लोकं वृद्धे षडक्षराण्यति रेचयन्ति षड्वा ऋतवं ऋतूनेव प्रीणाति चत्वारि पूर्वाण्यवं कल्पयन्ति (४२)

चतुष्पद एव पशूनं रुद्धे द्वे उत्तरे द्विपद एवाव रुद्धेऽनुष्टुभमभि सम्पादयन्ति वाग्वा अनुष्टुप्समात्राणानां वागुत्तमा संमयाविषिते सूर्ये षोडशिनः स्तोत्रमुपाकरोत्येतस्मिन्वै लोक इन्द्रो वृत्रमहन्त्याक्षादेव वज्रम्रातृव्याय प्र हरत्यरुणपिशङ्गोऽश्वो दक्षिणेतद्वै वज्रस्य रूपं समृद्धौ (४३)

लोको विदुषः षोडशी गृह्यते यदुक्थ्ये धाम कल्पयन्ति

सप्तचत्वारिंशच्च॥

[११]

## ॥ काण्डम् ७ ॥

### ॥ प्रथमः प्रश्नः ॥

॥ तैत्तिरीयसंहितायां सप्तमकाण्डे प्रथमः प्रश्नः ॥

प्रजननं ज्योतिरग्निर्देवतानां ज्योतिर्विराट्पुनर्दंसां ज्योतिर्विराट्पाचोऽग्नौ सं तिष्ठते विराजन्मभि सम्पद्यते तस्मात्तज्ज्योतिरुच्यते द्वौ स्तोमौ प्रातःसवनं बहते यथा प्राणश्चापानश्च द्वौ माध्यन्दिनश्च सवनं यथा चक्षुश्च श्रोत्रं च द्वौ तृतीयसवनं यथा वाक् प्रतिष्ठा च पुरुषसम्मिता वा एष यज्ञोऽस्थूरिः (१)

यं कामं कामयते तमेतेनाभ्यश्नुते सर्वं ह्यस्थूरिणाभ्यश्नुतेऽग्निष्टोमेन वै प्रजापतिः प्रजा अंसृजत ता अग्निष्टोमेनैव पर्यगृह्णात्तासां परिगृहीतानामश्वतरोऽत्यप्रवत तस्यानुहाय रेत आदत्त तद्रदभे न्यमाद्वस्माद्रदभो द्विरेता अथो आहुर्वडबायां न्यमार्डिति तस्माद्वडबा द्विरेता अथो आहुरोषधीषु (२)

न्यमार्डिति तस्मादोषधीषुऽन्यभ्यता रेभन्त्यथो आहुः प्रजासु न्यमार्डिति तस्माद्यमौ जायेते तस्मादश्वतरो न प्र जायत आत्तरेता हि तस्माद्वरहिष्यनवक्लृप्तः सर्ववेदसे वा सहस्रे वावक्लृप्तोऽति ह्यप्रवत य एवं विद्वानग्निष्टोमेन यजते प्राजाताः प्रजा जनयति परि प्रजाता गृह्णाति तस्मादाहुर्ज्येष्ठयज्ञ इति (३)

प्रजापतिर्वाव ज्येष्ठः स ह्येतेनाग्रेऽयं जत प्रजापतिरकामयत प्र जायेयेति स मुखतस्त्रिवृतं निरमिमित तमग्निर्देवतान्वंसृज्यत गायत्री छन्दो रथन्तरं सामं ब्राह्मणो मनुष्याणामजः पशूनान्तस्मात्ते मुख्या मुखतो ह्यंसृज्यन्तोऽरसो बाहुभ्यां पञ्चदशं निरमिमित तमिन्द्रो देवतान्वंसृज्यत त्रिष्टुप्छन्दो बृहत् (४)

सामं राजन्यो मनुष्याणामविः पशूनान्तस्मात्ते वीर्यावन्तो वीर्याद्वंसृज्यन्त मध्यतः सप्तदशं निरमिमित तं विश्वे देवा देवता अन्वंसृज्यन्त जगती छन्दो वैरूपं सामं वैश्यो मनुष्याणां गावः पशूनान्तस्मात्ता आद्या अन्नधानाद्वंसृज्यन्त तस्माद्व्यासोऽन्येभ्यो भूर्यिष्टा हि देवता अन्वंसृज्यन्त पत एकविंशं निरमिमित तमनुष्टुप्छन्दः [5]

अन्वंसृज्यत वैराजं सामं शूद्रो मनुष्याणामश्वः पशूनान्तस्मात्तौ भूतसङ्क्रामिणावश्वं शूद्रश्च तस्माच्छूद्रो यज्ञेऽनवक्लृप्तो न हि देवता अन्वंसृज्यत तस्मात्पादावुप जीवतः पुतो ह्यंसृज्येतां प्राणा वै त्रिवर्धमासाः पञ्चदशः प्रजापतिः सप्तदशश्चयं इमे लोका असावादित्य एकविंश एतस्मिन्वा एते श्रिता एतस्मिन्प्रतिष्ठिता य एवं वेदेतस्मिन्नेव श्रयत एतस्मिन्प्रति तिष्ठति॥ (६)

अस्थूरिरोषधीषु ज्येष्ठयज्ञ इति बृहदनुष्टुप्छन्दः प्रतिष्ठिता नव च॥ [१]

प्रातःसुवने वै गांयत्रेण छन्दसा त्रिवृते स्तोमांय ज्योतिर्दधेदिति त्रिवृतां ब्रह्मवर्चसेन पञ्चदशाय ज्योतिर्दधेदिति पञ्चदशेनौजंसा वीर्येण सप्तदशाय ज्योतिर्दधेदिति सप्तदशेन प्राजापत्येन प्रजननेनैकविंशाय ज्योतिर्दधेदिति स्तोमं एव तथ्स्तोमांय ज्योतिर्दधेदित्यथो स्तोमं एव स्तोममभि प्र णयति यावन्तो वै स्तोमास्तावन्तः कामास्तावन्तो लोकास्तावन्ति ज्योतींश्च्येतावन्त एव स्तोमानेतावन्तः कामानेतावन्तो लोकानेतावन्ति ज्योतींश्च्येतावन्त रुद्धे॥ (७)

तावन्तो लोकास्त्रयोदश च॥ [२]

ब्रह्मवादिनो वदन्ति स त्वे यजेत योऽग्निष्टोमेन यजमानोऽथ सर्वस्तोमेन यजेतेति यस्य त्रिवृतमन्तर्यन्ति प्राणाश्स्तस्यान्तर्यन्ति प्राणेषु मेऽप्यसदिति खलु वै यजेन् यजमानो यजते यस्य पञ्चदशमन्तर्यन्ति वीर्यं तस्यान्तर्यन्ति वीर्यं मेऽप्यसदिति खलु वै यजेन् यजमानो यजते यस्य सप्तदशमन्तर्यन्ति (८)

प्रजां तस्यान्तर्यन्ति प्रजायाम्मेऽप्यसदिति खलु वै यजेन् यजमानो यजते यस्यैकविंशमन्तर्यन्ति प्रतिष्ठां तस्यान्तर्यन्ति प्रतिष्ठायाम्मेऽप्यसदिति खलु वै यजेन् यजमानो यजते यस्य त्रिणवमन्तर्यन्त्यृतूश्च तस्य नक्षत्रियां च विराजमन्तर्यन्त्यृतुषु मेऽप्यसन्नक्षत्रियां च विराजीति (९)

खलु वै यजेन् यजमानो यजते यस्य त्रयस्त्रिंशमन्तर्यन्ति देवतास्तस्यान्तर्यन्ति देवतासु मेऽप्यसदिति खलु वै यजेन् यजमानो यजते यो वै स्तोमानामवमं परमतां गच्छन्तं वेदं परमतामेव गच्छति त्रिवृद्वे स्तोमानामवमस्त्रिवृत्परमो य एव वेदं परमतामेव गच्छति॥ (१०)

सप्तदशमन्तर्यन्ति विराजीति चतुश्चत्वारिंशच्च॥ [३]

अङ्गिरसो वै सत्रमांसत ते सुवर्गं लोकमायन्तेपां हविष्मांश्च हविष्कृचांहीयेतान्तावकामयेतां सुवर्गं लोकमियावेति तावेतं द्विरात्रमपश्यतान्तमाहंरतान्तेनायजेतान्ततो वै तौ सुवर्गं लोकमैतां य एव विद्वान्द्विरात्रेण यजते सुवर्गमेव लोकमैति तावेताम्पूर्वेणाऽह्नाऽगच्छतामुत्तरेण (११)

अभिष्टुवः पूर्वमहर्भवति गतिरुत्तरं ज्योतिष्टोमोऽग्निष्टोमः पूर्वमहर्भवति तेजस्तेनाव रुद्धे सर्वस्तोमोऽतिरात्र उत्तरं सर्वस्याप्ये सर्वस्यावरुद्धे गायत्रम्पूर्वहन्स्यामं भवति तेजो वै गांयत्री गांयत्री ब्रह्मवर्चसं तेज एव ब्रह्मवर्चसमात्मन्थते त्रैष्टुभमुत्तरं ओजो वै वीर्यं त्रिष्टुगोज एव वीर्यमात्मन्थते रथन्तरम्पूर्वं (१२)

अहन्स्यामं भवतीयं वै रथन्तरमस्यामेव प्रति तिष्ठति बृहदुत्तरेऽसौ वै बृहदमुष्यामेव प्रति तिष्ठति तदाहुः कं जगती चानुष्टुप्चेति वैखानसम्पूर्वहन्स्यामं भवति तेन जगत्यै नैति षोडश्युत्तरे तेनानुष्टुभोऽथाहुर्यथ्समानेऽधमासे स्यातामन्यतरस्याहो वीर्यमनु पद्यतेत्यमावास्यायाम्पूर्वमहर्भवत्युत्तरस्मिन्नुत्तरत्रानेवार्धमासयोर्भवतो नानावीर्यं भवतो हविष्मन्निधनम्पूर्वमहर्भवति हविष्कृन्निधनमुत्तरं प्रतिष्ठित्यै॥ (१३)

उत्तरेण रथन्तरम्पूर्वेऽन्वेकविंशतिश्च॥ [४]

आपो वा इदमग्रे सलिलमासीत्तस्मिन्प्रजापतिर्वायुर्भूत्वाचरत्स इमामपश्यत्तां वराहो भूत्वाहंरत्तां

विश्वकर्मा भूत्वा व्यंमाट्स्त्राप्रथत् सा पृथिव्यंभवत्तत्पृथिव्यै पृथिवित्वन्तस्यामश्राम्यत्प्रजापतिः स देवान्सृजत् वसून्नुद्रानादित्यान्ते देवाः प्रजापतिमब्रुवन्प्र जायामहा इति सौऽब्रवीत् (१४)

यथाहं युष्माश्स्तपसासृक्ष्येवं तपसि प्रजननमिच्छध्वमिति तेभ्योऽग्निमायतनम्प्रायच्छदेतेनायतनेन श्राम्यतेति तैऽग्निनायतनेनाश्राम्यन्ते संवत्सर एकां गाम्सृजन्त तां वसुभ्यो रुद्रेभ्य आदित्येभ्यः प्रायच्छन्नेतां रक्षध्वमिति तां वसवो रुद्रा आदित्या अंरक्षन्त सा वसुभ्यो रुद्रेभ्य आदित्येभ्यः प्राजायत् त्रीणि च (१५)

शतानि त्रयस्त्रिंशत् चाथ सैव संहस्रतम्यंभवत्ते देवाः प्रजापतिमब्रुवन्सहस्रेण नो याजयेति सौऽग्निष्टोमेन वसूनयाजयत् इमं लोकमजयन्तच्चाददुः स उक्थ्येन रुद्रानयाजयत्तैऽन्तरिक्षमजयन्तच्चाददुः सौऽतिरात्रेणादित्यानयाजयत्तैऽमुं लोकमजयन्तच्चाददुस्तदन्तरिक्षम् (१६)

व्यवैर्यत् तस्माद्बुद्धा घातुका अनायतना हि तस्मादाहुः शिथिलं वै मध्यममहंस्त्रिरात्रस्य वि हि तदवैर्यतेति त्रैष्टुभमध्यमस्याह्वा आज्यंभवति संयानानि सूक्तानि शंसति षोडशिनं शंसत्यहो धृत्या अशिथिलम्भावाय तस्मात्त्रिरात्रस्याग्निष्टोम एव प्रथममहः स्यादथोक्थ्योऽथातिरात्र एषां लोकानां विधृत्यै त्रीणित्रीणि शतान्यनूचीनाहमव्यवच्छिन्नानि ददाति (१७)

एषां लोकानामनु सन्तत्यै दशत् न विच्छिन्द्याद्विराजं नेद्विच्छिनदानीत्यथ या संहस्रतम्यासीत्तस्यामिन्द्रंश्च विष्णुंश्च व्यायच्छेतां स इन्द्रोऽमन्यतानया वा इदं विष्णुः सहस्रं वक्ष्यत् इति तस्यामकल्पेतां द्विभागं इन्द्रस्तृतीयं विष्णुस्तद्वा एषाभ्यनूच्यत उभा जिग्यथुरिति तां वा एतामच्छावाकः (१८)

एव शंसत्यथ या संहस्रतमी सा होत्रे देयेति होतां वा अभ्यतिरिच्यते यदतिरिच्यते होतानामस्यापयिताथारुद्रेत्रे देयेत्यतिरिक्ता वा एषा सहस्रस्यातिरिक्ता उन्नेतर्विजामथाहुः सर्वेभ्यः सदस्येभ्यो देयेत्यथारुदाकृत्या सा वशं चरेदित्यथारुद्रहणे चाग्नीधे च देयेति (१९)

द्विभागम्ब्रह्मणे तृतीयमग्नीधे ऐन्द्रो वै ब्रह्मा वैष्णवोऽग्नीधयेव तावकल्पेतामित्यथाहुर्या कल्याणी बहुरूपा सा देयेत्यथाहुर्या द्विरूपोभयतएनी सा देयेति सहस्रस्य परिगृहीत्यै तद्वा एतत्सहस्रस्यायनं सहस्रं स्तोत्रीयाः सहस्रं दक्षिणाः सहस्रं सम्मितः सुवर्गो लोकः सुवर्गस्य लोकस्याभिर्जित्यै॥ (२०)

अब्रवीच्च तदन्तरिक्षन्ददात्यच्छावाकश्च देयेति सप्तचत्वारिंशच्च॥ [५]

सोमो वै सहस्रमविन्दत्तमिन्द्रोऽन्विन्दत्तौ यमो न्यागच्छतावब्रवीदस्तु मेऽत्रापीत्यस्तु ही(३) इत्यंब्रूतां स यम एकस्यां वीर्यं पर्यपश्यदियं वा अस्य सहस्रस्य वीर्यम्विभर्तीति तावंब्रवीदियम्ममास्त्वेतद्युवयोरिति तावंब्रूतां सर्वे वा एतदेतस्यां वीर्यम् (२१)

परि पश्यामोऽश्मा हंरामहा इति तस्यामश्माहंरन्त तामप्सु प्रावंशयन्सोमायोदेहीति सा रोहिणी पिङ्गलैकहायनी रूपं कृत्वा त्रयस्त्रिंशता च त्रिभिश्च शतैः सहोदेत्साम्रोहिण्या पिङ्गलैकहायन्या सोमं क्रीणीयाद्य एवं विद्वान्रोहिण्या पिङ्गलैकहायन्या सोमं क्रीणाति त्रयस्त्रिंशता चैवास्यं त्रिभिश्च (२२)

शतैः सोमः क्रीतो भवति सुक्रीतेन यजते तामप्सु प्रावंशयन्निन्द्रायोदेहीति सा रोहिणी लक्ष्मणा

पंष्टौही वार्त्रंघ्री रूपं कृत्वा त्रयस्त्रिंशता च त्रिभिश्च शतैः सहोदैतस्माद्रोहिणीं लक्ष्मणाम्पंष्टौही वार्त्रंघ्री दद्याद्य एवं विद्वात्रोहिणीं लक्ष्मणाम्पंष्टौही वार्त्रंघ्रीं ददाति त्रयस्त्रिंशच्चैवास्य त्रीणि च शतानि सा दत्ता (२३)

भवति तामप्सु प्रावैशयन् यमायोदेहीति सा जरती मूर्खा तंजघ्न्या रूपं कृत्वा त्रयस्त्रिंशता च त्रिभिश्च शतैः सहोदैतस्माञ्जरतीम्मूर्खा तंजघ्न्यामनुस्तरणीं कुर्वीत य एवं विद्वाञ्जरतीम्मूर्खा तंजघ्न्यामनुस्तरणीं कुरुते त्रयस्त्रिंशच्चैवास्य त्रीणि च शतानि सामुष्मिल्लौके भवति वागेव सहस्रतमी तस्मात् (२४)

वरो देयः सा हि वरः सहस्रमस्य सा दत्ता भवति तस्माद्वरो न प्रतिगृह्यः सा हि वरः सहस्रमस्य प्रतिगृहीतम्भवतीयं वर इति ब्रूयादथान्याम्ब्रूयादियम्ममेति तथोस्य तत्सहस्रमप्रतिगृहीतम्भवत्युभयतएनी स्यात्तदाहुरन्यतएनी स्यात्सहस्रम्परस्तादेतमिति यैव वरः (२५)

कल्याणी रूपसंमृद्धा सा स्यात्सा हि वरः समृद्धौ तामुत्तरेणाग्नीध्रं पर्याणीयाहवनीयस्यान्तं द्रोणकलशमव घ्रापयेदा जिघ्र कलशम्मह्युराधारा पर्यस्वत्या त्वां विशन्तिवन्दवः समुद्रमिव सिन्धवः सा मां सहस्र आ भंज प्रजयां पशुभिः सह पुनर्मां विंशताद्रयिरिति प्रजयैवैनम्पशुभी रय्या सम (२६)

अर्धयति प्रजावाँन्यशुमान्रयिमान्भवति य एवं वेद तयां सहाग्नीध्रमुरेत्यं पुरस्तात्प्रतीच्यां तिष्ठन्त्यां जुहुयादुभा जिग्यथुर्न परां जयेथे न परां जिग्ये कतरश्चनैर्नोः। इन्द्रश्च विष्णो यदपस्पृधेतां त्रेधा सहस्रं वि तदैरयेथामिति त्रेधाविभक्तं वै त्रिरात्रे सहस्रं साहस्रमेवैनौ करोति सहस्रस्यैवैनौमात्राम् (२७)

करोति रूपाणि जुहोति रूपैरेवैनं समर्धयति तस्यां उपोत्थाय कर्णमा जपेदिडे रन्तेऽदिते सरस्वति प्रिये प्रेयसि महि विश्रुत्येतानि ते अग्रिये नामानि सुकृतं मा देवेषु ब्रूतादिति देवेभ्य एवैनमा वेदयत्यन्वेन देवा बुध्यन्ते॥ (२८)

एतदेतस्यां वीर्यमस्य त्रिभिश्च दत्ता सहस्रतमी तस्मादेव वरः सम्मात्रामेकात्रचत्वारिंशच्च॥ [६]

सहस्रतम्यां वै यजमानः सुवर्गं लोकमेति सैनं सुवर्गं लोकं गमयति सा मां सुवर्गं लोकं गमयेत्याह सुवर्गमेवैनं लोकं गमयति सा मां ज्योतिष्मन्तं लोकं गमयेत्याह ज्योतिष्मन्तमेवैनं लोकं गमयति सा मां सर्वाण्युष्णाल्लोकानां गमयेत्याह सर्वानेवैनमुष्णाल्लोकानां गमयति सा (२९)

मा प्रतिष्ठां गमय प्रजयां पशुभिः सह पुनर्मां विंशताद्रयिरिति प्रजयैवैनम्पशुभी रय्यां प्रतिं षापयति प्रजावाँन्यशुमान्रयिमान्भवति य एवं वेद तामग्नीधे वा ब्रह्मणे वा होत्रे वोद्गात्रे वाध्वर्यवे वा दद्यात्सहस्रमस्य सा दत्ता भवति सहस्रमस्य प्रतिगृहीतम्भवति यस्तामविद्वान् (३०)

प्रतिगृह्णाति तां प्रतिं गृह्णीयादेकांसि न सहस्रमेकां त्वा भूतां प्रतिं गृह्णामि न सहस्रमेकां मा भूता विंश मा सहस्रमित्येकामेवैनौ भूतां प्रतिं गृह्णाति न सहस्रं य एवं वेद स्योनासि सुपदा सुशेवा स्योना मा विंश सुपदा मा विंश सुशेवा मा विंश (३१)

इत्याह स्योनैवैनं सुपदां सुशेवां भूता विंशति नैनं हिनस्ति ब्रह्मवादिनो वदन्ति सहस्रं

सहस्रतम्यन्वेती(३) संहस्रतमी५ सहस्रा(३)मिति यत्प्राचींमुष्मुजेत्सहस्र५ सहस्रतम्यन्विंयात्तत्सहस्रंमप्रज्ञात्र५ सुवर्गं लोकं न प्र जानीयात्प्रीतीचोमुष्मुजति ता५ सहस्रमनु पर्यावर्तते सा प्रजान्ती सुवर्गं लोकमेति यजमानमभ्युष्मुजति क्षिप्रे सहस्रम्प जायत उत्तमा नीयते प्रथमा देवानांच्छति॥ (३२)

लोकान्गमयति सार्विद्वान्मुशेवा माविंश यजमानं द्वादश च॥ [७]

अत्रिरददादौर्वाय प्रजाम्पुत्रकामाय स रिंरिचानोऽमन्यत निर्वार्यः शिथिलो यातयामा स एतं चतूरात्रमपश्यत् तमाहर्त्तेनायजत् ततो वै तस्य चत्वारो वीरा आजायन्त सुहोता सूद्राता स्वध्वर्युः सुसंभेयो य एवं विद्वांश्चतूरात्रेण यजत् आस्यं चत्वारो वीरा जायन्ते सुहोता सूद्राता स्वध्वर्युः सुसंभेयो ये चतुर्विंशः पवमाना ब्रह्मवर्चसं तत् (३३)

य उद्यन्तः स्तोमाः श्रीः सान्निः श्रद्धादेवं यजमानं चत्वारि वीर्याणि नोपानमन्तेज इन्द्रियम्ब्रह्मवर्चसमन्नाद्य५ स एताश्चतुरश्चतुष्टोमान्श्रोमानपश्यत्तानाहर्त्तैरयजत् तेज एव प्रथमेनावारुन्देन्द्रियं द्वितीयेन ब्रह्मवर्चसं तृतीयेनान्नाद्यं चतुर्थेन य एवं विद्वांश्चतुरश्चतुष्टोमान्श्रोमानाहर्ति तैर्यजते तेज एव प्रथमेनावारुन्देन्द्रियं द्वितीयेन ब्रह्मवर्चसं तृतीयेनान्नाद्यं चतुर्थेन यमेवात्रिरुद्धिमाभ्रोत्तामेव यजमान ऋध्नोति॥ (३४)

तत्तेज एवाष्टादश च॥ [८]

जमदग्निः पुष्टिकामश्चतूरात्रेणायजत् स एतान्पोषा५ अपुष्यत्तस्मात्पलितौ जामदग्नियौ न सं जानाते एतानेव पोषाण्पुष्यति य एवं विद्वांश्चतूरात्रेण यजते पुरोडाशिन्य उपसदो भवन्ति पशवो वै पुरोडाशः पशून्वेवाव रुन्देऽन्नं वै पुरोडाशोऽन्नेमेवाव रुन्देऽन्नादः पशुमान्भवति य एवं विद्वांश्चतूरात्रेण यजते॥ (३५)

जमदग्निरष्टाचत्वारि५शत्॥ [९]

संवत्सरो वा इदमेकं आसीत्सोऽकामयततून्मुजेयेति स एतम्पञ्चरात्रमपश्यत्तमाहर्त्तेनायजत् ततो वै स ऋतून्सृजत् य एवं विद्वान्पञ्चरात्रेण यजते प्रैव जायते त ऋतवः सृष्टा न व्यावर्तन्त त एतम्पञ्चरात्रमपश्यन् तमाहर्त्तेनायजन्त ततो वै ते व्यावर्तन्त (३६)

य एवं विद्वान्पञ्चरात्रेण यजते वि पाप्मना भ्रातृव्येणा वर्तते सार्वसेनिः शौचेयोऽकामयत पशुमान्श्रयामिति स एतम्पञ्चरात्रमाहर्त्तेनायजत् ततो वै स सहस्रं पशून्प्राप्नोद्य एवं विद्वान्पञ्चरात्रेण यजते प्र सहस्रं पशूनाप्रोति बबरः प्रावाहणिरकामयत वाचः प्रवदिता स्यामिति स एतम्पञ्चरात्रमा (३७)

अहर्त्तेनायजत् ततो वै स वाचः प्रवदिताभंवद्य एवं विद्वान्पञ्चरात्रेण यजते प्रवदितैव वाचो भंवत्यथो एनं वाचस्पतिरित्याहुरनासश्चतुरात्रोऽतिरिक्तः षड्रात्रोऽथ वा एष सम्प्रति यज्ञो यत्पञ्चरात्रो य एवं विद्वान्पञ्चरात्रेण यजते सम्प्रत्येव यज्ञेन यजते पञ्चरात्रो भवति पञ्च वा ऋतवः संवत्सरः (३८)

ऋतुष्वेव संवत्सरे प्रति तिष्ठत्यथो पञ्चाक्षरा पङ्क्तिः पाङ्क्तौ यज्ञो यज्ञमेवाव रुन्दे त्रिवृदग्निष्टोमो भवति तेज एवाव रुन्दे पञ्चदशो भवतीन्द्रियमेवाव रुन्दे सप्तदशो भवत्यन्नाद्यस्यावरुद्धा अथो प्रैव तेन



जायते पञ्चविंशौऽग्निष्टोमो भवति प्रजापतेराप्त्यै महाव्रतवान्नाद्यास्यावरुद्धौ विश्वजिह्वसर्वपृष्ठोऽतिरात्रो भवति सर्वस्याभिजित्यै॥ (३९)

ते व्यावर्तन्त प्रवदिता स्यामिति स एतम्पञ्चरात्रमा संवत्सरो-  
ऽभिजित्यै॥ [१०]

देवस्य त्वा सवितुः प्रंसर्वेऽश्विनोर्बाहुभ्यां पृष्णो हस्ताभ्यामा दंद इमामंगृभ्णत्रशनामृतस्य पूर्व आयुषि विदथेषु कव्या। तया देवाः सुतमा बभूवुरऋतस्य सामन्त्सरमारपन्ती। अभिधा असि भुवनमसि युन्तासि धर्तासि सौऽग्निं वैश्वानरं सप्रथमं गच्छ स्वाहाकृतः पृथिव्यां युन्ता राड्यन्तासि यमनो धर्तासि धरुणः कृष्ये त्वा क्षेमाय त्वा रय्ये त्वा पोषाय त्वा पृथिव्ये त्वान्तरिक्षाय त्वा दिवे त्वां सते त्वांसते त्वाद्ध्यस्त्वोपधीभ्यस्त्वा विश्वेभ्यस्त्वा भूतेभ्यः॥ (४०)

धरुणः पञ्चविंशतिश्च॥ [११]

विभूर्मात्रा प्रभूः पित्राश्वोऽसि हयोऽस्यत्योऽसि नरोऽस्यवोऽसि सतिरसि वाज्यसि वृषासि नृमणां असि ययुर्नामास्यादित्यानाम्पत्वान्विह्यग्रये स्वाहा स्वाहेन्द्राग्निभ्यां स्वाहा प्रजापतये स्वाहा विश्वेभ्यो देवेभ्यः स्वाहा सर्वाभ्यो देवेताभ्य इह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहा भूरसि भुवे त्वा भव्याय त्वा भविष्यते त्वा विश्वेभ्यस्त्वा भूतेभ्यो देवा आशापाला एतं देवेभ्योऽश्वमेधाय प्रोक्षितं गोपायत॥ (४१)

रन्तिः स्वाहा द्वाविंशतिश्च॥ [१२]

आयनाय स्वाहा प्रायणाय स्वाहोद्वावाय स्वाहोद्वाताय स्वाहा शूकराय स्वाहा शूकृताय स्वाहा पलायिताय स्वाहाऽऽपलायिताय स्वाहाऽऽवल्गन्ते स्वाहा परावल्गन्ते स्वाहाऽऽयते स्वाहा प्रयते स्वाहा सर्वस्मै स्वाहा॥ (४२)

आयनायोत्तरमापलायिताय षड्विंशतिः॥ [१३]

अग्रये स्वाहा सोमाय स्वाहा वायवे स्वाहापाम्मोदाय स्वाहा सवित्रे स्वाहा सरस्वत्यै स्वाहेन्द्राय स्वाहा बृहस्पतये स्वाहा मित्राय स्वाहा वरुणाय स्वाहा सर्वस्मै स्वाहा॥ (४३)

[१४]

पृथिव्यै स्वाहाऽन्तरिक्षाय स्वाहा दिवे स्वाहा सूर्याय स्वाहा चन्द्रमसे स्वाहा नक्षत्रेभ्यः स्वाहा प्राच्यै दिशे स्वाहा दक्षिणायै दिशे स्वाहा प्रतीच्यै दिशे स्वाहा दीच्यै दिशे स्वाहा ध्वायै दिशे स्वाहा दिग्भ्यः स्वाहाऽवान्तरदिशाभ्यः स्वाहा समाभ्यः स्वाहा शरद्भ्यः स्वाहाऽहोरात्रेभ्यः स्वाहाऽर्धमासेभ्यः स्वाहा मासेभ्यः

स्वाहर्तुभ्यः स्वाहा संवत्सराय स्वाहा सर्वस्मै स्वाहा॥ (४४)

[१५]

अग्नये स्वाहा सोमाय स्वाहा सवित्रे स्वाहा सरस्वत्यै स्वाहा पूष्णे स्वाहा बृहस्पतये स्वाहाऽपाम्मोदाय स्वाहा वायवे स्वाहा मित्राय स्वाहा वरुणाय स्वाहा सर्वस्मै स्वाहा॥ (४५)

[१६]

पृथिव्यै स्वाहाऽन्तरिक्षाय स्वाहा दिवे स्वाहाऽग्नये स्वाहा सोमाय स्वाहा सूर्याय स्वाहा चन्द्रमसे स्वाहाऽह्ने स्वाहा रात्रियै स्वाहर्जवे स्वाहा साधवे स्वाहा सुक्षित्यै स्वाहा क्षुधे स्वाहाऽऽशितिम्ने स्वाहा रोगाय स्वाहा हिमाय स्वाहा शीताय स्वाहाऽऽतपाय स्वाहाऽरण्याय स्वाहा सुवर्गाय स्वाहा लोकाय स्वाहा सर्वस्मै स्वाहा॥ (४६)

[१७]

भुवो देवानां कर्मणापसर्तस्य पृथ्यासि वसुभिर्देवेभिर्देवतया गायत्रेण त्वा छन्दसा युनज्मि वसन्तेन त्वर्तुना हविषा दीक्षयामि रुद्रेभिर्देवेभिर्देवतया त्रेष्टुभेन त्वा छन्दसा युनज्मि ग्रीष्मेण त्वर्तुना हविषा दीक्षयाम्यादित्यभिर्देवेभिर्देवतया जागतेन त्वा छन्दसा युनज्मि वर्षाभिस्त्वर्तुना हविषा दीक्षयामि विश्वेभिर्देवेभिर्देवतयानुष्टुभेन त्वा छन्दसा युनज्मि (४७)

शरदा त्वर्तुना हविषा दीक्षयाम्यङ्गिरोभिर्देवेभिर्देवतया पाङ्केन त्वा छन्दसा युनज्मि हेमन्तशिशिराभ्यां त्वर्तुना हविषा दीक्षयाम्याहं दीक्षामरुहमृतस्य पत्नी गायत्रेण छन्दसा ब्रह्मणा चर्त९ सत्येऽधा९ सत्यमृतेऽधाम्। महीमू पु सुत्रामाणमिह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहा॥ (४८)

[१८]

ईङ्काराय स्वाहे कृताय स्वाहा क्रन्दते स्वाहाऽवक्रन्दते स्वाहा प्रोथते स्वाहा प्रप्रोथते स्वाहा गन्धाय स्वाहा घ्राताय स्वाहा प्राणाय स्वाहा व्यानाय स्वाहाऽपानाय स्वाहा सन्दीयमानाय स्वाहा सन्दिताय स्वाहा विचृत्यमानाय स्वाहा विचृताय स्वाहा पलायिष्यमाणाय स्वाहा पलायिताय स्वाहोपर३स्यते स्वाहोपरताय स्वाहा निवेक्ष्यते स्वाहा निविशमानाय स्वाहा निविष्टाय स्वाहा निषथ्यते स्वाहा निषीदते स्वाहा निषण्णाय स्वाहा (४९)

असिष्यते स्वाहाऽऽसीनाय स्वाहाऽऽसिताय स्वाहा निपथ्यते स्वाहा निपद्यमानाय स्वाहा निपन्नाय स्वाहा शयिष्यते स्वाहा शयानाय स्वाहा शयिताय स्वाहा सम्मीलिष्यते स्वाहा सम्मीलते स्वाहा सम्मीलिताय स्वाहा स्वप्स्यते स्वाहा स्वपते स्वाहा सुप्ताय स्वाहा प्रभोध्यते स्वाहा प्रबुध्यमानाय स्वाहा प्रबुद्धाय स्वाहा जागरिष्यते स्वाहा जाग्रते स्वाहा जागरिताय स्वाहा शुश्रूषमाणाय स्वाहा शृण्वते स्वाहा श्रुताय स्वाहा वीक्षिष्यते स्वाहा (५०)

वीक्षमाणाय स्वाहा वीक्षिताय स्वाहा स९हास्यते स्वाहा सज्जिहानाय स्वाहोज्जिहानाय स्वाहा विवथ्यते

स्वाहा विवर्तमानाय स्वाहा विवृताय स्वाहात्थास्यते स्वाहोत्तिष्ठते स्वाहोत्थिताय स्वाहा विधविष्यते स्वाहा विधून्वानाय स्वाहा विधृताय स्वाहात्क्रस्यते स्वाहोत्क्रामते स्वाहोत्क्रान्ताय स्वाहा चङ्क्रमिष्यते स्वाहा चङ्क्रम्यमाणाय स्वाहा चङ्कमिताय स्वाहा कण्डूयिष्यते स्वाहा कण्डूयमानाय स्वाहा कण्डूयिताय स्वाहा निकपिष्यते स्वाहा निकपमाणाय स्वाहा निकपिताय स्वाहा यदत्ति तस्मै स्वाहा यत्पिबति तस्मै स्वाहा यन्मेहति तस्मै स्वाहा यच्छकृत्करोति तस्मै स्वाहा रेतसे स्वाहा प्रजाभ्यः स्वाहा प्रजननाय स्वाहा सर्वस्मै स्वाहा॥ (५१)

[११]

अग्नये स्वाहा वायवे स्वाहा सूर्याय स्वाहर्तमस्युतस्यर्तमसि सत्यमसि सत्यस्य सत्यमस्युतस्य पन्थां असि देवानां छायामृतस्य नाम तथ्सत्यं यत्त्वं प्रजापतिरस्यधि यदस्मिन्वाजिनीव शुभः स्पर्धन्ते दिवः सूर्येण विशोऽपो वृणानः पवते कव्यन्पशुं न गोपा इर्यः परिज्मा (५२)

[२०]

## ॥द्वितीयः प्रश्नः॥

### ॥तैत्तिरीयसंहितायां सप्तमकाण्डे द्वितीयः प्रश्नः॥

साध्या वै देवाः सुवर्गकामा एत९ षड्रात्रमपश्यन्तमाहर्न्तेनायजन्त ततो वै ते सुवर्गं लोकमायन् य एवं विद्वा९सः षड्रात्रमासते सुवर्गमेव लोकं यन्ति देवसुत्रं वै षड्रात्रः प्रत्यक्षः ह्येतानि पृष्ठानि य एवं विद्वा९सः षड्रात्रमासते साक्षादेव देवता अभ्यारोहन्ति षड्रात्रो भवति षड्वा ऋतवः षट्पृष्ठानि (१)

पृष्ठैरेवर्तूनन्वारोहन्त्यृतुभिः संवत्सरन्ते संवत्सर एव प्रति तिष्ठन्ति बृहद्रथन्तराभ्यां यन्तीयं वाव रथन्तरमसौ बृहदाभ्यामेव यन्त्यथो अनयोरेव प्रति तिष्ठन्त्येते वै यज्ञस्याञ्जसायनी स्मृती ताभ्यामेव सुवर्गं लोकं यन्ति त्रिवृदग्निष्टोमो भवति तेज एवाव रन्त्येते पञ्चदशो भवतीन्द्रियमेवाव रन्त्येते सप्तदशः (२)

भुवत्यन्नाद्यस्यावरुद्धा अथो प्रैव तेन जायन्त एकवि९शो भवति प्रतिष्ठित्या अथो रुचमेवात्मन्द्धते त्रिणवो भवति विजित्यै त्रयस्त्रि९शो भवति प्रतिष्ठित्यै सदोहविर्धानिन एतेन षड्रात्रेण यजेरन्नाश्वत्थी हविर्धानं चाग्नीध्रं च भवतस्तद्धि सुवर्ग्यं चक्रीवती भवतः सुवर्गस्य लोकस्य समष्ट्या उलूखलबुध्रो यूपो भवति प्रतिष्ठित्यै प्राञ्चो यान्ति प्राडिव हि सुवर्गः (३)

लोकः सरस्वत्या यान्त्येव वै देवयानः पन्थास्तमेवान्वारोहन्त्याक्रोशन्तो यान्त्यवर्तिमेवान्यस्मिन्प्रतिपज्यं प्रतिष्ठां गच्छन्ति यदा दशं शतं कुर्वन्त्यथैकमुत्थानं शतायुः पुरुषः शतेन्द्रिय आयुष्येवेन्द्रिये प्रति तिष्ठन्ति यदा शतं सहस्रं कुर्वन्त्यथैकमुत्थानं सहस्रसम्मितो वा असौ लोकोऽमुमेव लोकमभि जयन्ति यदैषां

प्रमीयेत यदा वा जीयेरन्नथैकमुत्थानन्तद्धि तीर्थम्॥ (४)

पृष्ठानि सप्तदशः सुवर्गो जयन्ति यदैकादश च॥ \_\_\_\_\_ [१]

कुसुम्बिन्द औद्दालिकिरकामयत पशुमान्स्यामिति स एतः सप्तरात्रमाहरत्तेनायजत तेन वै स यावन्तो ग्राम्याः पशवस्तान्वावरुद्ध य एवं विद्वान्सप्तरात्रेण यजते यावन्त एव ग्राम्याः पशवस्तान्वावरुद्धे सप्तरात्रो भवति सप्त ग्राम्याः पशवः सप्तरण्याः सप्त छन्दांस्युभयस्यावरुद्धौ त्रिवृदग्निष्टोमो भवति तेजः (५)

एवाव रूद्धे पञ्चदशो भवतीन्द्रियमेवाव रूद्धे सप्तदशो भवत्यन्नाद्यस्यावरुद्धा अथो प्रैव तेन जायत एकविंशो भवति प्रतिष्ठित्या अथो रुचमेवात्मन्थते त्रिणवो भवति विजित्यै पञ्चविंशोऽग्निष्टोमो भवति प्रजापतेरास्यै महाव्रतवानन्नाद्यस्यावरुद्धौ विश्वजिथ्सर्वपृष्ठोऽतिरात्रो भवति सर्वस्याभिजित्यै यत्प्रत्यक्षम्पूर्वेष्वहःसु पृष्ठान्युपेयुः प्रत्यक्षम् (६)

विश्वजिति यथा दुग्धामुपसीदत्येवमुत्तममहः स्यान्नैकरात्रश्चन स्याद्बृहद्रथन्तरे पूर्वेष्वहःसूपं यन्तीयं वाव रथन्तरमसौ बृहदाभ्यामेव न यन्त्यथो अनयोरेव प्रति तिष्ठन्ति यत्प्रत्यक्षं विश्वजिति पृष्ठान्युपयन्ति यथा प्रता दुहे तादृगेव तत्॥ (७)

तेजं उपेयुः प्रत्यक्षं द्विचत्वारिंशच्च॥ \_\_\_\_\_ [२]

बृहस्पतिरकामयत ब्रह्मवर्चसी स्यामिति स एतमष्टरात्रमपश्यत्तमाहरत्तेनायजत ततो वै स ब्रह्मवर्चस्येवभृद्य एवं विद्वानष्टरात्रेण यजते ब्रह्मवर्चस्यैव भवत्यष्टरात्रो भवत्यष्टाक्षरा गायत्री गांयत्री ब्रह्मवर्चसमायत्रियेव ब्रह्मवर्चसमव रूद्धेऽष्टरात्रो भवति चतस्रो वै दिशश्चतस्रोऽवान्तरदिशा दिग्भ्य एव ब्रह्मवर्चसमव रूद्धे (८)

त्रिवृदग्निष्टोमो भवति तेजं एवाव रूद्धे पञ्चदशो भवतीन्द्रियमेवाव रूद्धे सप्तदशो भवत्यन्नाद्यस्यावरुद्धा अथो प्रैव तेन जायत एकविंशो भवति प्रतिष्ठित्या अथो रुचमेवात्मन्थते त्रिणवो भवति विजित्यै त्रयस्त्रिंशो भवति प्रतिष्ठित्यै पञ्चविंशोऽग्निष्टोमो भवति प्रजापतेरास्यै महाव्रतवानन्नाद्यस्यावरुद्धौ विश्वजिथ्सर्वपृष्ठोऽतिरात्रो भवति सर्वस्याभिजित्यै॥ (९)

दिग्भ्य एव ब्रह्मवर्चसमवरुद्धेऽभिजित्यै॥ \_\_\_\_\_ [३]

प्रजापतिः प्रजा असृजत ताः सृष्टाः क्षुधं न्यायन्थस एतं नवरात्रमपश्यत्तमाहरत्तेनायजत ततो वै प्रजाभ्योऽ कल्पत यरहिं प्रजाः क्षुधं निगच्छेयुस्तरहिं नवरात्रेण यजेतेम हि वा एतासां लोका अङ्गसा अथैताः क्षुधं नि गच्छन्तीमानेवाभ्यो लोकान्कल्पयति तान्कल्पमानान्प्रजाभ्योऽनु कल्पते कल्पन्ते (१०)

अस्मा इमे लोका ऊर्जं प्रजाम् दधाति त्रिरात्रेणैवेमं लोकं कल्पयति त्रिरात्रेणान्तरिक्षं त्रिरात्रेणामुं लोकं यथा गुणे गुणमन्वस्यत्येवमेव तल्लोके लोकमन्वस्यति धृत्या अग्निथिलम्भावाय ज्योतिर्गौरायुरिति ज्ञाताः स्तोमा भवन्तीयं वाव ज्योतिरन्तरिक्षं गौरसावायुरेष्वेव लोकेषु प्रति तिष्ठन्ति जात्रं प्रजानाम् (११)

गच्छति नवरात्रो भवत्यभिपूर्वमेवास्मिन्तेजो दधाति यो ज्योगामयावी स्यात्स नवरात्रेण यजेत प्राणा हि वा एतस्याधृता अथैतस्य ज्योगामयति प्राणानेवास्मिन्दाधारो यदीतासुर्भवति जीवत्येव॥ (१२)

**कल्पन्ते प्रजानात्रयस्त्रिंशच्च॥** [४]

प्रजापतिरकामयत् प्र जायेयेति स एतं दशहोतारमपश्यत्तमजुहोत्तेन दशरात्रमसृजत् तेन दशरात्रेण प्राजायत दशरात्राय दीक्षिष्यमाणो दशहोतारं जुहुयाद्दशहोत्रैव दशरात्रं सृजते तेन दशरात्रेण प्र जायते वैराजो वा एष यज्ञो यद्दशरात्रो य एवं विद्वान्दशरात्रेण यजते विराजमेव गच्छति प्राजापत्यो वा एष यज्ञो यद्दशरात्रः (१३)

य एवं विद्वान्दशरात्रेण यजते प्रैव जायत इन्द्रो वै सहद्वैवताभिरासीत्स न व्यावृत्तमगच्छत्स प्रजापतिमुपाधावत् तस्मा एतं दशरात्रमप्यार्यच्छत्तमाहर्त्तेनायजत् ततो वै सौऽन्याभिर्देवताभिर्व्यावृत्तमगच्छत् एवं विद्वान्दशरात्रेण यजते व्यावृत्तमेव पाप्मना भ्रातृव्येण गच्छति त्रिकुद्वे (१४)

एष यज्ञो यद्दशरात्रः ककुत्पञ्चदशः ककुदेकविंशः ककुत्रयस्त्रिंशो य एवं विद्वान्दशरात्रेण यजते त्रिकुदेव संमानानां भवति यजमानः पञ्चदशो यजमान एकविंशो यजमानस्त्रयस्त्रिंशः पुर इतरा अभिर्चयमाणो दशरात्रेण यजेत देवपुरा एव पर्युहते तस्य न कुतश्चनोपाव्याधो भवति नैनमभिचरन्त्यस्तृणुते देवासुराः संयत्ता आसन्ते देवा एताः (१५)

देवपुरा अपश्यन् यद्दशरात्रस्ताः पर्यौहन्ते तेषां न कुतश्चनोपाव्याधोऽभवत्ततो देवा अभवन्परासुरा यो भ्रातृव्यान्त्यास्य दशरात्रेण यजेत देवपुरा एव पर्युहते तस्य न कुतश्चनोपाव्याधो भवति भवत्यात्मना परास्य भ्रातृव्यो भवति स्तोमः स्तोमस्योपस्तिर्भवति भ्रातृव्यमेवोपस्तिं कुरुते जामि वै (१६)

एतत्कुर्वन्ति यज्यायांसुः स्तोममुपेत्य कर्नीयांसमुपयन्ति यदग्निष्टोमसामान्यवस्ताच्च पुरस्ताच्च भवन्त्यजामित्वाय त्रिवृदग्निष्टोमोऽग्निष्टुदाग्नेयीषु भवति तेज एवावं रुद्धे पञ्चदश उक्थ्य ऐन्द्रीष्विन्द्रियमेवावं रुद्धे त्रिवृदग्निष्टोमो वैश्वदेवीषु पुष्टिमेवावं रुद्धे सप्तदशोऽग्निष्टोमः प्राजापत्यासु तीव्रसोमोऽन्नाद्यस्यावर्द्ध्या अथो प्रैव तेन जायते (१७)

एकविंश उक्थ्यः सौरिषु प्रतिष्ठित्या अथो रुचमेवात्मन्धत्ते सप्तदशोऽग्निष्टोमः प्राजापत्यासूपहृथ्य उपहृथमेव गच्छति त्रिणवावग्निष्टोमावभित ऐन्द्रीषु विजित्यै त्रयस्त्रिंश उक्थ्यो वैश्वदेवीषु प्रतिष्ठित्यै विश्वजिष्मवर्षष्टोऽ तिरात्रो भवति सर्वस्याभिजित्यै॥ (१८)

**प्राजापत्यो वा एष यज्ञो यद्दशरात्रस्त्रिकुद्वे एता वै जायन्त एकत्रिंशच्च॥** [५]

ऋतवो वै प्रजाकामाः प्रजां नाविन्दन्त तैऽकामयन्त प्रजां सृजेमहि प्रजामवं रुन्धीमहि प्रजां विन्देमहि प्रजावन्तः स्यामेति त एतमेकादशरात्रमपश्यन्तमाहर्त्तेनायजन्त ततो वै ते प्रजामसृजन्त प्रजामवांरन्धत प्रजामविन्दन्त प्रजावन्तोऽभवन्त ऋतवोऽभवन्तदार्तवानामार्तवत्वमृतानां वा एते पुत्रास्तस्मात् (१९)

आर्त्ताव उच्यन्ते य एवं विद्वांसं एकादशरात्रमासंते प्रजामेव सृजन्ते प्रजामेव रुन्धते प्रजां विन्दन्ते प्रजावंतो भवन्ति ज्योतिरतिरात्रो भवति ज्योतिरेव पुरस्ताद्वधते सुवर्गस्य लोकस्यानुख्यात्यै पृष्ठः पडहो भवति पड्हा ऋतवः पट्टुष्टानि पृष्ठैरेवतृन्न्वारोहन्त्यृतुभिः संवत्सरन्ते संवत्सर एव प्रति तिष्ठन्ति चतुर्विंशो भवति चतुर्विंशत्यक्षरा गायत्री (२०)

गायत्रम्रह्मवर्चसङ्गायत्रियामेव ब्रह्मवर्चसे प्रति तिष्ठन्ति चतुश्चत्वारिंशो भवति चतुश्चत्वारिंशदक्षरा त्रिष्टुगिन्द्रियं त्रिष्टुत्रिष्टुभ्येन्द्रिये प्रति तिष्ठन्त्यष्टाचत्वारिंशो भवत्यष्टाचत्वारिंशदक्षरा जगती जागताः पशवो जगत्यामेव पशुषु प्रति तिष्ठन्त्येकादशरात्रो भवति पञ्च वा ऋतव आर्त्ताः पञ्चतुष्वेवार्त्तवेषु संवत्सरे प्रतिष्ठायं प्रजामेव रुन्धतेऽतिरात्रावभितो भवतः प्रजायै परिगृहीत्यै॥ (२१)

तस्माद्गायत्र्येकान्नपञ्चाशच्च॥ [६]

ऐन्द्रवायवाग्राङ्गह्रीयाद्यः कामयेत यथापूर्वं प्रजाः कल्पेरन्निति यज्ञस्य वै क्लृप्तिमनु प्रजाः कल्पन्ते यज्ञस्याक्लृप्तिमनु न कल्पन्ते यथापूर्वमेव प्रजाः कल्पयति न ज्यायांसं कनीयानिति कामत्येन्द्रवायवाग्राङ्गह्रीयादामयाविनः प्राणेन वा एष व्यध्यते यस्यामयति प्राण ऐन्द्रवायवः प्राणेनैवेन समर्धयति मैत्रावरुणाग्राङ्गह्रीरन् येषां दीक्षितानां प्रमीयेत (२२)

प्राणापानाभ्यां वा एते व्यध्यन्ते येषां दीक्षितानां प्रमीयेत प्राणापानौ मित्रावरुणौ प्राणापानावेव मुखतः परि हरन्त आश्विनाग्राङ्गह्रीतानुजावरौऽश्विनौ वै देवानामानुजावरौ पश्वेवाग्रं पर्येतामश्विनावितस्यं देवता य आनुजावरस्तावेवैनमग्रं परि णयतः शुक्राग्राङ्गह्रीत गतश्रीः प्रतिष्ठाकामोऽसौ वा आदित्यः शुक्र एषोऽन्तोऽन्तमनुष्यः (२३)

श्रिये गत्वा नि वर्ततेऽन्तादेवान्तमा रभते न ततः पापीयान्भवति मन्थ्यग्राङ्गह्रीताभिचरन्त्रार्तपात्रं वा एतद्यन्मन्थिपात्रमृत्युनैवेन ग्राहयति ताजगार्तिमाच्छ्रित्याग्रयणाग्राङ्गह्रीत यस्य पिता पितामहः पुण्यः स्यादथ तत्र प्राप्नुयाद्वाचा वा एष इन्द्रियेण व्यध्यते यस्य पिता पितामहः पुण्यः (२४)

भवत्यथ तत्र प्राप्नोत्युरं इवेतद्यज्ञस्य वागिव यदाग्रयणो वाचैवेनमिन्द्रियेण समर्धयति न ततः पापीयान्भवत्युक्थ्याग्राङ्गह्रीताभिचर्यमाणः सर्वेषां वा एतत्पात्राणामिन्द्रियं यदुक्थ्यपात्रं सर्वणैवेनमिन्द्रियेणाति प्र युङ्क्ते सरस्वत्यभि नो नेपि वस्य इति पुरोरुचं कुर्याद्वाचै (२५)

सरस्वती वाचैवेनमति प्र युङ्क्ते मा त्वत्क्षेत्राण्यरणानि गुमेत्याह मृत्योर्वै क्षेत्राण्यरणानि तेनैव मृत्योः क्षेत्राणि न गच्छति पूर्णान्ग्रहान्गह्रीयादामयाविनः प्राणान् वा एतस्य शुगृच्छति यस्यामयति प्राणा ग्रहाः प्राणानेवास्यं शुचो मुञ्चत्युत यदीतासुभवति जीवत्येव पूर्णान्ग्रहान्गह्रीयाद्यर्हि पर्जन्यो न वर्षेत्प्राणान् वा एतर्हि प्रजानां शुगृच्छति यर्हि पर्जन्यो न वर्षति प्राणा ग्रहाः प्राणानेव प्रजानां शुचो मुञ्चति ताजक्यं वर्षति॥ (२६)

प्रमीयेत मनुष्यं ऋध्यते यस्य पिता पितामहः पुण्यो वाग्वा एव पूर्णान्ग्रहान्पञ्चविंशतिश्च॥ [७]

गायत्रो वा ऐन्द्रवायवो गायत्रम्रायणीयमहस्तस्मात्त्रायणीयेऽहन्नैन्द्रवायवो गृह्यते स्व एवैनमायतने गृह्णाति त्रैष्टुभो वै शुक्रक्षैष्टुभं द्वितीयमहस्तस्माद्वितीयेऽहञ्छुक्रो गृह्यते स्व एवैनमायतने गृह्णाति जागतो वा आग्रयणो जागतं तृतीयमहस्तस्मात्तृतीयेऽहन्नाग्रयणो गृह्यते स्व एवैनमायतने गृह्णात्येतद्वै (२७)

यज्ञमापद्यच्छन्दाऽस्याप्रोति यदैग्रयणः श्वो गृह्यते यत्रैव यज्ञमदृशन्तत एवैनम्पुनः प्र युङ्क्ते जगन्मुखो वै द्वितीयंक्षिरात्रो जागत आग्रयणो यच्चतुर्थेऽहन्नाग्रयणो गृह्यते स्व एवैनमायतने गृह्णात्यथो स्वमेव छन्दोऽनु पर्यावर्तन्ते रथंतरो वा ऐन्द्रवायवो रथंतरं पञ्चममहस्तस्मात्पञ्चमेऽहन् (२८)

ऐन्द्रवायवो गृह्यते स्व एवैनमायतने गृह्णाति बारहंतो वै शुक्रो बारहंतं पष्ठमहस्तस्मात्पष्ठेऽहञ्छुक्रो गृह्यते स्व एवैनमायतने गृह्णात्येतद्वै द्वितीयं यज्ञमापद्यच्छन्दाऽस्याप्रोति यच्छुक्रः श्वो गृह्यते यत्रैव यज्ञमदृशन्तत एवैनम्पुनः प्र युङ्क्ते त्रिष्टुङ्मुखो वै तृतीयंक्षिरात्रक्षैष्टुभः (२९)

शुक्रो यथ्सप्तमेऽहञ्छुक्रो गृह्यते स्व एवैनमायतने गृह्णात्यथो स्वमेव छन्दोऽनु पर्यावर्तन्ते वाग्वा आग्रयणो वागष्टममहस्तस्मादष्टमेऽहन्नाग्रयणो गृह्यते स्व एवैनमायतने गृह्णाति प्राणो वा ऐन्द्रवायवः प्राणो नवममहस्तस्मात्त्रयमेऽहन्नैन्द्रवायवो गृह्यते स्व एवैनमायतने गृह्णात्येतत् (३०)

वै तृतीयं यज्ञमापद्यच्छन्दाऽस्याप्रोति यदैन्द्रवायवः श्वो गृह्यते यत्रैव यज्ञमदृशन्तत एवैनम्पुनः प्र युङ्क्तेऽथो स्वमेव छन्दोऽनु पर्यावर्तन्ते पथो वा एतेऽध्यपथेन यन्ति येऽन्येनैन्द्रवायवात्प्रतिपद्यन्तेऽन्तः खलु वा एष यज्ञस्य यदृशममहदृशमेऽहन्नैन्द्रवायवो गृह्यते यज्ञस्य (३१)

एवान्तं गत्वापथात्यन्थामपि न्यन्त्यथो यथा वहीयसा प्रतिसारं वहन्ति तादृगेव तच्छन्दाऽस्यन्योन्यस्य लोकमभ्यध्यायन्त्येतेनैव देवा व्यावाहयन्नैन्द्रवायवस्य वा एतदायतनं यच्चतुर्थमहस्तस्मिन्नाग्रयणो गृह्यते तस्मादाग्रयणस्यायतने नवमेऽहन्नैन्द्रवायवो गृह्यते शुक्रस्य वा एतदायतनं यत्पञ्चमम् (३२)

अहस्तस्मिन्नैन्द्रवायवो गृह्यते तस्मादनैन्द्रवायवस्यायतने सप्तमेऽहञ्छुक्रो गृह्यत आग्रयणस्य वा एतदायतनं यत्पष्ठमहस्तस्मिञ्छुक्रो गृह्यते तस्माच्छुक्रस्यायतनेऽष्टमेऽहन्नाग्रयणो गृह्यते छन्दाऽस्येव तद्वि वाहयति प्र वस्यसो विवाहमाप्नोति य एवं वेदाथो देवताभ्य एव यज्ञे संविदं दधाति तस्मादिदमन्योन्यस्मै ददाति॥ (३३)

एतद्वै पञ्चमेऽहन्नैष्टुभ एतद्गृह्यते यज्ञस्य पञ्चममन्यस्मा एकञ्च॥ [८]

प्रजापतिरकामयत् प्र जायेयेति स एतं द्वादशरात्रमपश्यत्तमाहरत्तेनायजत् ततो वै स प्राजायत् यः कामयेत् प्र जायेयेति स द्वादशरात्रेण यजेत् प्रैव जायते ब्रह्मवादिनो वदन्त्यग्निष्टोमप्रायणा यज्ञा अथ कस्मादतिरात्रः पूर्वः प्र युज्यत इति चक्षुषी वा एते यज्ञस्य यदतिरात्रो कनीनिके अग्निष्टोमो यत् (३४)

अग्निष्टोमं पूर्वम्प्रयुञ्जीरन्बहिर्धा कनीनिके दध्युस्तस्मादतिरात्रः पूर्वः प्र युज्यते चक्षुषी एव यज्ञे धित्वा मन्थतः कनीनिके प्रति दधति यो वै गायत्री ज्योतिःपक्षा वेद ज्योतिषा भासा सुवर्गं लोकमेति यावदग्निष्टोमो तौ पक्षौ येऽन्तरेऽष्टाबुक्थ्याः स आत्मेषा वै गायत्री ज्योतिःपक्षा य एवं वेद ज्योतिषा भासा सुवर्गं लोकम् (३५)

एति प्रजापतिर्वा एष द्वादशधा विहितो यद्वादशरात्रो यावतिरात्रो तौ पक्षौ येऽन्तरेऽष्टाबुक्थ्याः

स आत्मा प्रजापतिर्वाविष सन्धसद्ध वै सृत्रेणं स्पृणोति प्राणा वै सत्प्राणानेव स्पृणोति सर्वासां वा एते प्रजानां प्राणैरासते ये सृत्रमासते तस्मात्पृच्छन्ति किमेते सृत्रिण इति प्रियः प्रजानामुत्थितो भवति य एवं वेद॥ (३६)

अग्निष्टोमौ यथ्सुवर्गल्लोकं प्रियः प्रजानां पञ्च च॥ [९]

न वा एषोऽन्यतौ वैश्वानरः सुवर्गाय लोकाय प्रारभवद्धूर्वो ह वा एष आतंत आसीत्ते देवा एतं वैश्वानरं पर्याहन्त्सुवर्गस्य लोकस्य प्रभूत्या ऋतवो वा एतेन प्रजापतिमयाजयन्तेष्वार्धोदधिं तदुधोति ह वा ऋत्विक्षु य एवं विद्वान्द्वादशाहेन यजते तैऽस्मिन्नैच्छन्त स रसमहं वसन्ताय प्रायच्छत् (३७)

यवं ग्रीष्माद्यौषधीर्वर्षाभ्यो ब्रीहीञ्छुरदं मापतिलौ हैमन्तशिशिराभ्यान्तेनेन्द्रं प्रजापतिरयाजयत्ततो वा इन्द्र इन्द्रोऽभवत्तस्मादाहारानुजावरस्य यज्ञ इति स ह्येतेनाग्रेऽयंजतेषु ह वै कुणपमत्ति यः सृत्रे प्रतिगृह्णाति पुरुषकुणपमंश्चकुणपङ्गैर्वा अन्नं येन पात्रेणान्मिभ्रति यत्तन्न निर्णोर्निजति ततोऽधि (३८)

मलं जायत एकं एव यंजतेको हि प्रजापतिराधोद्वादश रात्रौर्दीक्षितः स्याद्वादश मासाः संवत्सरः संवत्सरः प्रजापतिः प्रजापतिर्वाविष एष ह त्वे जायते यस्तपसोऽधि जायते चतुर्था वा एतास्तिस्तिश्चो रात्रयो यद्वादशोपसदो याः प्रथमा यज्ञं ताभिः सम्भरति या द्वितीया यज्ञं ताभिरा रभते (३९)

यास्तृतीयाः पात्राणि ताभिर्निर्णनित्ते याश्चतुर्थीरपि ताभिर्गत्वानमन्तरतः शुन्यते यो वा अस्य पशुमत्ति मा१स१ सौ१ति यः पुरोडाशमस्तिष्क१ स यः परिवापं पुरीष१ स य आज्यंममज्ञान१ स यः सोम१ स्वेद१ सोऽपि ह वा अस्य शीरषण्या निष्पदः प्रति गृह्णाति यो द्वादशाहे प्रतिगृह्णाति तस्माद्वादशाहेन न याज्यंमाम्नो व्यावृत्तैः॥ (४०)

अयच्छुदधिं रभते द्वादशाहेन चत्वारि च॥ [१०]

एकस्मै स्वाहा द्वाभ्यां स्वाहा त्रिभ्यः स्वाहा चतुर्भ्यः स्वाहा पञ्चभ्यः स्वाहा षड्भ्यः स्वाहा सप्तभ्यः स्वाहाऽष्टाभ्यः स्वाहा नवभ्यः स्वाहा दशभ्यः स्वाहैकादशभ्यः स्वाहा द्वादशभ्यः स्वाहा त्रयोदशभ्यः स्वाहा चतुर्दशभ्यः स्वाहा पञ्चदशभ्यः स्वाहा षोडशभ्यः स्वाहा सप्तदशभ्यः स्वाहाऽष्टादशभ्यः स्वाहैकान्न विंशत्यै स्वाहा नवविंशत्यै स्वाहैकान्न चत्वारिंशते स्वाहा नवचत्वारिंशते स्वाहैकान्न पष्ठे स्वाहा नवपष्ठे स्वाहैकान्नाशीत्यै स्वाहा नवांशीत्यै स्वाहैकान्न शताय स्वाहा शताय स्वाहा द्वाभ्यां शताभ्यां स्वाहा सर्वस्मै स्वाहा॥ (४१)

नवचत्वारिंशते स्वाहैकान्नैकविंशतिश्च॥ [११]

एकस्मै स्वाहा त्रिभ्यः स्वाहा पञ्चभ्यः स्वाहा सप्तभ्यः स्वाहा नवभ्यः स्वाहैकादशभ्यः स्वाहा त्रयोदशभ्यः स्वाहा पञ्चदशभ्यः स्वाहा सप्तदशभ्यः स्वाहैकान्न विंशत्यै स्वाहा नवविंशत्यै स्वाहैकान्न चत्वारिंशते स्वाहा नवचत्वारिंशते स्वाहैकान्न पष्ठे स्वाहा नवपष्ठे स्वाहैकान्नाशीत्यै स्वाहा नवांशीत्यै



स्वाहेकात्र शताय स्वाहा शताय स्वाहा सर्वस्मै स्वाहा॥ (४२)

एकस्मै त्रिभ्यः पञ्चाशत्॥ [१२]

द्वाभ्यां चतुर्भ्यः स्वाहा पृष्ठः स्वाहाऽष्टाभ्यः स्वाहा दशभ्यः स्वाहा द्वादशभ्यः स्वाहा चतुर्दशभ्यः स्वाहा षोडशभ्यः स्वाहाऽष्टादशभ्यः स्वाहा विंशत्यै स्वाहाऽष्टानवत्यै स्वाहा शताय स्वाहा सर्वस्मै स्वाहा॥ (४३)

द्वाभ्यामष्टानवत्यै षड्विंशतिः॥ [१३]

त्रिभ्यः स्वाहा पञ्चभ्यः स्वाहा सप्तभ्यः स्वाहा नवभ्यः स्वाहाैकादशभ्यः स्वाहा त्रयोदशभ्यः स्वाहा पञ्चदशभ्यः स्वाहा सप्तदशभ्यः स्वाहेकात्र विंशत्यै स्वाहा नवविंशत्यै स्वाहेकात्र चत्वारिंशते स्वाहा नवचत्वारिंशते स्वाहेकात्र पृष्ठे स्वाहा नवपृष्ठे स्वाहेकात्राशीत्यै स्वाहा नवाशीत्यै स्वाहेकात्र शताय स्वाहा शताय स्वाहा सर्वस्मै स्वाहा॥ (४४)

त्रिभ्योऽष्टाचत्वारिंशत्॥ [१४]

चतुर्भ्यः स्वाहाऽष्टाभ्यः स्वाहा द्वादशभ्यः स्वाहा षोडशभ्यः स्वाहा विंशत्यै स्वाहा षण्णवत्यै स्वाहा शताय स्वाहा सर्वस्मै स्वाहा॥ (४५)

चतुर्भ्यः षण्णवत्यै षोडश॥ [१५]

पञ्चभ्यः स्वाहा दशभ्यः स्वाहा पञ्चदशभ्यः स्वाहा विंशत्यै स्वाहा पञ्चनवत्यै स्वाहा शताय स्वाहा सर्वस्मै स्वाहा॥ (४६)

पञ्चभ्यः पञ्चनवत्यै चतुर्दश॥ [१६]

दशभ्यः स्वाहा विंशत्यै स्वाहा त्रिंशते स्वाहा चत्वारिंशते स्वाहा पञ्चाशते स्वाहा पृष्ठे स्वाहा सप्तत्यै स्वाहाऽशीत्यै स्वाहा नवत्यै स्वाहा शताय स्वाहा सर्वस्मै स्वाहा॥ (४७)

दशभ्यो द्वाविंशतिः॥ [१७]

विंशत्यै स्वाहा चत्वारिंशते स्वाहा पृष्ठे स्वाहाऽशीत्यै स्वाहा शताय स्वाहा सर्वस्मै स्वाहा॥ (४८)

विंशत्यै द्वादश॥ [१८]

पञ्चाशते स्वाहा शताय स्वाहा द्वाभ्यां शताभ्यां चतुर्भ्यः शतेभ्यः स्वाहा चतुर्भ्यः शतेभ्यः स्वाहा पञ्चभ्यः शतेभ्यः स्वाहा सप्तभ्यः शतेभ्यः स्वाहाऽष्टाभ्यः शतेभ्यः स्वाहा नवभ्यः

शतेभ्यः स्वाहा सहस्राय स्वाहा सर्वस्मै स्वाहा॥ (४९)

पञ्चाशते द्वात्रिंशत्॥ [१९]

शताय स्वाहा सहस्राय स्वाहाऽयुताय स्वाहा नियुताय स्वाहा प्रयुताय स्वाहाऽर्बुदाय स्वाहा न्यर्बुदाय स्वाहा समुद्राय स्वाहा मध्याय स्वाहाऽन्ताय स्वाहा परार्धाय स्वाहापसे स्वाहा व्युष्टे स्वाहादेष्ट्यते स्वाहाद्यते स्वाहादिताय स्वाहा सुवर्गाय स्वाहा लोकाय स्वाहा सर्वस्मै स्वाहा॥ (५०)

शतायाष्टात्रिंशत्॥ [२०]

प्रजवं ब्रह्मवादिनः किमेष वा आप्त आदित्या उभयोः प्रजापतिरन्वायन्निन्द्रो वै सदृङ्निन्द्रो वै शिथिलः प्रजापतिरकामयतान्नादः सा विराड्सावादित्योऽर्वाङ्मूतमा मेऽग्निना स्वाहाधिन्द्रोऽप्येताय कृष्णायौषधीभ्यो वनस्पतिभ्यो विंशतिः॥ [२१]

## ॥तृतीयः प्रश्नः॥

॥तैत्तिरीयसंहितायां सप्तमकाण्डे तृतीयः प्रश्नः॥

प्रजवं वा एतेन यन्ति यदशममहः पापावहीयं वा एतेन भवन्ति यदशममहुर्यो वै प्रजवं यतामपथेन प्रतिपद्यते यः स्थाणुं हन्ति यो भ्रंषं न्येति स हीयते स यो वै दशमेऽहन्नविवाक्य उपहन्यते स हीयते तस्मै य उपहताय व्याहृ तमेवान्वाग्भ्य समश्नुतेऽथ यो व्याहृ सः (१)

हीयते तस्मादशमेऽहन्नविवाक्य उपहताय न व्युच्यमथो खत्वाहुर्यज्ञस्य वै समृद्धेन देवाः सुवर्गं लोकमायन् यज्ञस्य व्युद्धेनासुरान्पराभावयन्निति यत्खलु वै यज्ञस्य समृद्धं तद्यजमानस्य यद्व्युद्धं तद्वातुव्यस्य स यो वै दशमेऽहन्नविवाक्य उपहन्यते स एवाति रेचयति ते ये बाह्या दृशीकवः (२)

स्युस्ते वि ब्रूयुर्यदि तत्र न विन्देयुरन्तःसदसाद्बुध्यं यदि तत्र न विन्देयुर्गृहपतिना व्युच्यन्तद्बुध्यंमेवाथ वा एतत्संपराज्जियां ऋग्भिः स्तुवन्तीयं वै सर्पतो राज्ञी यद्वा अस्यां किं चार्चन्ति यदानृचुस्तेनेयं संपराज्जी ते यदेव किं च वाचानृचुर्यदतोऽध्यर्चितारः (३)

तदुभयमास्वावरुध्योत्तिष्ठामेति ताभिर्मनसा स्तुवते न वा इमामंश्चरथो नाश्वतरीरथः सद्यः पर्याप्तुमर्हति मनो वा इमां सद्यः पर्याप्तुमर्हति मनः परिभवितुमथ ब्रह्मं वदन्ति परिमिता वा ऋचः परिमितानि

सामानि परिमितानि यजुःष्यथेतस्यैवान्तो नास्ति यद्वह्म तत्प्रतिगृणत आ चक्षीत स प्रतिगुरः॥ (४)

व्याह स दृशीकवोऽर्चितारः स एकश्च॥ [१]

ब्रह्मवादिनो वदन्ति किं द्वादशाहस्यं प्रथमेनाहुर्त्विजां यजमानो वृद्ध इति तेजं इन्द्रियमिति किं द्वितीयेनेति प्राणानन्नाद्यमिति किं तृतीयेनेति त्रीणिमाल्लोणकानिति किं चतुर्थेनेति चतुष्पदः पशूनि किं पञ्चमेनेति पञ्चाक्षराम्पङ्क्तिमिति किं षष्ठेनेति षड्भूतानिति किं सप्तमेनेति सप्तपदाः शक्ररीमिति (५)

किमष्टमेनेत्यष्टाक्षरां गायत्रीमिति किं नवमेनेति त्रिवृत्स्तोममिति किं दशमेनेति दशाक्षरां विराजमिति किमेकादशेनेत्येकादशाक्षरां त्रिष्टुभमिति किं द्वादशेनेति द्वादशाक्षरां जगतीमित्येतावद्वा अस्ति यावदेतद्यावदेवास्ति तदेपां वृद्धे॥ (६)

शक्ररीमित्येकचत्वारिंशच्च॥ [२]

एष वा आसौ द्वादशाहो यत्रयोदशरात्रः समानः ह्येतदहर्त्वायुणीयंश्चोदयनीयंश्च त्र्यतिरात्रो भवति त्रयं इमे लोका एषां लोकानामास्यै प्राणो वै प्रथमोऽतिरात्रो व्यानो द्वितीयोऽपानस्तृतीयः प्राणापानोदानेष्वेवान्नाद्ये प्रति तिष्ठन्ति सर्वमायुर्यन्ति य एवं विद्वांसस्त्रयोदशरात्रमासते तदाहर्वाग्वा एषा वितता (७)

यद्वादशाहस्तां विच्छिन्द्यन्मध्यंऽतिरात्रं कुर्युरुपदासुका गृहपतेर्वाग्न्यादुपरिष्टाच्छन्दोमानाम्महाव्रतं कुर्वन्ति सन्ततामेव वाचमव रुन्धतेऽनुपदासुका गृहपतेर्वाग्भवति पशवो वै छन्दोमा अन्नम्महाव्रतं यदुपरिष्टाच्छन्दोमानाम्महाव्रतं कुर्वन्ति पशुषु चैवान्नाद्ये च प्रति तिष्ठन्ति॥ (८)

वितता त्रिचत्वारिंशच्च॥ [३]

आदित्या अकामयन्तोभयौलोकयोर्ऋध्रुयामेति त एतं चतुर्दशरात्रमपश्यन्तमाहर्न्तेनायजन्त ततो वै त उभयौलोकयोर्ऋध्रुवन्नस्मिंश्चामुष्मिंश्च य एवं विद्वांसश्चतुर्दशरात्रमासत उभयोरिव लोकयोर्ऋध्रुवन्त्यस्मिंश्चामुष्मिंश्च चतुर्दशरात्रो भवति सप्त ग्राम्या ओषधयः सप्तरण्या उभयोरपामवरुद्धे यत्पराचीनानि पृष्ठानि (९)

भवन्त्यमुमेव तैर्लोकमभि जयन्ति यत्प्रतीचीनानि पृष्ठानि भवन्तीममेव तैर्लोकमभि जयन्ति त्रयस्त्रिंशौ मध्यतः स्तोमो भवतः साम्राज्यमेव गच्छन्त्यधिराजौ भवतोऽधिराजा एव समानानां भवन्त्यतिरात्रावभितो भवतः परिगृहीत्यौ॥ (१०)

पृष्ठानि चतुस्त्रिंशच्च॥ [४]

प्रजापतिः सुवर्गं लोकमेतं देवा अन्वायन्तानादित्याश्च पशवश्चान्वायन्ते देवा अब्रुवन् यान्पशूनुपाजौविष्म त इमंऽन्वाग्मन्त्रिति तेभ्यं एतं चतुर्दशरात्रमप्रत्यौहन्त आदित्याः पृष्ठैः सुवर्गं लोकमारोहन्त्युहाभ्यामस्मिन्नौक पशून्प्रत्यौहन्पृष्ठैरादित्या अमुष्मिन्नौक आर्ध्ववज्रहान्यामस्मिन् (११)

लोके पशवो य एवं विद्वांसश्चतुर्दशरात्रमासत उभयोरिव लोकयोर्ऋध्रुवन्त्यस्मिंश्चामुष्मिंश्च

पृष्ठैरुवाम्पिह्लौक ऋध्रुवन्ति त्र्यहाभ्यामस्मिह्लौके ज्योतिर्गौरायुरिति त्र्यहो भवतीयं वाव ज्योतिरन्तरिक्षं गौरसावायुरिमानेव लोकानभ्यारोहन्ति यदन्यतः पृष्ठानि स्युर्विविधः स्यान्मध्यं पृष्ठानि भवन्ति सविधत्वाय (१२)

ओजो वै वीर्यं पृष्ठान्योजं एव वीर्यम्मध्यतो दधते बृहद्रथन्तराभ्यां यन्तीयं वाव रथन्तरमसौ बृहदाभ्यामेव यन्त्यथो अनयोरिव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्महो भवति प्रत्यवरूढा अथो प्रतिष्ठित्या उभयौलोकयोर्ऋद्धोतिष्ठन्ति चतुर्दशैतास्तासां या दश दशाक्षरा विराडन्नं विराड्विराजैवान्नाद्यमव रून्थते याश्चतस्रश्चतस्रो दिशो दिक्ष्वेव प्रति तिष्ठन्त्यतिरात्रावभितो भवतुः परिगृहीत्यै॥ (१३)

**आर्ध्रुवत्र्यहाभ्यामस्मिन्सविधत्वाय प्रतिष्ठित्या एकत्रिंशच्च॥** [५]

इन्द्रो वै सृष्टृदेवताभिरासीत्स न व्यावृत्तमगच्छुत्स प्रजापतिमुपाधावत्तस्मां एतम्पञ्चदशरात्रम्प्रायच्छुत्तमाहरत् तेनायजत् ततो वै सौऽन्याभिर्देवताभिर्व्यावृत्तमगच्छुद्य एवं विद्वांसः पञ्चदशरात्रमासते व्यावृत्तमेव पाप्माना भ्रातृव्येण गच्छन्ति ज्योतिर्गौरायुरिति त्र्यहो भवतीयं वाव ज्योतिरन्तरिक्षम् (१४)

गौरसावायुरेष्वेव लोकेषु प्रति तिष्ठन्त्यसन्नं वा एतद्यदहन्दोमं यच्छन्दोमा भवन्ति तेन सन्नं देवता एव पृष्ठैरव रून्थते पशूच्छन्दोमैरोजो वा वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति पञ्चदशरात्रो भवति पञ्चदशो वज्रो वज्रमेव भ्रातृव्येभ्यः प्र हरन्त्यतिरात्रावभितो भवत इन्द्रियस्य परिगृहीत्यै॥ (१५)

**अन्तरिक्षमिन्द्रियस्यैकञ्च॥** [६]

इन्द्रो वै शिथिल इवाप्रतिष्ठित आसीत्सोऽसुरेभ्योऽभिभेत्स प्रजापतिमुपाधावत्तस्मां एतम्पञ्चदशरात्रं वज्रम्प्रायच्छुत् तेनासुरान्पराभाव्यं विजित्य श्रियमगच्छदग्निष्टतां पाप्मानं निरदहत पञ्चदशरात्रेणौजो बलमिन्द्रियं वीर्यमात्मन्नधत् य एवं विद्वांसः पञ्चदशरात्रमासते भ्रातृव्यानेव पराभाव्यं विजित्य श्रियं गच्छन्त्यग्निष्टतां पाप्मानं निः (१६)

दहन्ते पञ्चदशरात्रेणौजो बलमिन्द्रियं वीर्यमात्मन्दधत् एता एव पशव्याः पञ्चदश वा अर्धमासस्य रात्रयोऽर्धमासशः संवत्सर आप्यते संवत्सरम्पशवोऽनु प्र जायन्ते तस्मात्पशव्यां एता एव सुवर्ग्याः पञ्चदश वा अर्धमासस्य रात्रयोऽर्धमासशः संवत्सर आप्यते संवत्सरः सुवर्गो लोकस्तस्मात्सुवर्ग्या ज्योतिर्गौरायुरिति त्र्यहो भवतीयं वाव ज्योतिरन्तरिक्षम् (१७)

गौरसावायुरिमानेव लोकानभ्यारोहन्ति यदन्यतः पृष्ठानि स्युर्विविधः स्यान्मध्यं पृष्ठानि भवन्ति सविधत्वायौजो वै वीर्यं पृष्ठान्योजं एव वीर्यम्मध्यतो दधते बृहद्रथन्तराभ्यां यन्तीयं वाव रथन्तरमसौ बृहदाभ्यामेव यन्त्यथो अनयोरिव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकम् (१८)

यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्महो भवति

प्रत्यवरूढा अथो प्रतिष्ठित्या उभयौलोकयोर्ऋद्धोत्तिष्ठन्ति पञ्चदशैतास्तासां या दश दशाक्षरा विराडत्र विराड्विराज्जेवान्नाद्यमव रून्थते याः पञ्च पञ्च दिशो दिक्ष्वेव प्रति तिष्ठन्त्यतिरात्रावभितो भवत इन्द्रियस्य वीर्यस्य प्रजायै पशूनां परिगृहीत्यै॥ (१९)

**गच्छन्त्यग्निष्ठुतां पाप्मानन्निरन्तरिक्षल्लोकं प्रजायै द्वे च॥** [७]

प्रजापतिरकामयतान्नादः स्यामिति स एतः सप्तदशरात्रमपश्यत्तमाहर्त्तेनायजत ततो वै सौऽन्नादोऽभवद्य एवं विद्वांसः सप्तदशरात्रमासतेऽन्नादा एव भवन्ति पञ्चाहो भवति पञ्च वा ऋतवः संवत्सर ऋतुष्वेव संवत्सरे प्रति तिष्ठन्त्यथो पञ्चाक्षरा पङ्क्तिः पाङ्क्तौ यज्ञो यज्ञमेवाव रून्थतेऽसन्त्रं वा एतत् (२०)

यदच्छन्दोमं यच्छन्दोमा भवन्ति तेन सन्त्रं देवता एव पृष्ठैरव रून्थते पशूच्छन्दोमैरोजो वै वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति सप्तदशरात्रो भवति सप्तदशः प्रजापतिः प्रजापतेरास्यां अतिरात्रावभितो भवतोऽन्नाद्यस्य परिगृहीत्यै॥ (२१)

**एतत्सन्त्रिंशच्च॥** [८]

सा विराड्विक्रम्यातिष्ठद्ब्रह्मणा देवेष्वन्नेनासुरेषु ते देवा अकामयन्तोभयः सं वृंजीमहि ब्रह्म चात्रं चेति त एता विंशतिः रात्रीरपश्यन्ततो वै त उभयः समवृञ्जत ब्रह्म चात्रं च ब्रह्मवर्चसिनाऽन्नादा अभवन् य एवं विद्वांस एता आसन्त उभयमेव सं वृञ्जते ब्रह्म चात्रं च (२२)

ब्रह्मवर्चसिनाऽन्नादा भवन्ति द्वे वा एते विराजौ तयोरेव नाना प्रति तिष्ठन्ति विंशो वै पुरुषो दश हस्त्या अङ्गुलयो दश पद्या यावानेव पुरुषस्तमाप्नोतिष्ठन्ति ज्योतिर्गौरायुरिति त्र्यहा भवन्तीयं वाव ज्योतिरन्तरिक्षं गौरसावायुरिमानेव लोकानभ्यारोहन्त्यभिपूर्वं त्र्यहा भवन्त्यभिपूर्वमेव सुवर्गम् (२३)

लोकमभ्यारोहन्ति यदन्यतः पृष्ठानि स्युर्विविधः स्यान्मध्ये पृष्ठानि भवन्ति सविवध्त्वायोजो वै वीर्यं पृष्ठान्योज एव वीर्यमध्यतो दधते बृहद्रथन्तराभ्यां यन्तीयं वाव रथन्तरमसौ बृहदाभ्यामेव यन्त्यथो अनयोरेव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्महो भवति प्रत्यवरूढा अथो प्रतिष्ठित्या उभयौलोकयोर्ऋद्धोत्तिष्ठन्त्यतिरात्रावभितो भवतो ब्रह्मवर्चसस्यान्नाद्यस्य परिगृहीत्यै॥ (२४)

**वृञ्जते ब्रह्म चात्रंश्च सुवर्गमेते सुवर्गत्रयोविंशतिश्च॥** [९]

असावादित्योऽस्मिन्नल्लोक आसीत् देवाः पृष्ठैः परिगृह्य सुवर्गं लोकमगमयन्परैरवस्तात्पर्यगृह्णन्दिवाकीर्त्येन सुवर्गे लोके प्रत्यस्थापयन्परैः परस्तात्पर्यगृह्णन्पृष्ठैरुपावारोहन्त्यस वा असावादित्योऽमुष्मिन्नल्लोके परैरुभयतः परिगृहीतो यत्पृष्ठानि भवन्ति सुवर्गमेव तैल्लोकं यजमाना यन्ति परैरवस्तात्परि गृह्णन्ति दिवाकीर्त्येन (२५)

सुवर्गे लोके प्रति तिष्ठन्ति परैः परस्तात्परि गृह्णन्ति पृष्ठैरुपावारोहन्ति यत्परं परस्तात्र स्युः पराञ्चः सुवर्गल्लोकात्रिषंधेरन् यदवस्तात्र स्युः प्रजा निर्देहयुरभितो दिवाकीर्त्यं परःसामानो भवन्ति सुवर्ग एवैनाल्लोक

उभयतः परिं गृह्णन्ति यजमाना वै दिवाकीर्त्यै संवत्सरः परःसामानोऽभितो दिवाकीर्त्यै परः सामानो भवन्ति संवत्सर एवोभयतः (२६)

प्रति तिष्ठन्ति पृष्ठं वै दिवाकीर्त्यम्पार्श्वं परःसामानोऽभितो दिवाकीर्त्यै परःसामानो भवन्ति तस्मादभितः पृष्ठम्पार्श्वं भूयिष्ठा ग्रहां गृह्णन्ते भूयिष्ठं शस्यते यज्ञस्यैव तन्मध्यतो ग्रन्थं ग्रन्थन्त्यविस्त्रं साय सप्त गृह्णन्ते सप्त वै शौरपण्याः प्राणाः प्राणानेव यजमानेषु दधति यत्पराचीनानि पृष्ठानि भवन्त्यमुमेव तैर्लोकमभ्यारोहन्ति यदिमं लोकं न (२७)

प्रत्यवरोहयुरुद्धा माद्यैर्युयजमानाः प्र वां मीयेरन् यत्प्रतीचीनानि पृष्ठानि भवन्तीममेव तैर्लोकमप्रत्यवरोहन्त्यथो अस्मिन्नेव लोके प्रति तिष्ठन्त्यनुन्मादायेन्द्रो वा अप्रतिष्ठित आसीत्स प्रजापतिमुपाधावत्तस्मा एतमेकविंशतिरात्रमप्यच्छुत्तमाहर्त्तेनायजत ततो वै स प्रत्यतिष्ठेद्ये बहुयजिनोऽप्रतिष्ठिताः (२८)

स्युस्त एकविंशतिरात्रमासीरन्द्वादश मासाः पञ्चतवस्त्रयं इमे लोका असावादित्य एकविंश एतावन्तो वै दैवलोकास्तेष्वेव यथापूर्वं प्रति तिष्ठन्त्यसावादित्यो न व्यरोचत स प्रजापतिमुपाधावत्तस्मा एतमेकविंशतिरात्रमप्यच्छुत्तमाहर्त्तेनायजत ततो वै सौरोचत य एवं विद्वांस एकविंशतिरात्रमासंते रोचन्त एवैकविंशतिरात्रो भवति रुग्वा एकविंशो रुचमेव गच्छन्त्यथो प्रतिष्ठामेव प्रतिष्ठा ह्येकविंशोऽतिरात्रावभितो भवतो ब्रह्मवर्चसस्य परिगृहीत्यै॥ (२९)

गृह्णन्ति दिवाकीर्त्यै नैवोभयतो नाप्रतिष्ठिता आसन्त एकविंशतिश्च॥ [१०]

अर्वाङ्गः सं क्रामत्वमुष्मादधि मामभि। ऋषीणां यः पुरोहितः। निर्देवं निर्वीरं कृत्वा विष्कन्धं तस्मिन् हीयतां योऽस्मान्द्वेष्टि। शरीरं यज्ञशमलं कुसीदं तस्मिन्ऽसीदतु योऽस्मान्द्वेष्टि। यज्ञं यज्ञस्य यत्तेजस्तेन सं क्राम मामभि। ब्राह्मणानृत्विजो देवान् यज्ञस्य तपसा ते सवाहमा हुवे। इष्टेन पक्वमुप (३०)

ते हुवे सवाहमा सन्ते वृञ्जे सुकृतं सं प्रजां पशून्। प्रैषान्त्सामिधेनीराघारावाज्यभागवाश्रुतमप्रत्याश्रुतमा श्रृणामि ते। प्रयाजानूयाजाश्चिष्वेष्टकृतमिडामाशिष आ वृञ्जे सुवः। अग्निनेद्रेण सोमैः सरस्वत्या विष्णुना देवताभिः। याज्यानुवाक्याभ्यामुप ते हुवे स्वाहं यज्ञमा ददे ते वपद्रुतमा स्तुतं शस्त्रम्प्रतिगरं ग्रहमिडामाशिषः (३१)

आ वृञ्जे सुवः। पत्नीसंयाजानुप ते हुवे सवाहं समिष्टयजुरा ददे तव। पशून्सुतम्पुरोडाशान्त्सवन्ान्योत यज्ञमा देवान्ऽसेन्द्रानुप ते हुवे सवाहमग्निमुखांस्सोमवतो ये च विश्वैः॥ (३२)

उप ग्रहमिडामाशिषो द्वात्रिंशच्च॥ [११]

भूतम्भव्यमविष्यद्वपदध्वाहा नम ऋक्साम यजुर्वपदध्वाहा नमो गायत्री त्रिष्टुब्जगती वपदध्वाहा नमः पृथिव्यन्तरिक्षं द्यौर्वपदध्वाहा नमोऽग्निर्वायुः सूर्यो वपदध्वाहा नमः प्राणो व्यानोऽपानो वपदध्वाहा

नमोऽन्नं कृषिर्वृष्टिर्वपदध्वाहा नमः पिता पुत्रः पौत्रो वपदध्वाहा नमो भूर्भुवःसुवर्वपदध्वाहा नमः॥ (३३)

भुवश्चत्वारि च॥ \_\_\_\_\_ [१२]

आ मे गृहा भव त्वा प्रजा म आ मां यज्ञो विशतु वीर्यावान्। आपो देवीर्यज्ञिया मा विशन्तु सहस्रस्य मा भूमा मा प्र हांसीत्। आ मे ग्रहो भवत्वा पुरोरुखस्तुतश्चे मा विशताः समीची। आदित्या रुद्रा वसवो मे सदस्याः सहस्रस्य मा भूमा मा प्र हांसीत्। आ माग्निष्टोमो विशतूक्यश्चातिगात्रो मा विशत्वापिशर्वरः। तिरोअहिया मा सुहता आ विशन्तु सहस्रस्य मा भूमा मा प्र हांसीत्॥ (३४)

अग्निष्टोमो विशत्वष्टादश च॥ \_\_\_\_\_ [१३]

अग्निना तपोऽन्वभवद्वाचा ब्रह्म मणिना रूपाणीन्द्रेण देवान् वार्तेन प्राणान्भूर्येण द्याश्चन्द्रमंसा नक्षत्राणि यमेन पितृनाज्ञां मनुष्यान्फलेन नादेयानजगरेण सर्पान्याग्नेणारण्यान्पशून्छेनेन पतत्रिणो वृष्णाश्वानृषभेण गा वस्तेनाजा वृष्णिनावीर्वाहिणान्नानि यवनौषधीर्न्यग्रोधेन वनस्पतीनुदुम्बरेणोर्जङ्गायत्रिया छन्दांसि त्रिवृता स्तोमान्ब्राह्मणेन वाचमे॥ (३५)

ब्राह्मणेनैकश्च॥ \_\_\_\_\_ [१४]

स्वाहाधिमाधीताय स्वाहा स्वाहाधीतुमन्से स्वाहा स्वाहा मनः प्रजापतये स्वाहा काय स्वाहा कस्मे स्वाहा कतमस्मे स्वाहादित्ये स्वाहादित्ये मूर्ध्ने स्वाहादित्ये सुमृडीकाय स्वाहा सरस्वत्ये स्वाहा सरस्वत्ये बृहत्यै स्वाहा सरस्वत्ये पावकाय स्वाहा पूष्णे स्वाहा पूष्णे प्रपथ्याय स्वाहा पूष्णे नरन्धिपाय स्वाहा त्वष्ट्रे स्वाहा त्वष्ट्रे तुरीपाय स्वाहा त्वष्ट्रे पुरुरूपाय स्वाहा विष्णवे स्वाहा विष्णवे निखुर्यपाय स्वाहा विष्णवे निभूयपाय स्वाहा सर्वस्मे स्वाहा॥ (३६)

पुरुरूपाय स्वाहा दश च॥ \_\_\_\_\_ [१५]

दशः स्वाहा हनूभ्याः स्वाहोष्ठीभ्याः स्वाहा मुखाय स्वाहा नासिकाभ्याः स्वाहाक्षीभ्याः स्वाहा कर्णाभ्याः स्वाहा पार इक्षवोऽवार्येभ्यः पक्ष्मेभ्यः स्वाहावार इक्षवः पार्येभ्यः पक्ष्मेभ्यः स्वाहा शीरणे स्वाहा भूभ्याः स्वाहा ललाटाय स्वाहा मूर्ध्ने स्वाहा मस्तिष्काय स्वाहा केशेभ्यः स्वाहा वहाय स्वाहा ग्रीवाभ्यः स्वाहा स्कन्धेभ्यः स्वाहा कीकसाभ्यः स्वाहा पृष्टीभ्यः स्वाहा पाजस्याय स्वाहा पार्श्वभ्याः स्वाहा (३७)

असभ्याः स्वाहा दोषभ्याः स्वाहा बाहुभ्याः स्वाहा जङ्घाभ्याः स्वाहा श्रोणीभ्याः स्वाहोरुभ्याः स्वाहाष्ठीवज्याः स्वाहा जङ्घाभ्याः स्वाहा भुसदे स्वाहा शिखण्डेभ्यः स्वाहा वालुधानाय स्वाहाण्डाभ्याः स्वाहा शेपाय स्वाहा रेतसे स्वाहा प्रजाभ्यः स्वाहा प्रजननाय स्वाहा पश्वः स्वाहा शफेभ्यः स्वाहा लोमभ्यः स्वाहा त्वचे स्वाहा लोहिताय स्वाहा मांसाय स्वाहा स्नावेभ्यः स्वाहास्थभ्यः स्वाहा मज्जभ्यः

स्वाहाङ्गभ्यः स्वाहात्मने स्वाहा सर्वस्मै स्वाहा॥ (३८)

पार्श्वभ्यां स्वाहा मञ्जभ्यः स्वाहा षट्॥ [१६]

अञ्येताय स्वाहाङ्गिसक्थाय स्वाहा शितिपदे स्वाहा शितिककुदे स्वाहा शितिरन्ध्राय स्वाहा शितिपृष्ठाय स्वाहा शित्यङ्गाय स्वाहा पुष्पकर्णाय स्वाहा शित्योष्ठाय स्वाहा शितिभ्रवे स्वाहा शितिभसदे स्वाहा श्वेतानूकाशाय स्वाहाङ्गये स्वाहा ललामाय स्वाहासितज्ञवे स्वाहा कृष्णैताय स्वाहा रोहितैताय स्वाहारुणैताय स्वाहेदृशाय स्वाहा कीदृशाय स्वाहा तादृशाय स्वाहा सदृशाय स्वाहा विसदृशाय स्वाहा सुसदृशाय स्वाहा रूपाय स्वाहा सर्वस्मै स्वाहा॥ (३९)

रूपाय स्वाहा द्वे च॥ [१७]

कृष्णाय स्वाहा श्वेताय स्वाहा पिशङ्गाय स्वाहा सारङ्गाय स्वाहारुणाय स्वाहा गौराय स्वाहा वभ्रवे स्वाहा नकुलाय स्वाहा रोहिताय स्वाहा शोणाय स्वाहा श्यावाय स्वाहा श्यामाय स्वाहा पाकुलाय स्वाहा सुरूपाय स्वाहानुरूपाय स्वाहा विरूपाय स्वाहा सरूपाय स्वाहा प्रतिरूपाय स्वाहा शबलाय स्वाहा कमलाय स्वाहा पृथ्वे स्वाहा पृथ्विसक्थाय स्वाहा सर्वस्मै स्वाहा॥ (४०)

कृष्णाय षट्त्वारिंशत्॥ [१८]

ओषधीभ्यः स्वाहा मूलैभ्यः स्वाहा तूलैभ्यः स्वाहा काण्डैभ्यः स्वाहा वल्लभैभ्यः स्वाहा पुष्पैभ्यः स्वाहा फलैभ्यः स्वाहा गृहीतेभ्यः स्वाहागृहीतेभ्यः स्वाहावपन्नेभ्यः स्वाहा शयानेभ्यः स्वाहा सर्वस्मै स्वाहा॥ (४१)

ओषधीभ्यश्चतुर्विंशतिः॥ [१९]

वनस्पतिभ्यः स्वाहा मूलैभ्यः स्वाहा तूलैभ्यः स्वाहा स्कन्धैभ्यः स्वाहा शाखाभ्यः स्वाहा पुर्णेभ्यः स्वाहा पुष्पैभ्यः स्वाहा फलैभ्यः स्वाहा गृहीतेभ्यः स्वाहागृहीतेभ्यः स्वाहावपन्नेभ्यः स्वाहा शयानेभ्यः स्वाहा शिष्टाय स्वाहातिशिष्टाय स्वाहा परिशिष्टाय स्वाहा संशिष्टाय स्वाहोच्छिष्टाय स्वाहा रिक्ताय स्वाहारिक्ताय स्वाहा प्ररिक्ताय स्वाहा संरिक्ताय स्वाहोद्विक्ताय स्वाहा सर्वस्मै स्वाहा॥ (४२)

वनस्पतिभ्यः स्कन्धैभ्यः शिष्टाय रिक्ताय षट्त्वारिंशत्॥ [२०]

[प्रजवं प्रजापतिर्यद्वन्द्वमन्ते हुवे सवाहमोषधीभ्यो द्विचत्वारिंशत्॥४२॥ प्रजवः सर्वस्मै स्वाहा॥]



# ॥चतुर्थः प्रश्नः॥

॥तैत्तिरीयसंहितायां सप्तमकाण्डे चतुर्थः प्रश्नः॥

बृहस्पतिरकामयत् श्रमे देवा दर्धोरन्गच्छेयं पुरोधामिति स एतं चतुर्विंशतिरात्रमपश्यत्तमाहर्त्तेनायजत् ततो वै तस्मै श्रदेवा अदधतागच्छत्पुरोधां य एवं विद्वांसश्चतुर्विंशतिरात्रमासते श्रदेभ्यो मनुष्या दधते गच्छन्ति पुरोधां ज्योतिर्गौरायुरिति त्र्यहा भवन्तीयं वाव ज्योतिरन्तरिक्षं गौरसावायुः (१)

इमानेव लोकानभ्यारोहन्त्यभिपूर्वं त्र्यहा भवन्त्यभिपूर्वमेव सुवर्गं लोकमभ्यारोहन्त्यसत्रं वा एतद्यदच्छन्दोमं यच्छन्दोमा भवन्ति तेन सत्रं देवता एव पृष्ठैरव रन्त्यते पशूच्छन्दोमैरोजो वै वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति बृहद्रथन्तराभ्यां यन्तीयं वाव रन्थन्तरमसौ बृहदाभ्यामेव (२)

यन्त्यथो अनयोरिव प्रति तिष्ठन्त्येते वै यज्ञस्याञ्जसायनी स्मृती ताभ्यामेव सुवर्गं लोकं यन्ति चतुर्विंशतिरात्रो भवति चतुर्विंशतिरर्धमासाः संवत्सरः संवत्सरः सुवर्गो लोकः संवत्सर एव सुवर्गे लोके प्रति तिष्ठन्त्यथो चतुर्विंशत्यक्षरा गायत्री गायत्री ब्रह्मवर्चसङ्गायत्रियैव ब्रह्मवर्चसमव रन्त्यतेऽतिरात्रावभितो भवतो ब्रह्मवर्चसस्य परिगृहीत्ये॥ (३)

असावायुराभ्यामेव पञ्चचत्वारिंशच्च॥ [१]

यथा वै मनुष्या एव देवा अग्र आसन्तेऽकामयन्तावर्तिम्याप्मानंमृत्युमपहृत्य देवीं स॒सदं गच्छमेति त एतं चतुर्विंशतिरात्रमपश्यन्तमाहर्त्तेनायजन्त ततो वै तेऽवर्तिम्याप्मानंमृत्युमपहृत्य देवीं स॒सदमगच्छन् य एवं विद्वांसश्चतुर्विंशतिरात्रमासतेऽवर्तिमेव पाप्मानमपहृत्य श्रियं गच्छन्ति श्रीरहि मनुष्यस्य (४)

देवीं स॒सज्ज्योतिरतिरात्रो भवति सुवर्गस्य लोकस्यानुख्यात्ये पृष्ठः षडहो भवति षड्वा ऋतवः संवत्सरस्तम्मासा अर्धमासा ऋतवः प्रविश्य देवीं स॒सदमगच्छन् य एवं विद्वांसश्चतुर्विंशतिरात्रमासते संवत्सरेमेव प्रविश्य वस्यसीं स॒सदं गच्छन्ति त्रयस्त्रयस्त्रिंशा अवस्ताद्ववन्ति त्रयस्त्रयस्त्रिंशाः प्रस्तात्रयस्त्रिंशैरेवोभयतोऽवर्तिम्याप्मानमपहृत्य देवीं स॒सदममध्यतः (५)

गच्छन्ति पृष्ठानि हि देवीं स॒सज्जामि वा एतत्कुर्वन्ति यत्रयस्त्रयस्त्रिंशा अन्वञ्चो मध्येऽनिरुक्तो भवति तेनाजाम्यूर्ध्वानि पृष्ठानि भवन्त्यूर्ध्वार्धच्छन्दोमा उभाभ्यां रूपाभ्यां सुवर्गं लोकं यन्त्यसत्रं वा एतद्यदच्छन्दोमं यच्छन्दोमा भवन्ति तेन सत्रं देवता एव पृष्ठैरव रन्त्यते पशूच्छन्दोमैरोजो वै वीर्यं पृष्ठानि पशवः (६)

छन्दोमा ओजस्येव वीर्यं पशुषु प्रति तिष्ठन्ति त्रयस्त्रयस्त्रिंशा अवस्ताद्ववन्ति त्रयस्त्रयस्त्रिंशाः प्रस्तान्मध्ये पृष्ठान्युरो वै त्रयस्त्रिंशा आत्मा पृष्ठान्यात्मन एव तद्यजमानाः शर्म नहन्तेऽनात्मे बृहद्रथन्तराभ्यां यन्तीयं वाव रन्थन्तरमसौ बृहदाभ्यामेव यन्त्यथो अनयोरिव प्रति तिष्ठन्त्येते वै यज्ञस्याञ्जसायनी स्मृती ताभ्यामेव (७)

सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्महो

भवति प्रत्यवरूढ्या अथो प्रतिष्ठित्या उभयौलोकयोरंक्रद्धोत्तिष्ठन्ति त्रिवृतोऽधि त्रिवृतमुप यन्ति स्तोमान् ॥ सम्पत्त्यै प्रभवाय ज्योतिरग्निष्टोमो भवत्ययं वाव स क्षयोऽस्मादेव तेन क्षयान्न यन्ति चतुर्विंशतिरात्रो भवति चतुर्विंशतिरधमासाः संवत्सरः संवत्सरः सुवर्गो लोकः संवत्सर एव सुवर्गे लोके प्रति तिष्ठन्त्यथो चतुर्विंशत्यक्षरा गायत्री गायत्री ब्रह्मवर्चसङ्गायत्रियैव ब्रह्मवर्चसमवं रुन्धतेऽतिरात्रावभितो भवतो ब्रह्मवर्चसस्य परिगृहीत्यै॥ (८)

मनुष्यस्य मध्यतः पशवस्ताभ्यामेव संवत्सरश्चतुर्विंशतिश्च॥ [२]

ऋक्षा वा इयमलोमकासीत्साकामयतौपंधीभिर्वनस्पतिभिः प्र जायेयेति सैतास्त्रिंशत् ॥ रात्रौरपश्यत्ततो वा इयमौपंधीभिर्वनस्पतिभिः प्राजायत ये प्रजाकामाः पशुकामाः स्युस्त एता आसीरन्मैव जायन्ते प्रजया पशुभिरियं वा अंक्षुध्यत्सैतां विराजमपश्यत्तामात्मन्धित्वात्राद्यमवार्न्द्धौपंधीः (९)

वनस्पतौन्मृजां पशून्तानवर्धत सा जेमानम्महिमानमगच्छद्य एवं विद्वांसं एता आसंते विराजमेवात्मन्धित्वाऽत्राद्यमवं रुन्धते वर्धन्ते प्रजयां पशुभिर्जेमानम्महिमानं गच्छन्ति ज्योतिरतिरात्रो भवति सुवर्गस्य लोकस्यानुख्यात्यै पृष्ठः षडहो भवति षड्वा ऋतवः षट्दृष्टानि पृष्ठैरेवतून्वाराहेहन्त्युतुभिः संवत्सरन्ते संवत्सर एव (१०)

प्रति तिष्ठन्ति त्रयस्त्रिंशत्त्रयस्त्रिंशत्शमुप यन्ति यज्ञस्य सन्तत्या अथौ प्रजापतिर्वै त्रयस्त्रिंशः प्रजापतिमेवा रभन्ते प्रतिष्ठित्यै त्रिणवो भवति विजित्या एकविंशो भवति प्रतिष्ठित्या अथो रुचमेवात्मन्धते त्रिवृदग्निष्टुद्ववति पाप्मानमेव तेन निर्दहन्तेऽथो तेजो वै त्रिवृत्तेज एवात्मन्धते पञ्चदश इन्द्रस्तोमो भवतौन्द्रियमेवावं (११)

रुन्धते सप्तदशो भवत्यत्राद्यस्यावरूढ्या अथो प्रैव तेन जायन्त एकविंशो भवति प्रतिष्ठित्या अथो रुचमेवात्मन्धते चतुर्विंशो भवति चतुर्विंशतिरधमासाः संवत्सरः संवत्सरः सुवर्गो लोकः संवत्सर एव सुवर्गे लोके प्रति तिष्ठन्त्यथो एष वै विपूवान् विपूवन्तो भवन्ति य एवं विद्वांसं एता आसंते चतुर्विंशत्पृष्ठान्युप यन्ति संवत्सर एव प्रतिष्ठाय (१२)

देवतां अभ्यारोहन्ति त्रयस्त्रिंशत्त्रयस्त्रिंशत्शमुप यन्ति त्रयस्त्रिंशद्वै देवतां देवतांस्वेव प्रति तिष्ठन्ति त्रिणवो भवतीमे वै लोकास्त्रिणव एष्वेव लोकेषु प्रति तिष्ठन्ति द्वैर्वैकविंशौ भवतः प्रतिष्ठित्या अथो रुचमेवात्मन्धते बृहवः षोडशिनो भवन्ति तस्माद्बृहवः प्रजासु वृषाणो यदेते स्तोमा व्यतिषक्ता भवन्ति तस्मादियमौपंधीभिर्वनस्पतिभिर्व्यतिषक्ता (१३)

व्यतिषज्यन्ते प्रजयां पशुभिर्य एवं विद्वांसं एता आसतेऽङ्गसा वा एते सुवर्गं लोकं यन्त्युच्चावचान् हि स्तोमानुपयन्ति यदेत ऊर्ध्वाः कृसाः स्तोमा भवन्ति कृसा एव सुवर्गं लोकं यन्त्युभयोरभ्यो लोकयोः कल्पते त्रिंशदेतास्त्रिंशदक्षरा विराडत्र विराड्विराजैवात्राद्यमवं रुन्धतेऽतिरात्रावभितो भवतोऽत्राद्यस्य परिगृहीत्यै॥ (१४)

ओषधीः संवत्सर एवावं प्रतिष्ठाय व्यतिषक्तैकान्नपञ्चाशच्च॥ [३]

प्रजापतिः सुवर्गं लोकमेतं देवा येनयेन छन्दसानु प्रायुञ्जत तेन नापूवन्त एता द्वात्रिंशत् ॥

रात्रीरपश्यन् द्वात्रिंशदक्षरानुष्टुगानुष्टुभः प्रजापतिः स्वेनैव छन्दसा प्रजापतिमात्वाभ्यारूढं सुवर्गं लोकमायन् य एवं विद्वांसं एता आसन्ते द्वात्रिंशदेता द्वात्रिंशदक्षरानुष्टुगानुष्टुभः प्रजापतिः स्वेनैव छन्दसा प्रजापतिमात्वा श्रियं गच्छन्ति (१५)

श्रीरहि मनुष्यस्य सुवर्गो लोको द्वात्रिंशदेता द्वात्रिंशदक्षरानुष्टुगानुष्टुप्सर्वमेव वाचमाप्नुवन्ति सर्वे वाचो वन्दितारो भवन्ति सर्वे हि श्रियं गच्छन्ति ज्योतिर्गौरायुरिति त्र्यहा भवन्तीत्यं वाव ज्योतिरन्तरिक्षं गौरसावायुरिमामेव लोकानभ्यारोहन्त्यभिपूर्वं त्र्यहा भवन्त्यभिपूर्वमेव सुवर्गं लोकमभ्यारोहन्ति बृहद्रथन्तराभ्यां यन्ति (१६)

इयं वाव रथन्तरमसौ बृहदाभ्यामेव यन्त्यथो अनयोरेव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराञ्चस्यहानुपयन्ति प्रत्यङ्मुहो भवति प्रत्यवरूढा अथो प्रतिष्ठित्या उभयोर्लोकयोर्ऋद्धोत्तिष्ठन्ति द्वात्रिंशदेतास्तासां यास्मिंश्चित्रिंशदक्षरा विराडन्नं विराड्विराजैवान्नाद्यमव रुन्त्ये ये द्वे अहोरात्रे एव ते उभाभ्यां रूपाभ्यां सुवर्गं लोकं यन्त्यतिरात्रावभितौ भवतः परिगृहीत्ये॥ (१७)

गच्छन्ति यन्ति त्रिंशदक्षरा द्वाविंशतिश्च॥ [४]

द्वे वाव देवसूत्रे द्वादशाहश्चैव त्रयस्त्रिंशदहश्च य एवं विद्वांसंस्त्रयस्त्रिंशदहमासन्ते साक्षादेव देवता अभ्यारोहन्ति यथा खलु वै श्रेयानभ्यारूढः कामयते तथा करोति यद्यवविध्यति पापीयान्भवति यदि नावविध्यति सदृष्ट एव विद्वांसंस्त्रयस्त्रिंशदहमासन्ते वि पाप्मना भ्रातृव्येणा वर्तन्तेऽहर्भाजो वा एता देवा अग्र आहरन् (१८)

अहरेकोऽभञ्जताहरेकस्ताभिर्वै ते प्रबाहुगार्ध्वान् य एवं विद्वांसंस्त्रयस्त्रिंशदहमासन्ते सर्व एव प्रबाहुगर्ध्ववन्ति सर्वे ग्रामणीयम्प्राप्नुवन्ति पञ्चाहा भवन्ति पञ्च वा ऋतवः संवत्सर ऋतुष्वेव संवत्सरे प्रति तिष्ठन्त्यथो पञ्चाक्षरा पङ्क्तिः पाङ्क्तौ यज्ञ यज्ञमेवाव रुन्त्ये त्रीण्यांश्चिनानि भवन्ति त्रयं इमे लोका एषु (१९)

एव लोकेषु प्रति तिष्ठन्त्यथो त्रीणि वै यज्ञस्यैन्द्रियाणि तायेवाव रुन्त्ये विश्वजिद्वैतयन्त्राद्यस्यावर्कृद्धे सर्वपृष्ठो भवति सर्वस्याभिजित्यै वाग्वै द्वादशाहो यत्पुरस्ताद्द्वादशाहमुपेयुरनांसां वाचमुपेयुरपदासुकैपां वाख्स्यादुपरिष्टाद्द्वादशाहमुप यन्त्याप्तामेव वाचमुप यन्ति तस्मादुपरिष्टाद्वाचा वंदामोऽवान्तरम् (२०)

वै दशरात्रेण प्रजापतिः प्रजा असृजत् यदशरात्रो भवति प्रजा एव तद्यजमानाः सृजन्त एता ह वा उदङ्कः शौल्बायनः सत्रस्त्रयर्द्धिमुवाच यदशरात्रो यदशरात्रो भवति सत्रस्त्रयर्द्धा अथो यदेव पूर्वेष्वहःसु विलोम क्रियते तस्यैवैषा शान्तिर्द्विनीका वा एता रात्रयो यजमाना विश्वजिह्महातिरात्रेण पूर्वाः षोडश सहातिरात्रेणोत्तराः षोडश य एवं विद्वांसंस्त्रयस्त्रिंशदहमासन्त ऐषां द्विनीका प्रजा जायतेऽतिरात्रावभितौ भवतः परिगृहीत्ये॥ (२१)

अहर्त्रेष्ववान्तरं षोडश सह सप्तदश च॥ [५]

आदित्या अकामयन्त सुवर्गं लोकमियामेति ते सुवर्गं लोकं न प्राजानन्त सुवर्गं लोकमायन्त एतः पद्मिंशद्वात्रमपश्यन्तमाहर्न्तेनायजन्त ततो वै ते सुवर्गं लोकम्प्राजानन्सुवर्गं लोकमायन् य एवं विद्वांसः पद्मिंशद्वात्रमासन्ते सुवर्गमेव लोकम्प्राजानन्ति सुवर्गं लोकं यन्ति ज्योतिरतिरात्रः (२२)

भवति ज्योतिरेव पुरस्ताद्वधते सुवर्गस्य लोकस्यानुरख्यात्यै षड्हा भवन्ति षड्हा ऋतवं ऋतुष्वेव प्रति तिष्ठन्ति चत्वारो भवन्ति चतस्रो दिशो दिक्ष्वेव प्रति तिष्ठन्त्यसंज्ञं वा एतद्यदच्छन्दोमं यच्छन्दोमा भवन्ति तेन सन्त देवता एव पृष्ठैरवं रुन्धते पशूच्छन्दोमैरोजो वै वीर्यं पृष्ठानि पशवंश्छन्दोमा ओजस्येव (२३)

वीर्यं पशुषु प्रति तिष्ठन्ति पद्मिंशद्वात्रो भवति पद्मिंशदक्षरा बृहती बारहताः पशवो बृहत्यैव पशूनवं रुन्धते बृहती छन्दसाः स्वार्ण्यमाश्रुताश्रुवते स्वार्ण्यं य एवं विद्वांसः पद्मिंशद्वात्रमासन्ते सुवर्गमेव लोकं यन्त्यतिरात्रावभितो भवतः सुवर्गस्य लोकस्य परिगृहीत्यै॥ (२४)

**अतिरात्र ओजस्येव पद्मिंशच्च॥** [६]

वसिष्ठो हतपुत्रोऽकामयत विन्देयं प्रजामभि सौदासान्भवेयमिति स एतमैकस्मान्नपञ्चाशमपश्यत्तमाहर्न्तेनायजन्त ततो वै सोऽविन्दत प्रजामभि सौदासान्भवद्य एवं विद्वांसं एकस्मान्नपञ्चाशमासन्ते विन्दन्तैः प्रजामभि भ्रातृव्याम्भवन्ति त्रयस्त्रिंशतोऽग्निष्टोमा भवन्ति वज्रस्येव मुखः सः श्यन्ति दशं पञ्चदशं भवन्ति पञ्चदशो वज्रः (२५)

वज्रमेव भ्रातृव्येभ्यः प्र हरन्ति षोडशिमदशममहर्भवति वज्रं एव वीर्यं दधति द्वादशं सप्तदशं भवन्त्यत्राद्यस्यावरुद्धा अथो प्रैव तैर्जायन्ते पृष्ठः षडहो भवति षड्हा ऋतवः षडृष्ठानि पृष्ठैरेवर्तुन्वारोहन्त्यृतुभिः संवत्सरन्ते संवत्सर एव प्रति तिष्ठन्ति द्वादशैकविंशं भवन्ति प्रतिष्ठित्या अथो रुचमेवात्मन् (२६)

दधते बृहवः षोडशिनो भवन्ति विजित्यै षडांश्चिनानि भवन्ति षड्हा ऋतवं ऋतुष्वेव प्रति तिष्ठन्त्यूनानि रित्ता वा एता रात्रय ऊनास्तद्यदेकस्यै न पञ्चाशदतिरित्तास्तद्यद्व्यंसीरष्टाचत्वारिंशत ऊनाश्च खलु वा अतिरित्ताश्च प्रजापतिः प्राजायत ये प्रजाकांमाः पशुकांमाः स्युस्त एता आसीरन्त्रैव जायन्ते प्रजयां पशुभिर्वैराजो वा एष यज्ञो यदैकस्मान्नपञ्चाशो य एवं विद्वांसं एकस्मान्नपञ्चाशमासन्ते विराजमेव गच्छन्त्यत्रादा भवन्त्यतिरात्रावभितो भवतोऽत्राद्यस्य परिगृहीत्यै॥ (२७)

**वज्रं आत्मन्प्रजया द्वाविंशतिश्च॥** [७]

संवत्सराय दीक्षिष्यमाणा एकाष्टकायां दीक्षेत्रेणा वै संवत्सरस्य पत्नी यदैकाष्टकैतस्यां वा एष एताः रात्रि वसति साक्षादेव संवत्सरमारभ्य दीक्षन्त आर्तुं वा एते संवत्सरस्याभि दीक्षन्ते य एकाष्टकायां दीक्षन्तेऽन्तनामानावृतु भवतो व्यस्तं वा एते संवत्सरस्याभि दीक्षन्ते य एकाष्टकायां दीक्षन्तेऽन्तनामानावृतु भवतः फल्गुनीपूर्णमासे दीक्षेरन्मुखं वा एतत् (२८)

संवत्सरस्य यत्फल्गुनीपूर्णमासो मुखत एव संवत्सरमारभ्य दीक्षन्ते तस्यैकैव निर्या यत्साम्मध्ये विषुवान्स्मर्यते चित्रापूर्णमासे दीक्षेरन्मुखं वा एतत्संवत्सरस्य यच्चित्रापूर्णमासो मुखत एव संवत्सरमारभ्य

दीक्षन्ते तस्य न का चन निर्या भवति चतुरहे पुरस्तात्पौर्णमास्यै दीक्षेरन्तेषामेकाष्टकायां ऋयः सम्पद्यते तेनैकाष्टकां न छम्बद्ग्वन्ति तेषाम् (२९)

पूर्वपक्षे सुत्या सम्पद्यते पूर्वपक्षमासां अभि सम्पद्यन्ते ते पूर्वपक्ष उत्तिष्ठन्ति तानुतिष्ठन्त ओषधयो वनस्पतयोऽनुतिष्ठन्ति तान्कल्याणी कीर्तिरनूतिष्ठत्यर्धश्रुतिमे यजमाना इति तदनु सर्वे राध्रवन्ति॥ (३०)

**एतच्छम्बद्ग्वन्ति तेषाञ्चतुस्त्रिंशच्च॥** [८]

सुवर्गं वा एते लोकं यन्ति ये सत्रमुपयन्त्यभीन्यन्त एव दीक्षाभिर्गत्मानं श्रपयन्त उपसद्भिर्द्वाभ्यां लोमाव द्यन्ति द्वाभ्यान्त्वच्च द्वाभ्यामसद्द्वाभ्याम्मांसं द्वाभ्यामस्थि द्वाभ्याम्मज्जनंमात्सदक्षिणं वै सत्रमात्मानमेव दक्षिणां नीत्वा सुवर्गं लोकं यन्ति शिखामनु प्र वपन्त ऋद्ध्या अथो रधीयांसः सुवर्गं लोकमयामेति॥ (३१)

**सुवर्गम्पञ्चाशत्॥** [९]

ब्रह्मवादिनो वदन्त्यतिरात्रः परमो यंजकृतूनां कस्मात्तम्रंथममुपं यन्तीत्येतद्वा अंग्रिष्टोमम्रंथममुपं यन्त्यथोक्थ्यमथं षोडशिनमथातिरात्रमनुपूर्वमेवैतद्यंजकृतूनुपेत्य तानालभ्यं परिगृह्य सोममेवैतत्पिबन्त आसते ज्योतिष्टोमम्रंथममुपं यन्ति ज्योतिष्टोमो वै स्तोमानाम्मुखंमुखत एव स्तोमान् युञ्जते ते (३२)

सश्स्तुता विराजमभि सम्पद्यन्ते द्वे चर्चावर्ति रिच्येते एकया गौरतिरिक्त एकयार्यूरुनः सुवर्गो वै लोको ज्योतिरूर्ग्विराद्ग्वर्गमेव तेन लोकं यन्ति रथन्तरं दिवा भवति रथन्तरं नक्तमित्याहुर्ब्रह्मवादिनः केन तदजामीति सौभरं तृतीयसवने ब्रह्मसामम्बृहत्तन्मध्यतो दधति विधृत्यै तेनाजामि॥ (३३)

**त एकात्रपञ्चाशच्च॥** [१०]

ज्योतिष्टोमम्रंथममुपं यन्त्यस्मिन्नेव तेन लोके प्रति तिष्ठन्ति गोष्टोमं द्वितीयमुपं यन्त्यन्तरिक्ष एव तेन प्रति तिष्ठन्त्यार्युष्टोमं तृतीयमुपं यन्त्यमुष्मिन्नेव तेन लोके प्रति तिष्ठन्तीयं वाव ज्योतिरन्तरिक्षं गौरसावायुर्यदेतान्स्थोमानुपयन्त्येष्वेव तल्लोकेषु सन्निः प्रतितिष्ठन्तो यन्ति ते सश्स्तुता विराजम् (३४)

अभि सम्पद्यन्ते द्वे चर्चावर्ति रिच्येते एकया गौरतिरिक्त एकयार्यूरुनः सुवर्गो वै लोको ज्योतिरूर्ग्विराद्ग्वर्गमेवाव रून्त्ये ते न क्षुधातिमार्च्छन्त्यक्षौधुका भवन्ति क्षुत्संम्बाधा इव हि सन्निः अंग्रिष्टोमावभितः प्रधी तावुक्थ्यां मध्ये नभ्यं तत्तदेतत्परियदैवचक्रं यदेतेन (३५)

षडहेन यन्ति देवचक्रमेव समारोहन्त्यरिष्टे ते स्वस्ति समंश्रुवते षडहेन यन्ति षड्वा ऋतवं ऋतुष्वेव प्रति तिष्ठन्त्युभयतोज्योतिषा यन्त्युभयतं एव सुवर्गे लोके प्रतितिष्ठन्तो यन्ति द्वौ षड्गहौ भवन्तस्तानि द्वादशाहानि सम्पद्यन्ते द्वादशो वै पुरुषो द्वे सक्थ्यौ द्वौ बाहू आत्मा च शिरश्च चत्वार्यङ्गानि स्तनौ द्वादशौ (३६)

तत्पुरुषमनु पर्यावर्तन्ते त्रयः षडहा भवन्ति तान्यष्टादशाहानि सम्पद्यन्ते नवान्यानि नवान्यानि नव वै पुरुषे प्राणास्तप्राणाननु पर्यावर्तन्ते चत्वारः षडहा भवन्ति तानि चतुर्विंशतिरहानि

सम्पद्यन्ते चतुर्विंशतिरधमासाः संवत्सरस्तत्संवत्सरमनु पर्यावर्तन्तेऽप्रतिष्ठितः संवत्सर इति खलु वा  
आहुर्वर्षीयान्प्रतिष्ठाया इत्येतावद्वै संवत्सरस्य ब्राह्मणं यावन्मासो मासिमास्येव प्रतितिष्ठन्तो यन्ति॥ (३७)

**विराजमेतेन द्वादशावेतावद्वा अष्टौ च॥** [११]

मेघस्त्वा पचतैरवतु लोहितग्रीवश्छागैः शल्मलिर्वृद्धा पूर्णो ब्रह्मणा पृक्षो मेघेन न्यग्रोधश्चमसैरुदुम्बरं  
ऊर्जा गायत्री छन्दोभिस्त्रिवृध्तोमेरवन्तोः स्थावन्तोस्त्वावन्तु प्रियं त्वा प्रियाणां वर्षिष्ठमाप्यानां निधीनां त्वा  
निधिपतिर हवामहे वसो मम॥ (३८)

**मेघः षट्त्रिंशत्॥** [१२]

कूप्याभ्यः स्वाहा कूल्याभ्यः स्वाहा विक्र्याभ्यः स्वाहाऽवृट्याभ्यः स्वाहा खन्याभ्यः स्वाहा हृद्याभ्यः  
स्वाहा सूद्याभ्यः स्वाहा सरस्याभ्यः स्वाहा वैशन्तीभ्यः स्वाहा पल्वल्याभ्यः स्वाहा वर्ष्याभ्यः स्वाहाऽवर्ष्याभ्यः  
स्वाहा ह्रादुनीभ्यः स्वाहा पृष्वाभ्यः स्वाहा स्यन्दमानाभ्यः स्वाहा स्थावराभ्यः स्वाहा नादेयीभ्यः स्वाहा  
सैन्धवीभ्यः स्वाहा समुद्रियाभ्यः स्वाहा सर्वाभ्यः स्वाहा॥ (३९)

**कूप्याभ्यश्चत्वारिंशत्॥** [१३]

अद्भ्यः स्वाहा वहन्तीभ्यः स्वाहा परिवहन्तीभ्यः स्वाहा समन्तं वहन्तीभ्यः स्वाहा शीघ्रं वहन्तीभ्यः  
स्वाहा शीभं वहन्तीभ्यः स्वाहाग्रं वहन्तीभ्यः स्वाहा भीमं वहन्तीभ्यः स्वाहाऽम्भीभ्यः स्वाहा नभोभ्यः स्वाहा  
महोभ्यः स्वाहा सर्वस्मै स्वाहा॥ (४०)

**अद्भ्य एकात्रिंशत्॥** [१४]

यो अर्वन्तं जिघांसति तमभ्यमीति वरुणः। पुरो मर्तः पुरः श्वा। अहं च त्वं च वृत्रहन्सम्बभूव  
सुनिभ्य आ। अरातीवा चिदद्विषोऽनु नौ शूर मंसते भद्रा इन्द्रस्य रातयः। अभि ऋत्वेन्द्र भूरध्र उमत्र  
तै विव्यङ्गहिमान् रजांसि। स्वेना हि वृत्रं शवसा जघन्थ न शत्रुरन्तं विविदद्युषा तै॥ (४१)

**विविदद्वे च॥** [१५]

नमो राज्ञे नमो वरुणाय नमोऽश्वाय नमः प्रजापतये नमोऽधिपतयेऽधिपतिरस्यधिपति मा कुर्वधिपतिरहं  
प्रजानां भूयासम्मां धेहि मयि धेह्युपाकृताय स्वाहाऽऽलंब्याय स्वाहा हुताय स्वाहा॥ (४२)

**नम एकात्रिंशत्॥** [१६]

मृगोभूर्वातो अभि वातुस्मा ऊर्जस्वतीरोषधीरा रिशन्ताम्। पीवस्वतीर्जीवधन्याः पिबन्त्ववसायं पृद्धतै  
रुद्र मृडा। याः सरूपा विरूपा एकरूपा यासाम्गिरिष्ठा नामानि वेद। या अङ्गिरसस्तपसेह चक्रुस्ताभ्यः

पर्जन्यं महिं शर्मं यच्छ। या देवेषु तनुवमैरयन्त यासां सोमो विश्वां रूपाणि वेद। ता अस्मभ्युम्पयसां पिबमानाः प्रजावन्तीरिन्द्र (४३)

गोष्ठे रिरिहि। प्रजापतिर्मह्यमेता रराणो विश्वैर्देवैः पितृभिः संविदानः। शिवाः सूतीरुपं नो गोष्ठमाकस्तासां वयं प्रजयां सः संदेमा। इह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहां महीमू पु सुत्रामाणम्॥ (४४)

इन्द्राष्टात्रिंशच्च॥ [१७]

किं स्विदासीत्पूर्वचित्तिः किं स्विदासीद्बृहद्वयं। किं स्विदासीत्पिशङ्गिला किं स्विदासीत्पिलिप्पिला। द्यौरासीत्पूर्वचित्तिरश्वं आसीद्बृहद्वयं। रात्रिरासीत्पिशङ्गिला विरासीत्पिलिप्पिला। कः स्विदेकाकी चरति क उं स्विज्जायते पुनः। किं स्विद्धिमस्यं भेषजं किं स्विदावपनम्मुहत्। सूर्यं एकाकी चरति (४५)

चन्द्रमां जायते पुनः। अग्निरहिमस्यं भेषजम्भूमिरावपनम्मुहत्। पृच्छामि त्वा परमन्तं पृथिव्याः पृच्छामि त्वा भुवनस्य नाभिम्। पृच्छामि त्वा वृष्णो अश्वस्य रेतः पृच्छामि वाचः परमं व्योम। वेदिमाहुः परमन्तं पृथिव्या यज्ञमाहुर्भुवनस्य नाभिम्। सोममाहुर्वृष्णो अश्वस्य रेतो ब्रह्मैव वाचः परमं व्योम॥ (४६)

सूर्यं एकाकी चरति षट्त्वारिंशच्च॥ [१८]

अम्बे अम्बाल्यम्बिके न मां नयति कश्चन। ससस्त्यंश्वकः। सुभगे काम्पीलवासिनि सुवर्गे लोके सं प्रोण्वथाम्। आहमंजानि गर्भधमा त्वमंजासि गर्भधम्। तौ सह चतुरः पदः सम्प्र सारयावहे। वृषां वा रेतोधा रेतो दधातून्सुवर्थागृदं धैह्यञ्जिमुदञ्जिमन्वजा। यः स्त्रीणां जीवभोजनो य आंसाम् (४७)

बिलधावनः। प्रियः स्त्रीणामपीच्यः। य आसां कृष्णे लक्ष्मणि सर्दिगृदिम्परावधीत्। अम्बे अम्बाल्यम्बिके न मां यमति कश्चन। ससस्त्यंश्वकः। ऊर्ध्वमैनामुच्छ्रयताद्वेणुभारं गिराविवा। अथास्या मध्यमेधतां शीते वाते पुनन्निवा। अम्बे अम्बाल्यम्बिके न मां यमति कश्चन। ससस्त्यंश्वकः। यद्धरिणी यवमति न (४८)

पुष्टम्पशु मन्यते। शूद्रा यदर्यजारा न पोषाय धनायति। अम्बे अम्बाल्यम्बिके न मां यमति कश्चन। ससस्त्यंश्वकः। इयं युका शंकुन्तिकाहलमिति सर्पति। आहतं गभे पसो नि जल्गुलीति धाणिका। अम्बे अम्बाल्यम्बिके न मां यमति कश्चन। ससस्त्यंश्वकः। माता च ते पिता च तेऽग्रं वृक्षस्य रोहतः। (४९)

प्र सुलोमीति ते पिता गभे मुष्टिमन्सयत्। दधिक्राव्णो अकारिपं जिष्णोरश्वस्य वाजिनः। सुरभि नो मुखां कर्त्तृण् आयूरपि तारिषत्। आपो हि ष्ठा मंयोभुवस्ता न ऊर्जे दधातन। महे रणांय चक्षसे। यो वः शिवतमो रसस्तस्य भाजयतेह नः। उशतीरिव मातरः। तस्मा अरं गमाम वो यस्य क्षयांय जिन्वथा आपो जनयथा च नः॥ (५०)

आसामति न रोहतो जिन्वथ चत्वारि च॥ [१९]

भूर्भुवः सुवर्वसंवस्वाञ्जन्तु गायत्रेण छन्दसा रुद्रास्त्वाञ्जन्तु त्रैष्टुभेन छन्दसादित्यास्त्वाञ्जन्तु जागतेन

छन्दसा यद्वातो अपो अगमदिन्द्रस्य तनुमम्रियाम। एतः स्तोतरेतेन पथा पुनरश्वमा वर्तयासि नः। लाजी (३) ञ्छाची (३) न यशो ममा (४)म। युव्यायै गव्याया एतदेवा अन्नमतैतदन्नमद्धि प्रजापते। युञ्जन्ति ब्रध्नमरुपं चरन्तं परि तस्युपः। रोचन्ते रोचना दिवि। युञ्जन्त्यस्य काम्या हरी विपक्षसा रथै। शोणा धृष्ण नृवाहसा। केतुं कृण्वन्नकेतवे पेशो मर्या अपेशसै। समुषद्विरजायथाः॥ (५१)

ब्रध्नं पञ्चविंशतिश्च॥ [२०]

प्राणाय स्वाहा व्यानाय स्वाहाऽपानाय स्वाहा स्नावभ्यः स्वाहा सन्तानेभ्यः स्वाहा परिसन्तानेभ्यः स्वाहा पर्वभ्यः स्वाहा सन्धानेभ्यः स्वाहा शरीरेभ्यः स्वाहा यज्ञाय स्वाहा दक्षिणाभ्यः स्वाहा सुवर्गाय स्वाहा लोकाय स्वाहा सर्वस्मै स्वाहा॥ (५२)

प्राणायष्टाविंशतिः॥ [२१]

सिताय स्वाहाऽसिताय स्वाहाऽभिहिताय स्वाहाऽनभिहिताय स्वाहा युक्ताय स्वाहाऽयुक्ताय स्वाहा सुयुक्ताय स्वाहोद्युक्ताय स्वाहा विमुक्ताय स्वाहा प्रमुक्ताय स्वाहा वञ्चते स्वाहा परिवञ्चते स्वाहा संवञ्चते स्वाहाऽनुवञ्चते स्वाहोद्वञ्चते स्वाहा यते स्वाहा धावते स्वाहा तिष्ठते स्वाहा सर्वस्मै स्वाहा॥ (५३)

सितायाष्टात्रिंशत्॥ [२२]

बृहस्पतिः श्रद्धथा वा ऋक्षा वै प्रजापतिर्येनयेन द्वे वाव देवसूत्रे आदित्या अकामयन्त सुवर्गं वसिष्ठः संवत्सराय सुवर्गं ये सूत्रम्रह्मवादिनोऽतिरात्रो ज्योतिष्ठोमं मेषः कूप्याभ्योऽद्ध्यो यो नमो मयोभूः किं स्विदम्बे भूः प्राणाय सिताय द्वाविंशतिः॥ [२३]

[बृहस्पतिः प्रतितिष्ठन्ति वै दशरात्रेण सुवर्गं यो अर्वन्तं भूस्त्रिपञ्चाशत्॥53॥ बृहस्पतिः सर्वस्मै स्वाहा॥]

## ॥पञ्चमः प्रश्नः॥

॥तैत्तिरीयसंहितायां सप्तमकाण्डे पञ्चमः प्रश्नः॥

गावो वा एतथ्सुत्रमांसताशृङ्गाः सूतीः शृङ्गाणि नो जायन्ता इति कार्मेन तासां दश मासा निषण्णा आसन्नथ शृङ्गाण्यजायन्त ता उदतिष्ठन्नराध्मेत्यथ यासां नाजायन्त ताः संवत्सरमास्वोदतिष्ठन्नराध्मेति यासां चाजायन्त यासां च न ता उभयोरुदतिष्ठन्नराध्मेति गोसूत्रं वै (१)



संवत्सरो य एवं विद्वांसः संवत्सरमुपयन्त्यध्वन्त्येव तस्मात्तूपा वार्षिकौ मासौ पत्वा चरति सन्नाभिजितः हंस्ये तस्मात्संवत्सरसदो यत्किं च गृहे क्रियते तदात्मवरुद्धमभिजितं क्रियते समुद्रं वा एते प्र पूवन्ते ये संवत्सरमुपयन्ति यो वै समुद्रस्य पारं न पश्यन्ति न वै स तत् उदेति संवत्सरः (२)

वै समुद्रस्तस्यैतत्पारं यदतिरात्रौ य एवं विद्वांसः संवत्सरमुपयन्त्यनार्ता एवोदघं गच्छन्तीत्यं वै पूर्वोऽतिरात्रोऽसावृत्तरो मनः पूर्वो वागुत्तरः प्राणः पूर्वोऽपान उत्तरः प्ररोधनम्पूर्वं उदयनमुत्तरो ज्योतिष्टोमो वैश्वानरोऽतिरात्रो भवति ज्योतिरेव पुरस्ताद्वधते सुवर्गस्य लोकस्यानुख्यात्यै चतुर्विंशः प्रायणीया भवति चतुर्विंशतिरर्धमासाः (३)

संवत्सरः प्रयन्त एव संवत्सरे प्रति तिष्ठन्ति तस्य त्रीणि च शतानि षष्ठिश्च स्तोत्रीयास्तावतीः संवत्सरस्य रात्रय उभे एव संवत्सरस्य रूपे आप्नुवन्ति ते सस्थित्या अरिष्ट्या उत्तरैरहोभिश्चरन्ति षडहा भवन्ति षड्वा ऋतवः संवत्सर ऋतुष्वेव संवत्सरे प्रति तिष्ठन्ति गोश्रायुश्च मध्यतः स्तोमौ भवतः संवत्सरस्येव तन्मिथुनम्मध्यतः (४)

दधति प्रजननाय ज्योतिर्भितो भवति विमोचनमेव तच्छन्दास्येव तद्विमोचं यन्त्यथो उभयतोऽज्योतिषैव षडहेन सुवर्गं लोकं यन्ति ब्रह्मवादिनो वदन्त्यासन्ते केन यन्तीति देवयानेन पृथेति ब्रूयाच्छन्दांसि वै देवयानः पन्थां गायत्री त्रिष्टुब्जगती ज्योतिर्वै गायत्री गोस्त्रिष्टुगायुर्जगती यदेते स्तोमा भवन्ति देवयानेनैव (५)

तत्पथा यन्ति समानं सामं भवति देवलोको वै सामं देवलोकादेव न यन्त्यन्याअन्या ऋचो भवन्ति मनुष्यलोको वा ऋचो मनुष्यलोकादेवान्यमन्यं देवलोकमभ्यारोहन्तो यन्त्यभिवर्तो ब्रह्मसामम्भवति सुवर्गस्य लोकस्याभिवृत्त्या अभिजिद्ववति सुवर्गस्य लोकस्याभिजित्यै विश्वजिद्ववति विश्वस्य जित्यै मासिमांसि पृष्ठान्युपं यन्ति मासिमांस्यतिग्राह्यां गृह्यन्ते मासिमांस्येव वीर्यं दधति मासां प्रतिष्ठित्या उपरिष्ठान्मासां पृष्ठान्युपं यन्ति तस्मादुपरिष्टादोषधयः फलं गृह्णन्ति॥ (६)

गोसत्रं वा एति संवत्सरोऽर्धमासा मिथुनम्मध्यतो देवयानेनैव वीर्यत्रयोदश च॥

[१]

गावो वा एतत्सत्रमांसताशृङ्गाः सतीः शृङ्गाणि सिपांसन्तीस्तासां दश मासा निषण्णा आसन्नथ शृङ्गाण्यजायन्त ता अब्रुवन्नराध्मोर्त्तिष्ठामाव तं काममरुध्महि येन कामेन न्यपदामेति तासामु त्वा अब्रुवन्नर्या वा यावतीर्वासामहा एवेमौ द्वादशौ मासौ संवत्सरः सप्ताद्योर्त्तिष्ठामेति तासाम् (७)

द्वादशे मासि शृङ्गाणि प्रावर्तन्त श्रद्धया वाश्रद्धया वा ता इमा यास्तूपा उभय्यो वाव ता आप्नुवन् याश्च शृङ्गाण्यसन्वन् याश्चोर्जमवारुन्धतुर्धोति दशसु मासूतिष्ठन्नृधोति द्वादशसु य एवं वेदं पदेन खलु वा एते यन्ति विन्दति खलु वै पदेन यन्तद्वा एतदृद्धमयन्तस्मादेतद्गोसनि॥ (८)

तिष्ठामेति तासान्तस्माद्दे च॥

[२]

प्रथमे मासि पृष्ठान्युपं यन्ति मध्यम उपं यन्त्युत्तम उपं यन्ति तदाहुयां वै त्रिरेकस्याहं उपसीदन्ति

दहं वै सापराभ्यां दोहाभ्यां दुहेऽथ कुतः सा धौक्ष्यते यां द्वादश कृत्वं उपसीदन्तीति संवत्सरः सम्पाद्योत्तमे मासि सकृत्पृष्ठान्युपैयुस्तद्यजमाना यज्ञं पशूनवं रुन्धते समुद्रं वै (१)

एतं जनवारमपारम्प्रं प्लवन्ते ये संवत्सरमुपयन्ति यद्वहद्रथन्तरे अन्वर्जयुर्यथा मध्ये समुद्रस्य प्लवमन्वर्जयुस्तादृक्तदनुत्सर्गम्बृहद्रथन्तराभ्यामित्वा प्रतिष्ठां गच्छन्ति सर्वेभ्यो वै कामेभ्यः सन्धिर्दुहे तद्यजमानाः सर्वान्कामानवं रुन्धते॥ (१०)

**समुद्रं वै चतुस्त्रिंशच्च॥** [३]

सामान्यं ऋचौ भवन्ति मनुष्यलोको वा ऋचौ मनुष्यलोकादेव न यन्त्यन्यदन्यध्वसामं भवति देवलोको वै सामं देवलोकादेवान्यमन्यम्मनुष्यलोकप्रत्यवरोहन्तो यन्ति जगतीमग्नं उपं यन्ति जगतीं वै छन्दांसि प्रत्यवरोहन्त्याग्रयणं ग्रहां बृहत्पृष्ठानि त्रयस्त्रिंशश्च स्तोमास्तस्माज्ज्ञायाश्च सं कर्नीयान्प्रत्यवरोहति वैश्वकर्माणो गृह्यते विश्वान्येव तेन कर्माणि यजमाना अवं रुन्धत आदित्यः (११)

गृह्यत इयं वा अदितिरस्यामेव प्रति तिष्ठन्त्यन्योन्यो गृह्यते मिथुनत्वाय प्रजात्या अवान्तरं वै दशरात्रेण प्रजापतिः प्रजा असृजत् यदृशरात्रो भवति प्रजा एव तद्यजमानाः सृजन्त एताः ह वा उदङ्कः शौल्बायनः सत्रस्यद्धिमुवाच यदृशरात्रो यदृशरात्रो भवति सत्रस्यद्ध्या अथो यदेव पूर्वेष्वहःसु विलौम क्रियते तस्यैवेषा शान्तिः॥ (१२)

**आदित्यस्तस्यैव द्वे च॥** [४]

यदि सोमो सः सुतो स्यातांममहति रात्रिये प्रातरनुवाकमुपाकुर्यात्पूर्वो वाचस्पृवो देवताः पूर्वश्छन्दांसि वृद्धे वर्षण्वतीं प्रतिपदं कुर्यात्प्रातःसवनादेवेषामिन्द्रं वृद्धेऽथो खत्वाहुः सवनमुखेसवनमुखे कार्येति सवनमुखात्सवनमुखादेवेषामिन्द्रं वृद्धे संवेशायोपवेशाय गायत्रियास्त्रिष्टुभो जगत्या अनुष्टुभः पङ्क्ता अभिभूत्यै स्वाहा छन्दांसि वै संवेश उपवेशश्छन्दोभिरेवेषाम् (१३)

छन्दांसि वृद्धे सजनीयः शस्यं विहव्यः शस्यमगस्त्यस्य कयाशुभीयः शस्यमेतावद्वा अस्ति यावदेतद्वावदेवास्ति तदेषां वृद्धे यदि प्रातःसवने कलशो दीर्यत वैष्णवीपुं शिविविष्टवंतीपु स्तुवीरन् यद्वै यज्ञस्यातिरिच्यते विष्णुं तच्छिविविष्टमभ्यति रिच्यते तद्विष्णुः शिविविष्टोऽतिरिक्त एवातिरिक्तं दधात्यथो अतिरिक्तैवातिरिक्तमात्वावं रुन्धते यदि मध्यन्दिने दीर्यत वषट्कारनिधनः सामं कुर्युर्वषट्कारो वै यज्ञस्य प्रतिष्ठा प्रतिष्ठामेवैनद्रमयन्ति यदि तृतीयसवन एतदेव॥ (१४)

**छन्दोभिरेवेषामवैकात्रविंशतिश्च॥** [५]

पडहैर्मासांन्ध्रसम्पाद्याहुरुध्मुजन्ति पडहैरहि मासांन्ध्रसम्पश्यन्त्यर्धमासेर्मासांन्ध्रसम्पाद्याहुरुध्मुजन्त्यर्धमासैरहि मासांन्ध्रसम्पश्यन्त्यर्धमावास्यया मासांन्ध्रसम्पाद्याहुरुध्मुजन्त्यर्धमावास्यया हि मासांन्ध्रसम्पश्यन्ति पौर्णमास्या मासांन्ध्रसम्पाद्याहुरुध्मुजन्ति पौर्णमास्या हि मासांन्ध्रसम्पश्यन्ति यो वै पूर्ण आसिञ्चति परा स सिञ्चति

यः पूर्णादुदचंति (१५)

प्राणमस्मिन्स्य दधति यत्पौर्णमास्या मासांन्सम्पाद्याहंरुध्मृजन्ति संवत्सरायैव तत्प्राणं दधति तदनु सन्निष्ठाः प्राणन्ति यदहर्नोऽध्मृजेयुर्यथा दृतिरुपनद्धो विपतत्येव संवत्सरो वि पतेदार्तिमाच्छेयुर्यत्पौर्णमास्या मासांन्सम्पाद्याहंरुध्मृजन्ति संवत्सरायैव तदुदानं दधति तदनु सन्निष्ठा उत् (१६)

अनन्ति नार्तिमाच्छन्ति पूर्णमासे वै देवानां सुतो यत्पौर्णमास्या मासांन्सम्पाद्याहंरुध्मृजन्ति देवानामेव तद्यज्ञेन यज्ञमृत्यवरोहन्ति वि वा एतद्यज्ञं छिन्दन्ति यत्पण्डितसंततः सन्तमथाहंरुध्मृजन्ति प्राजापत्यम्पशुमालभन्ते प्रजापतिः सर्वा देवता देवताभिरेव यज्ञं सं तन्वन्ति यन्ति वा एते सर्वनाद्येऽहः (१७)

उध्मृजन्ति तुरीयं खलु वा एतध्मसर्वं यत्सांन्नाय्यं यत्सांन्नाय्यम्भवति तेनैव सर्वनात्र यन्ति समुपहूय भक्षयन्त्येतत्सोमपीथा ह्येतर्हि यथायतनं वा एतेषां सर्वनभार्जो देवता गच्छन्ति येऽहंरुध्मृजन्त्यनुसर्वनं पुरोडाशात्रिर्वपन्ति यथायतनादेव सर्वनभार्जो देवता अव रुन्धतेऽष्टाकपालान्प्रातःसर्वन एकादशकपालान्माध्यन्दिने सर्वनं द्वादशकपालांस्तृतीयसर्वनं छन्दास्स्येवात्वाव रुन्धते वैश्वदेवं चरुं तृतीयसर्वने निर्वपन्ति वैश्वदेवं वै तृतीयसर्वनन्तेनैव तृतीयसर्वनात्र यन्ति॥ (१८)

उदचत्युद्येऽहरात्वा पञ्चदश च॥ [६]

उध्मृज्या (३) त्रोध्मृज्या (३) मिति मीमांसन्ते ब्रह्मवादिनस्तद्वाहंरुध्मृज्यमेवेत्यंमावास्यायां च पौर्णमास्यां चोध्मृज्यमित्याहुर्ते हि यज्ञं वहत इति ते त्वाव नोध्मृज्ये इत्याहुय अवान्तरं यज्ञम्भेजाते इति या प्रथमा व्यष्टका तस्यामुध्मृज्यमित्याहुरेष वै मासो विश्व इति नार्दिष्टम् (१९)

उध्मृजेयुर्यदादिष्टमुध्मृजेयुर्यादृशे पुनः पर्याप्तावे मध्ये षडहस्यं सम्पद्येत षडहैमासांन्सम्पाद्य यत्संतममहस्तस्मिन्नुध्मृज्येयुस्तदग्नये वसुमते पुरोडाशमष्टाकपालं निर्वपेयुरेन्द्रं दधीन्द्राय मरुत्वन्ते पुरोडाशमेकादशकपालं वैश्वदेवं द्वादशकपालमग्नेर्वै वसुमतः प्रातःसर्वनं यदग्नये वसुमते पुरोडाशमष्टाकपालं निर्वपन्ति देवतामेव तद्वागिनीं कुर्वन्ति (२०)

सर्वनमष्टाभिरुपं यन्ति यदैन्द्रं दधि भवतीन्द्रमेव तद्वाग्धेयात्र च्यावयन्तीन्द्रस्य वै मरुत्वन्तो माध्यन्दिनं सर्वनं यदिन्द्राय मरुत्वन्ते पुरोडाशमेकादशकपालं निर्वपन्ति देवतामेव तद्वागिनीं कुर्वन्ति सर्वनमेकादशभिरुपं यन्ति विश्वेषां वै देवानामभुमतां तृतीयसर्वनं यद्वैश्वदेवं द्वादशकपालं निर्वपन्ति देवता एव तद्वागिनीः कुर्वन्ति सर्वनं द्वादशभिः (२१)

उपं यन्ति प्राजापत्यम्पशुमा लभन्ते यज्ञो वै प्रजापतिर्यज्ञस्याननुसर्गायाभिवर्त इतः षण्मासो ब्रह्मसामम्भवति ब्रह्म वा अभिवर्तो ब्रह्मणैव तत्सुवर्गं लोकमभिवर्तयन्तो यन्ति प्रतिकूलमिव हीतः सुवर्गो लोक इन्द्रं क्रतुं न आ भेर पिता पुत्रेभ्यो यथा शिक्षां नो अस्मिन्पुरुहूतं यामनि जीवा ज्योतिरशीमहीत्युमुत आयता षण्मासो ब्रह्मसामम्भवत्ययं वै लोको ज्योतिः प्रजा ज्योतिरिममेव तल्लोकमप्ययन्तोऽभिवदन्त आ

यन्ति॥ (२२)

नादिष्टकुर्वन्ति द्वादशभिरिति विंशतिश्च॥ [७]

देवानां वा अन्तं जग्मुर्षामिन्द्रियं वीर्यमपाक्रामत्तत्क्रोशेनावां रुन्धत् तत्क्रोशस्यं क्रोशत्वं यत्क्रोशेन चात्वाल्स्यान्तं स्तुवन्ति यज्ञस्यैवान्तं गत्वेन्द्रियं वीर्यमव रुन्धते सूत्रस्यर्द्धाहवनीयस्यान्तं स्तुवन्यग्निमेवोपद्रष्टारं कृत्वद्धिमुप यन्ति प्रजापतेरहृदयेन हविर्धानेऽन्तः स्तुवन्ति प्रेमाणमेवास्यं गच्छन्ति श्लोकेन पुरस्तात्सदसः (२३)

स्तुवन्यनुश्लोकेन पश्चाद्यज्ञस्यैवान्तं गत्वा श्लोकभाजो भवन्ति नवभिर्गन्धर्व्युरुद्रायति नव वै पुरुषे प्राणाः प्राणानेव यजमानेषु दधाति सर्वा ऐन्द्रियो भवन्ति प्राणेष्वेवेन्द्रियं दधत्यप्रतिहृताभिरुद्रायति तस्मात्पुरुषः सर्वाण्यन्यानि शीर्णोऽङ्गानि प्रत्यंचति शिर एव न पञ्चदश रथन्तरम्भवतीन्द्रियमेवाव रुन्धते सप्तदशम् (२४)

बृहदन्नाद्यस्वावरुद्धा अथो प्रैव तेन जायन्त एकविंशम्भद्रं द्विपदांसु प्रतिष्ठित्यै पत्न्यं उपं गायन्ति मिथुनत्वाय प्रजात्यै प्रजापतिः प्रजा असृजत् सौऽकामयतासामुहं राज्यं परीयामिति तासां राज्यं राजनेनेव राज्यं पर्येतद्राजुनस्यं राजनत्वं यद्राजुनम्भवति प्रजानामेव तद्यजमाना राज्यं परि यन्ति पञ्चविंशम्भवति प्रजापतेः (२५)

आस्यै पञ्चभिस्तिष्ठन्तः स्तुवन्ति देवलोकमेवाभि जयन्ति पञ्चभिरासीना मनुष्यलोकमेवाभि जयन्ति दश सम्पद्यन्ते दशाक्षरा विराडन्नं विराजैवान्नाद्यमव रुन्धते पञ्चधा विनिपद्यं स्तुवन्ति पञ्च दिशो दिक्ष्वेव प्रति तिष्ठन्त्येकैक्यास्तुतया समारयन्ति दिग्भ्य एवान्नाद्यं सम्भरन्ति तामिरुद्रातोद्गायति दिग्भ्य एवान्नाद्यम् (२६)

सम्भृत्य तेजं आत्मन्दधते तस्मादेकः प्राणः सर्वाण्यङ्गान्यवत्यथो यथा सुपर्ण उत्पतिष्यच्छिरं उत्तमं कुरुत एवमेव तद्यजमानाः प्रजानामुत्तमा भवन्त्यासन्दीमुद्राता रोहति साम्राज्यमेव गच्छन्ति प्लेङ्गं होता नाकस्यैव पृष्ठं रोहन्ति कूर्चावध्वर्युर्ब्रध्नस्यैव विष्टं गच्छन्त्येतावन्तो वै देवलकास्तेष्वेव यथापूर्वं प्रति तिष्ठन्त्यथो आक्रमणमेव तथ्येतुं यजमानाः कुर्वते सुवर्गस्य लोकस्य समष्टौ (२७)

सदसः सप्तदशं प्रजापतेर्गायति दिग्भ्य एवान्नाद्यम्प्रत्येकादश च॥ [८]

अर्क्येण वै संहस्रशः प्रजापतिः प्रजा असृजत् ताभ्य इलान्देनेरां लूतामवारुद्ध यदक्यम्भवति प्रजा एव तद्यजमानाः सृजन्त इलान्दम्भवति प्रजाभ्य एव सृष्टाभ्य इरां लूतामव रुन्धते तस्माद्यां समां सूत्रं समृद्धं क्षोधुकास्तां समां प्रजा इषः ह्यासामूर्जमाददते यां समां व्यृद्धमक्षोधुकास्तां समां प्रजाः (२८)

न ह्यासामिषमूर्जमाददत उत्क्रोदं कुर्वते यथा बन्धान्मुमुक्षुना उत्क्रोदं कुर्वत एवमेव तद्यजमाना देवबन्धान्मुमुक्षुना उत्क्रोदं कुर्वत इषमूर्जमात्मन्दधाना वाणः शततन्तुभवति शतायुः पुरुषः शतेन्द्रिय आयुष्वेवेन्द्रिये प्रति तिष्ठन्त्याजिं धावन्त्यनभिजितस्याभिजित्यै दुन्दुभीन्सुमाग्रन्ति परमा वा एषा वाग्या दुन्दुभौ परमामेव (२९)

वाचमव रुन्धते भूमिदुन्दुभिमा ग्रन्ति यैवेमां वाक्प्रविष्टा तामेवाव रुन्धतेऽथो इमामेव जयन्ति सर्वा

वाचो वदन्ति सर्वासां वाचामवरुद्धा आर्द्रे चर्मव्यायच्छेते इन्द्रियस्यावरुद्धा आन्यः क्रोशन्ति प्रान्यः शंसन्ति य आक्रोशति पुनात्येवैनान्थ स यः प्रशंसति पूतेष्वेवान्नाद्यं दधात्यृषिकृतं च (३०)

वा एते देवकृतं च पूर्वैर्मासैरव रुन्धते यद्भूतेच्छदाः सामानि भवन्त्युभयस्यावरुद्धौ यन्ति वा एते मिथुनाद्ये संवत्सरमुपयन्त्यन्तर्वेदि मिथुनौ सम्भवतस्तेनैव मिथुनान्न यन्ति॥ (३१)

**व्यूढमक्षौधुकास्ताः समां प्रजाः परमामेव च त्रिंशच्च॥** [९]

चर्माव भिन्दन्ति पाप्मानमेवेषामव भिन्दन्ति मापं राक्षसीमिति व्याप्सीरित्याह सम्प्रत्येवेषां पाप्मानमव भिन्दन्त्युदकुम्भानधिनिधाय दास्यो मार्जालीयं परि नृत्यन्ति पदो निघ्नतीरिदम्भुं गायन्त्यो मधु वै देवानां परममन्नाद्यं परममेवान्नाद्यमव रुन्धते पदो नि घ्नन्ति महीयामेवेषु दधति॥ (३२)

**चर्मैकान्नपञ्चाशत्॥** [१०]

पृथिव्यै स्वाहान्तरिक्षाय स्वाहा दिवे स्वाहा सम्प्रोष्यते स्वाहा सम्प्रवमानाय स्वाहा सम्प्रुताय स्वाहा मेघायिष्यते स्वाहा मेघायते स्वाहा मेघिताय स्वाहा मेघाय स्वाहा नीहाराय स्वाहा निहाकायै स्वाहा प्रासचाय स्वाहा प्रचलाकायै स्वाहा विद्योतिष्यते स्वाहा विद्योतमानाय स्वाहा संविद्योतमानाय स्वाहा स्तनयिष्यते स्वाहा स्तनयते स्वाहोग्रः स्तनयते स्वाहा वर्षयिष्यते स्वाहा वर्षते स्वाहाभिवर्षते स्वाहा परिवर्षते स्वाहा संवर्षते (३३)

स्वाहानुवर्षते स्वाहा शीकायिष्यते स्वाहा शीकायते स्वाहा शीकिताय स्वाहा प्रोषिष्यते स्वाहा प्रुण्णते स्वाहा परिप्रुण्णते स्वाहाद्रहीष्यते स्वाहाद्रुहते स्वाहोद्रुहीताय स्वाहा विप्रोष्यते स्वाहा विप्रवमानाय स्वाहा विप्रुताय स्वाहातपस्यते स्वाहातपते स्वाहोग्रमातपते स्वाहर्ग्यः स्वाहा यजुर्ग्यः स्वाहा सामर्ग्यः स्वाहाङ्गिरोग्यः स्वाहा वेदैर्ग्यः स्वाहा गार्ग्यः स्वाहा नाराशर्ग्यः स्वाहा रैर्ग्यः स्वाहा सर्वस्मै स्वाहा॥ (३४)

**सं वर्षते रैर्भीर्ग्यः स्वाहा द्वे च॥** [११]

दत्वते स्वाहाऽदन्तकाय स्वाहा प्राणिने स्वाहाऽप्राणाय स्वाहा मुखवते स्वाहाऽमुखाय स्वाहा नासिकवते स्वाहाऽनासिकाय स्वाहाऽक्षण्वते स्वाहाऽनक्षिकाय स्वाहा कर्णिने स्वाहाऽकर्णकाय स्वाहा शीर्षण्वते स्वाहाऽशीर्षकाय स्वाहा पृष्ठते स्वाहाऽपादकाय स्वाहा प्राणते स्वाहाऽप्राणते स्वाहा वदते स्वाहाऽवदते स्वाहा पश्यते स्वाहाऽपश्यते स्वाहा शृण्वते स्वाहाऽशृण्वते स्वाहा मनस्विने स्वाहा (३५)

अमनसे स्वाहा रेतस्विने स्वाहाऽरेतस्काय स्वाहा प्रजाभ्यः स्वाहा प्रजननाय स्वाहा लोमवते स्वाहाऽलोमकाय स्वाहा त्वचे स्वाहाऽत्वक्काय स्वाहा चर्मण्वते स्वाहाऽचर्मकाय स्वाहा लोहितवते स्वाहाऽलोहिताय स्वाहा मांसन्वते स्वाहाऽमांसकाय स्वाहा स्नावभ्यः स्वाहाऽस्नावकाय स्वाहाऽस्थन्वते स्वाहाऽनस्थिकाय स्वाहा मज्जन्वते स्वाहाऽमज्जकाय स्वाहाऽङ्गिने स्वाहाऽनङ्गाय स्वाहाऽऽत्मने स्वाहाऽनात्मने स्वाहा सर्वस्मै

स्वाहा॥ (३६)

म॒न॒स्विने॒ स्वाहाऽना॑त्मने॒ स्वाहा॒ द्वे च॑॥ \_\_\_\_\_ [१२]

कस्त्वा॑ युनक्ति॒ स त्वा॑ युनक्तु॒ विष्णु॑स्त्वा युनक्त॒स्य य॒ज्ञस्य॑र्द्धौ॒ मह्य॑ सन्न॑त्या अ॒मुष्मै॒ कामा॑यायुषे॒ त्वा प्रा॑णाय॒ त्वाऽपाना॑य॒ त्वा व्या॑नाय॒ त्वा व्यु॑ष्मे॒ त्वा र॒य्ये॒ त्वा रा॑र्धसे॒ त्वा घो॑षाय॒ त्वा पो॑षाय॒ त्वारा॑द्धोषाय॒ त्वा प्र॑च्युत्यै॒ त्वा॥ (३७)

कस्त्वा॒ऽष्टात्रि॑ंशत्॥ \_\_\_\_\_ [१३]

अ॒ग्नये॑ गा॒यत्राय॑ त्रि॒वृते॑ रा॒थेतरा॑य वास॒न्ताया॑ष्टाक॒पाल॒ इन्द्रा॑य त्रै॒ष्टुभा॑य प॒ञ्चद॑शा॒य वा॒र॒ह॒ताय॑  
अ॒ग्न्यायै॑कादशक॒पालो॒ विश्वे॑भ्यो॒ देवे॑भ्यो॒ जाग॑तेभ्यः सप्तद॒शेभ्यो॑ वैरू॒पेभ्यो॑ वा॒र्षिके॑भ्यो॒ द्वाद॑शक॒पालो॒ मि॒त्रावरु॑णाभ्यामा॒नु॒ष्ट॒भाभ्यामे॑कवि॒ंशाभ्या॑ वैरा॒जाभ्या॑ शार॒दाभ्या॑ प॒य॒स्यां बृ॒हस्प॑तये॒ पा॒ङ्काय॑ त्रि॒णवा॑य॒ शा॒क्राय॑  
हे॒म॒न्ति॒काय॑ च॒रुः सं॒वि॒त्र आ॑तिच्छ॒न्दसा॑य॒ त्रय॑स्त्रि॒ंशा॒य रे॒वता॑य॒ शैशि॑राय॒ द्वाद॑शक॒पालो॒ऽदित्यै॑ विष्णु॑प॒त्न्यै  
च॒रु॒र॒ग्नये॑ वैश्वान॒राय॑ द्वाद॑शक॒पालो॒ऽनु॑म॒त्यै च॒रुः का॑य॒ एक॑क॒पालः॥ (३८)

अ॒ग्नये॑ऽदित्या॒ अनु॑म॒त्यै सप्त॑च॒त्वारि॑ंशत्॥ \_\_\_\_\_ [१४]

यो वा अ॒ग्न्याग्निः प्र॑ह्वियते॒ यश्च॑ सोमो॒ राजा॑ तयो॑रेष आ॒तिथ्यं॑ यद॒ग्नीषो॑मीयोऽथैष रु॒द्रो यश्ची॑यते॒ यथ्स॑ञ्चितेऽग्रावे॒तानि॑ ह॒वी॑ऽपि॒ न नि॒र्वप॑दे॒ष ए॒व रु॒द्रोऽशा॑न्त॒ उपो॑त्थाय॒ प्र॒जां प॒शून् य॑ज॒मान॑स्या॒भि म॑न्येत॒ यथ्स॑ञ्चितेऽग्रावे॒तानि॑ ह॒वी॑ऽपि॒ नि॒र्वप॑ति॒ भाग॑धेये॒नैवे॑न॒ शम॑यति॒ नास्यं॑ रु॒द्रोऽशा॑न्तः (३९)

उ॒पो॒त्थाय॑ प्र॒जां प॒शून्॒भि म॑न्यते॒ दश॑ ह॒वी॑ऽपि॒ भव॑न्ति॒ नव॑ वै पु॒रुषे॑ प्रा॒णा नाभि॑र्दशमी प्रा॒णाने॒व य॑ज॒माने॑ दधा॒त्यथो॑ दशा॒क्षरा॑ वि॒राड॒न्नं वि॒राज्ये॒वात्रा॑द्ये॒ प्रति॑ तिष्ठ॒त्युतु॑भि॒र्वा ए॒ष छ॒न्दो॑भिः॒ स्तोमैः॑ पृ॒ष्ठैश्चे॒त्य॒ इत्या॑हु॒र्यदे॒तानि॑ ह॒वी॑ऽपि॒ नि॒र्वप॑त्यु॒तुभि॑रे॒वेन॑ छ॒न्दो॑भिः॒ स्तोमैः॑ पृ॒ष्ठैश्चि॑नुते॒ दिशः॑ सु॒षुवा॑णेन॒ (४०)

अ॒भिजि॒त्या इत्या॑हु॒र्यदे॒तानि॑ ह॒वी॑ऽपि॒ नि॒र्वप॑ति॒ दि॒शाम॑भिजि॒त्या ए॒तया॑ वा इन्द्रं॑ दे॒वा अ॑याज॒यन्त॑स्मादिन्द्र॒सुव॑ ए॒तया॑ म॒नु॒म॒नु॒ष्या॑स्तस्मा॒न्मनु॑स॒वो यथे॒न्द्रो दे॒वानां॑ यथा॒ मनु॑र्मनु॒ष्याणा॑मे॒वम्भ॑वति॒ य ए॒वं वि॒द्वान्ते॒तये॒ष्टा य॑जते॒ दिग्ब॑तीः पु॒रोनु॑वा॒क्या भ॑वन्ति॒ सर्वा॑सां दि॒शाम॑भिजि॒त्यै॥ (४१)

अशा॑न्तः सु॒षुवा॑णेनै॒कच॑त्वारि॒ंशच्च॑॥ \_\_\_\_\_ [१५]

यः प्रा॑णतो नि॒मिष॑तो म॒हित्वे॒क इ॒द्राजा॑ जग॑तो ब॒भूव॑। य ई॒शे अस्य॑ द्वि॒पद॑श्चतु॒ष्पदः॑ कस्मै॑ दे॒वाय॑ ह॒विषा॑ विधेम। उ॒प॒या॒म॒गृही॑तोऽसि प्र॒जाप॑तये॒ त्वा जु॒ष्टं गृ॒ह्णामि॑ तस्य॑ ते द्यौर्महि॒मा नक्ष॑त्राणि रू॒पमा॑दित्यस्ते तेज॒स्तस्मै॑ त्वा म॒हि॒म्ने प्र॒जाप॑तये॒ स्वाहा॑॥ (४२)

यः प्रा॑णतो द्यौ॒रा॒दित्यो॑ऽष्टात्रि॒ंशत्॥ \_\_\_\_\_ [१६]

य आ॑त्मा॒दा ब॑ल्दा॒ यस्य॑ विश्वं उ॒पास॑ते प्र॒शिपुं॑ यस्य॑ दे॒वाः। यस्य॑ छा॒यामृ॑तं॒ यस्य॑ मृत्युः कस्मै॑

देवाय हविषां विधेम। उपयामगृहीतोऽसि प्रजापतये त्वा जुष्टं गृह्णामि तस्य ते पृथिवी महिमौपधयो  
वनस्पतयो रूपमग्निस्ते तेजस्तस्मै त्वा महिम्ने प्रजापतये स्वाहा॥ (४३)

य आत्मदाः पृथिव्यग्निरेकान्नचत्वारिंशत्॥ [१७]

आ ब्रह्मन्ब्राह्मणो ब्रह्मवर्चसी जायतामाऽस्मिन्नाष्ट्रे राजन्यं इषव्यः शूरो महारथो जायतान्दोग्ध्रीं  
धेनुर्वोढाऽनघ्नानाशुः सतिः पुरंधियोषां जिष्णू रथेष्ठाः सभेयो युवाऽस्य यजमानस्य वीरो जायतान्निकांमेनैकामे  
नः पर्जन्यो वर्षतु फलिन्यो न ओषधयः पच्यन्तां योगक्षेमो नः कल्पताम्॥ (४४)

आ ब्रह्मन्नेकचत्वारिंशत्॥ [१८]

आक्रान् वाजी पृथिवीमग्निं युजमकृत वाज्यर्वाक्रान् वाज्यन्तरिक्षं वायुं युजमकृत वाज्यर्वा द्यां  
वाज्याऽक्रुंस्त सूर्यं युजमकृत वाज्यर्वाग्निस्ते वाजिन् युङ्क्षुः त्वा रभे स्वस्ति मा सम्पारय वायुस्ते वाजिन्  
युङ्क्षुः त्वा रभे स्वस्ति मा सम् (४५)

पारयादित्यस्ते वाजिन् युङ्क्षुः त्वा रभे स्वस्ति मा सम्पारय प्राणधृगंसि प्राणं मे दृह व्यानधृगंसि  
व्यानं मे दृहापानधृगंस्यपानं मे दृह चक्षुरसि चक्षुर्मयि धेहि श्रोत्रमसि श्रोत्रम्मयि धेह्यायुरस्यायुर्मयि  
धेहि॥ (४६)

वायुस्ते वाजिन् युङ्क्षुः त्वा रभे स्वस्ति मा सन्निचत्वारिंशच्च॥ [१९]

जज्ञि बीजं वर्ष्टा पर्जन्यः पक्तां सस्यं संपिप्पला ओषधयः स्वधिचरणेयं सूपसदनोऽग्निः  
स्वध्यक्षमन्तरिक्षं सुपावः पर्वमानः सूपस्थाना द्यौः शिवमसौ तपन् यथापूर्वमहोरात्रे पञ्चदशिनोऽर्धमासास्त्रिंशिनो  
मासाः कृता ऋतवः शान्तः संवत्सरः॥ (४७)

जज्ञि बीजमेकत्रिंशत्॥ [२०]

आग्नेयोऽष्टाकपालः सौम्यश्चरुः सावित्रोऽष्टाकपालः पौष्णश्चरु रौद्रश्चरुः अग्नये वैश्वानराय द्वादशकपालो  
मृगाखरे यदि नागच्छेदग्नयेऽहोमुचेऽष्टाकपालः सौर्यम्पयो वायव्यं आज्यभागः॥ (४८)

आग्नेयश्चतुर्विंशतिः॥ [२१]

अग्नयेऽहोमुचेऽष्टाकपाल इन्द्रायाहोमुच एकादशकपालो मित्रावरुणाभ्यामागोमुग्भ्यां पयस्यां  
वायोसावित्र आगोमुग्भ्यां चरुरश्विभ्यामागोमुग्भ्यां धाना मरुद्भ्य एनोमुग्भ्यः सप्तकपालो विश्वेभ्यो  
देवेभ्य एनोमुग्भ्यो द्वादशकपालोऽनुमत्ये चरुरग्नये वैश्वानराय द्वादशकपालो द्यावापृथिवीभ्यामहोमुग्भ्यां  
द्विकपालः॥ (४९)

अग्नयेऽहोमुचे त्रिंशत्॥ [२२]

अग्रये समनमपृथिव्यै समनमद्यथाग्निः पृथिव्या समनमदेवम्ब्रह्मन्मूढाः सन्नतयः सं नमन्तु वायवे समनमदन्तरिक्षाय समनमद्यथा वायुरन्तरिक्षेण सूर्याय समनमदिवे समनमद्यथा सूर्यो दिवा चन्द्रमसे समनमन्नक्षत्रेभ्यः समनमद्यथा चन्द्रमा नक्षत्रैर्वरुणाय समनमदद्भ्यः समनमद्यथा (५०)

वरुणोऽद्भिः साम्ने समनमदृचे समनमद्यथा सामर्चा ब्रह्मणे समनमत्क्षत्राय समनमद्यथा ब्रह्म क्षत्रेण राजे समनमद्विशे समनमद्यथा राजा विशा रथाय समनमदश्वेभ्यः समनमद्यथा रथोऽश्वैः प्रजापतये समनमद्वृतेभ्यः समनमद्यथा प्रजापतिभूतेः समनमदेवम्ब्रह्मन्मूढाः सन्नतयः सं नमन्तु॥ (५१)

अद्भ्यः समनमद्यथा मह्यं चत्वारि च॥ [२३]

ये ते पन्थानः सवितः पूर्व्यासोऽरेणवो वितता अन्तरिक्षे। तेभिर्नो अद्य पृथिभिः सुगेभी रक्षां च नो अधि च देव ब्रूहि। नमोऽग्रये पृथिविक्षिते लोकस्पृते लोकमस्मै यजमानाय देहि नमो वायवेऽन्तरिक्षक्षिते लोकस्पृते लोकमस्मै यजमानाय देहि नमः सूर्याय दिविक्षिते लोकस्पृते लोकमस्मै यजमानाय देहि॥ (५२)

ये ते चतुश्चत्वारिंशत्॥ [२४]

यो वा अश्वस्य मेध्यस्य शिरो वेदं शीरपुष्वान्मेध्यो भवत्युषा वा अश्वस्य मेध्यस्य शिरः सूर्यश्चक्षुर्वीतः प्राणश्चन्द्रमाः श्रोत्रन्दिशः पादा अवान्तरदिशाः पर्शवोऽहोरात्रे निमेषोऽर्धमासाः पर्वाणि मासाः सन्धानान्यृतवोऽङ्गानि संवत्सर आत्मा रश्मयः केशा नक्षत्राणि रूपन्तारका अस्थानि नभो माः सान्योपधयो लोमानि वनस्पतयो बाला अग्निर्मुखं वैश्वानरो व्यात्तम् (५३)

समुद्र उदरमन्तरिक्षम्पायुर्धावापृथिवी आण्डौ ग्रावा शेपः सोमो रेतो यज्ञञ्जभ्यते तद्वि द्योतते यद्विधूनुते तथस्तनयति यन्मेहति तद्वर्षति वागेवास्य वागहवी अश्वस्य जायमानस्य महिमा पुरस्ताञ्जायते रात्रिरनम्महिमा पश्चादनु जायत एतो वै महिमानावश्वमभितः सम्बभूवतुर्हयो देवानवहृदर्वासुरान् वाजी गन्धर्वानश्वा मनुष्यान्समुद्रो वा अश्वस्य योनिः समुद्रो बन्धुः॥ (५४)

व्यात्तमवहृद्वादश च॥ [२५]

गावो गावः सिषासन्तीः प्रथमे मासि संमान्यो यदि सोमो षडहैरुश्वस्य (३) देवानामर्क्येण चर्माव पृथिव्यै दत्वते कस्त्वाग्रये यो वै यः प्राणतो य आत्मदा आ ब्रह्मन्नाक्राञ्जि बीजमाग्नेयोऽष्टाकपालोऽग्रये-ऽहोमुचेऽष्टाकपालोऽग्रये समनमद्ये ते पन्थानो यो वा अश्वस्य मेध्यस्य शिरः प्रश्नविंशतिः॥ [२६]

[गावः समान्यः सर्वनमष्टभिर्वा एते देवकृतश्चाभिजित्या इत्याहुर्वरुणोऽद्भिः साम्ने चतुःपञ्चाशत्॥ 54॥



गावो योनिः समुद्रो बन्धुः॥]

---

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>

---